

॥ नमो तस्स भगवतो अरहतो सम्मासम्बुद्धस्स ॥

अभिधम्मावतार-पुराणटीका

१. पठमो परिच्छेदो

चित्तनिद्वेसवण्णना

८. तत्थ तेसु चतुब्बिधेसु परमत्थेसु, जातिनिद्वारणं । चित्तन्ति चित्तं नाम । विजानातीति विजाननं, विसयानं विजाननं विसयविजाननं । चित्तसरूपपरिदीपनमिदं वचनं । तस्स पन चित्तस्स को वचनत्थो को सदत्थो । वुच्चते आचरियेन । सब्बसङ्गाहकवसेन सब्बेसं चित्तानं सङ्गाहकनयवसेन । आरम्मणं चिन्तेति जानातीति चित्तं, तदा सब्बं चित्तं अधिप्पेतं । जवनवीथिवसेन अत्तसन्तानं चिनोतीति चित्तं, तदा कुसलाकुसलमहाकिरियाचित्तं अधिप्पेतं । अज्जेसं जवनानं अग्गहणं कामावचरजवनानि एव येभ्यवसेन सत्तक्खत्तुं जवन्तीति आपनत्थं ।

९. विचित्तं करणं यस्स तं विचित्तकरणं, तस्स भावो विचित्तकरणा । “इमस्स रूपस्स उद्धं इदं होतु, हेट्ठा इदं होतु, उभयपस्से इदं”न्ति चिन्तेत्वा यथाचिन्तितेन कमेन सेसचित्तरूपनिष्पादनं होति, एवं यं किञ्चि लोके विचित्तं सिप्पजातं, सब्बं तं चित्तेनेव करीयति । एवं विचित्तकरणताय चित्तं । तदा करणताय चित्तं करोतीति चित्तं । इदं तद्धितपदं । वा अयं अज्जो नयो । तं अत्तनो चित्तताय अज्जदेव सरागं चित्तं, अज्जं सदोसं, अज्जं समोहं । अज्जं कामावचरं, अज्जं रूपावचरादिभेदं । अज्जं रूपारम्मणं, अज्जं सद्दादिआरम्मणं । रूपारम्मणेसुपि अज्जं नीलारम्मणं, अज्जं पीतादिआरम्मणं । सद्दादिआरम्मणेसुपि एसेव नयो । सब्बेसुपि तेसु अज्जं हीनं, अज्जं मज्झिमं, अज्जं पणीतं । हीनादीसुपि अज्जं छन्दाधिपतेय्यं, अज्जं चित्ताधिपतेय्यं, अज्जं वीरियाधिपतेय्यं, अज्जं वीमंसाधिपतेय्यं, तस्मा यस्स इमेसं सम्पयुत्तभूमिआरम्मणहीनमज्झिमपणीताधिपतीनं वसेन अत्तनो चित्तताय चित्तं । चित्तो एतस्मिं अत्थीति चित्तं । तदा सब्बं चित्तं । पज्जत्तियम्पि विज्जाणे विचित्ते चित्तस्स कम्मं चित्तकम्मं, चित्तकम्ममेव चित्तकम्मकं, चित्तकम्मके विचित्ते इध इमस्मिं अधिकारे चित्तसम्मुति चित्तसद्दो विज्जाणे चित्ते विज्जुना दट्ठब्बो ।

तं पन सब्बसङ्गाहकवसेन चिन्तेतीति आदिना वुत्तप्पकारं चित्तं । सारम्मणतो सारम्मणभावेन एकविधं । सविपाकाविपाकतो सविपाकाविपाकवसेन दुविधं । तत्थ तस्मिं दुविधे चित्ते सविपाकं नाम चित्तं कुसलाकुसलं, अविपाकं अब्बाकतं, कुसलाकुसलभावेन अकथितन्ति अत्थो । कुसलजाति अकुसलजाति अब्बाकतजातीति जातिभेदतो तिविधं ।

तत्थ तस्मिं वचने “कुसल”न्ति एतस्स सदस्स पन को वचनत्थो ।

१०. कुच्छित्तानं सलनतो पापकानं धम्मानं कम्पनतो विद्धंसनतो । कुच्छित्तेनाकारेण सयन्तीति कुसा, कुसानं अकुसलसङ्घातानं लवनेन छिन्दनतो । कुच्छित्ते साति तनुं करोतीति कुसं, कुसेन जाणेन लातब्बत्ता गहेतब्बत्ता । वा अयं अज्जो नयो ।

११. कुसलसद्दोयं अयं कुसलसद्दो छेके अत्थे आरोग्यत्थे अनवज्जत्थे इट्ठविपाके अत्थेपि दिट्ठो अम्हेहि । इध इमस्मिं

अधिकारे अनवज्जादिके अत्थे दिट्ठो । आदि-सद्देन आरोग्यत्थइट्ठविपाकत्था गहेतब्बा । दिट्ठो यस्मा, तस्मा अनवज्जइट्ठविपाकलक्खणं कुसलं । नत्थि अवज्जं किलेसावज्जं किलेसदोसो किलेसदरथो एतस्साति अनवज्जं, कम्मेन विपच्चीयतेति विपाको, इट्ठानिट्ठादिआरम्माणानुभवनवसेन, अत्तनो सभावेन च इट्ठो विपाको एतस्साति इट्ठविपाकं, अनवज्जमेव इट्ठविपाकं, तं लक्खीयति अनेन अविज्जातं लक्खितब्बं कुसलन्ति लक्खणं, अनवज्जइट्ठविपाकं लक्खणं एतस्साति **अनवज्जइट्ठविपाकलक्खणं** । अनवज्जइट्ठविपाकमेव कुसलं । ननु कथं सयमेव अत्तनो लक्खणं भवेय्याति चोदना भवेय्य विज्जाताविज्जातसद्वत्थभावेन लक्खणलक्खितब्बभावयुत्तितो । कुसलसद्वत्थवसेन हि अविज्जातं अपाकटं कुसलं लक्खितब्बं होति । अनवज्जइट्ठविपाकसद्वत्थवसेन विज्जातं पाकटं कुसलं लक्खणं होति । **अकुसलविद्धंसनरसं** अकुसलानं विद्धंसनं अकुसलविद्धंसनं, तं रसो किच्चमेतस्साति अकुसलविद्धंसनरसं, अकुसलविद्धंसनकिच्चं । वोदानभावेन पच्चुपट्ठातीति **वोदानपच्चुपट्ठानं**, वोदानउपट्ठानाकारं वोदानगम्हाकारं । **वा** अयं अज्जो नयो । वज्जपटिपक्खत्ता अनवज्जलक्खणमेव कुसलं, वज्जपटिपक्खलक्खणं कुसलन्ति अत्थो । **वोदानभावरसं** वोदानभावसम्पत्तिकं । **इट्ठविपाकपच्चुपट्ठानं** इट्ठविपाकफलं । योनिसोमनसिकारपदट्ठानं पदञ्च तं ठानज्जाति पदट्ठानं, उभो कारणत्थाधिवचनं, तस्मा आसन्नकारणन्ति अत्थो, इतरथा पुनरुत्तिदोसो सिया, योनिसोमनसिकारो पदट्ठानं आसन्नकारणं एतस्साति **योनिसोमनसिकारपदट्ठानं** ।

सावज्जानिट्ठविपाकलक्खणं अकुसलं । तदुभयविपरीतं तेहि उभयेहि कुसलाकुसलेहि विपरीतं अविपाकलक्खणं एतस्साति **तदुभयविपरीतलक्खणं** अब्याकतं । **वा** अयं अज्जो नयो । **अविपाकारहं** विपाकस्स अननुच्छविकं ।

सवत्थुकावत्थुकभेदतोति सवत्थुकं हदयवत्थुकं, अवत्थुकं हदयवत्थुविरहितं ।

१२. उद्धानतो सङ्खेपवसेन किलेसवत्थुवसेन दुवे कामा होन्ति । छन्दरागोव किलेसो, तेभूमके पवत्तं वट्टसहितं वत्थु, वसति किलेसो एत्थाति **वत्थु** ।

१३. किलेसकामो वत्थुं कामेति इच्छति, वत्थु किलेसकामेन कामीयति इच्छीयतीति कत्तुकारककम्मकारकद्वये साधनद्वये **एस** एसो दुविधोपि कामो सिज्झति ।

१४-५. सो अयं दुविधोपि कामो यस्मिं पदेसे सम्पत्तीनं वसेन अवचरति, **इति** तस्मा कारणा सो पन पदेसो चतुपायानं छन्नं देवानं मनुस्सानं वसेन एव एकादसविधो होति ।

१६. कामोवचरतीति एत्थ एतस्मिं एकादसविधे पदेसे कामो अवचरति, **इति** तस्मा कारणा सो पदेसो **अस्स** कामस्स अनेन कामेन अभिलक्खितत्ता कामावचरसज्जितो । अभिलक्खितसद्वत्थयोगे ततियत्थे “अस्सा”ति छट्ठी होतीति सद्वत्थविदू पठन्ति । ससत्थावचरो पदेसो विय सत्ते ससन्ति हिंसन्ति तेहीति सत्था, सह सत्थेहीति ससत्था, ससत्था पुरिसा अवचरन्ति एत्थाति **ससत्थावचरो** । यथा हि यस्मिं पदेसे ससत्था पुरिसा अवचरन्ति, सो पदेसो विज्जमानेसुपि अज्जेसु द्विपदचतुष्पदेसु अवचरन्तेसु तेसं उपलक्खितत्ता “ससत्थावचरो”त्वेव वुच्चति, एवं विज्जमानेसुपि अज्जेसु रूपावचरादीसु तत्थ अवचरन्तेसु तेसं अभिलक्खितत्ता अयं पदेसो “कामावचरो”त्वेव वुच्चति ।

१७. यथा रूपभवो उत्तरपदस्स लोपं कत्वा रूपन्ति वुत्तो, एवं तथा **स्वायं** सो अयं एसो कामावचरो उत्तरपदस्स लोपं कत्वा **कामो इति सज्जितो** कामो नाम उदीरितो पण्डितेन कथितो ।

१८. तस्मिं कामे इदं चित्तं तस्मिं कामावचरे सदा अवचरति, **इति** तस्मा कारणा कामावचरं इति एवं **कामघातिना** कामानं विनासकेन बुद्धेन कथितं । किञ्चापि एतं रूपारूपभवेसुपि अवचरति, यथा पन सङ्गामे येभ्युयेन अवचरणतो “सङ्गामावचरो”ति लद्धनामो नागो नगरे चरन्तोपि “सङ्गामावचरो”त्वेव वुच्चति, थलचरजलचरा पाणिनो अथले अजले ठितापि “थलचरजलचरा”त्वेव वुच्चन्ति, एवं इदं अज्जत्थ अवचरन्तम्पि कामावचरमेवाति दट्ठब्बं । आरम्भणकरणवसेन वा एत्थ कामो अवचरतीतिपि कामावचरं । कामज्जेस रूपारूपावचरेसुपि अवचरति, यथा पन वदतीति वच्छो, महियं सेतीति महिसोति वुत्ते न यत्तका वदन्ति, महियं वा सेन्ति, सब्बेसं तं नामं होति, एवंसम्पदमिदं दट्ठब्बं ।

१९. पटिसन्धिं भवे कामे कामभवसङ्घाते कामे पटिसन्धिं अवचारयति, **इति** तस्मा कामावचरं । इति एवं **वा** अयं अज्जो नयो । तत्र तस्मिं कामावचरे **परियापन्नं** अन्तोगधं, **इति** तस्मा कामावचरं ।

२०. अट्ठविधं चित्तं कामावचरसज्जितं **इदं** अट्ठविधं चित्तं । दसपुज्जकिरियवत्थुवसेनेव पुज्जकिरिया एव तेसं तेसं फलानिसंसां वत्थूनि कारणानीति पुज्जकिरियवत्थूनि, तेसं वसो, तेन पवत्तति ।

२१. दानं सीलं भावना पत्तिदानं वेय्यावच्चं धम्मदेसना अनुमोदना दिट्ठिजुभावो **संसुति** धम्मस्सवनञ्च **अपचायो** अपचायनं, एवं इमिना मया वुत्तप्पकारेन पुज्जानि एव वत्थूनि पुज्जवत्थूनि, तेसं पभेदो **पुज्जवत्थुप्पभेदो जेय्यो** पण्डितेन जानितब्बो ।

२२-३. गच्छन्ति सङ्गहं दाने पत्तिदानानुमोदना दाने सङ्गहं गच्छन्ति, वेय्यावच्चापचायना सीलमये पुज्जे सङ्गहं गच्छन्ति, धम्मदेसना धम्मस्सवनं दिट्ठिउजुका भावनामये पुज्जे सङ्गहं गच्छन्ति, दस पुज्जकिरियापि च तीणि एव सम्भोन्ति ।

२४. सब्बानुस्सतिपुज्जञ्च पसंसा सरणत्तयं रतनत्तयगुणपसंसा च एते दिट्ठिजुकम्महि सङ्गहन्ति, तस्मिं सङ्गहपापुणे **संसयो** सन्देहो नत्थि ।

२५. पुरिमा चेतना ततो पुब्बभागे पवत्ता चेतना, **मुज्जचेतना** पच्चुप्पन्ना चेतना, **परचेतना** पच्छाकाले पवत्ता चेतना, तिस्सोपि चेतना दानमये पुज्जे होन्ति । **एवन्ति** यथा तिस्सोपि चेतना दानमये पुज्जे होन्ति, एवं तथा दानमयपुज्जतो **सेसेसुपि** सीलमयभावनामयेसु तिस्सो चेतना पण्डितो **दीपये** कथेय्य ।

हि सच्चं यदा पन यो पुगलो देय्यधम्मपटिग्गाहकादिसम्पत्तिं **आगम्म** पटिच्च । **पटिग्गाहकादिसम्पत्तिन्ति** एत्थ **आदि-**सद्देन देसकालकल्याणमितादयो गहिता । **अज्जं वा सोमनस्सहेतुन्ति** अज्ज-ग्गहणेन सद्दाबहुलताविसुद्धिदिट्ठिताकुसलकिरियानिसंसदस्सितासोमनस्सपटिसन्धिकतादीनं सङ्गहो । **अत्थि दिन्नं** दानस्स फलं अत्थि । **आदि-**सद्देन अत्थिहुतादयो गहिता । **पुरक्खत्वाति** पुरतो कत्वा । **परेहि अनुस्साहितो** अचोदितो दानादीनि पुज्जानि करोति । **दानादीनीति** वचनेन देय्यधम्मं निस्साय पवत्तदानचेतना गहेतब्बा । तदा **अस्स** पुगलस्स । सङ्खरणं सङ्खारो, नत्थि सङ्खारो एतस्साति असङ्खारो, तं एव **असङ्खारिकं**, अप्पयोगन्ति अत्थो । **वुत्तनयेनाति** वुत्तनयो नाम “देय्यधम्मपटिग्गाहकादिसम्पत्ति”न्ति वचनं । इमस्मिं पनत्थे सङ्खरोतीति **सङ्खारो** नाम अत्तनो वा पवत्तस्स पुब्बप्पयोगस्स अधिवचनं, परस्स वा पवत्तपुब्बप्पयोगस्स अधिवचनं । अयमस्स अधिप्पायो — यदा यो “दानादीनि करिस्सामी”ति चित्तं समुप्पादेत्वा नाकासि, पच्छा अत्तनो पुब्बचेतनाय उस्साहितो करोति, तदा ससङ्खारिकं होति, अत्तनो पुब्बप्पयोगेन सह

पवत्ततीति अत्थो । **पटिपत्तिदस्सनेन** पटिपज्जितब्बा सीलादीहि पटिपज्जन्ति जानन्ति गच्छन्ति वा निब्बानं एतायाति पटिपत्ति, ताय दस्सनं पटिपत्तिदस्सनं, तेन । जातो परिचयो एतेसन्ति **जातपरिचया** । **सहसाति** वेगेन । **चतूसुपि विकप्पेसु** दस्सेय्य ।

२६. दसपुञ्जक्रियादीनं वसेन च बहूनिपि भवन्ति एतानि पन चित्तानि दसपुञ्जकिरियादीनं वसेनपि बहूनिपि भवन्ति इति एवं **पकासये** भगवा पकासेय्य ।

२७. सत्तरस सहस्सानि, द्वे सतानि असीति च ।
कामावचरपुञ्जानि, भवन्तीति विनिद्दिसेति ॥ —

कामावचरपुञ्जानि सत्तरस सहस्सानि च द्वे सतानि च असीति च भवन्ति, इति वचनं **विनिद्दिसे** आचरियो कथेय्य ।

दसपुञ्जक्रियावत्थु, छद्वाराधिपतीहि च ।
कायादीहि च तीहेव, हीनादीहि च तीहि तु ॥

द्वीसु भवेसु कामभवरूपभवेसु । **पटिपदादिभेदतो** दुक्खापटिपदं दन्धाभिज्जं, दुक्खापटिपदं खिप्पाभिज्जं, सुखापटिपदं दन्धाभिज्जं, सुखापटिपदं खिप्पाभिज्जं । **रूपावचरभावनापुञ्जवसप्पवत्तं** रूपावचरे पवत्तस्स भावनापुञ्जस्स वसेन पवत्तं **रूपावचरूपपत्तिनिष्फादकं** रूपावचरे उपपत्तिया पटिसन्धिया निष्फादकं होति ।

सवत्थुकावत्थुकभेदतोति अरूपावचरं यदा कामरूपे जायति, तदा हृदयवत्थुं निस्साय जायति, इति तस्मा सवत्थुकं नाम जातं । यदा अरूपे जायति, तदा हृदयवत्थुं अनिस्साय जायति, इति तस्मा अवत्थुकं नाम जातं ।

आकासानञ्चायतनस्स **कसिणुग्घाटिमाकासं** आरम्मणं । विज्जाणञ्चायतनस्स **तत्थ पवत्तविज्जाणं**, तस्मिं कसिणुग्घाटिमाकासे पवत्तं विज्जाणं चित्तं आरम्मणं होति । आकिञ्चञ्चायतनस्स **तस्स अपगमो** तस्स आकासानञ्चायतनस्स अपगमो अभावो वोहारो आरम्मणं होति । नेवसञ्जानासञ्चायतनस्स **आकिञ्चञ्चायतनं** आरम्मणं होति ।

रूपे सज्जा **रूपसज्जा** । सज्जासीसेन चित्तम्पि गहितं । **समतिक्कमा** कसिणुग्घाटिमाकाससमतिक्कमनेन । पटिघे द्वारारम्मणानं सङ्खट्टने पवत्ता सज्जा पटिघसज्जा । द्विपञ्चविज्जाणानं अधिवचनं । तासं **पटिघसज्जानं** द्विपञ्चविज्जाणानं **अत्थङ्गमा** अत्थङ्गमेन । नाना अत्ता सभावो एतस्साति नानत्तं, आरम्मणं, नानत्ते नानासभावे पवत्ता सज्जा **नानत्तसज्जा**, नाना अत्ता सभावो एतस्साति वा नानत्ता, सायेव सज्जा **नानत्तसज्जा**, कामावचरसज्जाति अत्थो । तासं **नानत्तसज्जानं अमनसिकारा** अमनसिकारेन ।

नियतानियतवत्थुकभेदतोति सोतापत्तिमग्गो नियतवत्थुको । कस्मा? कामरूपेसुयेव हृदयवत्थुं निस्साय उप्पज्जनतो । इतरे पन तयो मग्गा अनियतवत्थुका । कस्मा? कामरूपेसु हृदयवत्थुं निस्साय जायन्ति, अरूपे हृदयवत्थुं अनिस्साय जायन्ति, तस्मा अनियतवत्थुका । **तीहि विमोक्खमुखेहीति** सुज्जतअनिमित्तअप्पणिहितसङ्घातेहि तीहि विमोक्खमुखेहि ।

यस्स संविज्जन्ति, तं पुग्गलं वट्ठस्मिं संयोजेन्ति बन्धन्तीति संयोजना ।

सक्कायदिट्ठिविचिकिच्छासीलब्बतपरामासायेव संयोजना सक्कायदिट्ठिविचिकिच्छासीलब्बतपरामाससंयोजना, तेसं पहानं सक्कायदिट्ठिविचिकिच्छासीलब्बतपरामाससंयोजनप्पहानं, तं करोतीति

सक्कायदिट्ठिविचिकिच्छासीलब्बतपरामाससंयोजनप्पहानकरं, सोतापत्तिमग्गचित्तं । मानोपि एकदेसतो अपायगामिकोयेव पहिय्यते । सोतापत्तिमग्गेन निस्सेसतो न पहिय्यते । सेसकिलेसेसुपि एसेव नयो । उद्धच्चं पन एकदेसतोपि अपायगामिकम्पि न पहिय्यति । सकदागामिमग्गचित्तं रागदोसमोहानं तनुत्तकरं । सोतापत्तिमग्गेन नासितसंयोजनानं पहानं कस्मा न वुत्तन्ति चे? पठममग्गतो दुतियमग्गस्स महन्तत्ता पठममग्गेन नासिता संयोजना दुतियमग्गेन नासिताति पज्जायति, इति यस्मा, तस्मा न वुत्तं । ततियचतुत्थमग्गेसुपि एसेव नयो । **एत्थ** एतस्मिं लोकोत्तरचित्ते । **एकेकन्ति** विच्छावसेन वुत्तं । **मग्गानुरूपन्ति** वचनं पठममग्गस्स पठमफलज्ज अनुरूपन्ति विज्जापनत्थं ।

२८. कामे अट्ठेव कामावचरे अट्ठ एव चित्तानि, **रूपे** रूपभवे **पज्ज** चित्तानि, अरूपिसु **चत्तारि** चित्तानि, **अनुत्तरानि** लोकोत्तरचित्तानि चत्तारि, **एवं** इमिना मया वुत्तप्पकारेन **कुसलानि** चित्तानि एकवीसति होन्ति ।

२९. कुसलाकुसलापगतेन सता मुनिना कुसलतो, अकुसलतो च अपगतेन सता सतिसम्पन्नेन कुसले **कुसलेन** छेकेन **वसिना** पज्जवसीहि समन्नागतेन **यं** कुसलचित्तं **चतुभूमिगतं** चतूसु भूमीसु पवत्तं **सकलं** सब्बं **लपितं** कथितं, तं कुसलचित्तं **मयापि** बुद्धदत्ताचरियेन **लपितं** कथितं ।

नियतानियतवत्थुवसेनाति पटिघसम्पयुत्तद्वयं कामेयेव हृदयवत्थुं निस्साय जायति, अज्जभूमीसु न जायति, तस्मा नियतवत्थुकं होति । इतरानि पन अकुसलानि कामरूपेसु उप्पज्जनकाले हृदयवत्थुं निस्साय जायन्ति, अरूपे हृदयवत्थुं अनिस्साय जायन्ति, तस्मा अनियतवत्थुकानि, तेन । **पटिसन्धिजनकाजनकवसेन चाति** उद्धच्चसहगतं पटिसन्धिं न जनेति । यदि पटिसन्धिं जनेय्य, अपायेसुयेव जनेय्य । कस्मा? सोतापत्तिमग्गेन एकदेसतो अपायगामिकम्पि न जहितं, सब्बं न जहितन्ति अत्थो । सोपि मग्गो अपायगामी न होति । अज्जे पन किलेसा एकदेसवसेन अपायगामिका जहिता, तेन पठममग्गेनाति तस्मा न जनेति । एकादसविधं पन पटिसन्धिं जनेति, तेन ।

दिट्ठमङ्गलादीनीति आदि-सद्देन सुतमङ्गलादीनि गहितानि । **सारतो** उत्तमतो **पच्चेति** सद्वहति । सभावतिक्खेन सभावो तिक्खो एतस्साति सभावतिक्खं, तेन **सभावतिक्खेन** ।

अस्स पन पटिघसम्पयुत्तस्स **पाणातिपातादीसु** अकुसलकम्मेसु तिक्खप्पवत्तिकाले असङ्खारिकस्स उप्पत्ति, मन्दप्पवत्तिकाले ससङ्खारिकस्स उप्पत्ति वेदितब्बा ।

तस्स मोमूहस्स ।

दुक्खविसेसस्स दुक्खनानत्तस्स ।

३०. लोभमूलवसेन अट्ठ चित्तानि, दोसमूलवसा **दुवे** चित्तानि, मोहमूलवसेन **द्वे** चित्तानि । **एवं** इमिना मया वुत्तप्पकारेन अकुसलानि द्वादसप्पकारानि **सियं** भवेय्युं ।

३१. यं पापमानसं यं अकुसलचित्तं **पापापापेसु** पापअपापेसु कुसलाकुसलेसु **अपापेन** अप्पवत्तेन पापापापप्पहीनेन

वृत्तं ईरितं कथितं, तं पापमानसं तं अकुसलचित्तं मया समुदाहृतं कथितं ।

यथा पनस्स यथा पन अस्स विपाकस्स कुसलं दानादिवसेन दानादीनं दसपुञ्जकिरियवत्थूनं वसेन छसु आरम्मणेषु पवत्तति, इदं विपाकचित्तं तथा न पवत्तति । हि सच्चं इदं विपाकं पटिसन्धिभवङ्गचुतितदारम्मणवसेन परित्तधम्मपरियापन्नेसु कामावचरधम्मन्तो गधेसु छसु आरम्मणेषु पवत्तति । सम्पयुत्तधम्मानञ्च विसेसे असतिपि कुसलसम्पयुत्तधम्मतो अस्स विपाकस्स, सम्पयुत्तधम्मानञ्च नानत्ते असतिपि इदं विपाकं आदासतलादीसु धम्मजातेसु मुखनिमित्तं विय निरुस्साहं । अयमस्साधिप्पायो — यथा आदासतले मुखनिमित्तं मुखे चलिते चलति, अचलिते न चलति, मुखस्स कारणं विना मुखनिमित्तस्स विय कारणं नत्थि, एवं कुसलकारणा विपाकस्स अञ्जं कारणं नत्थि, निरुस्साहं विपाकं ।

३२. कामावचरदेवानं मनुस्सानं इमे अट्ठ महाविपाका दुहेतुकतिहेतुकानं कामावचरदेवानं, मनुस्सानञ्च पटिसन्धियो भवन्ति ।

३३-४. ततो परं पवत्तियं यावतायुक्तं भवङ्गं हुत्वा बलवारम्मणे अतिमहन्तविभूतारम्मणे तदारम्मणञ्च हुत्वा ततो परं मरणकालस्मिं चुति हुत्वा पवत्तन्ति, एवं इमिना मया वुत्तप्पकारेण चतूसु ठानेसु विपच्चन्ति विपाकभावेन जायन्ति ।

३५. सभूमिकुसलेहेव महापाका समा विना महापाका कम्मद्वारं कम्मकारणं विना, कम्मञ्च महापुञ्जानं किरियवत्थुकं विना वज्जेत्वा सभूमिकुसलेहेव अत्तनो भूमियं पवत्तेहि कुसलेहि एव समा सदिसा । कम्मद्वारं नाम कायविज्जत्तिकम्मद्वारं, वचीविज्जत्तिकम्मद्वारं, भवङ्गसङ्घातं मनोद्वारं, इति तिविधं कम्मद्वारं कम्मकारणं । कम्मं नाम अट्ठकामावचरकुसलचेतना इध अधिप्पेता ।

३६. पाका कुसलविपाका अविज्जत्तिजनत्ता च विज्जत्ति च विज्जत्ति च विज्जत्तिविज्जत्तियोति वत्तब्बे सरूपेकसेसं कत्वा “विज्जत्ती”ति वृत्तं, ता जनेन्तीति विज्जत्तिजना, न विज्जत्तिजना अविज्जत्तिजना, तेसं भावो अविज्जत्तिजनत्तं । तस्मा अविज्जत्तिजनत्ता कायविज्जत्तिवचीविज्जत्तिसङ्घातानं कम्मद्वारानं अजनकत्ता मनोद्वारसङ्घातस्स कम्मद्वारस्स वसेन च अप्पवत्तनतो अविपाकसभावतो च अकम्मभावतो च अप्पवत्तनतो चेव पुञ्जकिरियवत्थुवसेन अप्पवत्तनतो चेव पुञ्जेहि नो समा असदिसा ।

३७-९. परित्तारम्मणत्ता हि तेसमेकन्ततो तेसं विपाकानं एकन्ततो परित्तारम्मणत्ता कामावचरारम्मणत्ता तेसु विपाकेसु सत्तपञ्जत्तिकारम्मणा करुणामुदिता कदाचि किस्मिञ्च काले न जायन्ति, तथा एवं तिस्सो पन विरतियो एतेसु विपाकेसु न जायन्ति, हि कस्मा कारणा न जायन्ति, पञ्च सिक्खापदा कुसलाति कुसला नामाति सत्थुना वुत्ता यस्मा कारणा, तस्मा न जायन्ति । तथाधिपतिनोपेत्थ तथा एवमेव चत्तारो अधिपतिनोपि एतेसु विपाकेसु न सन्ति । कस्मा? छन्दादीनि धम्मजातानि पुरेतरं कत्वा अनुप्पज्जनतो न सन्ति, इति वचनं विनिद्दिसे आचरियो कथेय्य ।

४०. असङ्खारससङ्खारविधानं पन पुञ्जतो विपाकेसु असङ्खारससङ्खारविधानं पुञ्जतो कुसलतो आगमनवसेन जेय्यं । तत्थ एकच्चानं आचरियानं मतेन मुखे चलिते आदासतले मुखनिमित्तचलनं विय असङ्खारस्स कुसलस्स विपाको असङ्खारो होति, ससङ्खारस्स कुसलस्स विपाको ससङ्खारो होति, एवं आगमनवसेन जेय्यं । पच्चयतो चेव जेय्यं तत्थ एकच्चानं आचरियानं मतेन बलवन्तेहि विभूतेहि पच्चयेहि कम्मादीहि उप्पन्नो असङ्खारो दुब्बलेहि ससङ्खारोति एवं

पच्चयवसेन विज्जेयं जानितब्बं ।

४१-२. हीनादीनं पुज्जानं विपाकत्ता हीनादयो विपाका पुज्जवादिना जिनेन परिदीपिता भवन्ति, इति एवं इमिना वृत्तपकारेण पवत्तं इदं अट्ठविधं चित्तं एकन्तेन सवत्थुकं कामलोकस्मिं जायते, अज्जत्थ पन अज्जासु भूमीसु न जायते ।

विज्जाणपज्जकं नियतारम्मणन्ति चक्खुविज्जाणस्स रूपमेव आरम्मणं, न सद्वादयो । सेसत्तयं यदा चक्खुविज्जाणेन गहितं आरम्मणं करोति, तदास्स रूपं आरम्मणं होति । यदा सोतविज्जाणेन गहितं, तदास्स सद्दो आरम्मणो होति । यदा घानजिह्वाकायविज्जाणेहि गहितानि आरम्मणानि करोन्ति, तदास्स गन्धरसफोटुब्बारम्मणानि होन्ति । मनोविज्जाणधातुद्वयं यदा तदारम्मणं होति, तदा छआरम्मणं होति, एवं अनियतारम्मणं होति ।

रूपारम्मणाय किरियामनोधातुया अपगमो पदद्वानं आसन्नकारणं एतस्साति अपगमपदद्वानं, ताय आवज्जनं कत्वा ठिताय चक्खुविज्जाणेन दस्सनकिच्चं करीयतीति अत्थो । तथाभावपच्चुपद्वानं सम्पटिच्छनभावेन गद्दाकारं । सन्तीरणादिरसा सोमनस्सयुत्ता मनोविज्जाणधातुसन्तीरणतदारम्मणरसा, उपेक्खायुत्ता पन सन्तीरणतदारम्मणपटिसन्धिभवङ्गचुतिरसा, तथाभावपच्चुपद्वाना सन्तीरणादिभावेन गद्दाकारं ।

४३. कामावचरपुज्जस्स कामावचरकुसलस्स सोळस विपाका होन्ति । इति यं वचनं वुत्तं, तं वचनं तिहेतुकपुज्जस्स उक्कट्टस्स वसेन आचरियो परिदीपये । अयमेत्थ अत्थो — छन्दाधिपतेय्यादीनं वसेन उक्कट्टतिहेतुककुसलं कामसुगतियं तिहेतुकपटिसन्धिं दत्वा पवत्ते अट्ठ अहेतुककुसलविपाकानि, अट्ठ महाकुसलविपाकानीति सोळस पाकानि निष्फादेति ।

४४. कुसलानुगतं कत्वा भाजितं किं महग्गतं विपाकचित्तं कुसलानुगतं कुसलं अनुगतं कत्वा महग्गतकुसलचित्तेन समानं कत्वा भगवता भाजितं देसितं । किं केन कारणेन? कामावचरपुज्जं कामावचरकुसलं इव असमानफलं नत्थि यतो यस्मा कारणा, तस्मा विपाकं कुसलानुगतं कत्वा भगवता भाजितं देसितं । कामावचरपुज्जंवाति यथा अट्ठविधेसु कामावचरकुसलेसु उक्कट्टतिहेतुककुसलं कामसुगतियं तिहेतुकपटिसन्धिं दत्वा पवत्ते सोळस कुसलविपाकानि निष्फादेति, तिहेतुकओमकज्ज दुहेतुकउक्कट्टज्ज कामसुगतियं दुहेतुकपटिसन्धिं दत्वा पवत्ते तिहेतुकविरहितानि अहेतुकदुहेतुकसङ्घातानि विपाकानि निष्फादेति, दुहेतुकओमकं पन कामसुगतियं अहेतुकपटिसन्धिं दत्वा पवत्ते अट्ठ अहेतुकविपाकानि निष्फादेति, एवं कामावचरपुज्जं असमानफलं होति ।

४५. गजादीनं छाया गजादिसदिसा होति यथा, एवं महग्गतविपाकं सब्बथा सब्बपकारेण अत्तनो कुसलेहेव समानं होति ।

४६-७. कामावचरपुज्जं नापरापरियवेदनं इदं महग्गतकुसलं कामावचरपुज्जं अपरापरियवेदनं अपरस्मिं भवे फलदायकं न होति, ज्ञाना अपरिहीनस्स भवगामिनो पटिसन्धिगामिनो सत्तस्स कुसलानन्तरंयेव फलं उप्पज्जति, इति च जापनत्थं एतस्स महग्गतविपाकस्स कुसलानुगतं कुसलानुगमनं भगवता कतं ।

४८. एत्थ एतस्मिं महग्गतविपाके पटिपदाक्कमो तेसज्ज हीनादीनं भेदतो ज्ञानागमनतो महग्गतकुसलज्ञानस्स आगमनवसेन विभाविना पण्डितेन वेदितब्बो ।

४९. एत्थ विपाके छन्दादिअधिपतीनं अभावो, अयमेव विसेसतो कुसलतो अयं एव विसेसो, सेसं सब्बपकारं अविसेसेन कुसलेन समं मतं कथितं भगवता ।

५०. सुज्जतं अनिमित्तन्ति, तथापणिहितन्तिपि सुज्जतं अनत्ता, अनिमित्तं अनिच्चं, अप्पणिहितं दुक्खं इति एतानि तीणि नामानि मग्गस्स अनन्तरे चतुब्बिधस्स मग्गस्स अनन्तरे चतुब्बिधे फले होन्ति ।

५१. लब्धन्ति परभागस्मिं मग्गानन्तरे पवत्तफलतो अज्जस्मिं काले वळज्जनफलेसु फलसमापत्तिसमापज्जनकालेसु एतानि तीणि नामानि न लब्धन्ते, फलेहि विपस्सनावसेनेव अनत्तअनिच्चदुक्खसङ्घातानं तिण्णं विपस्सनानं वसेन एव तानि तीणि नामानि लब्धरे फलेहि लब्धन्ते ।

५२. होन्ति साधिपतीनेव लोकुत्तरफलानि तु एकन्ततो साधिपतीनि एव होन्ति, लोकुत्तरफलानि ठपेत्वा अज्जस्मिं विपाके अधिपती नत्थि ।

५३. मग्गो अत्तनो मग्गभावेन मग्गो नाम वुच्चते भगवता । फलं मग्गं उपादाय अट्ठङ्गिकमग्गं निस्सयं कत्वा मग्गो नाम इति वचनं वुच्चते भगवता ।

५४. इमे सत्त अकुसलविपाका । गावो चरन्ति एत्थाति गोचरो, तस्सदिसत्ता गोचरो आरम्मणन्ति अत्थो, अनिट्ठो च अनिट्ठमज्झत्तो च अनिट्ठानिट्ठमज्झत्ता, तेयेव गोचरो अनिट्ठानिट्ठमज्झत्तगोचरो, तस्मिं अनिट्ठानिट्ठमज्झत्तगोचरे वत्तरे वत्तन्ति । सुखादित्तययुत्ता ते ते अट्ठ अहेतुककुसलविपाका सुखादित्तययुत्ता सुखसोमनस्सउपेक्खावेदनाहि सहगता । दुक्खुपेक्खायुत्ता इमे इमे सत्त अहेतुकअकुसलविपाका दुक्खुपेक्खावेदनाहि सहगता ।

५५. एवं छत्तिं सत्ता पाकं पाकसासनपूजितो सुगतो । किं विसिद्धो? पाकं नाम असुरं, तं सासति, पाकेन अत्तनो पुज्जफलेन देवे अनुसासतीति वा पाकसासनो, को सो? सक्को । तेन पाकसासनेन पूजितो सविपाकाविपाकेसु कुसलविपाककिरियेसु कुसलो छेको एवं इमिना मया वुत्तप्पकारेन पाकं चित्तं छत्तिं सप्पकारं अब्धि अवोच ।

अनुळारेसूति खुद्दकेसु । तथाभावपच्चुपट्टाना छळारम्मणविजाननगद्दाकारा । सब्बज्जुतज्जाणस्स गति विय गति एतस्साति सब्बज्जुतज्जाणगतिका ।

५६. सोमनस्सयुत्तानट्ठ, कुसलाकुसलानि च सोमनस्सयुत्तानि अट्ठ कुसलाकुसलानि च, क्रियतो पन पच्च एवं इमिना मया वुत्तप्पकारेन हासचित्तानि तेरस ।

५७. पुथुज्जना हसन्तेत्थ एत्थ एतेसु तेरसचित्तेसु पुथुज्जना पन अट्ठहि चित्तेहि हसन्ति । सेखा सत्त अरिया छहि चित्तेहि हसन्ति । असेखा खीणासवा पच्चहि चित्तेहि हसन्ति ।

कुसलानि पन रूपारूपकुसलानि सेखपुथुज्जनानं उप्पज्जन्ति । इमानि रूपारूपकिरियानि खीणासवानं भावनायेव कारो भावनाकारो, तस्स वसो भावनाकारवसो, तेन पवत्तानि । तानि रूपारूपकुसलानि भावनापुज्जवसप्पवत्तानि भावनाकुसलवसेन पवत्तानि । इमेसं रूपारूपकिरियानं तेसज्ज रूपारूपकुसलानं अयमेव विसेसो ।

५८-९. या पुथुज्जनकालस्मिं, अभिनिब्बत्तिता पन पुथुज्जनकालस्मिं पुथुज्जनभावद्वितेन योगिना अभिनिब्बत्तिता या रूपारूपसमापत्ति, सा रूपारूपसमापत्ति सो योगी खीणासवो भिक्खु हुत्वा नं रूपारूपसमापत्तिं याव यत्तकं कालं न समापज्जते, ताव तत्तकेन कालेन तस्स खीणासवभिक्खुनो कुसला एव रूपारूपकुसला एव होति । खीणासवेन सा रूपारूपसमापत्ति सचे यदि समापन्ना समापज्जिता, क्रिया रूपारूपकिरिया होति ।

६०. एकादसविधं कामे कामावचरे किरियचित्तं एकादसविधं, रूपे रूपावचरे पञ्च, अरूपिसु चत्तारि इति सब्बानि क्रियचित्तानि वीसति ।

६१. लोकुत्तरक्रियचित्तं, पन कस्मा न विज्जति? मग्गस्स एकचित्तक्खणिकत्ता न विज्जति । अयमेत्थ अधिप्पायो — चतुमग्गट्ठो खीणासवो नाम न होति, मग्गानन्तरमेव फलं उपज्जति, मग्गोपि एकचित्तक्खणिको यदि चित्तं बहुचित्तक्खणिकं, फलसमङ्गिनो खीणासवस्सपि मग्गचित्तं भवेय्य, एवं सति लोकुत्तरकिरियचित्तं भवेय्याति अधिप्पायो ।

६२. क्रियाक्रियापत्तिविभागदेसको करणं क्रियं, क्रियं नाम विनयपरियायेन अकत्तब्बस्स करणं, न करणं अक्रियं, अक्रियं नाम विनयपरियायेन कत्तब्बस्स अकरणं, आपज्जनं आपत्ति, क्रियाय करणेन आपत्ति क्रियापत्ति, अक्रियाय अकरणेन आपत्ति अक्रियापत्ति, क्रियापत्ति च अक्रियापत्ति च क्रियापत्याक्रियापत्तियो, एकस्स आपत्ति-सदस्स लोपं कत्वा “क्रियाक्रियापत्तियो”ति वुत्तं, तासं विभागो क्रियाक्रियापत्तिविभागो, देसेतीति देसको, तस्स देसको क्रियाक्रियापत्तिविभागदेसको । ण्वु-तु-पच्चयेसु परेसु कम्मत्थे छट्ठी होतीति वदन्ति । जिनो किं विसिद्धो? क्रियाक्रियापत्तिविभागदेसको हिताहितानं सक्रियाक्रियारतो हितस्स सक्रियाय रतो, अहितस्स अक्रियाय रतो, यं क्रियाक्रियं, क्रियं नाम क्रियचित्तं, अक्रियं नाम कुसलाकुसलविपाकचित्तं इच्छन्ति एके । तं न । कस्मा? कुसलाधिकारे “कुसलं मुनिना लपितं” अकुसलाधिकारे “पापमानसं पापापापेस्वपापेन वुत्तं” विपाकाधिकारे “पाकं सुगतो अब्रवी”ति वत्वा पुन क्रियाधिकारे “कुसलाकुसलविपाकानि अवोचा”ति वचनस्स वत्तब्बाभावतो । तेन वास्स क्रियाक्रियं एतस्साति क्रियाक्रियं, क्रियाक्रियसभावन्ति अत्थो । अयमेव सारतो पच्चेतब्बो । यं क्रियाक्रियं चित्तं क्रियाक्रियासभावं अवोच देसेसि, तं क्रियाक्रियं क्रियाक्रियसभावं मया समीरितं, सम्मा पकारेन ईरितं कथितं ।

६४. एकूननवुति सब्बे, चित्तुप्पादा महेसिना लोकुत्तरे अट्ठ कत्वा एकूननवुति सब्बे चित्तुप्पादा महेसिना तथागतेन समासतो सङ्खेपतो निदिद्धा ।

६५. पिटके अभिधम्मस्मिं, ये भिक्खू पाटवत्थिनो अभिधम्मपिटके पटुनो भावो पाटवं, तेन अत्थो पाटवत्थो, सो एतेसं अत्थीति पाटवत्थिनो, छेकभावत्थिका ये भिक्खू, तेहि भिक्खूहि अयं अभिधम्मावतारो उग्गहेतब्बो सिक्खितब्बो पुनप्पुनं चिन्तितब्बो ।

६६. ये जना तस्सङ्कासेन तंसन्निभेन अभिधम्मावतारेन अभिधम्ममहोदधिं महासागरसन्निभं अभिधम्मं तरन्ति, ते इमं लोकं परलोकञ्च तरन्ति । इतीति परिसमापने ।

इति अभिधम्मावतारटीकाय

चित्तनिद्देसवण्णना निद्धिता ।

पठमो परिच्छेदो ।

२. दुतियो परिच्छेदो

चेतसिकनिद्देसवण्णना

६७. चित्तानन्तरमुद्दिट्ठा, ये च चेतसिका मया ये च चेतसिका चित्तानन्तरं मया उद्दिट्ठा, इतो परं इदानीं तेसं चेतसिकानं विभाजनं करिस्सामि अहं ।

इमेसु पन करुणामुदितावसेन भावनाकाले करुणापुब्बभागो वा, अप्पनापत्ताय करुणाय पुब्बभागो, तस्मिं पुब्बभागे, करुणातो पुब्बभागे कामावचरचित्तेति अत्थो । एका करुणा उप्पज्जति । मुदितापुब्बभागो वा अप्पनापत्ताय मुदिताय पुब्बभागे एका मुदिता उप्पज्जति । इमिना कामावचरचित्तेन योगी मिच्छाकम्मन्तादीहि धम्मोहि विरमति । रमु-धातु कीळायं, वि-सद्दो विरमणत्थो ।

६८. आदिना पुज्जचित्तेन, तेत्तिस नियता मता आदिना पुज्जचित्तेन पठममहाकुसलचित्तेन सह नियता तेत्तिस चेतसिका भगवता मताति, अथ वा करुणामुदिता अनियता एकेन धम्मेन सह चतुत्तिस धम्मा भवन्ति ।

६९. कस्मा पनेत्थ मेत्ता च, उपेक्खा च न उद्धटा एत्थ एतेसु येवापनकधम्मेसु, निद्धारणं, मेत्ता च उपेक्खा च धम्मराजेन सत्थुना न उद्धटा न वुत्ता कस्मा कारणा ।

७०. अब्यापादेन मेत्तापि अब्यापादेन मेत्ता गहिता, उपेक्खाति तत्रमज्झत्तताय च गहिता यस्मा कारणा, तस्मा उभोपेता भगवता न गहिता ।

७१. कस्मा येवापना धम्मा, बुद्धेनादिच्चबन्धुना सब्बे ते येवापना धम्मा येवापननामका पाळियं सरूपेन एव । बन्धति स्नेहेन एतस्मिन्ति बन्धु, आदिच्चस्स बन्धु आदिच्चबन्धु, तेन आदिच्चबन्धुना बुद्धेन न च उद्धटा न देसिता ।

७२. कस्मा कारणा? यस्मा अनियता केचि येवापनका अनियता, यस्मा कारणा रासिं दुक्कवग्गादिरासिं न भजन्ति न सेवन्ति, यस्मा कारणा केचि येवापनका दुब्बला, तस्मा पाळियं भगवता न वुत्ता ।

७३. छन्दाधिमोक्खमुदिता मनसि च कारो,

मज्झत्तता च करुणा विरतित्तयज्ज ।

पुज्जेसु तेन नियतानियता च सब्बे,

येवापना मुनिवरेन न चेव वुत्ता ॥

छन्दाधिमोक्खो मुदिता मनसिकारो मज्झत्तता करुणा विरतित्तयज्ज पुज्जेसुकुसलेसु नियता चत्तारो अनियता पज्ज सब्बे येवापना न च एव तेन मुनिवरेन वुत्ता ।

७४-८०. कस्मा पनेत्थ फस्सोव, पठमं समुदीरितो एत्थ एतेसु चेतसिकेसु, जातिनिद्वारणं, फस्सोव पठमं समुदीरितो कथितो । कस्मा कारणा? किर मया सुतं, आरम्मणे चित्तस्स पठमं अभिनिपातत्ता फस्सो पठमं समुदीरितो, फुसित्वा पन फस्सेन फस्सेन आरम्मणं फुसित्वा योगिनो वेदनाय आरम्मणं वेदये, सज्जाय सज्जानाति, चेतनाय आरम्मणं चेतये । सहजातानं चेतसिकानं फस्सोव इध इमस्मिं चित्ते महेसिना पठमं वुत्तो । हि कस्मा कारणा? यस्मा बलवपच्चयत्ता, तस्मा वुत्तो । अकारणमिदं सब्बं, चित्तानं तु सहेव च “पठमाभिनिपातत्ता”ति च “बलवपच्चयत्ता”ति च इदं सब्बं वचनं अकारणं अहेतुकं अयुत्तं, कस्मा कारणा? चित्तजानं चित्तेहि सहप्पवत्तानं चेतसिकानं एकुप्पादादिभावेन समानुप्पादसमाननिरोधसमानालम्बणसमानवत्थुकभावेन पवत्तितो अकारणं अयुत्तं । अयं तु पठमुप्पन्नो, अयं पच्छाति नत्थिदं अयं धम्मो पठमुप्पन्नो, अयं धम्मो पच्छाकाले उप्पन्नो इति इदं वचनं नत्थि । बलवपच्चयत्तेपि कारणं न च दिस्सति । देसनाक्कमतो चेव पठमं समुदीरितो इच्चेवं इति एवं इति इमिना मया वुत्तप्पकारेन फस्सस्स पठमं समुदीरितं विज्जुना विभाविना विज्जेय्यं, विसेसतो विसेसेन अज्जथा न विज्जेय्यं । न च परियेसितब्बोयं, तस्मा पुब्बापरक्कमो यस्मा कारणा अयं पुब्बापरक्कमो विज्जुना न च परियेसितब्बो न गवेसितब्बो, धम्मा एव वचनत्थलक्खणादीहि विजानता पण्डितेन परियेसितब्बा ।

इट्ठाकारानुभवनरसा इट्ठारम्मणानुभवनकिच्चा सुभोजनरसं अनुभवन्तो राजा विय । चेतसिकअस्सादपच्चुपट्टाना चेतसिकपस्सद्विपदट्टाना ।

पच्चाभिज्जाणकरणरसा पटिजाननकिच्चा वड्ढकिस्स अभिज्जाणकरणमिव वड्ढकिनो सकिं सज्जानित्वापि दारुहरेसु सुत्तस्स पटिपसारणं वियाति अधिप्पायो । यथागहितनिमित्तवसेनाति यथापवत्तितनिमित्तस्स वसेन । मनसि अभिनिवेसकरणं गट्ठाकारा ।

आयूहनरसा पवत्तनकिच्चसाधका । महावड्ढकिआदयो विय यथा महावड्ढकी सयम्पि दारुं तच्छति, परेपि दारुं तच्छापेति, एवं सयम्पि आरम्मणे सन्दहति, सम्पयुत्तधम्मोपि अभिसन्दहापेति ।

आहननं भुसो हननं, परियाहननं समन्ता हननं, तं रसो एतस्साति आहननपरियाहननरसो ।

आरम्मणानुमज्जनलक्खणो आरम्मणपरिमहनलक्खणो ।

पिनयतीति पीति, सहजातधम्मो आरम्मणे पिनयतीति अत्थो । कायचित्तफरणरसा । उदग्गस्स चित्तस्स भावो ओदग्यं, तं पच्चुपट्टानं एतस्साति ओदग्यपच्चुपट्टाना ।

सद्वहन्ति वत्थुत्तयं सद्वहन्ति । अकालुसियपच्चुपट्टाना अनाविलभावपच्चुपट्टाना । सद्धेय्यवत्थुपदट्टाना सद्वहितब्बवत्थुत्तयासन्नकारणा ।

अरज्जगतसुदेसको विय अरज्जे गतो मग्गसुदेसको विय ।

अत्तना अविनिब्भुत्तानं धम्मनन्ति अविगतानं चेतसिकानं । तेसन्ति तेसं चेतसिकानं धम्मनं । सन्तेपि च तेसं चेतसिकानं अनुपालनलक्खणादिहि विधाने अत्थिक्खणेयेव तं तेसं पालेतब्बानं चेतसिकानं पवत्तक्खणेयेव तं जीवितं ते धम्मो पालेतब्बे चेतसिके अनुपालेति । उदकं वियाति यथा उदकं अत्तनि उप्पलादीनि अनुपालेति, तथा

अनुपालनलक्खणादिहि विधाने सन्तेपि तेसं अत्थिक्खणेयेव अनुपालेति, विज्जमानक्खणेव अनुपालेतीति अधिप्पायो। पच्चयुप्पन्नेपि च धम्मे अनुपालेति, धाति विय कुमारं अज्जाय जनितं कुमारं रक्खन्ती धाति विय, परस्स पुत्तं अङ्कादिना धारेतीति धाति। सयंपवत्तितधम्मसम्बन्धेनेव पवत्तति अत्तना पवत्तितेहि धम्मेहि सम्पवत्तति। नियामको विय यथा नियामको एकनावाय वुत्थेहि जनेहि सह पवत्तति, भङ्गतो उद्धं तं जीवितं न पवत्तयति, अत्तनो च अभावा उपयितब्बानं चेतसिकानञ्च अभावा, भङ्गक्खणे चेतसिके न ठपेति सयं भिज्जमानत्ता, वट्टिस्रेहो खीयमानो पदीपसिखं न करोति यथा।

सोम्मभावपच्चुपट्टानोति मुदुभावपच्चुपट्टानो, सीतलभावपच्चुपट्टानो वा।

कायोति चेत्थ वेदनादयो तयो खन्धा वेदनाक्खन्धो सज्जाक्खन्धो सङ्खारक्खन्धो इमे खन्धा गहिता।

निम्मद्वनरसाति निम्मद्वनकिच्चा। कायचित्तानं अवूपसमताउद्धच्चादिकिलेसपटिपक्खभूताति आदिग्गहणेन कुक्कुच्चं गहेतब्बं।

इति अभिधम्मावतारटीकाय

चेतसिकनिद्देसवण्णना निट्ठिता।

दुतियो परिच्छेदो।

३. ततियो परिच्छेदो

चेतसिकविभागनिद्देसवण्णना

८९. सब्बे चेतसिका वुत्ता, बुद्धेनादिच्चबन्धुना ये सब्बे चेतसिका आदिच्चबन्धुना बुद्धेन वुत्ता, ते सब्बे चेतसिका नामसामञ्जतो नामसमानभावेन द्वेपज्जासभवन्ति ते, अनोत्तप्पपरियोसाना द्विपज्जास भवन्ति।

९०-९२. चतुपज्जासथा कामे, रूपे पञ्चदसेरिता कामे कामावचरे चतुपज्जास चित्तानि ईरिता। रूपे रूपावचरे पञ्चदस चित्तानि ईरिता भवन्ति। द्वादसारूपे अरूपावचरे द्वादस चित्तानि भवन्ति। चत्तालीस मनासवा लोकुत्तरचित्तानि चत्तालीस भवन्ति, एकवीससतं सब्बे चित्तुप्पादा समासतो सङ्खेपतो एकवीससतं होति। एतेसु तेसमुप्पत्तिं इतो परं एतेसु मया वुत्तेसु चित्तेसु तेसं फस्सादीनं धम्मानं उप्पत्तिं एकं एकं उद्धरित्वा चित्तचेतसिकेसु भिक्खूनं पाटवत्थाय अहं पवक्खामि देसिस्सामि।

९३. एकग्गता चित्तेकग्गता मनक्कारो मनसिकारो जीवितं फस्सपञ्चकं एते अट्ठ चेतसिका अविनिब्भोगा अज्जमञ्जतो अविगता एकुप्पादा समानुप्पादा सहक्खया सहवया।

९४. फस्सो च वेदना सज्जा, चेतना जीवितिन्द्रियं एकग्गता मनक्कारो इमे चेतसिका सब्बसाधारणा सब्बचित्तेहि साधारणा, सब्बचित्तानं साधारणा वा।

१५. वितक्को पञ्चपञ्जास-चित्तेसु समुदीरितो। चारो छसट्ठिचित्तेसु वितक्को ताव
द्विपञ्चविज्जाणवज्जितकामावचरेसु चेव एकादससु पठमज्झानचित्तेसु चाति पञ्चपञ्जासचित्तेसु भगवता समुदीरितो।
विचारो द्विपञ्चविज्जाणवज्जितकामावचरचित्तेसु एकादससु पठमज्झानचित्तेसु च एकादससु दुतियज्झानचित्तेसु चाति
छसट्ठिचित्तेसु जायति। एत्थ एतस्मिं वचने संसयो नत्थि।

१६. एकपञ्जासचित्तेसु, पीति तेसट्ठिया सुखं पीतिदोमनस्सुपेक्खासहगतकायविज्जाणचतुत्थज्झानवज्जितेसु
एकपञ्जासचित्तेसु जायति। सुखं दोमनस्सदुक्खुपेक्खासहगतवज्जितेसु तेसट्ठिचित्तेसु जायति। उपेक्खा
सोमनस्ससुखदुक्खसहगतवज्जितेसु पञ्चपञ्जासचित्तेसु जायति। दुक्खं अकुसलविपाककायविज्जाणपटिघसहगतेसु
तीसु चित्तेसु जायति।

१७. होति द्वासट्ठिचित्तेसु, सोमनस्सिन्द्रियं पन दोमनस्सदुक्खसुखुपेक्खासहगतवज्जितेसु द्वासट्ठिचित्तेसु जायति।
दुक्खिन्द्रियं पनेकस्मिं अकुसलविपाके कायविज्जाणे जायति। तथेकस्मिं सुखिन्द्रियं तथा एकस्मिं पुज्जपाके
कायविज्जाणे होति।

१८. पञ्चुत्तरसते चित्ते, वीरियं आह नायको जिनो पञ्चद्वारावज्जनद्विपञ्चविज्जाणसम्पटिच्छनसन्तीरणवज्जिते
पञ्चुत्तरसते चित्ते वीरियं आह कथेसि। चतुत्तरसते चित्ते, समाधिन्द्रियमब्रि
विचिकिच्छासहगतद्विपञ्चविज्जाणसम्पटिच्छनसन्तीरणपञ्चद्वारावज्जनवज्जिते चतुत्तरसते चित्ते समाधिन्द्रियं अवोच।

१९. सब्बाहेतुकचित्तानि, ठपेत्वा चेकहेतुके सब्बानि अट्टारस अहेतुकचित्तानि एकहेतुकचित्तद्वयञ्च ठपेत्वा
सेसस्मिं एकुत्तरसते चित्ते छन्दस्स उप्पत्तिं उद्दिसे पण्डितो कथेय्य।

१००. ठपेत्वा दस विज्जाणे चक्खुविज्जाणादिके दस विज्जाणे च विचिकिच्छायुतम्पि चित्तं ठपेत्वा सेसस्मिं
दसुत्तरसते चित्ते अधिमोक्खो भगवता उदीरितो।

१०१-२. सद्धा सति हिरी ओत्तपं अलोभो अदोसो तत्रमज्झत्तं छ युगळा च इति इमे एकूनवीसति धम्मा नियता हुत्वा
एकनवुतिया चित्ते जायन्ति। एकूनवीसति धम्मा अहेतुकेसु अट्टारससु अपुज्जेसु द्वादससु अकुसलेसु न जायरे न
जायन्ति।

१०३. एकूनासीतिया चित्ते, पज्जा जायति सब्बदा पज्जा
द्वादसअकुसलअट्टारसअहेतुकमहाकुसलजाणविप्पयुत्तमहाविपाकजाणविप्पयुत्तमहाकिरियाजाणविप्पयुत्तवज्जिते
एकूनासीतिया चित्ते जायति। अट्टवीसतिया चित्ते, करुणामुदिता सियुं करुणामुदिता अट्टसु महाकुसलेसु, अट्टसु
महाकिरियासु, रूपावचरपञ्चमज्झानवज्जितेसु द्वादसरूपावचरेसु चाति अट्टवीसतिया चित्तेसु सियुं भवेय्युं।

१०४. कामावचरपुज्जेसु, सब्बलोकुत्तरेसु च कामावचरमहाकुसलेसु चित्तेसु सब्बेसु लोकुत्तरेसु चाति सह अट्टके
चत्तालीसविधे चित्ते विरतित्तयं होति।

१०५. सद्धा सति हिरोत्तपं अलोभादित्तयम्पि च युगळानि छ च मज्झत्तं करुणामुदितापि च।

१०६. तथा तिस्सो विरतियो सब्बे ते पञ्चवीसति धम्मा महाकुसलचित्तसम्पयुत्तअब्बाकतचित्तसम्पयुत्ताति कुसलेन सब्बेसुयेव धम्मेसु छेकेन विजितङ्गणेन पकासिता ।

१०७. अहिरीकं अनोत्तप्यं, मोहो उद्धच्चमेव चाति इमे चत्तारो धम्मा नियता हुत्वा द्वादसापुञ्जचित्तेसुयेव द्वादसअकुसलचित्तेसुयेव जायरे जायन्ति ।

१०८-९. लोभो दोसो च मोहो च, मानो दिट्ठि च संसयो विचिकिच्छा मिद्धं उद्धच्चं कुक्कुच्चं थिनं मच्छरियम्पि च अहिरिकं अनोत्तप्यं इस्सा च दोमनस्सकं एते धम्मा अकुसला अकुसलचित्तसम्पयुत्ता एकन्तेन महेसिना विजितङ्गणविगतमलेन वुत्ता ।

११०. लोभो अट्ठसु लोभमूलेसु चित्तेसु भगवता निदिट्ठो दस्सितो । दिट्ठि चतूसु दिट्ठिसम्पयुत्तेसु चित्तेसु वुत्ता । मानो दिट्ठिविप्पयुत्तेसु चतूसु गाहूपवादप्पभिन्दनेन वुत्तो । दोसो द्वीसु एव पटिघसम्पयुत्तेसु चित्तेसु मुनिन्देन वुत्तो ।

१११. इस्सामच्छेरकुक्कुच्चा द्वीसु दोसमूलेसु चित्तेसु जायन्ति, नो सह सह नो जायन्ति, एकेकोव जायन्तीति अत्थो । विचिकिच्छा पनेकस्मिं विचिकिच्छा पन एकस्मिं विचिकिच्छासहगतचित्ते जायति । थिनमिद्धं पञ्चसु ससङ्गारिकअकुसलचित्तेसु जायति ।

११२-३. फस्सो च वेदना सज्जा, चेतना जीवितं मनो वितक्को च विचारो च पीति वीरियं समाधि च छन्दो चेवाधिमोक्खो च मनसिकारो च चुदस धम्मा कुसला च कुसलचेतसिका च होन्ति । अकुसला चेव अकुसलचेतसिका चेव अब्बाकतापि च अब्बाकतचेतसिका च होन्ति ।

११४. एकूनतिसचित्तेसु, ज्ञानं पञ्चङ्गिकं मतं चतूसु सोमनस्ससहगताकुसलेसु, द्वादससु सोमनस्ससहगतमहाकुसलमहाविपाकमहाकिरियचित्तेसु, सुखसन्तीरणहसितुप्पादचित्तेसु, तीसु रूपपठमज्ज्ञानचित्तेसु, अट्ठसु लोकुत्तरपठमज्ज्ञानचित्तेसु चाति एकूनतिसचित्तेसु पञ्चङ्गिकं पञ्चावयवज्ञानयुत्तं ज्ञानं सुगतेन मतं । उपेक्खासहगतानि चत्तारि लोभमूलानि च द्वे दोसमूलानि च द्वे मोहमूलानि च मनोधातुत्तिकञ्च उपेक्खासहगता तिस्सो अहेतुकमनोविज्जाणधातुयो च द्वादसुपेक्खासहगतानि महाकुसलमहाविपाककिरियचित्तानि तीणि रूपदुतियज्ज्ञानचित्तानि अट्ठ लोकुत्तरदुतियज्ज्ञानचित्तानि चाति सत्ततिस चित्तानि चतुज्ज्ञानङ्गयुत्तानि चतुज्ज्ञानावयवयुत्तानि इति एवं निदिसे कथेय्य ।

११५. एकादसविधं चित्तं, तिवङ्गिकमुदीरितं तीणि रूपावचरततियज्ज्ञानचित्तानि, अट्ठलोकुत्तरततियज्ज्ञानचित्तानि चाति एकादसविधं चित्तं तिवङ्गिकं तिवयवज्ञानयुत्तं, छ रूपावचरचतुत्थज्ज्ञानपञ्चमज्ज्ञानचित्तानि, द्वादसारूपावचरचित्तानि, सोळस लोकुत्तरचतुत्थज्ज्ञानपञ्चमज्ज्ञानचित्तानि चाति चतुतिसविधं चित्तं दुवङ्गिकं द्विवयवज्ञानयुत्तं उदीरितं जिनेन ईरितं ।

११६. सभावेनावितक्केसु, ज्ञानङ्गानि न उद्धरे सभावेन पकतिया अवितक्केसु वितक्कविरहितेसु द्विपञ्चविज्जाणेसु ज्ञानङ्गानि ज्ञानावयवानि जिनो न उद्धरे । अयमेत्थाधिप्पायो — अज्जत्थ वितक्को ज्ञानचित्तेन विप्पहीनो भासितो, इमेसु पन नेव ज्ञानचित्तेन पहीना, पकतिया वितक्कविरहितानि द्विपञ्चविज्जाणानि सब्बाहेतुकचित्तेसु

मग्गङ्गानि मग्गावयवानि जिनो न उद्धरे न देसेय्य ।

११७. बुधो जिनो द्विपञ्चविज्जाणेसु मनोधातुत्तिके च तीसु सन्तीरणेसु चाति **सोळसचित्तेसु** तीणिन्द्रियानि वदे कथेय्य । **एकस्मिं पन चत्तारि** एकस्मिं विचिकिच्छासहगतचित्ते चत्तारि इन्द्रियानि होन्ति, एकादससु अकुसलचित्तेसु विचिकिच्छायुत्तचित्तवज्जितेसु हसितुप्पादे चेव वोढुब्बनचित्ते चाति **तेरससु** चित्तेसु **पञ्च** इन्द्रियानि **बुधो** भगवा उद्धरे उद्धरेय्य ।

११८. सत्त द्वादसचित्तेसु, इन्द्रियानि जिनोब्बि जिनो बुद्धो जाणविप्पयुत्तमहाकुसलमहाविपाकमहाकिरियासङ्घातेसु **द्वादसचित्तेसु** सत्त इन्द्रियानि **अब्बि** कथेसि, **एकेनूनेसु अट्टेव, चत्तालीसमनेसु च** जिनो जाणसम्पयुत्तमहाकुसलमहाविपाकमहाकिरियासङ्घातेसु द्वादससु चित्तेसु, पञ्चदससु रूपेसु, द्वादससु अरूपेसु चाति **एकेनूनेसु चत्तालीसमनेसु** अट्टेव इन्द्रियानि अब्बि ।

११९. चत्तालीसाय लोकुत्तरचित्तेसु नवकं इन्द्रियनवकं नायको अब्बि कथेसि । **एवं इन्द्रिययोगोपि, वेदितब्बो विभाविना एवं** इमिना मया वुत्तप्पकारेन चित्तेसु इन्द्रिययोगो विभाविना विसेसेन पञ्च भावेतुं पकासेतुं सीलमेतस्साति विभावी, तेन वेदितब्बो ।

१२०. अमग्गङ्गानि नामेत्य, अट्टारस अहेतुका एत्थ एतेसु चित्तेसु अट्टारस अहेतुका नत्थि मग्गो एतेसूति अमग्गङ्गानि नाम, **झानङ्गानि न विज्जन्ति, विज्जाणेसु द्विपञ्चसु** द्विपञ्चविज्जाणेसु **झानङ्गानिपि न संविज्जन्ति ।**

१२१. एकं चित्तं दुमग्गङ्गं एकं विचिकिच्छासहगतचित्तं **दुमग्गङ्गं** दुमग्गावयवं, चतूसु दिट्ठिविप्पयुत्ताकुसलचित्तेसु च द्वीसु पटिघयुत्तेसु च उद्धच्चयुत्तेसु चाति **सत्तसु** चित्तेसु च **तिमग्गङ्गानि** तिमग्गावयवानि होन्ति । **चत्तालीसाय चित्तेसु, मग्गो सो चतुरङ्गिको** चतूसु दिट्ठिसम्पयुत्ताकुसलेसु जाणविप्पयुत्तमहाकुसलमहाविपाकमहाकिरियासङ्घातेसु द्वादससु चित्तेसु च रूपावचरदुतियततियचतुत्थपञ्चमज्झानसङ्घातेसु द्वादससु रूपावचरेसु, द्वादससु अरूपावचरेसु चाति **चत्तालीसाय चित्तेसु चतुरङ्गिको मग्गो** चतुरावयवो मग्गो होति ।

१२२. पञ्चदससु चित्तेसु, मग्गो पञ्चङ्गिको मतो जाणसम्पयुत्तमहाकुसलमहाविपाकमहाकिरियासङ्घातेसु द्वादससु, तीसु रूपपठमज्झानचित्तेसु चाति **पञ्चदससु चित्तेसु पञ्चङ्गिको** पञ्चावयवो मग्गो भगवता मतो । **द्वत्तिसचित्तेसु मग्गो सत्तङ्गिकोपि च** लोकुत्तरदुतियततियचतुत्थपञ्चमज्झानसङ्घातेसु **द्वत्तिसचित्तेसु मग्गो सत्तङ्गिको** सत्तावयवो होति ।

१२३. मग्गो अट्टसु चित्तेसु मग्गफलवसेन **अट्टसु** लोकुत्तरचित्तेसु मग्गो **अट्टङ्गिको** अट्टावयवो होति । **इति** परिसमापने । तु पदपूरणे । **एवं** इमिना मया वुत्तप्पकारेन सब्बचित्तेसु **मग्गङ्गानि** मग्गावयवानि धीरो उद्धरेय्य, देसेय्याति अत्थो ।

१२४. बलानि द्वे द्विचित्तेसु हसितुप्पादवोढुब्बनसङ्घातेसु द्वीसु चित्तेसु द्वे बलानि होन्ति । **एकस्मिं तीणि दीपये** एकस्मिं विचिकिच्छायुत्ते तीणि बलानि धीरो **दीपये** पकासेय्य । विचिकिच्छायुत्ततो सेसेसु **एकादससु** अकुसलेसु **चत्तारि** बलानि होन्ति । **छ द्वादससु** जाणविप्पयुत्तमहाकुसलमहाविपाकमहाकिरियासङ्घातेसु द्वादससु चित्तेसु छ बलानि होन्तीति

धीरो निद्दिसे कथेय्य ।

१२५. एकूनासीतिया सत्त जाणसम्पयुत्तमहाकुसलमहाविपाकमहाकिरियासङ्घातेसु द्वादससु कामावचरचित्तेसु, सत्तवीसतिया महग्गतचित्तेसु, चत्तालीसलोकुत्तरचित्तेसु चाति **एकूनासीतिया** चित्तेसु सत्त बलानि होन्ति । **सोळसेवाबलानि** तु द्विपञ्चविज्जाणानि च तिस्सो मनोधातुयो च तीणि सन्तीरणानि चाति **सोळस** एव चित्तानि **अबलानि** बलविरहितानि होन्ति, एवं इमिना मया वुत्तप्पकारेण चित्तं **सबलं** बलेन सहगतं **अबलम्पि च** बलविरहितज्जापि चित्तं **विज्जेय्यं** धीरेण विजानितब्बं ।

१२६. ज्ञानङ्गमग्गङ्गबलिन्द्रियानि, चित्तेसु जायन्ति हि येसु यानि येसु चित्तेसु यानि ज्ञानङ्गमग्गङ्गबलइन्द्रियानि जायन्ति, मया समासेन समुद्धरित्वा असंसदुं उद्धरित्वा तेसु चित्तेसु **सब्बानिपि** तानि ज्ञानङ्गमग्गङ्गबलइन्द्रियानि समासेन सङ्खेपेण मया बुद्धदत्ताचरियेण वुत्तानि कथितानि ।

इति अभिधम्मवतारटीकाय

चेतसिकविभागनिद्देसवण्णना निड्डिता ।

ततियो परिच्छेदो ।

४. चतुत्थो परिच्छेदो

एकविधादिनिद्देसवण्णना

१२७. इतो परं पवक्खामि, नयमेकविधादिकं ।

आभिधम्मिकभिक्खूनं, बुद्धिया पन वुद्धिया ॥

अहं इतो परं इतो परिच्छेदतो परं एकविधादिकं नयं आभिधम्मिकभिक्खूनं बुद्धिया वुद्धित्थाय पवक्खामि देसेस्सामि ।

१२८. सब्बमेकविधं चित्तं, विजाननसभावतो सब्बं चित्तं विजाननसभावतो एकविधं, दुविधञ्च भवे चित्तं अहेतुकसहेतुकतो इदं चित्तं दुविधं भवेय्य ।

१२९. पुज्जापुज्जविपाका हि, कामे दस च पञ्च च हि सच्चं कामे कामावचरे कुसलाकुसलविपाका दस पञ्च च किरिया तिस्सो इति सब्बे अट्टारस चित्तुप्पादा अहेतुका ।

१३०. अहेतुकतो चित्तुप्पादतो सेसा एकसत्तति चित्तुप्पादा सहेतुकाति सहेतुका नामाति महेसिना तादिना अविपरीतसभावेन हेतुवादिना पच्चयवादिना निद्दिट्ठा ।

१३१. सवत्थुकावत्थुकतो सवत्थुकवत्थुकवसेन तथा उभयवसेन सवत्थुकवसेन, अवत्थुकवसेन च सब्बं

वुत्तप्पकारेन च मानसं तिविधं होति ।

१३२-४. सब्बो कामविपाको च, रूपे पञ्चदसापि च चित्तुप्पादा आदिमग्गो पठममग्गो हसितुप्पादो मनोधातुकिरियापि च दोमनस्सद्वयञ्चापि तेचत्तालीस मानसा **विना वत्थुं** वत्थुं वज्जेत्वा न उप्पज्जन्ति, एकन्तेन सवत्थुका नाम । अरूपावचरविपाका च एकन्तेन अवत्थुका, मया वुत्ततो चित्तुप्पादतो **सेसानि** द्वेचत्तालीस चित्तानि **उभयथा** सवत्थुकावत्थुकवसेन सियुं ।

१३५. एकेकारम्मणं चित्तं, पञ्चारम्मणमेव च चित्तं छळारम्मणकञ्चेति **एवं** इमिना मया वुत्तप्पकारेनापि तिविधं चित्तं सिया ।

१३६-८. विज्जाणानि च द्वे पञ्च, अट्ट लोकुत्तरानि च अभिज्जामानसं ठपेत्वा सब्बं महग्गतञ्चेवाति **तेचत्तालीस** चित्तुप्पादा पन एकेकारम्मणा विज्जेय्या धीरेन । **तत्थ** चित्ते मनोधातुत्तयं पञ्चारम्मणं ईरितं भगवता । मया वुत्तचित्ततो **सेसानि तेचत्तालीस** चित्तानि छळारम्मणिकानि मतानि सत्थुना, तथा एवं चित्तं कुसलाकुसलादितो तिविधं । **आदि-**सद्देन अब्याकतं गहेतब्बं ।

१३९. अहेतुकं चित्तं एकहेतुकञ्च चित्तं द्विहेतुकञ्च चित्तं तिहेतुकञ्च चित्तन्ति एवं इमिना पकारेन चित्तं चतुब्बिधं विभाविना विज्जातब्बं ।

१४०-२. हेट्ठा मयापि निद्दिट्ठा **अट्टारस** चित्तुप्पादा अहेतुका, **विचिकिच्छुद्धच्चसंयुत्तं** चित्तं एकहेतुकं एवं उदीरितं भगवता । **कामे** कामावचरे **पुञ्जविपाकक्रियतो** कुसलवसेन च विपाकवसेन च किरियावसेन च **द्वादसधा** चित्तुप्पादा अकुसला च दसधा चाति बावीसति चित्तुप्पादा दुहेतुका । **कामे** कामावचरे **पुञ्जविपाकक्रियतो** पुञ्जवसेन च विपाकवसेन च किरियावसेन च **द्वादसधा** चित्तुप्पादा । सब्बं महग्गतञ्चेव **अप्पमाणं** लोकुत्तरचित्तञ्च तिहेतुकं ।

१४३-५०. रूपीरियापथविज्जति-जनकाजनकादितोति रूपइरियापथविज्जतिजनकवसेन रूपइरियापथजनकवसेन च रूपजनकवसेन च तिकिच्चाजनकवसेन चातिआदीहि पकारेहि सब्बं चित्तं चतुब्बिधं होति । **तत्थ** तस्मिं चित्ते द्वादसाकुसला, कामधातुया कुसला, तथा कामे दस किरिया, अभिज्जामानसं द्वयं, इमे बात्तिस मानसा रूपानि समुट्ठापेन्ति, इरियापथं कप्पेन्ति, विज्जतिं जनयन्ति । कुसला महग्गतमानसा किरिया च महग्गतमानसा, **अट्ट** अनासवचित्तानि, छब्बीसति च मानसा रूपानि समुट्ठापेन्ति, इरियापथं कप्पेन्ति । **चोपनं न पापेन्ति** विज्जतिं न जनयन्तीति अत्थो । इमे चित्तुप्पादा दुकिच्चनियता, दस विज्जाणे ठपेत्वा द्वीसु भूमीसु **विपाका** मनोधातुद्वयसन्तीरणत्तयमहाविपाकरूपविपाकानं वसेन अट्टारस पाका मनोधातु किरिया चेवाति **इमानि एकूनवीसति** चित्तानि रूपानि समुट्ठापेन्ति, इतरद्वयं न करोन्ति, **पुन द्वेपञ्चविज्जाणा** पठमं “दस विज्जाणे”ति वुत्तता “पुना”ति वुत्ता । अरूपीसु विपाका च **सब्बेसं** सत्तानं पटिसन्धिचित्तञ्च अरहतो चुतिचित्तञ्च इमे सोळस मानसा तिकिच्चानि न करोन्ति ।

१५१. एकद्वितित्तुट्ठान-पञ्चट्ठानप्पभेदतो एककिच्चद्विकिच्चतिकिच्चचतुकिच्चपञ्चकिच्चभेदेन **पञ्चधा चित्तं** पञ्चपकारं चित्तं **पञ्चनिम्मललोचनो बुद्धो अक्खासि** कथेसि ।

१५२. कुसलाकुसला सब्बे, चित्तुप्पादा महाक्रिया ।
महग्गता क्रिया चेव, चत्तारो फलमानसा ॥

१५३. सब्बेव पञ्चपञ्जास चित्तुप्पादा जवनट्टानतोयेव जवनकिच्चवसेनेव एकट्टाने एककिच्चे निष्पपञ्चेन सत्थुना तण्हामानदिट्ठिविरहितेन सत्थुना **नियामिता** कथिता ।

१५४. पुन द्वेपञ्चविज्जाणा चित्तुप्पादा दस्सने सवने तथा घायने सायनट्टाने फुसने पटिपाटिया सत्थुना नियामिता ।

१५५. मनोधातुत्तिकं आवज्जने पटिच्छने, एते अट्ठसट्ठि चित्तुप्पादा **एकट्टानिकतं** एककिच्चभावं गता पत्ता भवन्ति ।

१५६-८. चित्तद्वयं द्विट्टानिकं नाम उदीरितं भगवता, सोमनस्सयुतं चित्तं पञ्चद्वारे सन्तीरणं सिया । छद्वारे तदालम्बणञ्च **बलवारम्मणे** अतिमहन्तारम्मणे सति सिया, तथा वोट्टब्बनं पञ्चद्वारेसु वोट्टब्बनं होति । मनोद्वारेसु पन **सब्बेसं** आरम्मणानं आवज्जनं होति, इदं चित्तद्वयं द्विट्टानिकं नाम होति ।

१५९. पटिसन्धिया ठानतो पटिसन्धिया किच्चवसेन भवङ्गस्स ठानतो भवङ्गस्स किच्चवसेन चुतिया ठानतो चुतिया किच्चवसेन ते महग्गतविपाका नव **तिट्टानिका** तिकिच्चाति मुनिना मता ।

१६०-३. अट्ठ कामा महापाका, पटिसन्धिभवङ्गतो पटिसन्धिभवङ्गवसेन तदारम्मणतो चेव तदारम्मणवसेन च एव चुतिट्टानवसेन च अट्ठ चित्तानि चतुट्टानिकचित्तानि होन्ति, इति वचनं धीरो निदिसे, कुसलाकुसलपाकोपेक्खासहगतद्वयं पञ्चद्वारे सन्तीरणं भवे, छद्वारिकेसुपि बलवारम्मणे सति तदारम्मणता सिया । पटिसन्धिभवङ्गानं ठानवसेन च चुतिट्टानवसेन च इदं चित्तद्वयं पञ्चट्टानिकचित्तं नामाति उदीरितं मुनिना ।

१६४. पञ्चकिच्चं द्वयं चित्तं, अट्ठकं पन चतुकिच्चं, नवकं तिकिच्चं, द्वे चित्तुप्पादा द्विकिच्चा, इमेसं इमेहि चित्तुप्पादेहि **सेसं** एककं किच्चं ।

१६५. भवङ्गावज्जनञ्चेव, दस्सनं सम्पटिच्छनं ।
सन्तीरणं वोट्टब्बनं, जवनं भवति सत्तमं॥

१६६. छब्बिधं होति तं छन्नं तं चित्तं छन्नं चक्खुसोतधानजिक्काकायमनोविज्जाणानं पभेदतो छब्बिधं होति, चक्खुसोतधानजिक्काकायमनोधातुमनोविज्जाणधातूनं सत्तन्नं वसेन चित्तं सत्तधा होति ।

१६७. एकेकारम्मणं छक्कं, पञ्चारम्मणभेदतो छळारम्मणतो चेव छळारम्मणचित्तवसेन **मनो** चित्तं अट्ठविधं होति ।

१६८. तत्थ तस्मिं चित्ते द्वेपञ्चविज्जाणा एकेकगोचरा होन्ति, द्वे चित्तुप्पादा रूपारम्मणिका, द्वे द्वे चित्तुप्पादा सद्दादिगोचरा ।

१६९. पञ्चाभिज्जाविवज्जितं सब्बं महग्गतं, सब्बं लोकुत्तरञ्च इति इदं चित्तं एकेकारम्मणं भवे ।

१७०. इदं छक्कं एकेकारम्मणं विभाविना जेय्यं, मनोधातुत्तयं पञ्चारम्मणिकं नाम भवे ।

१७१. कामावचरचित्तानि चत्तालीसं तथा एकेकं सब्बानि अभिज्जानि च **छळारम्मणिकानीति** छळारम्मणिकानि

नाम पण्डितेन विज्जेय्यानि ।

१७२. सत्तविज्जाणधातूसु **पच्छिमं** मनोविज्जाणधातुञ्च कुसलाकुसलाब्याकतवसेन **तिधा कत्वा** नवविधं चित्तं होति ।

१७३. मनोविज्जाणधातुया भेदो पुज्जापुज्जवसेनेव विपाककिरियभेदतो छसत्ततिविधो होति ।

१७४. मनोधातुं विपाककिरियभेदतो **द्विधा कत्वा पुब्बे** वुत्तेहि नवधा चित्तेहि मानसं दसधा होति ।

१७५. **पच्छिमं धातुद्वयं** मनोधातुमनोविज्जाणधातुद्वयं, मनोधातुं कुसलविपाकअकुसलविपाककिरियावसेन **तिधा कत्वा**, मनोविज्जाणधातुञ्च कुसलाकुसलाब्याकतवसेन **तिविधा कत्वा** चक्खुसोतधानजिह्वाकायविज्जाणेहि सह चित्तं एकादसविधं होति, **इति** इदं वचनं पण्डितो परिदीपये ।

१७६. मनोविज्जाणधातुम्पि **कुसलाकुसलादितो** कुसलाकुसलविपाककिरियावसेन चतुधा विभजित्वान तं चित्तं चक्खुसोतधानजिह्वाकायविज्जाणेहि सह तिप्पकाराय मनोधातुया च सह द्वादसधापि धीरो वदे ।

१७७-९. चित्तं चुद्धसद्धानभेदेन चुद्धसधा भवे, पटिसन्धिया वसेन च भवङ्गवसेन च चुतिया वसेन च आवज्जनस्स वसेन च पञ्चन्नं **दस्सनादीनं** किच्चानं वसेन च सम्पटिच्छनचेतसो वसेन च सन्तीरणस्स वसेन च वोट्टब्बनजवनानं वसेन च, यथा एवं तदारम्मणचित्तस्स वसेन चाति **एवं** इमिना पकारेन **ठानभेदतो** किच्चभेदेन चुद्धसधा चित्तं होति, **इति** इदं वचनं धीरो **परिदीपये** परिदीपेय्य ।

१८०. भूमिपुगलनानत्तवसेन भूमिनानत्तवसेन, पुगलनानत्तवसेन च चित्तानं पवत्तितो इदं चित्तं बहुधा होति, **इति** वचनञ्च धीरो **विभावये** पकासेय्य ।

१८१. इध इमस्मिं सासने यो भिक्खु मतिमा इमस्मिं एकविधादिनये **कुसलो** छेको होति, अभिधम्मे पवत्ता अत्था तस्स भिक्खुनो **हत्थगता** हत्थपविट्ठा **आमलका विय** सुद्धमणिका विय होन्ति ।

इति अभिधम्मावतारटीकाय

एकविधादिनिद्देसवण्णना निट्ठिता ।

चतुत्थो परिच्छेदो ।

५. पञ्चमो परिच्छेदो

भूमिपुगलचित्तुप्पत्तिनिद्देसवण्णना

१८२. इतो परं पवक्खामि, बुद्धिबुद्धिकरं नयं ।

चित्तानं भूमिसुप्पत्तिं, पुगलानं वसेन च॥

अहं इतो परं बुद्धिबुद्धिकरं नयं मतिवद्धिकरं नयं पवक्खामि देसेस्सामि । चित्तानं भूमिसुप्पत्तिं पुग्गलानं वसेन च भूमीसु चित्तानं उप्पत्तिं, पुग्गलानं वसेन भूमीसु चित्तानं उप्पत्तिञ्च पवक्खामि ।

१८३. देवा चेव मनुस्सा च, तिस्सो च अपायभूमियो होन्ति, गतियो पञ्च तेसं देवमनुस्सतिरच्छानपेतनिरयगतीनं वसेन पञ्च गतियो निद्दिट्ठा सत्थुना दस्सिता भगवता । तयो भवा पन कामरूपारूपभववसेन तयो सत्थुना निद्दिट्ठा दस्सिता ।

१८४-५. भूमियो तत्थ तिंसेव, तासु तिंसेव पुग्गला तत्थ तेसु तीसु भवेसु तिंस एव भूमियो होन्ति, तासु भूमीसु उप्पन्ना पुग्गला तिंस एव होन्ति, एतासु भूमीसु उप्पन्ना सब्बे च पन पुग्गला पटिसन्धिकचित्तानं वसेन एकूनवीसति होन्ति । पटिसन्धि च नामेसा एसा पटिसन्धि च नाम दुविधा द्विप्पकारा समुदीरिता सत्थुना कथिता ।

१८६. अचित्तका पटिसन्धि, सचित्तका पटिसन्धि च इति दुविधा पटिसन्धि होति, असज्जिब्रह्मानं पटिसन्धि अचित्तका रूपपटिसन्धि होति । सेसा रूपपटिसन्धितो सेसा सचित्तका सचित्तकपटिसन्धि जेय्या पण्डितेन जानितब्बा । सा पन सचित्तका पटिसन्धि एकूनवीसति होति ।

१८७. पटिसन्धिवसेनेव सचित्तकपटिसन्धिवसेन एव वीसति पुग्गला होन्ति । इध इमस्मिं चित्ताधिकारे चित्ताधिकारत्ता अचित्तकपटिसन्धि रूपपटिसन्धि न च उद्धटा न च कथिता मया ।

१८८. अहेतुद्वितीहेतूति, पुग्गला तिविधा सियुं अहेतुकद्विहेतुकतिहेतुका इति तिविधा तिप्पकारा पुग्गला सियुं भवेय्युं । अरिया पन पुग्गला अट्ठ इति एवं इमिना मया वुत्तप्पकारेन सब्बे पुग्गला एकादस ईरिता कथिता भगवता ।

१८९. भूमीसु तिंसभूमीसु चित्तानं उप्पत्तिं एतेसं पन सब्बेसं पुग्गलानं पभेदतो भूमीसु चित्तानं उप्पत्तिञ्च गणहतो गणहन्तस्स मम वचनं निबोधथ, तुम्हे जानाथ सुणाथ ।

१९०. तीसु भूमीसु कति चित्तानि जायन्ति? मे मय्हं वद तानि चित्तानि त्वं कथेहि, सब्बासु भूमीसु चुद्दस एव चित्तानि । तं यथा —

वोड्डब्बं कामपुञ्जञ्च, वियुत्तानि च दिट्ठिया ।

उद्धच्चसहितञ्चेव, होन्ति सब्बत्थ चुद्दस ॥

१९१. सदा वीसति चित्तानि, कामेयेव भवे सियुं वीसति चित्तानि कामेयेव भवे सदा सब्बस्मिं काले सियुं भवेय्युन्ति । तं यथा —

कामे अट्ठ महापाका, दोमनस्सद्वयम्पि च ।

तथा घानादिविज्जाणत्तयं पाका अपुञ्जजा ॥

घानादिविज्जाणत्तयन्ति कुसलविपाकघानादित्तयं । पाका अपुञ्जजा अकुसलतो जाता अहेतुका सत्त विपाका । पञ्च रूपभवेयेव पञ्च चित्तानि रूपभवेयेव भवन्ति । चत्तारेव अरूपिसु चत्तारि चित्तानि अरूपीसुयेव होन्ति । तं यथा —

रूपेव रूपपाका वारुप्पपाका अरूपिसु ।
नव महग्गता पाका, रूपारूपेव जायरे ॥

१९२. कामरूपभवेस्वेव अट्टारस चित्तानि भवन्ति ।

तं यथा —

पुज्जरूपानि पञ्चेव, पुज्जजं सम्पटिच्छनं ।
चक्खुसोतद्वयं पुज्जपाकं सन्तीरणद्वयं ॥

पुज्जपाकं हसितुप्पादमनोधातुक्रियापि च ।
अट्टारसादिमग्गेन, पञ्च रूपक्रियापि च ।
कामरूपभवेस्वेव, एतानेव सदा सियुं ॥

द्वेचत्तालीस चित्तानि, होन्ति तीसु भवेसुपि द्वेचत्तालीस चित्तानि होन्ति । तं यथा —

पटिघद्वयवज्जितानि, अपुज्जानि दसेव च ।
महापुज्जानि अट्टेव, वोट्टब्बनक्रियानि च ॥

पुज्जारुप्पानि चत्तारि, आरुप्पकिरियानि च ।
कनिट्टमग्गवज्जानि, सत्त लोकुत्तरानि च ।
द्वेचत्तालीस चित्तानि, होन्ति तीसु भवेसुपि ॥

१९३. ठपेत्वा पन सब्बेसं, चतस्सोपायभूमियो चतस्सो अपायभूमियो ठपेत्वा वज्जेत्वा अपायतो सेसानं सब्बेसं
पुग्गलानं छब्बीसभूमीसु तेरस एव चित्तानि होन्ति । तं यथा —

चतुत्थारूपावचरं, अनागामिफलादयो ।
महाक्रिया च जायन्ति, तेरसापायवज्जिता ॥

अनागामिफलादयोति आदि-सद्धेन हि अरहत्तफलानि गहितानि ।

१९४. अपरानि चतस्सोपि, ठपेत्वारुप्पभूमियो चतस्सो अरूपभूमियो ठपेत्वा सेसासु छब्बीसभूमीसु अपरानि छ
चित्तानि जायन्ति । तं यथा —

मनोधातुक्रियञ्चेव, पुज्जजं सम्पटिच्छनं ।
चक्खुसोतद्वयं पुज्जपाकं सन्तीरणद्वयं ।
छेव चित्तानि जायन्ति, तथा उपरिवज्जिते ॥

१९५. सुद्धावासिकदेवानं, ठपेत्वा पञ्च भूमियो पञ्च भूमियो ठपेत्वा पञ्चवीसतिभूमीसु पञ्च चित्तानि जायन्ति ।

तं यथा —

दिट्ठिया सम्पयुत्तानं, विचिकिच्छायुतं तथा ।
पञ्च सब्बत्थ जायन्ति, सुद्धावासविवज्जिते ॥

**१९६. अपरानि दुवे होन्ति, पञ्चवीसतिभूमिसु ।
ठपेत्वा नेवसञ्जञ्च, चतस्सोपायभूमियो ॥**

चतस्सोपायभूमियो नेवसञ्जानासञ्जञ्च ठपेत्वायेव पञ्चवीसतिभूमीसु अपरानि दुवे चित्तानि होन्ति । तं यथा —

ठपेत्वा नेवसञ्जञ्च, चतस्सोपायभूमियो ।
सेसासु ततियारुप्पजवनं जायति द्वयं ॥

१९७. द्वेपि चित्तानि जायन्ति, चतुर्वीसतिभूमिसु चतस्सोपायभूमियो आकिञ्चञ्जञ्च नेवसञ्जञ्च ठपेत्वा सेसासु चतुर्वीसतिभूमीसु द्वेपि चित्तानि जायन्ति । तं यथा —

चतुत्थततियारुप्पं, ठपेत्वापायभूमियो ।
सेसासु दुतियारुप्प-जवनं जायति द्वयं ॥

१९८. अपायभूमियो हित्वा चतस्सो अपायभूमियो तिस्सो उपरि अरूपभूमियो **हित्वा** छुडेत्वा सेसासु तेवीसतिभूमीसु द्वेयेव पन चित्तानि होन्ति । तं यथा —

अपायभूमियो हित्वा, तिस्सोचारुप्पभूमियो ।
सेसासु पठमारुप्पं, जवनद्वयं जायति ॥

१९९. अरूपे च अपाये च अट्ठ भूमियो ठपेत्वा सेसासु बावीसतिभूमीसु एकादसविधं चित्तं होति । तं यथा —

सब्बं रूपञ्च विपाकं, ठपेत्वा सितमानसं ।
एकादसेव जायति, अपायारूपवज्जिते ॥

२००. सुद्धावासे अपाये च नव भूमियो ठपेत्वा सेसासु एकवीसासु भूमीसु निच्चम्पि **चत्तारो** एव मानसा होन्ति । तं यथा —

सोतापत्तिफलञ्चेव, सकदागामिफलम्पि च ।
सकदागामिमग्गो च, ठपेत्वापायसुद्धके ।
अनागामिमग्गो चेव, एकवीसासु होन्ति हि ॥

२०१. एकं सत्तरसस्वेव, चित्तं जायति भूमिसु सुद्धावासअपायारुप्पभूमियो ठपेत्वा अवसेसासु सत्तरससु भूमीसु एकं चित्तं जायति । तं यथा —

सुद्धावासे अपाये च, ठपेत्वारुप्पभूमियो ।
आदिमग्गो एको होति, सत्तरससु भूमिसु ॥

**२०२. द्वादसेव तु जायन्ते, एकादससु भूमिसु ।
ठपेत्वा पन सब्बापि, भूमियो हि महग्गता ॥ —**

एकूनवीसतिभूमियो ठपेत्वा सेसासु एकादससु भूमीसु द्वादस चित्तानि जायन्ति । तं यथा —

दोमनस्सद्वयापुञ्जपाका सत्त च पुञ्जजं ।
घानादित्तयं सेसासु, हित्वा सब्बा महग्गता ॥

२०३. कामावचरदेवानं वसेन च मनुस्सानं वसेन च सत्तसु कामावचरभूमीसु अट्ठ चित्तानि सब्बदा जायन्ति । तं यथा —

कामे देवमनुस्सानं, महापाकानि जायरे ।
सदा सत्तसु एतानि, हित्वा तेवीस भूमियो ॥

२०४. पञ्चमज्झानपाकेको, जायते छसु भूमिसु एको पञ्चमज्झानविपाको वेहप्फलादीसु **छसु भूमीसु** जायति । चत्तारि पन रूपविपाकचित्तानि तीसु तीसु भूमीसु जायन्ति । अयमेत्थाधिप्पायो — एको पठमरूपविपाको ब्रह्मपारिसज्जब्रह्मपुरोहितमहाब्रह्मानं तीसु भूमीसु जायति, एको दुतियरूपविपाको, एको ततियरूपविपाको च परिताभाअप्पमाणाभाआभस्सरानं तीसु भूमीसु जायति, एको चतुत्थरूपविपाको परित्तसुभअप्पमाणसुभसुभकिण्हानं तीसु भूमीसु जायति ।

२०५. चत्तारि पन चित्तानि, होन्ति एकेकभूमिसु अरूपावचरविपाकानं वसेन चत्तारि पन चित्तानि **एकेकभूमीसु** एकेकासु भूमीसु होन्ति, इति एवं इमिना मया वुत्तप्पकारेन सब्बासु भूमीसु चित्तुप्पादं **परिदीपये** पण्डितो कथेय्य ।

२०६-७. कुसलाकुसला कामे कामे वीसति कुसलाकुसला, **तेसं पाका अहेतुका** तेसं कुसलाकुसलानं अहेतुका पञ्चदस विपाका आवज्जनद्वयञ्च **इति** एवं इमिना मया वुत्तप्पकारेन सत्ततिस मानसा नरकादीसु चतूसु अपायेसुपि जायरे । अवसेसानि द्विपञ्चास चित्तानि **कदाचिपि** किस्मिञ्चि कालेपि नुप्पज्जन्ति । तं यथा —

पञ्चदसानि रूपे तु, अरूपे द्वादसीरिता ।
अट्ठ लोकुत्तरानेव, कामपाका सहेतुका ॥

अट्ठ महाक्रिया चेव, हसितुप्पादमानसं ।
द्विपञ्चासानि चित्तानि, अपायेसु न जायरे ॥

२०८. कामे देवमनुस्सानं कामावचरे देवमनुस्सानं महग्गता नव पाका नेव जायन्ति, असीति **हृदया** मानसा सदा जायन्ति । तं यथा —

द्वादसाकुसलानेव, कुसलानेकवीसति ।
सत्तवीसति पाका च, महग्गतविवज्जिता ॥

कामे देवमनुस्सानं, क्रियचित्तानि वीसति ।
होन्ति असीति चित्तानि, विज्जेय्यानि विभाविना ॥

२०९-१२. कामे कामावचरे अट्ट महाविपाका दोमनस्सद्वयम्पि च तथा घानादिविज्जाणत्तयं कुसलविपाकं
अपुज्जजा सत्त पाका । नत्थि आरुप्पपाका च, रूपावचरभूमियं अरूपपाका च चत्तारो रूपावचरभूमियं नत्थि ।
अयमेत्थाधिप्पायो — रूपावचरभूमियं अट्ट महाविपाका कामसुगतिसत्तानं द्विन्नं विपाकचित्तत्ता न होन्ति, ज्ञानेन
विक्खम्भितत्ता दोमनस्सद्वयम्पि नत्थि, घानजिह्वाकायपसादविरहितत्ता कुसलविपाकं घानादित्तयं नत्थि, अनिद्वारम्मणानं
अभावतो सत्त अकुसलविपाका च नत्थि, अरूपपाका च नत्थि । कस्मा? अरूपानं विपाकचित्तत्ता । इमेहि सह चित्तेहि
इमेहि चतुवीसतिचित्तेहि सह तयो मग्गा फलद्वयं सोतापत्तिमग्गो सकदागामिमग्गो अनागामिमग्गो च
सोतापत्तिफलसकदागामिफलानि च चत्तारो दिट्ठिसंयुत्ता विचिकिच्छासंयुत्तम्पि च चत्तारो हेट्ठिमा पाका च सुद्धावासे न
लब्धरे न लब्धन्ति । अयमेत्थाधिप्पायो — पुथुज्जनसोतापन्नसकदागामिपुग्गलानं असाधारणत्ता सुद्धो च आवासो, अथ
वा घोरातिक्कमट्ठितत्ता अनागामिपुग्गला सुद्धा नाम, चतुरोघतिण्णत्ता खीणासवा सुद्धा नाम, तेसं सुद्धानं द्विन्नं उत्तमसत्तानं
आवासोतिपि सुद्धावासो, तस्मिं ।

अयमेत्थाधिप्पायो — सुद्धावासे पन सोतापत्तिमग्गसोतापत्तिफलसकदागामिमग्गसकदागामिफलानागामिमग्गा न
विज्जन्ति । कस्माति चे? अनागामिफलद्वानयेव तस्मिं उपपज्जनतो चत्तारो दिट्ठिसंयुत्ता च विचिकिच्छायुत्तञ्च पञ्च
अकुसलचित्तानं सोतापन्नेन विनासितत्ता, इति तस्मा कारणा न जायन्ति । चत्तारो हेट्ठिमविपाका हेट्ठिमानं रूपब्रह्मानं
विपाकचित्तत्ता नत्थि । सेसानि एकपज्जास चित्तानि सुद्धावासे पन लब्धन्ति । तं यथा —

दिट्ठिया विप्पयुत्तानि, उद्धच्चसहगतं तथा ।
कामपुज्जानि अट्ट च, रूपपुज्जानि पञ्च वा ॥

अरूपकुसलानेव, मग्गो खीणासवस्स च ।
चक्खुसोतमनोधातु, पुज्जजा तीरणा दुवे ॥

पञ्चमज्झानपाको च, अनागामिफलादयो ।
सुद्धावासेसु लब्धन्ति, क्रियचित्तानि वीसति ॥

रूपावचरिका सब्बे सब्बानि रूपावचरानि पञ्चदस चित्तानि, कामधातुया सब्बे तेवीसति विपाका ।

२१३. दोमनस्सादिमग्गो च दोमनस्सद्वयञ्च आदिमग्गो च सोतापत्तिमग्गो च, **क्रिया च द्वे अहेतुका**
पञ्चद्वारावज्जनहसितुप्पादानि किरियानि चाति तेचत्तालीस चित्तानि अरूपभूमियं नत्थि । पञ्च रूपावचरविपाका रूपीनं
विपाकचित्तत्ता नत्थि । रूपजवनानि हेट्ठिमज्ञानानं विरत्तत्ता नत्थि । चक्खुसोतविज्जाणानि पुज्जजानि पसादरहितत्ता नत्थि ।
घानादिविज्जाणानि पकतियायेव नत्थि । कुसलविपाका मनोधातु चक्खादिग्गहितपञ्चारम्मणत्ता अरूपानं धम्मरम्मणत्ता

नत्थि, असति चक्खादिविज्जाणे सा च पुज्जजा मनोधातु ताय च असतिया चक्खादिविज्जाणम्पि नत्थियेव ।
किरियामनोधातुपि पञ्चारम्मणत्तायेव नत्थि, हसितुप्पादोपि रूपकायाभावा सितस्साभावा नत्थि, पुब्बेव दिट्ठसच्चा अरिया
रूपभूमिका, तस्मा आदिमग्गोपि नत्थि ।

२१४. एवं भूमिवसेनेव, चित्तुप्पत्तिं विभावये एवं इमिना मया वुत्तप्पकारेन भूमिवसेन चित्तुप्पत्तिं **विभावये** धीरो
कथेय्य । **तथा** एवं एकादसन्नं पुग्गलानं वसेन चित्तुप्पत्तिं धीरो **विभावये** कथेय्य ।

**२१५. कुसलाकुसला कामे,
तेसं पाका अहेतुका ।
आवज्जनद्वयञ्चाति,
सत्तत्तिंसेव मानसाति ॥ —**

अयं वुत्तत्था ।

२१६. एवं चतूस्वपायभूमीसु मनुस्सभूमियञ्चाति **पञ्चभूमीसु** अहेतुकस्स सत्तस्स **जायन्ते** उप्पज्जन्ति ।
द्वेपञ्जासावसेसानि, न जायन्ति कदाचिपि अवसेसानि द्वेपञ्जास चित्तानि कदाचिपि न जायन्ति न उप्पज्जन्ति, तानि
सरूपतो वुत्तानेव ।

२१७. अहेतुकस्स सत्तस्स उप्पज्जन्तेहि सत्तत्तिंसचित्तेहि सह दुहेतुका, चतुमहाविपाका चाति चत्तालीस चित्तानि तथा
एककं दुहेतुकस्स सत्तस्स जायन्ति ।

२१८-२३. सब्बे महग्गता चेव सब्बे सत्तवीसतिविधा महग्गता चेव **सब्बेपि च अनासवा** सब्बे अट्ठ लोकुत्तरा चेव
चत्तारो तिहेतुकविपाका च कामे हसितुप्पादो सहेतुकमहाकिरिया चाति नव क्रियापि चेति चत्तालीसं तथा अट्ठ च **दुहेतुनो**
सत्तस्स न जायन्ति ।

अयमेत्थाधिप्पायो — दुहेतुनो रूपारूपसमापत्तिया असमत्थताय सत्तवीस महग्गता न जायन्ति, मग्गफलं अधिगन्तुं
असमत्थताय अट्ठ लोकुत्तरा न जायन्ति, तिहेतुकविपाका तिहेतुकानं सत्तानं विपाकचित्तत्ता न जायन्ति, नव किरियानि
खीणासवानंयेव उप्पज्जमानत्ता न जायन्तीति । **कामावचरसत्तस्स, तिहेतुपटिसन्धिनो** पुथुज्जनस्स चतुपञ्जास मानसा
जायन्ति । कतमानि तानि? दुहेतुकस्स वुत्तानि चत्तालीस चित्तानि तथा एकञ्च कामधातुयं चत्तारो जाणसम्पयुत्तविपाका
रूपारूपेसु नव पुज्जानि चाति चतुपञ्जास मानसा जायन्ति । **पुथुज्जनस्स** तिहेतुनो कामसत्तस्स पञ्चत्तिंस चित्तानि **न**
जायरे न जायन्ति । तं यथा —

आवज्जनद्वयं हित्वा, अट्ठारस क्रियापि च ।

नव महग्गता पाका, अट्ठ लोकुत्तरानि च ॥

कामपुथुज्जनस्सेव, तिहेतुपटिसन्धिनो ।

पञ्चत्तिंसेव चित्तानि, न जायन्ति कदाचिपि ॥

छदेवेसु मनुस्सेसु चाति सत्तसु भूमीसु जातस्स सोतापन्नस्स देहिनो सत्तस्स पज्जास चित्तानि जायन्ति । इति वचनं धीरो विनिद्दिसे कथेय्य । तं यथा —

दिट्ठिया विप्पयुत्तानि, दोमनस्सद्वयम्पि च ।
उद्धच्चसहितञ्चेव, कामपुज्जानि अट्ठ च ॥

नव महग्गतपुज्जानि, आवज्जनद्वयम्पि च ।
सब्बे कामविपाका च, सोतापत्तिफलम्पि च ॥

अस्स सोतापन्नस्स नवतिंसेव चित्तानि न उप्पज्जन्ति । इति वचनं धीरो दीपये देसेय्य । तं यथा —

आवज्जनद्वयं हित्वा, अट्ठारस क्रियापि च ।
नव महग्गता पाका, सत्त लोक्तरानि च ॥

दिट्ठिया सम्पयुत्तानि, विचिकिच्छायुतं तथा ।
नवतिंस न जायन्ति, सोतापन्नस्स देहिनो ॥

२२४. पठमं फलं ठपेत्वा सोतापन्नस्स पुग्गलस्स वुत्तानि चित्तानि अत्तनो सकदागामिनो फलेन सकदागामिफलेन सह सकदागामिपुग्गलस्स सियुं ।

२२५. सोतापन्नस्स वुत्तानि, ठपेत्वा पटिघद्वयं दुतियञ्च फलं सकदागामिफलञ्च हित्वा अत्तनो अनागामिफलेन सह सोतापन्नस्स सत्तस्स वुत्तानि यानि अट्ठचत्तालीस चित्तानि अत्थि, तानि अनागामिस्स सत्तस्स जायन्ति । इति वचनं धीरो विनिद्दिसे ।

२२६. कति चित्तानि जायन्ति, कामे अरहतो पन कामे सत्तसु कामभूमीसु जातस्स अरहतो खीणासवस्स कति चित्तानि जायन्ति? चत्तारि च चत्तारीसञ्च चित्तानि कामे सत्तसु कामभूमीसु जातस्स अरहतो सियुं भवेय्युं । तं यथा —

तेवीस कामपाकानि, क्रियचित्तानि वीसति ।
अरहत्तफलेनेव, कामे अरहतो सियुं ॥

२२७. मग्गट्ठानं चतुन्नम्पि तेसं पुग्गलानं सकं सकं मग्गचित्तं सिया भवेय्य । एकचित्तक्खणा हि ते हि सच्चं तं मया वुत्तं वचनं । ते मग्गा एकचित्तक्खणा ।

२२८. पुथुज्जनस्स तीस्वेव, पठमज्झानभूमिसु तीसु एव पठमज्झानभूमीसु जातस्स पुथुज्जनस्स ब्रह्मनो पञ्चतिंस एव चित्तानि जायन्ति । इति वचनं धीरो विनिद्दिसे उच्चारयेय्य । तं यथा —

दोमनस्सद्वयं हित्वा, अपुज्जानि दसेव च ।
कामपुज्जानि अट्ठेव, नव पुज्जा महग्गता ॥

चक्खुसोतद्वयं पुञ्जपाकं सन्तीरणद्वयं ।
 आवज्जनद्वयञ्चेव, पुञ्जं सम्पटिच्छनं ।
 पठमज्झानपाको च, पञ्चतिसेव जायरे ॥

२२९-२३४. घानादीसु पसादेसु पवत्तं कुसलविपाकं **विज्जाणत्तयं** सत्त अपुञ्जजा पाका अट्ट महापाका तथा उपरिज्ञानभूमीसु जाता पाका आरुप्पा चत्तारो विपाकापि च दोमनस्सद्वयम्पि च आवज्जनद्वयवज्जा **अट्टारस क्रिया चेव** अट्ट लोकुत्तरानि च एतानि चतुपज्जास चित्तानि पठमज्झानभूमीसु तीसु निब्बत्तस्स पुथुज्जनस्स देहिनो सत्तस्स **न च लब्धरे** न लब्धन्ति । तासु तीसु भूमीसु निब्बत्तस्स **पुथुज्जनस्स** ब्रह्मनो **वुत्तेसु** चित्तेसु अपुञ्जपञ्चकं हित्वा तत्थ तीसु पठमज्झानभूमीसु निब्बत्तस्स **सोतापन्नस्स** ब्रह्मनो पठमफलेन सह एकत्तिस चित्तानि **जायरे** जायन्ति । **सकदागामिनो तत्थ** तीसु पठमज्झानभूमीसु जातस्स सकदागामिनो ब्रह्मनो तेसु चित्तेसु पठमं फलं ठपेत्वा सकदागामिफलं पक्खिपित्वा एकत्तिसेव चित्तानि जायरे । **अनागामिस्स तत्थेव** तीसु पठमज्झानभूमीसु एव जातस्स अनागामिस्स दुतियं फलं ठपेत्वा अत्तनो फलचित्तेन सह एकत्तिसेव चित्तानि जायन्ति ।

२३५विज्जाणं चक्खुसोतानं, पुञ्जं सम्पटिच्छनं ।
सन्तीरणद्वयञ्चेव, क्रियचित्तानि वीसति ॥

२३६-७. अरहत्तफलं पठमज्झानतो सम्भवो पाको सत्तवीसति चित्तानि **अरहन्तस्स** खीणासवस्स जायरे । **पुथुज्जनस्स तीस्वेव** तीसु एव दुतियज्झानभूमीसु जातस्स पुथुज्जनस्स ब्रह्मनो दुतियज्झानततियज्झानपाकेन सह छत्तिस चित्तानि जायन्ति । तं यथा —

दोमनस्सद्वयं हित्वा, अपुञ्जानि दसेव च ।
 कामपुञ्जानि अट्टेव, नव पुञ्जमहग्गता ॥

चक्खुसोतद्वयं पुञ्जपाकं सन्तीरणद्वयं ।
 आवज्जनद्वयञ्चेव, पुञ्जं सम्पटिच्छनं ॥

दुतियज्झानपाकेन, ततियज्झानपाकतो ।
 छत्तिसेव च चित्तानि, दुतियज्झानदेहिनो ॥

२३८-२४१. पुथुज्जनस्स वुत्तेसु, हित्वा वापुञ्जपञ्चकं अत्तनो फलेन सह बात्तिस चित्तानि सोतापन्नस्स जायन्ति । **सोतापन्नस्स वुत्तेसु, ठपेत्वा पठमं फलं** सोतापन्नस्स वुत्तेसु पठमं फलं ठपेत्वा अत्तनो फलचित्तेन सह बात्तिस चित्तानि, सकदागामिस्स वुत्तेसु दुतियं फलं ठपेत्वा अनागामिफलेन सह बात्तिसेव चित्तानि **अस्स** अनागामिनो भवन्ति । **अरहन्तस्स तीस्वेव, अट्टवीसति** अत्तनो तीसु एव दुतियज्झानभूमीसु जातस्स अरहतो अत्तनो फलेन दुतियज्झानततियज्झानपाकतो पाकेहि सह अट्टवीसति चित्तानि होन्ति । तं यथा —

विज्जाणं चक्खुसोतानं, पुञ्जं सम्पटिच्छनं ।
 सन्तीरणद्वयञ्चेव, क्रियचित्तानि वीसति ॥

अरहत्तफलं पाको, दुतियज्झानसम्भवो ।
ततियज्झानपाको च, अट्ठवीसति मानसा ॥

२४२-६. परित्तकसुभादीनं, देवानं तीसु भूमीसु चतुत्थज्झानविपाकेन सह पञ्चतिंसेव चित्तानि जायन्ति ।
सोतापन्नस्स तत्थेक-तिंस चित्तानि जायरेतत्थ तासु तीसु परित्तकसुभादीनं भूमीसु सोतापन्नस्स च एकतिंस चित्तानि जायरे । यथा **एवं** सकदागामिनो एकतिंस चित्तानि जायरे । तथा अनागामिनो एकतिंस जायरे । **तत्थेव** तासु तीसु भूमीसु एव जातस्स खीणासवस्स सत्तवीसति मानसा होन्ति, तथा एवं **वेहप्फले** वेहप्फलभूमियं जातानं पुथुज्जनसेक्खानं पञ्चन्नं **सब्बेसं** पुगगलानं मानसा होन्ति । पञ्चसु **सुद्धावासिकभूमीसु** जातस्स अनागामिनो सत्तस्स एकतिंसेव चित्तानि होन्ति । **इति** वचनं धीरो **परिदीपये** देसेय्य । **तत्थेव** तासु सुद्धावासभूमीसु एव जातस्स अरहतो सत्तवीसति मानसा होन्ति । **एवं** इमिना मया वुत्तप्पकारेन **रूपीसु** पञ्चदससु रूपिभूमीसु जातानं सब्बेसं पुगगलानं चित्तानि **विभाविना** धीरेन **विज्जेय्यानि** जानितब्बानि ।

२४७. चतुवीसति चित्तानि, पठमारुप्पभूमियं पठमारुप्पभूमियं जातस्स पुथुज्जनस्स चतुवीसति चित्तानि जायन्ति । **इति** वचनं धीरो विनिद्दिसे । तं यथा —

दोमनस्सद्वयं हित्वा, अपुज्जानि दसेव च ।
कामपुज्जानि अट्ठेव, आरुप्पकुसलानि च ।
पठमारुप्पपाको च, क्रियावोड्ढब्बनम्पि च ॥

२४८-२५१. सोतापन्नस्स तत्थेव, ठपेत्वापुज्जपञ्चकंतत्थ तिस्सं पठमारुप्पभूमियं एव सोतापन्नस्स पुगगलस्स अपुज्जपञ्चकं हित्वा अत्तनो फलेन सह वीसति चित्तानि होन्ति । तथा **तत्थ** तिस्सं पठमारुप्पभूमियं सकदागामिनो, अनागामिनोपि च पुगगलस्स पुब्बं पुब्बं फलं **विना** वज्जेत्वा अत्तनो फलेन सह वीसति चित्तानि जायन्ति । **खीणासवस्स तत्थेव** तत्थ तिस्सं पठमारुप्पभूमियं एव जातस्स खीणासवस्स दस पञ्च मानसा च जायन्ति । तं यथा —

महाक्रियानि अट्ठेव, चत्वारुप्पक्रियानि च ।
अरहत्तफलं पाको, वोड्ढब्बज्जापि मानसं ॥

दुतियारुप्पभूमियं जातस्स पुथुज्जनस्स सत्तस्स तेवीसति चित्तानि होन्ति । तं यथा —

दोमनस्सद्वयं हित्वा, अपुज्जानि दसेव च ।
कामपुज्जानि अट्ठेव, पुज्जारूपूपरी तयो ।
दुतियारुप्पपाको च, वोड्ढब्बज्जापि मानसं ॥

इति एवं इमिना पकारेन **वत्वा** कथेत्वा धीरो पण्डितो **विभावये** देसेय्य । **एत्थ** एतिस्सं दुतियारुप्पभूमियं जातानं तिण्णन्नं सेक्खानम्पि एकूनवीसति चित्तानि होन्ति । तं यथा —

दिट्ठिया विप्पयुत्तानि, उद्धच्चसहितं तथा ।
कामपुज्जानि अट्ठेव, पुज्जारूपूपरी तयो ॥

दुतियारुप्पपाको च, वोढुब्बज्जापि मानसं ।
सकसकफलेनेव, चित्तानेकूनवीसति ॥

२५२. चुद्धसेव तु चित्तानि दुतियारुप्पभूमियं जातस्स खीणासवस्स किरियचित्तानि द्वादस एको पाको
अरहत्तफलज्जाति चुद्धसेव चित्तानि होन्ति । तं यथा —

महाक्रियानि अट्टेव, क्रियारूपूपरी तयो ।
वोढुब्बज्ज सको पाको, अरहत्तफलम्पि च ॥

२५३. पुथुज्जनस्स सत्तस्स, ततियारुप्पभूमियं ततियअरूपभूमियं जातस्स पुथुज्जनस्स सत्तस्स बावीसति चित्तानि
भवन्ति । इति वचनं धीरो पकासये । तं यथा —

दोमनस्सद्वयं हित्वा, अपुज्जानि दसेव च ।
कामपुज्जानि अट्टेव, पुज्जारूपूपरी दुवे ।
ततियारुप्पपाको च, वोढुब्बज्जापि मानसं ॥

२५४-५. अट्टारसेव चित्तानि, सोतापन्नस्स पुगगलस्स अट्टारस एव चित्तानि जायरे । तं यथा —

दिट्ठिया विप्पयुत्तानि, उद्धच्चसहितं तथा ।
महापुज्जानि अट्टेव, पुज्जारूपूपरी दुवे ॥
अट्टारसेव पाकेन, सोतापत्तिफलेन च ।
वोढुब्बज्जापि मानसं, सोतापन्नस्स जायरे ॥

सकदागामिनो पठमं फलं ठपेत्वा अत्तनो फलेन तानि अट्टारस चित्तानि होन्ति । सकदागामिनो वुत्तेसु चित्तेसु दुतियं
फलं ठपेत्वा अत्तनो फलेन सह अट्टारस चित्तानि एव अनागामिस्स जायरे ।

२५६. तेरसेव च चित्तानि, ततियारुप्पभूमियं ततियअरूपभूमियं जातस्स खीणासवस्स तेरसेव चित्तानि जायन्ति ।
इति वचनं धीरो विनिद्दिसे । तं यथा —

महाक्रियानि अट्टेव, क्रियारूपूपरी दुवे ।
अरहत्तफलं पाको, वोढुब्बज्जापि मानसं ॥

२५७. एकवीसति चित्तानि, चतुत्थारुप्पभूमियं चतुत्थअरूपभूमियं जातस्स पुथुज्जनस्स सत्तस्स एकवीसति
चित्तानि जायन्ति । इति इदं वचनं धीरो विनिद्दिसे । तं यथा —

दोमनस्सद्वयं हित्वा, अपुज्जानि दसेव च ।
कामपुज्जानि अट्टेव, वोढुब्बज्जापि मानसं ।

चतुत्थारुप्पपुञ्जञ्च, सपाकेनेकवीसति ॥

२५८-२६०. सोतापन्नस्स सत्तस्स, सत्तरस चित्तानि धीरो पकासये । तं यथा —

दिट्ठिया विप्पयुत्तानि, उद्धच्चसहितं तथा ।
कामपुञ्जानि अट्ठेव, सोतापत्तिफलम्पि च ।
चतुत्थारुप्पपुञ्जञ्च, सपाको वोट्ठब्बम्पि च ॥

सकदागामिनो पठमं फलं ठपेत्वा तानि एव चित्तानि सफलेन होन्ति । सकदागामिनो वुत्तेसु चित्तेसु दुतियं फलं ठपेत्वा अत्तनो फलेन सत्तरस मानसा अनागामिस्स होन्ति । द्वादसेव तु चित्तानि, चतुत्थारुप्पभूमियं जातस्स अरहन्तस्स द्वादस एव चित्तानि जायन्ति । तं यथा —

महाक्रियानि अट्ठेव, वोट्ठब्बञ्चापि मानसं ।
चतुत्थञ्च क्रियारूपं, पाको अरहतो फलं ॥

इति एवं इमिना मया वुत्तप्पकारेण पुग्गलानं वसेन भूमीसु चित्तप्पवर्त्तिं विदू धीरो विभावये ।

२६१-२. हेट्ठिमानं अरूपीनं, ब्रह्मानं उपरूपरि जाता अरूपकुसला चेव किरियापि च उप्पज्जन्ति । उद्धं उद्धं भागे जातानं अरूपीनं ब्रह्मानं हेट्ठिमा हेट्ठिमा आरुप्पा हेट्ठाभागे जाता अरूपावचरा पन नेव जायन्ति । कस्मा कारणाति? किर मया सुतं, हेट्ठिमझानेसु दिट्ठादीनवतो दिट्ठदोसभावतो नेव जायन्ति ।

२६३-५. ठपेत्वा पठमं मग्गं सोतापत्तिमग्गं ठपेत्वा कुसलानुत्तरा तयो तयो अनुत्तरा कुसला तयो मग्गा, कामावचरपुञ्जानि अट्ठ, तथा दस अपुञ्जानि चित्तानि, अरूपपुञ्जानि चत्तारि । सब्बे पाका अनुत्तरा सब्बानि लोकुत्तरफलानि, पठमारुप्पपाको च नव कामकिरियापि च, अरूपापि सब्बा किरिया, एतानि पन तेचत्तालीस मानसा पठमारुप्पभूमियं उप्पज्जन्ति ।

२६६-७. सब्बो तेवीसतिकामविपाको, सब्बो पन्नरसविधो महग्गतो रूपो चित्तुप्पादो, मनोधातु किरियामनोधातु, दोमनस्सद्वयम्पि च आदिमग्गो च तथा उपरि जाता तयो अरूपपाका चाति छचत्तालीस चित्तानि एत्थ एतस्सं पठमारुप्पभूमियं नत्थि ।

२६८-९. वुत्तेसु पन चित्तेसु, पठमारुप्पभूमियं वुत्तेसु चित्तेसु कुसलपाककिरियावसेन पठमारुप्पत्तयं ठपेत्वा अत्तनो पाको चाति चत्तालीस चित्तानि दुतियारुप्पभूमियं जायन्ति । एवं इमिना मया वुत्तप्पकारेण सेसद्वये पठमदुतियारुप्पतो सेसआकिञ्चञ्जायतननेवसञ्जानासञ्जायतनभूमिद्वये हेट्ठिमहेट्ठिमं कुसलविपाककिरियावसेन हेट्ठाभागे जातं अरूपत्तयं हित्वा अत्तनो अत्तनो पाका एवं इमिना मया वुत्तप्पकारेण पण्डितेन जेय्या जानितब्बा ।

२७०-३. चत्तारो च अनासवा, विपाका चत्तारि लोकुत्तरफलचित्तानि, सब्बे सब्बानि च चतूसु आरुप्पभूमीसु होन्ति । वोट्ठब्बनेन चित्तेन सह कामे अट्ठ महाकिरिया, चतस्सो अरूपकिरियापि चाति तेरस एव किरिया पठमारुप्पभूमियं जातस्स खीणासवस्स जायन्ति । दुतियारुप्पभूमियं जातस्स खीणासवस्स पठमारुप्पकिरियं हित्वा द्वादस एव किरिया

होन्ति । ततियारुप्पभूमियं जातस्स खीणासवस्स पठमदुतियारुप्पकिरियानि हित्वा एकादस किरिया होन्ति ।
चतुत्थारुप्पभूमियं जातस्स खीणासवस्स पठमदुतियततियारुप्पकिरियानि हित्वा दसेव किरिया **जेय्या** जानितब्बा ।

२७४ अरहतो पन चित्तानि, होन्ति एकूनवीसति ।

अरहत्तं क्रिया सब्बा, ठपेत्वावज्जनद्वयं ॥

आवज्जनद्वयं ठपेत्वा सब्बा किरिया, अरहत्तफलज्वाति एकूनवीसति चित्तानि अरहतो पन होन्ति । आवज्जनद्वयं किञ्चापि खीणासवस्स होन्ति, एवम्पि अज्जेसं पुथुज्जनसेक्खानम्पि होन्तियेव । एकूनवीसति चित्तानि खीणासवस्स एव होन्ति, न अज्जेसन्ति आपनत्थं “आवज्जनद्वयं ठपेत्वा”ति वुत्तं ।

२७५-६. चतुन्नं फलट्टानं पुग्गलानञ्च तिहेतुकपुथुज्जने च तेरसेव चित्तानि भवन्ति । इति वचनं धीरो पकासये । तं यथा — चत्तारो जाणसम्पयुत्ता महाविपाकानि, नव रूपारूपपाका च इमे तेरसेव चित्तानि भवन्ति ।

२७७-९. चतुन्नं फलट्टानं पुग्गलानञ्च दुहेतुकपुथुज्जने च जाणपरिहीनानि चत्तारि विपाकानि एव जायरे ।
पुथुज्जनानं तिण्णम्पि, चतुन्नं अरियदेहिनं अरियगतानं सत्तन्नं पुग्गलानं सत्तरसेव चित्तानि भवन्ति । तं यथा — दुवे पञ्चविज्जाणानि, मनोधातुत्तयसन्तीरणानि, वोढुब्बनञ्च इमे सत्तरस एव होन्ति ।

२८०-५. हेट्ठा तिण्णं फलट्टानं, तिहेतुकपुथुज्जने चतुन्नं पुग्गलानं महग्गतानि एव कुसलानि होन्ति । तिण्णं पुथुज्जनानञ्च, आदितो तिण्णं अरियानं हेट्ठा अरियानं तेरसेव चित्तानि उप्पज्जन्ति । इति वचनं धीरो निदिसे । अट्ठेव कामपुज्जानि, अपुज्जतो अकुसलवसेन दिट्ठिहीना चत्तारो चित्तुप्पादापि, उद्धच्चसम्पयुत्तज्वाति तेरस चित्तानि होन्ति । **हेट्ठा द्विन्नं फलट्टानं सोतापन्नसकदागामिपुग्गलानं सब्बपुथुज्जने अहेतुकदुहेतुकतिहेतुकपुथुज्जने दोमनस्सयुत्तं द्वयमेव चित्तं जायते । तिण्णं पुथुज्जनानञ्च पञ्च एव जायरे ।** तं यथा —

चत्तारि दिट्ठियुत्तानि, विचिकिच्छायुत्तम्पि च ।

मग्गट्टानं चतुन्नम्पि, मग्गचित्तं सकं सकं ॥

तेसं चतुन्नं मग्गट्टानं पुग्गलानं सकं सकं एकमेव मग्गचित्तं भवे भवेय्य । इति एवं इमिना मया वुत्तप्पकारेण धीरो पण्डितो विभावये चित्तप्पवत्तिं पकासये ।

२८६-९. मया भवेसु चित्तानं, पुग्गलानं वसेन च । भवेसु सब्बभवेसु चित्तानं, पुग्गलानं वसेन च चित्तप्पवत्ति भिक्खूनं आभिधम्मिकभिक्खूनं पाटवत्थाय छेकभावाय मया पकासिता । एवं सब्बमिदं चित्तं, भूमिपुग्गलभेदतो एवं इमिना मया वुत्तप्पकारेण भूमिपुग्गलभेदतो इदं सब्बं चित्तं बहुधापि च बहुप्पकारम्पि च होति । इति गहणं विभाविना विज्जातब्बं । सक्का वुत्तानुसारेण मया वुत्तस्स अनुसारेण भेदो चित्तभेदो विभाविना जातुं विजानितुं सक्का । गन्थवित्थारभीतेन मया इदं चित्तप्पवत्तिदीपकवचनं संखित्तं, पुब्बापरं विलोकेत्वा, चिन्तेत्वा च पुनप्पुनं अत्थं उपपरिखित्वा विभाविना गहेतब्बं ।

२९०. इमज्चाभिधम्मावतारं सुसारं, वरं सत्तमोहन्धकारप्पदीपं इमञ्च अभिधम्मावतारप्पकरणं सुसारं सुन्दरसारभूतं वरं सत्तअन्धकारसदिसे मोहे पदीपं पज्जोत्तप्पदीपं यो नरो साधुकं चिन्तेति वाचेतिपि, तं नरं रागदोसा चिरं

चिरकालं नोपयन्ति न उपगच्छन्ति ।

इति अभिधम्मावतारटीकाय

भूमिपुगलचित्तुप्पत्तिनिद्वेसवण्णना निड्डिता ।

पञ्चमो परिच्छेदो ।

६. छट्ठो परिच्छेदो

आरम्भणविभागवण्णना

२९१. एतेसं पन चित्तानं, आरम्भणमितो परं ।

दस्सयिस्सामहं तेन, विना नत्थि हि सम्भवो ॥

इतो परं इतो परिच्छेदतो परं अहं एतेसं पन चित्तानं आरम्भणं दस्सयिस्सामि । हि कस्मा? तेन विना तं आरम्भणं वज्जेत्वा चित्तानं सम्भवो नत्थि यस्मा कारणा, तस्मा कारणा दस्सयिस्सामि ।

२९२. रूपं सद्दं गन्धं रसं, फोडुब्बं धम्ममेव च ।

छुधा आरम्भणं आहु, छळारम्भणकोविदा ॥

छळारम्भणेसु छेका पण्डिता आरम्भणं छुधा छप्पकारं आहु कथेसुं ।

२९३. तत्थ भूते उपादाय । तत्थ तेसु आरम्भणेसु भूते उपादाय भूते पटिच्च वण्णो चतुसमुद्धितो

कम्मचित्तउतुआहारसङ्घातेहि चतूहि पच्चयेहि समुद्धितो निब्बत्तो निदस्सनेन सह पवत्तो पटिघेन सह पवत्तो रूपारम्भणसज्जितो ।

२९४. दुविधोपि समुद्धितो, सद्दो चित्तोतुसम्भवो सद्दो दुविधोपि मुनिना समुद्धितो चित्तोतुसम्भवो,

सविज्जाणकसद्दोव चित्तसमुद्धितो होति । कथं? वचीभेदकचित्तेन भूताय जाताय भूमिया पथवीधातुया विकारता पथवीलक्खणभावतो अतिथद्दलक्खणता विकारता नाम । सा वचीविज्जत्ति विज्जायतीति विज्जत्तिया उपादिण्णघट्टनस्स कम्मजपथवीधातुया घट्टनस्स कारणं चित्तजपथवीधातुया कम्मजपथवीधातुया घट्टनञ्च सद्दो च अपुब्बं अचरिमं होति ।

२९५. अविज्जाणकसद्दो यो सो अविज्जाणकसद्दो उतुसमुद्धितो होति । अयं दुविधोपि सद्दो सद्दारम्भणतं गतो

सद्दारम्भणभावं पत्तो ।

२९६. धरीयतीति गच्छन्तो गच्छन्तो जनेहि धरीयतेति गन्धो । गमु सप्प गतिम्हि, धर धारणे । सूचनतो अत्तनो

साधारणस्स पुप्फादिनो वत्थुस्स पकासनतोपि वा गन्धो नाम । गन्ध सूचने । अयं गन्धो चतूहि समुद्धानं एतस्साति चतुसमुद्धानो । गन्धारम्भणसम्मतो ।

२९७. रसमाना रसन्तीति, रसोति परिकित्तितो जना रसमाना यं धम्मजातं रसन्ति अनुभवन्ति, इति यस्मा कारणा, तस्मा कारणा रसो इति रसो नाम पण्डितेहि परिकित्तितो, सो रसो चतुसम्भूतो रसारम्मणनामको ।

२९८. फुसीयतीति फोटुब्बं यं धम्मजातं जनेहि फुसीयतीति तस्मा फोटुब्बं, पथवीतेजवायवो । तं फोटुब्बं चतुसम्भूतं फोटुब्बारम्मणं मतं ।

२९९. सब्बं नामञ्च रूपञ्च, हित्वा रूपादिपञ्चकं रूपादिपञ्चकं हित्वा सब्बं नामञ्च चित्तचेतसिकनिब्बाननामञ्च रूपञ्च पञ्चपसादसुखुमरूपञ्च लक्खणानि च अनिच्चदुक्खअनत्तलक्खणानि च पञ्जत्ति च धम्मारम्मणसज्जितं ।

३००. छारम्मणानि लब्धन्ति, कामावचरभूमियं कामावचरभूमियं छारम्मणानि लब्धन्ति । तीणि रूपावचरे रूपसद्दधम्मारम्मणवसेन लब्धन्ति । अरूपे पन एकेकं धम्मारम्मणं लब्धति ।

३०१-३. खणवत्थुपरित्तत्ता, आपाथं न वजन्ति ये ये रूपादयो पञ्च विसया खणवत्थुपरित्तत्ता पञ्चारम्मणानं खणस्स परित्तत्ता मन्दत्ता तेसं अप्पायुक्त्ता वत्थुपरित्तत्ता पञ्चारम्मणानं अतिखुद्दकवत्थुकत्ता आपाथं पञ्चद्वारेसु पाकटभावं न वजन्ति, पञ्चपसादेसु घट्टनकिच्चं न साधेन्ति, ते रूपादयो पञ्च विसया धम्मारम्मणं होन्ति । इति येसं एकच्चानं आचरियानं मतं होति । किराति अनुस्सवनत्थे निपातो । ते पटिक्खिपितब्बाव ते एवं वादिनो एकच्चे आचरिया पटिक्खिपितब्बा, मया पटिसेधितब्बा । कस्मा? चक्खुविज्जाणं सोतविज्जाणस्स गोचरभूतं सद्दं न पटिअनुभोति, सोतविज्जाणं चक्खुविज्जाणस्स गोचरभूतं रूपं न पटिअनुभोति । इति अज्जमज्जस्स गोचरं नेव पच्चनुभोत्तानं तेसं पञ्चन्नं चक्खुविज्जाणादीनं विज्जाणानं तज्ज गोचरं मनोधातुमनोविज्जाणधातुसङ्घातं जवनं पन पच्चनुभोति । इति वचनस्स भगवता वुत्तत्ता पटिक्खिपितब्बा । रूपादयो पन विसया रूपादिपञ्चारम्मणानि एव होन्ति ।

३०४-६. दिब्बचक्खादिज्जाणानं, रूपादीनेव गोचरा तानि रूपादीनि एव गोचरा दिब्बचक्खादिज्जाणानं अनापाथगतानं एव पाकटभावं अप्पत्तानेव । इतिपि वचनं वुत्तं न युज्जति । यं धम्मजातं रूपारम्मणं भवन्तं, तं धम्मजातं कथं केन पकारेन धम्मारम्मणं भवेय्य? एवं सति रूपारम्मणस्स धम्मारम्मणत्ते सति एतेसं रूपारम्मणधम्मारम्मणानं नियमोपि कथं भवे केन पकारेन भवेय्य? सब्बं आरम्मणं एतं एतं सब्बं आरम्मणं छब्बिधं छप्पकारं भगवता समुदीरितं । तं परित्तत्तिकादीनं वसेन बहुप्पकारेहि मतं ।

३०७. सब्बो कामविपाको च सब्बो तेवीसतिकामविपाको च क्रियाहेतुद्वयम्पि च मनोधातुहसितुप्पादवसेन किरियाहेतुद्वयम्पि चाति पञ्चवीसति चित्तुप्पादा एकन्तपरित्तारम्मणा एकन्तकामावचरारम्मणा सियुं भवेय्युं ।

३०८-१०. इट्ठादिभेदा पञ्चेव, रूपसद्दादयो पन द्विपञ्चन्नं विज्जाणानं पटिपाटिया अनुक्कमेन गोचरा होन्ति । रूपादिपञ्चकं सब्बं, मनोधातुत्तयस्स तु मनोधातुत्तयस्स पन सब्बं रूपादिपञ्चकं आरम्मणं होति, एतेसं तेरसन्नं पन चित्तानं रूपक्खन्धोव गोचरो आरम्मणं होति । नारूपं नामं आरम्मणं न करोन्ति । न च पञ्जत्ति पञ्जत्ति आरम्मणं न करोन्ति । नातीतं अतीतं आरम्मणं न करोन्ति । न चनागतं अनागतं आरम्मणं न करोन्ति एव । हि सच्चं वत्तमानो गोचरो एतेसं द्विपञ्चविज्जाणानं, मनोधातुत्तयस्स चाति तेरसन्नं चित्तानं तं आरम्मणं वत्तमानं एव पच्चुप्पन्नं एव ।

३११. तेरसेतानि चित्तानि, जायन्ते कामधातुयं एतानि तेरस चित्तानि कामधातुयं जायन्ति, रूपावचरे पुञ्जजानि चक्खुसोतविज्जाणसम्पटिच्छनानि, किरियामनोधातु चाति चत्तारि चित्तानि जायन्ति । अरूपिसु अरूपभूमीसु नेव किञ्चिपि एकम्पि चित्तं नेव जायति ।

३१२-३. महापाकानमट्टन्नं अट्टन्नं महाविपाकानं पवत्तियं छसु द्वारेसु तदारम्मणकिच्चानं रूपादिछपरित्तानि गोचरा । सन्तीरणत्तयस्सपि पवत्तियं पञ्चद्वारे सन्तीरणत्तयकिच्चस्स, छद्वारेसु तदालम्बणकिच्चस्स च रूपादिछपरित्तानि गोचरा । रूपादयो परित्ता छ, हसितुप्पादगोचरा हसितुप्पादस्स रूपादयो छ परित्ता गोचरा होन्ति । पञ्चद्वारे पटुप्पन्ना पञ्चसु द्वारेसु ये गोचरा पच्चुप्पन्ना, मनोद्वारे तिकालिका ये गोचरा तिकालिका तीसु कालेसु नियुत्ता ।

३१४-५. दुतियारुप्पचित्तञ्च, चतुत्थारुप्पमानसं कुसलविपाककिरियावसेन छब्बिधं चित्तं महग्गतगोचरं नियतं नियतारम्मणं होति, तं छब्बिधं चित्तं महग्गतगोचरं पुब्बे अत्तना अधिगतआकासानज्वायतनआकिञ्चज्वायतनकुसलारम्मणं, तेसु द्वे दुतियचतुत्थारुप्पपाका “यस्स यस्स कुसलज्ञानस्स यं यं आरम्मणं गहेत्वा ब्रह्मलोके पटिसन्धि होती”ति वचनतो सकसककुसलस्स आरम्मणं एव तेसं विपाकानं आरम्मणं होति । निब्बानारम्मणत्ता हि, एकन्तेन अनञ्जतो अट्टानासवचित्तानं अप्पमाणोव निब्बानं एव गोचरं आरम्मणं होति । हि कस्मा कारणा? निब्बानारम्मणत्ता, न अञ्जतो आरम्मणतो ।

३१६-३२०. चत्तारो जाणहीना च, कामावचरपुञ्जतो कामावचरकुसलवसेन चत्तारो जाणहीना च क्रियतो किरियवसेन चत्तारो जाणहीना च द्वादसाकुसलानि च ते परित्तरम्मणा चेव महग्गतगोचरा च, ते न वत्तब्बा च होन्ति । कस्मा? पञ्चत्तरम्मणत्ता । चत्तारो जाणसंयुत्ता, पुञ्जतो कुसलवसेन चत्तारो जाणसम्पयुत्ता, क्रियतो किरियवसेन चत्तारो जाणसम्पयुत्ता च तथा अभिज्जाद्वयञ्च किरियावोड्डब्बनम्पि च एकादसन्नं एतेसं चित्तानं गोचरो परित्तमहग्गतअप्पमाणवसेन तिविधो होति । इमे एकादस न वत्तब्बापि होन्ति । कस्मा? पञ्चत्तरम्मणत्ता । यानि वुत्तावसेसानि वुत्ततो चित्ततो सेसानि यानि चित्तानि, तानि न वत्तब्बारम्मणानीति विभाविना विज्जेय्यानि ।

परित्तरम्मणत्तिकं समत्तं ।

३२१. दुतियारुप्पचित्तञ्च, चतुत्थारुप्पमानसं ।

छब्बिधं पन एकन्तअतीतारम्मणं सिया॥

३२२-६. विज्जाणानं द्विपञ्चन्नं द्विन्नं पञ्चविज्जाणानं, मनोधातुत्तयस्स च तेरसन्नं चित्तानं गोचरा रूपादयो पञ्च धम्मा पच्चुप्पन्नाव, अट्ट काममहाविपाका तदारम्मणकिच्चवसेन अतीतानागतपच्चुप्पन्नगोचरा, चुतिकिच्चवसेन अतीतारम्मणा, पटिसन्धिभवङ्गकिच्चवसेन पच्चुप्पन्नातीतारम्मणा । सोमनस्ससन्तीरणं सन्तीरणकिच्चवसेन पच्चुप्पन्नारम्मणं । तदारम्मणकिच्चवसेन पच्चुप्पन्नानागतातीतारम्मणं । सेससन्तीरणद्वयं सन्तीरणकिच्चवसेन पच्चुप्पन्नारम्मणं, तदारम्मणकिच्चवसेन पच्चुप्पन्नानागतातीतारम्मणं, चुतिकिच्चवसेन अतीतारम्मणं, पटिसन्धिभवङ्गकिच्चवसेन पच्चुप्पन्नातीतारम्मणं । हसितुप्पादचित्तं जवनकिच्चवसेन पच्चुप्पन्नातीतानागतगोचरं । इति एते द्वादस मानसा पन सियातीतारम्मणा अतीतारम्मणा सियुं । पच्चुप्पन्नानागतगोचरा पच्चुप्पन्नारम्मणा अनागतारम्मणा सियुं । कामे वीसति कुसलाकुसला क्रियतो किरियवसेन कामे नव मानसा, वोड्डब्बं वोड्डब्बनकिच्चवसेन पच्चुप्पन्नारम्मणं, आवज्जनकिच्चवसेन तिकालारम्मणं । महाकिरियमानसा जवनकिच्चवसेन तिकालारम्मणा, सन्ते

पञ्चत्तिकाले नवत्तब्बारम्मणा । द्वे अभिज्जामानसापि अभिज्जाकिच्चवसेन अतीतादिगोचरा सियुं । इमे मानसा पञ्चत्तिकालेपि सन्ते नवत्तब्बा भवन्ति । रूपारूपभवेसु मया वुत्ततो **सेसानि सब्बानि** चित्तानि **अतीतारम्मणादिना** अतीतारम्मणादिवसेन पण्डितेन **न वत्तब्बानि** न कथितब्बानि होन्ति एव, पञ्चत्तारम्मणानि एव होन्तीति अत्थो ।

३२७. कामतो च क्रिया पञ्च कामावचरवसेन पञ्च किरिया, **रूपतो** रूपावचरवसेन **पञ्चमी क्रिया** अभिज्जाचित्तं, एतेसं छन्नं चित्तानं नत्थि **किञ्चि** एकम्पि **अगोचरं** अनारम्मणं, सब्बारम्मणन्ति अत्थो । “पञ्चमी क्रिया”ति वचनं अभिज्जाचित्तवसेन वुत्तं । सुद्धज्ञानस्स पञ्चमरूपकिरियस्स पञ्चत्तारम्मणं एवाति वेदितब्बं ।

३२८. निब्बानञ्च चतुब्बिधं फलं, मगं रूपञ्च **अरूपं** चित्तचेतसिकसङ्घातं नामञ्च गोचरं कातुं यानि चित्तानि सक्कोन्ति, तानि चित्तानि मे वद, आचरिय, तानि मय्हं कथेहि ।

३२९-३०. चत्तारो जाणसंयुत्ता, पुज्जतो पुज्जवसेन चत्तारो जाणसम्पयुत्ता, **क्रियतो तथा** किरियवसेन चत्तारो जाणसम्पयुत्ता, द्वे अभिज्जामानसा, किरियावोदुब्बनम्पि चाति एकादस चित्तानि निब्बानञ्च फलञ्च मगगञ्च रूपञ्च **अरूपं** नामञ्च गोचरं कातुं सक्कोन्ति ।

३३१-४. चित्तेसु पन सब्बेसु यानि चित्तानि अरहत्तफलं अरहत्तमगं गोचरं कातुं सक्कोन्ति, **तानि कति चित्तानि** मे वद तानि मय्हं त्वं कथेहि । **सब्बेसु पन चित्तेसु, छ च चित्तानि मे सुण**, भो भद्रेमुख, त्वं मय्हं वचनं सुणोहि, सब्बेसु पन चित्तेसु छ चित्तानि अरहत्तफलं अरहत्तमगं गोचरं कातुं सक्कोन्ति । चत्तारो जाणसंयुत्ता, किरिया च वोदुब्बनम्पि च किरियाभिज्जामनो चाति छ च चित्तानि गोचरं कातुं सक्कोन्ति । **पुज्जतो** पुज्जवसेन चत्तारो जाणसम्पयुत्ता, **पुज्जतो** पुज्जवसेन अभिज्जाचित्तञ्च अरहत्तफलं मगं गोचरं कातुं न सक्कोन्ति ।

३३५-८. अरहतो खीणासवस्स मगगचित्तं फलमानसं वा पुथुज्जना वा सेक्खा वा विजानितुं न सक्कोन्ति । कस्मा कारणा? पुथुज्जनो सोतापन्नस्स मानसं न जानाति, सोतापन्नो सकदागामिस्स मानसं न जानाति, सकदागामी अनागामिस्स मानसं न जानाति, अनागामी अरहन्तस्स मानसं न जानाति । **हेट्ठिमो हेट्ठिमो** पुगगलो **उपरूपरि** ठितस्स पुगगलस्स मानसं नेव जानाति, **उपरूपरि** ठितो पुगगलोपि हेट्ठिमस्स हेट्ठिमस्स पुगगलस्स मानसं जानाति ।

३३९-३४२. यो धम्मो यस्स धम्मस्स आरम्मणं होति, तं आरम्मणं एकं एकं उद्धरित्वा इतो परं पवक्खामि । **कुसलारम्मणं कामे** कामे अट्ठविधं कुसलं अट्ठविधस्स कामावचर**कुसलस्स** आरम्मणं होति । कथं? पुब्बेव कतं अट्ठविधं महाकुसलं पच्छा सोमनस्ससहगतजाणसम्पयुत्तचित्तद्वयेन वा सोमनस्ससहगतजाणविप्पयुत्तचित्तद्वयेन वा उपेक्खासहगतजाणसम्पयुत्तद्वयेन वा उपेक्खासहगतजाणविप्पयुत्तद्वयेन वा अनुस्सरणकआलादीसु तस्स अट्ठविधस्स कुसलस्स जवनकिच्चवसेन आरम्मणं होति, विप्पटिसारकालादीसु द्वादसविधस्स **अकुसलस्स** आरम्मणं होति, कुसलस्स अभिज्जामानसस्स च किरियस्स अभिज्जामानसस्स च आरम्मणं होति, एकादसविधस्स कामावचरविपाकस्स तदारम्मणवसेन आरम्मणं होति । **तथा कामक्रियस्साति** जवनकिच्चवसेन हसनस्स आवज्जनकिच्चवसेन वोदुब्बनस्स जवनकिच्चवसेन महाकिरियस्स आरम्मणं होति, एतेसं छन्नं रासीनं आरम्मणं **सिया** भवेय्य । रूपावचरपुज्जानि पञ्च **ततो** छरासितो कामविपाकं वज्जेत्वा पञ्चन्नं रासीनं आरम्मणानि होन्ति । तदा लोभमूलमोहमूलवसेन अत्तना पटिलद्धज्ञानानं अनुस्सरणकाले तस्स दसविधस्स अकुसलस्स आरम्मणं होति, तिहेतुकपटिसन्धिनो सत्तस्स ज्ञानतो परिहीनस्स ज्ञानं पच्चवेक्खतो ज्ञानारम्मणं दोमनस्सयुत्तं होति, तदा तस्स पटिघद्वयस्स आरम्मणं होति । **कामक्रियस्साति**

एकन्तपरितारम्मणानि किरियामनोधातुहसनानि वज्जेत्वा आवज्जनकिच्चवसेन वोढुब्बनस्स, जवनकिच्चवसेन महाकिरियस्स च आरम्मणं होति ।

३४३. आरुप्पकुसलञ्चापि, तेभूमकुसलस्स च महाकुसलस्स च अभिज्जाकिच्चवसेन पञ्चमरूपकुसलस्स च दुतियचतुत्थअरूपकुसलस्स च **तेभूमकक्रियस्सापि** वोढुब्बनस्स महाकिरियस्स च अभिज्जाकिच्चवसेन पञ्चमरूपकिरियस्स च दुतियचतुत्थारुप्पकिरियस्स च आरम्मणं होति, दुतियारुप्पकिरियस्स च पठमारुप्पकिरियाय आरम्मणेन भवितब्बं, चतुत्थारुप्पकिरियस्स च ततियारुप्पकिरियाय आरम्मणेन भवितब्बं, एवञ्च सति कथं पठमारुप्पकुसलं दुतियारुप्पकिरियस्स आरम्मणं होति, ततियारुप्पकुसलञ्च चतुत्थारुप्पकिरियस्स आरम्मणं होतीति चे वत्तब्बं, यदा पुथुज्जनयोगी वा सेक्खो वा योगी रूपसमापत्तिं समापज्जित्वा ततो वुड्हित्वा आकासानञ्चायतनसङ्घातं पठमारुप्पसमापत्तिं समापज्जित्वा वीतरागो हुत्वा अत्तना अधिगता समापत्तियो गहेत्वा पुथुज्जनसेक्खकाले अत्तना अनधिगतं दुतियं अरूपसमापत्तिं समापज्जि, तदा खीणासवकाले समापज्जितं दुतियं अरूपकिरियं पठमारुप्पकुसलं आरम्मणं करोति, एवं पठमारुप्पकुसलं दुतियारुप्पकिरियस्स आरम्मणं होति ।

यदा योगी रूपसमापत्तियो समापज्जित्वा ततो वुड्हित्वा पठमारुप्पकुसलं दुतियारुप्पकुसलं ततियारुप्पकुसलञ्च समापज्जित्वा खीणासवो हुत्वा अत्तना अधिगता समापत्तियो गहेत्वा अत्तना अनधिगतं चतुत्थं अरूपसमापत्तिं समापज्जि, तदा चतुत्थारुप्पकिरिया ततियारुप्पकुसलं आरम्मणं करोति, एवं चतुत्थारुप्पकिरियस्स ततियारुप्पकुसलं आरम्मणं होति, पच्छा खीणासवकाले समापज्जिता रूपारूपसमापत्तियो होन्ति । यथा होति, **तथा एव** अकुसलस्सपि आरम्मणं होति ।

३४४-७. अरूपावचरपाकानन्ति जातिनिद्धारणं, चतुत्थदुतियानं अरूपपाकानम्पि आरम्मणं होति, “चतुत्थदुतियान”न्ति वत्तब्बे तियानं-सदस्स लोपं कत्वा “**चतुत्थदू**”ति वुत्तं, तदा द्विन्नं अरूपपाकानं पठमारुप्पततियारुप्पजवनानि आरम्मणानि होन्ति, “यस्स कुसलस्स ज्ञानस्स यं आरम्मणं गहेत्वा ब्रह्मलोके पटिसन्धि होती”ति वचनतो सकसककुसलानं आरम्मणभूतानि आकासानञ्चायतनआकिञ्चज्जायतनानि तेसं दुतियचतुत्थारुप्पपाकानं आरम्मणानि होन्ति, एवं अरूपकुसलं इमेसं अट्टरासीनं आरम्मणपच्चयो होति । **अपरियापन्नपुञ्जम्पि** चतुब्बिधलोकुत्तरकुसलम्पि **कामावचरतो** कामावचरवसेन **कुसलस्स** जाणसम्पयुत्तमहाकुसलस्स च **क्रियस्स** वोढुब्बनस्स, जाणसम्पयुत्ततो किरियस्स च **रूपतो** रूपावचरवसेन पञ्चमस्स रूपकुसलस्स च पञ्चमस्स रूपकिरियस्स चाति चतुन्नं रासीनं आरम्मणं सदा होति, अयमेत्थ अधिप्पायो — सेक्खानं जाणसम्पयुत्तमहाकुसलस्स, वोढुब्बनस्स, पञ्चमस्स रूपकुसलस्स च तिविधं लोकुत्तरपुञ्जं आरम्मणं होति । खीणासवस्स वोढुब्बनस्स, जाणसम्पयुत्तमहाकिरियस्स, पञ्चमस्स रूपकिरियस्स च अरहत्तपुञ्जं आरम्मणं होति । यथा **तथा एव** सब्बं अकुसलं **कामावचरतो** कामावचरवसेन **कुसलस्स** महाकुसलस्स, **क्रियस्स** हसनवोढुब्बनमहाकिरियस्स च **रूपावचरतो** पन रूपावचरवसेन पञ्चमस्स रूपकुसलस्स, पञ्चमस्स रूपकिरियस्स च आरम्मणं होति, यथा **तथा एव** सब्बस्स अकुसलस्स च कामावचरविपाकानं तदारम्मणकिच्चवसेन एकादसन्नञ्चाति छन्नं रासीनं आरम्मणं भगवता ईरितं ।

३४८-३५२. विपाकारम्मणं कामे सब्बं विपाकारम्मणं **कामावचरतोपि** कामावचरवसेनपि **कुसलस्स** महाकुसलस्स, **क्रियस्स** हसनवोढुब्बनमहाकिरियस्स च **रूपावचरतो** **चेव** रूपावचरवसेन च एव पञ्चमस्स रूपकुसलस्स, पञ्चमस्स रूपकिरियस्स च **कामावचरपाकानं** कामावचरविपाकानं एकादसन्नञ्च तथेव अकुसलस्स च छन्नं रासीनं आरम्मणं होति । रूपे विपाकारम्मणं **कामावचरतोपि च** कामावचरवसेनपि च **कुसलस्स** महाकुसलस्स,

क्रियस्स च वोढुब्बनमहाकिरियस्स च **रूपावचरतो चेव** रूपावचरवसेन च एव कुसलस्स च अपुञ्जस्स चाति पञ्चन्नं रासीनं गोचरो होति, अरूपावचरपाकेसु अयं नयो भगवता मतो । वट्ठे न परियापन्ना नप्पविट्ठाति **अपरियापन्ना**, तेसं पुग्गलानं पाकापि **कामतो** कामावचरवसेन **कुसलस्स** जाणसम्पयुत्तमहाकुसलस्स, **क्रियस्स च** वोढुब्बनजाणसम्पयुत्तमहाकिरियस्स च **रूपतोपि** रूपावचरवसेनपि **कुसलस्स** पञ्चमस्स रूपकुसलस्स, **क्रियस्स च** पञ्चमस्स रूपकिरियस्स च एवं आरम्भणं होतीति । एत्थायमधिप्पायो अपरियापन्नपुञ्जे वुत्तनयेनेव वेदितब्बो ।

३५३-६. कामे इदं सब्बकिरियचित्तं **कामावचरतोपि च** कामावचरवसेनपि च **कुसलस्स** महाकुसलस्स, **क्रियस्स च** हसनवोढुब्बनमहाकिरियस्स च **रूपावचरतो चेव** रूपावचरवसेन च एव **कुसलस्स** पञ्चमस्स रूपकुसलस्स, **क्रियस्स च** पञ्चमस्स रूपकिरियस्स च एकादसकामावचरपाकस्स च तथेव अकुसलस्स च एतेसं छन्नं रासीनं आरम्भणं होति । यं **क्रियामानसं रूपे** रूपावचरे यं किरियामानसं, **कामपाकं ततो विना ततो** रासितो कामपाकं **विना** वज्जेत्वा पञ्चन्नं पन रासीनं आरम्भणं होति । कामावचरतो कामावचरवसेन किरियस्स वोढुब्बनमहाकिरियस्स आरम्भणं होति, हसनं एकन्तपरित्तरम्मणत्ता रूपकिरियं आरम्भणं न करोति । **क्रियाचित्तं पनारुप्पे** अरूपकिरियाचित्तं पन तेसं पञ्चन्नं एव च रासीनं **आरुप्पक्रियस्सापि** पठमारुप्पकिरियं दुतियारुप्पकिरियस्स आरम्भणं होति, ततियारुप्पकिरियं चतुत्थारुप्पकिरियस्स आरम्भणं होति । इति छन्नं रासीनं गोचरो होतियेव ।

३५७-७. चतुसमुद्धानं, **रूपारम्भणसज्जितं** ।

कामावचरपुञ्जस्स, तथेव कुसलस्स च ।

अभिज्जाद्वयचित्तस्स, कामपाकक्रियस्स च ॥

द्विचक्खुविज्जाणमनोधातुद्वयसन्तीरणत्तयमहापाकस्स च कामकिरियस्स चाति एकादसविधस्स कामकिरियस्स च छन्नं एतेसं रासीनं आरम्भणपच्चयो होति ।

३५९-३६०. निब्बानारम्भणं **कामरूपावचरतो** कामरूपावचरवसेन सेक्खानं जाणसम्पयुत्तमहाकुसलस्स, रूपावचरवसेन पञ्चमस्स रूपकुसलस्स च कामरूपकिरियस्स च खीणासवानं वोढुब्बनजाणसम्पयुत्तमहाकिरियस्स च पञ्चमरूपकिरियस्स च **उभयस्सापि** चित्तस्स आरम्भणं होति । **अपरियापन्नतो चेव** लोकोत्तरवसेन च एव फलस्स, कुसलस्स च एतेसं छन्नं रासीनं आरम्भणपच्चयो होति ।

३६१-२. नानप्पकारकं सब्बं, **पञ्जत्तारम्भणं पन तेभूमकस्स पुञ्जस्स** महाकुसलस्स, सुद्धज्ञानस्स पञ्चविधस्स रूपकुसलस्स, पठमारुप्पततियारुप्पकुसलस्स च तथेव अकुसलस्स च **रूपारूपविपाकस्स** सब्बस्स रूपविपाकस्स, पठमारुप्पततियारुप्पविपाकस्स च **तेभूमकक्रियस्स च** हसनवोढुब्बनमहाकिरियस्स सब्बस्स रूपकिरियस्स, पठमारुप्पततियारुप्पकिरियस्स चाति नवन्नं पन रासीनं आरम्भणपच्चयो होति ।

३६३-४. **रूपारम्भणिका द्वे तु द्वे** चित्तुप्पादा रूपारम्भणिका, **द्वे द्वे सद्दादिगोचरा द्वे द्वे** चित्तुप्पादा सद्दारम्भणादिगोचरा, **तयो मनोधातुसङ्घाता चित्तुप्पादा** पञ्चारम्भणिका नाम मता भगवता । **इध इमस्मिं** कामावचराधिकारे **एकचत्तालीसेव** चित्तुप्पादा छळारम्भणिका मता । अयं कामावचरचित्तानं आरम्भणक्कमो ।

३६५-९. **पञ्चाभिज्जा विवज्जेत्वा, रूपारूपा अनासवा** इमे सब्बे चित्तुप्पादा धम्मारम्भणगोचरा होन्ति ।

पठमारुप्पकुसलं दुतियारुप्पचेतसो कुसलस्स आरम्मणं होति, दुतियारुप्पचेतसो विपाकस्स च आरम्मणं होति, दुतियारुप्पचेतसो किरियस्स च आरम्मणं होति । दुतियारुप्पचेतसो किरियस्स पठमारुप्पकुसलारम्मणभावे कारणं हेट्ठा वुत्तमेव । **पठमारुप्पपाकोयं, दुतियारुप्पचेतसो** कुसलस्स च दुतियारुप्पचेतसो विपाकस्स च दुतियारुप्पचेतसो किरियस्स च आरम्मणं न होति । **हि कस्मा?** तेसं दुतियारुप्पकुसलविपाककिरियानं पठमारुप्पकुसलारम्मणत्ता । **पठमं तु क्रियाचित्तं** पठमं किरियाचित्तं पन दुतियारुप्पचेतसो पुब्बस्स आरम्मणं न होति । दुतियारुप्पचेतसो विपाकस्स आरम्मणं न होति । रूपारूपभवेसु हि खीणासवा विपाकचित्तानि चुतिवसेन सकसककुसलानं आरम्मणं करोन्ति । **पठमं तु क्रियाचित्तं** पन दुतियारुप्पचेतसो किरियस्स आरम्मणं होति । **इति** एवं इमिना मया वुत्तप्पकारेन चित्तानं आरम्मणुप्पत्ति विभावना धीरेन जेय्या ।

३७०-३. पुथुज्जनस्स सेक्खस्स, अरूपारम्मणं द्विधा द्विप्पकारं कुसलं **कुसलस्स** दुतियारुप्पकुसलस्स आरम्मणं होति, तं पठमारुप्पकुसलं दुतियारुप्पविपाकस्स आरम्मणं **सिया** भवेय्य । **खीणासवस्स भिक्खुस्स, पठमारुप्पमानसं** आरम्मणं **तिधा** तिप्पकारं होति । **इति** वचनं महेसिना वुत्तं । **क्रियस्सापि** दुतियारुप्पकिरियस्सापि पठमारुप्पकिरिया आरम्मणं होति । **कुसलम्पि** पठमारुप्पकुसलम्पि दुतियारुप्पकिरियस्स च आरम्मणं होति । **कुसलं** पठमारुप्पकुसलं दुतियारुप्पविपाकस्स आरम्मणं होति । **एवं** इमिना मया वुत्तप्पकारेन पठमारुप्पमानसं आरम्मणं तिधा होति । ततियारुप्पचित्तम्पि चतुत्थारुप्पचेतसो कुसलस्स आरम्मणं होति, चतुत्थारुप्पचेतसो विपाकस्स च तं आरम्मणं होति । **एवमेव** यथा पठमारुप्पमानसं आरम्मणं द्विधा होति, एवमेव तथा ततियारुप्पचित्तं आरम्मणं द्विधा होति । यथा पठमारुप्पमानसं आरम्मणं तिधा होति, **एवमेव** तथा ततियारुप्पचित्तं आरम्मणं तिधा सिया ।

३७४. यं यं पन इधारब्भ इध इमस्मिं अधिकारे यं यं गोचरं आरब्भ पटिच्च **ये ये** चित्तुप्पादा जायन्ति, **सो सो** गोचरो **तेसज्ज तेसज्ज** चित्तुप्पादानं आरम्मणपच्चयो होति ।

३७५. यो पन नरो इमस्स अभिधम्मावतारस्स किर पारं दुत्तरं **इध** इमस्मिं लोके उत्तरति, **सो नरो** अभिधम्ममहण्णवे पारं दुत्तरं उत्तरं उत्तरति एव ।

इति अभिधम्मावतारटीकाय

आरम्मणविभागवण्णना निट्ठिता ।

छट्ठो परिच्छेदो ।

७. सत्तमो परिच्छेदो

विपाकचित्तप्पवत्तिनिद्देसवण्णना

३७६. अनन्तजाणेन निरङ्गणेन,
गुणेसिना कारुणिकेन तेन ।
वुत्ते विपाके मत्तिपाटवत्थं,
विपाकचित्तप्पभवं सुणाथ ॥

येन जिनेन अनन्तजाणेन निक्किलेसेन गुणोसिना कारुणिकेन तेन जिनेन वुत्ते विपाकस्मिं मतिपाटवत्थं मतिछेकभावत्थाय विपाकचित्तप्पभवं मया भणमानं विपाकचित्तप्पवर्त्तिं तुम्हे सुणाथ ।

३७७. एकूनत्तिस कम्मनि, पाका द्वत्तिस भगवता दस्सिता, कम्मनि तीसु द्वारेसु दिस्सरे, विपाका छसु द्वारेसु दिस्सन्ति ।

३७८-९. कुसलं कामलोकस्मिं कामलोकमहि कुसलं पवत्ते, पटिसन्धियञ्च तंतंपच्चयमागम्म तंतंपच्चयं पटिच्च । सो सो पच्चयो तंतंपच्चयो, “तंतंपच्चयो”ति वत्तब्बे निग्गहीतागमवसेन “तंतंपच्चयो”ति वुत्तं । विच्छाकम्मधारयसमासोयं । विविधं फलं ददाति । एकाय चेतनाय एका पटिसन्धि भगवता पकासिता । नानाकम्मेहि नाना पटिसन्धियो च भवन्ति ।

३८०-१. तिहेतुकं तु यं कम्मं तिहेतुकं यं कम्मं पन कामावचरसज्जितं तिहेतुकं विपाकं दुहेतुञ्च विपाकं अहेतुञ्च विपाकं देति । **दुहेतुकं तु यं कम्मं** दुहेतुकं यं कम्मं पन, तं कम्मं तिहेतुकं विपाकं न देति, अत्तनो विपाकं दुहेतुञ्च अहेतुञ्च देति ।

३८२-३. तिहेतुकेन कम्मेन, पटिसन्धि तिहेतुका होति, दुहेतुकापि पटिसन्धि होतेव, अहेतुका पटिसन्धि नेव होति, उक्कट्टतिहेतुककम्मेन तिहेतुका पटिसन्धि, ओमकतिहेतुककम्मेन दुहेतुका पटिसन्धि होतीति अधिप्पायो । दुहेतुकेन कम्मेन दुहेतुका पटिसन्धि, अहेतुकापि पटिसन्धि होतेव, तिहेतुका पटिसन्धि नेव होति । उक्कट्टदुहेतुककम्मेन दुहेतुका पटिसन्धि, ओमकदुहेतुककम्मेन अहेतुका पटिसन्धि होतीति अधिप्पायो ।

३८४. असङ्खारकम्मं असङ्खारविपाकं देति, ससङ्खारविपाकम्मि देति, ससङ्खारकम्मं ससङ्खारफलं, तथा असङ्खारफलं देति ।

३८५. एकाय चेतनायेत्थ एत्थ एतासु चेतनासु एकाय कुसलाय चेतनाय सोळसविधा विपाकचित्तानि भवन्ति । इति वचनं जिनो पकासये ।

३८६-९२. वेदनापरिवत्तनं आरम्मणेन होतेव, तदारम्मणचित्तम्पि जवनेन नियामितं, सोमनस्सयुत्ते कुसले जवने जविते तदारम्मणम्पि सोमनस्सयुत्तमेव होतीति अत्थो । उपेक्खायुत्तकुसलेपि एसेव नयो । कामावचरचित्तेन **कुसलेनादिना** पठमेन कुसलेन तुल्येन विपाकचित्तेन । ततियाविसेसनं । येन सत्तेन **गहिता पटिसन्धि चे** यदि, **इट्ठे बलवारम्मणे** मनापे अतिमहन्तारम्मणे तस्स सत्तस्स **चक्खुस्स** चक्खुपसादस्स **आपाथं** पाकटभावं **आगते** सति मनोधातुया ताय भवङ्गस्मिं **आवट्टिते** भवङ्गसोते छिन्दिते सति चक्खुविज्जाणकादीसु वीथिचित्तेसु जातेसु पठमं कुसलं काममानसं जवनं हुत्वा जायते । सत्तक्खत्तुवारानि जवित्वान पठमे महाकुसले गते **तदेव** तं एव इट्ठं आरम्मणं कत्वा तेनेव पठममहाकुसलेन सदिसं तदारम्मणविपाकचित्तं । **सन्धिया तुल्यतो** पटिसन्धिया तुल्यभावेन **मूलभवङ्गन्ति** मूलभवङ्गं नाम भगवता पवुच्चते । **तज्ज** तदारम्मणचित्तं **सन्तीरणं** सोमनस्सयुत्तं सन्तीरणं दस्सनं सम्पटिच्छनं **एत्थ** एतस्मिं वीथिचित्ते **गणनूपगचित्तानि** गणनं उपगतानि चित्तानि चत्तारि एव भवन्ति ।

३९३-४. यदा हि दुतियं चित्तं, कुसलं जवनं यदा यस्मिं काले तस्सेव सोमनस्सतिहेतुनो पुगलस्स दुतियं कुसलं

चित्तं जवनं होति, तदा तस्मिं काले तेन जवनेन तुल्यविपाकं तदारम्मणं । तस्स सन्धिया असमानत्ता तस्स तदारम्मणचित्तस्स सन्धिया असमानत्ता द्वे नामानि अस्स विपाकचित्तस्स अनेन विपाकचित्तेन लब्धरे लब्धन्ति, “आगन्तुकभवङ्ग”न्ति नामं “तदारम्मणक”न्ति च नामं इति द्वे नामानि लब्धन्ति ।

३९५-६. यदा तस्सेव पुग्गलस्स ततियं पुज्जं जवनं होति, तदा तेन जवनेन सदिसं ततियं पाकं तदारम्मणिकं सिया । इदं विपाकचित्तं आगन्तुकभवङ्गन्ति आगन्तुभवङ्गं नाम भगवता वुच्चते, पुरिमानि च पज्ज विपाकचित्तानि इमिना पन ततियविपाकेन पन सद्धिं छ चित्तानि होन्ति ।

३९७-८. यदा चतुत्थं कुसलं जवनं होति, तदा तेन जवनेन तुल्यं चतुत्थविपाकं तदारम्मणभावं वजे गच्छेय्य । चतुत्थविपाकं आगन्तुकभवङ्गं तदारम्मणनामकं होति, पुरिमानि छ पाकानि इमिना सह चतुत्थपाकेन सत्त चित्तानि होन्ति ।

३९९-४०३. यदा यस्मिं काले तस्मिं चक्खुद्वारे इड्डमज्झत्तारम्मणं पन तथा आपाथं आगच्छति च, तदा वुत्तनयेन आवज्जनदस्सनसम्पटिच्छनचित्तेसु जातेसु इध इमस्मिं मज्झत्तारम्मणे आरम्मणवसेन वेदना परिवत्तति, तस्मा उपेक्खासहगतं सन्तीरणं मनो होति । उपेक्खासहगतेसु एव चतूसुपि जवनेसु जवितेसु तेहि जवनेहि तुल्यानि चत्तारि विपाकचित्तानि जायरे । अच्चन्तं एकन्तेन वेदनाय उपेक्खावेदनाय पुरिमेहि सोमनस्ससहगतेहि चित्तेहि असमानत्ता चत्तारि चित्तानि नामतो पिट्ठिभवङ्गानि नाम होन्ति, पिट्ठिभवङ्गानि सोमनस्सविपाकानं पच्छाभागे भवङ्गानीति अत्थो । इमानि उपेक्खासहगतानि पज्ज विपाकानि पुरिमेहि सत्तहि विपाकेहि सद्धिं द्वादस विपाकानि भवन्ति । इति वचनं धीरो विनिद्दिसे ।

४०४-६. यथा चक्खुद्वारे द्वादस विपाकानि होन्ति, तथा एवं सोतादीसु द्वारेसुपि द्वादस पाकानि होन्ति । इति वचनं धीरो निद्दिसे, इमे मया वुत्ता विपाका समसद्धि भवन्ति । एवं इमिना मया वुत्तप्पकारेन एकाय चेतनाय कम्मे आयूहिते पवत्तिते समसद्धि विपाकानि उप्पज्जन्ति, इमस्मिं वचने संसयो नत्थि । गहिताग्गहणेनेत्थ एत्थ एतेसु विपाकेसु गहितानं विपाकानं अग्गहणेन चक्खुद्वारे द्वादस पाका, सोतविज्जाणकादीनि चत्तारि चाति सोळस पाकानि होन्ति ।

४०७-११. एकेन तिहेतुककुसलेन असङ्खारिकेन कम्मेन आयूहिते यथा, एवमेव ससङ्खारतिहेतुककुसलेनापि असङ्खारससङ्खारउपेक्खासहगतेहिपि कुसलेहि कम्मे आयूहिते पवत्तिते तेसं तिण्णं कुसलानं विपाकेहि तीहिपि दिन्नाय पटिसन्धिया एसेव नयो पण्डितेन जानितब्बो । इध इमस्मिं उपेक्खासहगतद्वये इड्डमज्झत्तगोचरस्स वसेन विपाकचित्तप्पवत्तिं पठमं दस्सेत्वा दस्सेतब्बाथ पच्छा तु, इड्डस्मिं गोचरे इध अथ पच्छा मया वुत्तचित्तप्पवत्तितो पच्छाकाले पन इध इमस्मिं इड्डगोचरे एकेकस्मिं पन द्वादस द्वादस पाका पण्डितेन दस्सेतब्बा । गहिताग्गहणेनेत्थ एत्थ एतेसु विपाकेसु गहितानं विपाकानं अग्गहणेन सोळस पाकचित्तानि होन्ति । पुब्बे काले मया वुत्तनयेनेव सब्बं वचनं असेसतो असेसभावेन पण्डितेन जेय्यं ।

४१२-४. तिहेतुकेन कम्मेन, पटिसन्धि तिहेतुका भवति, इति अयं वारो एत्तावता एत्तकेन वचनेन मया वुत्तो । एकं कम्मं एकस्मिं भवे एकं पटिसन्धिं जनेति, ततो पटिसन्धितो अपरं अज्जं दुतियं पटिसन्धिं न जनेति, पवत्तियं अनेकानि विपाकानि सज्जनेति । हि सच्चं “एकं कम्म”न्ति आदिकं वचनं । एकस्मा बीजा एकतो बीजतो एकं अङ्कुरं जायति, अस्स बीजस्स बहूनि फलानि हेतुप्पवत्तितो सलिलादिहेतुप्पत्तिया होन्ति ।

४१५-२१. दुहेतुकेन कम्मेन, पटिसन्धि दुहेतुका होति, इति वचनं अयं वारो **अनुपुब्बेन** अनुपटिपाटिया आगतो । इध इमस्मिं अधिकारे दुहेतुकेन पुब्बेन सोमनस्सयुत्तेन असङ्खारिकेन चित्तेन कम्मे आयूहिते पन दुहेतुकेन सोमनस्सयुत्तकुसलेन तुल्येन पाकेन येन सत्तेन गहिता पटिसन्धि चे, इदं आरम्भणे तस्स सत्तस्स चक्खुद्वारे आपाथं आगते सोमनस्सयुत्ते जाणहीने कुसलमानसे तस्मिं दुहेतुके सत्तक्खत्तुं जवित्वान गते तं एव आरम्भणं कत्वा **तदनन्तरं** तस्स जवनस्स अनन्तरं **तंसरिक्खकं** तेन जवनेन सदिसं एकन्तं असङ्खारिकमानसं जायति । तन्ति तं चित्तं **मूलभवङ्गन्ति** मूलभवङ्गं नाम **तदारम्भणमिच्चपि** तदारम्भणं नाम उभयम्पि नामं **तस्सेव नामं** तस्स चित्तस्स एव नामं । इति एवं इमिना पकारेन भगवता परिदीपितं । दुहेतुके ससङ्खारे कुसले जवने जवितेपि च **तंसमं** तेन चित्तेन सदिसं आगन्तुकसङ्घातं तदारम्भणमानसं होति ।

४२२-९. तथेव च तथा एव च इदमज्झत्तगोचरे **दुहेतूनं** द्विन्नं उपेक्खायुत्तानं जवनानं अनन्तरं **तादिसानि** तेहि जवनेहि सदिसानि द्वे तदारम्भणमानसानि जायन्ते, **तेसं** तदारम्भणमानसानं “पिट्ठिभवङ्ग”न्ति नामं, “आगन्तुकभवङ्ग”न्ति च नामं होति । सन्तीरणद्वयञ्चेव दस्सनं सम्पटिच्छनं इमानि द्वे भवङ्गानि चाति **अट्ट** विपाका चक्खुद्वारे होन्ति । एवं इमिना मया वुत्तप्पकारेन पञ्चसु द्वारेसुपि च **अट्ट अट्ट** विपाके कत्वा पवत्तियं चत्तालीस विपाकानि भवन्ति । **गहिताग्गहणेनेत्थ, चक्खुद्वारे पनट्ट च एत्थ** एतेसु विपाकेसु गहितानं विपाकानं अग्गहणेन चक्खुद्वारे अट्ट च विपाका **सोतधानादिना** विपाकेन सद्धिं **द्वादस एव** विपाकानि भवन्ति । **एकाय चेतनायेवं एवं** इमिना मया वुत्तप्पकारेन एकाय चेतनाय कम्मे आयूहिते पवत्तिते पन सति द्वादसेव विपाकानि भवन्ति । इति वचनं विजितकुसलयुद्धसङ्गामेन **पकासितं** देसितं । **दुहेतुकत्तयेनापि, सेसेन सदिसेन तु** मया वुत्ततो दुहेतुतो सेसेन दुहेतुकत्तयेनापि सदिसेन पाकेन **आदिन्नसन्धि**नो गहितपटिसन्धिकस्स सत्तस्स एवं नयो **मतो** कथितो निरङ्गणेन । दुहेतुकेन कम्मेन दुहेतुका पटिसन्धि होति । इति अयं वारो च **एत्तावता** एत्तकेन वचनेन मया वुत्तो ।

४३०-८. दुहेतुकेन कम्मेन अहेतुका पटिसन्धि होति, इति अयं वारो **अनुपुब्बेन** पटिपाटिया आगतो । तेसु चतूसुपि दुहेतुकेसु कुसलेसु चित्तेसु **अज्जतरेनेव** हेतुकेन कम्मे आयूहिते पवत्तिते सति **तस्सेव** दुहेतुकस्स कुसलजवनस्स पाकभूताय उपेक्खासहगताहेतुकाय मनोविज्जाणधातुया **आदिन्नपटिसन्धि**नो सत्तस्स **सा** पटिसन्धि कम्मसदिसा नाम न वत्तब्बा पण्डितेहि । **हि** सच्चं “पटिसन्धि न वत्तब्बा”ति आदिकं वचनं । कम्मं दुहेतुकं होति, पटिसन्धि अहेतुका होति । **तस्स** देहिनो सत्तस्स **वुट्ठिमुपेतस्स** वुट्ठिं उपगतस्स चक्खुद्वारे पन इदमज्झत्तगोचरे आपाथमागते सति दुहेतुकानं चतुन्नं पुब्बानं यस्स कस्सचि जवनस्स अवसानमिह इदं अहेतुकं मनो तदारम्भणभावेन जायति । एत्थ एतस्मिं वचने **संसयो** सन्देहो नत्थि, तं अहेतुकचित्तं मूलभवङ्गञ्च तदारम्भणमेव च होति । चक्खुविज्जाणकादीसुपि वीथिचित्तेसु जातेसु उपेक्खासहगतं येव सन्तीरणम्पि च होति । तेसु **एकं ठपेत्वान, गहिताग्गहणेनिध** तेसु द्वीसु सन्तीरणतदारम्भणकिच्चेसु विपाकेसु **एकं** सन्तीरणकिच्चं तदारम्भणकिच्चं तं चित्तं ठपेत्वा गहितानं विपाकानं अग्गहणेन इध इदमज्झत्तारम्भणे गणनूपगचित्तानि तीणियेव भवन्ति ।

४३९-४१. इदं आरम्भणे चक्खु-द्वारे आपाथमागते तदा सन्तीरणञ्चेव सोमनस्सयुत्तं येव होति, तदारम्भणमानसञ्च सोमनस्सयुत्तं येव होति, **तेसु** सन्तीरणतदारम्भणकिच्चेसु विपाकेसु **एकेकं** सन्तीरणकिच्चं, तदारम्भणकिच्चं वा चित्तं गहेत्वा पुरिमानि च तीणि चत्तारि एव विपाकानि भवन्ति । एवं इमिना मया वुत्तप्पकारेन पञ्चसु द्वारेसुपि चत्तारि चत्तारि विपाकचित्तानीति पवत्तियं विपाकानि वीसति चित्तानि होन्ति ।

४४२-८. चक्रवृद्धारे तु चत्तारि, गहिताग्गहणेनिध गहितानं विपाकानं अग्गहणेन चक्रवृद्धारे पन चत्तारि विपाकानि इध इमस्मिं इट्ठारम्मणे **सोतधानादिना** विपाकेन सद्धिं अहेतुकं अट्ठकं होति एव । अहेतुकपटिसन्धिस्स सत्तस्स दुहेतुकं, तिहेतुकं वा तदारम्मणं न भवे न भवेय्य, **दुहेतुपटिसन्धिनो** सत्तस्स तिहेतुकं तदारम्मणं न भवे । **जाता सुगतियं येन, पाकेन पटिसन्धि तु** सुगतियं येन पाकेन पटिसन्धि जाता, **तेन** विपाकेन तुल्यम्पि, हीनं वा तेसं तदारम्मणं भवेय्य । **मनुस्सलोकं सन्धाय, वुत्तञ्चाहेतुकट्ठकं** सुगतियं अहेतुकट्ठकञ्च मनुस्सलोकञ्च सन्धाय पटिच्च कारणं कत्वा मया वुत्तं । चतूसुपि **अपायेसु** पन अपेतो अयो पतिट्ठा एतेहीति अपायो, तेसु । पवत्ते अहेतुकं अट्ठकं आपायिकेहि लब्भति । **थेरो नेरयिकानं तु, धम्मं देसेति वस्सति** थिरो थिरकारधम्मो यस्मिं अत्थीति थेरो, दुतियअग्गसावकभूतो इद्धिमा मोगल्लानत्थेरो **नेरयिकानं** निरये जातानं सत्तानं धम्मं देसेति वस्सति, “उच्छङ्गे मं निसीदित्वा” तिआदीसु विय देवं वस्सापेतीति अत्थो । गन्धं वायुञ्च मापेति यदा, तदा पन तेसं नेरयिकानं सत्तानं तेहि नेरयिकसत्तेहि थेरं दिस्वा, धम्मञ्च सुत्वा, गन्धञ्च घायित्वा **जलं उदकञ्च पिवतं** पिवन्तानं मुदं वायुञ्च तेहि **फुसतं** फुसन्तानं तेसं नेरयिकसत्तानं चक्रवृत्तिञ्जाणकादीनि पञ्चपि **पुञ्जजानि एव** कुसलविपाकानि एव सन्तीरणद्वयं **पुञ्जजं एव** कुसलविपाकं एव पुञ्जजा एव एका मनोधातु इति अट्ठकं होति ।

४४९-५०. अयं ताव कथा “चक्रवृत्तिञ्जाणकादीनि पुञ्जजानेवा” तिआदिका अयं कथा इट्ठइट्ठमज्झत्तगोचरे कामावचरे पुञ्जानं जवनानं वसेन मया वुत्ता । **तदारम्मणचेतसो** तदारम्मणचित्तस्स यं नियमत्तं “तदारम्मणमानसं जवनेन नियामितं” न्तिआदिवचनेन मया वुत्तं, तं नियमत्तं कुसलं सन्धाय वुत्तं । सोमनस्सयुत्ते कामावचरकुसले जविते तदारम्मणम्पि सोमनस्सयुत्तमेव होति, उपेक्खायुत्ते कामावचरकुसले जविते तदारम्मणम्पि उपेक्खायुत्तमेव होति, नेतं अकुसले उपेक्खायुत्ते विचिकिच्छादिके अकुसले जवने पन जविते सोमनस्सयुत्तम्पि तदारम्मणं होतीति अधिप्पायो । **इतिपि** वचनं आचरियेन दीपितं ।

४५१-७. इध इमस्मिं अधिप्पाये अकुसलचित्तेसु सोमनस्सयुत्तेसु चतूसुपि इट्ठे आरम्मणे **तेसु** चित्तेसु जवितेसु सोमनस्सयुत्ता अहेतुमनोविञ्जाणधातु **तदनन्तरं** तेसं अकुसलजवनानं अनन्तरं तदारम्मणभावेन जायति । उपेक्खायुत्तेसु छसु अकुसलचित्तेसु इट्ठमज्झत्ते गोचरे जवितेसु पुञ्जजा उपेक्खासहगता अहेतुमनोविञ्जाणधातु एव **तदनन्तरं** वा तेसं उपेक्खासहगतानं छन्नं अकुसलजवनानं अनन्तरं तदारम्मणभावेन जायति । **इट्ठारम्मणयोगस्मिं** बुद्धरूपादिइट्ठारम्मणयोगस्मिं **कङ्कतो** “बुद्धो नु खो, नो बुद्धो” ति कङ्कन्तस्स सत्तस्स **उद्धतस्स** वा सत्तस्स तदारम्मणमानसं सोमनस्सयुत्तं अहेतुकं विपाकं होति पिट्ठिभवङ्गं । **सोमनस्सयुत्ते चित्ते, जवने जविते पन** सोमनस्सयुत्ता एव पञ्च तदारम्मणमानसा पण्डितेन गवेसितब्बा । उपेक्खासहगते चित्ते जवने पन जविते सति उपेक्खासहगता छ च तदारम्मणमानसा पण्डितेन गवेसितब्बा ।

४५८-६३. तिहेतुसोमनस्सेन, आदिन्नपटिसन्धिनो सत्तस्स ज्ञानतो परिहीनस्स विप्पटिसारिनो तं ज्ञानं **पच्चवेक्खतो** पच्चवेक्खन्तस्स दोमनस्सयुत्तं चित्तं होति । **तस्स** दोमनस्सस्स अनन्तरं किं मानसं जायते, त्वं दोमनस्सयुत्तजवनस्स अनन्तरमानसं **बूहि** कथेहि । **पट्टाने पटिसिद्धा हि** दोमनस्सस्सानन्तरं सोमनस्सस्स उप्पत्ति **पट्टाने पटिसिद्धा** पट्टानप्पकरणे भगवता निवारिता, **अस्स** सोमनस्सस्स वा अनन्तरं दोमनस्सस्स उप्पत्ति पट्टाने पट्टानप्पकरणे पटिसिद्धा भगवता निवारिता । **महग्गतं पनारब्ध** महग्गतं पटिच्च जवने जवितेपि च तदारम्मणमानसं **तत्थेव** तस्मिं पट्टाने एव **पटिसिद्धं** भगवता निवारितं । **तस्मा** कारणा भवङ्गपातो वा तदारम्मणमेव वा न होति । **किं नु कातब्बं** तेसं भवङ्गतदारम्मणानं अभावे कारणं यं कातब्बं, अम्हेहि तं कारणं किं नु पुच्छाम, तं तदत्थं आभिधम्मिकभावेन

आभिधम्मिकं तं कारणं वद वदाहि । उपेक्खासहगताहेतुमनोविज्जाणधातु पुज्जापुज्जविपाका तदारम्मणिका सिया भवेय्य ।

४६४-७. इमस्स तदारम्मणस्स आवज्जनं किं नत्थि? तं तदारम्मणमानसं कथं केन पकारेण जायते?
भवङ्गआवज्जनानं चित्तानं किं आवज्जनमत्तं? मग्गस्स अनन्तरस्स च फलस्सापि किं आवज्जनं नत्थि? **निरोधा च** निरोधतो वुद्धहन्तस्स भिक्खुनो फलचित्तस्स वाति मया सुतं, **एवं** इमिना मया वुत्तप्पकारेण आवज्जनं नत्थि । **विना आवज्जनेनापि, होतु जायतु मानसं** चित्तं आवज्जनेन विना आवज्जनं वज्जेत्वा होतु जायतु, **किमस्सारम्मणं** अस्स तदारम्मणमानसस्स किं आरम्मणं, पण्डित, त्वं आरम्मणं यदि जानासि, तं आरम्मणं **बूहि** मय्हं कथेहि । **विना आरम्मणेनेतं एतं मानसं आरम्मणेन विना** आरम्मणं वज्जेत्वा न जायति । **हि सच्चं** “विना आरम्मणेनेतं” न्तिआदिकं वचनं, तदारम्मणमानसं यदा दोमनस्सयुत्तं जवनं महग्गतारम्मणं जवति, तदा तस्मिंयेव जवनचित्तक्खणे **परित्तेसु** कामावचरारम्मणेषु यं **किञ्चि** परित्तरम्मणं **आरब्भ** पटिच्च जायति ।

४६८-७३. उतुबीजनियामो च उतुनियामो बीजनियामो च **कम्मधम्मनियामता च** कम्मनियामता च सीलादिपारमीधम्मनियामता च चित्तस्स नियामो चाति पञ्च नियामता पण्डितेन जेय्या । **तत्थ** तेसु पञ्चसु नियामेषु सब्बेसं पन रुक्खानं एकप्पहारेण फलपुप्फादिधारणं उतु, अयं उतुनियामता । **तेसं तेसं तु बीजानं, तंतंतुल्यफलुब्भवो** तेसं तेसं बीजानं पन तेहि तेहि बीजेहि तुल्यानम्पि सस्सानं फलानं उप्पत्ति, अयं बीजनियामता । **मत्थके नाळिकेरस्स** नाळिकेरफलस्स मत्थके **छिद्धत्तं** छिद्धभावो, अयं **बीजजो** बीजतो जातो नियामो । तिहेतुककम्मं तिहेतुकञ्च विपाकं दुहेतुकञ्च विपाकं अहेतुकञ्च विपाकं यतो यं कम्मं देति, अयं कम्मनियामता । **बोधिसत्तस्स जातियं** जिनङ्कुरस्स जातिक्खणे मेदनीकम्पनादिकं अनेकविसेसत्तं, अयं सीलादिपारमीधम्मनियामता । तेन गोचरेण पसादस्मिं घट्टिते सति **इध** इमस्मिं चित्तवीथियं **आवज्जनादीनं** चित्तानं उप्पत्ति, अयं चित्तनियामता ।

४७४. यो पुग्गलो धीरो धीरसम्पन्नो गुणसम्पन्नो विक्खित्तपापो मोहन्धकारापगमं अन्धकारमनिस्साय अविज्जानिस्सरणं **यदिच्छे** सचे इच्छेय्य, सो धीरो **इमं** अभिधम्मावतारप्पकरणं **अन्धज्जनानं** अन्धसदिसबालजनानं **हृदयन्धकारं विद्धंसनं** अन्धकारसन्निस्सितस्स यस्स हृदयस्स विद्धंसनकरं **जलन्तं दीपं** जलमानं दीपं । **पयत्तोति** पकारेण यतति वीरियं करोतीति पयत्तो, **सततं** सब्बदा **सिक्खेथ** सज्झायनधारणचिन्तनवसेन सिक्खेय्य ।

इति अभिधम्मावतारटीकाय

विपाकचित्तप्पवत्तिनिद्देसवण्णना निद्धिता ।

सत्तमो परिच्छेदो ।

८. अट्टमो परिच्छेदो

पकिण्णकनिद्देसवण्णना

४७५ दानि पन सब्बेसं, एतेसं मानसं मया ।

पाटवत्थाय भिक्खूनं, कथीयति पकिण्णकं॥

इदानीं पन काले एतेसं तिहेतुकद्विहेतुकअहेतुकानं सब्बेसं पुगलानं पकिण्णकं मानसं भिक्खूनं पाटवत्थाय भिक्खूनं छेकभावत्थाय मया कथीयते उच्चते ।

४७६-८५. पन्थमक्कटको उण्णनाभि पन्थमक्कटको नाम पञ्चसु दिसासु तस्स सुत्तं पसारेत्वा जालमज्झे निपज्जति । पठमाय दिसायेत्थ एत्थ एतासु दिसासु पठमाय दिसाय पसारिते सुत्ते पाणकेन पटङ्गेन वा मक्खिकाय वा घट्टिते सति सा उण्णनाभि किञ्चि चलिता फन्दनं कत्वा निपन्नद्वानतो सुत्तानुसारेण सुत्तं अनुसारेत्वा तस्स पाणकस्स यूसं यूससङ्घातं सोणितं पिवति । पुनागन्त्वा तत्थेव तस्मिं जालमज्झेयेव यथासुखं निपज्जति, यथा पठमाय दिसाय चलनादिकं किरियं करोति, एवमेव दुतियादीसु चतूसु दिसासु चलनादिकं किरियं करोति, एवं पञ्चसु दिसासु सुत्तं विय पञ्च पसादा पण्डितेन दट्ठब्बा, मज्झे मक्कटको विय च चित्तं पन पण्डितेन दट्ठब्बं । पाणकादीहि खुद्वकतिरच्छानेहि तस्स सङ्घट्टना विय आरम्मणे पन पसादानं सङ्घट्टना पण्डितेन दट्ठब्बा । जालमज्झे निपन्नाय उण्णनाभिया तं चलनं विय पसादे घट्टेतीति पसादघट्टनं, किं तं? आरम्मणं । तत्थ तस्सं वीथियं पसादघट्टनं आरम्मणं गहेत्वा मनोधातुकिरियाचित्तं भवङ्गं आवट्टेतीति भवङ्गावट्टनं मतं भगवता । तस्स पन्थमक्कटकस्स सुत्तानुसारं सुत्तं अनुगमनं विय वीथिचित्तपवत्तनं पण्डितेन दट्ठब्बं । सीसे पन विज्झित्वा अस्स मक्कटकस्स यूसपानं विय जवनस्स चित्तस्स आरम्मणेसु पवत्तनं पण्डितेन दट्ठब्बं । पुन आगन्त्वा सुत्तजालमज्झे निपज्जनं यथा वत्थुंयेव हदयवत्थुं एव निस्साय चित्तस्स परिवत्तनं पण्डितेन दट्ठब्बं ।

४८६-९३. इदं तु पन ओपम्मं, अत्थं दीपेति किं तु हि इदं ओपम्मं कं अत्थं दीपेति पकासेति? पठमं पसादे आरम्मणेन घट्टिते सति पसादवत्थुतो पसादो वत्थु निस्सयो एतस्साति पसादवत्थु, चित्तं, ततो पसादवत्थुतो, पठमं एव वत्थुसन्निस्सितं भवङ्गसङ्घातं मनो जायति, इतिपि अत्थो तेन ओपम्मेन दीपितो । एकेकारम्मणं द्वीसु द्वीसु द्वारेसु सब्बसो सब्बप्पकारेण पन आपाथं आगच्छति, अयमत्थोपि तेन ओपम्मेन दीपितो “द्वीसु द्वीसु द्वारेसू”ति, एकं रूपारम्मणं एकस्मिंयेव खणे चक्खुद्वारे, मनोद्वारे चाति द्वीसु द्वारेसु आपाथं आगच्छतीति अत्थो । सोतद्वारादीसुपि एसेव नयो ज्ञेयो । रूपं चक्खुपसादमि घट्टेत्वा तङ्खणे पन तस्स खणे पन तथा मनोद्वारे पन आपाथं आगच्छति, भवङ्गचलनस्स पच्चयो होतीति अत्थो । न संसयो एतस्मिं वचने संसयो नत्थि । यथा खगो यथा सकुणो । हि सच्चं मया वुत्तं वचनं । रुक्खगो रुक्खकोटियं निलीयन्तोव साखिनो साखं घट्टेति, तस्स छाया भूमियं पथवियं फरति पटिहज्जति । इधाति निपातो । साखाय सकुणेन घट्टनं भूमियं छायाफरणापि च अपुब्बं अचरिमं एकक्खणस्मिंयेव जायरे जायन्ति । एवमेव पन रूपस्स, पसादस्स च घट्टनं, तथेव अत्थतो अत्थवसेन भवङ्गचलनस्सापि पच्चयत्तेन पच्चयभावेन मनोद्वारे आपाथं आगमनं अपुब्बं अचरिमं एकक्खणेयेव होति ।

४९४-७. ततो परं भवङ्गसोतं छिन्दित्वा चक्खुद्वारे चक्खुपसादे यथाक्कमं आवज्जने समुप्पन्ने, दस्सने समुप्पन्ने, सम्पटिच्छने समुप्पन्ने, सन्तीरणे समुप्पन्ने, तथा वोट्ठब्बने च समुप्पन्ने कुसलं जवनचित्तं जवति, तथा अकुसलमेव चित्तं जवति । सोतद्वारादीसुपि सद्वादीनं आरम्मणानं घट्टने एसेव नयो अविसेसेन विज्जुना विज्जेय्यो । एतस्स अत्थस्स दीपने दोवारिकोपमादीनि वचनानि उद्धरित्वा ततो पकरणतो नीहरित्वा एत्थ एतस्मिं वीथियाधिकारे विज्जुना दस्सेतब्बानि ।

४९८-९. असम्भेदेन चक्खुस्साति तस्सापि चक्खु असम्भिन्नं होति । जीविता निरुद्धमि पित्तेन वा सेम्हेन वा रुहिरेन वा पलिबुद्धं चक्खुविज्जाणस्स पच्चयो भवितुं असक्कोन्तं सम्भिन्नं नाम, सक्कोन्तं असम्भिन्नं नाम होति । तेन चक्खुपसादस्स असम्भिन्नेन रूपापाथगमनेन आलोकसन्निस्सयेनापि । तेन तिविधेन पच्चयेन समनक्कारहेतुना

पञ्चद्वारावज्जनपच्चयेन सह पवत्तेन । एतेहि पन चतूहि पच्चयेहि सं एकतो इन्ति पवत्तन्तीति समेता, **समेतेहि** सहगतेहि समागमं एकीभावं आगतेहि, तं **चक्खुविज्जाणं** चक्खुपसादनिस्सितं विज्जाणं सम्पयुत्तेहि चेतसिकेहि सह जायते ।

५००-१. असम्भेदेन सोतस्स सोतपसादस्स असम्भिन्नेन **सद्वापाथगमेन च** सदस्स आपाथगमनेन च । आकासनिस्सयेनापि पिहितकण्णच्छिदस्स सोतविज्जाणं नुप्पज्जति । तेन तिविधेन पच्चयेन । **समनक्कारहेतुना** पञ्चद्वारावज्जनपच्चयेन सह पवत्तेन । एतेहि पन चतूहि पच्चयेहि **समेतेहि** सहगतेहि समागमं एकीभावं आगतेहि तं सोतविज्जाणं सम्पयुत्तेहि सह जायति ।

५०२-३. असम्भेदेन घानस्स घानपसादस्स असम्भिन्नेन **गन्धापाथगमेन च** गन्धस्स आपाथगमनेन च । वायोसन्निस्सयेनापीति घानबिलम्हि पविसन्तेन वायुनाति अत्थो । तेन तिविधेन पच्चयेन । **समनक्कारहेतुना** पञ्चद्वारावज्जनपच्चयेन सह पवत्तेन । एतेहि पन चतूहि पच्चयेहि **समेतेहि** सहगतेहि समागमं एकीभावं आगतेहि तं घानविज्जाणं सम्पयुत्तेहि सह जायति ।

५०४-५. असम्भेदेन जिह्वाय जिह्वाय असम्भिन्नेन **रसापाथगमेन च** रसस्स आपाथगमनेन च । आपोसन्निस्सयेनापीति जिह्वातेमनं आपं लब्धा च उप्पज्जति, तेन विना सुक्खखादनीये जिह्वाय सायितेपि जिह्वाविज्जाणं नुप्पज्जतीति अत्थो । तेन तिविधेन पच्चयेन । **समनक्कारहेतुना** पञ्चद्वारावज्जनपच्चयेन सह पवत्तेन । एतेहि पन चतूहि पच्चयेहि **समेतेहि** सहगतेहि समागमं एकीभावं आगतेहि तं जिह्वाविज्जाणं सम्पयुत्तेहि सह जायति ।

५०६-७. कायपसादस्स असम्भेदेन फोड्ढस्स आपाथगमनेन च । **पथवीनिस्सयेनापीति** तेन विना कायद्वारम्पीति बहिद्भा महाभूतारम्मणं अज्झत्तिकं कायपसादं घट्टेत्वा पसादपच्चयेसु महाभूतेसु पटिहज्जति । तेन तिविधेन पच्चयेन । **समनक्कारहेतुना** पञ्चद्वारावज्जनपच्चयेन सह पवत्तेन । एतेहि पन चतूहि पच्चयेहि **समेतेहि** सहगतेहि समागमं एकीभावं आगतेहि तं कायविज्जाणं सम्पयुत्तेहि सह जायति ।

५०८-९. असम्भेदा मनस्सापीति मनन्ति भवङ्गचित्तं । तं निरुद्धम्पि आवज्जनचित्तस्स पच्चयो भवितुं असमत्थं मन्दतमगतमेव वत्तमानम्पि सम्भिन्नं नाम होति । आवज्जनस्स पच्चयो भवितुं समत्थं असम्भिन्नं नाम । मनस्स असम्भेदेन धम्मस्स आपाथगमनेन च **वत्थुसन्निस्सयेन** हृदयवत्थुसन्निस्सयेन । तेन तिविधेन पच्चयेन । **समनक्कारहेतुना** मनोद्वारावज्जनेन सह पवत्तेन । एतेहि पन चतूहि पच्चयेहि **समेतेहि** सहगतेहि समागमं एकीभावं आगतेहि तं **मनोविज्जाणं** तं मनोविज्जाणसङ्घातं जवनचित्तं सम्पयुत्तेहि सह जायते ।

५१०-११. मनो भवङ्गचित्तं नाम विभाविना वेदितब्बं । आवज्जनक्रियाचित्तं आवज्जनकिरियाचित्तद्वयं समनक्कारो नाम विभाविना सज्जितं । वत्थुसन्निस्सयेन इति अयं पाठो **सब्बत्थ** सब्बेसु भवेसु न गच्छति । पञ्चहि खन्धेहि वोकारो वोकिण्णोति **पञ्चवोकारो**, पञ्चवोकारभवं **सन्धाय** कारणं कत्वा “वत्थुसन्निस्सयेना”ति अयं पाठो पन कथितो मया, पञ्चवोकारभवो नाम कामरूपभवो, अरूपभवो चतुवोकारभवो नाम, असज्जीभवो एकवोकारभवो नाम । अयं पाठो चतुवोकारअरूपभवं सन्धाय न कथितोति अत्थो । वत्थुस्स रूपत्ता अरूपभवे कथं वत्थुसन्निस्सयो भवेय्याति अत्थो ।

५१२-४. पटिसन्धादिचित्तानि, सब्बानेकूनवीसति होन्ति, कामावचरेसु दस, रूपेसु पञ्च, अरूपीसु चत्तारि,

सब्बानि पटिसन्धिचित्तानि एकूनवीसति होन्ति । **कम्मं** नाम कुसलाकुसलचेतना । **कम्मनिमित्तं** नाम रूपानि पञ्चारम्मणानि पज्जति च महग्गतचित्तञ्च । तथा **गतिनिमित्तकं** नाम कप्परुक्खादयो, अकुसलपक्खे रूपादिआरम्मणभूता लोहकुम्भादयो च । इति एवं इमिना मया वुत्तप्पकारेण **तेसं** पटिसन्धादिचित्तानं आरम्मणं तिविधं भगवता उदीरितं । **कामावचरसन्धीनं परित्तरम्मणं** कामावचरारम्मणं भगवता मतं । **पच्चुप्पन्नं** रूपादिपञ्चारम्मणं, गतिनिमित्तं पञ्चारम्मणञ्च पच्चुप्पन्नञ्च होति । **अतीतं वा** कम्मं कुसलाकुसलचेतना अतीतायेव, न पच्चुप्पन्ना । **अनागतं** आरम्मणं नत्थि ।

५१५-२६. अट्टेव च महाविपाका, तीणि सन्तीरणानि चाति एकादसविधं चित्तं तदारम्मणसज्जितं । एकादसविधे चित्ते तदारम्मणसज्जिते **पुज्जविपाकानि** कुसलविपाका दस होन्ति, **अपुज्जजं** अकुसलविपाकं पन एकं होति । महाविपाका रूपारूपभवद्वये न जायन्ति, कामरूपभवे सन्तीरणत्तयं होति । यानि तदारम्मणचित्तानि **सत्थुना** जिनेन वुत्तानि, **तेसु** तदारम्मणचित्तेसु **एकम्पि** तदारम्मणचित्तं रूपारूपभवद्वये तदारम्मणं हुत्वा कदाचिपि नप्पवत्तति । **कस्मा** कारणा? **तत्थ** तस्मिं रूपारूपभवद्वये “तदारम्मणं न होती”ति वचनं चोदको भवेय्य, बीजस्साभावतो पन न होतीति परिहारो । अकामावचरारम्मणे **अकामावचरधम्मे** इदं तदारम्मणमानसं नेव अनुबन्धति । **हि** कस्मा कारणा? **परित्तरम्मणत्ता च एकन्तेन** अवस्सं तदारम्मणमानसस्स कामावचरारम्मणत्ता च तथा अपरिचितत्ता च सब्बदा नानुबन्धति । तज्झि यथा पितरं वा पितुसदिसं वा जातिं अनुबन्धन्तोपि तरुणदारको घरद्वारन्तरवीथिचतुक्कादिमि परिचितेयेव देसे अनुबन्धति, न अरज्जं वा युद्धभूमिं वा गच्छति, एवं कामावचरे धम्मे अनुबन्धन्तम्पि महग्गतलोकुत्तरधम्ममारब्भ पवत्तमाने धम्मे नानुबन्धति । यस्मा चस्स सब्बो कामावचरपाको च किरियामनोधातु किरियाअहेतुकमनोविज्जाणधातु सोमनस्ससहगता इमे धम्मा परित्तरम्मणाति एवं अच्चन्तं परित्तमेव आरम्मणं वुत्तं, तस्मा चेत्तं महग्गतलोकुत्तरारम्मणे कामावचरधम्मेपि नानुबन्धतीति वेदितब्बं ।

५२७-३२. किं तेन युत्तिवादेन, वुत्तं अट्टकथासु हि “जनकं तेन तुल्य”न्तिआदिकेन तेन, युत्तिया वादो युत्तिवादो, “जनकं तेन तुल्य”न्तिआदिकाय युत्तिकथाय किं पयोजनं वुत्तं? अट्टकथासु हि सच्चं “किं तेन युत्तिवादेना”ति वचनं, “अत्थकथासू”ति वत्तब्बे समासे हि त्थ-स्स ढु-कारं कत्वा “अट्टकथासू”ति वुत्तं । कामावचरे धम्मे पटिच्च तदारम्मणभावदीपकं वचनं आचरियेन वुत्तं । **तदारम्मणचित्तानि, एकादसपि सब्बसो** सब्बप्पकारेणपि तदारम्मणचित्तानि **नामगोत्तं पनारब्भ** तिस्सादिकं नामपज्जत्तिं पटिच्च कच्चायनगोत्तकस्सपगोत्तादिकं गोत्तपज्जत्तिं पटिच्च जवने जवितेपि च तदारम्मणं न गणहन्ति, रूपारूपभवेसु वा तदारम्मणं न गणहन्ति । **यदा पज्जत्तिमारब्भ, जवने जवितेपि वा** यदा मया वुत्ताय पज्जत्तिया सेसपज्जत्तिं पटिच्च जवने जवितेपि वा तदारम्मणं न लब्धते आचरियेन, तथा दुक्खअनिच्चअनत्तलक्खणारम्मणिकाय विपस्सनाय तदारम्मणं न लब्धते आचरियेन । **तदारम्मणा न लब्धन्ति, मिच्छत्तनियतेसुपि** मिच्छत्ते मिच्छासभावे “नत्थि दिन्न”न्त्यादिवसेन नियतानि चत्तारि दिट्ठियुत्तजवनानि मिच्छत्तनियतानि, मिच्छत्तनियतेसुपि तदारम्मणं न लब्धते आचरियेन, लोकुत्तरधम्मे आरब्भ जवने गतेपि तदारम्मणं न लब्धते आचरियेन । तथा महग्गते धम्मे आरब्भ जवने जवितेपि तदारम्मणं न लब्धते आचरियेन, पटिसम्भिदाजाणं आरब्भ जवने जवितेपि तदारम्मणं न लब्धते आचरियेन । मनोद्वारेपि सब्बेसं जवनानं अनन्तरं अनुपुब्बतो तदारम्मणचित्तानि भवन्ति ।

५३३-४. मनोद्वारे आरम्मणघट्टना न विज्जति । भवङ्गतो **चेतसो** वीथिचित्तस्स वुट्ठानं **कथं** केन पकारेण होति? मनोद्वारेपि **घट्टनाय विना** घट्टनं वज्जेत्वा आपाथं आगच्छन्तेव यस्मा कारणा, **तस्मा** वीथिचित्तानं सम्भवो होति ।

५३५-६. द्वादसापुञ्जचित्तानं द्वादसअकुसलचित्तानं विपाका सत्तसत्तति **पापपाका** द्वादसपापचित्तानं विपाका चतुरासीति पवत्तियं होन्ति । एकस्स सोमनस्सयुत्तदिट्ठिसम्पयुत्ताकुसलस्स चक्खुसोतघानजिक्काकारयविज्जाणानि, सम्पटिच्छनं, उपेक्खायुत्तसन्तीरणानि चाति सत्त अकुसलपाका होन्ति । तथा सेसानं एकादसन्नं अकुसलानम्पि सत्त विपाका होन्ति । **एकादसविधानं तु, हित्वा उद्धच्चमानसं** उद्धच्चमानसं हित्वा एकादसविधानं पटिसन्धियो एकादसविधा चेव भवन्ति ।

५३७-८. क्रियचित्तेसु सब्बेसु यं आवज्जनद्वयं जवनं न च होति, तं आवज्जनद्वयं **करणमत्तत्ता** किरियामत्तत्ता **वातपुष्फसमं** वातपुष्फेन सदिसं मतं भगवता । अयमेत्थाधिप्पायो — खीणासवे उप्पन्नकाले वा तं आवज्जनद्वयं किरियचित्तं भवितुं युत्तं । सब्बेसु पुथुज्जनेसु उप्पन्नकाले कथं किरिया होतीति चे? करणमत्तत्ता अफलदायकं वातपुष्फं विय अफलदायकं किरियचित्तं भवितुं युत्तिहारो किरिया पन होति । यं सब्बं किरियचित्तं **किच्चसाधनतो** जवनकिच्चसाधनवसेन **जवनत्तं** जवनभावं पत्तं छिन्नमूलस्स रुक्खस्स पुष्फं अफलं होति यथा, एवं छिन्नाविज्जातण्हामूलस्स वीतरागस्स तं सब्बं किरियचित्तं **अफलं** विपाकविरहितं **सिया** भवेय्य ।

५३९-४०. पटिच्च पन एतस्मा, फलमेतीति पच्चयो एकं धम्मं पटिच्च **एतस्मा** धम्मतो फलं **एति** पवत्तति तस्मा पच्चयो, यो धम्मो यस्स धम्मस्स ठितिया उप्पत्तियापि उपकारो नाम होति, **सो** धम्मो **तस्स** धम्मस्स **पच्चयोति** पच्चयो नाम पण्डितेन पवुच्चते । सम्भवो पभवो हेतु कारणं पच्चयो मतो भगवता । इदं वचनं अज्जत्थ दीपनवचनं ।

५४१. लोभादि पन यो धम्मो, मूलद्वेनुपकारको यो लोभादि पन धम्मो मूलभावेन फलधम्मस्स उपकारको, सो लोभादिधम्मो फलधम्मस्स **हेतूति** हेतु नाम विभाविना विज्जातब्बो ।

५४२. लोभो दोसो च मोहो च तथा अलोभादयो तयो हेतू, ते छ एव हेतुयो होन्ति, **जातितो** जातिवसेन कुसलजातिअकुसलजातिअव्याकतजातिवसेन **नवधा** नवहि कोट्टासेहि सियुं ।

५४३-४. धम्मानं कुसलादीनं, कुसलादित्तसाधको यो धम्मो कुसलादीनं धम्मानं कुसलादित्तसाधको कुसलादिभावसाधको, सो धम्मो मूलद्वो नाम । **एवं** वचनं **एके** एकच्चे आचरिया वदन्ति । **एवं सन्ते** कुसलाकुसलादीनं धम्मानं कुसलादित्तसाधकवसेन मूलद्वे सन्ते **तंसमुद्धानरूपीसु** तेहि चित्तेहि समुद्धानरूपेसु तेहि चित्तेहि समुद्घितेसु चित्तजरूपेसु **हेतून्** लोभादिहेतून् हेतुपच्चयता कदाचिपि नेव सम्पज्जति । अयमेत्थाधिप्पायो — यदि चित्तेसु रूपानि समुद्घापेन्तेसु ते लोभादयोपि चित्तानं सम्पयुत्तचित्तानं एकुप्पादत्ता च रूपानि समुद्घापेन्तियेव । तदा तेसं मते तेसं चित्तजरूपानं कुसलादित्तं सिया । न च कदाचि रूपानि कुसलादिनामकानि दिस्सन्ति यस्मा, तस्मा चित्तजरूपानं कुसलादिभावजापनत्थं तेसं चित्तजरूपानं ते लोभादयो हेतुपच्चया न होन्ति, इति वचनं वत्तब्बं सिया । एवञ्च सति चित्तजरूपानि नाम कदाचिपि वियुत्तानि चरन्ति, तस्मा कुसलादित्तसाधको मूलद्वो न होति ।

५४५-६. हि सच्चं “एवं सन्ते तु हेतून्”न्तिआदिकं वचनं । ते लोभादयो हेतू तेसं रूपानं **कुसलादित्तं** कुसलादिभावं **न साधेन्ति** न निष्पादेन्ति । ते हेतू तेसं पन रूपानं पच्चया **न च** न होन्तियेव, **तस्मा** कारणा कुसलादीनं धम्मानं कुसलादित्तसाधको यो धम्मो, सो धम्मो **मूलद्वोति** मूलसभावो नाम **समयज्जुना** समयविजाननसीलेन विज्जुना **गन्तब्बो** जानितब्बो ।

५४७. सुप्पतिट्ठितभावस्स, साधनेनुपकारको सुप्पतिट्ठितभावं साधनेन उपकारको यो अत्थो, सो अत्थो हेतूनं लोभादीनं मूलद्वो मूलसभावो इति च गहणं विभाविना विज्जातब्बं ।

५४८-९. कुसलाकुसला हेतू कुसला हेतू, अकुसला हेतू, क्रियाहेतू सब्बसो सब्बप्पकारेन सब्बे किरियाहेतुयो च सम्पयुत्तानं पञ्चवोकारभूमियं सम्पयुत्तानं धम्मानं अज्जमज्जपच्चयभावेन हेतुपच्चयतं याता गता । तंसमुद्धानानं चित्तजरूपानञ्च हेतुपच्चयतं याता गता, एते हेतू चतुवोकारभूमियं सम्पयुत्तानं एव धम्मानं हेतुपच्चयतं याता गता ।

५५०-१. कामे विपाकहेतूपि अत्तना सम्पयुत्तानं हेतुपच्चयतं याता, पटिसन्धिकखणोपि कटत्तारूपजातानं कम्मजरूपानं हेतुपच्चयतं याता, तस्मा पटिसन्धिकचित्तुप्पादकखणोयेव कम्मजरूपानं उप्पादो होति, यस्मा कारणा पवत्तियं चित्तजानञ्च रूपानं हेतुपच्चयतं गता ।

५५२-५. रूपे विपाकहेतू कामावचरभूमियं हेतुयो विय हेतुपच्चया होन्ति, पञ्चवोकारे लोकुत्तरविपाकहेतवो चित्तजानं रूपानञ्च सम्पयुत्तानञ्च पञ्चवोकारभूमियं हेतुपच्चया होन्ति । चतुवोकारे लोकुत्तरविपाकजा हेतवो सम्पयुत्तानं एव चतुवोकारभूमियं हेतुपच्चया भवन्ति । इतरे चतुवोकारे अरूपभवे विपाकजा हेतवो सम्पयुत्तानं एव सभूमियं अत्तनो भूमियं अरूपभूमियं हेतुपच्चया होन्ति । हेतुत्थो हेतूनं अत्थो हेतुयो चेव हेतुपच्चयो चेव हेतुपच्चयसम्भवो हेतुपच्चयुप्पत्ति, एवमेव एवं इमिना पकारेन । सज्जातो सुखहेतु यस्साति सज्जातसुखहेतु, तेन विज्जेय्यो ।

५५६-८. छन्दो चित्तञ्च वीरियं वीमंसा चाति चतुधाधिपती लोकाधिपतिना सत्थुना वुत्ता । छन्दं जेड्ढकं कत्वा चित्तस्स उप्पत्तिकालस्मिं यो छन्दो, सो छन्दाधिपति नाम, छन्दं धुरं कत्वा समाधिकरणचित्तस्स एसेव नयो सेसेसुपि च तीसु मया वुत्ततो छन्दाधिपतितो सेसेसुपि च अधिपतीसु । यो धम्मो जेड्ढेन उपकारको, सो धम्मो अधिपतीति अधिपति नाम भगवता निद्विड्ढो ।

५५९. सुमतिमतिविबोधनं विचित्तं,
कुमतिमतिन्धनपावकं पधानं ।
इममतिमधुरं अवेदि यो यो,
जिनवचनं सकलं अवेदि सो सो ॥

यो यो जनो इमं अभिधम्मावतारं सुमतिमतिविबोधनं सुमतीनं सुन्दरमतीनं पण्डितानं मतिया विबोधनकरं विचित्तं कुमतीनं कुच्छित्तमतीनं बालानं मतिन्धने पधानं पावकं अतिमधुरकरं अवेदि जानि, सो सो जनो सकलं जिनवचनं अवेदि जानि ।

इति अभिधम्मावतारटीकाय

पकिण्णकनिद्देसवण्णना निड्डिता ।

अट्टमो परिच्छेदो ।

९. नवमो परिच्छेदो

पुञ्जविपाकपच्चयनिद्वेसवण्णना

५६० ब्रह्मसिद्धिपाकचित्तानि, लोकिकानेव यानि हि।

एतेसं पाकचित्तानं, पटिसन्धिपवत्तिसु॥

यानि लोकिकानि एव ब्रह्मसिद्धि पाकचित्तानि होन्ति, एतेसं पाकचित्तानं पुञ्जापुञ्जादिसङ्ख्या भवादीसु योनिगतिविज्जाणट्टितिसत्तावासेसु पटिसन्धिपवत्तीसु यथा येन प्रकारेण पच्चया होन्ति एव, इमेसं विपाकचित्तानं तेषां सङ्ख्या भवादीसु योनिगतिविज्जाणट्टितिसत्तावासेसु पटिसन्धिपवत्तीसु तथा तेन प्रकारेण विभाविना पण्डितेन विज्जातब्बा। तयो भवा चतस्सो च योनियो कामभवरूपभवअरूपभववसेन तयो भवा, अण्डजजलाबुजसंसेदजओपपातिकयोनिवसेन चतस्सो च योनियो, निरयगतितिरच्छानगतिपेतगतिमनुस्सगतिदेवगतिवसेन गतिपञ्चकं, सन्धिसज्जाय पटिसन्धिसज्जाय नानत्ता नानाभावतो, कायस्सापि च रूपकायस्सापि च नानत्ता नानाभावतो कामसुगतियो, नाना अत्ता सभावो एतस्साति नानत्ता, नानत्तो रूपकायो एतेसन्ति नानत्तकाया, नाना सभावो एतस्साति नानत्ता, नानत्तायेव सज्जा नानत्तसज्जा, सा एतेसं अत्थीति नानत्तसज्जी नाम, पठमज्झानभूमि च चतुरापायभूमियो च नानत्तकायएकत्तसज्जी नाम, दुतियज्झानभूमि एकत्तकायनानत्तसज्जी नाम, ततियज्झानभूमिवेहफलभूमिसुद्धावासभूमियो एकत्तकायएकत्तसज्जी नाम, हेट्ठा ठिता रूपेहि सद्धि सत्तविज्जाणट्टितियो, तिट्ठन्ति विज्जाणानि एत्थाति ठितियो, विज्जाणानं ठितियो विज्जाणट्टितियो, विज्जाणस्स अभावतो असज्जीभूमि न गहते, चतुत्थारूपभूमि च पटुविज्जाणाभावतो न गहते। सत्तावासवसेन असज्जीभूमिं, चतुत्थारूपभूमिञ्च पन गहेत्वा ते सत्तावासा नव एव होन्ति।

५६३-८. कामे पुञ्जाभिसङ्खारसज्जिता अट्ट चेतना पूरेन्ति अत्तनो कारकं पूरेन्ति च, अज्झासयं पुज्जञ्च भवं निब्बत्तेतीति पुञ्जानि, अभिसङ्खरोन्ति विपाकं, कम्मजरूपञ्चाति अभिसङ्खारा, पुञ्जानि एव अभिसङ्खारा पुञ्जाभिसङ्खारा, तेयेव सज्जिता पुञ्जाभिसङ्खारसज्जिता, कामे पुञ्जाभिसङ्खारसज्जिता अट्ट चेतना। नवन्नं पाकचित्तानं उपेक्खायुत्ताहेतुकमहाविपाकवसेन नवन्नं पाकचित्तानं कामसुगतियं पन नाना वत्तमानचेतनाखणतो परं खणं एतस्साति नानाखणं, तं एव नानखणिकं, तमेव कम्मं नानखणिककम्मं, वत्तमानचेतनातो परा अतीतचेतनाति अत्थो। बलवा निस्सयपच्चयो उपनिस्सयपच्चयो, बलवत्थो चेत्य उप-सद्दो, बलवपच्चयोति अत्थो, नानखणिककम्मपच्चयवसेन बलवपच्चयवसेन चाति अत्थो। द्वेधा द्वीहि प्रकारेहि तेसं पटिसन्धियं पच्चया भवन्ति, ता अट्ट कामावचरमहाकुसलचेतना उपेक्खासहिताहेतुमनोविज्जाणधातुया विना उपेक्खासहगताहेतुमनोविज्जाणधातुं वज्जेत्वा परित्तपाकानं चक्खुसोतधानजिक्काकायसम्पटिच्छनसोमनस्सयुत्ताहेतुककुसलविपाकानं द्वेधा नानखणिककम्मपनिस्सयपच्चयेहि पवत्तियं पच्चया होन्ति। तायेव चेतना ता एव अट्ट कामावचरमहाकुसलचेतना रूपभवे पञ्चन्नं पाकचित्तानं कुसलविपाकचित्तानं चक्खुसोतसम्पटिच्छनसोमनस्सयुत्तउपेक्खायुत्तसन्तीरणानं द्वेधा नानखणिककम्मपनिस्सयपच्चयेहि पवत्तियं पच्चया होन्ति। अट्टन्नं तु परित्तानं, कामे दुग्गतियं तथा अट्टन्नं परित्तानं कुसलविपाकानं चक्खुसोतधानजिक्काकायसम्पटिच्छनानं, द्विन्नं सन्तीरणानञ्च पवत्ते पवत्तिक्खणे पच्चया होन्ति, पटिसन्धियं पटिसन्धिक्खणे पन पच्चया न होन्ति। वुत्तप्पकाराव कामे सुगतियं यथावुत्तप्पकाराव अट्ट कामावचरमहाकुसलचेतना कामसुगतियं तथा सोळसन्नं कुसलविपाकानं पवत्ते पवत्तिक्खणे द्वेधा नानखणिककम्मपनिस्सयपच्चयेहि पच्चया होन्ति, पवत्ते पवत्तिक्खणे सत्तन्नं कुसलविपाकानं पच्चया होन्ति। पटिसन्धियं पटिसन्धिक्खणे नवन्नं कुसलविपाकचित्तानं पच्चया होन्ति।

५६९-७४. रूपे पुञ्जाभिसङ्घारा, रूपावचरभूमियं पञ्चन्नं पाकचित्तानं पटिसन्धियं पटिसन्धिकखणे पच्चया होन्तिमापुञ्जसङ्घारा, कामे दुग्गतियं द्विधा इमे अपुञ्जाभिसङ्घारा, इमा कुसलपटिपक्खा उद्धचवज्जा एकादस चेतना कामदुग्गतियं एकस्स पटिसन्धिविज्जाणस्स पटिसन्धियं पटिसन्धिकखणे द्विधा नानक्खणिककम्मूपनिस्सयपच्चयेहि पच्चया होन्ति । द्वादस अकुसलचेतना पवत्ते पवत्तिकखणे एव छन्नं चक्खुसोतघानजिह्वाकायसम्पटिच्छनानं अकुसलविपाकानं पच्चया होन्ति, पटिसन्धियं पटिसन्धिकखणे पच्चया नो होन्ति । सत्तन्नम्पि भवन्तेव पवत्ते पवत्तिकखणे पटिसन्धियं पटिसन्धिकखणे अकुसलविपाकानि सत्तन्नं चक्खुसोतघानजिह्वाकायसम्पटिच्छनसन्तीरणानं पच्चया भवन्ति । कामे सुगतियं तेसं, सत्तन्नम्पि तथेव च द्वादसाकुसलचेतना कामे सुगतियं तथेव च तेसं सत्तन्नं अकुसलविपाकानं पवत्ते पवत्तिकखणे पच्चया होन्ति, पटिसन्धियं पटिसन्धिकखणे पच्चया न होन्ति । विज्जाणानं चतुन्नम्पि, तेसं रूपभवे तथा तायेव द्वादसाकुसलचेतना रूपभवे तेसं चतुन्नं अकुसलविपाकानं चक्खुसोतसम्पटिच्छनसन्तीरणसङ्घातानं विज्जाणानं तथा पवत्ते पवत्तिकखणे पच्चया होन्ति, पटिसन्धियं पटिसन्धिकखणे पच्चया न होन्ति । सो च कामभवेनिदुरुपादिउपलब्धियं सो च अपुञ्जाभिसङ्घारो कामभवे अनिदुरुपादिउपलब्धियं अमनापरूपादीनि आरम्भणानि उपलब्धियं तेसं चतुन्नं अपुञ्जानं विज्जाणानं पच्चयो होति । हि सच्चं “सो च कामभवेनिदुरुपादिउपलब्धियं”न्तिआदिकं वचनं । अनिदुरुपादयो नाम विसया ब्रह्मलोके न विज्जरे न विज्जन्ति ।

५७५-६. तथेवानेज्जसङ्घारो न इज्जति न फन्दति न चलतीति आनेज्जं, आनेज्जञ्च तं सङ्घारो चाति आनेज्जसङ्घारो, तथा एव आनेज्जसङ्घारो अरूपावचरभूमियं चतुन्नं पाकचित्तानं पवत्ते पवत्तिकखणे पटिसन्धियं पटिसन्धिकखणे पच्चयो होति । भवेस्वेते भवेसु एते वुत्तप्पकारा पच्चया वुत्तप्पकारेण पटिसन्धिपवत्तीसु यथा च येन येन च पकारेण नानक्खणिककम्मूपनिस्सयपच्चयेहि पच्चया होन्ति, तेन पच्चया तथा तेन तेन पकारेण विभाविना विजानन्तेन पण्डितेन जेय्या ।

५७७. एसेव च नयो जेय्यो, योनिआदीसु योनिगतिविज्जाणट्टितिसत्तावासेसु एसेव च नयो भवेसु मया वुत्तो एव नयो पण्डितेन जेय्यो । तत्रिदं तत्र भवेसु आदितो पट्टाय वुत्तं इदं वचनं मुख्यमत्तनिदस्सनं उपायमत्तदीपनं होति ।

५७८-८१. अविसेसेन पुञ्जाभि-सङ्घारो द्विभवेसुपि कामपुञ्जाभिसङ्घारवसेन, रूपपुञ्जाभिसङ्घारवसेन च पुञ्जाभिसङ्घारो अविसेसेन समानभावेन द्वीसु भवेसु कामरूपभवेसु पटिसन्धिं दत्त्वा सो सङ्घारो सब्बपाकं जनेति निब्बतेति । तथा चतूसु विज्जेय्यो, अण्डजादीसु योनिषु द्विभवेसु पुञ्जाभिसङ्घारो विय तथा चतूसु अण्डजादीसु सो पुञ्जाभिसङ्घारो पण्डितेन जेय्यो । “अण्डजादीसू”ति वचनं पदुमपच्चेकबुद्धानं मनुस्सत्तं सन्धाय वुत्तं । बहुदेवमनुस्सानं वसेन द्वीसु गतीसु एव च तथा सो पुञ्जाभिसङ्घारो पण्डितेन जेय्यो । तथा नानत्तकायादि-विज्जाणानं ठितीसुपि नानत्तकायनानत्तसज्जीनानत्तकायएकत्तसज्जी एकत्तकायनानत्तसज्जी एकत्तकायएकत्तसज्जीनं वसेन चतूसु विज्जाणट्टितीसु सो पुञ्जाभिसङ्घारो पण्डितेन जेय्यो ।

नानत्तकायनानत्तसज्जीनानत्तकायएकत्तसज्जीएकत्तकायनानत्तसज्जीएकत्तकायएकत्तसज्जीनं वसेन वुत्तप्पकारस्मिं चतुब्बिधे सत्तावासे तथा सो पुञ्जाभिसङ्घारो पण्डितेन जेय्यो । एवं इमिना मया वुत्तप्पकारेण पुञ्जाभिसङ्घारो भवादीसु भवयोनिगतिविज्जाणट्टितिसत्तावासेसु यथारहं सोळसन्नं कामकुसलपाकानं, पञ्चन्नं रूपपाकानञ्चाति एकवीसतिपाकानं द्विधा नानक्खणिककम्मूपनिस्सयपच्चयेन पच्चयो होति ।

५८२-३. कामे अपुञ्जसङ्घारो कामभवे अण्डजजलाबुजसंसेदजओपपातिकयोनिवसेन अण्डजादीसु योनीसु

निरयगतिपेतगतिरिच्छानगतिवसेन तीसु गतीसु नानत्तकायएकत्तसज्जीवसेन एकस्सा विज्जाणट्ठितिया नानत्तकायएकत्तसज्जीवसेन च एकस्मिं पन सत्तावासे द्विधा नानक्खणिककम्मूपनिस्सयपच्चयेहि पवत्ते पवत्तिक्खणे पटिसन्धियं पटिसन्धिक्खणे सो अपुज्जाभिसङ्खारो पच्चयो होति ।

५८४-६. तथेवानेज्जसङ्खारो तथा एव आनेज्जसङ्खारो, एकारूपभवे एकस्मिं अरूपभवे एकस्सा ओपपातिकयोनिया चेव एकस्सा देवगतियापि च आकासानज्जायतनभूमि विज्जाणज्जायतनभूमि आकिज्जज्जायतनभूमिवसेन तीसु एव चित्तट्ठितिसु चतुन्नं अरूपभूमीनं वसेन चतुब्बिधे सत्तावासे चतुन्नं अरूपपाकचित्तानं द्वेधा नानक्खणिककम्मोपनिस्सयपच्चयेहि सो आनेज्जाभिसङ्खारो पच्चयो होति । पटिसन्धिपवत्तीनं, वसेनेवं भवादीसु एवं इमिना मया वुत्तप्पकारेन पटिसन्धिपवत्तीनं वसेन भवादीसु यथा ये सङ्खारा एसं पाकचित्तानं पच्चया होन्ति, तथा ते सङ्खारा एवं इमिना मया वुत्तप्पकारेन पण्डितेन विजानितब्बा ।

५८७-९०. न रूपारूपधम्मानं, सङ्कन्ति पन विज्जति रूपधम्मानं, चित्तचेतसिकसङ्खातानं नामधम्मानज्ज सङ्कन्ति पन सङ्कमनं पन न विज्जति । सङ्कन्तिभावे असति अतीतभवतो इध इमस्मिं भवे रूपधम्मानं सङ्कमनभावे असति पटिसन्धिचित्तं कथं केन पकारेन सिया भवेय्य? नत्थि चित्तस्स सङ्कन्ति, अतीतभवतो इध इमस्मिं भवे चित्तस्स सङ्कन्ति सङ्कमनं नत्थि, ततो अतीतभवतो अतीतं हेतुं विना वज्जेत्वा इध इमस्मिं भवे चित्तस्स पातुभावो न विज्जति । सुलद्धपच्चयं रूपारूपमत्तं सुट्ठु लद्धपच्चयं रूपनाममत्तं जायति । एवं इमिना मया वुत्तप्पकारेन पच्चयं लभित्वा उप्पज्जमानं रूपारूपमत्तं रूपनाममत्तं जायति । एवं इमिना मया वुत्तप्पकारेन पच्चयं लभित्वा उप्पज्जमानं रूपारूपमत्तं भवन्तरं अज्जभवं पटिसन्धिं उपेति उपगच्छति । इति वचनं समज्जाय लोकियवोहारेन पवुच्चते, सत्तो वा नत्थि, सत्तो जीवोति वेवचनं, अत्ता वापि न विज्जति ।

५९१-९. तस्सिदं पाकटं कत्वा, पटिसन्धिक्कमं पन तस्स सत्तस्स इदं पटिसन्धिक्कमं सुदुब्बुधं अतिदुब्बिजानं पाकटं कत्वा अहं दस्सयिस्सामि, तमेतं पटिसन्धिक्कमं साधु साधुकं निबोधथ, साधु साधुकं मनसि करोथ, विविधेसु आरम्मणेसु लोभवसेन चित्तं अनामेत्वा वजिरमज्जूसाय अनग्घमणिरतनं पक्खिपन्तो विय चित्ते ठपेत्वाति अत्थो । अतीतस्मिं भवे तस्स, आसन्नमरणस्स हिइतो भवतो अतीतस्मिं भवे आसन्नमरणस्स तस्स सरीरस्मिं आतपे पक्खित्तं हरितं तालपण्णं विय सुस्समाने सति चक्खुन्द्रियादिके इन्द्रिये नट्टे हृदयवत्थुमत्तस्मिं ठिते कायप्पसादिके विज्जाणे तस्मिं खणे वत्थुसन्निस्सितं हृदयवत्थुनिस्सितं । “चित्त”न्ति वचनं भवङ्गमनोद्वारावज्जनजनवनं सन्धाय वुत्तन्ति वेदितब्बं । पुब्बानुसेवितन्ति इतो काला पुब्बकाले तेन पन अनुसेवितं अनुचिण्णं पुज्जं कम्मं वा अपुज्जं एव वा कम्मं कम्मनिमित्तं गतिनिमित्तं वा कम्मफलेन द्वारेसु पच्चुपट्ठितं आलम्बित्वा मनोद्वारावज्जनजनवनवसेन सेवितचित्तं पवत्तति । एवं इमिना मया वुत्तप्पकारेन पवत्तमानं तं विज्जाणं तं जवनचित्तं लद्धपच्चयं लद्धारम्मणपच्चयं । अविज्जाय पटिच्छन्नादीनवे विसयेति अकुसलजवने जविते तस्स जवनस्स अविज्जाय अप्पटिच्छन्नदोसे तस्मिं कम्मादिके आरम्मणे कुसलजवने जविते ततो चित्तवीथितो पुब्बभागे पवत्ताय अविज्जाय पटिच्छन्नदोसे तस्मिं कम्मादिके आरम्मणे । तण्हाति अकुसलजवनेन सहजो लोभो, अकुसलजवने वा जविते ततो वीथिचित्ततो पुब्बभागे पवत्तो लोभो तण्हा । नमेतीति अज्जं आरम्मणं अग्गाहापेत्वा दब्धग्गाहवसेन तं एव कम्मनिमित्तगतिनिमित्तसङ्खातं आरम्मणं गण्हापेतीति अत्थो । सहजा सङ्खारा पन तस्स चित्तस्स सहजा एकतो जाता चेतना पन तस्मिं येवारम्मणे खिपन्ति पवत्तन्ति । इमस्मिं पच्चुप्पन्नभवे एकसन्ततिवसा पवत्ताय तण्हाय नमीयमानं तं विज्जाणं ओरिमा तीरम्हा रज्जुकं आलम्बित्वा मातिकातिक्कमो पुरिसो विय एतं पुरिमं निस्सयभूतं हृदयवत्थुं जहति छट्ठेति, चुतिचित्तं उप्पज्जित्वा निरुज्झतीति अत्थो । अपरं कम्मसम्भूतं

निस्सयं अपरं अज्जकम्मतो सम्भूतं निस्सयभूतं हृदयवत्थुं लभित्वा वा अलभित्वापि वा आरम्भणादीहि पच्चयेहि तं पटिसन्धिसङ्घातं मानसं पवत्तति । “लभित्वा”ति वचनं कामरूपभवं सन्धाय वुत्तं । “अलभित्वा”ति वचनं अरूपभवं सन्धाय वुत्तं । **एत्थ** एतेसु चित्तेसु पुरिमं “जहती”ति वचनेन वुत्तज्जेव चित्तं, चुत्तिचित्तं पच्छिमं “आरम्भणादीहि पच्चयेहि पवत्तती”ति वचनेन वुत्तज्जेव चित्तं पटिसन्धिचित्तं पण्डितेन वेदितव्वं ।

६००-६. तदेतं तं एतं पटिसन्धिचित्तं पुरिमा भवतो **इध** इमस्मिं पच्छिमभवे नापि आगतं, कम्मादिज्ज हेतुं विना वज्जेत्वा पटिसन्धिचित्तं पातुभूतं न चेव तं **एत्थ** एतस्मिं वचने एतस्स पटिसन्धिचित्तस्स पुरिमा भवतो **इध** इमस्मिं पच्चुप्पन्नभवे अनागमने **अतीतभवहेतूहि** अतीतभवे कम्मादिपच्चयेहि एतस्स पटिसन्धिचित्तस्स सम्भवे । **पटिघोसदीपमुद्वादी, भवन्तेत्थ निदस्सना एत्थ** एतस्मिं तस्स पटिसन्धिचित्तस्स अतीतभवतो अनागमने अतीतभवे हेतूहि सम्भवे पटिघोसदीपमुद्वादिअत्थनिदस्सना उपमा भवन्ति । **अज्जत्र** अज्जस्मिं पटिघोसादीनं अत्थानं पवत्तिट्ठाने आगन्त्वा **सद्वादिहेतुका** सद्वादयो पच्चया होन्ति यथा । इदं वुत्तं होति — इमस्मिं ठाने जनेहि पवत्तापिता सद्दीपमुद्वादयो अत्था पब्बतन्तरादीसु अज्जेसु ठानेसु पवत्तानं पटिघोसदीपमुद्वादीनं अत्थानं हेतुका होन्ति । तेसु सद्वादीसु पच्चयेसु सन्तेसु ये ते पटिघोसादयो होन्ति, असन्तेसु न होन्ति यथा, **एवमेव च विज्जाणं** अतीतभवतो पच्चुप्पन्नभवविज्जाणवसेन पवत्तं विज्जाणं विभावना वेदितव्वं । **सन्तानबन्धतो** सन्तानबन्धवसेन **एकता** अतीतभवपच्चुप्पन्नभवविज्जाणवसेन पवत्तस्स विज्जाणस्स एकीभावो नत्थि, **नानतापि** तस्स विज्जाणस्स नानाभावोपि पच्चेकभावो अपि । **सति सन्तानबन्धे तु, एकन्तेनेकता सिया** सन्तानबन्धे सति एकन्तेन तस्स विज्जाणस्स **एकता** एकीभावो **सिया** भवेय्य, खीरसभावतो पग्घरणसभावतो **खीरतो** सम्भूतं घनसभावं **कदाचिपि** किस्मिज्जिपि काले न भवेय्य, सब्बदा पग्घरणसभावखीरमेव भवेय्याति अत्थो । **अथापि** अपरो नयोपि सा **एकन्तनानता** तस्स विज्जाणस्स सो एकन्तनानाभावो यदि भवेय्य, खीरसामिको **सो** पुग्गलो दधिसामि न भवेय्य । खीरकाले खीरस्स इस्सरभूतो सामिको पग्घरणसभावं जहित्वा दधिस्स उपपज्जमानकाले तस्स दधिस्स इस्सरो न भवेय्य, ततो खीरसामिको अज्जो पुग्गलो तस्स दधिस्स अनिस्सरो असामिको भवेय्याति अत्थो । यस्मा कारणा **एत्थ** एतस्मिं पटिसन्धिक्कमविनिच्छये एकन्तएकतापि वा एकन्तनानतापि वा समयज्जुना विज्जुना न चेव उपगन्तव्वा ।

६०७-१०. एवं इमिना मया वुत्तप्पकारेन **असङ्कन्तिपातुभावे** सङ्कन्तिपातुभावरहिते भवे सति इमस्मिं मनुस्सत्तभावे खन्धादिसमता अभिसम्भूता ये खन्धा होन्ति, एतेसं **इध** इमस्मिं मनुस्सत्तभावे निरुद्धत्ता **इध** इमस्मिं मनुस्सत्तभावे जनेहि कतस्स तस्स **कम्मस्स फलहेतुनो** फलस्स पच्चयभूतस्स **परत्थ** परस्मिं लोके आगमतो चेव एवं **अज्जस्स** सत्तस्स **अज्जतो कम्मतो** हि ततो सत्ततो अज्जेन सत्तेन कततो अज्जतो चेव कम्मतो तं फलं **सिया** भवेय्य, “अज्जस्स सत्तस्सा”ति वचनेन तित्थियसत्तस्सपि कम्मं अज्जस्स च फलं ददेय्याति अत्थो, **तस्मा** कारणा एतं सब्बं एव च तुम्हेहि वुत्तविधानं न सुन्दरं । **एत्थाहाति** एतस्मिं ठाने ठत्वा चोदको आह — ननु एवं “असङ्कन्तिपातुभावे भवे सती”तिआदिकं वचनं नियतीति? वुच्चते — **सन्ताने यं फलं एतं** एकस्मिं सन्ताने पवत्तमानं यं एतं फलं **अज्जस्स** सत्तस्स न होति, **अज्जतो** कम्मतो न च होति, बीजानं अभिसङ्घारो **एतस्सत्थस्स** “एकस्मिं सन्ताने”तिआदिकस्स एतस्स अत्थस्स **साधको** निष्फादको होति ।

६११-५. एकस्मिं पन सन्ताने, वत्तमानं फलं पन अज्जस्स सत्तस्सापि वा न होति, तं फलं **अज्जतो** कम्मतो न होति । बीजानं अभिसङ्घारो **एतस्सत्थस्स** “एकस्मिं पन सन्ताने”तिआदिकस्स एतस्स अत्थस्स **साधको** निष्फादको होति, बीजानं अभिसङ्घारे **मधुआदिना** वत्थुना जनेहि कते तस्स बीजस्स सन्ताने **पठमं लद्धपच्चयो** पठमं लद्धमधुआदिपच्चयो

तस्स बीजस्स फलं कालन्तरे मधुआदिना बीजाभिसङ्खरणतो अज्जस्मिं काले मधुरो होति । हि सच्चं “बीजानं अभिसङ्खारे”तिआदिकं वचनं । तानि हि तानि एव पठमं मधुआदिना जनेहि रोपितानि बीजानि अभिसङ्खरणतो कालन्तरे मधुरभावं फलम्पि वा फलद्वं वा न पापुणन्ति । एवं इमिना पकारेण इदं मया वुत्तं “एकस्मिं पन सन्ताने”तिआदिकं वचनं पण्डितेन ज्ञेयं । अपि च अपरो नयो । बालकाले तरुणकाले तेन तरुणेन पयुत्तेन विज्जासिण्णोसधादिना कम्मेनापि तस्स वुद्धकालस्मिं फलदानसीलेन अयं “एकस्मिं पन सन्ताने”तिआदिको अत्थो पण्डितेन दीपेतब्बो ।

६१६-२०. चोदको पुनाह — एवं सन्तेपि तं कम्मं एवं इमिना मया वुत्तप्पकारेण कम्मे सन्तेपि संविज्जमानेपि तं कम्मं एतस्मिंयेव खणे विज्जमानम्पि वा फलस्स पच्चयो होति । अथ वाविज्जमानकं पच्चयो न भवेय्य । एतस्मिंयेव खणे अविज्जमानकं कम्मं वा फलस्स पच्चयो होति । सचे यदि विज्जमानं फलस्स पच्चयो होति, तप्पवत्तिक्खणे पन तस्स कम्मस्स पवत्तिक्खणे तस्स कम्मस्स विज्जमानकाले पन हेतुना कम्मेनेव सद्धिं पाकेन भवितब्बं । अथ वा अपरो नयो । विज्जमानं निरुद्धं कम्मं विपाकस्स पच्चयो यदि भवेय्य, पवत्तिक्खणतो तस्स कम्मस्स पवत्तिक्खणतो पुब्बे वा काले, तस्स कम्मस्स पवत्तिक्खणतो पच्छा वा अविज्जमानकालेति अत्थो । निच्चफलं सियाति सब्बदा कम्मपच्चयविरहितं फलं सियाति अत्थो । आचरियेन वुच्चते — “लोभं, भिक्खवे, पजहथ, सोतापत्तिपटिलाभाय अहमेव पाटिभोगो”तिआदीसु पाठेसु पाटिभोगो विय कम्मं दट्ठब्बं । सोतापत्तिफलं विय कम्मतो सम्भूतं फलं दट्ठब्बं । कटत्तायेव जनेहि कटत्तायेव तं कम्मं फलस्स पच्चयो होति, अस्स विज्जमानत्तं न च होति, तस्स अविज्जमानस्स कम्मस्स विज्जमानता वा न च नेव होति ।

६२१. अभिधम्मावतारोयं अभिधम्मावतारो अयं परमत्थप्पकासनो भूतत्थदीपनो सोतूनं पुग्गलानं पीतिबुद्धिविवट्ठनो पण्डितेहि विविधेसु आरम्भणेषु चित्तं अनामेत्वा सक्कच्चेन मनसिकारेण सोतब्बो ।

इति अभिधम्मावतारटीकाय

पुज्जविपाकपच्चयनिद्देसवण्णना निट्ठिता ।

नवमो परिच्छेदो ।

१०. दसमो परिच्छेदो

रूपविभागवण्णना

६२२. वुत्तमादिमिहं यं रूपं, चित्तजानमनन्तरं यं रूपं चित्तचेतसिकानं अनन्तरं आदिमिहं पकरणादिमिहं “चित्तं चेतसिकं रूपं”न्तिआदिना वचनेन आचरियेन वुत्तं, इतो परं इदानीं तस्स रूपस्स विभावनं समासेन सङ्खेपेन करिस्सं ।

६२३. यं रूप्यतीति रूपन्ति यं धम्मजातं रूपपति सीतादिना विरुद्धपच्चयेन विकारमापज्जति । तथा रूपयतीति रूपं यं धम्मजातं वण्णविकारमापज्जमानं हृदयङ्गतभावं अज्झासयं पकासेति, इति तस्मा रूपं, किं तं? वण्णायतनं । रूपारूपभवातीतो, सुरूपो रूपमब्धि भगवा रूपारूपभवअतीतो सुरूपो रूपं अब्धि कथेसि ।

६२५-६. महाभूतेनाति महन्तो भूतो उप्पत्ति एतस्साति महाभूतो, तेन । वज्जकत्ता महाभूतसमाति वा ।

६३०. निरुपादानमानसोति उपादानविरहितचित्तो ।

६३३. तस्स सम्पत्तीति तस्स किच्चस्स सम्पत्ति ।

६३४. उपब्रूहनरसाति वड्डनकिच्चा ।

६३७. आसयानुसये जाणन्ति एत्थ आसयो नाम

सस्सतुच्छेददिट्ठी च, खन्ती सच्चानुलोमिकं ।

यथाभूतञ्च यं जाणं, एतं आसयसद्वितं ॥

अत्थीति खो, कच्चान, अयमेको अन्तो, अन्तो खो, कच्चान, अत्थि इति अयं एको अन्तो कोट्टासो, अयं सस्सतदिट्ठि । नत्थीति खो, कच्चान, अयं दुतियो अन्तो, अयं उच्छेददिट्ठि । खन्ती सच्चानुलोमिकन्ति चतुन्नं सच्चानं अनुलोमिकजाणं, सङ्खारुपेक्खाजाणन्ति अत्थो । यथाभूतञ्च यं जाणन्ति सप्पच्चयनामरूपदस्सनं जाणं । एतं आसयसद्वितन्ति एतं आसयं इति कथितं । एवं वुत्तप्पकारेण आसये जाणं नाम । अनुसयो नाम दिट्ठानुसयादयो अनुसया सत्त । इन्द्रियानं परोपरेति परे अधिकभावेन ओपरे च तिक्खानुभावेन अयं सत्तो तिक्खसद्धिन्द्रियो मुदुसद्धिन्द्रियो हीनसद्धिन्द्रियोति अत्थो । समाधिन्द्रियादीसुपि एसेव नयो । इति सत्तानं इन्द्रियानं परओपरे जाणं ।

६३८. सब्बज्जुता जाणन्ति तिहेतुककामावचरक्रियाचतुक्कं गहेतब्बं ।

६४१. अक्खिक्कूटेहि मत्थलुङ्गेण परिच्छिन्नो अन्ततो ।

६४५. भावसम्भवसण्ठानाति इत्थिपुमसम्भवभूतवण्णायतनं ।

६४७. एते दस चतुसमुट्ठाना सम्भारा चतूहि पच्चयेहि चत्तालीस भवन्ति ।

६५२. निविट्ठेति पतिट्ठिते ।

६५८. उब्बिअधिकानं पथवीअधिकानं ।

६६०-२. विसेसे सतीति निस्सयभूतानं चतुन्नं विसेसे सति, सब्बसो सब्बेसं विसेसपरिकप्पनं पहाय एव कम्मविसेसेन पसादानं विसेसता जेय्या ।

६६३. सदीयतीति उच्चारीयते । रसन्तीति अस्सादेन्ति ।

६६८. परतोति पठमकप्पतो अपरभागे पटिसन्धियं भावद्वयं समुट्ठातीति विज्जेय्यं । “पवत्तेपि समुट्ठाया”तिआदिकं सोणकुमारादयो सन्धाय वुत्तं ।

६७२. न तं व्यञ्जनकारणन्ति तं इन्द्रियद्वयं व्यञ्जनस्स कारणं न सिया । तस्साति व्यञ्जनस्स ।

६७४. उब्बाहनन्ति नीहरणं ।

६७६-७. अन्नपानादिकं वत्थु यं कम्मजं अग्निं हरति, केवलं एकं हुत्वा तं अन्नपानादिकं वत्थु जीवितं पन पालेतुं न च सक्कोति । एकतो जीवितं पालेतुञ्च सक्कोन्ति ।

कायेन रूपकायेन अत्तनो भावं विज्जापेन्तानं भावो कायग्गहणानुसारेण कायग्गहणस्स अनुचिन्तनेन गहिताय वायोधातुविकारसङ्घाताय एताय धम्मजातिया पण्डितेहि विज्जायते । इतिपि तस्मा कायविज्जति ।

६८१. एकावज्जनवीथियं हेट्ठा छहि चित्तेहि वायोधातुसमुट्ठितं उपत्थम्भं लभित्वा ।

६८४. सह सद्देन वाति सद्देन सहेव ।

६९०-१. एतासं पन लहुतादीनं तिस्सन्नं पवत्तियं निदस्सन्नं कमतो आरोग्यं लहुता, मदितं धम्मं मुदुता, धन्तहेमं कम्मज्जता होति । लहुतादित्तयं पन कम्मं कातुं न सक्कोति, आहारादित्तयंयेव लहुतादित्तयं करोति यस्मा, ततो तं तिजं नाम ।

६९३. वुत्तमाकारनानत्ताति एत्थ आकारनानत्ता नाम आचयाकारअनुबन्धताकारवसेन वुत्तं । वेनेय्यानं वसेन वाति एके वेनेय्या आचयवसेन जातिरूपं जानन्ति, एके अनुबन्धतावसेन जानन्ति । इति वेनेय्यानं जाननवसेन जातिरूपं द्विधा वुत्तं ।

६९४. सभावानपगमे अत्तनो सभावस्स अनपगमे सति ।

ते मिद्धरूपवादाचरिया पटिक्खित्तब्बा । कथं? अब्बा मुनिसि सम्बुद्धो, नत्थि नीवरणा तवाति यो त्वं अब्बा एकन्तेन मुनि असि सम्बुद्धो असि नीवरणा धम्मा तव तुय्हं नत्थि, इति वचने सचे मिद्धं नीवरणं रूपे पविट्ठं सिया । भगवता रूपकायस्स विज्जमानत्ता “नत्थि नीवरणा तवा”ति वचनं वत्तब्बं सिया । थिनमिद्धनीवरणं अविज्जानीवरणेन सह नीवरणञ्चेव होति, नीवरणसम्पयुत्तञ्च होति । इति सम्पयुत्तवचनतो सम्पयुत्तस्स रूपस्स अभावतो तम्पि न वत्तब्बं सिया । न पुरेजातपच्चयाति अज्जमज्जपच्चयाति अत्थो । सचे थिनमिद्धं रूपं सिया, कथं अरूपेपि अज्जमज्जं सिया, न सियाति अत्थो । अरूपेपि कामच्छन्दनीवरणं पटिच्च थिनमिद्धनीवरणं उप्पज्जति । इति वचनेन च न मिद्धरूपं सिया, अरूपे कथं सियाति अत्थो । अरूपमेव मिद्धं इति पटिक्खित्तब्बा । अरूपेपि एतस्स मिद्धस्स उप्पत्तिया साधकवचनतो निट्ठं एत्थ च अवगन्तब्बं “अरूप”न्ति विज्जुना ।

७०५-६. कम्मेन वीसति रूपाति अट्ठिन्द्रियवत्थुअट्ठाविनिब्भोगसन्ततूपचयाकासा कम्मजा । चेतसा विज्जतिद्वयसद्वलहुतादित्तयअविनिब्भोगसन्ततूपचयाकासा चित्तजा । उतुना सद्वलहुतादित्तयअविनिब्भोगसन्ततूपचयाकासा उतुजा । आहारतो लहुतादित्तयअविनिब्भोगसन्ततूपचयाकासा आहारजा ।

७०७-१७. जायेय्युं यदि तानिपीति तानि जरताअनिच्चतारूपा यदि जायेय्युं, एवं सन्ते तु तेसं जरताअनिच्चता भेदा सियुं । हि सच्चं वचनं पाको न पच्चति, भेदो वा न च भिज्जति यस्मा, तस्मा तेसं पाकभेदा सियुन्ति, तं वचनं नत्थि । एतं जरताअनिच्चताद्वयं जातस्स निप्फन्नरूपस्स पाकभेदत्ता न जायति । सिया कस्सचि बुद्धेत्थाति एत्थ

जरताअनिच्चताविनिच्छयाधिकारे **कस्सचि** जनस्स बुद्धि जाणं यदि सिया, “रूपस्सूपचयो”ति वचनेन “जाति जायती”ति वचनं दीपितं यथा, **एवं** तथा पाकोपि पच्चतु, भेदोपि परिभिज्जतु, एवं बुद्धि सिया । जाति न चेव जायते । इति इमिना पकारेण विभाविना जेय्या । जाति जायमानस्स निष्फन्नरूपस्स निब्बत्ति नाम पकासिता । **तत्थ यस्स सिया तत्थ** वचने **यस्स** जनस्स बुद्धि सिया । येसं निष्फन्नरूपधम्मानं जाति अत्थि, **सा** जाति अभिनिब्बत्तिसम्मुतिं **तप्पच्चयत्तवोहारं** तेसं निष्फन्नरूपधम्मानं पच्चयट्ठेन लद्धवोहारं कम्मजादिकं वोहारं लभतेव यथा, तथा **तेसं** निष्फन्नरूपधम्मानं ते पाकभेदा अभिनिब्बत्तिसम्मुतिं नाम तप्पच्चयत्तवोहारं लभन्ति, इति बुद्धि सिया । तस्स जनस्स एवं वत्तब्बं — इदं सन्ततूपचयद्वयं कम्मादिसम्भवं होति यथा, एवं पाकभेदा तं कम्मादिसम्भववोहारं कदाचिपि न लभन्ति । **हि** सच्चं वचनं **कस्मा** कारणा जनकानं कम्मादिपच्चयानं आनुभावसङ्घाते खणुप्पादे तेसं पाकभेदानं अभावतो न लभन्ति । वुत्तप्पकारेण खणुप्पादे जातिपरम्पराभावतो सा जाति लब्धते, तस्मा कारणा जाति एव अभिनिब्बत्तिसम्मुतिं पच्चयत्तवोहारं लभति, इतरं जरताअनिच्चताद्वयं पन न लभति । तं जरताअनिच्चताद्वयं जिय्यति इति भिज्जति इति वा न वत्तब्बं होति । कस्मा? कम्मादिपच्चयानं आनुभावखणे **तस्स** जरताअनिच्चताद्वयस्स पच्चयानं अभावतो ।

७१८-२३. अनिच्चं सङ्घतज्जेतं जरामरणं अनिच्चसङ्घातं **इतिपि** वचनस्स भगवता वुत्तत्ता जरताअनिच्चताद्वयं जायति, एवं इति त्वं चे मज्जसि, **एवं** “जायति एवा”ति वचनं भगवता न वत्तब्बं । **हि** कस्मा कारणा? “अनिच्चं सङ्घतज्जेतं, जरामरणमिच्चपी”तिवुत्तभावादिना आकारदेसनापरियायेन लेसेन भगवता अनिच्चानं निष्फन्नरूपधम्मानं जरामरणसङ्घातं सभावतो जरामरणं अनिच्चं सङ्घतज्जापि चित्तजानं विकारत्ता विज्जत्तियो “चित्तजा”ति वुत्ता विय, **तथा** एवं भगवता वुत्तं । **यदि एवं** अत्थे सति **एतं** रूपनलक्खणत्तयं अजातत्ता च **सब्बथा** सब्बाकारेण खंपुप्फं नत्थि, असङ्घतं निब्बानं विय निच्चंवाति च चोदको वदेय्य, नत्थि निच्चन्ति इदं उभयवचनं नो भगवता वत्तब्बं । कस्मा? निस्सयधम्मानं आयत्तभावेन पवत्तितो पथवियादीनं निस्सयानं **भावे** सति तस्स लक्खणत्तयस्स भावतो, तस्मा खंपुप्फं तं लक्खणत्तयं न नत्थि, अत्थीति अत्थो । पथवीआदीनं अभावे तं लक्खणत्तयं न च लब्धति यस्मा, तस्मा निब्बानं विय, तथा निच्चं न ।

७२४-५. परिच्छेदादयो अनिष्फन्ना । तेसमेव च रूपानं तेसमेव निष्फन्नरूपधम्मानं विकारत्ता **निष्फन्ना** चेव **सङ्घता** सेसवसेन वुत्तानं पभेदकतोति दस्सनतो । सेसं उत्तानत्थमेव ।

**७६ आन्तुं पनिच्छे पिटकेभिधम्मे,
यो धम्मसेनापतिना समत्तं ।
हितत्थिना तेन च भिक्खुनायं,
सक्कच्च सम्मा पन सिक्खितब्बो॥**

यो भिक्खु अभिधम्मे पिटके धम्मसेनापतिना समत्तं सभावं गन्तुं पापुणितुं इच्छेय्य, तेन च भिक्खुना हितत्थिना सक्कच्चं आदरेण सम्मा तीरणचिन्तनसज्झायनेहि अयं अभिधम्मावतारो सिक्खितब्बो ।

इति अभिधम्मावतारटीकाय

रूपविभागवण्णना निड्डिता ।

दसमो परिच्छेदो ।

११. एकादसमो परिच्छेदो

निब्बाननिद्देसवण्णना

७६९. भवाभवं विननतोति खुद्वकं, महन्तं भवं सिब्बनतो । सब्बूपधिपटिनिस्सगोति सब्बेहि सङ्खारूपधिकिलेसूपधियन्धूपधीहि पटिनिस्सज्जनं । अच्चुतिरसं अचुतिसम्पत्तिकं । निब्बानं पुट्टेनाति सुगतेन निब्बानं पुट्टेन सारिपुत्तत्थेरेन । उभिन्नं सुत्तानन्ति धम्मसेनापतिवुत्तानं द्विन्नं सुत्तानन्ति अत्थो । खयस्स उपनिस्सयत्ताति खयस्स बलवकारणत्ता । पुत्तूनं धम्मानं अप्पमत्तक्खणे रागादिक्खयमत्तं निब्बानं भवेय्य । सब्बे बालपुत्थुज्जना समधिगतनिब्बाना सच्छिकतनिरोधा भवेय्युं । किञ्च भिय्यो किं उत्तरि कारणञ्च अत्थीति अत्थो । रागादीनं सङ्खत्तत्ता तेसं सङ्खत्तानं निब्बानं सङ्खत्तलक्खणं भवेय्य । किं पनेत्थाति एतेसु खणेषु किं पन खणे त्वं वदेसि । खीणेष्वेवाति भवादीसु खीणेषु एव । निरुत्तरोति निष्फन्नहारो ।

७७१. अस्सद्धोति बाहिरसद्धाय विरहितो । वन्तासोति वन्ता वमिता आसा तण्हा येनाति वन्तासो ।

निस्सरणियाति निस्सरणे नियुत्ता । यदिदं नेक्खम्मं यं इदं कामानं एतं निस्सरणं निरोधो, तस्स किञ्चिभूतस्स सङ्खत्तस्स पटिच्चसमुप्पन्नधम्मजातस्स निरोधो निस्सरणन्ति, एवं इमिना पकारेण वुत्तस्स तस्स निस्सरणनामकस्स अभावप्पत्तिदोसतो निस्सरणनामकानं पठमज्झानआकासानञ्चायतनानम्पि अभावो भवेय्य । अत्थि निस्सरणन्ति अत्थि निब्बानं । उप्पादादीनन्ति उप्पादट्ठितिभङ्गानं । पपञ्चाभावतोति तण्हामानदिट्ठीनं अभावतो ।

७७२. अपलोकितन्ति अदस्सनधम्मं ।

७७४. अब्यापज्झन्ति निदुक्खं । अक्खरन्ति अखरं ।

७७७. सद्धाबुद्धिकरं तथागतमते जिनवचने सम्मोहविद्धंसनं पज्जासम्भवं पज्जाकारणं सम्पसादनकरं । अत्थव्यञ्जनसालिनन्ति अत्थव्यञ्जनसारवन्तं सुमधुरं सारञ्जु जिनसासनसारञ्जू विम्हापनं अच्छेरकरं इमं एवं वुत्तप्पकारं अभिधम्मावतारं यो जानाति, सो जनो गम्भीरे निपुणे निपुणजाणगोचरे अभिधम्मपिटके पदं निट्ठं उत्तमसन्निट्ठानं याति पापुणाति ।

इति अभिधम्मावतारटीकाय

निब्बाननिद्देसवण्णना निट्ठिता ।

एकादसमो परिच्छेदो ।

१२. द्वादसमो परिच्छेदो

पज्जत्तिनिद्देसवण्णना

सङ्घायतीति सङ्घा, कथीयतीति अत्थो। किन्ति किं इति कथीयति। “अह”न्ति “मम”न्ति कथीयति।

तज्जापञ्जतीति तस्स चक्खुसोतादिकस्स अनुरूपवसेन जाता पञ्जतीति अत्थो।

एकस्सवाति एकस्स नामधम्मस्स “अच्छो”ति नामं गहेत्वा बहूनं नामधम्मानं “अच्छो”ति नामं गहेत्वा।
समूहमेवाति नामधम्मानं समूहं एव।

गहितो पुब्बे सङ्केतो एतेनाति गहितपुब्बसङ्केतं। किं तं? मनोद्वारावज्जनजवनविज्जाणं। तेन गहिताय पञ्जत्तिया विज्जायति “सत्ता”ति “कम्मजा”ति कथीयति।

इत्थी च पुरिसो च इत्थिपुरिसा, ते आदयो येसं ते इत्थिपुरिसादयो, तेसं।

७७८. ततिया कोटीति ततियो कोट्टासो।

इति अभिधम्मावतारटीकाय

पञ्जत्तिनिद्देसवण्णना निद्धिता।

द्वादसमो परिच्छेदो।

१३. तेरसमो परिच्छेदो

कारकपटिवेधवण्णना

वेदकस्साति सुखदुक्खवेदकस्स। तदायत्तवुत्तीनन्ति तेसं आयत्ता पटिबद्धा येसं विपाकानं ते तदायत्तवुत्तिनो, तेसं।
अत्र इमस्मिं ठाने आचरियेन परिहारो वुच्चते। कुतोयं तव तत्थानुरोधोति तत्थ तस्मिं अज्जस्स अत्तकारकस्स अभावेपि सत्तुसङ्घातस्स अत्तनो भावेपि अयं तव अनुरोधो अनुनयो कुतो केन कारणेन इध इमस्मिं असति कत्तरि कुसलादीनं अत्थिभावे कम्मविरोधो कुतो केन कारणेन। अथापीति अपरो नयोपि। किञ्चेत्थाति एत्थ एतिस्सं चोदनायं किञ्चि वत्तब्बं अत्थि, अवसिद्धं ताव ब्रूहि, अपरिसमत्ता ते चोदना। तस्साति अत्तनो। कारकवेदकत्ताभावोति कारकवेदकत्तस्स अभावो सिया।

अथ न भवतीति अत्तनो अनासे चेतनापि अनासो यदि न भवति। पटिज्जा हीनाति “चेतनाय अनज्जो अत्ता”ति पटिज्जा हीना। वुत्तप्पकारतोति “अत्तनो अनासे चेतनाय नासो न भवति”इति वुत्तप्पकारतो। विपरीतन्ति “अत्तनो अनासे चेतनाय अनासो”इति विपरीतगहणं सिया। अत्ता नस्सतु, चेतना तिद्धतु, अथ पन एवं न भवतीति अत्ता नस्सतु, चेतना तिद्धतु, एवं गहणं पन न भवति। अनज्जत्तपक्खं परिच्चज परिच्चजाहि “चेतनाय अनज्जो अत्ता”ति। पटिज्जा हीना यस्स सो पटिज्जाहीनो।

उभिन्नं चेतनत्तानं एकदेसता एकदेसभावो नत्थि। एवञ्च सतीति एवं उभिन्नं एकदेसस्स अभावे सति को दोसो

इति त्वं चे वदेय्यासि । यं पन तया वुत्तं यथा रूपरसगन्धादीनं एकदेसे वत्तमानानमि लक्खणतो अज्जत्तन्ति यं वचनं पन तया वुत्तं, तं वचनं अयुत्तं, नानुरूपन्ति अत्थो । तव पटिज्जा हीनाति “एकदेसे वत्तमानानं चेतनत्तानं लक्खणतो अज्जत्त”न्ति पटिज्जा हीना ।

एवज्ज सतीति एतं चेतनाय अज्जभावे सति को दोसो इति चे भवं वदेय्य । “अचेतनो अत्ता”ति वचनं, पुब्बे वुत्तदोसतोति “पाकारतरुपासाणतिणसदिसो सिया”ति पुब्बे वुत्तदोसतो ।

७८०. अत्थि सत्तोपपातिकोति ओपपातिका सत्ता अत्थि ।

७८१. भारादानन्ति भारग्गहणं । भारनिकखेपनन्ति भारोरोपनं ।

७८३. एकस्स पुगलस्स अट्टिसज्जयो अट्टिसमूहो एकेन कप्पेन पब्बतसमो रासि सिया ।

७८५. भो मार, त्वं सत्तो इति पच्चेसि, कं सदहसि, “सत्तो”ति गहणं ते तव दिट्ठिगतं, सुद्धसङ्खारपुज्जो अयं, इध लोके सत्तो न उपलब्धति ।

७८७. यो भिक्खु इमं गन्थं अच्चन्तं सततमि चिन्तेति, तस्स भिक्खुनो परमा पज्जा वेपुलं विपुलभावं गच्छति ।

७८८. यो भिक्खु इमं अभिधम्मावतारं अतिमतिकरं उत्तमं अभिज्जाणकरं विमतिविनासकरं कङ्खच्छेदकरं पियक्करं पेमकरं सदा पठति, सुणाति, तस्स भिक्खुनो मति इध सासने ठिते विकसति पटिफुल्लति ।

इति अभिधम्मावतारटीकाय

कारकपटिवेधवण्णना निट्ठिता ।

तेरसमो परिच्छेदो ।

१४. चुद्धसमो परिच्छेदो

रूपावचरसमाधिभावनानिद्वेसवण्णना

७८९-९३. हितानयन्ति हितावहं । मानसज्ज सुगतन्ति सुट्ठु पवत्तमानसज्ज । मधुरा अत्थवण्णना एतस्साति मधुरत्थवण्णनं । उत्तरं तु मनुस्सानं, धम्मतो जाणदस्सनन्ति मनुस्सानं लोकियधम्मतो उत्तरिभूतजाणदस्सनलोक्तरं । सङ्कस्सरसमाचारेति सङ्काय कङ्काय सरितब्बसमाचारे । अच्छिदं अक्खण्डं अकम्मासं । अत्थकामेनाति अत्तनो हितकामेन ।

७९७. दुविधलक्खणं चारित्तवारित्तलक्खणं ।

८०५. तेसं चरितानं वोमिस्सकनया ।

८०७. सवण्णकसिणाति नीलपीतओदातलोहितवण्णकसिणा ।

८०८. तं एककं आनापानं अस्सासपस्सासो ।

८०९-१०. मरणूपसमायुत्ता सतीति मरणानुस्सति उपसमानुस्सति । आहारनिस्सितसज्जाति आहारे पटिकूलसज्जा । धातुववत्थानन्ति चतुधातुववत्थानं ।

८११-२. अनुकूला इमे सब्ब-चरितानन्ति वण्णिताति यं कम्मट्ठानं सद्वाचरितस्स अनुकूलं, तमेव पज्जाचरितस्स अनुकूलन्ति अधिप्पायो । इदं सब्बं पन वचनं एकन्तविपच्चनीकभावतो एकन्तपटिपक्खभावतो अतिसप्पायतो वुत्तं, इति विभाविना ज्ञेयं ।

८३५. विपस्सनाभवसम्पत्ति-सुखानं पच्चया सियुं विपस्सनासम्पत्तिसुखानं भवसम्पत्तिसुखानं पच्चया सियुं ।

८३८. सम्मट्ठानं मनोभुनोति मनोभुहदयो तस्स हदयस्स सम्मट्ठानं ।

८४४. पत्तुकामेन धीमता कसिणं कत्तब्बं ।

८४५. संहारिमन्ति इतो चितो च हरितब्बकसिणं । तत्रट्ठकन्ति तस्मिं ठाने ठितं इतो चितो च अनाहरितब्बं कसिणं ।

८४९. विवट्ठं पन मिच्छताति निब्बानं इच्छन्तेन विदत्थिचतुरङ्गुलं वट्ठं कातुं तं कसिणं वट्ठति ।

८५१-२. हत्थपासप्पमाणस्मिं, तम्हा कसिणमण्डलाति ततो कसिणमण्डलतो हत्थपासप्पमाणस्मिं पदेसे विदत्थिचतुरङ्गुले उच्चे । परिमुखं सतिन्ति कम्मट्ठानाभिमुखं सतिं ।

८५३-४. नेक्खम्मन्ति ज्ञानं । खेमतो दट्ठं दिस्वा अहं इमाय पटिपत्तिया अब्धा एकन्तेन पविवेकसुखस्स निब्बानसुखस्स भागी अस्सं भवेय्यं ।

८५६. सो कसिणस्स वण्णो तेन योगिना न पेक्खितब्बो, कसिणस्स लक्खणं न पेक्खितब्बं उस्सदस्स वसेन वण्णं अमुज्जित्वा ।

८६०. एवं इमिना वुत्तप्पकारेन एकग्गचेतसो एकग्गचित्तस्स योगिनो निमीलेत्वा आवज्जन्तस्स यथा येन पकारेन कम्मट्ठानं होति उम्मीलिते कालेपि, तथा तेन पकारेन तं कम्मट्ठानं आपाथं याति चे यदि आगच्छति, उग्गहमेव उग्गहनिमित्तं ।

८६४. पादानं धोवने पपज्चपरिहारत्थं । एकतलिकाति एकतलमत्ता ।

८६५. तं संहारिमं कसिणमादाय ।

८६६. समन्नाहरितब्बन्ति कम्मट्ठानं सुमनेन आहरितब्बं, मनसिकातब्बन्ति अत्थो । तक्काहटन्ति वितक्केन आहटं

फुसितं करे करेय्य ।

८६८. तन्ति तं निमित्तं ।

८७१-४. इमस्साति पटिभागनिमित्तस्स । पुरिमस्साति उग्गहनिमित्तस्स । को पन अयं विसेसो? थविका नीहरितं आदासमण्डलं मज्जितं विय । तोयदे काळमेघे सेतबलाका विय । तदा तं उग्गहनिमित्तं पदालेत्वाव निग्गतं पटिभागनिमित्तं । ततो उग्गहनिमित्ततो । तन्ति तं पटिभागनिमित्तं । सण्ठानवन्तज्ज वण्णवन्तज्ज न च उपट्ठाकारमत्तं । पज्जजन्ति पज्जाय जातं ।

८७७-८. उपचारक्खणे तस्साति तस्स समाधिनो उपचारक्खणे । नीवरणप्पहानेन समाधिनो पटिलाभक्खणे पन अङ्गानं वितक्कादीनं पातुभावेन इति द्वीहि आकारेहि ।

८७९. द्विन्नं समाधीनन्ति उपचारप्पनासमाधीनं ।

८८२. चक्कवत्तियगब्भोव रतनं विय अस्स अनेन सुदुल्लभं ।

८८४. अयन्ति पटिसन्धिसन्धारो ।

८९१-२. समतं वीरियस्सेवाति वीरियसमभावं । लयं लीनभावं ईसकम्पि यन्तं गच्छन्तं मानसं आवज्जनचित्तं ।

८९५-९. भवङ्गं पन पच्छिज्ज उच्छिन्दित्वा तदेव पथवीकसिणं आरम्मणं कत्वा योगिनो मनोद्वारम्हि जायति । ततोति आवज्जनतो तत्रेवारम्मणे तस्मिं पथवीकसिणसङ्घाते आरम्मणे तस्स योगिनो जवनानि चत्तारि वा पञ्च वा जायन्ते । अवसाने एकं जवनमानसं रूपावचरिकं होति, तस्मिं रूपावचरिके वितक्कादयो अङ्गा । अज्जेहि अज्जेसं चित्तानं अज्जेहि वितक्कादीहि बलवतरा होन्ति । तानि अप्पनाभावं अप्पत्तानि अप्पनाचेतसो परिकम्मोपचारतो परिकम्मभावतो परिकम्मानीति वुच्चन्ते, उपचारभावतो उपचारानीति च वुच्चन्ते । तानि जवनानि अप्पनायानुलोमत्ता अनुलोमानि एव च वुच्चन्ति । एत्थ अनुलोमकेसु यं सब्बन्तिमं जवनं, तं गोत्रभूति पवुच्चति ।

९०१. गोत्रभु दिट्ठन्ति गोत्रभु नाम उट्ठिदं ।

९०४-५. पुरिमेहि जवनेहि यं आसेवनं, तं बलवपच्चयं लब्धा लभित्वा छट्ठं जवनं, सत्तमं वा जवनं अप्पेति । इति वचनं पवुच्चति, एत्थ वादे गोदत्तो नाम आभिधम्मिको आचरियो आह । छिन्नतटे मुखं यस्स छिन्नतटमुखो ।

९०८. पच्चवेक्खणा हेतु यस्स आवज्जनस्साति पच्चवेक्खणहेतुकं ।

९११-२. कामच्छन्दस्स नानाविसये पलुद्धस्स । चेतसो एकस्मिं विसये समाधानेन समाधि ।

९१५. सयज्ज अतिसन्ततो सुखं अवूपसन्तसभावस्स उद्धच्चकुक्कुच्चद्वयस्स पटिपक्खतो वुत्तं ।

९१७. पज्जङ्गविप्पयुत्तन्ति पज्जनीवरणविप्पयुत्तं । पज्जङ्गसंयुत्तन्ति वितक्कादीहि युत्तं ।

१२०-१. वेपुल्लन्ति कम्मद्वानस्स विपुलभावं । तज्ज पटिभागनिमित्तं उपचारं विचारेत्वा वड्ढेतुं वट्ठति ।

१२८-३१. पमादयोगिनोति पमादवसेन योगिसम्पन्नस्स कामसहगता सज्जामनक्कारा मनसिकारा चे चरन्ति, तस्स योगिनो तं ज्ञानं हानभागियं होति । सति सन्तिट्ठते तस्मिं, सन्ता तदनुधम्मता तस्मिं पठमज्झाने तदनुधम्मता तस्स पठमज्झानस्स अनुरूपा सति निकन्ति सन्ता संविज्जमाना सन्तिट्ठते सन्तिट्ठति, तं ज्ञानं मन्दस्स योगिनो ठितिभागियं होति, ठितिं भजति । विसेसभागियं होति, विसेसं दुतियादिभावनं पापुणातीति अत्थो । निब्बिदासंयुता सज्जा, मनक्काराति निब्बिदाविपस्सनासंयुता सज्जामनक्कारा । निब्बेधभागियन्ति लोकुत्तरभागियं, लोकुत्तरमग्गभागियन्ति अत्थो ।

१३३. अयं समापत्ति आसन्नाकुसलारयो आसन्नाकुसलारिका यस्मा तक्कचारानं थूलत्ता च, तस्मा कारणा अयं समापत्ति अङ्गदुब्बला ।

१३५. निकन्तिन्ति तण्हं । परियादायाति सोसापेत्वा ।

१३६. विधिनाति पुब्बे वुत्तविधिना । सतस्साति सतिसम्पन्नस्स ।

१३८. निमित्तं तु तदेव चाति तमेव पठमनिमित्तं “पथवी पथवी” इति एवं मनसा करोन्तस्स ।

१४३. सम्पसादनन्ति सद्धा । मज्झत्तन्ति तत्रमज्झत्तता ।

१४४. दुवङ्गहीनन्ति वितक्कविचारहीनं ।

१४८. पीति नाम चेतसो चित्तस्स उप्पिलापनं उप्पिलापितत्तं यतो यस्मा कारणा ।

१६१-२. आसन्नपीतिदोसाति पीतियेव दोसा । एत्थ एतस्मिं ततियज्झाने यदेव यं एव सुखं इति एवं सुखं चेतसो आभोगो मनसिकारो । एवं इमिना पकारेन सुखस्स थूलत्ता अयं समापत्ति अङ्गदुब्बला होति ।

१७४-५. सुखं उपेक्खाय आसेवनं पन न होति यस्मा उपेक्खाय आसेवनं पन न होति, यस्मा उपेक्खासहगतानि जवनानि जवन्ति, तस्मा चतुत्थज्झानं उपेक्खासहगतं समुदीरितं ।

१७६. दुतियज्झानं द्विधा द्वीहि कोट्ठासेहि ठितं ।

१७९. अयं अभिधम्मावतारो सुमधुरवरतरवचनो कं नु जनं नेव रज्जयति, अतिनिसितविसदो बुद्धिप्पचारो यस्स सो अतिनिसितविसदबुद्धिप्पचारो, सो तेन जनेन वेदनीयो जानितब्बो ।

इति अभिधम्मावतारटीकाय

रूपावचरसमाधिभावानिद्वेसवण्णना निट्ठिता ।

चुद्धसमो परिच्छेदो ।

१५. पन्नरसमो परिच्छेदो

अरूपावचरसमाधिभावनानिद्वेसवण्णना

१८२-३. रूपे खो विज्जमानस्मिन्ति रूपकाये विज्जमाने दण्डादानादयो दण्डगगहणादयो । इति रूपे रूपकाये आदीनवं दिस्वा ।

१८४. सूकराभिहतोव साति सूकरं अनुबन्धितो सा सुनखो विय ।

१८५. वसीति योगी ।

१८८-१९०. फुट्टोकासञ्च तेन तन्ति तेन चित्तेन फुट्टं तमोकासं “अनन्तो आकासो” इति च मनसा करोन्तो एव उग्घाटेति । इति वचनं वुच्चते, अयमञ्जो नयो, “आकासो” इति मनसा करोन्तो तं कसिणं न संवेल्लेति ।

१९८. रूपावचरज्झानमेव पच्चत्थिकं रूपावचरज्झानपच्चत्थिकं ।

१००४. आकासफुटविज्जाणेति फुटमेव विज्जाणं फुटविज्जाणं, तस्मिं आकासारम्मणे फुटविज्जाणे ।

१००५-६. अयं आकासो अनन्तो इति एवं तं आकासमेव फरित्वा पवत्तं विज्जाणं विज्जाणञ्च इति वचनं वुच्चते । विज्जाणं अनन्तं नाम न होति, अनन्तारम्मणत्ता “विज्जाणं अनन्त”न्ति वुच्चते, तं विज्जाणं मनक्कारवसेन अपि अनन्तं परिदीपितं ।

१०१०. पठमारुप्पविज्जाणस्स अभावो तस्स एव पठमारुप्पस्स सुञ्जतो सुञ्जभावतो ।

१०१३. सति तिट्ठति भिय्यो बलवा सति तिट्ठति ।

१०१५. अभावके नत्थिभावे ।

१०१७-८. दुतियारुप्पचक्खुनाति चक्खुना दुतियारुप्पं “नत्थि नत्थी”तिआदिना आकारेण परिकम्मवसेन मनक्कारे । तस्सापगममत्तञ्च तस्स पठमारुप्पस्स अपगममत्तञ्च ।

१०२९. या नाम अयं समापत्ति अभावमत्तम्पि गोचरं कत्वा ठस्सति, अयं समापत्ति वत एकन्तेन अहो सन्ताति पदिस्सति ।

१०३३. याय सञ्जाय नेवसञ्जी, नासञ्जी च होति, केवलं एकन्तेन अथ खो सा सञ्जा एदिसी न होति ।

१०३५-७. पटुसञ्जाय किच्चस्स नेव करणतो अयं समापत्ति “नेवसञ्जा”ति निदिट्ठाति चतुत्थआरुप्पतो सम्भवा पवत्ता तेजोधातु सुखोदके दहनकिच्चं कातुं न सक्कोति यथा, सा सङ्खारधम्मनं अवसेसत्ता ।

१०४०. पासादतलञ्च साटिका च ।

१०४१. यो पन भिक्खु इमं रूपारूपज्झानसमापत्तिविधानं सारतरं जानाति, सो रूपारूपज्झानसमापत्तिपुरेक्खो सेक्खो भवं कामभवं अभिभुय्य अभिभवित्वा रूपारूपं याति पापुणाति ।

इति अभिधम्मावतारटीकाय

अरूपावचरसमाधिभावनानिद्वेसवण्णना निट्ठिता ।

पन्नरसमो परिच्छेदो ।

१६. सोळसमो परिच्छेदो

अभिज्जानिद्वेसवण्णना

१०४५. सताति सतिसम्पन्नेन । अनुयोगन्ति वीरियं ।

१०४७. योगावचरभिक्खुना निब्बत्तितासु अभिज्जासु अस्स योगावचरस्स भिक्खुनो समाधिभावना निट्ठं परियोसानं गता सिया ।

१०५०. दन्तेति दन्ते ठिते । अचलेति अचले ठिते ।

१०५२-४. अभिज्जाय पादकं कारणं अभिज्जापादकं योगी सतं वापि सहस्सं वापि यदि सचे इच्छति, अभिज्जापादकं ज्ञानं समापज्जित्वा ततो अभिज्जापादकज्ञानतो वुट्ठाय वुट्ठहित्वा “सतं होमि, सतं होमि” इति एवं कामावचरपरिकम्ममानसं कत्वा अभिज्जाय पादकं कारणभूतं ज्ञानं पुनाधिट्ठाति पुन आपज्जित्वा ततो ज्ञानतो वुट्ठाय पुन अधिट्ठाति, सहाधिट्ठानेन चेतसा अधिट्ठानसङ्घातेन चतुत्थज्झानचित्तेन सह सो योगी सतं होति । इद्धिविधजाणं ।

१०६७-८. एसो अधिगताभिज्जो योगी पादकारम्मणेन चतुत्थज्झानस्स पटिभागनिमित्तसङ्घातेन आरम्मणेन फुट्ठे ओकासे गते पवत्ते पन सद्दे सुणाति । दिब्बसोतजाणं ।

१०६९. परस्स चित्तं परियति परिच्छिज्जतीति चेतोपरियं, तमेव मानसं चेतोपरियमानसं ।

१०७०. हृदयं पन निस्सायाति हृदयवत्थुं निस्साय पवत्तमानलोहितं, हृदयकोसे पवत्तं रुहिरन्ति अत्थो ।

१०७५. कामावचरचित्तञ्चाति कामावचरसत्तानं कामावचरचित्तञ्च । रूपारूपेसु रूपभवारूपभवेसु सत्तानं मानसञ्च । किं भूतं? सरागादिप्पभेदकं मानसं सब्बं चेतोपरियजाणं जानाति । चेतोपरियजाणं ।

१०७७-८२. निसज्जा सब्बपच्छिमाति सब्बेसं इरियापथानं पच्छा जाता निसज्जा भिक्खुना आवज्जितब्बा । ततो पभुति ततो सब्बपच्छिमतो निसज्जातो पभुति तं सब्बं पच्छिमनिसज्जं आदिं कत्वा पटिलोमक्कमा पटिलोमक्कमेन सब्बं

अत्तना कतं आवज्जितब्बं । अस्मिं भवे याव यत्तकं कालं सन्धि पटिसन्धि होति, ताव तत्तकं कालं कतं किरियं तेन भिक्खुना आवज्जितब्बं । पुरिमस्मिं भवेपि चुतिक्खणेपि निब्बत्तं नामरूपञ्च साधुकं आवज्जितब्बं । चुतिक्खणे निब्बत्ते तस्मिं नामरूपे एवं भिक्खुना आवज्जितब्बे यदा तदेव तमेव नामरूपं आरम्भणं कत्वा चुतिक्खणे मनोद्वारे मनक्कारो मनोद्वारावज्जनचित्तं उपपज्जति । पुब्बेनिवासानुस्सतिजाणं ।

१०८६-९६. अभिज्जापादकं कसिणारम्भणं ज्ञानं अभिनीहारक्खमं कत्वा इमेसु तीसु कसिणेषु कतपुज्जेहि । तस्मा तमितरं वापीति आलोककसिणं वा इतरं वापि कसिणद्वयं यथाक्कमं उप्पादेत्वा उपचारभूमियंयेव ठत्वा तं आलोककसिणं ठपेतब्बं । अप्पनं पण्डितो न उप्पादेय्य, सचे उप्पादेति, तं आलोककसिणं पादकज्झाननिस्सितं पादकज्झानस्स आरम्भणं होति । वड्डितस्स ज्ञानस्स अन्तोगधं रूपं तेन योगिना पस्सितब्बं भवे भवेय्य । तं रूपं पस्सतो पस्सन्तस्स तस्स योगिनो परिकम्मस्स वारो अतिक्कमति, तावदे तस्मियेव खणे आलोकोपि तस्स योगिनो आलोकोपि खिप्पं अन्तरधायति । तस्मिं आलोके अन्तरहिते रूपगतं रूपं न दिस्सति । दिवसम्पि निसीदित्वा पस्सतो रूपदस्सनं होति ।

११००-१. तंचित्तसंयुतन्ति तेन चतुत्थज्झानेन युत्तं चित्तं । अनागतंसजाणस्स परिकम्मं, यथाक्कम्मूपगस्स जाणस्स च परिकम्मं । दिब्बचक्खुजाणं ।

११०३. यो भिक्खु इध इमस्मिं सासने इमं पन गन्थं सुणाति, चित्ते करोति च, सो भिक्खु अनेन तरेन इमिना गन्थेन तरित्वा अभिधम्ममहण्णवपारं याति पापुणाति, जानातीति अत्थो ।

इति अभिधम्मावतारटीकाय

अभिज्जानिद्देसवण्णना निड्डिता ।

सोळसमो परिच्छेदो ।

१७. सत्तरसमो परिच्छेदो

अभिज्जारम्भणनिद्देसवण्णना

११०४. अनागतंसजाणज्जाति न आगतो अनागतो, न ताव सम्पत्तोति अत्थो, अनागते अंसा कोट्टासा तेसं जाणं अनागतंसजाणं । यं यं कम्मं यथाक्कम्मं, तं उपगच्छति जानातीति यथाक्कम्मपगं, विपाकचेतनाजाननकजाणं ।

११०७-९. तत्थ तेसु आरम्भणत्तिकेसु । चित्तसन्निस्सितं कत्वाति तं कायं चित्तं सन्निस्सितं करित्वा तमेव कायचित्तचेतसिकवसेन महग्गते चित्तस्मिं समारोपेति जाणं इद्धिविधजाणं, ततो कायारम्भणतो कायस्स परित्तत्ता कामावचरत्ता परित्तारम्भणं जाणं सिया ।

१११०-३. दिस्समानेन कायेन, गन्तुकामो यदा भवे यो योगी दिस्समानेन कायेन गन्तुकामो यदा भवेय्य, सो योगी तदा चित्तं कायसन्निस्सितं कत्वा रूपकाये सन्निस्सितं कत्वा तं पादकज्झानचित्तं कायवसेन काये आरोपेति, तदा ज्ञानारम्भणतो तं जाणं महग्गतगोचरं होति, यं जाणं यदा अनागतञ्च धम्मजातं, अतीतञ्च धम्मजातं विसयं आरम्भणं

करोति, तदा तं जाणं अतीतारम्मणं होति, तदा अनागतारम्मणं आरम्मणकरणकाले अनागतगोचरं होति ।
दिस्समानेन कायेन तस्स भिक्खुनो गमने पन सति तस्स योगिनो जाणस्स गोचरो पच्चुप्पन्नो नाम होति, इति विनिहिसे ।

१११४. कायं चित्तस्स वसेन चित्ते आरोपेति, चित्तं कायस्स वसेन काये आरोपेति, इति परिणामनकालस्मिं तस्स योगिनो जाणं अज्झत्तारम्मणं सिया । **सम्पवत्तति सत्तसूति**
परित्तमहग्गतअतीतअनागतपच्चुप्पन्नअज्झत्तबहिद्धारम्मणसङ्घातेसु **सत्तसु** आरम्मणेसु सम्पवत्तति ।

११२०. **जानने मज्झिमानन्ति** महग्गतानं जानने ।

११२२. **एतस्स** चेतोपरियाजाणस्स मग्गारम्मणता परियायेन एव **मता** जाता ।

११२६-७. **तत्थ तिक्खणसम्पत्तं, पच्चुप्पन्नं खणादिकं ।**

तत्थ तेसु पच्चुप्पन्नेसु यं पच्चुप्पन्नं खणादिकं **तिक्खणसम्पत्तं** उप्पादट्ठितिभङ्गक्खणसम्पत्तं **खणादिकं** खणायेव तं खणावयवं पच्चुप्पन्नं नाम । **एकद्वेसन्ततिवारपरियापन्नन्ति** एकचित्तद्विचित्तवीथिवारपरियापन्नं सन्ततिपच्चुप्पन्नं नाम । **पच्चुप्पन्नन्ति पच्छिमन्ति** अद्वापच्चुप्पन्नन्ति अत्थो ।

११३१-२. येन आवज्जनचित्तेन धम्मे आवज्जति, येन चेतसा जानाति, **तेसं** द्विन्नं आवज्जनजवनचित्तानं सहट्ठानस्स अभावा तं “खणादिकत्तयं पच्चुप्पन्नं”न्तिआदिकं “एकस्स चित्तमेकेन, अवस्सं पन विज्झति”इति परियोसानं वचनं न युज्जति । आवज्जनजवनानं नानारम्मणभावं पत्तितो आपज्जनतो च न युज्जति । **अनिट्ठे पन ठाने** तेसं आवज्जनजवनानं एकारम्मणभावे अनिच्छिते तस्मिं ठाने न युज्जति, अज्जस्मिं पन ठाने मग्गवीथियं आवज्जनपरिकम्मजवनानं कसिणादिकं आरम्मणं होति, गोत्रभुलोकुत्तरचित्तानञ्च निब्बानं आरम्मणं होति, एत्थ आरम्मणजवनानं एकारम्मणता अनिच्छता ।

११३४-४१. “एकब्भवपरिच्छिन्नं, पच्चुप्पन्नन्ति पच्छिमं”न्ति वत्त्वा पुन अज्जेन परियायेन तं पच्चुप्पन्नं दस्सेतुं इदं **अद्वाख्यं** अद्धानाम पच्चुप्पन्नं जवनवारतो दीपेतब्बं । **इति** वचनं निदिट्ठं । यदा **इद्धिमा** योगी परस्स चित्तं जातुं आवज्जति, तस्स आवज्जनमनो **पच्चुप्पन्नखणद्वयं** पच्चुप्पन्नं मनोद्वारावज्जनचित्तं आरम्मणं कत्वा **तेन** चित्तेन सद्धि निरुज्झति, तेसु निरुद्धेसु तस्स योगिनो चत्तारि, पञ्च वा जवनानि जायन्ति । **एतेसं** चतुन्नं, पञ्चन्नं जवनानं यं पच्छिमं चित्तं इद्धिचित्तमुदीरितं । इद्धिचित्ततो **सेसानि** कामावचरचित्तानि । **एतेसं** कामावचरे इद्धिजवनानं तदेव च परचित्तं आरम्मणं होति यस्मा, **तस्मा सब्बानि तानि** जवनानि एकारम्मणतं यन्ति, तेसं जवनानं नानारम्मणता अद्वावसा न भवेय्य, पच्चुप्पन्नारम्मणतो तेसं जवनानं एकारम्मणभावेपि इद्धिमानसमेव च परस्स चित्तं जानाति । **इतरानि** कामावचरानि पन चित्तानि परस्स चित्तं न जानन्ति । **यथा चक्खुद्वारे तु विज्जाणन्ति** चक्खुविज्जाणं रूपं पस्सति, तथा इतरं चित्तं न पस्सति ।

११६१. **अनागतंसजाणस्साति** अनागतंसजाणस्स अनागतं धम्मं अगोचरं, गोचरं न होतियेवाति अत्थो ।

११६९. विविधत्थानि वण्णपदानि यस्मिं सो **विविधत्थवण्णपदो**, तं मधुरत्थमतिनीहरं उत्तमं सोतुजनस्स हृदयं पीतिकरं सचेतनो को नाम मनुजो न सुणेय्य ।

इति अभिधम्मावतारटीकाय

अभिञ्जारम्मणनिद्देसवण्णना निद्धिता ।

सत्तरसमो परिच्छेदो ।

१८. अट्टारसमो परिच्छेदो

दिट्ठिविसुद्धिनिद्देसवण्णना

११७५. या सज्जाननमत्तंव, सज्जा नीलादितो पनाति सा सज्जा नीलादिवसेन सज्जाननमत्तंव करोति ।
लक्खणप्पटिवेधन्ति अनिच्चादिलक्खणपटिबुज्जनं ।

११७७. तं विज्जाणं उस्सक्कित्वा उद्धं सक्कं कत्वा सत्ते मग्गं पापेतुं न सक्कोति ।

११७८-९. सब्बेसं पन धम्मानं सभावपटिवेधनं अविपरीतवसेन पटिबुज्जनं पज्जाय लक्खणं ।

११८०. समाधि आसन्नकारणं एतायाति समाधासन्नकारणा ।

११८१. लक्खणेनेकधाति सब्बधम्मं पटिबुज्जनलक्खणेन पज्जाव एकधा वुत्ता ।

११८३. भूरिपज्जेनाति भूते अत्थे अविपरीते अत्थे रमतीति भूरि, भूरि पज्जा एतस्साति भूरिपज्जो, तेन ।

११८६-९१. तीसु अत्थधम्मनिरुत्तीसु च जाणेसु अत्थधम्मनिरुत्तीसु जातेसु जाणेसु च जाणं । यं किञ्चि पच्चयुप्पन्नं फलं धम्मजातं । भासितत्थोति पाळिया अत्थो । एते पञ्च धम्मा अत्थसज्जिता अत्थनामका । फलनिब्बत्तको हेतूति जननको पच्चयो । भासितन्ति पाळि । धम्मसज्जिताति धम्मनामका । सभावनिरुत्तीति अविपरीतवोहारो । परियत्तीति सिक्खनं । सवनाधिगमेहि पुब्बयोगेन पुब्बे पवत्तनाय ।

११९२. भूमिभूतेसूति विपस्सनाय भूमिभूतेसु ।

११९४. जननादितोति जातिआदितो भीतेन पज्जा भावेतब्बा ।

१२०३. एकासीतिया चित्तेनाति लोकुत्तरचित्तवज्जितेन विपस्सनाभूमिभूतेन एकासीतिया चित्तेन ।

१२०८. सत्तसम्मोहघातत्थन्ति सत्तोति सम्मोहस्स विनासितत्थं ।

१२११. निरीहकन्ति ईहविरहितं व्यापारविरहितं, दारुरज्जुसमायोगे ।

१२१५. उभो भिज्जन्ति पच्चयाति अज्जमज्जपच्चयकारणा ।

१२२५. अन्तद्वयन्ति कामसुखल्लिकानुयोगअत्तकिलमथानुयोगद्वयं । भावयेति दिट्ठिविसुद्धिं वड्ढेय्य ।

इति अभिधम्मावतारटीकाय

दिट्ठिविसुद्धिनिद्देशवण्णना निट्ठिता ।

अट्टारसमो परिच्छेदो ।

१९. एकूनवीसतिमो परिच्छेदो

कङ्खावितरणविसुद्धिनिद्देशवण्णना

१२३१. इच्चेवमादिबात्तिसकोट्टासानं पच्चयस्स हेतुपच्चये ताव योगी मनसा परिग्गण्हाति ।

१२३३. हेत्वङ्कुरस्स बीजं तु बीजं अङ्कुरस्स हेतुजनकं, पथवादयो अङ्कुरस्स पच्चया ।

१२३४. पञ्च धम्माति अविज्जातण्हुपादानकम्माहारा हेतुपच्चया धम्मा ।

१२३५. कम्मं पुत्तस्स जनको पिता विय नामरूपस्स जनकं ।

१२३८. पच्चयाति पच्चयेन ।

१२४०. या साति या सा कङ्खा । पुब्बन्ते पुब्बकोट्टासे ।

१२४१. सम्बथा सम्बकोट्टासतो अनवसेसाव तस्स योगिनो सा कङ्खा पहिय्यति नासीयते ।

१२४३. अत्थसाधिकाति कुसलपक्खे दानादिअत्थसाधिका, अकुसलपक्खे पाणातिपातादिअत्थसाधिका ।

तं विपाकन्ति उपघातककम्मस्स तं विपाकं उप्पन्नं नाम होति । एवं एको योगी कम्मविपाकवसेन नामरूपस्स पच्चयपरिग्गहं करोति ।

१२४६. हेतुफलस्स सम्बन्धवसेनाति हेतुफलसम्बन्धवसेन इदं नामरूपं केवलं एकन्तेन पवत्तति, इति सम्मा अविपरीताकारेन सं अनुपस्सति ।

१२४७. पाकप्पवत्तितो उद्धं पाकपटिवेदकं न पस्सति न जानियते ।

१२५०-१. अप्पवत्ति नाम न दिस्सति, उपपन्नं दिस्सति । तिथिया एतमत्थं अनज्जाय अजानित्वा असयंवसी सत्तसज्जन्ति “सत्तो”ति सज्जं गहेत्वान सस्सतउच्छेददस्सिनो अज्जमज्जं विरोधिनो हुत्वा द्वासट्ठिदिट्ठिं गणहन्ति ।

१२५४. उभोति उभो कम्मविपाका अज्जमज्जतो सुज्जा । न च कम्मं विना फलन्ति कम्मं विना फलं न च होति ।

१२५५. सम्भारेहीति सूरियादिसम्भारेहि ।

१२५७. सुज्जं तं नामरूपधम्मं ।

१२५८. हेतुसम्भारपच्चयाति हेतुना च सम्भारपच्चयेहि च ।

इति अभिधम्मावतारटीकाय

कङ्खावितरणविसुद्धिनिद्देसवण्णना निड्ढिता ।

एकूनवीसतिमो परिच्छेदो ।

२०. वीसतिमो परिच्छेदो

मग्गामग्गजाणदस्सनविसुद्धिनिद्देसवण्णना

१२६४. पच्चुप्पन्नस्स धम्मस्साति पच्चुप्पन्नस्स नामरूपधम्मस्स ।

१२६६-८. उप्पज्जतो उप्पज्जन्तस्स नामरूपधम्मस्स रासितो निचयतो आगमनञ्च नत्थि । दिसागमनन्ति दिसाय गमनं । निरुद्धस्सापि नामरूपधम्मस्स एकस्मिं ठाने निचयोति च नत्थि ।

१२७०-१. अविज्जासमुदया रूपसमुदयो, अविज्जानिरोधा रूपनिरोधो । तण्हासमुदया रूपसमुदयो, तण्हानिरोधा रूपनिरोधो । कम्मसमुदया रूपसमुदयो, कम्मनिरोधा रूपनिरोधो । आहारनिरोधा रूपनिरोधो । धम्मेति सङ्खारधम्मे ।

१२८०. सम्पत्तपटिवेधस्साति सम्पत्तलोकुत्तरसङ्खातमग्गफलस्स सोतापन्नादिपुग्गलस्स । विप्पटिपन्नस्साति पटिपत्तियं अप्पटिपन्नस्स, विरुद्धवसेन पटिपन्नस्स वा ।

१२८६. कायचित्तानीति कायाति वेदनासज्जासङ्खारा । चित्तन्ति विज्जाणं ।

१२९०. यतो यतो पच्चयादितो । यं अमतं निब्बानं विजानतं विजानन्तानं पीतिपामोज्जं, तेहि लभितब्बं अमतं, अमतं विय पीतिपामोज्जं वा ।

१२९३. अप्पत्तेति अत्तनि मग्गफलस्मिं अप्पत्ते । पत्तसज्जीति मग्गफले अहं पत्तो अस्मि इति सज्जितो होति ।

१२९७. सारवेदिनोति सारजाननसीला । तन्ति तं मग्गामग्गजाणदस्सनं । इदं जाणं मग्गामग्गजाणदस्सनन्ति मग्गामग्गजाणदस्सनं नाम ।

इति अभिधम्मावतारटीकाय

मग्गामग्गजाणदस्सनविसुद्धिनिद्देसवण्णना निट्ठिता ।

वीसतिमो परिच्छेदो ।

२१. एकवीसतिमो परिच्छेदो

पटिपदाजाणदस्सनविसुद्धिनिद्देसवण्णना

१२९९. उपल्लेसविमुत्तं सुविसदं जाणन्ति अट्ठविधजाणं सन्धायाह ।

१३०२. सच्चानुलोमजाणन्ति अयमेव पवुच्चति ।

१३०६. अयं सिखापत्ता विपस्सना एव सच्चानुलोमजाणं नाम पवुच्चति ।

१३०९. भवङ्गानन्तरं सङ्खारु-पेक्खागतनयेनाति भवङ्गानन्तरं सङ्खारुपेक्खासङ्घातेन जाणेन कतनयेन ।

१३१४-६. बोधिपक्खियधम्मानं, उद्धञ्च अनुलोमतोति उद्धं वत्तमानानं बोधिपक्खियधम्मानं अनुलोमतो, इदं अनुलोमजाणं वुट्ठानगामिनिया परियोसानं नाम भासितं महेसिना कथितं । सच्चानुलोमजाणं आहच्च उप्पन्ना, सब्बप्पकारेण गोत्रभुपरियोसानं ।

१३१८. तत्थाति विपस्सनाय ।

इति अभिधम्मावतारटीकाय

पटिपदाजाणदस्सनविसुद्धिनिद्देसवण्णना निट्ठिता ।

एकवीसतिमो परिच्छेदो ।

२२. द्वावीसतिमो परिच्छेदो

जाणदस्सनविसुद्धिनिद्देसवण्णना

१३१९-२२. आवज्जनस्स हितं आवज्जनियं, तं ठानं एतस्साति आवज्जनियठानं, गोत्रभूति अत्थो । तं गोत्रभुचित्तं मग्गचित्तस्स आवज्जनियठानत्ता । पटिपदाजाणदस्सनं कुदाचनं न च भजति, तथेव जाणदस्सनविसुद्धिं कुदाचनं न भजतेव । उभिन्नं जाणानं अन्तरा एकं अब्बोहारिकं वोहारे नियुत्तन्ति वोहारिकं, न वोहारिकं अब्बोहारिकं । विपस्सनाय सोतस्मिं विपस्सनाय सोते पतितत्ता विपस्सना नाम वोहरितब्बा । ततो निब्बानतो ।

१३२५. सूरं तिक्खं विपस्सनन्ति गोत्रभुचित्तं सन्धायाह ।

१३२६-९. विसङ्खारन्ति सङ्खारेहि विगतं । पठमावज्जनञ्चेवाति पठमावज्जनं विय । पठमाभोगतापि चाति पठममनसिकारा विय । मग्गस्स अनन्तरादीहि पच्चयेहि । तस्साति मग्गस्स । सिखापत्ताय ताय विपस्सनाय मुद्धम्हि मत्थके । अनावत्तन्ति अनिवत्तं ।

१३३०-३. एकेन आवज्जनेन एकस्सायेव वीथिया । अनुलोमगोत्रभुचेतसन्ति अनुलोमगोत्रभुचित्तानं नानारम्मणता वुत्ता । तं गोत्रभुचित्तं अनावज्जनम्पि मग्गस्स आवज्जनद्वाने ठत्वा । सज्जं दत्वा वियाति “अहं निब्बानं आरम्मणं करोमि, त्वम्पि तमेवारम्मणं करोहि” इति सज्जं दत्वा वियाति अधिप्पायो । सज्जितन्ति सज्जं । कदाचिपि अनिब्बिद्धपुब्बं मग्गो एस एसो मग्गो पुब्बे अनिब्बिद्धपुब्बो ।

१३३६. उज्झतीति छिन्दति ।

१३३८. अनेकेसं आनिसंसानं दायकेन आदिमग्गेन संयुत्तं । पठममग्गजाणं ।

१३४१. एकस्सासेवनं नत्थि एकस्स चित्तुप्पादस्स आसेवनपच्चयो नत्थि, तस्मा कारणा द्वे चित्तुप्पादा अनुलोमका । तेहीति चित्तुप्पादेहि आसेवनपच्चयं लब्धा लभित्वा ततियं चित्तं गोत्रभु होति ।

१३४५-७. मग्गपेक्खनहेतु यस्स आवज्जनमनसो, तं मग्गपेक्खनहेतुकं । तस्मिं निरुद्धेति तस्मिं आवज्जनचित्ते निरुद्धे मग्गस्स पच्चवेक्खणसज्जितानि सत्त जवनानि पटिपाटिया जायन्ते । पच्चवेक्खणजाणानि एकूनवीसति होन्ति ।

१३५१. ततो तदा विपस्सनावीथिं ओतरति । दुतियमग्गजाणं ।

१३६१. मूलघातन्ति मूलघातनं । ततियमग्गजाणं ।

१३६३. अनावत्तिसभावतोति अनिवत्ततो । चतुत्थमग्गजाणं ।

इति अभिधम्मावतारटीकाय

जाणदस्सनविसुद्धिनिद्वेसवण्णना निट्ठिता ।

द्वावीसतिमो परिच्छेदो ।

२३. तेवीसतिमो परिच्छेदो

किलेसपहाननिद्वेसवण्णना

१३७५. इध पन इमस्मिं पनाधिकारे कारणूपचारेण लाभादिकारणस्स वोहारेण, लाभो आदि वत्थु यस्स अनुनयस्साति लाभादिवत्थुको, तस्स ।

सुखुमाति कामरागपटिघा सुखुमा ।

१३७६. येन येन पठममग्गादिजाणेन यो यो संयोजनादिको पहातब्बो धम्मो घातं विनासं याति, सो सो धम्मो तेन तेन असेसेन जाणेन एवं साधु मया सन्दस्सितो ।

१३८३. परिज्जाभिसमयेनाति परिच्छिन्दित्वा जाननेन । दुक्खं अभिसमेतीति दुक्खं पटिविज्झति ।

१३९४. यो योगी इमं विदित्वा हितभावनं वनं वनेतब्बं विदित्वा जानित्वा वे एकन्तेन सुखसंहितं हितं उपेति, चित्तस्स तमं अनुत्तमं हीनं विधूय विनासेत्वा अविग्गहकम्पदं पदं अविग्गहकं सरीररहितं पदं पटिपज्जितब्बं जातब्बं पदं निब्बानं उपेति पापुणाति च ।

इति अभिधम्मावतारटीकाय

किलेसपहाननिद्देसवण्णना निड्डिता ।

तेवीसतिमो परिच्छेदो ।

२४. चतुवीसतिमो परिच्छेदो

पच्चयनिद्देसवण्णना

१३९५. रूपं रूपस्साति रूपं रूपस्स । अरूपस्स नामस्स ।

१३९६. मिस्सकस्साति नामरूपमिस्सकस्साति अत्थो ।

१३९७. तिपज्ज चाति पन्नरस च ।

१३९९. एकोति कम्मपच्चयो । द्वेकालिकोति अतीतपच्चुप्पन्नकालवसेन द्वीसु कालेसु नियुत्तो । दस्सितोति भगवता देसितो ।

इति अभिधम्मावतारटीकाय

पच्चयनिद्देसवण्णना निड्डिता ।

चतुवीसतिमो परिच्छेदो ।

निगमनकथावण्णना

१४०१. सुमतिमतिविचारबोधनोति सुमतीनं सुन्दरपज्जानं कवीनं मतिया विचारस्स बोधनो । विमतिविमोहविनासनोति विमतीनं बालानं विमोहस्स विनासनो । कुमतिमतिमहातमोनासोति कुमतीनं बालानं महातमसन्निभाय मतिया नासको । पटुमतिभासकरोति पटूनं पण्डितानं तिक्खपज्जाय ओभासकरो ।

१४०२. सुमतिनामको भिक्खु असमानतो असदिसाय पूजाय मम आयाचितो यतो यस्मा कारणा, ततो तस्मा कारणा अयं अभिधम्मावतारो । पदातो पदाति कोट्टासतो कोट्टासतो । हितविभावना भावनाति हितप्पकासनाय भावनाय मया रचितो । अथ वा अहं सुमतिना भिक्खुना असमानतो मानतो आयाचितो यतो यस्मा, ततो तस्मा ।

१४०५. तिविधा व्यप्पथानञ्जि गतियोति व्यप्पथानं वचनानं अत्थगन्थयुत्तिवसेन तिविधा गतियो ।

१४०६. निकायन्तरलद्धीहीति अज्जस्मिं निकाये लद्धीहि । वाचनामग्गनिस्सितोति वचनप्पबन्धनिस्सितो ।

१४१०. असंकिण्णकुलाकुलेति असम्मिस्सकुलेहि आकिण्णे । सुपसन्नसितोदकेति मधुरसीतोदके ।

१४११. सङ्कटेति सम्बाधे ।

१४१२. केलाससिखराकारपासादपटिमण्डितेति रजतपब्बतमत्थकनिभेहि पासादेहि अलङ्कते ।

१४१३. विविधाकारचारुपाकारगोपुरेति विविधसण्ठानमनुज्जपाकारद्वारकोट्टके ।

१४१४. सल्लेखाति सल्लेखवुत्ति । साखल्येति सखिलभावे । सताति सतिसम्पन्नेन ।

१४१५. वस्सवलाहका देवाति वस्सवलाहकभूता देवा अमरा ।

निगमनकथावण्णना निड्ढिता ।

अभिधम्मावतारपुराणटीका निड्ढिता ।

॥ नमो तस्स भगवतो अरहतो सम्मासम्बुद्धस्स ॥

अभिधम्मावतार-अभिनवटीका

(पठमो भागो)

गन्थारम्भकथा

(क) विसुद्धकरुणाजाणं, बुद्धं सम्बुद्धपूजितं ।

धम्मं सद्धम्मसम्भूतं, वन्दे संघं निरङ्गणं ॥

(ख) सारिपुत्तं महाथेरं, परियत्तिविसारदं ।

नमामि सन्तवुत्तिं मे, गुरुं गारवभाजनं ॥

(ग) वन्दन्तेन मया एवं,

या लब्धा पुञ्जसम्पदा ।
हित्वा तस्सानुभावेन,
अन्तराये असेसतो ॥

(घ) महाविहारवासीनं, थेरानं थिरसीलिनं ।
वंसालङ्कारभूतेन, भूतानुगहकारिना ॥

(ङ) थेरेन बुद्धदत्तेन, रचितं यं मनोरमं ।
पिटके अभिधम्मस्मिं, ओतारुपायभावतो ॥

(च) अभिधम्मावतारोति, लब्धनामेन विस्सुतं ।
नानानिपुणगम्भीरनयं पकरणुत्तमं ॥

(छ) अत्थसंवण्णनं तस्स, आरभिस्सं यथाबलं ।
पामोज्जजननत्थाय, आभिधम्मिकभिक्षुनन्ति ॥

गन्थारम्भकथावण्णना

१. परमनिपुणविचित्तनयसमन्नागतं सकसमयसमयन्तरगहनविग्गाहणसमत्थं सुविमलविपुलपञ्चावेय्यत्तियजननं पकरणमिदमारभन्तोयमाचरियो पठमं ताव रतनत्तयप्पणामकरणेन अन्तरायनिवारणञ्चेव पञ्चापाटवञ्च पत्थेति । रतनत्तयप्पणामो हि अत्थतो पणामकिरियाभिनिष्फादिका कुसलचेतना । सा च वन्दनेय्यवन्दकानं खेत्तज्झासयसम्पदाहि दिट्ठधम्मवेदनीयभूता यथालब्धसम्पत्तिनिमित्तकस्स कम्मस्स अनुबलप्पदानवसेन तन्निब्बत्तितवपाकसन्ततिया अन्तरायकरानि उपपीळकउपच्छेदककम्मानि पटिबाहित्वा तन्निदानानं यथाधिप्पेतसिद्धिविबन्धकानं रोगादिअन्तरायानमप्पवत्तिं साधेति, रागादिमलविकखालनेन च चित्तसन्तानं परिसोधेत्वा तन्निस्सिताय पञ्चाय यथाधिप्पेतसिद्धिसम्पादकं तिकखविसदभावमावहति । किञ्चि आचिण्णमेतं पण्डितानं, यदिदं गन्थसमारम्भे रतनत्तयप्पणामकरणं, तस्मा सप्पुरिसाचारानुरक्खणत्थञ्च आदिमि रतनत्तयवन्दना आरब्धाति एवमादिना अञ्जानिपि बहूनि पयोजनानि निद्धारेतब्बानि । तानि पन तत्थ तत्थ बहुधा वित्थारितानीति तं पपञ्चपरिस्समं ठपेत्वा यथानुप्पत्तमेव ताव वण्णयिस्साम ।

एत्थ च रतनत्तयप्पणामं कत्तुकामो तथागतमूलकत्ता सेसरतनानं पठमं ताव तथागतस्स थोमनापुब्बङ्गमं पणाममारभन्तो आह “अनन्तकरुणापञ्ज”न्तिआदि । थोमनापुब्बङ्गमेन हि पणामेन सत्थु गुणातिसययोगो, ततो चस्स अनुत्तरवन्दनीयभावो, तेन च अत्तनो वन्दनाय खेत्तङ्गतभावो, खेत्तङ्गताय च वन्दनाय यथाधिप्पेतनिष्फत्तिया हेतुभावो च दस्सितो होति ।

तत्थ वन्दित्वाति पुब्बकालकिरियानिद्देसो । तस्स पन ओसानगाथायं “पवक्खामी”ति इमिना अपरकालकिरियावचनेन सह सम्बन्धो । बुद्धन्ति वन्दनकिरियाय कम्मनिद्देसो । “अनन्तकरुणापञ्ज”न्तिआदिकं पन तब्बिसेसनं । तत्थ किरितीति करुणा, परदुक्खं विक्खिपति अपनेतीति अत्थो । किरियति दुक्खितेसु पसारीयतीति वा

करुणा । अथ वा करोतीति करुणा, परदुःखे सति साधूनं कम्पनं हृदयखेदं जनयतीति अत्थो । किणातीति वा करुणा, परस्स दुःखं पच्चयवेकल्लकरणतो हिंसतीति अत्थो । पजानातीति पज्जा, यथासभावं पकारेहि पटिविज्झतीति अत्थो । करुणा च पज्जा च करुणापज्जा, नत्थि एतासं अन्तोति अनन्ता, अनन्ता करुणापज्जा एतस्साति अनन्तकरुणापज्जो, तं अनन्तकरुणापज्जं ।

एत्थ च उप्पादवयन्ततावसेन चेव सन्ततिपरियोसानवसेन च सतिपि भगवतो करुणापज्जानं सपरियन्तभावे अनन्तारम्मणोसु पवत्तनतो अनन्तता वेदितब्बा । सम्मासम्बुद्धस्स हि सब्बसत्तानं दुक्खापनयनाकारप्पवत्ता अनज्जसाधारणा महाकरुणा कज्चि सत्तं अवज्जेत्वा सब्बेसु सत्तेसु निरवसेसेन पवत्तति, तथा सब्बधम्मसभावबोधनसमत्था सब्बज्जुतज्जाणसङ्घाता पज्जापि सकलजेय्यधम्मेसु अनवसेसतो पवत्तति, तस्मा अनन्तारम्मणप्पवत्तकरुणाज्जाणवन्तताय अनन्तकरुणापज्जो भगवा । करुणापज्जाग्गहणेन चेत्थ भगवतो सब्बलोकियलोकुत्तरगुणसम्पत्ति दस्सिता होति । तथा हि करुणाग्गहणेन लोकियेसु महग्गतभावप्पत्तासाधारणगुणदीपनतो सकललोकियगुणसम्पत्ति दस्सिता, पज्जाग्गहणेन सब्बज्जुतज्जाणपदट्टानमग्गज्जाणदीपनतो सब्बलोकुत्तरगुणसम्पत्ति दस्सिताति ।

अपिच सब्बबुद्धगुणानं करुणा आदि, पज्जा परियोसानं । महाकरुणासज्जोदितमानसो हि भगवा संसारपङ्क्तो सत्तानं समुद्धरणत्थाय कताभिनीहारो अनुपुब्बेन पारमियो पूरेत्वा अनुत्तरसम्मासम्बोधिया अधिगमेन सकलबुद्धगुणे पटिलभि । इति सकलबुद्धगुणानं तन्निदानभावतो करुणा सब्बबुद्धगुणानमादि, सब्बज्जुतज्जाणपदट्टानस्स पन मग्गज्जाणस्स पटिलभनतो उत्तरिकरणीयाभावतो पज्जा परियोसानं । आदिपरियोसानदस्सनेन च सकलबुद्धगुणा नयतो दस्सिता होन्ति । नयग्गाहो एव हि सब्बबुद्धगुणानं दस्सनुपायो, इतरथा तादिसस्स सब्बज्जुबुद्धस्सपि वचनपथातीतं तथागतगुणं अनुपदं वण्णेन्तो को नाम परियोसानमाहरितुं सक्कुण्येयाति ।

एवं करुणापज्जामुखेन सङ्खेपतो सकलबुद्धगुणेहि भगवन्तं थोमेत्वापि पुन अत्तनो बुद्धगुणसंकित्तने अतित्ताभावेन चेव परेसज्ज पसादबाहुल्लजननत्थं तदन्तोगधेपि विसिद्धगुणे पधानभावेन नीहरित्वा दस्सेन्तो आह “तथागत”न्तिआदि । तत्थ “तथागत”न्ति तथा आगततादीहि अट्ठहि कारणेहि तथागतं । वुत्तज्जेतं (दी० नि० अट्ठ० १.७; म० नि० अट्ठ० १.१२; बु० वं० अट्ठ० १.२ निदानकथा; अ० नि० अट्ठ० १.१.१७०) —

“अट्ठहि कारणेहि भगवा तथागतो, तथा आगतोति तथागतो, तथा गतोति तथागतो, तथलक्खणं आगतोति तथागतो, तथधम्मे याथावतो अभिसम्बुद्धोति तथागतो, तथदस्सिताय तथागतो, तथवादिताय तथागतो, तथाकारिताय तथागतो, अभिभवनट्ठेन तथागतो”ति ।

“कथं भगवा तथा आगतोति तथागतो? यथा सब्बलोकहिताय उस्सुक्कमापन्ना पुरिमका सम्मासम्बुद्धा आगता, किं वुत्तं होति? मनुस्सत्तादिअट्ठङ्गसमन्नागतेन येन अभिनीहारेन ते भगवन्तो आगता, तेनेव च अभिनीहारेन अयम्पि भगवा आगतो, यथा च ते भगवन्तो समत्तिस पारमियो पूरेत्वा पज्जमहापरिच्चागादीनि सम्पादेत्वा आगता, यथा च ते सत्तित्स बोधिपक्खियधम्मे भावेत्वा ब्रूहेत्वा आगता, तथा अयम्पि भगवा आगतोति एवं ताव तथा आगतो”ति तथागतो । (१)

“कथं तथा गतोति तथागतो? यथा सम्पतिजाता ते भगवन्तो सत्तपदवीतिहारेन गता, यथा वा ते

समथविपस्सनामग्गेहि तं तं अकुसलपक्खं विधमित्वा गता, तथा अयम्पि भगवा गतो, एवं तथा गतोति तथागतो । (२)

“कथं तथलक्खणं आगतोति तथागतो? यस्मा तेसं तेसं धम्मानं यं सभावसरसलक्खणं तथं अवितथं, तज्जेस तथलक्खणं आगतो याथावतो अधिगतो, तस्मा तथलक्खणं आगतोति तथागतो गमनत्थानं बुज्झनत्थसम्भवतो । तथा हि वदन्ति ‘ये गतिअत्था, ते बुज्झनत्था । ये बुज्झनत्था, ते गतिअत्था’ति । (३)

“कथं तथधम्मं याथावतो अभिसम्बुद्धोति तथागतो? यस्मा ‘इदं दुक्खन्ति, भिक्खवे, तथमेतं अवितथमेत’न्तिआदिवचनतो (सं० नि० ५.१०९०) ‘अविज्जाय सङ्खारानं पच्चयट्ठो सङ्खारानं अविज्जापच्चयसम्भूतसमुदागतट्ठो तथो अवितथो अनज्जथो’तिआदिवचनतो च तथधम्मसङ्ख्यते सच्चपटिच्चसमुप्पादे याथावतो आगतो अभिसम्बुद्धो, तस्मा तथधम्मं याथावतो अभिसम्बुद्धोति तथागतो । (४)

“कथं तथदस्सिताय तथागतो? यस्मा अपरिमाणासु लोकधातूसु अपरिमाणानं सत्तानं छद्धारग्गहिते आरम्मणे अविपरीतमेव पस्सति जानाति, जत्वा च पनेवं ‘कतमं तं रूपायतनं, यं चतुन्नं महाभूतानं उपादाया’तिआदिना (ध० स० ६१६ आदयो) तथमेस अविपरीतं विभजति दस्सेति, तस्मा तथं आगच्छति पस्सति जानाति, तं वा आगमयति दस्सेतीति तथागतोति एवं तथदस्सिताय तथागतो । (५)

“कथं तथवादिताय तथागतो? यस्मा एस अभिसम्बोद्धितो याव परिनिब्बाना रागमदादिनिम्मथनवसेन एकसदिसमेव धम्मं तथं अवितथं भासति, तस्मा तथं गदति, तथो अविपरीतो आगदोवचनमेतस्साति वा द-कारस्स त-कारं कत्वा तथागतोति वुत्तोति एवं तथवादिताय तथागतो । (६)

“कथं तथाकारिताय तथागतो? भगवा हि ‘यथा वादी तथा कारी’ति (अ० नि० ४.२३; चूळनि० पोसालमाणवपुच्छानिद्देस ८३) वचनतो अत्तनो वाचाय अनुरूपमेव करोति, तस्मा यथा वाचा, तथा कायोपि गतो पवत्तो इमस्साति तथागतोति एवं तथाकारिताय तथागतो । (७)

“कथं अभिभवनट्ठेन तथागतो? यस्मा पनेस अनुपमाय सकललोकियलोकुत्तरगुणसम्पदाय समन्नागतत्ता सदेवकं लोकं अभिभुय्य पवत्तति, तस्मा अभिभवनट्ठेन तथागतोति वुच्चती’ति ।

तत्रेवं पदसिद्धि वेदितव्वा — अगदो वियाति अगदो, देसनाविलासो चेव पुज्जुस्सयो च । तेन हेस महानुभावो भिसक्को विय दिब्बागदेन सप्पे सब्बपरप्पवादिनो, सदेवकज्ज लोकं अभिभवति । इति सब्बलोकाभिभवने तथो अविपरीतो यथावुत्तो अगदो एतस्साति द-कारस्स त-कारं कत्वा तथागतोति वुच्चतीति अयमेत्थ सङ्खेपो । वित्थारो पन दीघागमसंवण्णनादीसु गहेतव्वो । आह चेत्थ —

“यथेव लोकम्हि विपस्सिआदयो,

सब्बज्जुभावं मुनयो इधागता ।

तथा अयं सक्कमुनीपि आगतो,

तथागतो वुच्चति तेन चक्खुमा ॥ (दी० नि० अट्ठ० १.७; म० नि० अट्ठ० १.१२; अ० नि० अट्ठ० १.१.१७०; बु०

वं० अट्ट० १.२ निदानकथा) ।

“पहाय कामादिमले यथा गता,
समाधिजाणेहि विपस्सिआदयो ।
महेसिनो सक्कमुनी जुतिन्धरो,
तथा गतो तेन **तथागतो** मतो ॥

“तथञ्च धात्वायतनादिलक्खणं,
सभावसामञ्जविभागभेदतो ।
सयम्भुजाणेन जिनोयमागतो,
तथागतो वुच्चति सक्कपुङ्गवो ॥

“तथानि सच्चानि समन्तचक्खुना,
तथा इदप्पच्चयता च सब्बसो ।
अनञ्जयेय्येन यतो विभाविता,
याथावतो तेन जिनो **तथागतो** ॥

“अनन्तभेदासुपि लोकधातुसु,
जिनस्स रूपायतनादिगोचरे ।
विचित्तभेदे तथमेव दस्सनं,
तथागतो तेन समन्तलोचनो ॥

“यतो च धम्मं तथमेव भासति,
करोति वाचायनुलोममत्तनो ।
गुणेहि लोकं अभिभुयिरीयति,
तथागतो तेनपि लोकनायको”ति ॥ (इतिवु० अट्ट० ३८; दी० नि० टी० १.७) ।

केनचि गुणेन अत्तनो विसिद्धस्स कस्सचि अभावतो नत्थि एतस्स उत्तरोति अनुत्तरो । भगवतो हि अवीचितो पट्ठायाव भवग्गं तिरियं अपरिमाणासु लोकधातूसु न कोचि केनचि गुणेन समसमोपि अत्थि, कुतो पन उत्तरितरो । यथाह —

“रूपे सीले समाधिम्हि, पञ्जाय च असादिसो ।
विमुत्तिया समसमो, धम्मचक्कप्पवत्तने”ति ॥

विन्दित्वाति तीहि वन्दनाहि तन्निन्नतादिवसेन नमस्सित्वा । कायवचीमनोद्वारवसेन हि तिस्सो वन्दना । यथाह “तिस्सो इमा, भिक्खवे, वन्दना कायेन वन्दति, वचसा वन्दति, मनसा वन्दती”ति । तत्थ बुद्धादिगुणारम्मणा कामावचरकुसलकिरियानमञ्जतरा चेतना कायविज्जत्तिं समुट्ठापेत्वा कायद्वारप्पवत्तिवसेन उप्पन्ना **कायवन्दना**ति वुच्चति, सायेव वचीविज्जत्तिं समुट्ठापेत्वा वचीद्वारप्पवत्तिवसेन उप्पन्ना **वचीवन्दना**ति, उभयविज्जत्तियो पन

असमुद्रापेत्वा केवलं मनोद्वारप्पवत्तिवसेन उप्पन्ना **मनोवन्दना**ति । **सिरसा**ति उत्तमङ्गेन करणभूतेन । अबुज्झि, बोधेतीति वा **बुद्धो** । अयञ्चि चतुसच्चधम्मं सयम्पि अबुज्झि, परेपि बोधेति, तस्मा बुज्झनबोधनद्वेन “बुद्धो”ति वुच्चति । यथाह “बुज्झिता सच्चानीति बुद्धो, बोधेता पजायाति बुद्धो”ति (महानि० १९२; चूळनि० पारायनत्थुतिगाथानिद्देस ९७; पटि० म० १.१६२) । अथ वा बुध-सदस्स जागरणविकसनत्थेसुपि पवत्तनतो अबुज्झि सवासनसम्मोहनिद्दाय अच्चन्तं विगतो, बुद्धिया विकसितवाति वा **बुद्धो** । भगवा हि वत्थुसभावदस्सनविबन्धिकाय अविज्जासङ्खाताय निद्दाय अरियमग्गजाणेन सह वासनाय समुच्छिन्नत्ता ततो अच्चन्तं विगतो । परमरुचिरसिरिसोभग्गसमागमेन विकसितमिव पदुमं अपरिमितगुणगणालङ्कृतसब्बञ्जुतञ्जाणसमागमेन विकसितो विकासमनुप्पत्तो, तस्मा जागरणविकसनत्थवसेनपि “बुद्धो”ति वुच्चति ।

एत्तावता च द्वीहि आकारेहि भगवतो थोमना कता होति अत्तहितसम्पत्तितो, परहितपटिपत्तितो च । तासु अत्तहितसम्पत्ति अनावरणजाणाधिगमो सवासनसकलसंकिलेसानमच्चन्तप्पहानं अनुपादिसेसनिब्बानाधिगमो च, परहितपटिपत्ति पन आसयप्पयोगवसेन दुविधं परहितसमीहनं । तत्थ धम्मदेसनाय अभाजनेसु देवदत्तादीसु विरोधिसत्तेसुपि निच्चं हितज्झासयता अपरिपाकगतिन्द्रियानं इन्द्रियपरिपाककालागमनञ्च **आसयो** नाम । तदञ्जसत्तानं पन लाभसक्कारादिनिरपेक्खचित्तस्स यानत्तयमुखेन सब्बदुक्खनिव्यानिकधम्मदेसना **पयोगो** नाम । दुविधासु पनेतासु परहितपटिपत्तीसु, तिविधासु च अत्तहितसम्पत्तीसु अनन्तकरुणा-वचनेन, तथा आगतद्वेन च तथागत-सद्देन आसयवसेन परहितपटिपत्ति दस्सिता, बोधनद्वेन बुद्ध-सद्देन, तथदस्सनद्वेन च तथागतद्वेन च तथागतसद्देन पयोगवसेन, अनन्तपञ्चा-वचनेन, जाणगतिदीपकेन तथागत-सद्देन, बुज्झनजागरणविकसनद्वेन च बुद्ध-सद्देन तिविधापि अत्तहितसम्पत्ति, अनुत्तरवचनेन च अत्तहितपरहितसम्पत्ति पकासिताति वेदितब्बा ।

अपिच हेतुफलसत्तूपकारसम्पदावसेन तीहाकारेहिपि भगवतो थोमना पवत्ततीति तंवसेनपेत्थ थोमना दट्ठब्बा । तत्थ **हेतुसम्पदा** नाम महाकरुणासमायोगो, बोधिसम्भारसम्भरणञ्च तम्मूलकत्ता सकलबुद्धगुणानं । **फलसम्पदा** पन चतुब्बिधा जाणसम्पदा, पहानसम्पदा, आनुभावसम्पदा, रूपकायसम्पदा चाति । तासु सब्बञ्जुतञ्जाणपदद्वानं मग्गजाणं, मग्गजाणपदद्वानं सब्बञ्जुतञ्जाणं, तम्मूलकानि च दसबलादिजाणानि **जाणसम्पदा** नाम । अग्गमग्गभावनाय सब्बकिलेसानं सह वासनाहि अनुप्पत्तिधम्मतापादनं **पहानसम्पदा** । अचिन्तेय्यापरिमितानं सब्बलोकहितानं निष्फादने, सदेवकलोकाभिभवने च आधिपच्चं **आनुभावसम्पदा** । सकललोकनयनाभिसेकभूता पन लक्खणानुब्यञ्जनपटिमण्डिता अत्तभावसम्पत्ति **रूपकायसम्पदा** नाम । **सत्तूपकारो** हेट्ठा वुत्तपरहितपटिपत्तिवसेनेव वेदितब्बो । इमासु पन अनन्तकरुणा-वचनेन, तथा आगतद्वेन च तथागत-सद्देन हेतुसम्पदा दस्सिता । फलसम्पदासु जाणसम्पदा चेव पहानसम्पदा च अनन्तपञ्चा-वचनेन, अभिसमयपरिदीपकेन तथागतसद्देन, बुज्झनजागरणविकसनद्वेन, च बुद्ध-सद्देन दस्सिता, आनुभावसम्पदापि अभिभवनद्वेन तथागत-सद्देन, अनुत्तर-वचनेन च विभाविता, रूपकायसम्पदा पन रूपगगप्पत्तिदीपकेन अनुत्तर-सद्देन दस्सिताति दट्ठब्बं ।

एवं बुद्धरतनस्स थोमनापुब्बङ्गमं पणामं कत्वा इदानि सेसरतनानम्पि पणाममारभन्तो आह “**धम्मं साधुगणम्पि चा**”ति । भगवतो थोमनेन च स्वाक्खाततादयो धम्मगुणा, सुप्पटिपन्नतादयो सङ्गगुणा च दस्सिता होन्ति तप्पभवस्स अनञ्जथाभावतोति न तेसं विसुं थोमना कता । अधिगतमग्गे सच्छिकतनिरोधे पुगले यथानुसिट्ठं पटिपज्जमाने च अपायदुक्खेसु चेव वट्टदुक्खेसु च अपतमाने कत्वा धारेतीति **धम्मो**, सो चतुन्नं अरियमग्गानं, चतुन्नञ्च सामञ्जफलानं, निब्बानस्स, परियत्तिधम्मस्स च वसेन दसविधो । वुत्तज्हेतं **छत्तविमाने** —

“रागविरागमनेजमसोकं,
धम्ममसङ्खतमप्पटिकूलं ।
मधुरमिमं पगुणं सुविभक्तं,
धम्ममिमं सरणत्थमुपेही”ति ॥ (वि० व० ८८७) ।

एत्थ हि कामरागादिभेदो सब्बोपि रागो विरज्जति एतेनाति “रागविरागो”ति मग्गो कथितो । एजासङ्खाताय तण्हाय, अन्तोनिज्झानलक्खणस्स च सोकस्स तदुप्पत्तियं सब्बसो परिकखीणत्ता “अनेजमसोक”न्ति फलं कथितं । केनचि पच्चयेन असङ्खतत्ता “धम्ममसङ्खत”न्ति निब्बानं वुत्तं । अविरोधदीपनतो पन अत्थव्यञ्जनस्स सम्पन्नताय, पक्कट्टगुणविभावनतो सुट्ठु विभजितत्ता च “अप्पटिकूल”न्ति आदिना सब्बोपि परियत्तिधम्मो कथितो । तत्थ अरियमग्गनिब्बानानि निप्परियायेनेव अपायादितो धारणतो धम्मो, फलपरियत्तियो पन परियायेन । तथा हेत्थ धारणं नाम अपायादिनिब्बत्तककिलेसविद्धंसनं । इति अरियमग्गस्स किलेससमुच्छेदकताय, निब्बानस्स च आलम्बणभावेन तस्स तदत्थसिद्धिहेतुतायपि उभिन्नम्पि निप्परियायतो लब्धति । इतरेसु पन अरियफलस्स मग्गेन समुच्छिन्नकिलेसानं पटिपस्सद्धकिच्चताय, मग्गानुकूलप्पवत्तितो परियत्तिधम्मस्स च तदधिगमहेतुतायाति उभिन्नम्पि परियायतोव लब्धतीति ।

अत्तहितपरहितं साधेन्तीति साधू, तेसं गणो समुदायोति साधुगणो, साधु चायं गणो चाति वा साधुगणो, साधुनो वा सम्मासम्बुद्धस्स आयत्तो गणो तस्स ओरसपुत्तभावतोति साधुगणो । सो पन चतुन्नं अरियमग्गसमङ्गीनं, चतुन्नञ्च फलसमङ्गीनं वसेन अट्ठविधो अरियसङ्घो, तं **साधुगणं** । **पिचाति** निपातसमुदायो, एको वा निपातो, तिण्णं रतनानं वन्दनकिरियाय सम्पिण्डनत्थो । केचि “गणो”ति इध पकरणतोव अरियगणपुग्गलोव लब्धतीति साधूति भावनपुंसकवसेन “वन्दित्वा”ति इमिना सह योजेन्ति, तदा पन **साधूति** भयलाभादिविरहेन सक्कच्चं आदरन्ति अत्थो ।

२. एवं पकरणारम्भे यथाधिप्पेतं रतनत्तयप्पणामं कत्वा इदानी यत्थ पाटवत्थाय इदं पकरणं पट्टपीयति, तं सद्धिं देसकदेसपटिग्गाहकसम्पत्तीहि विभावेत्वा दस्सेन्तो आह “**पण्डुकम्बलनामाया**”ति आदि । तत्थ देवराजस्स पण्डुकम्बलनामाय सिलाय विमले सीतले तले निसिन्नो अतुलविवक्कमो देवदेवेहि पूजितो देवदेवो देवपुरक्खतो देवानं देवलोकस्मिं यं धम्मं देसेसीति सम्बन्धो ।

अयं पनेत्थ अत्थो — पण्डुकम्बलसरिक्खवण्णताय “पण्डुकम्बल”न्ति नामं समञ्जा एतिस्साति **पण्डुकम्बलनामा** । सा हि सक्कस्स तादिसपुञ्जानुभावेन निब्बत्ता पण्डुकम्बलजयसुमनपुप्फसमानेन वण्णेन सब्बकालं विरोचति, पमाणतो पन सट्ठियोजनायामा, पञ्जासयोजनवित्थारा, पन्नरसयोजनुब्बेधा च होति । **सिलायाति** अवयवसम्बन्धे सामिवचनं । तुलाय सम्मितो तुल्यो, न तुल्यो अतुल्यो, अतुल्यो विक्कमो बलं एतस्साति अतुल्यविवक्कमो । सम्मासम्बुद्धस्स हि परमपारमितानुभावसंसिद्धेन हत्थिगणनाय कोटिसहस्सहत्थीनं, पुरिसगणनाय दसकोटिसहस्सपुरिसानं बलेहि सम्पमाणेन कायबलेन, अप्पमाणेन च जाणबलेन न कस्सचि देवब्रह्मादीसु अञ्जतरस्स बलतुलनाय उपनेतब्बं अत्थि । अथ वा अनञ्जसाधारणत्ता अतुल्यो परक्कमसङ्घातो अपरिमाणगुणविसेसावहेन अनञ्जसाधारणेन सम्मप्पधानेन समन्नागतत्ता वा अतुल्यो सम्मप्पधानसङ्घातो विक्कमो इमस्साति अतुल्यविवक्कमो । “अतुल्यविवक्कमो”ति च वत्तब्बे गाथाबन्धवसेन य-कारलोपं कत्वा “**अतुलविवक्कमो**”ति वुत्तं । अथ वा सम्मितत्थे अ-कारपच्चयस्सापि सम्भवतो अतुलो विक्कमो अस्साति “**अतुलविवक्कमो**”ति वुत्तं ।

दिब्बन्तीति देवा, पञ्चकामगुणादीहि कीळन्ति, तेसु वा विहरन्ति, विजयसमत्थतायोगेन बाहिरब्भन्तरिके पच्चत्थिके

विजेतुं इच्छन्ति, इस्सरियधनादिसक्कारदानगहणं, तंतं अत्थानुसासनञ्च करोन्ता वोहरन्ति, पुञ्जजाणानुभावप्पत्ताय जुतिया जोतेन्ति, यथाधिपेतञ्च विसयं अप्पटिघातेन गच्छन्ति, यथिच्छित्तनिष्फादने च सक्कोन्तीति अत्थो। अथ वा देवनीया तंतं व्यसननित्थरणत्थिकेहि “सरणं परायणं”न्ति गमनीया, अभित्थवनीया सोभाविसेसयोगेन कमनीयाति वा देवा, ते तिविधा — सम्मुत्तिदेवा उपपत्तिदेवा विसुद्धिदेवाति। तत्थ **सम्मुत्तिदेवा** नाम महासम्मतादयो खत्तिया। **उपपत्तिदेवा** नाम चातुमहाराजिके उपादाय तदुत्तरिदेवा। **विसुद्धिदेवा** नाम खीणासवा। इध पन उपपत्तिदेवा दट्टब्बा। नो च खो तेपि अविसेसेन, ठपेत्वा पन यामादिके चातुमहाराजिकतावतिसवासिनोव अधिप्पेता। तेसं चतूहि सङ्गहवत्थूहि रञ्जनतो राजा, देवानं राजा इस्सरो देवराजा, तस्स **देवराजस्स**, “सक्कस्स देवरज्जो”ति अधिप्पायो। न हि अज्जेसं देवलोकेसु निसिन्नो भगवा अभिधम्मपिटकं देसेसीति।

३. यन्ति अनियमनिद्देशो, तस्स पन “तत्था”ति इमिना नियमनं वेदितव्वं। यथावुत्तानं तिण्णम्पि देवानं उत्तमो देवो तेहि सब्बेहि अधिकतरं कीळनादियोगतोति **देवदेवो**, भगवा। सो हि निरतिसयाय अभिज्जाकीळाय उत्तमेहि दिव्वब्रह्मअरियविहारेहि सपरसन्तानसिद्धाय पञ्चविधमारविजयिच्छानिब्वत्तिया चित्तिस्सरियसत्तधनादिसम्मापटिपत्तिअवेच्चप्पसादसक्कारदानगहणसङ्घातेन, यथापराधयथानुलोमयथाधम्मानुसासनसङ्घातेन च वोहारातिसयेन परमाय पज्जाय च सरीरप्पभासङ्घाताय जुतिया अनुपमाय जाणसरीरगतिया मारविजयसब्बज्जुतज्जाणपरहितनिष्फादनेसु अप्पटिहताय सत्तिया च समन्नागतत्ता सदेवकेन वा लोकेन “सरणं”न्ति गमनीयतो, अभित्थवनीयतो, भित्तिवसेन कमनीयतो च सब्बे ते देवे तेहि तेहि गुणेहि अभिभुय्य ठितोति सब्बदेवेहि पूजनीयतरो देवो, विसुद्धिदेवभावसङ्घातस्स वा सब्बज्जुगुणालङ्कारस्स अधिगतत्ता अज्जेसञ्च देवानं अतिसयेन देवोति **देवदेवो**। **देवानन्ति** तदा धम्मपटिग्गाहकानं दससहस्सचक्कवाळाधिवासीनं मातुदेवपुत्तप्पमुखानं उपपत्तिदेवानं। विसुद्धिदेवानम्पेत्य गहणन्ति वदन्ति। ते पन उपपत्तिदेवेस्वेव सङ्गहिता मनुस्सअरहन्तानं तत्थ अभावतो। **देवदेवेहीति** विसुद्धिदेवेहि। विसुद्धिदेवा हि वुत्तनयेन इतरदेवेहि सातिसयं कीळनादियोगतो इध “देवदेवा”ति अधिप्पेता, तेहि। **पूजितोति** पूजितव्वो, पूजितुं अरहोति अत्थो। एतेन विसुद्धिदेवेसुपि भगवतो अगगपुग्गलतं दीपेति। **देसेसीति** मधुरकरवीकसद्वसदिसं ब्रह्मस्सरं निच्छारेन्तो पकासेसि। **देवलोकस्मिन्ति** तावतिसदेवलोके। सभावसामज्जलक्खणं धारेतीति धम्मो, कुसलादिभेदो अभिधम्मो, इध पन तप्पकासकं अभिधम्मपिटकं “**धम्म**”न्ति वुत्तं। तथा हि वक्खति “पिटकुत्तमे”ति। **देवपुरक्खतोति** दससहस्सचक्कवाळासिदिव्वब्रह्मेहि पुरक्खतो, परिवारितोति अत्थो।

ननु च “देवानं”न्ति वचनेनेव देवपुरक्खतभावो सिद्धोति किं “देवपुरक्खतो”ति वचनेन? नायं दोसो। भगवा हि कदाचि चूळपन्थकत्थेरादीनं विय परम्मुखेपि निसीदित्वा ओभासं विस्सज्जेत्वा सत्तानं सम्मुखे निसिन्नं विय दस्सेन्तो धम्मं देसेति, कदाचिपि पारायनिकब्राह्मणादीनं विय सम्मुखेपि निसीदित्वा अज्जेहि च परिवुतो अज्जेसम्पि धम्मं देसेति, इध पन न तथा, देवेहि येव परिवुतो देवानं देसेतीति दस्सनत्थं “देवपुरक्खतो”तिपि वत्तव्वमेवाति।

४. एवमेतस्मिं पकरणे गारवजननत्थं तेन सम्पादेतव्वपाटवविसयं अभिधम्मपिटकं देसकादिसम्पत्तीहि सह विभावेत्वा इदानि यथाधिप्पेतपकरणारम्भपयोजनाभिधानाभिधेय्यसोतुजनसमुस्साहनकरणप्पकारानि च विभावेतुं “**तत्थाह**”न्तिआदि वुत्तं। तत्थ “पाटवत्थाया”ति इमिना पकरणारम्भपयोजनं वुत्तं। “अभिधम्मावतार”न्ति इमिना अभिधानाभिधेय्यानि। “मधुर”न्तिआदीहि पकरणं विसेसेति। “समासेना”ति च इमिना सोतुजनसमुस्साहनकरणप्पकारानीति दट्टव्वं। “अह”न्ति कत्तुभूतं अत्तानं निद्विसति। तथा हि यो परो न होति, सो नियकज्जत्तसङ्घातो अत्ता “अह”न्ति वुच्चति।

पटुनो भावो पाटवं, तंयेव अत्थो पयोजनट्टेनाति **पाटवत्थो**, तदत्थाय । तं सन्धाय विविधनयगगहणसमत्थस्स सुतमयजाणस्स उप्पादनत्थन्ति वुत्तं होति । संसारे भयं इक्खन्ति, भिन्दन्ति वा पापके अकुसले धम्मेति **भिक्षू**, तेसं । पिटकञ्च तं उत्तमञ्चाति पिटकुत्तमं, तस्मिं **पिटकुत्तमे**, अभिधम्मपिटकेति अधिष्पायो । तज्झि परियत्तिभाजनत्थतो पिटकं, तीसु पिटकेसु विसिद्धभावतो उत्तमञ्चाति पिटकुत्तमं । तत्थ **परियत्तिभाजनत्थतो**ति परियत्तिअत्थेन चेव भाजनत्थेन च । तथा हि “मा पिटकसम्पदानेना”तिआदीसु (अ० नि० ३.६६) परियत्ति पिटकन्ति वुच्चति । “अथ पुरिसो आगच्छेय्य कुदालपिटक”न्तिआदीसु (म० नि० १.२२८; अ० नि० ३.७०) यं किञ्चि भाजनम्पि । तस्मा इदम्पि परियापुणितब्बट्टेन परियत्ति, अभिधम्मत्थानमाधारणत्थेन भाजनञ्चाति परियत्तिभाजनत्थतो पिटकन्ति वुच्चति । तेनेवाहु —

“पिटकं पिटकत्थविदू,
परियत्तिभाजनत्थतो आहु ।
तेन समोधानेत्वा,
तयोपि विनयादयो जेय्या”ति ॥ (दी० नि० अट्ठ० १.पठममहासङ्गीतिकथा; पारा० अट्ठ० १.पठममहासङ्गीतिकथा;
ध० स० अट्ठ० निदानकथा) ।

विसिद्धभावो पनस्स लोकवोहारमतिक्कम्म यथासभाववसेन देसनतो, विसिद्धधम्मक्खन्धविभावनतो च वेदितब्बो । एत्थ हि “सत्तो पुगलो भिक्षू”तिआदिकं लोकवोहारमतिक्कम्म “खन्धधातुआयतन”न्तिआदिना यथाधम्मवसेनेव बाहुल्लदेसना पवत्ता, न इतरेसु विय यथावुत्तवोहारवसेन, यतो इदं यथाधम्मसासनन्ति वुच्चति । सब्बसङ्खतधम्मविसिद्धो चेत्थ पञ्चाक्खन्धो विसेसतो विभावितो, तस्मा तिण्णम्पि पिटकानं बुद्धवचनभावेपि यथासभावानतिक्कमदेसनादितो इदमेव तीसु पिटकेसु विसिद्धन्ति युत्तं । अपिच धम्मातिरेकधम्मविसेसभावतो चस्स विसिद्धभावो वेदितब्बो । अभिधम्मे हि निप्पदेसतो खन्धायतनादिधम्मानं विभत्तत्ता इतरद्वयतो अतिरेकतरा, विसिद्धा च पाळि होति, तस्मा अतिरेकस्स, विसिद्धस्स च पाळिधम्मस्स वसेन इदमेव तीसु पिटकेसु उत्तमन्ति वत्तुं वट्ठति । यथावुत्तविसिद्धभावयोगतोयेव चेतं “अभिधम्मपिटक”न्ति वुच्चति अभि-सदस्स विसिद्धभावजोतनतो । अपिच वुट्ठिमन्तादिधम्मानं एत्थ वुत्तत्ता चेतं अभिधम्मपिटकं । यथाहु पोराना —

“यं एत्थ वुट्ठिमन्तो, सलक्खणा पूजिता परिच्छिन्ना ।
वुत्ताधिका च धम्मा, अभिधम्मो तेन अक्खातो”ति ॥ (दी० नि० अट्ठ० १.पठममहासङ्गीतिकथा; पारा० अट्ठ० १.पठममहासङ्गीतिकथा; ध० स० अट्ठ० निदानकथा) ।

तथा हेत्थ “रूपूपपत्तिया मगं भावेति, मेत्तासहगतेन चेतसा एकं दिसं फरित्वा विहरती”तिआदिना (ध० स० १६० आदयो) वुट्ठिमन्तोपि धम्मा वुत्ता, “रूपारम्मणं वा सद्धारम्मणं वा”तिआदिना (ध० स० १) नयेन आरम्मणादीहि लक्खितब्बत्ता सलक्खणापि “सेक्खा धम्मा असेक्खा धम्मा, लोकुत्तरा धम्मा”तिआदिना नयेन पूजिता पूजारहापि “फस्सो होति, वेदना होती”तिआदिना (ध० स० १) नयेन सभावपरिच्छिन्नत्ता परिच्छिन्नापि “महग्गता धम्मा अप्पमाणा धम्मा (ध० स० तिकमातिका १२, दुक्कमातिका ९९), अनुत्तरा धम्मा”तिआदिना नयेन अधिका विसिद्धापि धम्मा वुत्ता, तस्मा अभि-सदस्स वुट्ठिआदिअत्थेसुपि पवत्तनतो “वुट्ठिमन्तो धम्मा एत्था”तिआदिना निब्बचनेन इदं पिटकं “अभिधम्म”न्ति वुच्चति । अभिधम्मं ओतरन्ति अनेनाति **अभिधम्मावतारं** नाम पकरणं । इमिना पनस्स अत्थानुगतमभिधानं दस्सेति । तु-सद्वो पदपूरणे । आचरियेन हि गाथापदपूरणत्थं येभुय्येन तत्थ तत्थ निपाता वुच्चन्ति । यत्थ पन नेसं पयोजनविसेसो दिस्सति,

तत्थेव तमत्थं वक्खाम । मधुरन्ति निप्परियायतो मधुर-सद्दोयं जिक्काविज्जेय्ये रसविसेसे वत्तति, इध पन इट्ठभावसामज्जेन अत्थब्यज्जनसम्पत्ति मधुरसद्देन वुत्ता । भवति हि तंसदिसस्स तं-सद्देनाभिधानं यथा “अग्गिमाणवो”ति । तेन पन मधुरेन योगतो इदम्पि मधुरं यथा नीलगुणयोगतो नीलुप्पलन्ति । निपुणगम्भीराय ब्यज्जनसम्पत्तिया चेव अत्थसम्पत्तिया च अभिधम्मविसयं मतिं वट्ठेतीति मतिवट्ठनं । अथ वा ब्यज्जनसम्पत्तिया “मधुर”न्ति वुत्तं, अत्थसम्पत्तिया “मतिवट्ठन”न्ति ।

५. ताळन्ति कुज्जिकं, कुज्जिकासदिसन्ति अत्थो । मुहन्ति तेनाति मोहो, अविज्जायेतं अधिवचनं, मोहोयेव अभिधम्ममहापुरं पविसन्तानं पवेसननिवारणत्ता कवाटभूतोति मोहकवाटं, तस्स । विघाटेति, विघाटीयति अनेनाति वा विघाटनं । ननु च अविज्जाकवाटं पञ्चाय उग्घाटीयति । सा हि तस्सा उजुविपच्चनीकभूताति? सच्चं, इदम्पि तस्सा कारणभावेन “मोहकवाटविघाटनकर”न्ति वुत्तं । कारणकारणम्पि हि कारणवसेन वुच्चति यथा “चोरेहि गामो दट्ठो, तिणोहि भत्तं सिद्ध”न्ति ।

६. सुदुत्तरन्ति धम्मत्थदेसनापटिवेधसङ्घातचतुगम्भीरभावपटिसंयुत्तताय मन्दबुद्धीहि तरितुं असक्कुण्येयत्ता अतिदुत्तरं, तेनेव चेदं महोदधिसमानत्ता “महोदधी”ति वुत्तं । महण्णवोपि हि चतुरासीतियोजनसहस्सगम्भीरो न सक्का अज्जत्र सिनेरुपब्बतराजतो केनच पतिट्ठं लद्धं, एवमिदम्पि चतुगम्भीरतापटिसंयुत्तं अज्जत्र तथागता न केनच पतिट्ठं लद्धं सक्काति । तरन्तानन्ति अत्थगगहणवसेन उत्तरितुकामानं । एत्थ च “तरंवा”ति अधिकारवसेन वत्तब्बं, वक्खमानं वा आनेत्वा सम्बन्धितब्बं । तरन्तानन्ति परतीरसम्पापुणनत्थं उत्तरन्तानं । तरंवाति उळुम्पं विय, तंसमानन्ति अत्थो । मकरा नाम मच्छजातिका, तेसं आकरो निवासभूमीति मकराकरो, तं ।

७. अभिधम्मे नियुत्ता आभिधम्मिका, तेसं । हत्थसारं वियाति हत्थसारं । यथा हि मनुस्सानं बहूसु रतनादीसु विज्जमानेसुपि आपदासु च सुखपरिभोगत्थं हत्थे कयिरमानं साररतनादिकं “हत्थसार”न्ति वुच्चति, एवमिदम्पि सतिपि महन्ते अभिधम्मपिटके तस्स सब्बसो वित्तिण्णताय परिहरितुं असक्कुण्येयत्ता तदत्थसारसम्पिण्डनवसेन कयिरमानं आभिधम्मिकभिक्खून् सुखपरिहरणत्थाय सम्पज्जतीति हत्थसारसदिसत्ता “हत्थसार”न्ति वुत्तं । पवक्खामीति पकारेण कथेस्सामि, अनागतवचनज्जेतं, वत्तमानसमीपत्ता वा अनागते वत्तमानूपचारतो वत्तमानवचनं, पटिज्जानन्तरमेव वक्खतीति । अत्थवसेन पकारेण कथेन्तोपि सद्दवसेन सङ्घिपित्वा कथेस्सामीति दस्सेन्तो आह “समासेना”ति । समसनं संखिपनं समासो, तेन समासेन, न ब्यासवसेनाति वुत्तं होति । एत्तावता च पयोजनाभिधानाभिधेयसोतुजनसमुस्साहनकरणप्पकारानि दस्सेत्वा इदानि यस्मा सोतुजनसमुस्साहनं नाम तेसं सक्कच्चसवने नियुज्जनं, तस्मा ते तत्थ नियोजेन्तो आह “तं सुणाथ समाहिता”ति । सक्कच्चसवनपटिबद्धा हि सम्मापटिपतीति । तत्थ तन्ति तं मया वक्खमानं अभिधम्मावतारं सुणाथ निसामयथ । समाहिता सम्मा आहिता, अविक्खित्तचित्ताति अत्थो ।

गन्थारम्भकथावण्णना निट्ठिता ।

१. पठमो परिच्छेदो

चित्तनिद्देसो

कामावचरकुसलवण्णना

८. एवं ताव रतनत्तयप्पणामादिकं दस्सेत्वा इदानीं यथारद्धप्पकरणस्स अत्थसरीरभूतमभिधम्मं सङ्खेपतो उद्दिसन्तो आह “चित्तं चेतसिकं”न्तिआदि । तत्थ चित्तसदस्स ताव वचनत्थं सयमेव अनन्तरं विपज्जेति । “चेतसिकं”न्तिआदीसु पन अविप्पयोगीभावेन चेतसि चित्ते नियुत्तं, तत्थ वा भवं तदायत्तवृत्तितायाति चेतसिकं, वेदनादिक्खन्धत्तयस्सेतं अधिवचनं । रुप्पति, रूपीयतीति वा रूपं, सीतुण्हादीहि विकारमापज्जति, आपादीयतीति अत्थो, चतुन्नं महाभूतानं, चतुवीसतिउपादारूपानञ्च वसेन अट्टवीसतिविधस्स रूपक्खन्धस्सेतं अधिवचनं । भवाभवं विननतो संसिब्बनतो वानं वुच्चति तण्हा, न विज्जति सा एत्थ, ततो वा निक्खन्तं एतन्ति निब्बानं, अमतं असङ्कतं वत्थु । इति-सदो निदस्सने । नत्थि एतस्स उत्तरितरोति निरुत्तरो । अथ वा चतुवेसारज्जविहारत्ता नत्थि एतस्स उत्तरं पच्चनीकवचनन्ति निरुत्तरो । जाणप्पहानअन्तरायनिय्यानिकेसु हि सदेवके लोके न कोचि सत्थु सहधम्मिकं उत्तरं वचनं कथेतुं समत्थो अत्थीति । तत्र भगवा उत्रासाभावतो विसारदोव होति । वृत्तज्हेतं भगवता —

“सम्मासम्बुद्धस्स ते पटिजानतो इमे धम्मा अनभिसम्बुद्धाति तत्र वत मं समणो वा ब्राह्मणो वा देवो वा मारो वा ब्रह्मा वा कोचि वा लोकस्मिं सहधम्मेन पटिचोदेस्सतीति निमित्तमेतं, सारिपुत्त, न समनुपस्सामि, एतमहं, सारिपुत्त, निमित्तं असमनुपस्सन्तो खेमप्पत्तो अभयप्पत्तो वेसारज्जप्पत्तो विहरामि ।

“खीणासवस्स ते पटिजानतो इमे आसवा अपरिक्खीणाति तत्र वत मं...पे०... विहरामि ।

“ये च खो पन ते अन्तरायिका धम्मा वुत्ता, ते पटिसेवतो नालं अन्तरायायाति तत्र वत मं...पे०... विहरामि ।

“यस्स खो पन ते अत्थाय धम्मो देसितो, सो न निय्याति तक्करस्स सम्मा दुक्खक्खयायाति तत्र वत मं... पे०... विहरामी”ति (म० नि० १.१५०) ।

चत्तारि अरियसच्चानि पकासेतीति चतुसच्चप्पकासनो । दुक्खसमुदयनिरोधमग्गवसेन हि चत्तारि अरियसच्चानि । यथाह, “चत्तारिमानि, भिक्खवे, अरियसच्चानि । कतमानि चत्तारि? दुक्खं अरियसच्चं, दुक्खसमुदयं अरियसच्चं, दुक्खनिरोधं अरियसच्चं, दुक्खनिरोधगामिनी पटिपदा अरियसच्च”न्ति (सं० नि० ५.१०८३) । तत्थ तेभूमका धम्मा अनेकुपह्वाधिद्वानताय धुवसुभादिविरहेन, कुच्छित्तुच्छट्ठेन च दुक्खं नाम । कम्मादिविसेसपच्चयसमवाये दुक्खुप्पत्तिकारणभावेन तण्हा समुदयो नाम “समेच्च उदेति दुक्खं इमस्मा”ति कत्वा । दुक्खस्स अनुप्पादनिरोधपच्चयत्ता दुक्खनिरोधो निब्बानं । तं पन दुक्खनिरोधं आलम्बणकरणवसेन गमनतो पापुणनतो, तदधिगमाय पटिपदाभावतो चाति “दुक्खनिरोधगामिनी पटिपदा”ति लोकुत्तरमग्गो वुच्चति । सच्चट्ठो पन तेसं तच्छाविपरीतभूतभावतो वेदितब्बो । वुत्तज्हि “इदं दुक्खन्ति, भिक्खवे, तथमेतं अवितथमेतं अनज्जथमेतं”न्ति (सं० नि० ५.१०९०) वित्थारो । एत्थ पन चतुन्नं अरियफलानं, अरियमग्गसम्पयुत्तानञ्च सच्चविनिस्सट्ठाभावेपि इध मग्गनिब्बानप्पकासनतावचनेनेव तप्पकासनत्थम्पि वुत्तं होति, अनासवभावेन एकलक्खणत्ता तंतहेतुकविसयभावतो चाति दट्ठब्बं ।

एत्थ च “निरुत्तरो चतुसच्चप्पकासनो”ति इमेहि भगवतो चित्तादिचतुब्बिधधम्मदेसनानुकूलगुणविसेसं दस्सेति अतथाविधस्स तंदेसनासामत्थियायोगतो । अथ वा “निरुत्तरो”ति वचनेन चतुब्बिधधम्मस्स अनज्जथत्तं दीपेति । “चतुसच्चप्पकासनो”ति पन इमिना ये ते धम्मा भगवता विनेय्यपरिपाचनत्थं देसिता, न ते इध अधिप्पेता । ये पन

परिपाचितेहि तेहि अभिसमेतब्बवसेन दुक्खादयो चतुब्बिधा वुत्ता, तेयेव उद्दिसितब्बत्थेन अधिप्पेताति दस्सेति ।

एवं सङ्खेपतो चत्तारो धम्मे उद्दिसित्वा इदानि उद्देसो नाम निद्देसत्थाय होतीति यथाउद्दिट्ठधम्मे निद्दिसितुं “तत्थ चित्तं”न्तिआदि आरब्धं । तत्थ तत्थाति तेसु चित्तादीसु धम्मेसु । **विसयविजाननं चित्तन्ति** यं विसयसङ्घातस्स आरम्भणस्स विजाननं उपलब्धि, तं चित्तन्ति अत्थो । इमिना पन चित्तस्स आरम्भणपटिबद्धवुत्तितं, अनिच्चत्तं, अकारकतज्ज दीपेति । “विसयविजाननं”न्ति हि आरम्भणेन चित्तं उपलब्धेन्तो तस्स तदायत्तवुत्तितं, तं दीपनेन च तदभिमुखकालेयेव उप्पत्तिदीपनतो अनिच्चभावज्ज दीपेति । भावनिद्देसेन पन विजाननमत्तदीपनतो अकारकभावं । यथापच्चयज्जि पवत्तिमत्तमेवेतं, यदिदं सभावधम्मो नामाति । एवज्ज कत्वा सब्बेसम्पि चित्तचेतसिकधम्मानं भावसाधनमेव निप्परियायतो लब्धति । यं पन “चिन्तेतीति चित्तं, तेन चित्तं विचरतीति विचारो”तिआदिना कत्तुकरणवसेन निब्बचनं वुच्चति, तं परियायकथनन्ति वेदितब्बं । सकसककिच्चेसु हि धम्मानं अत्तप्पधानतासमारोपनेन कत्तुभावो, तदनुकूलभावेन तंसम्पयुत्तधम्मसमूहे कत्तुभावसमारोपनेन करणत्तज्ज परियायतोव लब्धतीति । तथा निदस्सनं पन धम्मसभावतो अज्जस्स कत्तादिनो अभावपरिदीपनत्थन्ति वेदितब्बं ।

“**विसयविजाननं**”न्ति च एतेन चित्तस्स आरम्भणूपलब्धिलक्खणता वुत्ताति इदानिस्स रसादीनि वुच्चन्ति । पुब्बङ्गमरसज्जि चित्तं सन्धानपच्चुपट्टानं नामरूपपदट्टानं । द्वारं पत्वा तदारम्भणज्जि विभावनट्टेन चित्तं पुब्बङ्गमं पुरेचारिकं । तथा हि चक्खुद्वारेन दट्ठब्बं रूपारम्भणं चित्तेनेव जानाति...पे०... मनोद्वारेन विज्जातब्बं धम्मारम्भणं चित्तेनेव जानाति । यथा हि नगरगुत्तिको नगरमज्जे सिङ्घाटके निसीदित्वा “अयं नेवासिको, अयं आगन्तुको”ति आगतागतं जनं उपधारेति, एवं सम्पदमिदं दट्ठब्बं, तस्मा द्वारं पत्वा तदारम्भणं विभावनट्टेन पुरेचारिकन्ति **पुब्बङ्गमरसं** । पच्छिमं पच्छिमं उप्पज्जमानं पुरिमं पुरिमं निरन्तरं कत्वा सन्दहमानमिव उपट्टाति, गहणभावं गच्छतीति **सन्धानपच्चुपट्टानं** । पज्जवोकारे पनस्स नियमतो नामरूपं, चतुवोकारभवे नाममेव पदट्टानन्ति **नामरूपपदट्टानज्ज** होति । नानत्तं पन लक्खणादीनं उपरि वक्खमाननयेन वेदितब्बं । वक्खति हि **रूपपरिच्छेदे** —

“सामज्जं वा सभावो वा, धम्मानं लक्खणं मतं ।

किच्चं वा तस्स सम्पत्ति, रसोति परिदीपितो ॥

“फलं वा पच्चुपट्टानं, उपट्टाननयोपि वा ।

आसन्नकारणं यं तु, तं पदट्टानसज्जित”न्ति ॥ (अभिध० ६३३-६३४) ।

यत्थ यत्थ पन लक्खणादीनि वुच्चन्ति, तत्थ तत्थ इमिनाव नयेन तेसं नानत्तं वेदितब्बं ।

वचनत्थविजाननेन विदितचित्तसामज्जस्स उत्तरि चित्तविभागो वुच्चमानो सोभेय्याति वचनत्थविजाननमेव ताव आदिमि युत्तरन्ति तं ताव कथेतुकम्यताय पुच्छति “**तस्स पन को वचनत्थो**”ति । पज्जविधा हि पुच्छा — (दी० नि० अट्ठ० १.७; म० नि० अट्ठ० १.४९; सं० नि० अट्ठ० २.२.१; अ० नि० अट्ठ० १.१.१७०) अदिट्ठजोतनापुच्छा दिट्ठसंसन्दनापुच्छा विमतिच्छेदनापुच्छा अनुमतिपुच्छा कथेतुकम्यतापुच्छाति । तत्थ यं अज्जातं अदिट्ठं, तस्स जाणाय दस्सनाय पज्हाकरणं **अदिट्ठजोतनापुच्छा** नाम । यं पन जातं दिट्ठं, तस्स अज्जेहि पण्डितेहि संसन्दनत्थाय पज्हाकरणं **दिट्ठसंसन्दनापुच्छा** नाम । पकतिया पन संसयपक्खन्दनस्स अत्तनो संसयसमुग्घाटनत्थं पज्हाकरणं **विमतिच्छेदनापुच्छा** नाम । “तं किं मज्जथ, भिक्खवे, रूपं निच्चं वा अनिच्चं वाति? अनिच्चं, भन्ते । यं पनानिच्चं, दुक्खं वा तं सुखं

वा”तिआदिना (सं० नि० ३.७९; महाव० २१) अनुमतिगहणत्थं पञ्हाकरणं **अनुमतिपुच्छा** नाम । “चत्तारोमे, भिक्खवे, सतिपट्ठाना । कतमे चत्तारो”तिआदिना (दी० नि० २.३७३; सं० नि० ५.४०२-४०४) पन तंतं धम्मानं देसनाधिप्पायेन पञ्हाकरणं **कथेतुकम्यतापुच्छा** नाम ।

तासु पुरिमा तिस्सो आचरियानं न सम्भवन्ति । न हि ते गन्थकरणत्थाय आरभित्वा इदानीं अदिट्ठं जोतेन्ति, दिट्ठं संसन्देन्ति, संसयं वा पक्खन्दन्ति तब्बिसोधनपुब्बकमेव गन्थकरणे अभिनिवेसनतो । इतरा पन द्वे सम्भवन्ति । तासु अयं कथेतुकम्यतापुच्छा । अपिच चोदनं समुट्ठापेन्ता आचरिया अज्जं चोदकं परिकप्पेत्वा तस्स वचनवसेन समुट्ठापेन्तीति तंवसेनेत्थ अदिट्ठजोतनाविमतिच्छेदनापुच्छापि लब्धन्तेवाति दट्ठब्बं । **तस्सा**ति तस्स चित्त-सदस्स । चित्ते हि अधिगते तस्स वाचको सद्दोपि सहचरियतो अधिगतोव होतीति तस्स इध त-सद्देन परिग्गहो । केचि पन “तस्स चित्तस्सा”ति अत्थं वदन्ति, तं “तस्स को वचनत्थो”ति इमिना न समेति । न हि चित्तस्स “को वचनत्थो”ति पुच्छा सम्भवतीति ।

इदानीं यथापुच्छितमत्थं विस्सज्जेतुं “**वुच्चते**”ति ताव पटिज्जं कत्वा “**सब्बसङ्गाहकवसेना**”तिआदिना विस्सज्जनमारब्धं । तत्थ **सब्बसङ्गाहकवसेना**ति हेट्ठिमन्ततो चक्खुविज्जाणादयो उपादाय सब्बेसं आरम्भणविजाननसभावत्ता तेसं सब्बेसमेव सङ्गाहकवसेन, न पन वक्खमाननिब्बचनेसु विय यथालाभवसेनाति अत्थो । **चिन्तेतीति** विजानाति । चिन्तेन्ति तेन गोचरन्ति वा **चित्तं** । सम्पयुत्तधम्मानं कत्तुतासमारोपनेन हिस्स करणभावो लब्धति । सब्बसङ्गाहकवसेन ताव अत्थं दस्सेत्वा इदानीं यथालाभवसेनपि दस्सेतुं “**अत्तसन्तानं वा चिनोतीतिपी**”तिआदि वुत्तं । सब्बचित्तसाधारणत्ता हि चित्त-सदस्स यत्थ यत्थ यथा यथा अत्थो लब्धति, तत्थ तत्थ तथा तथा गहेतब्बो । यस्स पन चित्तस्स यथावुत्तअत्थविसेसो न लब्धति, तं रुळ्हीवसेन चित्तन्ति वेदितब्बं । यथा किलज्जादीहि कतम्पि तालपण्णेहि कतसरिक्खकताय रुळ्हीसद्देन “**तालवण्ट**”न्त्वेव वुच्चतीति । **अत्तसन्तानन्ति** सकसन्तानं, जवनसन्तानन्ति अत्थो । अत्त-सदस्स हि परपच्चनीकवचनत्ता अत्तनो सन्तानोति सदिसवसेन उप्पज्जमानो जवनसन्तानो वुच्चति । तं **चिनोति** रासिं करोतीति अयमत्थो सासेवनकानं जवनचित्तानं वसेन दट्ठब्बो । तानि हि पुरेजातानि पच्छाजातानं आसेवनपच्चया हुत्वा अत्तनो जवनसन्तानस्स पगुणबलवभावकरणेन तं चिनन्ति नाम । **वा**-सद्दो असब्बसङ्गाहकत्थविकप्पने । **पि**-सद्दो किरियासम्पिण्डनत्थे । अथ वा “**सब्बसङ्गाहकवसेना**”ति इमस्स इधापि सम्बन्धो होतीति इदम्पि सब्बसङ्गाहकवसेन वुत्तन्ति गद्दमाने अत्तसन्तानन्ति विज्जाणवचनस्स अत्त-सदस्स सकत्थवुत्तितायेव तंवसेन चित्तसन्तानन्ति अत्थो । अनन्तरादिपच्चयवसेन हि चित्तसन्तानस्स अब्बोच्छिन्नप्पवत्तिकरणतो सब्बमेव चित्तजातं चित्तसन्तानं चिनोति नाम । इमस्मिं पनत्थे **वा**-सद्दो किरियाविकप्पनत्थो । **पि**-सद्दो “चित्त”न्ति इमस्स आकड्ढनत्थोति दट्ठब्बं । पुरिमपक्खे पन चित्तन्ति अधिकारतोव गहेतब्बं ।

९. विचित्तं करोति, विचित्तस्स वा करणन्ति विचित्तकरणं, ततो **विचित्तकरणा**, विचित्तचित्तकम्मादीनं करणतोति अत्थो । लोकस्मिज्हि यं किज्जि चित्तकम्मादिभेदं विचित्तं सिप्पजातं, सब्बं तं चित्तेनेव चिन्तेत्वा करीयतीति । तेनाह भगवा — “दिट्ठं वो, भिक्खवे, चरणं नाम चित्तन्ति? एवं, भन्ते । तम्पि खो, भिक्खवे, चरणं नाम चित्तं चित्तेनेव चिन्तित”न्ति (सं० नि० ३.१००) । स्वायमत्थो सविज्जत्तिकानं बात्तिसचित्तानमुपलब्धति । सासवकुसलाकुसलं वा विचित्तगतिआदिकरणतो वा विचित्तकरणट्ठेन चित्तं । ननु च विचित्तगतिआदयो कम्मवसेन निप्फज्जन्ति । यथाह —

“कम्मनानाकरणं पटिच्च सत्तानं गतिया नानाकरणं पज्जायति अपदा द्विपदा चतुप्पदा बहुप्पदा रूपिनो अरूपिनो सज्जिनो असज्जिनो नेवसज्जीनासज्जिनो, कम्मनानाकरणं पटिच्च सत्तानं उपपत्तिया नानाकरणं

पञ्जायति उच्चनीचता हीनपणीतता सुगतदुग्गतता, कम्मनानाकरणं पटिच्च सत्तानं अत्तभावे नानाकरणं पञ्जायति सुवण्णदुब्बण्णता सुजातदुज्जातता सुसण्ठितदुस्सण्ठितता, कम्मनानाकरणं पटिच्च सत्तानं लोकधम्मं नानाकरणं पञ्जायति लाभालाभे यसायसे निन्दापसंसायं सुखदुक्खे”ति (ध० सं० अट्ठ० १)।

तस्मा कम्मभेदनिब्बत्तता गतिआदीनं चित्तता। कम्मन्ति च चेतसिकधम्मभूता चेतना, अभिज्झादयो च वुच्चन्ति, न चित्तन्ति। कथं चित्तस्स विचित्तगतिआदिकरणन्ति? वुच्चते — कम्मस्स चित्तसन्निस्सितत्ता तन्निष्पादितम्पि चित्तेनेव कतं होति, यथा राजयोधेन पराजितो सत्तुरज्जा जितोति वुच्चति। विचित्तं करणमस्साति वा **विचित्तकरणं**। ततो एकट्ठानिकवज्जितज्झि चित्तं पच्चेकं पटिसन्धादिविचित्तकिरियवन्तताय, सब्बमेव वा चित्तं आवज्जनादिअज्जमज्जविसदिसकिरियवन्तताय विचित्तकरणं युत्तन्ति। सब्बविकप्पेसुपि “रूपभवो रूप”न्तिआदीसु विय उत्तरपदलोपो चित्तपरियायेन च विचित्त-सद्देन वा विग्गहो वि-सद्वलोपो वा दट्ठब्बो। अथ वा “**विचित्तकरणा**”ति इदं चित्तविचित्तभावस्स जापकहेतुनिदस्सनं। तेन यस्मा इदं विचित्तकरणं, तस्मा तस्स विचित्तस्स निष्पादकं सयम्पि तथेव विचित्तन्ति विज्जातब्बन्ति एवं करणविचित्तताय विचित्तता चित्तन्ति अत्थो। ठपेत्वा तं करणविचित्तताय विचित्तभावं अत्तनो एव जातिभूमिसम्पयोगादिवसेन विचित्तताय चित्तन्ति दस्सेन्तो आह “**अत्तनो चित्तताय वा**”ति। तत्थ यस्मा अज्जदेव कुसलं, अज्जं अकुसलं, अज्जं अब्याकतं, अज्जं कामावचरं, अज्जं रूपावचरादिभेदं, अज्जं सरागं, अज्जं वीतरागं, अज्जं सदोसं, अज्जं वीतदोसं, अज्जं समोहं, अज्जं वीतमोहं, अज्जं रूपारम्मणं, अज्जं सद्दादिआरम्मणं, रूपारम्मणेसु च अज्जं नीलारम्मणं, अज्जं पीतादिआरम्मणं। एवं सद्धारम्मणादीसुपि यथासम्भवं। सब्बेसु चेव तेसु अज्जं हीनं, अज्जं मज्झिमं, अज्जं पणीतं, हीनादीसु च अज्जं छन्दाधिपतेय्यं, अज्जं चित्ताधिपतेय्यं, अज्जं वीरियाधिपतेय्यं, अज्जं वीमंसाधिपतेय्यन्ति एवमादिना जातिभूमिसम्पयुत्तआरम्मणहीनमज्झिमपणीतअधिपतिआदीनं वसेन विचित्तमनेकप्पकारं, तस्मा इमाय अत्तविचित्तताय वा चित्तन्ति वुच्चतीति।

कामज्चेत्थ एकमेव चित्तं एवं विचित्तं नाम न होति, विचित्तानं पन अन्तो गधत्ता एतेसु यं किञ्चि एकम्पि विचित्तताय चित्तन्ति वत्तुं वट्ठति समुदायवोहारेन अवयवस्सापि वोहरियमानत्ता यथा पब्बतनदीसमुद्वादीनमेकदेसा दिट्ठा पब्बतादयो दिट्ठाति, यथा च एकेकचित्तसम्पयुत्तापि वेदनादयो रासट्ठेन खन्धवोहारेन “वेदनाक्खन्धो सज्जाक्खन्धो”तिआदिना वुच्चन्ति। अपिचेत्थ विपाकविज्जाणं कम्मकिलेसेहि चित्तन्ति चित्तं, तं किलेससहायेन कम्मुना फलभावेन निब्बत्तितं तेहि चित्तं नाम होति। होतु ताविदं लोकियविपाकं सन्धाय, लोकुत्तरं पन पत्वा कथन्ति? वुच्चते — “कतमे धम्मा कुसला, यस्मिं समये लोकुत्तरं कुसलं चित्तं उप्पन्नं होति...पे०... तस्मिं समये अविज्जापच्चया सङ्खारा”तिआदिना अरियमग्गचेतनायपि अविज्जूपनिस्सयभावस्स पकासितत्ता लोकुत्तरकुसलस्सापि अनुसया उपनिस्सया होन्तीति तन्निब्बत्तितस्स विपाकस्स कम्मकिलेससज्चिततापरियायो लब्धतीति। चित्तं तायतीति वा **चित्तं**। कम्मादिसज्चितोपि हि अत्तभावो विज्जाणूपरमे मतोति वुच्चति। यथाह —

“आयु उस्मा च विज्जाणं, यदा कायं जहन्तिमं।

अप्पविद्धो तदा सेति, निरत्थं व कलिङ्गर”न्ति॥ (सं० नि० ३.९५)।

सो पनायं चित्त-सद्दो किञ्चापि अनेकत्थेसु दिस्सति। तथा हेस “चित्तो च गहपती”तिआदीसु (अ० नि० २.१३३; ४.१७६) पज्जत्तियं आगतो। “सब्बो लोको परचित्तेन अचित्तो”तिआदीसु विज्जाणे। “नाहं, भिक्खवे, अज्जं एकनिकायम्पि समनुपस्सामि, एवं चित्त”न्तिआदीसु (सं० नि० ३.१००) विचित्ते, नानप्पकारेति अत्थो। “चरणं नाम

चित्तं'न्ति आदीसु चित्तकम्मके । इध पन चतुब्बिधधम्मे निद्वेसतो पकरणवसेन यथावुत्तवचनत्थयुत्तो विज्जाणवचनोव दट्ठब्बोति इममत्थं दस्सेन्तो आह “**पञ्जत्तियम्पी**”ति आदि । पञ्जापीयति एतायाति **पञ्जत्ति**, तस्सं नामपञ्जत्तियन्ति अत्थो । चित्तोति हि एकस्स गहपतिनो नामं । **पि**-सद्वो वक्खमानसम्पिण्डनत्थो । **विज्जाणे**ति सविपाकाविपाकभेदे चित्ते । तज्झि विजाननद्वेन “विज्जाण”न्ति वुच्चति । यथाह — “विजानातीति खो, भिक्खवे, विज्जाणं, तस्मा विज्जाणन्ति वुच्चती”ति । **चित्तसम्मुती**ति चित्तवोहारो । **दट्ठब्बा**ति विज्जातब्बा । **इधा**ति इमस्मिं चतुब्बिधधम्मनिद्वेसद्वाने । **विज्जुना**ति विजानता, आभिधम्मिकेनाति अत्थो ।

विभागवन्तानं धम्मानं सभावविभावनं विभागेन विना न होतीति चित्तस्स विभागं दस्सेतुं “**सारम्मणतो**”ति आदि आरब्धं । तत्थ आलम्बन्ति तं निस्साय पवत्तन्तीति आरम्मणं, पच्चयो, गोचरो च । तथा हि “लभति मारो आरम्मणं, लभति मारो ओतार”न्ति आदीसु (दी० नि० ३.८०) पच्चयो “आरम्मण”न्ति वुच्चति । “निमित्तं अस्सासपस्सासा, अनारम्मणमेकचित्तस्सा”ति आदीसु (पटि० म० १.१५९) गोचरो । इध पन उभयम्पि वट्टति सब्बस्सेव चित्तस्स सप्पच्चयसगोचरत्ता । सह आरम्मणेन वत्तति तदविनाभावतोति **सारम्मणं** । भावप्पधाननिद्वेसवसेन चेत्य सारम्मणभावो सारम्मण-सद्वेन वुत्तो यथा “इदम्पि बुद्धे रतनं पणीतं (खु० पा० ६.३) । चक्खु सुज्जं अत्तेन वा अत्तनियेन वा”ति आदीसु (सं० नि० ४.८५) रतनअत्तत्तनियादिभावो रतनादीहि सद्वेहीति, ततो सारम्मणभावतोति अत्थो । एवमज्जत्थापि यथानुरूपं दट्ठब्बं । **एकविधन्ति** एकप्पकारं, एककोट्टासन्ति अत्थो ।

सविपाकाविपाकतोति विपाकुप्पादनसभावस्स विज्जमानाविज्जमानभावतो । विपाक-सद्वो हि द्वीसु अत्थेसु पवत्तति । कत्थचि विपक्कभावमापन्नेसु अरूपधम्मेसु, कत्थचि विपाकुप्पादनसभावे । तथा हेस “विपाका धम्मा”ति आदीसु (ध० स० तिकमातिका ३) विपक्कभावमापन्नेसु अरूपधम्मेसु पवत्तति । “विपाकधम्मधम्मा”ति आदीसु (ध० स० तिकमातिका ३) विपाकुप्पादनसभावे । इध पन विपाकुप्पादनसभावो दट्ठब्बो । इतरथा हि अभिज्जाकुसलादीनं सविपाक-पदे असङ्गहितभावापत्ति सिया । तथा हि यदि विपक्कभावमापन्ना एव धम्मा इध गहिता सियुं, ते यस्स सन्ति, तं सविपाकमितरमविपाकन्ति अभिज्जाकुसलस्स चैव कदाचि अविपाकस्स दिट्ठधम्मवेदनीयादिकम्मस्स भावनायपहातब्बाकुसलस्स च विपाकुप्पत्तिया अभावतो अविपाक-पदसङ्गहो सिया, एवञ्च सति “अविपाकं अब्याकत”न्ति वक्खमानत्ता नेसं अब्याकतभावो आपज्जति, न चेतमिट्ठं कुसलाकुसलनिद्वेसेयेव तेसं निद्वेसतो । विपाकुप्पादनसभावे पन गहिते तंसभावो नाम अनुपच्छिन्नाविज्जमानतण्हानुसयस्मिं सन्ताने सब्यापारप्पवत्ति एवाति तस्सा तेसुपि अत्थिताय असतिपि विपाकुप्पादने सविपाक-पदसङ्गहो सिद्धोति न कोचि इट्ठविघातो आपज्जति । येन पन कारणेन अभिज्जाकुसलादिकमविपाकं, यो चेत्य वत्तब्बो विनिच्छयो, तं सब्बं तस्स तस्स आगतद्वानेयेव दस्सयिस्साम ।

कतमं पनेत्थ सविपाकं, कतममविपाकन्ति चोदनं सन्धायाह “**तत्थ सविपाक**”न्ति आदि । **अब्याकतन्ति** विपाककिरियावसेन दुविधमब्याकतं । तेसु विपाकचित्तं ताव आदासतले मुखनिमित्तं विय निरुस्साहत्ता विपाकुप्पादने असमत्थं । किरियचित्तेसु च यदेतं खीणासवसन्तानेयेव नियतमद्वारसविधं विज्जाणं, तं उपच्छिन्नभवमूलाय सन्ततियं पवत्ततीति समुच्छिन्नमूलाय लताय पुष्पं विय फलदायी न होति । आवज्जनद्वयं पन अनुपच्छिन्नभवमूलेपि सन्ताने पवत्तमानं अनासेवनभावेन दुब्बलत्ता मोघपुष्पमिव बीजभावे असमत्थं अफलमेव । इति सब्बमेतं अब्याकतं विपाकारहताभावतो अविपाकन्ति वुत्तं “अविपाकं अब्याकत”न्ति । जायन्ति एत्थ असदिसापि सदिसाकाराति जाति, समानाकारो, कुसलाकुसलाब्याकतानं जाति कुसलाकुसलाब्याकतजाति, तस्सा भेदतो **तिविधं** कुसलं अकुसलं अब्याकतन्ति । वचनत्थपुच्छाय पयोजनं वुत्तमेव ।

१०. “कुच्छित्तान”न्ति आदि विस्सज्जनं। तत्थ कुच्छित्तानन्ति निन्दितानं, असुचि विय नागरिकेहि विज्जूहि गरहितब्बानं पापधम्मनन्ति अत्थो। सलनतोति हिंसनतो, अपनयनतो वा। कुसलज्झि यथानुरूपं तदङ्गादिवसेन अकुसलधम्मे पजहन्तं ते हिंसति, अपनयतीति वा वुच्चति। अथ वा सलनतो संवरणतो, पिदहनतोति अत्थो। कुसलधम्मवसेन हि अकुसलप्पवत्तिनिवारणेन, अप्पवत्तिधम्मतापादनेन च मनच्छट्ठेसु द्वारेसु अप्पवत्तिया संवुता पिहिता होन्ति। कुसानन्ति रागादिअसुचिसम्पयोगेन नानाविधदुक्खहेतुताय च कुच्छित्तेनाकारेण अप्पहीनभावेन सन्ताने सयन्ति पवत्तन्तीति कुसा, पापधम्मा। अथ वा कुच्छित्तानं पाणातिपातादीनं सावज्जधम्मनं सानतो निसानतो तेजनतो कुसा, दोसलोभादयो। दोसादीनज्झि वसेन चेतनाय तिक्खभावप्पत्तिया पाणातिपातादीनं महासावज्जताति। तेसं लवनेन छिन्दनेन यथानुरूपं पजहनेनाति अत्थो। कुसेनाति कुच्छित्तानं सानतो तनुकरणतो, ओसानकरणतो वा “कुसा”ति लद्धनामेन जाणेन। लातब्बत्ताति आदातब्बत्ता, सहजातउपनिस्सयभावेन सन्ताने पवत्तेतब्बत्ता। आणज्झि तिहेतुककुसलं सहजातभावेन चेव उपनिस्सयभावेन च, दुहेतुककुसलं उपनिस्सयभावेनेव सन्ताने पवत्तेति। एवञ्च कत्वा कोसल्लसम्भूतट्ठो कुसलट्ठोति सब्बकुसलानं साधारणवसेन अत्थो वुच्चति। अथ वा कुसेनाति जातिसद्वताय एकवचननिद्देशो, कुसेहीति पन अत्थो। पुज्जकिरियावसेन हि पवत्तानि सद्धादीनि इन्द्रियाणि यथावुत्तनयेन “कुसानी”ति वुच्चन्ति, तेहि लातब्बत्ता वुत्तनयेन पवत्तेतब्बत्ता। अपिचेत्थ —

“कुसो विय लुनातीति, कुसा विय लुनाति वा।

कुसलं कुं सलेतीति, लुनाति कुसमिच्चपी”ति॥

तत्थ यथा कुसो गहितो उभयभागगतं हत्थपदेसं लुनाति, एवमिदम्पि उप्पन्नानुप्पन्नवसेन उभयभागगतं किलेसपक्खं लुनाति छिन्दति, सेय्यथापि — “अनुप्पन्नानं पापकानं अकुसलानं धम्मनं अनुप्पादाय छन्दं जनेति, वायमति, उप्पन्नानं... पे... पहानाया”ति आगतं सम्मप्पधानं। तस्मा कुसो विय लुनातीति कुसलं। कुसा विय लुनातीति एत्थ “कु”इति भूमि वुच्चति, धम्मनं अधिद्धानभावेन तंसदिसताय इध रूपारूपक्खन्धो वुत्तो। अत्तनो निस्सयभूतस्स तस्स एतरहि, आयतिज्ज अनुदहनतो विनासनतो कुं सायन्तीति कुसा, रागादयो, ते विय अत्तनो निस्सयं लुनाति छिन्दतीति कुसलं। पयोगसम्पादिता हि कुसलधम्मा अच्चन्तमेव रूपारूपधम्मे अप्पवत्तिकरणेन समुच्छिन्दन्ति अनुपादिसेसनिब्बानधातुपापनतोति। वुत्तनयेन पन “कु”न्ति लद्धनामस्स रूपारूपक्खन्धस्स सलनतो अपनयनतो कुं सलेतीति कुसलं। कुसं लुनातीति पन कुच्छिता एत्थ सयन्तीति कुसो, कायो, तं लुनाति यथावुत्तवसेनेवाति कुसलं।

११. इदानीं कुसल-सद्वत्स अत्थुद्धारदस्सनत्थमाह “छेके कुसल-सद्वोय”न्ति आदि। तत्थ “कुसलो त्वं रथस्स अङ्गपच्चङ्गानं (म० नि० २.८७), कुसलानच्चगीतस्स, सिक्खिता चातुरित्थियो”ति आदीसु (जा० २.२२.९४) छेके दिट्ठो, छेकपरियायो पवीणत्थोति अत्थो। “कच्चि नु भोतो कुसलं, कच्चि भोतो अनामय”न्ति आदीसु (जा० १.१५.१४६; २.२०.१२९) आरोग्ये। “कतमो पन, भन्ते, कायसमाचारो कुसलो? यो खो, महाराज, कायसमाचारो अनवज्जो”ति (म० नि० २.३६१) च “अपरं पन, भन्ते, एतदानुत्तरियं, यथा भगवा धम्मं देसेति कुसलेसु धम्मेषू”ति (दी० नि० ३.१४५) च एवमादीसु अनवज्जे। “कुसलानं धम्मनं समादानहेतु एवमिदं पुज्जं वड्ढति (दी० नि० ३.८०), कुसलस्स कम्मस्स कतत्ता उपचितत्ता”ति (ध० स० ४३१) च आदीसु इट्ठविपाके। अनवज्जादिकेति अनवज्जइट्ठविपाके, “अनवज्जादिके”ति च अत्तना वक्खमानलक्खणस्स अनुरूपत्ता वुत्तं, न पन आरोग्यत्थस्स असम्भवतो। किलेसरोगस्स हि अभावतो कुसलं आरोग्यं होति।

वज्जा रागादयो, ते यस्स न सन्ति, तं अनवज्जं, इद्वो विपाको चतुक्खन्धसङ्घातो यस्स, तं इद्विपाकं, इद्विपाकता चस्स तंसभाववन्तताय दट्ठब्बा, न तस्स अवस्सं इद्विपाकसम्भवतोयेव, लक्खीयति अनेनाति लक्खणं, अनवज्जञ्च तं इद्विपाकञ्चाति अनवज्जइद्विपाकं । तं लक्खणमस्साति **अनवज्जइद्विपाकलक्खणं** ।

ननु च कुसलमेव अनवज्जइद्विपाकं, वुत्तनियामेन पन अनवज्जइद्विपाकतो अज्जं कुसलं सिया । न हि सयमेव अत्तनो लक्खणन्ति सक्का वत्तुन्ति? नायं दोसो परिज्जातापरिज्जातवचनत्थभावभेदे एकस्सापि लक्खितब्बलक्खणभावपरिकप्पनतो । “अनवज्जइद्विपाक”न्ति हि परिज्जातवचनत्थं । “कुसल”न्ति अपरिज्जातवचनत्थं । एवञ्च येन सभावेन परिज्जातवचनत्थस्स सदस्स अत्थो होति, येन च अपरिज्जातवचनत्थस्स, तेसं परिज्जातापरिज्जातवचनत्थसभावानं भेदेन तंसमङ्गिस्स कुसलस्स एकस्सापि भेदो परिकप्पीयति यथा “पुरे भवं पटु आसि, पटुतरो एतरही”ति गुणभेदेन, वत्थुभेदेन च परिकप्पीयति, तस्मा परिज्जातवचनत्थभावेन लक्खणं, अपरिज्जातवचनत्थभावेन लक्खितब्बन्ति एवं परिकप्पितभेदे परिगग्हमाने न कोचि दोसो आपज्जति ।

अथ वा लक्खीयतीति लक्खणं, अनवज्जइद्विपाकञ्च तं लक्खणञ्चाति **अनवज्जइद्विपाकलक्खणं**, यं अनवज्जइद्विपाकं हुत्वा लक्खीयति, तं कुसलन्ति अत्थो । अथ वा अनवज्ज-सद्देन अनवज्जभावो वुत्तो, इद्विपाकसद्देन इद्विपाकभावो, तस्मा अनवज्जो च इद्विपाको च अनवज्जइद्विपाकं, तं लक्खणमेतस्साति करणत्थे, कम्मत्थे वा लक्खण-सद्देन अनवज्जइद्विपाकलक्खणन्ति अनवज्जइद्विपाकसभाववन्तं, अनवज्जइद्विपाकभावेन लक्खितब्बं वाति अत्थो । किं पनेत्थ कारणं पदद्वयपरिगहेन, ननु एकेनेव पदेन अधिप्पेतत्थसिद्धिं सिया । किञ्चापि हि “अनवज्जलक्खण”न्ति वुत्ते “अपरं पन, भन्ते, एतदानुत्तरियं, यथा भगवा धम्मं देसेति कुसलेसु धम्मेषू”ति आदीसु (दी० नि० ३.१४५) विय वज्जरहितत्ता अब्बाकतस्सापि पसङ्गो सियाति इद्विपाक-पदं वत्तब्बमेव, “इद्विपाकलक्खण”न्ति पन वुत्ते इतरं न वत्तब्बं अब्बाकतस्स विपाकारहभावेन इद्विपाकतापसङ्गभावतो? सच्चमेतं, अनवज्ज-पदेन कुसलस्स पवत्तिसुखतं, इद्विपाक-पदेन च विपाकसुखतं दस्सेतुं पदद्वयं वुत्तं । अनवज्जपदञ्चि अत्तनो पवत्तिसभाववसेन लक्खणवचनं, इतरं कालन्तरे विपाकुप्पादनसमत्थतावसेनाति । अथ वा कुसलस्स अत्थविसुद्धिं दस्सेतुं पुरिमपदं वुत्तं, पुरिसुद्धविपाकतं दस्सेतुं पच्छिमं । पुरिमं वा कुसलस्स अकुसलसभावतो निवत्तनं, पच्छिमं अब्बाकतसभावतोति अलमतिपपज्जेन । एत्थ च “अनवज्ज...पे०... लक्खण”न्ति वचनेन कुसलस्स सामज्जलक्खणं वुत्तं अनवज्जइद्विपाकसभावस्स कुसलजातिया साधारणत्ता । अकुसलादीनमसाधारणभावेन सभावलक्खणं वाति दट्ठब्बं ।

अकुसलविद्धंसनरसन्ति यथानुरूपं अकुसलप्पजहनकिच्चं । कुसलञ्चि परित्तमहग्गतलोकुत्तरभेदभिन्नं यथाक्कमं तदङ्गविक्रम्भनसमुच्छेदप्पहानवसेन अकुसलपक्खं पजहति । अथ तदङ्गादिप्पहानानं किं नानाकरणन्ति? वुच्चते — दानादिपुज्जकिरियवत्थुगतेन तेन तेन कुसलङ्गेन तस्स तस्स मच्छेरादिअकुसलङ्गस्स पहानं **तदङ्गप्पहानं**, तं दीपालोकेन अन्धकारविद्धंसनं विय दट्ठब्बं, कामावचरकुसलानं परित्तानुभावताय तेहि अत्तनो ठितिक्रवणे विद्धंसितानमकुसलानं तदपगमे सति पुन आगमेन वोत्थरणतो । तेसं तेसं नीवरणधम्मानं विक्रम्भनसङ्घातं पवत्तिनिवारणवसेन पहानं **विक्रम्भनप्पहानं**, तं घटप्पहारेन जलतले सेवालवियूहनं विय दट्ठब्बं । यथा हि बलवता घटप्पहारेन दूरीकतं सेवालं तस्मिं अपनीतेपि तंपहारवेगेन सहसा न ओत्थरति, एवमेव उपचारप्पनाभेदेन ज्ञानेन विक्रम्भिता कामच्छन्दादयो तदप्पवत्तिकालेपि तस्स बलेन सहसा न ओत्थरन्तीति । अनुप्पत्तिधम्मापादनसङ्घातं सम्मा उच्छेदवसेन पहानं **समुच्छेदप्पहानं**, तं पन असनिसम्पातेन रुक्खादीनं समूलविद्धंसनं विय दट्ठब्बं । न हि अरियमग्गेन समुच्छिन्नकिलेसा अनुसयमत्तकेनापि सन्ताने पवत्तन्ति । यथा पन एकवारप्पवत्तेनपि इन्दग्गिना सह मूलेहि विद्धंसिता रुक्खादयो न पुन

विरुहन्ति, एवमेवं एकचित्तकखणिकेनपि तेन अत्तनो उप्पादमत्तेनेव अनुसयमत्तट्ठायिनोपि किलेसा सब्बेन सब्बं विद्धंसितायेव होन्ति ।

वोदानं विसुद्धि, संकिलेसमलविमुत्तीति अत्थो, तथा हुत्वा पच्चुपट्टानमस्साति **वोदानपच्चुपट्टानं**, परिसुद्धाकारेण योगिनो जाणस्स उपट्ठातीति वुत्तं होति ।

एवं कुसलस्स वज्जरहितइट्ठविपाकसभावेहि लक्खणं, किच्चउपट्टानाकारवसेन च रसपच्चुपट्टानानि वत्त्वा पुन वज्जपटिपक्खभाववसेन च लक्खणं, सम्पत्तिफलवसेन च रसादिकं दस्सेतुं “**वज्जपटिपक्खत्ता**”तिआदि वुत्तं । तत्थ वज्जानं पटिपक्खभावो **वज्जपटिपक्खत्तं**, ततो । एतेन “अनवज्जलक्खणं”न्ति एत्थ अ-कारो पटिपक्खत्थोति दस्सेति, तेन पनस्स अब्बाकततो निवत्तनं कतं । इतरथा हि नास्स वज्जं, वज्जतो अज्जं वा अनवज्जन्ति अब्बाकतस्सापि तंलक्खणतापसङ्गो सिया । “वज्जपटिपक्खत्ता”ति पन वुत्ते यस्मा कुसलाकुसलानमेव पहायकप्पहातब्बभावेन आलोकन्धकारानं विय अज्जमज्जं उज्जुविपच्चनीकभावो, तस्मा कुसलमेव वज्जपटिपक्खत्ता अनवज्जलक्खणं, न अज्जन्ति अयमत्थो सिद्धो होति । **वोदानभावरसन्ति** वोदानभावसम्पत्तिकं, किलेसमलेहि असंकिलिडुभावेन सम्पज्जनकन्ति अत्थो । पच्चुपट्टापीयति उपनीयति कारणेन, अत्तनो वा कारणं पटिच्च, तप्पटिबद्धभावेन पटिमुखं वा उपट्ठातीति पच्चुपट्टानं, इट्ठो विपाको पच्चुपट्टानमस्साति **इट्ठविपाकपच्चुपट्टानं** ।

असति योनिसोमनसिकारे कुसलस्स अनुप्पज्जनतो, सति च तस्मिं उप्पज्जनतो तस्स सो आसन्नकारणन्ति आह “**योनिसोमनसिकारपदट्टानं**”न्ति । तत्थ योनिसो पथेन उपायेन मनसिकारो **योनिसोमनसिकारो**, अत्थतो पन सानुसयसन्तानवतो छन्नं द्वारानमापाथगतेस्वारम्मणेसु पतिरूपदेसवासादिसम्पत्तिया कुसलधम्मानं पच्चयभावेन भवङ्गं आवट्टेत्वा उप्पन्नमावज्जनं योनिसोमनसिकारो नाम । वुत्तपटिपक्खवसेन अयोनिसोमनसिकारोपि दट्ठब्बो । यं पन निरनुसयसन्तानसमङ्गिस्स किरियचित्तानं पच्चयभावेन उप्पन्नं, तं ठपेत्वा निरवज्जधम्मं सावज्जधम्मस्स कस्सचि पच्चयभावानुपगमनतो योनिसोमनसिकारपक्खं वा भजेय्य । खीणासवसन्तानगतत्ता योनिसोअयोनिसोभावमनपेक्खित्वा आपाथगतारम्मणेसु उप्पत्तिमत्तं विना न कस्सचि कुसलाकुसलभावस्स पच्चयो होतीति तदुभयवसेन नवत्तब्बत्ता अब्बाकतमनसिकारोति वा सङ्गं गच्छेय्याति ।

सावज्जानिडुविपाकलक्खणमकुसलन्ति एत्थापि “वज्जा रागादयो, ते यस्स सन्ति, तं सावज्जं, अनिड्डो विपाको यस्स, तं अनिड्डविपाक”न्तिआदिना वुत्तनयानुसारेण पटिपक्खयोजना दट्ठब्बा । रसादितो पनेतं अनत्थजननरसं, संकिलेसपच्चुपट्टानं । अथ वा गारह्मभावतो सावज्जलक्खणमेव, संकिलेसभावरसं, अनिड्डविपाकपच्चुपट्टानं, अयोनिसोमनसिकारपदट्टानं । वचनत्थतो पन न कुसलन्ति **अकुसलं**, कुसलपटिपक्खन्ति अत्थो । पटिपक्खत्थे हि अयं अकारो, न पन अज्जत्थे, नापि अभावे । इतरथा हि तिकं न सिया, दुकं, चतुक्कं वा आपज्जेय्य । तथा हि यदि कुसलतो अज्जमकुसलं सिया, तदा अब्बाकतस्सापि ततो अज्जभावेन अकुसल-सदसङ्गहोति कुसलाकुसलजातिभेदतो दुविधन्ति दुकं वत्तब्बं । यदि च कुसलाभावो अकुसलं, तेन न काचि जाति गह्मतीति कुसलाब्बाकतजातिभेदतो दुकमेव वत्तब्बं । अथ सिया “अभावोपि विसुं गहेतब्बो”ति, एवं सति तस्स जातिया अभावतो जाति-सद्वेन सह सम्बन्धो न सिया । विज्जमानस्स हि जाति नाम होति । यथेव वा कुसलस्स अभावो, एवं अब्बाकतस्सापि अभावो अत्थीति अनब्बाकतजातिपि वत्तब्बाति चतुक्कं आपज्जेय्य । न चेतमिट्ठं कुसलादिवसेन तिविधजातिया एव इच्छितत्ता, **पाळियज्ज** “कुसला धम्मा अकुसला धम्मा अब्बाकता धम्मा”ति तिकवसेनेव वुत्तत्ता “कुसलपटिपक्ख”न्ति पन वुच्चमाने मित्तपटिपक्खो अमित्तो विय,

लोभपटिपक्खो अलोभो विय च यं धम्मजातं कुसलस्स उजुविपच्चनीकभूतं, तं अकुसलन्ति तस्स वसेन तिकं उपपन्नं होति, उजुविपच्चनीकता चस्स सावज्जानिद्विपाकत्ता, तेन पहातब्बभावतो च वेदितब्बा, न पन कुसलविनासनतो। न हि अकुसलेन कुसलं पहीयति, महाबलत्ता पन कुसलमेव तं पजहति। कुसलज्झि महाबलं, अकुसलं दुब्बलं। तेनेवाह “अबला नं बलीयन्ति, मद्दन्तेनं परिस्सया”ति (सु० नि० ७७६), तस्मा कुसलमेव यथावुत्तनयेन अकुसलस्स पहायकं, नाकुसलं इतरस्साति वेदितब्बं।

तदुभय...पे०... अब्याकतन्ति यं धम्मजातं कुसलं विय न अनवज्जइद्विपाकलक्खणं, नापि अकुसलं विय सावज्जानिद्विपाकलक्खणं, अथ खो अविपाकत्ता तदुभयविपरीतलक्खणं, तं अब्याकतन्ति अत्थो। ननु च “तदुभयविपरीतलक्खणं”न्ति वुत्ते सुखदुखवेदनानं विपरीता उपेक्खावेदना विय इद्वानिद्विपाकानं विपरीतो अज्जो कोचि विपाको यस्स अत्थि, तं अब्याकतन्ति आपज्जतीति? नापज्जति तथा असम्भवतो। यथा हि आलोकन्धकारानं विपरीतो अज्जो कोचि नत्थि, एवमिद्वानिद्विपाकानं विपरीतो न कोचि विपाको अत्थीति। अथ वा तं-सद्दो इध इद्वानिद्विपाकानिरपेक्खं कुसलाकुसलमत्तमेव पच्चासतीति कुसलाकुसलानं सविपाकत्ता तदुभयविपरीतलक्खणं, तं अविपाकलक्खणन्ति अत्थोति अलमेत्थ अनुयोगेन। कुसलाकुसलभावेन न ब्याकतन्ति **अब्याकतं**। कुसलाकुसलज्झि वत्त्वा अब्याकतस्स वुत्तत्ता कुसलाकुसलभावेनेव अवुत्तत्ताति विज्जायति, न पकारन्तरेन। तथा अवचनञ्च तस्स तदुभयविपरीतलक्खणत्तायेव, न पन अवत्तब्बत्तामत्तेनाति दट्ठब्बं। अथ वा वि-सद्दो विरोधिवचनो। आ-सद्दो अभिमुखभावप्पकासनो, तस्मा अत्तनो पच्चयेहि अज्जमज्जं विरोधाभिमुखतं कतं लक्खणविरोधतो पहायकप्पहातब्बभावतो वाति ब्याकतं, कुसलाकुसलं। ततो अज्जं **अब्याकतं**। तज्झि लक्खणतो अज्जमज्जं कुसलाकुसलं विय न तस्स विरुद्धं। न हि अविपाकतं अनिद्विपाकता विय, इद्विपाकताय इद्विपाकता विय च अनिद्विपाकताय इद्वानिद्विपाकताहि विरुज्झति, न चापि अब्याकतं कुसलाकुसलेसु किञ्चि पजहति, न च केनचि पहातब्बन्ति। “तदुभयविपरीतलक्खणमब्याकतं”न्ति विज्जायमाने अहोसि कम्मं, नाहोसि कम्मविपाको, नत्थि कम्मविपाको, न भविस्सति कम्मविपाकोति इमिना तिकेन सङ्गहितस्स गतिउपधिकालप्पयोगविपत्तीहि अविपाकस्स दिद्वधम्मवेदनीयादिकम्मस्स भावनायपहातब्बस्स अकुसलस्स च अभिज्जाकुसलस्स च विपाकुप्पादनाभावतो “सिया नु खो अब्याकतभावो वा”ति कदाचि कोचि चिन्तेय्याति तन्निवारणत्थमाह “**अविपाकारहं वा**”ति, विपाकं दातुं नारहति तत्थ सामत्थियाभावतोति **अविपाकारहं**। इदं वुत्तं होति — दिद्वधम्मवेदनीयादयो ताव पच्चयवेकल्लादीहि कारणेहि अविपाका, सचे पनेते तब्बिदूरा अस्सु, तदा विपाकदाने समत्थताय विपाकारहायेव, तं पन न तथा, अथ खो येन केनचि आकारेन विपाकदाने असमत्थतायेव विपाकारहं न होति, तं अब्याकतं नामाति।

इदानी एवं तिकवसेन निद्विद्वेसु कुसलादीसु पठमं ताव कुसलचित्तं विभजन्तो “**तत्थ कुसलचित्तं**”न्ति आदिना तस्स गणनपरिच्छेदं दस्सेति। **एकवीसतिविधन्ति** अट्ठ कामावचरानि, पञ्च रूपावचरानि, चत्तारि अरूपावचरानि, चत्तारि लोकुत्तरानीति एवं सङ्खेपतो एकवीसतिविधं। **भूमितो चतुब्बिधन्ति** कामरूपारूपलोकुत्तरभूमिसङ्घातानं चतुन्नं भूमीनं वसेन तत्थ पवत्तमानं चित्तम्पि चतुब्बिधं होति। तत्थ भवन्ति एत्थाति **भूमि**, ठानं, अवत्था च। अवत्थापि हि अवत्थवन्तानं पवत्तिट्ठानं विय गय्हति। एवज्झि नेसं सुखगहणं होति। **अवत्थाति** चेत्थ धम्मानं कामतण्हादीहि परिच्छिन्नापरिच्छिन्नभावो। तत्थ पुरिमा तिससो भूमियो उभयवसेन वेदितब्बा, इतरा अवत्थावसेनेव। न हि लोकुत्तरधम्मानं कामभवादितो अज्जं ठानमुपलब्धतीति।

अज्जत्थ पवत्तमानस्सापि वक्खमाननयेन कामभूमिपरियापन्नत्ता **भूमितो एकविधन्ति**। **सवत्थुकावत्थुकभेदतोति**

चक्खादीनि पञ्च, हृदयञ्चाति छ वत्थूनि । कुसलस्स पन चक्खादिनिस्सितत्ताभावतो हृदयवत्थु इध वत्थूति अधिप्पेतं । तेन सहितं एकन्तेन तन्निस्सितप्पवत्तितोति **सवत्थुकं**, कामरूपधातुयं पवत्तमानविज्जाणं । तत्थ हि अरूपस्स रूपपटिबन्धप्पवत्ति, अरूपधातुयं पन रूपाभावतो वत्थुविरहितमेव पवत्ततीति तत्थ पवत्तमानं **अवत्थुकं** । **हीन...पे०...** **तिविधन्ति** एत्थ पच्चयतो, फलतो च मज्झिमपणीतेहि निहीनं, तेसं वा गुणेहि परिहीनन्ति **हीनं**, अत्तनो पच्चयेहि प्रधानभावं नीतन्ति **पणीतं**, उभिन्नं वेमज्झे भवं **मज्झिमं** । तत्थ हीनेन छन्देन चित्तेन वीरियेन वीमंसाय वा पवत्तितं **हीनं**, मज्झिमेहि छन्दादीहि पवत्तितं **मज्झिमं**, पणीतेहि **पणीतं** । छन्दादीनं पन हीनादिभावो अधिमुत्तिवसेन दट्ठब्बो । हीनाधिमुत्तिवसेन हि नेसं हीनता, पणीताधिमुत्तिवसेन पणीतता, तदुभयवेमज्झवसेन मज्झिमता । यसकामताय वा कतं कुसलं **हीनं**, पुञ्जफलकामताय **मज्झिमं**, “पुञ्जं नामेतं साधूहि कत्तब्बमेवा”ति एवं अरियभावं निस्साय कतं **पणीतं** । “अहमस्मि दानपति, इमे पनञ्जे दानदासादयो”तिआदिना अत्तुक्कंसनपरवम्भनाहि उपक्किलिट्ठं पवत्तितं वा **हीनं**, तथा अनुपक्किलिट्ठं **मज्झिमं**, मग्गफलपदद्वानं **पणीतं** । भवभोगसम्पत्तिनिमित्तं वा कतं **हीनं**, सावकपच्चेकबोधिपारमितावसेन अत्तनो विमोक्खत्थाय कतं **मज्झिमं**, सम्मासम्बोधिपारमितावसेन सब्बेसं विमोक्खत्थाय कतं **पणीतन्ति** ।

सोमनस्सु...पे०... भेदतोति भेद-सद्वो पच्चेकं सम्बन्धितब्बो “सोमनस्सुपेक्खाभेदतो जाणभेदतो पयोगभेदतो”ति । तत्थ **पयोगभेदतोति** सङ्खारभेदतोति अत्थो । ननु च सोमनस्सुपेक्खाभेदो ताव युत्तो तेसं भिन्नसभावता । जाणप्पयोगभेदो पन कथन्ति? वुच्चते — जाणप्पयोगकतो भेदो जाणप्पयोगभेदो तेसं भावाभावमुपादाय पवत्तता । इदानीं तमेव सोमनस्सुपेक्खादिभेदं विभागेन दस्सेतुं “**सेय्यथिद**”न्ति पुच्छित्वा “**सोमनस्ससहगत**”न्तिआदिना विस्सज्जेति । तत्थ **सेय्यथिदन्ति** तं कतमं, तं कथन्ति वा अत्थो ।

सोभनं मनो, सोभनं वा मनो एतस्साति सुमनो, तस्स भावो सोमनस्सं, मानसिकसुखवेदनायेतं अधिवचनं, सोमनस्सेन उप्पादतो याव निरोधा सहगतं पवत्तं संसट्ठं सम्पयुत्तन्ति अत्थो । अथ वा सोमनस्सेन सह एकुप्पादादिभावं गतन्ति **सोमनस्ससहगतं** । जानाति यथासभावं पटिविज्झतीति जाणं, तेन समं एकुप्पादादीहि पकारेहि युत्तन्ति **जाणसम्पयुत्तं** । नास्स सङ्खारो अत्थीति असङ्खारं, असङ्खारमेव **असङ्खारिकं** । सह सङ्खारेन पवत्तमानं ससङ्खारं, तदेव **ससङ्खारिकं** । **सङ्खारोति** चेत्य अत्तनो, परस्स वा पुब्बप्पयोगो “सङ्खारोति तिक्खभावसङ्खातेन मण्डनविसेसेन सज्जेति, सङ्खारीयति वा सज्जीयति चित्तं एतेना”ति कत्वा । तत्थ दानादिपुञ्जकरणकाले मच्छेरमलथिनमिद्धादीहि उपक्किलेसेहि संसीदमाने चित्ते उपक्किलेसवूपसमवसेन, चित्तस्स च उस्साहजननवसेन तीसु द्वारेसु पवत्तो सम्मावायामो **अत्तनो पयोगो** नाम । कुसलकरणे निरुस्साहस्स पन “अम्भो, सप्पुरिस, कुसलकरणं नाम पण्डितेहि आसेवितमग्गो, तत्थ तथापि पटिपज्जितुं वट्ठति, तस्मा दानं देहि, सीलं रक्ख, तज्हि ते अत्थाय हिताय सुखाय भविस्सती”तिआदिना कुसलकरणत्थाय उस्साहजननवसेन परेसं कायवचीद्वारेसु पवत्ता आणत्ति **परप्पयोगो** नाम । तेसु पन पुरिमो पुब्बभागप्पवत्तचित्तसन्ताने, पच्छिमो परेसं चित्तसन्तानेयेव सम्भवतीति तन्निब्बत्तितो चित्तस्स तिक्खभावसङ्खातो विसेसो इध उपचारतो सङ्खारोति वेदितब्बो । तेनाहु आचरिया —

“पुब्बप्पयोगसम्भूतो, विसेसो चित्तसम्भवी ।

सङ्खारो इति सङ्खार-सभावज्जूहि कित्तितो”ति ॥

अथ वा “**ससङ्खारिकमसङ्खारिक**”न्ति च एतं केवलं सङ्खारस्स भावाभावमत्तापेक्खाय वुत्तं, न तस्स सहप्पवत्तिसम्भावाभावतोति भिन्नसन्तानप्पवत्तिनोपि सङ्खारस्स इदमत्थिताय तंवसेन निब्बत्तं चित्तं सङ्खारो अस्स अत्थीति

ससङ्घारिकं सह-सदस्स विज्जमानत्थपरिदीपनतो “सलोमको सपक्खको”ति आदीसु विय । तब्बिपरीतं पन तदभावतो यथावुत्तवसेनेव **असङ्घारिकं** । अथ वा सङ्घारणं, सङ्घारीयति वा एतेन आगन्तुकसम्भूतेन चित्तसंसीदनसभावापनयनवसेनेव सज्जीयति, सङ्घारोति वा तं यथावुत्तवसेनेवाति सङ्घारोति उज्जुक्मेव पुब्बप्पयोगजनितो तिक्खभावो वुच्चति, तदभावतो **असङ्घारिकं**, सभावतिक्खन्ति अत्थो । तंसहगताय **ससङ्घारिकं**, अथ वा मच्छेरमलादीहि सङ्घारीयतीति सङ्घारो, चित्तस्स संसीदनसभावो, सो यस्स नत्थीति **असङ्घारिकं**, इतरं **ससङ्घारिकं** । पणीतउतुभोजनादिको वा बलवपच्चयो सङ्घारो “सङ्घारोति चित्तं तिक्खभावेन, सङ्घारीयति वा तं एतेना”ति कत्वा । अ-कारस्स वुट्ठित्थवुत्तिताय वुट्ठिप्पत्तो सङ्घारो अस्साति **असङ्घारिकं**, बलवपच्चयवन्तन्ति अत्थो । वुट्ठिपरिदीपकेन पन अ-कारेन अविसेसितत्ता **ससङ्घारिकं** सप्पच्चयं दुब्बलपच्चयन्ति अधिप्पायो । जाणेन विप्पयुत्तं विरहितन्ति **जाणविप्पयुत्तं** ।

उपेक्खतीति उपेक्खा, वेदियमानापि आरम्मणं अज्झुपेक्खति, मज्झत्ताकारसण्ठितियाति अत्थो । अथ वा इट्ठे, अनिट्ठे च आरम्मणे पक्खपाताभावेन उपपत्तितो युत्तितो इक्खति अनुभवतीति उपेक्खा । अथ वा उपेता सुखदुक्खानं अविरुद्धा इक्खा अनुभवन्ति उपेक्खा । अविरुद्धत्तायेव हेसा तेसं अनन्तरम्पि पवत्तति । सुखदुक्खवेदना पन विसुं विसुं विरुद्धसभावत्ता नाज्जमज्जं अनन्तरं पवत्तन्ति । तेनेव हि **पट्टाने** सोमनस्सस्स अनन्तरं दोमनस्सस्स, दोमनस्सस्स अनन्तरं सोमनस्सस्स च उप्पत्ति पटिसिद्धा । अयज्ज अत्थो लोभसहगतचित्तसम्पयुत्तवेदनायपि लब्भति, पुरिमा पन द्वे न तथा । न हि लोभसहगतादीनं मज्झत्ताकारेन अज्झुपेक्खनं, उपपत्तितो इक्खनं वा अत्थीति । **उपेक्खासहगतन्ति** सब्बं हेट्ठा वुत्तनयमेव ।

ननु च अज्जेपि फस्सादयो सम्पयुत्तधम्मा अत्थीति सोमनस्सादीनं वसेनेव पन अट्ठविधता कस्मा गहिताति? भेदकरभावतो । फस्सादीनज्हि सब्बचित्तसाधारणत्ता, सद्वादीनज्ज सब्बकुसलसाधारणत्ता न तेहि चित्तस्स विभागो, सोमनस्सादयो पन कत्थचि चित्ते होन्ति, कत्थचि न होन्तीति पाकटोव तेहि चित्तस्स विभागोति । कस्मा पनेते कत्थचि चित्ते होन्ति, कत्थचि न होन्तीति? कारणस्स सन्निहितासन्निहितभावतो । किं पन नेसं कारणन्ति? वुच्चते — तत्थ सोमनस्ससहगतभावो ताव आरम्मणवसेन होति । इट्ठारम्मणस्मिज्हि सोमनस्ससहगतचित्तमुप्पज्जति । ननु च इट्ठारम्मणं लोभस्स वत्थु रज्जनीयत्ताति कथं तत्थ कुसलं उप्पज्जतीति? नयिदमेकन्तिकं इट्ठेपि आरम्मणे नियमितादिवसेन कुसलस्स उप्पज्जनतो । यस्स हि “कुसलमेव मया कत्तब्ब”न्ति कुसलकरणेयेव चित्तं नियमितं होति, अकुसलप्पवत्तितोव निवत्तेत्वा कुसलकरणेयेव परिणामितं, अभिण्हकरणेन च कुसलं समुदाचिण्णं, पटिरूपदेसवाससद्दम्मस्सवनसप्पुरिसूपनिस्सयपुब्बेकतपुज्जतासङ्घातचतुचक्कूपनिस्सयवसेन, योनिसो च आभोगो पवत्तति, तस्स इट्ठेपि आरम्मणे अलोभसम्पयुत्तमेव चित्तमुप्पज्जति, न लोभसम्पयुत्तं । होति चेत्थ —

“नियामपरिणामेहि, समुदाचिण्णताय च ।

जाणपुब्बङ्गमाभोगा, इट्ठेपि कुसलं सिया”ति ॥

अपिच सद्वाबहुलतादीहि च कारणेहि चित्तस्स सोमनस्ससहगतता वेदितब्बा । अस्सद्धानं, हि मिच्छादिट्ठिकानज्ज एकन्तिमिट्ठारम्मणभूतं तथागतरूपम्पि दिस्वा सोमनस्सं न उप्पज्जति । ये च कुसलप्पवत्तियं आनिसंसं न पस्सन्ति, तेसं परेहि उस्साहितानं कुसलं करोन्तानम्पि सोमनस्सं न उप्पज्जति, तस्मा सद्वाबहुलता विसुद्धिदिट्ठिता आनिसंसदस्साविताति इमेहिपि कारणेहि चित्तस्स सोमनस्ससहगतता होति ।

अपिच ये ते एकादस धम्मा पीतिसम्बोज्झङ्गस्स उप्पादाय संवत्तन्ति । सेय्यथिदं — बुद्धानुस्सति धम्मानुस्सति

संधानुस्सति सीलानुस्सति चागानुस्सति देवतानुस्सति उपसमानुस्सति लूखपुग्गलपरिवज्जनं सिनिद्धपुग्गलसेवना पसादनीयसुत्तन्तपच्चवेक्खणा तदधिमुत्तताति इमेहि कारणेहि चित्तस्स सोमनस्ससहगतभावो वेदितब्बो । बुद्धादिगुणे अनुस्सरन्तस्स हि याव उपचारुप्पादा सकलसरीरं फरमाना पीति उप्पज्जति । तथा दीघरत्तं अक्खण्डतादिवसेन अत्तना रक्खितं चतुपारिसुद्धिसीलं पच्चवेक्खन्तस्स, गिहिनो दससीलं पच्चसीलं पच्चवेक्खन्तस्स, दुब्बिक्खभयादीसु पणीतं भोजनं सब्रह्मचारीनं दत्त्वा “एवंनाम दानं अदासि”न्ति अत्तनोचागं पच्चवेक्खन्तस्स, गिहिनोपि तथारूपे काले सीलवन्तानं दिन्नदानं पच्चवेक्खन्तस्स, येहि गुणेहि समन्नागता देवा देवत्तं गता, तथारूपानं गुणानं अत्तनि अत्थितं पच्चवेक्खन्तस्स, समथविपस्सनाहि विक्खम्भितकिलेसे सट्ठिपि सत्ततिपि वस्सानि असमुदाचरन्ते दिस्वा “अहो मय्हं किलेसा न समुदाचरन्ती”ति चिन्तेन्तस्स, चेत्तियदस्सनथेरदस्सनेसु असक्कच्चकिरियाय संसुचितलूखभावेन बुद्धादीसु पसादसिनेहाभावेन गद्रभपिट्ठे रजसदिसे लूखपुग्गले परिवज्जन्तस्स, बुद्धादीसु पसादबहुले मुदुचित्ते सिनिद्धपुग्गले पटिसेवन्तस्स, रतनत्तयगुणपरिदीपके पसादनीयसुत्तन्ते पच्चवेक्खन्तस्स, ठाननिसज्जादीसुपि पीतिउप्पादनत्थं तन्निन्तादिवसेन पवत्तेन्तस्स येभुय्येन पीति उप्पज्जति । पीतिया च सोमनस्सेन सह अविनाभावतो तदुप्पत्तिया तस्सापि उप्पत्ति नियताति एवं पीतिकारणानिपि सोमनस्सकारणानीति दट्ठब्बानि । किञ्च — अगम्भीरपकतिता, सोमनस्सपटिसन्धिकताति इमेहि द्वीहि कारणेहि सोमनस्ससहगतता होति । यो हि अगम्भीरपकतिको होति, अप्पमत्तकेपि हितोपकरणे तुस्सति, यो च सोमनस्सपटिसन्धिको अप्पसन्नेसु आरम्माणेसुपि अप्पटिक्कूलदस्सावी, तस्स येभुय्येन सोमनस्ससहगतचित्तं उप्पज्जति । यथावुत्तानं पन सोमनस्सकारणानमभावेन मज्झत्तारम्मणताय च उपेक्खासहगतता वेदितब्बा ।

जाणसम्पयुत्तस्स पन कम्मतो उपपत्तितो इन्द्रियपरिपाकतो किलेसदूरीभावतोति इमेहि कारणेहि होति । यो हि परेसं हितज्झासयेन धम्मं देसेति हीनुक्कट्टादीनि च नळकारमुद्वागणनादीनि सिप्पायतनानि, वट्ठकीकसिवाणिज्जादीनि च कम्मायतनानि, विसहरणादीनि च विज्जायतनानीति एवं निरवज्जसिप्पायतनादीनि सिक्खापेति, सयं वा सिक्खति, धम्मकथिकस्स सक्कारं कत्वा धम्मं कथापेति, “आयतिं पज्जवा भविस्सामी”ति पत्थनं पट्टपेत्वा नानप्पकारं पुज्जकम्मं करोति, तस्सेवं नानप्पकारं पज्जासंवत्तनिककम्मं सम्पादेन्तस्स तं कम्मं उपनिस्साय उप्पज्जमानं कुसलं जाणसम्पयुत्तं उप्पज्जति । तथा अब्यापज्जे लोके उप्पन्नस्स उप्पज्जमानं कुसलं जाणसम्पयुत्तं होति । वुत्तज्हेतं —

“तस्स तत्थ सुखिनो धम्मपदानि पिलवन्ति, दन्धो, भिक्खवे, सतुप्पादो, अथ सो सत्तो खिप्पमेव विसेसभागी होती”ति (अ० नि० ४.१९१) ।

तथा पज्जादसकं सम्पत्तस्स इन्द्रियपरिपाकं निस्साय उप्पज्जमानं कुसलं जाणसम्पयुत्तं होति । येन पन समथविपस्सनाभावनाहि किलेसा विक्खम्भिता, तस्स किलेसदूरीभावं निस्साय उप्पज्जमानं चित्तं जाणसम्पयुत्तं उप्पज्जति । यथाह —

“योगा वे जायते भूरि, अयोगा भूरिसङ्खयो”ति । (ध० प० २८२) ।

अपिच ये ते धम्मा धम्मविचयसम्बोज्झङ्गस्स उप्पादाय संवत्तन्ति । सेय्यथिदं — परिपुच्छकता वत्थुविसदकिरिया इन्द्रियसमत्तपटिपादना दुप्पज्जपुग्गलपरिवज्जना पज्जवन्तपुग्गलसेवना गम्भीरजाणचरियपच्चवेक्खणा तदधिमुत्तताति इमेहि कारणेहि जाणसम्पयुत्तभावो होति । तथा हि यो पज्जवन्ते उपसङ्कम्म खन्धधातुआयतनइन्द्रियबलबोज्झङ्गमग्गङ्गझानङ्गसमथविपस्सनादीनं परिपुच्छाबहुलो होति, तस्स तंवसेन उप्पन्नं

सुतमयजाणं आदिं कत्वा उप्पज्जमानं चित्तं जाणसहगतं होति । येन पन नखकेसचीवरसेनासनादीनि अज्झत्तिकबाहिरवत्थूनि पुब्बे अविसदानि छेदनमलहरणादिना विसदानि कतानि, तस्सेवं विसदवत्थुकस्स उप्पन्नेसु चित्तचेतसिकेसु विसदं जाणं होति परिसुद्धानि दीपकपल्लकादीनि निस्साय उप्पन्नदीपसिखाय ओभासो विय । यस्स च सद्धिन्द्रियादीसु अज्जतरं बलवं होति, इतरानि मन्दानि, ततो तानि सकसककिच्चं कातुं न सक्कोन्ति, तस्मा सो तस्स बोज्झङ्गविभङ्गे आगतनयेन तेन तेन आकारेन समत्तं पटिपादेति, तस्सेवं इन्द्रियानं समत्तं पटिपादेन्तस्स विपस्सनाजाणादीनं वसेन चित्तं जाणसहगतं होति । यो पन दुप्पज्जपुग्गले परिवज्जेति, पज्जवन्तपुग्गले वा पयिरुपासति, खन्धादीसु ओगाळ्हं भगवतो गम्भीरजाणचरियं वा पच्चवेक्खति, ठाननिसज्जादीसु तदधिमुत्तचित्तो वा विहरति, इमेसम्पि उप्पज्जमानं कुसलं जाणसम्पयुत्तं होति । अपिच बुद्धादिगुणानुस्सरणेनपि चित्तं जाणसहगतं होति । यथाह —

“यस्मिं, महानाम, समये अरियसावको तथागतं अनुस्सरति, नेवस्स तस्मिं समये रागपरियुद्धितं चित्तं होति, न दोस...पे०... न मोहपरियुद्धितं चित्तं होति, उजुगतमेवस्स तस्मिं समये चित्तं होति तथागतं आरब्भ । उजुगतचित्तो खो पन, महानाम, अरियसावको लभति अत्थवेदं, लभति धम्मवेदं, लभति धम्मूपसंहितं पामोज्जं, पमुदितस्स पीति जायति, पीतिमनस्स कायो पस्सम्भति, पस्सद्धकायो सुखं वेदेति, सुखिनो चित्तं समाधियति, समाहितो यथाभूतं पजानाती”तिआदि (अ० नि० ६.१०; ११.११) ।

एवं बुद्धानुस्सतिआदयोपि रागादिमलविसोधनेन जाणुप्पत्तिहेतुकायेवाति दट्ठब्बं । किञ्च — तिहेतुकपटिसन्धिकता जाणुप्पत्तिकारणं । पटिसन्धिपज्जा हि आदितो पट्टाय भवङ्गसन्ततिवसेन बहुलं पवत्तमाना सन्तानपरिभावेनेन जाणुप्पत्तिया सविसेसउपनिस्सयो होति । असङ्खारिकत्तं पन सप्पायउतुभोजनआवासादिपच्चयेहि होतीति । होन्ति चेत्य —

“इट्ठारम्मणता सद्धाबाहुल्यं दिट्ठिसुद्धि च ।
फलदस्साविता चेव, पीतिबोज्झङ्गहेतुयो ॥

“एकादस तथा धम्मा, अगम्भीरसभावता ।
सोमनस्सयुत्ता सन्धि, इच्चेते सुखहेतुयो ॥

“अभावो सुखहेतूनं, मज्झत्तारम्मणन्ति च ।
उपेक्खुप्पत्तिहेतु च, एवं जेय्या विभाविना ॥

“कम्मूपपत्तितो चेव, तथा इन्द्रियपाकतो ।
किलेसूपसमा धम्म-विचयस्स च हेतुहि ॥

“सत्तधम्मेहि बुद्धादि-गुणानुस्सरणेन च ।
सप्पज्जसन्धितो चेव, चित्तं जाणयुत्तं सिया ॥

“उतुभोजनआवास-सप्पायादीहि हेतुहि ।
असङ्खारिकभावोपि, विज्जातब्बो विभाविना”ति ॥

एवं वेदनाजाणप्पयोगभेदतो अट्ठविधं कामावचरचित्तं निदिसित्वा इदानि तं निगमेन्तो आह “इदं...पे०... नामा”ति ।

१२. येन पनत्थेन इदं “कामावचर”न्ति वुच्चति, तं दानि दस्सेतुं “उद्धानतो”तिआदि आरब्धं । तत्थ उद्धानतोति उद्देसतो, सङ्खेपतोति अत्थो । किञ्चापि अवसिद्धकिलेसादयो विय किलेसकामोपि अस्सादेतब्बताय वत्थुकामे सङ्गहितो जाणं विय जेय्येति सङ्खेपतो एकोयेव कामो सिया, तथापि किलेसकामो वत्थुकामभावं गच्छन्तो कामनीयद्वेन गच्छति, न कामनवसेन । कामनवसेन च पन किलेसकामोव होति, न पन वत्थुकामोति आह “क्लेसवत्थुवसा”तिआदि । को पनेत्थ वत्थुकामो, को किलेसकामोति चोदनं मनसि निधाय “छन्दो कामो, रागो कामो, छन्दरागो कामो, सङ्कप्पो कामो, रागो कामो, सङ्कप्परागो कामो”ति (महानि० १) एवं निद्देसपाळियं आगता निदिद्धा कामतण्हाव इध किलेसकामो । वत्थुकामोति च “मनापिका रूपा...पे०... मनापिका फोडुब्बा...पे०... सब्बेपि कामावचरा धम्मा...पे०... सब्बेपि रूपावचरा...पे०... सब्बेपि अरूपावचरा...पे०... कामा”ति (महानि० १) तत्थेव निदिद्धा सविज्जाणाविज्जाणप्पभेदा तेभूमकधम्माति दस्सेन्तो आह “किलेसो...पे०... वट्ठक”न्ति । “छन्दरागोवा”ति अवधारणेन किलेसभावेन निरुद्धेसु लोभदोसमोहादीसु दससु दोसमोहादयो नव किलेसे पटिक्खपति । कामरूपारूपतण्हाय वत्थु पतिट्ठानं, कारणभूतन्ति वा वत्थु ।

१३. कथं पन किलेसकामो नाम, कथञ्च वत्थुकामोति आह “किलेसकामो”तिआदि । कामेतीति वत्थुकामं पत्थेति । कामीयतीति किलेसकामेन पत्थीयति । इति-सद्वो “तस्मा”ति इमस्स अत्थे । च-सद्वो एव-कारत्थे, तेन यस्मा किलेसकामो कामेतीति कामो, वत्थुकामो च कामीयतीति, तस्मा एव किलेसकामो, वत्थुकामो चाति दुविधोपि एस कामो कारकद्वये कत्तरि, कम्मनि च सिज्झति, कत्तुभावं, कम्मभावञ्च पच्चनुभोतीति अत्थो । अथ वा दुविधोति द्विन्नं कामानं वाचकतो दुविधो । “कामो”ति अयं सद्वो कारकद्वये सिज्झति यथावुत्तकारकयुगळे निप्फज्जति, कत्तरि, कम्मनि च “कामो”ति पदसम्भवो होतीति अत्थो । वो-कारो पन निपातमत्तं “एवं वो कालामा”तिआदीसु (अ० नि० ३.६६) विय । अथ वा वोकारकद्वयेति खन्धद्वयेति अत्थो । किलेसकामो हि सङ्खारसभावत्ता सङ्खारक्खन्धे, वत्थुकामो च वक्खमाननयेन पञ्चकामगुणभूतो रूपसभावत्ता रूपक्खन्धेति एवं दुविधोपेस कामो खन्धद्वये सिज्झति निप्फज्जति, अन्तोभावं गच्छतीति ।

१४. सम्पज्जनानि सम्पत्तियो, तासं वसेन विसयविसयीभावेन अज्जमज्जं समोसरणवसेन, सम्पापुणनवसेनाति अत्थो । इमिना पन इदं दीपेति — यत्थ दुविधोपि कामो विसयविसयीभावेन सहितो पवत्तति, सोयेव एकादसविधो पदेसो कामावचरसज्जितो । यत्थ पन रूपारूपधातुयं केवलं वत्थुकामोव पवत्तति, न सो पदेसो कामावचरो नामाति । ननु च दुविधोपि सहितो रूपारूपधातूसु पवत्तति, रूपारूपावचरधम्मानं वत्थुकामत्ता, तदारम्भणभूतानञ्च रूपारूपतण्हां तंयोगेन किलेसकामभावसिद्धितोति? नयिदमेवं ओरम्भागियभूतस्स बहलकिलेसस्सेव कामरागस्स इध किलेसकामभावेन अधिप्पेतत्ता । “उद्धानतो दुवे कामा”ति सब्बे कामे उद्दिसित्वापि हि “पदेसो चतुपायान”न्तिआदिना विसयनियमनेन “दुविधोपि अय”न्ति एत्थ कामेकदेसभूतो नीवरणावत्थाय कथितो कामरागो किलेसकामभावेन, तब्बत्थुकायेव धम्मा वत्थुकामभावेन गहिता, न रूपारूपतण्हा, तब्बत्थुकधम्मा चाति आपीयति । एवञ्च कत्वा उपरि वक्खमाना ससत्थावचरूपमा उपपन्ना होति, यथावुत्तानमेव कामानं इध अधिप्पेतत्ता रूपारूपधातूसु विमानकप्परुक्खवत्थालङ्कारपरित्तकुसलादिभेदेसु कामावचरधम्मेसु पवत्तो छन्दरागो किलेसकामो नाम न होति, न च तब्बत्थुभूतं विमानकप्परुक्खादिपरित्तधम्मजातं वत्थुकामो नामाति सिद्धं । तेनेवाह “कामो वा कामसज्जा वा ब्रह्मलोके न विज्जती”ति । कामावचरसत्तसन्तानगततण्हाय विसयभावे सति पन तंयोगेन रूपारूपधातूसुपि पवत्तमानो परित्तधम्मो वत्थुकामोयेवाति वेदितब्बं । अथ वा निद्देसे आगतनयेन निरवसेसो किलेसकामो कामतण्हाभवतण्हाविभवतण्हानिरोधतण्हापभेदो इध पवत्तति । वत्थुकामेसुपि अप्पकं रूपारूपविपाकमत्तं ठपेत्वा सब्बोयेव इध पवत्ततीति अनवसेसप्पवत्तिं सन्धाय “कामोयं दुविधोपि चा”ति वुत्तं । किञ्चापि एवं वुत्तं, तेसु पन

बहलकिलेसकामभूतो बहलकामरागो च तब्बत्थुका पञ्च कामगुणा च इध गहिताति दस्सनत्थं “सम्पत्तीनं वसेना”ति वुत्तं । सम्पज्जनवसेन, समिज्जनवसेनाति अत्थो । अवचरतीति पवत्तति । इति-सद्दो हेतुम्हि, यस्मा दुविधोपि अयं कामो अवचरति, तस्मा कामो एत्थ अवचरतीति कामावचरसज्जितोति अत्थो ।

१५. सग्गमोक्खहेतुभूता पुज्जसम्मता अया येभुय्येन अपेताति अपाया । निरयादिवसेन चत्तारो अपाया चतुपाया । छन्नन्ति चातुमहाराजिकतावतिसयामातुसितानिम्मानरतिपरनिम्मितवसवत्तिसङ्घातानं छन्नं देवलोकानं । मेरुपादवासिनो पन असुरा तावतिसेसुयेव सङ्गहन्तीति न तेहि सद्धिं सत्तन्नन्ति वुत्तं । मनसो उस्सन्नताय मनुस्सा, सतिसूरभावब्रह्मचरिययोग्यतादिगुणवसेन उपचितमानसताय उक्कट्टुगुणचित्ततायाति अत्थो, ते पन निप्परियायतो जम्बुदीपवासिनो वेदितब्बा । यथाह —

“तीहि, भिक्खवे, ठानेहि जम्बुदीपका मनुस्सा उत्तरकुरुके च मनुस्से अधिगणहन्ति देवे च तावतिसे । कतमेहि तीहि? सूरा सतिमन्तो इध ब्रह्मचरियवासो”ति (अ० नि० ९.२१) ।

तेहि पन समानरूपादिताय सद्धिं परित्तदीपवासीहि इतरमहादीपवासिनोपि “मनुस्सा”इच्चेव पज्जायिंसु । लोकिया पन मनुनो अपच्चभावेनेव “मनुस्सा”ति वदन्ति । एकादसविधोति चतुरापायेसु तिरच्छानपेत्तिविसयानं विसुं परिच्छिन्नस्स ओकासस्स अभावेपि यत्थ ते अरज्जसमुद्दपब्बतपादादिके निबद्धवासं वसन्ति, तादिसस्स ठानस्स गहितत्ता एकादसविधो ।

१६. ननु चेत्थ अज्जेसम्पि धम्मानं पवत्तिसम्भवतो कामस्सेव अवचरणवसेन कथं नामलाभोति आह “अस्साभिलक्खितत्ता”तिआदि । तत्थ अस्साति इमस्स दुविधस्स कामस्स । अभिलक्खितत्ताति एकादसविधे पदेसे पाकटत्ता । अथ वा अस्साति करणत्थे सामिवचनं, तस्मा अनेन दुविधेन कामेन एकादसविधस्स पदेसस्स अभिलक्खितत्ता, पज्जापितत्ताति अत्थो । अथ वा उपयोगत्थे सामिवचनवसेन अस्स एकादसविधस्स पदेसस्स तेन दुविधेन अभिलक्खितत्ताति अत्थो । सह सत्थेहीति ससत्था, यत्थ ते अवचरन्ति, सो ससत्थावचरो, पदेसो । सो विय । यथा हि यस्मिं पदेसे ससत्था पुरिसा अवचरन्ति, सो विज्जमानेसुपि अज्जेसु द्विपदचतुष्पदादीसु अवचरन्तेसु तेसं तत्थ पाकटत्ता, तेहि वा अभिलक्खितत्ता “ससत्थावचरो”त्वेव पज्जायति, एवं विज्जमानेसुपि अज्जेसु रूपावचरादीसु अवचरन्तेसु अभिलक्खणवसेन अयं पदेसो “कामावचरो”त्वेव सज्जितोति । एस नयो रूपारूपावचरेसु ।

१७-८. ननु च चित्तं कामावचरन्ति वुत्तं, यथावुत्तनयेन पन पदेसस्स गहितत्ता कथं तत्थ अवचरन्तं कामावचरं नामाति आह “स्वाय”न्तिआदि । सो अयं कामावचरो “कामो”ति सज्जितोति सम्बन्धो । रूपभवो रूपन्ति यथा रूपभवो रूपं । अवुत्तोपि हि यथासद्दो एवं-सद्दसन्निट्ठानतो लब्धति । यथा “रूपूपपत्तिया मगं भावेती”ति एत्थ “रूपभवूपपत्तिया”ति वत्तब्बे रूपभवो “रूप”न्ति सज्जितोति अयमेत्थ अत्थो । कथं पनेस एवं सज्जितोति आह “उत्तरस्सा”तिआदि । अथ वा यथा उत्तरस्स पदस्स लोपं कत्वा उदीरितो एस रूपभवो “रूप”न्ति सज्जितो, एवं स्वायं कामावचरो कामोति सम्बन्धो । तस्मिं कामेति तस्मिं उत्तरपदलोपवसेन कामसज्जिते पदेसे । इदन्ति इदं अट्ठविधं चित्तं । अधिकारवसेन पन तस्स गहणेपि सब्बेसमेव परित्तचित्तानमयमत्थो लब्धति सब्बेसम्पि कामे अवचरणतो । सदाति सब्बकालं, बाहुल्येनाति अधिप्पायो । इमिना पन इदं दीपेति — यथा सङ्गामे येभुय्येन अवचरन्तो “सङ्गामावचरो”ति लद्धनामो हत्थी अज्जत्थ अवचरन्तोपि बाहुल्लपवत्तिवसेन “सङ्गामावचरो”त्वेव पज्जायति, एवमिदं अज्जत्थ अवचरन्तम्पि कामलोके बाहुल्लवुत्तितो “कामावचर”मिच्चेव वुत्तन्ति । तेन पन ननु चेत्तं रूपारूपभवेसुपि अवचरणतो रूपावचरादिनामम्पि लभेय्याति इदं चोदनं परिहरति । होति चेत्थ —

“कामेवचरतीत्येतं, कामावचरसञ्जितं ।
सेसे अवचरन्तमि, सङ्गामावचरो यथा”ति ॥

इति-सद्वो हेतुमि । च-सद्वो वत्तब्बन्तरसमुच्चये । तेन यस्मा उत्तरपदलोपेन कामावचरो “कामो”ति सञ्जितो, यस्मा च तस्मिं कामे इदं चित्तं सदा अवचरति, तस्मा “कामावचर”मिच्चेव कथितं, न पन कामावचरावचरं, नापि रूपारूपावचरन्ति वाति अधिप्पायो । **कामघातिनाति** देसनाजाणेन विनेय्यसन्तानगतस्स किलेसकामस्स हननसीलेन सम्मासम्बुद्धेन ।

१९. पटिसन्धिं ...पे०... अवचारयतीति वाति अथ वा यस्मा यत्थ कत्थचि उप्पन्नमि कामे भवेयेव पटिसन्धिं अवचारयति, तस्मा इदं कामे अवचारयतीति “कामावचर”न्ति कथितं चा-सद्वस्स रस्सत्तं कत्वाति अत्थो । एवं उत्तरपदलोपवसेन पदसम्भवं दस्सेत्वा इदानीं विनापि उत्तरपदलोपं कामावचर-सद्वस्स सम्भवं दस्सेतुं “**परियापन्नन्ति तत्र वा**”ति वुत्तं । तत्राति तस्मिं कामभवे । **परियापन्नन्ति** अन्तोगधं । अयं पनेत्थ अधिप्पायो —

“कतमे धम्मा कामावचरा? हेट्टतो अवीचिनिरयं परियन्तं कत्वा उपरितो परनिम्मितवसवत्ती देवे अन्तोकरित्वा यं एतस्मिं अन्तरे एत्थावचरा एत्थ परियापन्ना खन्धधातुआयतना रूपं वेदना सज्जा सङ्खारा विज्जाणं । इमे धम्मा कामावचरा”ति (ध० स० १२८७) —

वुत्तत्ता यथा मनुस्सित्थिया कुच्छिस्मिं निब्बत्तोपि तिरच्छानगतिको तिरच्छानयोनियमेव परियापन्नत्ता “तिरच्छानो”त्वेव वुच्चति, एवमिदं रूपारूपभवेसु उप्पन्नमि कामभवपरियापन्नत्ता “कामावचर”मिच्चेव कथितन्ति । तत्परियापन्नता चस्स अवीचिपरनिम्मितपरिच्छिन्नोकासनिन्नाय कामतण्हाय विसयभावतोति वेदितब्बा । तथा हि वुत्तं आचरियधम्मपालत्थेरेन **निक्खेपकण्डेपि** “एत्थावचरा”ति वचनं अवीचिपरनिम्मितपरिच्छिन्नोकासाय कामतण्हाय विसयभावं सन्धाय वुत्त”न्ति । पदसम्भवो पनेत्थ एवं वेदितब्बो — कामतण्हा कामो, सो एत्थ आरम्भणकरणवसेन अवचरतीति कामावचरन्ति । ननु चेत्थ कतमा कामतण्हा, या कामावचरधम्मारम्भणा तण्हा । कतमे कामावचरधम्मा, ये कामतण्हाविसयाति एवं इतरीतरनिस्सयतादोसो आपज्जतीति? नापज्जति, अवीचिआदिएकादसोकासनिन्नाय यंकिञ्चि तण्हं कामतण्हाभावेन गहेत्वा तंसभावाय तण्हाय विसयभावेन कामावचरधम्मानं उपलक्खेतब्बभावतो । अथ वा किलेसवत्थुवसेन दुविधोपि कामो यथारहं सहजातवसेन एत्थ अवचरतीति कामावचरं, आरम्भणकरणवसेन वा दुविधेपि कामे एतं अवचरतीति कामावचरं । अथ वा मज्जनिस्सितकेसु उक्कुट्ठिं करोन्तेसु निस्सयनिस्सितानं अभेदस्स बुद्धिया गहितत्ता निस्सितकेसु निस्सयूपचारवसेन “मज्जा उक्कुट्ठिं करोन्ती”ति वुच्चति, एवमेतमि कामावचरभवे पवत्तनवसेन तन्निस्सितत्ता निस्सयवोहारेन “कामावचर”न्ति वुच्चति । होति चेत्थ —

“कामोवचरतीत्येत्थ, कामेवचरतीति वा ।
ठानूपचारतो वापि, तं कामावचरं भवे”ति ॥

२०. पुज्जफलनिब्बत्तनतो, अत्तसन्तानं पुननतो च पुज्जानि, कत्तब्बताय किरिया, तेसं तेसं आनिसंसानं वत्थुताय वत्थूनि चाति पुज्जकिरियवत्थूनि । गणनतो दसपरिमाणत्ता दस च तानि पुज्जकिरियवत्थूनि चाति दस पुज्जकिरियवत्थूनि, तेसं वसेनाति **दसपुज्जक्रियवत्थुवसेन**, दसपुज्जकिरियवत्थुभावेन तंमयं हुत्वाति अत्थो । एव-कारेन पन रूपारूपलोकुत्तरं विय न केवलं भावनावसेनेवाति दस्सेति । अथ वा दसपुज्जकिरियवत्थुवसेनेव पवत्तति, न पन परेहि

परिकल्पितपरपसंसादिपुञ्जकिरियवत्थुवसेनाति एव-सद्देन अवधारणं। यतो वक्खति
“सब्बानुस्सतिपुञ्जञ्चा”तिआदि।

२१. कानि पन तानि दसपुञ्जकिरियवत्थूनि, येसं वसेन इदं अट्ठविधं चित्तं पवत्ततीति वुत्तन्ति इमं अनुयोगं सन्धाय तानि सरूपतो दस्सेतुं “दानं सील”न्तिआदि वुत्तं। तत्थ दिव्यति एतेनाति दानं, परिच्चागचेतना। इध पन चित्ताधिकारवसेन तंसम्पयुत्तं गहेतब्बं। तथा “सीला”दीसुपि। सीलतीति सीलं, कायवचीकम्मानि समादहतीति अत्थो। सुसिल्यवसेन हि कायकम्मादीनि अविप्पकिण्णानि सम्पत्ति, आयतिज्ज हितसुखावहानि सम्मा ठपितानि समाहितानि होन्ति, सीलयति उपधारेतीति वा सीलं। उपधारणं पनेत्थ कुसलानं अधिद्वानभावो। भावेति कुसलधम्मे आसेवति वट्ठेति एतायाति भावना। अत्तनो सन्ताने निप्फन्ना पत्ति दिव्यति एतेनाति पत्तिदानं। तंतंकिच्चकरणे ब्यावटस्स भावो वेय्यावच्चं। देसेति एतायाति देसना। पत्तिं अनुमोदति एतेनाति पत्तानुमोदो। पुब्बपदलोपेन पन “अनुमोदो”ति वुत्तं। दिट्ठिया उज्जुभावो दिट्ठिजुत्तं, सम्मादिट्ठिया उज्जुकरणन्ति अत्थो। अत्तनो, परस्स वा हितज्झासयवसेन सम्मा सुणन्ति एतायाति संसुति। पूजावसेन अपचायति सामीचिं करोति एतेनाति अपचायो। पुञ्जकिरियवत्थूनं पभेदो पुञ्जकिरियवत्थुप्पभेदो। मज्झपदलोपवसेन पन “पुञ्जवत्थुप्पभेदो”ति वुत्तं यथा आजज्जयुत्तो रथो “आजज्जरथो”ति। अयं तावेत्थ पदविचारो।

अयं पन विनिच्छयो — तत्थ सेखपुथुज्जनानं परं उद्दिस्स पूजानुग्गहकामताय अत्तनो विज्जमानवत्थुपरिच्चजनवसेन पवत्ता चेतना दानमयपुञ्जकिरियवत्थु नाम। खीणासवानम्पि तथा पवत्ता दानमेव, सा पन पुञ्जकिरिया नाम न होतीति न इध अधिप्पेता। पुञ्जफलनिब्बत्तनतो, हि अत्तसन्तानं पुननतो च पुञ्जं, न च खीणासवसन्ताने पवत्ता फलनिब्बत्तिका होति, न च तं पुनाति विसुद्धसन्तानप्पवत्तताति। एवं सेसेसुपि।

या पन निच्चसीलउपोसथसीलादिवसेन पञ्चसीलं अट्ठसीलं दससीलं समादियन्तस्स, असमादियन्तस्सपि कुलचारित्तवसेन सम्पत्तकायदुच्चरितादीहि विरमन्तस्स, उपसम्पदमाळके संवरं समादियन्तस्स, पातिमोक्खं परिपूरेन्तस्स, आपाथगतविसयेसु चक्खादीनि इन्द्रियाणि थकेन्तस्स, चीवरादिके च पच्चये पच्चवेक्खन्तस्स, कुहनादिवत्थुतो आजीवं परिसोधेन्तस्स पवत्ता चेतना, अयं सीलमयपुञ्जकिरियवत्थुनाम। एत्थाह — “दानं नामेतं मय्हं कुलवंसो कुलचारित्त”न्ति एवं चारित्तसीले ठत्वा देन्तस्स पवत्ता दानमयपुञ्जकिरियवत्थु किं, उदाहु सीलमयन्ति? सीलमयमेव चारित्तसीलभावतो। देय्यधम्मपरिच्चागवसेन पवत्तापि हेसा पुब्बाभिसङ्खारस्स अपरभागे चेतनाय च तथा पवत्तता सीलमयमेव पुञ्जकिरियवत्थु, न दानमयं। पूजानुग्गहकामताय हि दिन्नं दानमयन्ति।

“चक्खु अनिच्च”न्तिआदिना पन चक्खादिके तिलक्खणं आरोपेत्वा सम्मसन्तस्स पवत्ता गोत्रभुवोदानपरियोसाना विपस्सनाचेतना, कसिणादीसु आरम्माणेसु अप्पनं अप्पत्ता गोत्रभुपरियोसाना परिकम्मचेतना चाति अयं भावनामयपुञ्जकिरियवत्थु नाम। अप्पनाप्पत्तापि भावनायेव, सा पन न कामावचराति इध न गहिता। निरवज्जविज्जायतनकम्मायतनसिप्पायतनानं सिक्खनचेतनापि भावनामयेयेव समोधानं गच्छतीति आचरिया। या चेत्थ देय्यधम्मं खयतो वयतो सम्मसित्वा ददतो पवत्ता, सापि पुब्बे विय उभयभागे चेतनानं तथा पवत्तता भावनामयपुञ्जकिरियवत्थुयेवाति वेदितब्बं।

दानादिकं यं किञ्चि सुचरितकम्मं कत्वा “असुकस्स च नाम पत्ति होतु, सब्बसत्तानं वा होतू”ति एवं अत्तना कतस्स परेहि साधारणभावं पच्चासीसनवसेन पवत्ता पत्तिदानमयपुञ्जकिरियवत्थु नाम। किं पनेवं पत्तिं ददतो पुञ्जक्खयो होतीति?

न होति, यथा पन एकं दीपं जालेत्वा ततो दीपसहस्रं जालेन्तस्स पठमदीपो खीणोति न वत्तब्बो, पुरिमालोकेन पन सद्धिं पच्छिमालोकस्स एकीभावे अतिमहाव होति, एवमेव पत्तिं ददतो परिहानि नाम न होति, वुड्ढियेव पन होतीति ददुब्बा । कथं पनेसा दिन्ना नाम होतीति? “इदं मे पुज्जकम्मं सब्बसत्तानं, असुकस्स वा परिणमतू”ति एवं पुब्बभागे, पच्छापि वा वचीभेदं करोन्तेन मनसा एव वा चिन्तेन्तेन दिन्ना नाम होति । केचि पन “यं मया कतं सुचरितं, तस्स फलं ‘दम्मी’ति वुत्तेपि पत्तिं दिन्नाव होती”ति वदन्ति । कुसलकम्माधिकारत्ता पन परेहि च कम्मस्सेव अनुमोदितब्बत्ता कम्ममेव दातब्बं, अनुमोदेन्तेनपि कम्ममेव अनुमोदितब्बन्ति इदमेत्थ आचरियानं सन्निट्ठानं ।

चीवरादीसु पच्चासारहितस्स असंकिलिङ्गेन अज्झासयेन समणब्राह्मणानं वत्तपटिवत्तकरणवसेन, गिलानुपट्टानवसेन च पवत्ता वेय्यावच्चमयपुज्जकिरियवत्थु नाम ।

आमिसकिञ्चक्खादिनिरपेक्खचित्तस्स अत्तनो पगुणं धम्मं विमुत्तायतनसीसे ठत्वा देसेन्तस्स, तथेव निरवज्जविज्जायतनादिकं उपदिसन्तस्स च पवत्ता देसनामयपुज्जकिरियवत्थु नाम । परेहि कतं यं किञ्चि सुचरितकम्मं दिन्नमदिन्नम्पि वा इस्सामच्छेरमलं पहाय “साधु सुट्ठू”ति अनुमोदन्तस्स पवत्ता अनुमोदनपुज्जकिरियवत्थु नाम, “अत्थि दिन्न”न्तिआदिना कम्मस्सकताजाणवसेन दिट्ठिं उज्जं करोन्तस्स पवत्ता दिट्ठिजुकम्मपुज्जकिरियवत्थु नाम । यदि एवं जाणविप्पयुत्तचित्तस्स दिट्ठिजुकम्मपुज्जकिरियता न लब्धतीति? नो न लब्धति पुरिमपच्छिमचेतनानम्पि तंतंपुज्जकिरियास्वेव सङ्गहनतो । तथा हि वक्खति —

“पुरिमा मुज्जना चेव, परा तिस्सोपि चेतना ।
होति दानमयं पुज्जं, एवं सेसेसु दीपये”ति ॥

तस्मा किञ्चापि उजुकरणवेलायं जाणसम्पयुत्तमेव चित्तं होति, पुरिमपच्छाभागे पन जाणविप्पयुत्तम्पि होतीति तस्सापि दिट्ठिजुकम्मपुज्जकिरियभावो उप्पज्जति ।

अपरे पनाहु — विज्जाणपज्जाणवसेन दस्सनं दिट्ठि, चित्तं पज्जा च । दिट्ठिया उजुभावो दिट्ठिजुत्तं । किं तं? कुसलज्ज विज्जाणं कम्मस्सकताजाणादि च सम्मादस्सनं । तत्थ कुसलविज्जाणेन जाणुप्पादेपि अत्तनो सुचरितानुस्सरणपरगुणपसंसासरणगमनानं सङ्गहो, कम्मस्सकताजाणेन कम्मपथसम्मादिट्ठियाति । दानादिसम्पयुत्तं पन जाणं दानादीस्वेव अन्तो गधन्ति वेदितब्बं । “एवमिमं धम्मं सुत्वा तत्थ वुत्तनयेन पटिपज्जन्तो लोकियलोकुत्तरगुणविसेसं अधिगमिस्सामि, बहुस्सुतो वा हुत्वा परे धम्मदेसनाय अनुगगणिहस्सामी”ति एवं अत्तनो, परेसं वा विमुत्तायतनसीसेन सद्धम्मं सुणन्तस्स पवत्ता सवनमयपुज्जकिरियवत्थु नाम । निरवज्जविज्जायतनादिसवनचेतनापि एत्थेव सङ्गहति । पूजारहे, गरुडानिये, महल्लके च दिस्वा आसना वुड्ढन्तस्स पत्तचीवरपटिगहणमगगदानअभिवादनअज्जलिकम्मकरणआसनपुष्पगन्धादिअभिहारं करोन्तस्स च पवत्ता बहुमानचेतना अपचितिसहगतपुज्जकिरियवत्थु नाम । वेय्यावच्चापचायनानज्झि अयं विसेसो — वयसा, गुणेन च जेट्ठानं, गिलानानज्ज तंतंकिच्चकरणं वेय्यावच्चं, सामीचिकिरिया अपचायनन्ति ।

२२-३. एवं अट्ठकथाय आगतनयेन दसपुज्जकिरियवत्थूनि दस्सेत्वा इदानि सुत्ते आगतनयेन दानं सीलं भावनाति तीणियेव दस्सेतुं तेसु इतरेसम्पि सङ्गहं दीपेन्तो आह “गच्छन्ति सङ्गह”न्तिआदि । तत्थ पत्तिदानानुमोदना दाने सङ्गहं गच्छन्ति तंसभावत्ता । दानम्पि हि इस्सामच्छेरानं पटिपक्खं, एतेपि, तस्मा समानपटिपक्खताय दानेन सह एकलक्खणत्ता

एते दानमयपुञ्जकिरियवत्थुम्हि सङ्गहं गच्छन्ति । वेय्यावच्चापचायना सीलमये पुञ्जे सङ्गहं गच्छन्ति चारित्तसीलसभावता । **देसनासवनदिट्ठिउजुका** पन कुसलधम्मासेवनतो भावनतो **भावनामये सङ्गहं गच्छन्ति** । केचि पन “देसेन्तो, सुणन्तो च देसनानुसारेण जाणं पेसेत्वा लक्खणं पटिविज्झ देसेति, सुणाति च, तानि च देसनासवनानि पटिवेधमेव आहरन्तीति देसनासवनं भावनामये सङ्गहं गच्छती”ति वदन्ति । धम्मदानभावतो “देसना दानमये सङ्गहं गच्छती”तिपि सक्का वत्तुं । तथा दिट्ठिजुकम्मं सब्बथापि सब्बेसं नियमनलक्खणत्ताति । दानादीसु हि यं किञ्चि “अत्थि दिन्न”न्ति आदिनयप्पवत्ताय सम्मादिट्ठियाव विसोधितं महप्फलं होति महानिसंसन्ति । एवञ्च कत्वा **दीघनिकायट्ठकथायं** “दिट्ठिजुकम्मं पन सब्बेसं नियमनलक्खण”न्ति (दी० नि० अट्ठ० ३.३०५) वुत्तं । महासंघिया पन अभयगिरिवासिनो च दिट्ठिजुकम्मं विसुं पुञ्जकिरियभावेन न गणहन्ति । तथा हि ते दानं सीलं भावना संसुति देसनानुस्सतिमोदं वेय्यावच्चपूजासरणप्पत्तिपसंसा चाति अत्तना कतपुञ्जानुस्सरणं बुद्धादीसु सरणगमनं परगुणपसंसाति इमानि तीणि पक्खिपित्वा दिट्ठिजुकम्मं अगगहेत्वा द्वादस पुञ्जकिरियवत्थूनि पञ्जापेन्ति । **पुन तीणेवाति** पठमं दसापि समाना पुन सङ्खेपतो तीणेव सम्भोन्ति ।

२४. इदानी परेहि निद्विसियमानानं पुञ्जानुस्सरणादीनं अत्तना निद्विद्वेस्वेव समोधानं दस्सेतुं “**सब्बानुस्सतिपुञ्जञ्चा**”ति आदि वुत्तं । तत्थ सब्बस्सेव अत्तना कतसुचरितस्स अनुस्सरणं **सब्बानुस्सतिपुञ्जं** नाम । **पसंसाति** परेहि कताय पुञ्जकिरियाय, सम्मापटिपत्तिया च विप्पसन्नचित्तेन पसंसनं, सन्तुस्सनन्ति अत्थो । **सरणत्तयन्ति** एत्थ सरन्ति हिंसन्तीति सरणानि, बुद्धादीनि तीणि रतनानि । तानि हि सरणगतानं तेनेव सरणगमनेन भयं सन्तासं दुग्गतिपरिक्किलेसं हिंसन्ति विनासेन्ति । तयो अवयवा अस्साति तयं, तीहि अवयवेहि युत्तसमुदायस्सेतं अधिवचनं, सरणानं तयं सरणत्तयं, तीणि सरणानीति वुत्तं होति । न हि अवयवविनिमुत्तो समुदायो नाम कोचि अत्थीति । इध पन सरणत्तयगगहणेन उपचारतो, उत्तरपदलोपतो वा सरणगमनं अधिप्पेतं । न हि सरणत्तयं पुञ्जकिरियवत्थु नाम होति । अत्थतो पनेतं “सम्मासम्बुद्धो वत सो भगवा, स्वाक्खातो धम्मो, सुप्पटिपन्नो संघो”ति आदिना बुद्धादीसु पसादपटिलाभवसेन पवत्ता चेतना **दिट्ठिजुकम्मस्मिं सङ्गहं यन्ति** तंवसेनेव तेसं इज्झतो । न हि विपरीतदिट्ठिकस्स इमानि तीणि सम्भवन्ति, तस्मा ते एकन्तेन दिट्ठिजुकम्मपुञ्जकिरियवत्थुस्मिं सङ्गहं गच्छन्ति, न विसुं पुञ्जकिरियभावेन गहेतब्बाति अधिप्पायो । तेनाह “**नत्थि संसयो**”ति । दिट्ठिजुकम्मस्स भावनामयसङ्गहेपि सङ्खेपनयेन भावनामये सङ्गहन्ति, वित्थारनयेन पन “**कत्थ नु खो**”ति संसयो सियाति इमेसं भावनामयसङ्गहो न वुत्तो । दिट्ठिजुकम्मस्स वा सब्बेसं महप्फलभावनियामकत्तेन मूलभूतत्ता तस्स पधानभावं दस्सेतुं विसुं तत्थ सङ्गहन्तीति वुत्तं । अपरे पन “**सङ्गहन्तो सङ्गहन्ताति, गणहन्तो ‘मुञ्चती’ति वचनतो सरणगमनस्स सीलसमादाने विय गहणं सम्भवतीति सीलमये सङ्गहन्ती**”ति वदन्ति । “**सरणगमनं पणिपातभावतो अपचितिसहगते सङ्गहन्ती**”ति केचि ।

२५. इदानी यथावुत्तपुञ्जकिरियवत्थूनं पुरिमपच्छिमभागवसेन पवत्तमानापि चेतना तत्थ तत्थेव सङ्गहं गच्छन्तीति दस्सेतुं “**पुरिमा मुञ्चना**”ति आदि वुत्तं । तत्थ **पुरिमाति** दानत्थाय देय्यधम्मं धम्मेन समेन उप्पादेन्तस्स, उप्पन्नं “**परिच्चजिस्सामी**”ति चिन्तेन्तस्स, दक्खिण्येयं परियेसन्तस्स च याव वत्थुनो पटिग्गाहकस्स हत्थे विस्सज्जनं, परिणामनं वा, ताव पवत्ता पुब्बभागचेतना । पटिग्गाहकस्स पन हत्थे विस्सज्जनचेतना, परिणामनचेतना वा मुञ्चनचेतना नाम । सायेव निग्गहीतलोपेन “**मुचना**”ति वुत्ता । “**मुञ्चना**”इति येव वा पाठो । **पराति** अत्तना विस्सट्ठवत्थुम्हि आलयं अकत्वा “**साधु सुट्ठु अगं दानं मे दिन्न**”न्ति सोमनस्सचित्तेन पच्चवेक्खन्तस्स उप्पन्ना अपरभागचेतना । **तिस्सोपि चेतनाति** इति अयञ्च पुरिमा चेतना, अयञ्च मुञ्चनचेतना, अयञ्च अपरचेतनाति तिस्सोपि चेतना एकतो हुत्वा **दानमयं पुञ्जं होति**, दानमयपुञ्जकिरियवत्थु नाम होतीति अत्थो । “**पुञ्ज**”न्ति पदं अपेक्खित्वा “**होती**”ति एकवचननिद्वेसो । इदानी

यथावुत्तमत्थं सेसेसुपि अतिदिसन्तो आह “एवं सेसेसु दीपये”ति । सेसेसूति सीलादीसु पुञ्जकिरियवत्थूसु एवं यथावुत्तनयेन “सीलं रक्खिस्सामी”ति चिन्तेन्तस्स, “पब्बजिस्सामी”ति विहारं गच्छन्तस्स पवत्ता पुरिमचेतना, सीलं समादियन्तस्स, पब्बजन्तस्स, सीलं परिपूरेन्तस्स उप्पन्ना मज्झिमचेतना, “पूरितं मे”ति पच्चवेक्खन्तस्स उप्पन्ना अपरचेतनाति एवं तिस्सोपि चेतना एकतो हुत्वा सीलमयपुञ्जकिरियवत्थु नामा”तिआदिना दीपये, पकासेय्याति अत्थो । ननु च अत्तना कतपुञ्जानुस्सरणचेतना दिट्ठिजुकम्मसङ्गहिता, अयञ्च अपरचेतना सायेवाति कथमस्सा तत्थ सङ्गहोति? नायं दोसो, विसयभेदेन उभिन्नम्पि विसेससम्भावतो । पुञ्जानुस्सरणज्झि अत्तना कतपुञ्जविसयमेव । अयं पन तब्बत्थुविसयाति पाकटोयेव द्विन्नं विसेसोति ।

एत्तावता च यं वुत्तं “दसपुञ्जकिरियवत्थुवसेनेव पवत्तती”ति, तत्थ दसपुञ्जकिरियवत्थूनि सरूपतो, सङ्गहतो च निद्विसित्वा इदानीं तथापवत्तमानस्स चस्स पाटेकं पवत्ताकारविसयं दस्सेतुं “इदानी”तिआदि आरब्धं । तत्थ अयन्ति वक्खमाननिदस्सनं । दातब्बो धम्मो देय्यधम्मो, अन्नादिदसविधं वत्थु । वुत्तज्झि —

“अन्नं पानं वत्थं यानं, मालागन्धविलेपनं ।
सेय्यावसथपदीपेय्यं, दानवत्थू दसाविमे”ति ॥

पटिग्गाहको आदि येसं देसकालमिच्छादीनं ते पटिग्गाहकादयो, देय्यधम्मस्स, पटिग्गाहकादीनञ्च सम्पत्ति सम्पन्नता देय्यधम्मपटिग्गाहकादिसम्पत्ति । तत्थ देय्यधम्मस्स पणीतमनापभावो धम्मेन समेन उप्पन्नभावो देय्यधम्मसम्पत्ति । पटिग्गाहकानं अगगदक्खिण्यभावो पटिग्गाहकसम्पत्ति । दुल्लभअन्नपानादिको देसो देससम्पत्ति । तादिसोव कालो कालसम्पत्ति । दुल्लभअन्नपानादिके हि देसे, काले वा दिन्नं अज्झासयस्स बलवताय महप्फलं, सोमनस्सहेतुकञ्च होति, तस्मा ते दानस्स सम्पत्तिवसेन वुत्ता । मित्तसम्पत्ति पन कल्याणमित्तभावो । कल्याणमित्तज्झि निस्साय दानादीसु चित्तं ओदग्यप्पत्तं होति । परिचारिकसम्पत्ति पन अनाणत्तियापि तंतंकिच्चसम्पादने अप्पमत्तस्स परिचारिकजनस्स पटिलाभो । अज्जं वा सोमनस्सहेतुन्ति सद्भाबहुलताविसुद्धिदिट्ठितादिभेदं अज्जं सोमनस्सकारणं वा । आगम्माति उपागम्म, पटिच्चाति अत्थो । हट्ठपहट्ठोति सोमनस्सवसेन हट्ठो चेव पहट्ठो च । उभयेनपि अधिकसोमनस्सं वुत्तं । अत्थि... पे०... पवत्तन्ति “अत्थि दिन्नं, अत्थि यिट्ठं, अत्थि हुत्तं, अत्थि सुकतदुक्कटानं कम्मानं फलं विपाको, अत्थि अयं लोको, अत्थि परो लोको, अत्थि माता, अत्थि पिता, अत्थि सत्ता ओपपातिका, अत्थि लोके समणब्राह्मणा सम्मगता सम्मापटिपन्ना, ये इमञ्च लोकं परञ्च लोकं सयं अभिज्जा सच्छिक्त्वा उपसम्पज्ज विहरन्ती”ति (म० नि० १.४४१) एवं पवत्तं दसविधं सम्मादिट्ठिवत्थुवसेन चेव धम्मविचयसम्बोज्झङ्गट्टानियानादीनं वसेन च पवत्तं । आदि-सद्देन हि न केवलं नवन्नंयेव सम्मादिट्ठिवत्थूनं गहणं, अथ खो धम्मविचयसम्बोज्झङ्गट्टानियानाम्पि सङ्गहो । सम्मा जायेन पवत्ता दिट्ठि, पसत्था वा दिट्ठीति सम्मादिट्ठि, तं । पुरक्खत्वाति पुब्बङ्गमं कत्वा । तञ्च खो सहजातपुब्बङ्गमवसेन “मनोपुब्बङ्गमा धम्मा”तिआदीसु (ध० प० १-२) विय सम्पयोगस्स अधिप्पेतत्ता ।

अनुस्साहितोति लोभमच्छरियादिवसेन पुञ्जकिरियाय सङ्कोचं अनापज्जनतो अत्तना, परेन वा केनचि अनुस्साहितो हुत्वा । सभावतो हि पुञ्जप्पवत्तिदस्सनमिदं । परेहीति पन परपाकटुस्साहदस्सनवसेन वुत्तं । पठमन्ति देसनाक्कमेन, इध निद्विट्ठक्कमेन वा पठमं । महाकुसलचित्तन्ति सोमनस्ससहगततादिअङ्गपारिपूरिया महन्तं कुसलचित्तं । अथ वा पच्छिमभविक्कबोधिसत्तानं पटिसन्धिआकड्ढनतो महन्तं पूजितं कुसलचित्तन्ति महाकुसलचित्तं । सब्बेसम्पि हि सब्बज्जुबोधिसत्तानं पटिसन्धि मेत्तापुब्बङ्गमस्स तिहेतुकसोमनस्समयस्स असङ्खारिकचित्तस्स विपाकोति वुत्तं । एत्थ

“देय्यधम्म...पे०... हट्ठपहट्ठो”ति एत्तावता इमस्स सोमनस्ससहगतभावमाह, “सम्मादिट्ठिं पुरक्खत्वा”ति जाणसम्पयुत्तभावं, “अनुस्साहितो”ति पन इमिना असङ्गारिकभावन्ति दट्ठब्बं ।

वुत्तनयेनेवाति “देय्यधम्मपटिग्गाहकादिसम्पत्तिं, अज्जं वा सोमनस्सकारणं आगम्मा”ति एवं वुत्तनयेन । उस्साहितोति देय्यधम्मो सापेक्खादिताय, सीलसम्पदादीसु अनधिमुत्ततादीहि च पुज्जकिरियाय सङ्कोचापज्जनतो अत्तना, परेन वा केनचि उस्साहितो । परेहीति पन वुत्तनयमेव । करोति दानादीनि पुज्जानीति सम्बन्धो । तमेवाति सोमनस्ससहगतादिना तंसदिसताय वुत्तं । होति हि तंसदिसेपि तंवोहारो यथा च “सायेव तित्तिरी, तानियेव ओसधानी”ति । एत्थ पन “उस्साहितो”ति इमिना ससङ्गारिकतं दस्सेति । सेसं वुत्तनयमेव । इमस्मिं पनत्थेति इमस्मिं ससङ्गारिकसद्वाभिधेय्ये, उस्साहितव्वचित्तसङ्गाते अत्थे तं विसयेति अत्थो । पुब्बप्पयोगस्साति पुज्जकिरियाय सङ्कोचे जायमाने ततो विवेचेत्वा समुस्साहनवसेन पवत्तस्स चित्तप्पयोगस्स । पुब्ब-ग्गहणं पनेत्थ तथापवत्तपुब्बाभिसङ्गारवसेन सो पयोगो होतीति कत्वा वुत्तं, न तस्स पुब्बकालिकतायाति वुत्तोवायमत्थो ।

पटिपत्तिदस्सनेनाति भिक्खू दिस्वा देय्यधम्मपरिच्चजनवन्दनादिपटिपत्तिदस्सनेन । बलन्ति अनन्तीति बाला, अस्सासितपस्सासितमत्तेनेव जीवन्ति, न पज्जाजीवितेनाति अधिप्पायो । बालायेव बालका । ते पन इध “अत्थि दिन्न”न्ति आदिनयप्पवत्ताय सम्मादिट्ठिया अभावेन असज्जातबुद्धिनो दारका । पाकटवसेन चेत्थ बालक-ग्गहणं । सहसा करणादिकाले पन इतरेसम्पि जाणविप्पयुत्तं होतीति । सोमनस्सं जातं एतेसन्ति सोमनस्सजाता, जातसोमनस्साति अत्थो । सहसाति सीघं सीघं दातुकामताय उप्पत्तिसमकालमेव ।

एत्थ च “पटिपत्तिदस्सनेना”ति इमिना परेसं पयोगाभावमाह, “जातपरिचया”ति अत्तनो पयोगाभावं । उभयेनापि इमस्स असङ्गारिकभावं दीपेति । “बालका, सहसा”ति च इमेहि जाणविप्पयुत्तभावमाह, “भिक्खू...पे०... जाता”ति सोमनस्ससहगतभावं । अथ वा “पटिपत्ति...पे०... परिचया”ति इमिना असङ्गारिकभावस्स “बालका भिक्खू...पे०... जाता”ति च इमेहि जाणविप्पयुत्तसोमनस्ससहगतभावस्स च दीपितत्ता “सहसा”ति वचनेन यथावुत्तमेव जाणविप्पयुत्तसङ्गारिकभावं पकासेति । एवं सति पटिलोमतो सोमनस्ससहगतादिभावो दस्सितो होति । अनुलोमतो पन “सोमनस्सजाता”ति इमिना सोमनस्ससहगतभावं, सहसा-ग्गहणेन जाणविप्पयुत्तासङ्गारिकभावं दीपेति । “पटिपत्ति...पे०... दिस्वा”ति एत्तावता पन सोमनस्ससहगतादिभावस्स कारणं वुत्तन्ति । तेति ते जातका, ते बालकाति वा अत्थो । “सोमनस्सहेतूनं अभावं आगम्मा”ति इदं निदस्सनमत्तं दट्ठब्बं । मज्झत्तारम्मणं तथारूपे चेतोभिसङ्गारादयोपि हि उपेक्खासहगतताय कारणमेवाति । चित्तस्स सोमनस्साभावे पुग्गलस्सपि सोमनस्सरहितता होतीति “चतूसुपि...पे०... होन्ती”ति पुग्गलाधिद्वानं कत्वा वुत्तं, सोमनस्सरहिता होन्ति पुज्जं करोन्ताति अधिप्पायो । “एव”न्ति आदि निगमनं ।

इमेसु पन अट्ठसु विज्जाणेषु सोमनस्ससहगततो उपेक्खासहगतं बलवतरं, जाणविप्पयुत्ततो जाणसम्पयुत्तं, ससङ्गारिकतो असङ्गारिकं सदिसं बलवतरं । विसदिसं पन वेदनाजाणप्पयोगवसेन बलवं, दुब्बलज्ज होति । सोमनस्ससहगततिहेतुकसङ्गारिकतो हि उपेक्खासहगततिहेतुकसङ्गारिकं बलवतरं, उपेक्खासहगतदुहेतुकसङ्गारिकतो सोमनस्ससहगततिहेतुकसङ्गारिकं बलवतरं । इति चतुत्थचित्ततो ततियचित्तं बलवतरं, ततो अट्ठमचित्तं, ततो सत्तमचित्तं, ततो दुतियचित्तं, ततो पठमचित्तं, ततो छट्ठचित्तं, ततो पञ्चमचित्तन्ति एवमिमेसं बलवबलवतरभावो वेदितव्वो ।

२६. एवं पाळियं आगतनयेन वेदनाजाणप्पयोगभेदतो अट्ठविधतं निद्विसित्वा इदानीं अट्ठकथायं

आगतपुञ्जकिरियादीनं वसेनपि पभेदं दस्सेतुं “दस पुञ्जक्रियादीन”न्तिआदि वुत्तं । आदि-सद्देन छन्नं आरम्भणानं, चतुन्नं अधिपतीनं, तिण्णं कम्मानं, हीनादिभेदस्स च सङ्गहो दट्ठब्बो । तेनेवाहु —

“कमेन पुञ्जवत्थूहि, गोचराधिपतीहि च ।
कम्महीनादितो चापि, गणेय्य नयकोविदो”ति ॥

२७. इदानीं तथापवत्तमानस्स तस्स यो यो तेसं तेसं वसेन लब्भमानो गणनपरिच्छेदो, तं सम्पिण्डित्वा दस्सेतुं “सत्तरस सहस्सानि”तिआदि वुत्तं । तत्थेवं गणना वेदितब्बा — इमानि ताव अट्ठ विज्जाणानि दसन्नं पुञ्जकिरियवत्थूनं वसेन पवत्तनतो पच्चेकं दस दसाति कत्वा असीति चित्तानि होन्ति, तानि च छसु आरम्भणेषु पवत्तनतो छग्गुणितानि सासीतिकानि चत्तारि सतानि होन्ति, तानि चतुन्नं अधिपतीनं सहयोगवसेन चतुग्गुणितानि सहस्सं, वीसाधिकानि च नव सतानि होन्ति, तानि च कायवचीमनोसङ्घातानं तिण्णं कम्मानं वसेन तिगुणितानि ससट्ठिसत्तसताधिकानि पञ्च सहस्सानि होन्ति, तानि च हीनमज्झिमपणीतभेदतो तिगुणितानि सासीतिकद्विसताधिकानि सत्तरस सहस्सानि होन्तीति । ननु च जाणविप्पयुत्तचित्तानं वीमंसाधिपतिसहयोगाभावतो अधिपतिवसेन सहस्सं, सासीतिकानि च छ सतानि होन्तीति तानि कम्मादीनं वसेन सम्पिण्डितानि वीससताधिकानि पन्नरस सहस्सानि भवन्तीति? सच्चमेतं, सोतपतितवसेन पन तं अनादित्वा अधिपतिगणना गहिताति न तस्स वसेन गणनहानि कताति दट्ठब्बं ।

ननु च “सविपाकं कुसल”न्ति वुत्तं, तं पन कथं, कुहिं, किं फलतीति चोदनं सन्धायाह “तं पना”तिआदि । यस्मा तिहेतुकं कुसलं तिहेतुकं वा दुहेतुकं वा पटिसन्धिं देति, नाहेतुकं पटिसन्धिं देति । यदा च तिहेतुकं पटिसन्धिं जनेति, तदा पवत्ते सोळस विपाकानि अभिनिष्पादेति । यदा द्विहेतुकं, तदा द्वादस । दुहेतुकं पन दुहेतुकमहेतुकञ्च पटिसन्धिं जनेति, न तिहेतुकं । यदा च दुहेतुकं जनेति, तदा पवत्तियं द्वादस । यदा अहेतुकं, तदा अट्ठ । ये पन आगमनतो विपाकस्स सङ्खारभेदमिच्छन्ति, तेसं मतेन तिहेतुकं द्वादस, दस वा विपच्चति, दुहेतुकं दस, अट्ठ वा, तस्मा वुत्तं “यथानुरूप”न्ति । नानाविधसम्पत्तिद्वानभावतो सोभना, गन्तव्यतो गति चाति सुगति, कामावचरभवोव सुगति कामावचरसुगति । तस्सं कामावचरसुगतियं । भवभोगसम्पत्तिन्ति एत्थ च भवतीति भवो, उपपत्तिभवसङ्घातानं विपाकवखन्धकटत्तारूपानमेतं गहणं, भुज्जितव्वतो भोगो, पवत्तियं पटिलभितव्वसम्पत्ति, भवोति वा पटिसन्धि, भोगो सेसविपाककटत्तारूपेहि सह पवत्तियं पटिलभितव्वसम्पत्ति, भवो च भोगो च भवभोगो, तेयेव सम्पन्नभावतो सम्पत्ति, तेसं वा सम्पत्ति भवभोगसम्पत्ति, तं अभिनिष्पादेति, जनकवसेन च उपनिस्सयवसेन च साधेतीति अत्थो । एत्थ च भवभोगसम्पत्तीनं निरवसेसतो लब्भमानद्वानं सन्धाय “कामावचरसुगतियं”न्ति वुत्तं । सहेतुकविपाकवज्जं पन पवत्तिविपाककटत्तारूपसभावं भवसम्पत्ति, एकच्चभोगसम्पत्तिञ्च, भोगसम्पदमेव वा अविसेसेन सुगतियं दुग्गतियम्पि अभिनिष्पादेतियेव । नागसुपण्णादीनम्पि हिस्स देवसम्पत्तिसदिसं मनुज्जं भोगजातं, तव्विसयानि च विपाकचित्तानि, सुवण्णतासुस्सरतादि च तं सब्बं कामावचरकुसलस्सेव फलं । न हि अकुसलस्स इट्ठफलं अत्थि । वुत्तज्जेतं — “अद्वानमेतं अनवकासो, यं अकुसलस्स इट्ठो कन्तो विपाको संविज्जती”ति ।

कामावचरकुसलवण्णना निट्ठिता ।

रूपावचरकुसलवण्णना

इदानीं यस्मा कामावचरकुसलानन्तरं उट्ठिद्वस्स रूपावचरकुसलस्स निद्वेसावकासो अनुप्पत्तो, तस्मा तं दस्सनत्थं

“इतरेसू”तिआदि आरब्धं । तत्थ इतरेसूति यथावुत्तकामावचरकुसलतो इतरेसु, रूपावचरादीसूति अत्थो । सवत्थुकतो एकविधं एकन्तेन वत्थुसन्निस्सितत्ता । न हि अरूपावधुत्तयं रूपावचरधम्मा लब्धन्ति रूपविरागभावनाय निब्बत्तत्ता पुन रूपावचरज्झानसमापत्तिया अभावतो ।

हीनमज्झिमपणीतभेदतोति एत्थ पुब्बे विय अधिपतीनं हीनादिभावेहि ज्ञानस्स हीनादिभावो योजेतब्बो । अथ वा पटिलब्धमत्तमनासेवितं हीनं परिदुब्बलभावतो, नातिसुभावितं अपरिपुण्णवसिभावं मज्झिमं, अतिविय सुभावितं पन सव्वसो परिपुण्णवसिभावं पणीतं । तथा उल्लारपुज्जफलकामतावसेन पवत्तितं हीनं, लोकियाभिज्जत्थाय पवत्तितं मज्झिमं, विवेककामताय अरियभावे ठितेन पवत्तितं पणीतं । अत्तहिताय वा पवत्तितं हीनं, केवलं अलोभज्झासयेन पवत्तितं मज्झिमं, परहिताय पवत्तितं पणीतं । वट्टज्झासयेन वा पवत्तितं हीनं, विवेकज्झासयेन पवत्तितं मज्झिमं, विवट्टज्झासयेन लोकुत्तरपादकत्थं पवत्तितं पणीतं ।

पटिपदादिभेदतोति दुक्खपटिपदादन्धाभिज्जादीनं पटिपदाभिज्ज्ञानं भेदेन । पटिपदावचनेनेव वा तदविनाभावतो अभिज्जापि लब्धति । तथा हेत्थ पटिपदाचतुक्कन्ति वोहरन्तीति आदि-सद्देन अधिपतिआदीनं सङ्गहो दट्टब्बो, तस्मा पटिपदादिभेदतोति पटिपदाभेदतो, अधिपतिभेदतो, आरम्भणभेदतो, हानभागियादिभेदतोति अत्थो । तत्थ पटिपदाभेदतो ताव दुक्खपटिपदं दन्धाभिज्जं, दुक्खपटिपदं खिप्पाभिज्जं, सुखपटिपदं दन्धाभिज्जं, सुखपटिपदं खिप्पाभिज्जन्ति एवं चतुब्बिधं होति । तत्थ दुक्खा पटिपदा अस्साति दुक्खपटिपदं । दन्धा अभिज्जा अस्साति दन्धाभिज्जं । एस नयो “दुक्खपटिपदं खिप्पाभिज्ज”न्तिआदीसुपि ।

तत्थ अप्पहीननीवरणस्स, अविक्खम्भितज्ञाननिकन्तिकस्स च जाणकिच्चस्स अपरिब्यत्तताय परिनिद्धितसकलपुब्बकिच्चस्स “पथवी पथवी”ति वा “आपो आपो”ति वा एवं पवत्तपठमसमन्नाहारतो पट्टाय याव तस्स तस्स ज्ञानस्स उपचारुप्पत्तिया नीवरणप्पहानं, निकन्तिविक्खम्भनज्च होति, ताव पवत्ता पुब्बभागभावना पटिपदा नाम “पटिपज्जति ज्ञानं एताया”ति कत्वा । पहीननीवरणस्स, पन विक्खम्भितज्ञाननिकन्तिकस्स च जाणकिच्चस्स परिब्यत्तभावतो उपचारज्झानं आदिं कत्वा याव अप्पनाय उप्पत्ति, ताव पवत्ता पज्जा पुब्बभागपज्जाय विसिद्धभावतो अभिज्जा नाम, तस्मा यो आदितो किलेसे ज्ञाननिकन्तिज्च विक्खम्भेन्तो दुक्खेन ससङ्गारेन सप्पयोगेन किलमन्तो विक्खम्भेति, विक्खम्भितकिलेसज्ञाननिकन्ति च अप्पनापरिवासं वसन्तो चिरेन अङ्गपातुभावं पापुणाति, तस्स दुक्खपटिपदं, दन्धाभिज्जज्च ज्ञानं होति । यो पन ससङ्गारेन किलेसादिके विक्खम्भेत्वा न चिरेन अङ्गपातुभावं पापुणाति, तस्स दुक्खपटिपदं, खिप्पाभिज्जज्च । यो किलेसादिके विक्खम्भेन्तो सुखेन अकिलमन्तो विक्खम्भेति, अप्पनापरिवासं पन चिरायति, तस्स सुखपटिपदं, दन्धाभिज्जं । यो पन सुखेनेव किलेसादिके विक्खम्भेत्वा सीघमेव अप्पनं पापुणाति, तस्स सुखपटिपदं, खिप्पाभिज्जन्ति वेदितब्बं ।

सो पनायं पटिपदाभिज्ज्ञानं भेदो किलेसिन्द्रियाधिकारवसेन वेदितब्बो । यस्स हि रागादयो किलेसा तिब्बा होन्ति, सद्भापज्चमकानि च इन्द्रियानि मुदूनि । यो च समथविपस्सनासु अकताधिकारो, तस्स पवत्तज्ञानं दुक्खपटिपदं, दन्धाभिज्जज्च होति । तस्स हि किलेससमुदाचारतिब्बताय नीवरणविक्खम्भनस्स किच्छेन कसिरेन समिज्जनतो पटिपदा दुक्खा असुखा, तस्सेव सद्भादीनं इन्द्रियानं मुदुताय अभिज्जापि दन्धा मन्दा असीघप्पवत्तिनी होति । भवन्तरे वा समथे अकताधिकारत्ता पटिपदा दुक्खा, विपस्सनाय अकताधिकारत्ता अभिज्जापि दन्धा । यो पन वुत्तविपरीतो होति, तस्स किलेसानं अतिव्वसमुदाचारताय, इन्द्रियानज्च तिखीणताय समथविपस्सनासु कताधिकारताय यथाक्कमं सुखपटिपदा,

खिप्पाभिज्जा च होति । भवन्तरे कतपरिचयस्स हि यथा पगुणं कत्वा विस्सट्ठगन्थो अप्पमत्तकेन पयोगेन सुप्पवत्ति वाचुग्गतो च होति, एवं भावना अप्पकसिरेनेव इज्झतीति । स्वायं अकतो, कतो च अधिकारो समथनिस्सितो पटिपदायं वुत्तो समाधिप्पधानत्ता पटिपदाय । विपस्सनानिस्सितो अभिज्जाय जाणप्पधानत्ता अप्पनायाति दट्ठब्बं ।

यो पन तिब्बकिलेसो तिक्खिन्द्रियो विपस्सनायमेव वा कताधिकारो होति, तस्स वुत्तनयेन दुक्खा पटिपदा, खिप्पा पन अभिज्जा होति, तब्बिपरीतस्स सुखपटिपदा दन्धाभिज्जाति । तस्मा किलेसानं तिब्बमन्दभावतो, इन्द्रियानं तिक्खिणमुदुभावतो, पुब्बपरिचयस्स च सम्भवासम्भववसेनाति एवं किलेसिन्द्रियाधिकारवसेन इमासं भेदो वेदितब्बो ।

अपिच यानि परतो सप्पायासप्पायानि, पलिबोधुपच्छेदादीनि पुब्बकिच्चानि, अप्पनाकोसल्लानि च आगमिस्सन्ति, तेसु यो उपचाराधिगमतो पुब्बे, पच्छा च असप्पायसेवी होति, तस्स दुक्खा पटिपदा, दन्धा च अभिज्जा होति । उभयतथ सप्पायसेविनो सुखा पटिपदा, खिप्पा च अभिज्जा । यो पन ततो पुब्बभागे असप्पायं सेवित्वा अपरभागे सप्पायसेवी होति, तस्स दुक्खा पटिपदा, खिप्पा अभिज्जा । तब्बिपरीतस्स सुखा पटिपदा, दन्धा अभिज्जा च वेदितब्बा ।

तथा पलिबोधुपच्छेदादिपुब्बकिच्चं असम्पादेत्वा भावनमनुयुज्जन्तस्स सपरिपन्थताय दुक्खा पटिपदा, विपरियायेन अपरिपन्थताय सुखा । अप्पनाकोसल्लानि असम्पादेन्तस्स जाणस्स अविसदताय दन्धा अभिज्जा होति, सम्पादेन्तस्स विपरियायतो खिप्पा अभिज्जाति । किञ्च — तण्हाविज्जातिभवनवसेन एतासं भेदो वेदितब्बो । तण्हाभिभूतस्स हि दुक्खा पटिपदा होति तस्सा समाधिस्स उजुपटिपक्खत्ता समथपटिपदाय परिपन्थकभावतो, अनभिभूतस्स तदभावतो सुखा । अविज्जाभिभूतस्स च तस्सा पज्जाय उजुपटिपक्खभावतो दन्धा अभिज्जा, इतरस्स खिप्पा अभिज्जाति । सो पनायं पटिपदाभेदो केवलं समथभावनावसेन पटिलद्धज्झानस्स, मग्गाधिगमवसेन पटिलद्धज्झानस्स पन नत्थि दुक्खपटिपदादिभेदो । केचि पन मग्गवसेनेव तस्स पटिपदादिभेदं वण्णेन्ति “मग्गस्स हि दुक्खपटिपदादिभावे तस्मिं दुक्खपटिपदादिक”न्ति ।

अधिपतिभेदादीसु पन छन्दाधिपतेय्यं चित्ताधिपतेय्यं वीरियाधिपतेय्यं वीमंसाधिपतेय्यन्ति एवं अधिपतिभेदतो, परित्तं परित्तरम्मणं, परित्तं अप्पमाणारम्मणं, अप्पमाणं परित्तरम्मणं, अप्पमाणं अप्पमाणारम्मणन्ति एवं आरम्मणभेदतो, हानभागियं ठितिभागियं विसेसभागियं निब्बेधभागियन्ति एवं हानभागियादिभेदतो च चतुब्बिधता वेदितब्बा । तत्थ “छन्दवतो चे ज्ञानं निब्बत्तिस्सति, मय्हम्पि निब्बत्तिस्सती”ति एवं छन्दं धुरं कत्वा उप्पन्नं **छन्दाधिपतेय्यं** । एस नयो “**चित्ताधिपतेय्या**”दीसुपि । अप्पगुणं पन उपरिज्ञानस्स पच्चयो भवितुं असक्कोन्तं **परित्तं**, सुप्पसरावमत्तेसु अवट्ठितारम्मणेसु निब्बत्तं **परित्तरम्मणं** । वुत्तपटिपक्खतो पन यथाक्कमं **अप्पमाणारम्मणा**दीनि वेदितब्बानि । हानभागियादिविसेसं सयमेव वक्खति ।

ज्ञानङ्गयोगभेदतोति कत्थचि पज्ज ज्ञानङ्गानि, कत्थचि चत्तारि, कत्थचि तीणि, कत्थचि द्वे, कत्थचि अपरानि द्वेति एवं ज्ञानङ्गानं सम्पयोगभेदतो । ननु चेत्य कामावचरकुसले विय सङ्खारभेदो कस्मा न गहितो । इदम्पि हि केवलं समथानुयोगवसेन पटिलद्धं ससङ्खारं, मग्गाधिगमवसेन पटिलद्धमसङ्खारं, तस्मा “ज्ञानङ्गसङ्खारयोगभेदतो दसविध”न्ति वत्तब्बन्ति? नयिदमेवं, मग्गाधिगमवसेन सत्तितो पटिलद्धस्सापि अपरभागे परिकम्मवसेनेव उप्पज्जनतो, तस्मा सब्बस्सपि ज्ञानस्स परिकम्मसङ्घातपुब्बाभिसङ्खारेन विना केवलं अधिकारवसेन अनुप्पज्जनतो “असङ्खार”न्तिपि वत्तुं न सक्का, अधिकारेन च विना केवलं परिकम्माभिसङ्खारेनेव अनुप्पज्जनतो “ससङ्खार”न्तिपि वत्तुं न सक्काति ज्ञानङ्गयोगभेदतो पज्जविधता च वुत्ताति ।

कामच्छन्दो व्यापादो धिनमिद्धं उद्धच्चकुक्कुच्चं विचिकिच्छाति इमानि पञ्च नीवरणानि विप्पहीनानि एतस्साति **कामच्छन्द...पे०... विप्पहीनं**। “अग्याहितो”ति एत्थ आहित-सदस्स विय विप्पहीन-सदस्सेत्थ परवचनं दट्ठब्बं। कामच्छन्दादीहि वा विप्पहीनं विसंयुत्तं तेसं पहायकभावेनाति **कामच्छन्द...पे०... विप्पहीनं**। तत्थ कामेतीति कामो, छन्दनट्ठेन छन्दो चाति कामच्छन्दो, बहलकामरागस्सेतं अधिवचनं। व्यापादादीनमत्थं वक्खति। यस्मा कामच्छन्दादीसु अप्पहीनेसु ज्ञानं नुप्पज्जति, तस्मा तानिस्स पहाणङ्गानीति वेदितब्बानि। ननु अज्जेपि अकुसला धम्मा इमिना ज्ञानेन पहीयन्ति, अथ कस्मा पञ्चेव पहाणङ्गवसेन वुत्तानीति? विसेसेन ज्ञानन्तरायकरत्ता। कामच्छन्दवसेन हि नानाविसयपलोभितं चित्तं न एकत्तारम्मणे समाधियति। कामच्छन्दाभिभूतं वा नानाविसयसमुपब्यूळ्हाय कामधातुया पहाणपटिपदं न पटिपज्जति, व्यापादेन च आरम्मणे पटिहज्जमानं न समाहितं पवत्तति, धिनमिद्धाभिभूतं अकम्मज्जं होति, उद्धच्चकुक्कुच्चपरेतं अवूपसन्तमेव हुत्वा परिब्भमति, विचिकिच्छाउपहतं ज्ञानाधिगमपटिपदं नारोहति “सम्मासम्बुद्धो नु खो, न नु खो, पथवी पथवी”तिआदिना पवत्तमनसिकारेण “ज्ञानं सिया नु खो, न नु खो”तिआदिना विचिकिच्छन्तस्स ज्ञानाधिगमपटिपदाय असंसिज्जनतो। यतो वक्खति —

“भागी अस्समहं अब्धा, इमाय पटिपत्तिया।
पविवेकसुखस्साति, कत्वा उस्साहमुत्तम”न्ति॥

तस्मा समाधिआदीनं उजुविपच्चनीकभावेन विसेसेन ज्ञानाधिगमस्स अन्तरायकरणतो एतानेव पहाणङ्गानीति वुत्तानि। होति चेत्थ —

“पच्चनीका यतो पञ्च, समाधादीनमेत्थ हि।
ज्ञानन्तरायिका तस्मा, पहाणङ्गे नियामिता”ति॥

एवमिदं पहाणङ्गवसेन दस्सेत्वा इदानीं सम्पयोगङ्गवसेन दस्सेतुं “**वितक्क...पे०... सम्पयुत्त**”न्ति वुत्तं। तत्थ वितक्कादयो वचनत्थलक्खणादिवसेन उपरि आगमिस्सन्ति। यस्मा पन इमेसु उप्पन्नेसु ज्ञानं उप्पन्नं नाम होति, तेनस्स इमानि सम्पयोगङ्गानीति वेदितब्बानि, तस्मा न एतेहि समन्नागतं अज्जदेव ज्ञानं नाम अत्थीति गहेतब्बं। यथा पन नेमिआदिअङ्गसमुदाये रथादिवोहारो होति, एवं ज्ञानङ्गसमुदाये ज्ञानवोहारो। वुत्तम्पि हेतं **विभङ्गे** “ज्ञानन्ति वितक्को विचारो पीति सुखं चित्तस्सेकगता”ति (विभ० ५६९)। कस्मा पन अज्जेसुपि फस्सादीसु सम्पयुत्तधम्मेसु विज्जमानेसु इमानियेव पञ्च ज्ञानङ्गवसेन वुत्तानीति? वुच्चते — उपनिज्झानकिच्चवन्तताय, कामच्छन्दादीनं उजुपटिपक्खभावतो च। वितक्को हि आरम्मणे चित्तं अभिनिरोपेति, विचारो अनुबन्धति। एवं ज्ञानाधिगमस्स विसेसपच्चयभूतेहि तेहि अविक्खेपाय समादहितपयोगस्स चेतसो पयोगसम्पत्तिसमुद्धाना पीति पीणनं, सुखञ्च उपब्रूहणं करोति। अथ नं ससम्पयुत्तधम्मं एतेहि अभिनिरोपनानुबन्धनपीणनउपब्रूहणेहि अनुगगहिता एकगता समाधानकिच्चेन अत्तानं अनुवत्तापेन्ती एकत्तारम्मणे समं, सम्मा च आधियति, इन्द्रियसमतावसेन समं, पटिपक्खधम्मानं दूरीभावेन लीनुद्धच्चाभावेन सम्मा च ठपेतीति एवमेतेसमेव उपनिज्झानकिच्चं आवेणिकं। कामच्छन्दादिपटिपक्खभावेन पन सयमेव वक्खति। एवं उपनिज्झानकिच्चवन्तताय, कामच्छन्दादीनं उजुपटिपक्खभावतो च इमेयेव पञ्च ज्ञानङ्गभावेन ववत्थिताति। यथाहु —

“उपनिज्झानकिच्चत्ता, कामादिपटिपक्खतो।
सन्तेसुपि च अज्जेसु, पञ्चेव ज्ञानसज्जिता”ति॥

देसनाक्कमतो, महग्गतधम्मेषु पठमं अधिगन्तब्बतो च **पठमं**, पठमं समापज्जितब्बन्तिपि **पठमन्ति** वदन्ति । तं पन न एकन्तलक्खणं ज्ञानपटिलोमादिवसेन समापज्जने असम्भवतो ।

पुरिमपच्छिमचित्तेसु उप्पज्जमानस्सापि अप्पनाक्खणे अनुप्पज्जनतो वितक्को विप्पहीनो एतस्स, ततो वा एतं विप्पहीनन्ति **वितक्कविप्पहीनं** । भावनाय हि पहीनत्ता वितक्को ज्ञानक्खणे नुप्पज्जति । असंकिलिद्वसभावत्ता पन उपचारभावनाय च तं पहातुं असमत्थभावतो पुरिमभागे, पच्छाभागे च अपच्चनीकचित्तप्पवत्तितो उप्पज्जतियेवाति ।

ननु च “असंकिलिद्वसभावत्ता”ति वुत्तं, अथ कथं ज्ञानेन एस पहीयति? न हि कुसलेहि असंकिलिद्वधम्मस्स पहानं अत्थि रागादिसंकिलिद्वानं पापधम्मानमेतस्स उजुपटिपक्खभावतोति? वुच्चते — असंकिलिद्वसभावस्सापि एतस्स ओळारिकताय दुब्बलभावतो ज्ञानक्खणे अनुप्पत्तिसभावापादनत्थं तत्थ निकन्तिविक्खम्भनवसेन दुतियज्ज्ञानभावना होतीति तस्सा बलेन तं ज्ञानक्खणे अनुप्पज्जन्तं निकन्तिविक्खम्भनवसेन वा विक्खम्भितं पहीनं नाम होति । यदि एवं उपचारेनपि निकन्ति विक्खम्भीयतीति तत्थपिस्स पहानं सिया, यथा पठमज्ज्ञानस्स उपचारे नीवरणानीति? नयिदमेवं, नीवरणप्पहानस्स विय वितक्कारम्मणिकनिकन्ति विक्खम्भनस्स उपचारेन सातिसयं अनिप्फज्जनतो । सातिसयज्झि तत्थ निकन्तिप्पहानं अप्पनाय एव होति, तस्मा यदवोचुम्हा “उपचारभावनाय च तं पहातुं असमत्थभावतो”ति, तं सुदु उपपरिक्खित्वा वुत्तन्ति दट्ठब्बं । “**विचारविप्पहीनं**”न्तिआदीसुपि वुत्तनयानुसारेण अत्थो दट्ठब्बो । दुतियज्ज्ञानेयेव पहीनस्स वितक्कस्स इध अप्पवत्तिमत्तदस्सनत्थं “**वितक्कविचारविप्पहीनं**”न्ति वितक्क-ग्गहणं कतं । एवं “**वितक्कविचारपीतिविप्पहीनं**”न्तिआदीसुपि ।

यथासम्भवन्ति पथवीकसिणादीसु यं यं आरम्भणं यस्स यस्स सम्भवति, तदनतिक्कमतो । कसिणानापानेसु हि पञ्चेव ज्ञानानि पवत्तन्ति, असुभकायगतासतीसु पठमज्ज्ञानं, अनुपेक्खाब्रह्मविहारेसु पञ्चमज्ज्ञानवज्जानि, उपेक्खाब्रह्मविहारे पञ्चमज्ज्ञानन्ति ।

पथवीकसिणादीसूति एत्थ **आदि-**ग्गहणेन केवलं आपोकसिणादीनमेव, अथ खो असुभादीनम्पि अप्पनावहकम्मट्टानानं सङ्गहोति दट्ठब्बं । एत्थ च अभिभायतनविमोक्खज्ञानानि पवत्ताकारमत्ततो भिन्नानि, आरम्भणतो पन कसिणायतनानेव होन्तीति कसिणायतनज्ञानेहेव तानि सङ्गहितानि । “**यथासम्भवं...पे०... अनेकविधं**”न्ति वा वचनेन रूपावचरज्ज्ञाने सब्बोपि लब्धमानकभेदो सङ्गहितोति अभिभायतनविमोक्खज्ञानानि विसुं न वुत्तानि, तानि पन सरूपतो एवं वेदितब्बानि ।

तत्थ जाणुत्तरस्स योगावचरस्स पथवीकसिणादिआरम्भणं अभिभवित्वा “न मेत्थ अप्पनानिब्बत्तने भारो”ति पटिपन्नस्स निमित्तुप्पत्तितो उद्धं दुतियततियवीथियं, चतुत्थपञ्चमवीथियं वा पटिलद्धं ज्ञानं **अभिभायतनं** नाम । तज्झि आरम्भणं अभिभवतीति अभिभू, योगिनो सुखविसेसानं अधिद्वानताय, मनायतनधम्मायतनपरियापन्नताय वा आयतनन्ति अभिभायतनं, अभिभवितब्बं वा अभिभू, आलम्बणं, तं आयतनमस्साति अभिभायतनं । अथ वा आलम्बणाभिभवनतोयेव अभिभू, परिकम्मं, जाणं वा, तं आयतनं कारणमस्साति अभिभायतनं । परिकम्मं, जाणं वा आलम्बणं अभिभवित्वा पवत्तमानं उपचारुप्पत्तितो पञ्चमवीथिमनतिक्कमित्वा अप्पनं निब्बत्तेति । पञ्चमवीथितो परं निब्बत्तं पन अभिभवितुकामताय निब्बत्तितम्पि अभिभायतनं नाम न होति । सामज्जगतिया पन कसिणायतनमेव होति । इममेव हि सीघतरप्पवत्तिं सन्धाय **अट्ठकथायं** “तानि अभिभवित्वा समापज्जति, सह निमित्तुप्पादेनेवेत्थ अप्पनं निब्बत्तेती”ति (ध० स० अट्ठ० २०४) वुत्तं । ननु च अट्ठकथायं यथारुतवसेनेव अत्थो कस्मा न गय्हति । “सह

निमित्तुप्पादेनेवा”ति (ध० स० अट्ठ० २०४) हि वुत्तत्ता निमित्तुप्पत्तिया सहुप्पन्नं ज्ञानमभिभायतनन्ति विज्जायतीति? नयिदमेवं, निमित्तुप्पादेन सह अप्पनाय असम्भवतो । निमित्तुप्पादोति हि इध पटिभागनिमित्तस्स उप्पत्ति तदारम्मणस्स वा उपचारज्झानस्स, किं ताव पटिभागनिमित्तुप्पत्तिया सह अप्पनाय निब्बत्ति उपचारज्झाने असति तस्सा असम्भवतो, नापि उपचारज्झानेन सह एकवीथियं निब्बत्ति तस्सा उपचारभावनापबन्धसेवितब्बभावेन तदा असम्भवतो, तस्मा नातिचिरायनप्पवत्तिदस्सनत्थं समीपिम्हि समीपकारीयूपचारेन अट्ठकथायं तथा वुत्तन्ति वेदितब्बं । यदि निमित्तुप्पत्तितो नातिचिरप्पवत्तमभिभायतनं, कथं तस्स दन्धाभिज्जाखिप्पाभिज्जाभेदो पाळियं वुत्तोति? वुच्चते — चतुत्थपञ्चमजवनवीथियं उप्पन्नं चिरकालनिब्बत्तिताय दन्धाभिज्जं, दुतियततियवीथियं उप्पन्नं तब्बिपरीतलक्खणताय खिप्पाभिज्जन्ति । केचि पन “अभिभायतनं नाम वसिभावप्पत्तमेव, नेतर”न्ति वदन्ति, तं तेसं मतिमत्तं, वसिभावप्पत्तिया निमित्तुप्पत्तितो दूरतरभावेन “सह निमित्तुप्पादेनेवेत्थ अप्पन्नं निब्बत्तेती”ति अट्ठकथावचनेन सह विरुज्जनतो ।

अपिच वसिभावप्पत्तं ज्ञानं अभिभवनकारणनिरपेक्खं वसिभावबलेनेव सक्कच्चं समापज्जितुं न सक्काति न तं अभिभायतनं नाम होति, तस्मा अप्पत्तवसिभावा पठमुप्पन्नायेव अभिभायतनन्ति निट्ठमेत्थ गन्तब्बं । यदि एवं कथं “अप्पमाणं परित्तरम्मणं, अप्पमाणं अप्पमाणारम्मण”न्ति (ध० स० २१२-२१३) अभिभायतनदेसनायं वुत्तं । वसिभावप्पत्तज्झि ज्ञानं अप्पमाणन्ति वुच्चति । इदञ्च उप्पन्नमत्तत्ता परित्तमेवाति? नायं दोसो । पठमं अभिभायतनवसेन पटिलद्धज्झानं पच्छा वसिभावप्पत्तम्पि अभिभायतननाममेव लभतीति वसिभावप्पत्तमभिभायतनं अप्पमाणं, इतरं परित्तं ।

अथ वा वसिभावप्पत्तं अप्पमाणन्ति उक्कंसगतिपरिग्गहवसेन वुच्चति । तं पन यं बलवतरं, तं अप्पमाणन्ति इमस्स अत्थस्स उपलक्खणं कत्वा वदन्ति । बलवभावनिबन्धनं अप्पमाणत्तं । बलवभावो च पठमअप्पनावारतो पच्छिमपच्छिमअप्पनावारानं बलवताय अवसितापत्तेपि ज्ञाने सम्भवतीति बलवन्तं अप्पमाणं, इतरं परित्तन्ति एवं अवसितापत्तेपि ज्ञाने अप्पमाणादिभावो वेदितब्बो । अथ वा अप्पनाय बलवभावो नाम उपचारस्स बलवताय सति होति । उपचारञ्च तं बलवं, यं सहसा अप्पन्नं उप्पादेतुं सक्कुण्येय्य, तस्मा खिप्पाभिज्जानं द्विन्नं अभिभायतनज्ञानानं उपचारवीथिया अनन्तरं दुतियवीथियं उप्पन्नं उपचारज्झानस्स बलवताय सयम्पि बलवतरन्ति अप्पमाणं नाम होति । दुतियवीथिमतिक्कमित्वा ततियवीथियं उप्पन्नं तदितरसभावताय परित्तं । तथा दन्धाभिज्जानं चतुत्थवीथियं उप्पन्नं अप्पमाणं । पञ्चमवीथियं उप्पन्नं परित्तन्ति । अथ वा यत्थ कत्थचि अप्पनावीथियं पञ्चमं उप्पज्जनकअप्पनातो चतुत्थं उप्पज्जमानाय बलवभावोति तंवसेनापेत्य परित्तअप्पमाणता वेदितब्बा ।

तं पनेतं गणनतो अट्ठविधं होति । यथाह —

“अज्झत्तं अरूपसज्जी बहिद्धा रूपानि पस्सति परित्तानि, ‘तानि अभिभुय्य जानामि पस्सामी’ति एवंसज्जी होति । अज्झत्तं अरूपसज्जी बहिद्धा रूपानि पस्सति परित्तानि सुवण्णदुब्बण्णानि । अज्झत्तं अरूपसज्जी बहिद्धा रूपानि पस्सति अप्पमाणानि । अज्झत्तं अरूपसज्जी बहिद्धा रूपानि पस्सति अप्पमाणानि सुवण्णदुब्बण्णानि, तानि अभिभुय्य जानामि पस्सामि । नीलानि नीलवण्णानि नीलनिदस्सनानि नीलनिभासानि, तानि अभिभुय्य जानामि पस्सामि । पीतानि पीतवण्णानि पीतनिदस्सनानि पीतनिभासानि । लोहितानि लोहितवण्णानि लोहितनिदस्सनानि लोहितनिभासानि । ओदातानि ओदातवण्णानि ओदातनिदस्सनानि ओदातनिभासानि, ‘तानि अभिभुय्य जानामि पस्सामी’ति एवंसज्जी होती”ति (दी० नि० २.१७३; ३.३३८; म० नि० २.२४९; अ० नि० १.४२७-४३४; ८.६५) ।

तत्थ अज्झत्तं अरूपसज्जीति अलाभिताय वा अनत्थिकताय वा अज्झत्तेसु केसादीसु परिकम्मअप्पनासज्जाविरहितो । बहिद्वा रूपानि पस्सतीति बहिद्वा अट्ठसु कसिणेषु, चतूसु भूतकसिणेषु एव वा कतपरिकम्मकताय परिकम्मवसेन चैव अप्पनावसेन च तानि बहिद्वा अट्ठ, चत्तारि वा कसिणरूपानि पस्सति । परित्तानीति अमहन्तानि । अभिभुय्याति यथा महग्घसो सम्पन्नगहणिको पुरिसो कटच्छुमत्तं भत्तं लभित्वा “किं एत्थ भुज्जितब्बं भत्तं अत्थी”ति सङ्कट्टित्वा सब्बं एककबळमेव करोति, एवमेव जाणुत्तरिको पुग्गलो विसदजाणो “किं एत्थ परित्तके आरम्मणे समापज्जितब्बं अत्थि, नायं मम भारो”ति तानि रूपानि परिकम्मेन, जाणेन वा अभिभवित्वा समापज्जति । हेट्ठा वुत्तनयेन सीघं अप्पनं निब्बत्तेति । “जानामि पस्सामी”ति इमिना पनस्स पुब्बाभोगो कथितो, तदागमनतो च अन्तोसमापत्तियं चित्ताभिसङ्खारो । इतरथा अनेन आभोगमत्ते कथिते तेन साधितब्बं ज्ञानं न वुत्तं होति, अभिभायतनदेसनावायं ज्ञानविसयाति । आगमद्वकथासु पन समापत्तितो वुट्ठितस्स पुब्बभागभावनावसेन ज्ञानक्खणे पवत्तमभिभवनाकारं गहेत्वा पवत्तमाभोगं सन्धाय —

“इमिना पनस्स आभोगो कथितो । सो च खो समापत्तितो वुट्ठितस्स, न अन्तोसमापत्तियं”न्ति (दी० नि० अट्ठ० २.१७३; म० नि० अट्ठ० २.२४९; अ० नि० अट्ठ० ३.८.६५) वुत्तं ।

दुतिये सुवण्णदुब्बण्णानीति परिसुद्धापरिसुद्धवण्णानि । परिसुद्धानि हि नीलादीनि सुवण्णानि, अपरिसुद्धानि दुब्बण्णानीति इध अधिप्पेतानि ।

ततिये अप्पमाणानीति वुट्ठिप्पमाणानि विपुलानि खलमण्डलादीनि । वट्ठनवसेन पनेत्थ अप्पमाणता न गहिता कसिणवट्ठनस्स इध असम्भवतो । कसिणस्स हि द्वे वट्ठनभूमियो उपचारभूमि, अप्पनाभूमि वा । तत्थ न ताव इध उपचारभूमियं वट्ठनं सम्भवति । निमित्तुप्पत्तिया समकालं विय उप्पज्जमाने ज्ञाने कुतो तस्स ओकासोति, नापि अप्पनाभूमियं । वट्ठितस्स पठमुप्पन्नज्ञानारम्मणता न युज्जति, तस्मा सभावमहन्तानेव आलम्बणानि इध अप्पमाणानीति अधिप्पेतानि । केचि पन “वट्ठितवसेनेव अप्पमाणानीति गहेत्वा पठमं अभिभवनिच्छाय अभावेन वट्ठेत्वा पच्छा अभिभवनिच्छाय सति अभिभवनाकारेण पवत्तो तस्मिं अप्पनं निब्बत्तेतीति अप्पनं पटिलभित्वा वट्ठितनिमित्तेसु इदं अभिभायतनं वुत्तं”न्ति वदन्ति ।

चतुत्थे अभिभुय्याति अभिभवित्वा । यथा नाम सम्पन्नगहणिको महग्घसो पुरिसो एकं भत्तवट्ठितकं लभित्वा “अज्जापि होतु, अज्जापि होतू”ति किं एस मय्हं करिस्सती”ति न तं महन्ततो पस्सति, एवमेव जाणुत्तरो विसदजाणो पुग्गलो “किं एत्थ समापज्जितब्बं, नयिदं अप्पमाण”न्ति मय्हं चित्तेकग्गताकरणे भारो”ति अभिभवित्वा समापज्जति । वुत्तनयेनेव अप्पनं निब्बत्तेति ।

पञ्चमे नीलानि... पे०... नीलनिभासानीति एतानि परियायनामानीति तत्थ “नीलानी”ति सब्बसङ्गाहकवसेन वुत्तं । एतकेयेव पन वुत्ते तंयोगतो तब्बोहारेण गुणयुत्तेपि पसङ्गो सियाति तन्निवारणत्थं “नीलवण्णानी”ति वण्णवसेन वुत्तं । एवम्पि हि बहुब्बीहिवसेन गुणोपि पसङ्गो होतीति “नीलनिदस्सनानी”ति निदस्सनवसेन वुत्तं । निदस्सितब्बज्झि निदस्सनं, चक्खुना दट्ठब्बं रूपं । ततो सेतादिनिवारणत्थं नील-सद्देन सह समासो कतोति अपज्जायमानचीवरानि असम्भिन्नवण्णानि एकनीलानेव हुत्वा दिस्समानानीति वुत्तं होति । “नीलनिभासानी”ति इदं पन ओभासवसेन वुत्तं, नीलोभासानि नीलप्पभायुत्तानीति अत्थो । एतेन तेसं सुविसुद्धत्तं दस्सेति । “पीतानी”ति आदीसुपि इमिनाव नयेन अत्थो वेदितब्बो । अट्ठसु चेत्तेसु पुरिमं अभिभवनाकारेण वण्णाभोगरहितानि अट्ठपि कसिणानि परित्तानि आरम्मणं कत्वा उप्पन्नं सन्धाय वुत्तं ।

ततियं तथा अप्पमाणानि । दुतियचतुत्थानियेव द्वे वण्णाभोगसहितानि आरब्ध उप्पन्नं, न पन वण्णकसिणवसेन उप्पन्नं तस्स विसुं वक्खमानत्ता ।

पञ्चमादीनि पन तेसु कताधिकारे सन्धाय सुविसुद्धवण्णवसेनेव देसितानि । न हि तेसं अभिभवनस्स परित्तता, अप्पमाणता वा कारणं, अथ खो सुविसुद्धनीलादिभावो । तत्थ हि ते कताधिकाराति । ननु च **आगमदुक्थासु** “सुवण्णानि वा होन्तु दुब्बण्णानि वा, परित्तअप्पमाणवसेनेव इमानि अभिभायतनानि देसितानी”ति (दी० नि० अट्ठ० २.१७३; म० नि० अट्ठ० २.२४९; अ० नि० अट्ठ० ३.८.६५) वुत्तन्ति? सच्चं, तं पन आगमे अभिभायतनानं अज्जथा आगतत्ता वुत्तं । तत्थ हि

“अज्झत्तं रूपसज्जी एको बहिद्धा रूपानि पस्सति परित्तानि सुवण्णदुब्बण्णानि, अप्पमाणानि सुवण्णदुब्बण्णानि, अज्झत्तं अरूपसज्जी एको बहिद्धा रूपानि पस्सति परित्तानि सुवण्णदुब्बण्णानि, अप्पमाणानि सुवण्णदुब्बण्णानी”ति (दी० नि० २.१७३; ३.३३८; म० नि० २.२४९; अ० नि० १.४२७-४३४; ८.६५) —

एवं चत्तारियेव अभिभायतनानि आगतानि, तस्मा **तददुक्थासु** वण्णाभोगे विज्जमाने अविज्जमानेपि परित्तअप्पमाणतावसेनेव इमेसं देसितभावो वुत्तो । परित्तअप्पमाणता हि इमेसु चतूसु अभिभवनस्स कारणं वण्णाभोगे विज्जमाने अविज्जमानेपीति । ननु च सब्बत्थ “सुवण्णदुब्बण्णानी”ति वचनतो वण्णाभोगसहितानियेव तत्थ गहितानीति? तं न, वण्णाभोगरहितानि, सहितानि च सब्बानि परित्तानि एकतो कत्वा “परित्तानि सुवण्णदुब्बण्णानी”ति वुत्तानि, तथा “अप्पमाणानि सुवण्णदुब्बण्णानी”ति । यदि एवं कथं विसिद्धानं वण्णाभोगरहितानं, सहितानञ्च एकज्झं मनसिकारो, न एकज्झं, विसुंयेव तेसं मनसिकारो । यदि एवं विसुं कथमेकत्तन्ति? परित्तभावसामञ्जतो । यदि एवं सुवण्णदुब्बण्ण-गहणमतिरिच्चति अवसिद्दोति? नातिरिच्चति परियायदेसनाभावतो । अत्थि हि एस परियायो, यदिदं वण्णाभोगजनिताजनितं विसेसं अगहेत्वा परित्तभावसामञ्जेन एकत्तं नेत्वा “परित्तानि अभिभुय्या”ति वत्वा पुन तदन्तोगधमेव पभेदं विनेय्यवसेन दस्सेतुं तानि च कदाचि वण्णवसेन आवज्जितानि होन्ति, “सुवण्णदुब्बण्णानि अभिभुय्या”ति वत्तब्बताय वण्णाभोगरहितानि, सहितानि च विसुं मनसि कत्वा उभयत्थापि वण्णाभोगरहितपरित्ताभिभवने, तंसहितपरित्ताभिभवने च परित्ताभिभवनसामञ्जं गहेत्वा एकत्तं कतन्ति । **अभिधम्मे** पन निप्परियायदेसनत्ता वण्णाभोगरहितानि, सहितानि च विसुं वुत्तानि । अत्थि हि उभयत्थाभिभवनविसेसोति । होतु ताव, एवं सुत्ताभिधम्मपाठविसेसतो अट्ठकथाय पाठभेदे पन को अधिप्पायोति? वुच्चते — सुत्तन्ते हि पठमविमोक्खं द्वेधा भिन्दित्वा पठमदुतियअभिभायतनानि वुत्तानि, परियायदेसनत्ता विमोक्खानम्पि अभिभवनपरियायो विज्जतीति “अज्झत्तं रूपसज्जी”ति अभिभायतनद्वयं वुत्तं ।

ततियचतुत्थअभिभायतनेसु दुतियविमोक्खो, वण्णाभिभायतनेसु ततियविमोक्खो च अभिभवनप्पवत्तितो सङ्गहितो, इध पन निप्परियायदेसनत्ता विमोक्खाभिभायतनानि असङ्करतो दस्सेतुं विमोक्खे वज्जेत्वा अभिभायतनानि कथितानि । सब्बानि च विमोक्खकिच्चानि विमोक्खदेसनाय वुत्तानि, तदेतं “अज्झत्तं रूपसज्जी”ति सुत्ते आगतस्स अभिभायतनद्वयस्स अभिधम्मे अवचनतो “रूपी रूपानि पस्सती”ति आदीनञ्च सब्बविमोक्खकिच्चसाधारणवचनभावतो ववत्थानं कतन्ति विज्जायति । अवस्सञ्चेतं एव सम्पटिच्छितब्बं, न सम्पटिच्छन्तेहि सुत्ताभिधम्मपाठभेदे अज्झं कारणं वत्तब्बं । अथ किमेत्थ वत्तब्बं, ननु अट्ठकथायमेव “कस्मा पन यथा सुत्तन्ते ‘अज्झत्तं रूपसज्जी एको बहिद्धा रूपानि पस्सति परित्तानी’ति आदि वुत्तं, एवं अवत्वा इध चतूसुपि अभिभायतनेसु अज्झत्तं अरूपसज्जिताव वुत्ता”ति वत्वा

“अज्झत्तरूपानं अनभिभवनीयतो”ति कारणं वुत्तन्ति? न तं तस्स कारणवचनं, अथ खो कत्थचि “अज्झत्तं रूपानि पस्सती”ति अवत्वा सब्बत्थ यं वुत्तं “बहिद्वा रूपानि पस्सती”ति, तस्स च कारणवचनं। तेनेव हि तत्थ वा इध वा “बहिद्वा रूपानियेव अभिभवितब्बानी”ति तत्थेव वुत्तं, अनभिभवनीयता च अज्झत्तरूपानं बहिद्वा रूपानि विय अविभूतत्ता। न हि सुट्ठु विभूतभावमन्तरेण जाणुत्तरानं आरम्भणाभिभवनं सम्भवतीति। ननु च अट्ठकथायं पाठद्वयविसेसस्स देसनाविलासो कारणभावेन वुत्तोति? सच्चं वुत्तो, सो च यथावुत्तववत्थानवसेनेव वेदितब्बो। देसनाविलासो हि नाम विनेय्यज्झासयानुरूपं विज्जमानस्सेव परियायस्स विभावनं, न यस्स कस्सचीति। एवं ताव अभिभायतनं वेदितब्बं।

तत्थ **विमोक्खो**ति पटिलद्धज्झानस्स ज्ञानं समापज्जितुकामतावसप्पवत्तजवनवीथिसमनन्तरमेव पितुअट्ठे विस्सट्ठअङ्गपच्चङ्गस्स विय दारकस्स आरम्भणे निरासङ्कमेव हुत्वा पठमकप्पना विय च लहुं अवुट्ठित्वा अन्तमसो चतुपञ्चचित्तक्खणतो अनोसक्कित्वा आरम्भणे अभिरतिवसेन पवत्तस्स वसिभावप्पत्तस्स ज्ञानस्सेतं अधिवचनं। तज्झि कसिणायतनवसेन वा अभिभायतनवसेन वा उप्पन्नं पच्चनीकधम्मोहि सुट्ठु विमुत्तत्ता, आरम्भणे अधिमुत्तताय च “विमोक्खो”ति वुच्चति। वुत्तम्पि चेत्तं **अट्ठकथायं** —

“केनट्ठेन पन विमोक्खो वेदितब्बोति? अधिमुच्चनट्ठेन। को अयं अधिमुच्चनट्ठो नाम? पच्चनीकधम्मोहि च सुट्ठु विमुच्चनट्ठो, आरम्भणे च अभिरतिवसेन सुट्ठु अधिमुच्चनट्ठो”ति (ध० स० अट्ठ० २४८)।

यदि वसिभावप्पत्तमेव विमोक्खो, कथमस्स आरम्भणचतुक्के परित्तता **पाळियं** वुत्ता। अवसितापत्तज्झि ज्ञानं परित्तन्ति वुच्चतीति? नायं दोसो, परिपुण्णवसिभावप्पत्तं सन्धाय अपरिपुण्णवसिभावप्पत्तस्स परित्तभावेन तत्थ अधिप्पेतत्ता, तस्मा वसिभावप्पत्तमेव ज्ञानं विमोक्खो नाम, न इतरं। इतरं पन यदि कसिणायतनवसेन उप्पन्नं, कसिणायतनं। अथ अभिभायतनवसेन, अभिभायतनमेवाति। केचि पन “पठमअप्पनातो पच्छिमपच्छिमाय पटिपक्खतो सुट्ठु विमुत्तत्ता कसिणायतनवसेन, अभिभायतनवसेन च उप्पन्नं पठमकप्पनं ठपेत्वा सेसं विमोक्खोयेवा”ति वदन्ति।

तं पनेतं गणनतो तिविधं। यथाह —

“रूपी रूपानि पस्सति, अज्झत्तं अरूपसज्जी बहिद्वा रूपानि पस्सति, सुभन्तेव अधिमुत्तो होती”ति (दी० नि० २.१७४; ३.३३९; पटि० म० १.२०९)।

तत्थ **रूपी**ति अज्झत्तं केसादीसु उप्पादितं रूपज्झानं रूपं, तदस्स अत्थीति रूपी। **रूपानि पस्सती**ति बहिद्वापि नीलकसिणादिरूपानि ज्ञानचक्खुना पस्सति। इमिना अज्झत्तबहिद्भवत्थुकेसु कसिणेसु ज्ञानपटिलाभो दस्सितो। **अज्झत्तं अरूपसज्जी**ति अज्झत्तं नरूपसज्जी, अत्तनो केसादीसु अनुप्पादितरूपावचरज्झानोति अत्थो। इमिना बहिद्वा परिकम्मं कत्वा बहिद्वाव पटिलद्धज्झानता दस्सिता। “**सुभं**”न्ति इमिना सुविसुद्धेसु नीलादीसु वण्णकसिणेसु ज्ञानानि दस्सितानि। तत्थ किञ्चापि अन्तोअप्पनायं “सुभं”न्ति आभोगो नत्थि, यो पन सुविसुद्धं सुभकसिणं आरम्भणं कत्वा विहरति, सो यस्मा “सुभं”न्ति अधिमुच्चनवसेन पठमज्झानं उपसम्पज्जित्वा विहरति, तथा दुतियादीनि, तस्मा एवं देसना कताति। **पटिसम्भिदामग्गे** पन “इध भिक्खु मेत्तासहगतेन चेतसा एकं दिसं फरित्वा विहरती”तिआदिना (पटि० म० १.२१२) ब्रह्मविहारवसेन सुभविमोक्खो वुत्तो। **धम्मसङ्गणियं** पन ब्रह्मविहारानं विसुंयेव आगतत्ता तं नयं पटिक्खिपित्वा सुनीलकादिवसेनेव सुभविमोक्खो अट्ठकथायं अनुज्जातोति इधापि तत्थ वुत्तनयेनेव ववत्थानं कतन्ति एवं ताव

विमोक्खज्ञानं वेदितब्बं ।

यथानुरूपं हीनादिअनुरूपं । पठमज्झानजि हीनं कप्पस्स ततियभागायुके ब्रह्मपारिसज्जे उपपत्तिं निष्फादेति, मज्झिमं उपट्ठकप्पायुके ब्रह्मपुरोहिते, पणीतं एककप्पायुके महाब्रह्मे । तथा दुतियज्झानं, ततियज्झानञ्च हीनं द्विकप्पायुके परित्ताभे, मज्झिमं चतुकप्पायुके अप्पमाणाभे, पणीतं अट्ठकप्पायुके आभस्सरे । चतुत्थज्झानं हीनं सोळसकप्पायुके परित्तासुभे, मज्झिमं द्वात्तिसकप्पायुके अप्पमाणसुभे, पणीतं चतुसट्ठिकप्पायुके सुभकिण्हे । पञ्चमज्झानं पन तिविधम्मि पञ्चकप्पसतायुके वेहप्फले उपपत्तिं निष्फादेति, तदेव तित्थियेहि सज्जाविरागवसेन भावितं पञ्चकप्पसतायुकेयेव असज्जसत्ते । अनागामीहि पन पुत्थुज्जनादिकाले पच्छापि भावितं सद्भादिइन्द्रियाधिमुत्ततानुक्कमेन यथाक्कमं सहस्सद्विसहस्सचतुसहस्सअट्ठसहस्ससोळसहस्सकप्पायुकेसु अविहाअतप्पासुदस्सासुदस्सीअकनिट्ठनामकेसु पञ्चसुद्धावासेसु उपपत्तिं निष्फादेतीति एवमेतं यथानुरूपं सोळसरूपावचरब्रह्मलोकूपपत्तिनिष्फादकन्ति आह “यथानुरूपं...पे०... होती”ति ।

यस्मा पन रूपभवेपि पवत्तियं लभितब्बा उपभोगसम्पत्तिं कामावचरस्सेव फलं, तस्मा इध “भवभोगसम्पत्तिं निष्फादेती”ति अवत्वा उपपत्तिनिष्फादनमेव वुत्तन्ति दट्ठब्बं । एत्थ च दुतियज्झानभूमिं उपादाय सब्बत्थ परिपुण्णस्स महाकप्पस्स वसेन परिच्छेदो दट्ठब्बो, पठमज्झानभूमियं पन असङ्ख्येय्यकप्पवसेन । न हि तत्थ इतरवसेन परिच्छेदो सम्भवति एककप्पेपि अविनासाभावेन महाकप्पस्स चतुत्थभागेयेव तस्स सण्ठहनतो ।

रूपावचरकुसलवण्णना निड्डिता ।

अरूपावचरकुसलवण्णना

इदानीं अरूपावचरकुसलस्स निद्वेसावकासो अनुप्पत्तोति तन्निद्वेसत्थमाह “सेसेसु पना”तिआदि । आकासकसिणवज्जितस्स यस्स कस्सचि कसिणस्स उग्घाटनतो लद्धमाकासं **कसिणुग्घाटिमाकासं** । तत्थ पवत्तं **विज्जाणन्ति** आकासानञ्चायतनमाह । तज्जि दुतियारुप्पस्स आरम्मणं होति । **सब्बसो**ति सब्बाकारेन, रूपनिमित्तदण्डादानसम्भवदस्सनादिना सब्बेन रूपधम्मेषु, पथवीकसिणादिरूपनिमित्तेसु तदारम्मणज्झानेसु च दोसदस्सनाकारेन, तेसु एव वा रूपनिमित्तेसु निकन्तिप्पहानअसमापज्जितुकामतादिना आकारेनाति अत्थो । अथ वा **सब्बसो**ति सब्बासं, कुसलादिभेदेन अनवसेसानन्ति अत्थो । **रूपसज्जानन्ति** सज्जासीसेन वुत्तरूपावचरज्झानानञ्चेव तदारम्मणानञ्च । रूपावचरज्झानम्मि हि “रूप”न्ति वुच्चति उत्तरपदलोपेन “रूपी रूपानि पस्सती”तिआदीसु विय । तदारम्मणम्मि कसिणरूपं पुरिमपदलोपेन “देवेन दत्तोति, बहिद्भा रूपानि पस्सती”तिआदीसु विय, तस्मा इध रूपे रूपज्झाने तंसहगतसज्जा रूपसज्जाति गहिता, सज्जासीसेन वुत्तरूपावचरज्झानानमेतं अधिवचनं । “रूप”न्ति सज्जा अस्साति रूपसज्जं, रूपनामवन्तन्ति अत्थो । तंगहितेन पथवीकसिणादिभेदस्स तदारम्मणस्स चेतं नामन्ति दट्ठब्बं । “रूपसज्जान”न्ति हि सरूपेकसेसवसेन निद्वेसो कतो । **समतिक्कमा**ति विरागा, निरोधा च । किं वुत्तं होति? एतासं कुसलविपाककिरियावसेन पञ्चदसन्नं ज्ञानसङ्घातानं रूपसज्जानं, एतेसज्ज पथवीकसिणादिवसेन नवन्नं आरम्मणसङ्घातानं रूपसज्जानं अनवसेसानं सब्बाकारेन च, तेसु एव वा निकन्तिप्पहानअसमापज्जितुकामतादिना आकारेन विरागा, निरोधा च जिगुच्छनतो चेव तप्पटिबन्धछन्दरागविकखम्भनतो च निब्बत्तं आकासानञ्चायतनसज्जाय सहगतं अरूपावचरकुसलचित्तं । न हि सक्का सब्बसो अनतिक्कन्तरूपसज्जेन तं निब्बत्तेतुन्ति ।

न केवलं एतासंयेव समतिक्कमनतो इदं निब्बत्तं, अथ खो पटिघसज्जादीनमत्थङ्गमादितोपीति आह “**पटिघसज्जानं**”न्तिआदि । तत्थ चक्खादीनं वत्थूनं, रूपादीनञ्च आरम्मणानं पटिघातेन अज्जमज्जसमोधानसङ्घातेन पटिहननेन उप्पन्ना सज्जा **पटिघसज्जा**, रूपसज्जादिद्विपञ्चसज्जानमेतं अधिवचनं । यथाह —

“तत्थ कतमा पटिघसज्जा? रूपसज्जा सदसज्जा गन्धसज्जा रससज्जा फोडुब्बसज्जा, इमा वुच्चन्ति पटिघसज्जायो”ति (विभ० ६०३) ।

तासं कुसलाकुसलविपाकभूतानं **अत्थङ्गमा** पहाना असमुप्पादा अप्पवत्तिकरणेनाति वुत्तं होति । ननु च एता रूपावचरज्ज्ञानसमापन्नस्सापि न सन्ति । न हि पठमज्ज्ञानादिसमापन्नकाले पञ्चद्वारवसेन चित्तं पवत्ततीति? सच्चमेतं, यथा पन “सुखस्स च पहाना दुक्खस्स च पहाना अदुक्खमसुखं उपेक्खासतिपारिसुद्धिं चतुत्थज्ज्ञानं उपसम्पज्ज विहरती”ति एत्थ पसंसावसेन अज्जत्थ पहीनानम्मि सुखदुक्खानं चतुत्थज्ज्ञाने, “सक्कायदिद्विविचिकिच्छानं पहाना रागदोसमोहानं तनुत्ता सकदागामिमग्गं उपसम्पज्ज विहरती”ति एत्थ पठममग्गेयेव पहीनानं सक्कायदिद्विदीनं दुतियमग्गे च वचनं, एवमेव इमस्मिं ज्ञाने पटिपज्जनकानं उस्साहजननत्थं इमस्स ज्ञानस्स पसंसावसेन एतासं एत्थ वचनन्ति वेदितब्बं । अथ वा किञ्चापि ता रूपावचरसमापन्नस्सापि न सन्ति, न पन पहीनत्ता न सन्ति । किञ्चरहि पच्चयाभावेन । न हि रूपावचरभावना रूपविरागाय संवत्तति, रूपायत्ता एव तासं पवत्तीति । अरूपभावना पन रूपविरागाय संवत्तति, तस्मा “ता एत्थ पहीना”ति वत्तुं वट्ठति । तथा हि एतासं इतो पुब्बे अप्पहीनत्तायेव “पठमज्ज्ञानं समापन्नस्स सदो कण्टको”ति वुत्तो भगवता । इध च पहीनत्ता एव अरूपसमापत्तीनं आनेज्जाभिषङ्गारवचनादीहि, “ये ते सन्ता विमोक्खा अतिक्कम्म रूपे अरूपा”तिआदिना च आनेज्जता, सन्तविमोक्खता च वुत्ता ।

नानत्तसज्जानन्ति नानत्ते गोचरे पवत्तानं, नानत्तानं वा सज्जानं, वुत्तावसेसानं चतुचत्तालीसकामावचरसज्जानन्ति अत्थो । एता एव हि —

“तत्थ कतमा नानत्तसज्जा? असमापन्नस्स मनोधातुसमङ्गिस्स वा मनोविज्जाणधातुसमङ्गिस्स वा सज्जा सज्जानना सज्जानितत्तं, इमा वुच्चन्ति नानत्तसज्जायो”ति (विभ० ६०४) —

एवं **विभङ्गे** विभजित्वा वुत्ता । ता पन यस्मा रूपसद्दादिभेदे नानत्ते नानासभावे आरम्मणे पवत्तन्ति, यस्मा च अट्ठ कामावचरकुसलसज्जा, द्वादस अकुसलसज्जा, एकादस कामावचरकुसलविपाकसज्जा, द्वे अकुसलविपाकसज्जा, एकादस कामावचरकिरियसज्जाति एवं चतुचत्तालीसप्पभेदा नानासभावा, अज्जमज्जं असदिसा, तस्मा “नानत्तसज्जा”ति वुच्चन्ति । **अमनसिकारा**ति सब्बसो अनावज्जना असमन्नाहारा अपच्चवेक्खणहेतु जवनपटिपादकेन वा भवङ्गचित्तस्स अन्तो अकरणा ठपेत्वा कसिणुग्घाटिमाकासं नानारम्मणे चित्तस्स असङ्खरणतोति वुत्तं होति । इमिना हि नानत्तसज्जामनसिकारहेतूनां रूपधम्मनं समतिक्कमोपि वुत्तो, रूपज्ज्ञाने पन तदभावतो “नानत्तसज्जानं अमनसिकारा”ति न वुत्तं । अथ समतिक्कमादीनं किं नानाकरणन्ति? वुच्चते — यस्मा रूपसज्जा, पटिघसज्जा च इमिना ज्ञानेन निब्बत्तितभवेपि न विज्जन्ति, अरूपसज्जाय भावनाय अभावे चुतितो उद्धं उप्पत्तिरहानं रूपसज्जापटिघसज्जानं याव अत्तनो विपाकुप्पत्ति, ताव अनुप्पत्तिधम्मतं आपादियमानत्ता, पगेव पन इमं ज्ञानं समापन्नकाले, तस्मा “समतिक्कमा, अत्थङ्गमा”ति उभयथापि तासं अभावोयेव दस्सितो । नानत्तसज्जासु पन या तस्मिं भवे न उप्पज्जन्ति एकन्तरूपनिस्सितत्ता, ता अनोकासताय न उप्पज्जन्ति, न अरूपभावनाय निवारितत्ता, अनिवारितत्ता च काचि उप्पज्जन्ति, तस्मा तासं अमनसिकारो अनावज्जनं अपच्चवेक्खणं जवनपटिपादकेन वा भवङ्गमनस्स अन्तो अकरणं

अप्पवेसनं वुत्तं । तत्र पवत्तमानानम्पि हि ज्ञानं समापन्नस्स तासं अमनसिकारोयेव इतरथा ज्ञानसमापत्तिया अभावतो । इति सङ्खेपतो “रूपसज्जानं समतिक्कमा”ति इमिना सब्बरूपावचरधम्मानं पहानं वुत्तं, “पटिघसज्जानं अत्थङ्गमा नानत्तसज्जानं अमनसिकारा”ति सब्बेसं कामावचरचित्तचेतसिकानं पहानं, अमनसिकारो च वुत्तो, तीहि पनेतेहि समाधिस्स थिरभावो कथितोति ।

आकासानज्जायतनसज्जासहगतन्ति एत्थ पन नास्स अन्तोति अनन्तं, अनन्तं आकासं आकासानन्तं, कसिणुग्घाटिमाकासं, अनन्तता पन उप्पादवयन्ताभावतो अनन्तमनसिकारवसेन वा वेदितब्बा । न हि एतस्स उप्पादन्तो, वयन्तो वा पज्जायति असभावधम्मत्ता । सभावधम्मो हि अहुत्वा सम्भवनतो, हुत्वा च विनस्सनतो उप्पादवयन्तपरिच्छिन्नो, नेतरो । न च पनेतं मनसि करोन्तो योगावचरो तस्स परिच्छेदसङ्घातमन्तं गणहाति, अथ खो रूपविवेकमत्तस्सेव गहणेन अनन्तफरणाकारेनेव मनसिकारं पवत्तेति, तस्मा उप्पादवयन्तविरहतो मनसिकारवसेन वा एतमनन्तन्ति वेदितब्बं । “अनन्ताकास”न्ति च वत्तब्बे अनन्त-सद्वस्स परनिपातवसेन “आकासानन्त”न्ति वुच्चति । आकासानन्तमेव आकासानज्जं संयोगपरस्स त-कारस्स च-कारं कत्वा, तदेव आयतनं ससम्पयुत्तधम्मस्स ज्ञानस्स आरम्भणभावतो अधिद्वानट्टेन देवायतनं वियाति आकासानज्जायतनं, तस्मिं अप्पनापत्ता सज्जा आकासानज्जायतनसज्जा, ताय सहगतं विज्जाणं **आकासानज्जायतनसज्जासहगतं** । अथ वा आकासानज्जं आयतनमस्सा ससम्पयुत्तधम्माय सज्जायाति आकासानज्जायतना, सायेव सज्जा, ताय ज्ञानं सहगतन्ति आकासानज्जायतनसज्जासहगतं ।

विज्जाण...पे०... सहगतन्ति यदेतं पठमारुप्पविज्जाणं, तंसभावधम्मत्ता उप्पादादिअन्तवन्तम्पि आरम्भणकरणवसेन अनन्ताकासे फरणतो अत्तानं आरब्ध अन्तस्स अगगहणवसेन पवत्तमनसिकारतो वा अनन्तं विज्जाणन्ति विज्जाणानन्तं, “विज्जाणानज्ज”न्ति वत्तब्बे विज्जाणज्ज-सद्वो तदत्थे निरूळ्हो आ-कार न-कारलोपोति वा कत्वा “विज्जाणज्ज”मिच्चेव वुत्तं । एवज्ज कत्वा वक्खति —

“विज्जाणानन्तमिच्चेवं, वत्तब्बं पनिदं सिया”ति ।

अथ वा दुतियारुप्पविज्जाणेन अज्जितब्बं आरम्भणवसेन पापुणितब्बन्ति विज्जाणज्जं । सेसं पुरिमसदिसमेव ।

आकिज्जज्जा...पे०... सहगतन्ति नास्स पठमारुप्पविज्जाणस्स किज्जनन्ति अकिज्जनं, अन्तमसो भङ्गमत्तम्पि अवसिट्ठं नत्थीति वुत्तं होति । सति हि भङ्गमत्तेपि तस्स सकिज्जनता सिया । अकिज्जनस्स भावो आकिज्जज्जं, आकासानज्जायतनविज्जाणाभावस्सेतं अधिवचनं । सेसं वुत्तनयमेव ।

नेवसज्जा...पे०... सहगतन्ति हेट्ठिमज्ञानेसु विय ओळारिकाय सज्जाय अभावतो नेवस्स सज्जा अत्थीति नेवसज्जं, सुखुमाय च सज्जाय अत्थिताय नास्स सज्जा नत्थीति नासज्जं, नेवसज्जज्जं तं नासज्जज्जेति नेवसज्जानासज्जं, चतुत्थारुप्पज्झानं । यदि एवं “नेवसज्जानासज्ज”न्ति वत्तब्बं? सच्चमेतं । वचनसोभनत्थं पन दीघं कत्वा वुत्तं । अथ वा नेवस्स सज्जा नासज्जाति एवं एकज्जं बहुब्बीहिसमासवसेन “नेवसज्जानासज्ज”न्ति वुत्तं । नेवसज्जानासज्जज्जं तं आयतनज्जं मनायतनधम्मायतनपरियापन्नत्ताति नेवसज्जानासज्जायतनं, तेन सम्पयुत्तं सज्जासहगतं **नेवसज्जानासज्जायतनसज्जासहगतं** । अथ वा सज्जायेव पटुसज्जाकिच्चकरणे असमत्थताय नेवसज्जा, उण्होदके तेजोधातु विय सङ्घारावसेससुखुमभावप्पत्तिया नासज्जाति नेवसज्जानासज्जा, सा एव सेसधम्मानं निस्सयपच्चयताय, अधिद्वानट्टेन धम्मायतनपरियापन्नताय एव वा आयतनन्ति नेवसज्जानासज्जायतनं, नेवसज्जानासज्जायतनभूताय

सञ्जाय सहगतन्ति नेवसञ्जानासञ्जायतनसञ्जासहगतं ।

यथानुरूपं... पे०... निष्फादकन्ति “पठमारुप्पभूमिया पठमं, दुतिमारुप्पभूमिया दुतिय”न्तिआदिना अत्तनो अनुरूपवसेन चतूसु अरूपभूमीसु उपपत्तिसाधकं । तासु पन पठमा वीसतिसहस्सकप्पायुका होति, दुतिया चत्तालीससहस्सकप्पायुका, ततिया सट्ठिसहस्सकप्पायुका, चतुत्था पन चतुरासीतिसहस्सकप्पायुकाति वेदितब्बं ।

अरूपावचरकुसलवण्णना निड्ढिता ।

लोकुत्तरकुसलवण्णना

एवं तिविधम्पि लोकियकुसलं निद्विसित्वा इदानीं लोकुत्तरकुसलं निद्विसन्तो आह “**इतरं पना**”तिआदि । लुज्जनपलुज्जनट्ठेन लोको, सो तिविधो — सङ्खारलोको सत्तलोको भाजनलोकोति । ततो इदं उत्तरतीति लोकुत्तरं । चत्तारोपि हि मग्गा उपादानक्खन्धसङ्घातसङ्खारलोकतो उत्तरन्ति अनासवभावेन । सत्तलोकेसु च सोतापत्तिमग्गो अनरियलोकतो उत्तरति, सकदागामिमग्गो सोतापन्नलोकतो, अनागामिमग्गो सकदागामिलोकतो, अरहत्तमग्गो अनागामिलोकतो उत्तरति । भाजनलोकेसु पन पठममग्गो अपायलोकतो उत्तरति, सकदागामिमग्गो कामलोकेकदेसतो, अनागामिमग्गो सकलकामलोकतो, अरहत्तमग्गो रूपारूपलोकतो उत्तरति । इति चतुब्बिधम्पि मग्गचित्तं तिविधलोकतो उत्तरतीति लोकुत्तरं, कुच्छित्तसलनादितो पन कुसलं, चिन्तनादितो चित्तज्याति **लोकुत्तरकुसलचित्तं** । फलं पन लोकतो उत्तिण्णत्ता लोकुत्तरं, उभयम्पि वा सह निब्बानेन उपादानक्खन्धसङ्घातलोकतो उत्तरं विसिद्धतरन्ति लोकुत्तरं । यथाह “यावता, भिक्खवे, धम्मा सङ्घता वा असङ्घता वा, विरागो तेसं धम्मनं अग्गमक्खायती”ति (अ० नि० ४.३४; इतिवु० ९०) ।

नियतानियतवत्थुकभेदतोति सोतापत्तिमग्गस्स परतोघोसपच्चयेन विना अनुप्पज्जनतो अरूपभवे सम्भवो नत्थीति तं नियतवत्थुकं, इतरं पन सत्तिविधम्पि परतोघोसं विनापि विपस्सनाबलेनेव निष्फज्जनतो तत्थापि सम्भवतीति अनियतवत्थुकं ।

तीहि... पे०... तिविधन्ति लोकुत्तरविमोक्खानं द्वारभावतो विमोक्खमुखसङ्घाताहि सुज्जतानुपस्सनादीहि तीहि वुट्ठानगामिनिविपस्सनाहि पत्तब्बतो इदं लोकुत्तरकुसलं **तिविधं** सुज्जतं अनिमित्तं अप्पणिहितन्ति । कतमे पन ते लोकुत्तरविमोक्खाति? नव लोकुत्तरधम्मा । यथाह “चत्तारो च अरियमग्गा चत्तारि च सामञ्जफलानि निब्बानञ्च, अयं अनासवो विमोक्खो”ति (पटि० म० १.२१३) । इमानि हि संकिलेसधम्मोहि सुट्ठु विमुत्तत्ता **विमोक्खा** नाम । तानि पन पच्चेकं सुज्जतो विमोक्खो, अनिमित्तो विमोक्खो, अप्पणिहितो विमोक्खोति तिविधानि । यथाह “तयोमे, भिक्खवे, विमोक्खा — सुज्जतो विमोक्खो, अनिमित्तो विमोक्खो, अप्पणिहितो विमोक्खो”ति (पटि० म० १.२०९) । इध पन कुसलाधिकारत्ता चतुमग्गसङ्घातायेव लोकुत्तरधम्मा अधिप्पेता ।

सुज्जतादिनामलाभो च नेसं आगमनतो, सगुणतो, आरम्मणतो च वेदितब्बो । तथा हि आगच्छति मग्गो, फलञ्च एतेनाति **आगमनं** । तज्झि दुविधं मग्गागमनं, फलागमनञ्च । तेसु वुट्ठानगामिनिविपस्सना **मग्गागमनं**, अरियमग्गो **फलागमनं** । तत्थ मग्गस्स आगतट्ठाने मग्गागमनं गहेतब्बं, फलस्स आगतट्ठाने फलागमनं । इध पन मग्गस्स आगतत्ता मग्गागमनं गहितन्ति । ततो **आगमनतो** । **सगुणतो**ति सभावतो । **आरम्मणतो**ति आरम्मणधम्मतो ।

यो हि सब्बसङ्खारानं अनत्तलक्खणपटिवेधवसप्पवत्ताय अनत्तानुपस्सनाय वसेन मग्गं पटिलभति, तस्स सा अनुपस्सना असुज्जत्तकरानं अत्ताभिनिवेसपच्चयानं दिट्ठेकट्ठकिलेसानं विक्खम्भितभावेन तेभूमकधम्मनं अत्तसुज्जताय याथावतो गहणतो **सुज्जतानुपस्सना** नाम होति । ताय पन पटिलद्धमग्गो सुज्जताय आगतत्ता **सुज्जतो** नाम । तेनाह “अनत्ततो मनसिकरोन्तो सुज्जतविमोक्खेन विमुच्चती”ति (पटि० म० १.२२७) ।

यो पन सब्बसङ्खारानं अनिच्चलक्खणपटिवेधवसप्पवत्ताय अनिच्चानुपस्सनाय मग्गं पटिलभति, तस्स सा अनुपस्सना निच्चनिमित्तादिगाहकरानं किलेसानं विक्खम्भितत्ता धुवभावूपट्टानसङ्घातनिच्चनिमित्तादिनो अग्गहणतो **अनिमित्तानुपस्सना** नाम । ताय पन लद्धमग्गो अनिमित्ताय आगतत्ता **अनिमित्तो** नाम । तेनाह “अनिच्चतो मनसिकरोन्तो अनिमित्तविमोक्खेन विमुच्चती”ति (पटि० म० १.२२७) ।

यो पन सब्बसङ्खारानं दुक्खलक्खणपटिवेधवसप्पवत्ताय दुक्खानुपस्सनाय वसेन मग्गं पटिलभति, तस्स सा अनुपस्सना तण्हापणिधानस्स विक्खम्भनेन पणिधिविरहितत्ता **अप्पणिहितानुपस्सना** नाम । ताय पन लद्धमग्गो अप्पणिहिताय आगतत्ता **अप्पणिहितो** नाम । तेनाह “दुक्खतो मनसिकरोन्तो अप्पणिहितविमोक्खेन विमुच्चती”ति । अयं तावस्स आगमनवसेन नामलाभो ।

अत्तनो पन रागादीहि सुज्जतत्ता, निच्चनिमित्तादिविरहितत्ता, तण्हापणिधिअभावतो च **सगुणतो**, रागादिसुज्जस्सेव, निच्चनिमित्तादिविरहितस्स, पणिधिविप्पमुत्तस्स च निब्बानस्स आरम्मणकरणतो **आरम्मणतो** च सुज्जतादिविमोक्खो नाम होतीति एवमस्स सगुणारम्मणेहि नामलाभो दट्ठब्बो । सो च खो सुत्तन्तपरियायेनेव, नो अभिधम्मपरियायेन । सुत्तन्तकथा हि परियायदेसना, इतरा निप्परियायदेसना, तस्मा सगुणारम्मणतो नामस्स सब्बसाधारणभावेन अववत्थानकरत्ता परियायभावतो सुत्तन्तपरियायेनेव लाभो, आगमनतो पन अभिधम्मपरियायेनपि ववत्थानकरभावेन निप्परियायत्ता । तेनेव हि आचरियेन “तीहि विमोक्खमुखेहि पत्तब्बतो तिविध”न्ति विमोक्खमुखमेव धुरं कत्वा वुत्तं, न “सुज्जतादिनामतो तिविध”न्ति । अनिमित्तानां पनेत्थ आगमनतोपि सुत्तन्तपरियायेनेव लब्धति अभिधम्मे मग्गं पति अनिमित्तानामस्स अनुद्धतत्ता । अनुद्धटत्तं पन न अनुद्धरितब्बतामत्तेन, अथ खो निप्परियायतो तस्स मग्गे अलब्धनतो । किञ्चापि हि अयं विपस्सना निच्चनिमित्तं उग्घाटेन्ती पवत्तति, सङ्खारनिमित्तस्स पन अनिस्सज्जनतो न निप्परियायतो अनिमित्तानां लभति । यं पनेतं सुत्ते —

“अनिमित्तञ्च भावेहि, मानानुसयमुज्जह ।

ततो मानाभिसमया, उपसन्तो चरिस्ससी”ति ॥ (सु० नि० ३४४) —

मग्गस्स अनिमित्तभाववचनं, तं यथावुत्तपरियायवसेन लब्धमानं गहेत्वा वुत्तं । अभिधम्मे पन या सयम्पि निप्परियायतो अनिमित्तानां न लभति, सा कथं मग्गस्स तं ददेय्याति मग्गस्स अनिमित्तानां न उद्धटं । यदि एवं सुज्जतनामेनपि इदं समानं । अनत्तानुपस्सनापि हि किञ्चापि पुगलसुज्जतं गण्हाति, धम्मसुज्जतं पन न गण्हातीति सयं निप्परियायेन सुज्जतानुपस्सना नाम न होतीति सुज्जतनामपि मग्गस्स न ददेय्य । अथ पुगलसुज्जताग्गहणमत्तेन सयं सुज्जतानुपस्सना हुत्वा मग्गस्स तं ददेय्य, अनिच्चानुपस्सनापि सङ्खारनिमित्तस्स गहणेपि निच्चनिमित्तादिउग्घाटनतो सयं अनिमित्तानुपस्सना हुत्वा मग्गस्स अनिमित्तानां ददेय्याति? न इदमेवं, निच्चादिनिमित्तुग्घाटनेन अनिमित्तभावस्स निप्परियायेन मग्गे अलब्धनतो निच्चादिनिमित्तुग्घाटनस्सपि परियायभावतो । ननु इदम्पि सब्बत्थ समानं । सुज्जतअप्पणिहितभावोपि हि निप्परियायेन अमग्गे न लब्धति पुगलसुज्जतग्गहणस्स, पणिधिसोसनस्स च उज्जुक्कं

मग्गेनेव निष्फज्जनतो, तस्मा सुज्जतानुपस्सनापि अप्पणिहितानुपस्सनापि परियायेनेव तं तं नामं लभन्तीति मग्गस्स निष्परियायतो नामं न देन्तीति? न, ततो लद्धअरियमग्गस्स निष्परियायतो सम्पयुत्तधम्मवसेनेव सुज्जतअप्पणिहितनामसम्भवतो। कथं? ठपेत्वा बुद्धुप्पादं सरभङ्गसत्थारादिकालेपि दुब्बिजानीयभावेन सुखुमस्स अनत्तलक्खणस्स पज्जाय एव गोचरभावतो अनत्तानुपस्सनाय अनुपस्सन्तो मग्गक्खणे पज्जिन्द्रियं अधिमत्तं होति। यथाह — “अनत्ततो मनसिकरोतो पज्जिन्द्रियं अधिमत्तं होती”ति (पटि० म० १.२२१)।

तज्ज पन सयं अत्ताभिनिवेससमुग्घाटनतो, अरियमग्गपरियापन्नत्ता च निष्परियायतोव सुज्जतनामं लभति। दुक्खानुपस्सनाय समाधिविपच्चनीकस्स पणिधिसङ्घातरागस्स सोसनतो तस्सा वसेन अनुपस्सन्तस्स मग्गक्खणे समाधिन्द्रियं अधिमत्तं होति। यथाह — “दुक्खतो मनसिकरोतो समाधिन्द्रियं अधिमत्तं होती”ति। तज्ज पन सयं पणिधिसोसनतो, अरियमग्गपरियापन्नत्ता च निष्परियायतोव अप्पणिहितनामं लभति। सब्बसङ्खारानं पन अनिच्चभावं आगमनतो सुत्वा पच्छा सयं पच्चक्खतो पस्सतो “अनिच्चमेव वत सो भगवा ‘अनिच्च’न्ति आहा”ति भगवति सद्भाबाहुल्लपटिलाभतो अनिच्चानुपस्सनाय मनसिकरोतो मग्गक्खणे सद्भिन्द्रियं अधिमत्तं होति। यथाह — “अनिच्चतो मनसिकरोतो सद्भिन्द्रियं अधिमत्तं होती”ति। तं पन सयं सङ्खारनिमित्ततो वुट्ठहन्तम्पि अरियमग्गपरियापन्नं न होतीति निष्परियायतो अनिमित्तनामं न लभति, तस्मा यथा कायकम्माधिकं चित्तं “कायकम्म”न्ति वुच्चति, एवं सुज्जतसङ्घातपज्जिन्द्रियाधिमत्तो मग्गो सुज्जतनामं लभति, अप्पणिहितसङ्घातसमाधिन्द्रियाधिमत्तो अप्पणिहितनामं, सद्भिन्द्रियाधिमत्तो पन सद्भाय अनिमित्तनामालाभतो सयम्पि तं न लभति। यदि सम्पयुत्तधम्मवसेन सुज्जतादिनामालाभो, अथ कथं “आगमनतो”ति वुत्तं? सच्चं, आगमनतो अधिमत्तस्स पन इन्द्रियस्स वसेन लद्धनामम्पि आगमनतोव लद्धं होति।

अथ वा अभिधम्मपरियायेनपि सुज्जतभावो नाम पुग्गलसुज्जतायेवाति पुग्गलसुज्जतग्गाहिताय अनत्तानुपस्सनाय सुज्जतनामं निष्परियायतोव लब्धति। पणिधि नाम रागादिका एवाति रागादिसोसिताय दुक्खानुपस्सनाय अप्पणिहितनामम्पि निष्परियायतोव लब्धति।

निमित्तन्ति पन ठपेत्वा सुत्तन्तपरियायं अभिधम्मपरियायेन सङ्खारनिमित्तं होतीति सङ्खारनिमित्तग्गाहिताय अनिच्चानुपस्सनाय अनिमित्तनामं निष्परियायतो न लब्धति, तस्मा निष्परियायतो सुज्जतअप्पणिहितनामिकानं अनत्तदुक्खानुपस्सनानं वसेन पटिलद्धमग्गो आगमनतो सुज्जतअप्पणिहितनामं लभति, अनिमित्तनामं पन परियायतोव लभति। तेन वुत्तं — “अनिमित्तनामं पनेत्थ आगमनतोपि सुत्तन्तपरियायेनेव लब्धति अभिधम्मे मग्गं पति अनिमित्तनामस्स अनुद्धटत्ता”ति। इति इमेसं तिण्णं विमोक्खानं पवेसनद्वारभावतो सुज्जतानुपस्सनादिनामिका अनत्तानुपस्सनादिका तस्सो अनुक्कमेन बलवभावं पत्वा वुट्ठानगामिनिविपस्सनाभूता तीणि विमोक्खमुखानीति वेदितब्बानि। वुत्तज्हेतं —

“तीणि खो पनिमानि विमोक्खमुखानि लोकनिय्यानाय संवत्तन्ति, सब्बसङ्खारे परिच्छेदपरिवटुमतो समनुपस्सनताय अनिमित्ताय च धातुया चित्तसम्पक्खन्दनताय, सब्बसङ्खारेसु मनोसमुत्तेजनताय अप्पणिहिताय च धातुया चित्तसम्पक्खन्दनताय, सब्बधम्मे परतो समनुपस्सनताय सुज्जताय च धातुया चित्तसम्पक्खन्दनताय, इमानि तीणि विमोक्खमुखानि लोकनिय्यानाय संवत्तन्ती”ति (पटि० म० १.२१९)।

एत्थ हि परिच्छेदपरिवटुमतोति उदयब्बयवसेन परिच्छेदतो चेव परिवटुमतो च। अनिच्चानुपस्सना हि “उदयतो पुब्बे

सङ्खारा नत्थी”ति परिच्छिन्दित्वा तेसं गतिं समन्नेसमाना वयतो परं न गच्छन्ति, एत्थेव अन्तरधायन्तीति परिवट्ठमतो परियन्ततो समनुपस्सति । समनुपस्सनतायाति सम्मदेव अनुपस्सनताय संवत्तन्तीति सम्बन्धो । मनोसमुत्तेजनतायाति चित्तसंवेजनताय । दुक्खानुपस्सनेन हि सङ्खारेसु चित्तं संविज्जति । परतो समनुपस्सनतायाति “नाहं, न मम”न्ति एवं अनत्ततो समनुपस्सनताय । इति इमानि तीणि पदानि अनिच्चानुपस्सनादीनं तिण्णं वसेन वुत्तानीति वेदितव्वानि । तेनेव च तदनन्तरे पञ्हाविस्सज्जने —

“अनिच्चतो मनसिकरोतो खयतो सङ्खारा उपट्ठहन्ति, दुक्खतो मनसिकरोतो भयतो सङ्खारा उपट्ठहन्ति, अनत्ततो मनसिकरोतो सुज्जतो सङ्खारा उपट्ठहन्ती”ति (पटि० म० १.२१९) —

वुत्तं । ननु चेत्थ अभिधम्मवतारस्स भासमानत्ता अभिधम्मपरियायेनेव विमोक्खमुखानि च ववत्थपेतुं युत्तन्ति? सच्चं, अनिच्चानुपस्सनायपि पन मग्गवुट्ठानं होतीति पकासनत्थं सुत्तन्तपरियायेनपि एकं ववत्थानं कतं, तथा वुट्ठितो पन मग्गो अभिधम्मपरियायेन सुद्धिकपटिपदायमेव सङ्गहतीति दट्ठब्बं ।

चतुमग्गयोगभेदतोति सोतापत्तिआदीहि चतूहि अरियमग्गेहि सम्पयोगप्पभेदतो । अरियमग्गानं पन सम्मादिट्ठादिअट्ठङ्गसभावत्ता, तेसज्च सब्बलोकुत्तरे अत्थिताय भङ्गवसेन अभेदेपि इन्द्रियानं अपाटवपाटवतरतमभावेन सच्छिकिरियाविसेसतो किलेसानं प्हानभेदो होतीति तंवसेन चतुब्बिधता दट्ठब्बा । तेनेवाह “सक्कायदिट्ठिविचिकिच्छा”तिआदि । सति विज्जमाने पज्चक्खन्धसङ्घाते काये दिट्ठि सक्कायदिट्ठि, सयं वा तत्थ सति दिट्ठि सक्कायदिट्ठि, पज्चसु खन्धेसु अत्तत्तनियाभिनिवेसवसेन पवत्ताय मिच्छादिट्ठिया एतं अधिवचनं । सा पन एकेकस्मिं खन्धे चतुधा अभिनिवेसनवसेन वीसतिविधा होती । तथा हि कोचि रूपं अत्ततो समनुपस्सति “यं रूपं, सो अत्ता, यो अत्ता, तं रूपं, यथा दीपस्स वण्णोयेव अच्चि, अच्चियेव वण्णो”ति । रूपवन्तं वा अत्तानं समनुपस्सति, छायावन्तं विय रुक्खं । अत्तनि वा रूपं, पुप्फे विय गन्धं । रूपस्मिं वा अत्तानं, समुग्गे विय मणि । एवं वेदनादीसुपि “वेदनं अत्ततो समनुपस्सती”तिआदिना योजेतब्बं । तत्थ यो पज्चविधो अब्यतिरिक्तअत्ताभिनिवेसो, सा उच्छेददिट्ठि । यो पन पन्नरसविधो व्यतिरिक्तअत्ताभिनिवेसो, सा सस्सतदिट्ठि वेदितव्वं ।

सभावं विचिनन्तो ताय किच्छति किलमतीति विचिकिच्छा, तिकिच्छितुं दुक्करताय वा विगता चिकिच्छा जाणपतिकारो इमिस्साति विचिकिच्छा । सा पन —

“सत्थरि कङ्कति विचिकिच्छति, धम्मे, सङ्गे, सिक्खाय, पुब्बन्ते, अपरन्ते, पुब्बन्तापरन्ते, इदप्पच्चयतापटिच्चसमुप्पन्नेसु धम्मेसु कङ्कति विचिकिच्छती”ति (ध० स० १००८ थोकं० विसदिसं) —

एवं बुद्धादीसु कङ्कावसेन अट्ठवत्थुका,

“अहोसिं नु खो अहमतीतमद्धानं, न नु खो अहोसिं, किं नु खो अहोसिं, कथं नु खो अहोसिं, किं हुत्वा किं अहोसिं नु खो अहमतीतमद्धानं, भविस्सामि नु खो अहमनागतमद्धानं, न नु खो भविस्सामि, किं नु खो भविस्सामि, कथं नु खो भविस्सामि, किं हुत्वा किं भविस्सामि नु खो अहमनागतमद्धानं, एतरहि वा पन पच्चुप्पन्नमद्धानं अज्झत्तं कथंकथी होति, अहं नु खोस्मि, नो नु खोस्मि, किं नु खोस्मि, कथं नु खोस्मि, अयं नु खो सत्तो कुतो आगतो, सो कुहिं गामी भविस्सती”ति (म० नि० १.१८; सं० नि० २.२०) —

एवं पुब्बन्तादयो आरब्ध पवत्तिवसेन सोळसवत्थुका च निहिट्टा ।

तत्थ सत्थरि कङ्खन्तो तस्स रूपकायधम्मकायानं विज्जमानतं, अविज्जमानतञ्च कङ्खति, धम्मे कङ्खन्तो तस्स स्वाक्खातद्वाक्खातभावे कङ्खति, सङ्घे कङ्खन्तो तस्स सुप्पटिपन्नविप्पटिपन्तादिभावे कङ्खति, सिक्खाय कङ्खन्तो तस्सा सुपञ्जत्तदुप्पञ्जत्तभावं कङ्खति, पुब्बन्ते कङ्खन्तो सस्सताकारं, अधिच्चसमुप्पत्तिआकारञ्च निस्साय अतीते अत्तनो विज्जमानतं, अविज्जमानतञ्च कङ्खति, अपरन्ते कङ्खन्तो सस्सताकारं, उच्छेदाकारञ्च निस्साय अनागते अत्तनो उप्पत्तिं, अनुप्पत्तिञ्च कङ्खति, पुब्बन्तापरन्ते कङ्खन्तो पच्चुप्पन्ने अत्तनो अत्थिभावं, नत्थिभावञ्च कङ्खति । पच्चुप्पन्नो हि अद्भा पुब्बभागापरभागकोट्टासवन्तताय “पुब्बन्तापरन्तो”ति वुच्चति, युत्तं पन तं आरब्ध कङ्खाजननन्ति? युत्तं, अयुत्तन्ति का एत्थ चिन्ता । उम्मतको विय हि बालपुथुज्जनो । तस्मा सो यं किञ्चि कङ्खतियेव । तेनेव च **सोळसवत्थुकविचिकिच्छानिदेसे** “एतरहि वा पना”तिआदि वुत्तं । आचरिया पन “पुब्बन्तापरन्तोति अतीतानागते एकज्झं गहेत्वा तदुभयमारब्ध कङ्खन्तो पुब्बन्तापरन्ते कङ्खती”तिपि वदन्ति । इदप्पच्चयतापटिच्चसमुप्पन्नेसु धम्मेसु कङ्खन्तो पन अविज्जादीनं पच्चयानं, सङ्खारादीनञ्च पच्चयुप्पन्नानं हेतुहेतुसमुप्पन्नभावस्स सब्भावासब्भावं कङ्खतीति एवं ताव अट्ठवत्थुककङ्खाय पवत्ति वेदितब्बा ।

सोळसवत्थुका पन “अहोसिं नु खो...पे०... न नु खो अहोसिं”न्ति कङ्खन्तो वुत्तनयेनेव अतीते अत्तनो विज्जमानाविज्जमानतं कङ्खति । **किं नु खो अहोसिन्ति** जातिलिङ्गपत्तियो निस्साय “खत्तियो नु खो अहोसिं, ब्राह्मणादीसु गहट्टादीसु देवादीसु अज्जतरो नु खो”ति कङ्खति । **कथं नु खोति** सण्ठानाकारं निस्साय “दीघो नु खो अहोसिं, रस्सओदातकाळादीनञ्च अज्जतरो”ति कङ्खति । इस्सरनिम्मानादीनि निस्साय “केन नु खो पकारेन अहोसिं”न्ति निब्बत्तनाकारतो कङ्खतीति वदन्ति । **किं हुत्वा किं अहोसिन्ति** जातिआदीनि निस्साय “खत्तियो हुत्वा नु खो ब्राह्मणो अहोसिं...पे०... देवो हुत्वा नु खो मनुस्सो अहोसिं”न्ति अत्तनो अपरापरं पवत्तिं कङ्खति । **भविस्सामि नु खो, न नु खोति** हेट्टा वुत्तनयेनेव अनागते अत्तनो विज्जमानाविज्जमानतं कङ्खति । “**किं नु खो भविस्सामी**”तिआदि वुत्तनयमेव । **अहं नु खोस्मि, न नु खोस्मीति** इदानि अत्तनो अत्थिभावं, नत्थिभावञ्च कङ्खति । तत्थ कारणं वुत्तमेव । **किं नु खोस्मीति** खत्तियादिकोव समानो अत्तनो खत्तियादिभावं कङ्खति । एसेव नयो सेसेसुपि । **कथं नु खोस्मीति** “अब्भन्तरे जीवो नाम अत्थी”ति गहेत्वा तस्स दीघादिभावं कङ्खति । पच्चुप्पन्नं पन अत्तनो सरीरसण्ठानं अजानन्तो नाम नत्थि । **कुतो आगतो, कुहिं गामी भविस्सतीति** अत्तभावस्स आगतगतट्टानानि कङ्खतीति वेदितब्बं ।

सीलञ्च वतञ्च सीलब्बतं, तत्थ गोसीलादिअसुद्धिमग्गो समादानवसेन सीलं, अवीतिक्कमवसेन वतं । उभयथापि वा सीलं, तपोकम्मभावेन गहितत्ता वतं । गवादिपकतिभावतो अत्तनो वा गवादिभावाधिट्टानं सीलं, “गच्छन्तो भक्खेति, तिट्ठन्तो मुत्तेती”तिआदिना गवादिकिरियाय करणं वतं । तंतंअकिच्चसम्मसतो वा निवत्ति सीलं, तंसमादानवतो वेसभोजनकिच्चचरणादिविसेसपटिपत्ति वतं । सभावं अतिक्कम्म परतो आमसनं गहणन्ति परामासो, सीलब्बतस्स परामासो सीलब्बतपरामासो । इतो बहिद्भा समणब्राह्मणानं सीलेन सुद्धि, वतेन सुद्धि, सीलब्बतेन सुद्धीति एवं असुद्धिमग्गो “सुद्धिमग्गो”ति पवत्तस्स मिच्छाभिनिवेसस्सेतं अधिवचनं । सक्कायदिट्ठि च विचिकिच्छा च सीलब्बतपरामासो चाति सक्काय...पे०... परामासो, तेयेव कम्मविपाकेसु, वट्ठस्मिं वा सत्ते संयोजेन्ति बन्धन्तीति संयोजनानि, तेसं दिट्ठिविसुद्धिआदीहि तदङ्गवसेन पहीनानं अनुप्पत्तिधम्मतापादनेन अच्चन्तसमुच्छेदप्पहानं करोतीति **सक्का...पे०... प्पहानकरं** ।

निब्बानं पति सवनतो सन्दनतो सोतो वुच्चति अरियो अट्टङ्गिकमग्गो, तस्स आदितो पज्जनं सोतापत्ति, निब्बानं मग्गति, निब्बानत्थिकेहि मग्गीयति, किलेसे मारेन्तो गच्छतीति वा मग्गो, सोतापत्ति एव मग्गो सोतापत्तिमग्गो। अथ वा सोतं आदितो पज्जति अधिगच्छतीति सोतापत्ति, पठमो अरियपुग्गलो, तस्स मग्गो सोतापत्तिमग्गो, सम्मादिट्ठिआदीनि अट्टङ्गानि, तेन सम्पयुतं चित्तं **सोतापत्तिमग्गचित्तं**।

रज्जति अभिसज्जतीति रागो, सो इध पज्चकामविसया, कामभवविसया च तण्हा। दुस्सतीति दोसो, दसविधआघातवत्थुपदट्ठानो ब्यापादो। मुहतीति मोहो, दुक्खादीसु अट्टसु अज्जाणं। एतेसं किलेसानं तनुत्तं तनुभावं करोतीति **राग...पे०... तनुत्तकरं**। तत्थ द्वीहि कारणेहि तनुत्तं अभिण्हानुप्पत्तितो, परियुट्ठानमन्दताय चाति। सकदागामिस्स हि वट्ठानुसारिमहाजनस्स विय किलेसा अभिण्हं न उप्पज्जन्ति, कदाचि विरळाकारा हुत्वा उप्पज्जन्ति, तथा उप्पज्जन्तापि मद्धन्ता छादेन्ता अन्धकारं करोन्ता नुप्पज्जन्ति। द्वीहि पन मग्गेहि पहीनत्ता मन्दमन्दा तनुकतनुका उप्पज्जन्ति। केचि पन सकदागामिस्स किलेसा चिरेन उप्पज्जन्तापि बहलाव उप्पज्जन्ति। तथा हिस्स पुत्तधीतरो दिस्सन्तीति वदन्ति। तं अकारणं, वत्थुपटिसेवनेन विनापि गम्भग्गहणसम्भावतो, तस्मा वुत्तनयेनेव द्वीहि कारणेहि नेसं तनुभावो वेदितब्बो। कस्मा पनेत्थ मोहस्स तनुभावो वुत्तो, ननु ततियमग्गवज्झानमेव इमिना तनुत्तकरणं वत्तब्बं, इतरथा हेट्ठा तीहिपि मग्गेहि उपरिमग्गवज्झकिलेसानं बहलाबहलावत्थाय पहीयमानत्ता इध सव्वेसमेव उद्धम्भागियसंयोजनानं तनुभावो वत्तब्बो, तेनेव च **पाळियम्पि** “कामरागब्यापादानं तनुभावाय दुतियाय भूमिया पत्तिया”ति वुत्तन्ति। सच्चमेतं, सुत्ते पन उपरिमग्गवज्झानं तनुभावपरियायं गहेत्वा “रागदोसमोहानं तनुत्ता सकदागामी होती”ति हेतुत्तयतनुभावस्स आगतत्ता इधापि तदनुलोमेन वुत्तं। “कामरागब्यापादानं”मिच्चेव वा पाठो। तथा हि एत्थेव उपरि **दुतियमग्गजाणनिद्देसे** “ब्यापादकामरागानं, तनुभावं तु साधय”न्ति (अभिध० १३५३) वुत्तं। पटिसन्धिवसेन सकिदेव इमं मनुस्सलोकं आगच्छतीति सकदागामी, तस्स मग्गो सकदागामिमग्गो। किज्वापि हि मग्गट्ठस्स पटिसन्धिवसेन आगमनासम्भवतो फलट्ठोयेव सकदागामी नाम होति, तस्स पन आगमनभूतो मग्गो मग्गन्तरावच्छेदनत्थं तदायत्तभावूपनयनेन सकदागामिमग्गोति वुच्चति, तंसम्पयुतं चित्तं **सकदागामिमग्गचित्तं**।

पज्चसु कामगुणेषु, कामभवे च रागो **कामरागो**। ब्यापज्जति तेन चित्तन्ति **ब्यापादो**। पटिसन्धिवसेन इमं कामधातुं न आगच्छतीति **अनागामी**। रूपभवे छन्दरागो **रूपरागो**। अरूपभवे छन्दरागो **अरूपरागो**। **मानो** इध अरहत्ताधिगमं पटिच्च उण्णतिमत्तं। **उद्धच्चम्पि** “को मे भारो किलेससमुच्छेदने”ति एवमाकारप्पवत्तं चित्तस्स अवूपसममत्तं। **अविज्जापि** असुखे सुखसज्जाविपल्लासो। आरकत्ता किलेसेहि, मिच्छापटिपन्नेहि वा, रागादिअरीनं, संसारचक्कस्स अरानज्च हतत्ता, पच्चयादीनं अरहत्ता, रहोपि पापाकरणेन पापकरणे रहस्स अभावा, रहितब्बतो जहितब्बतो “रहा”ति लद्धनामानं वा पापधम्मानं अभावतो, साधूहि अरहितब्बतो अपरिच्चजितब्बतो, रहसङ्घातस्स वा गमनस्स संसारे अभावतो **अरहा**, अट्ठमो अरियपुग्गलो, तस्स भावो अरहत्तं, अग्गफलस्सेतं अधिवचनं। तज्झि “अरहा”ति अभिधानस्स, बुद्धिया च पवत्तिनिबन्धनत्ता अरहतो भावोति कत्वा “अरहत्त”न्ति वुच्चति, तस्स आगमनभूतो मग्गो अरहत्तमग्गो, तंसम्पयुतं चित्तं **अरहत्तमग्गचित्तं**।

ज्ञानङ्गयोगभेदतोति रूपावचरं विय पज्चहि ज्ञानङ्गेहि सम्पयोगभेदतो। कथं पनस्स भेदोति? एत्थ ताव अट्ठकथावादो, तयो च थेरवादाति चत्तारो वादा होन्ति। तथा हि **अट्ठकथायं** ताव “सङ्घारुपेक्खाभावं पत्त्वा वुट्ठानगामिनिविपस्सनामग्गस्स ज्ञानङ्गं नियमेती”ति वुत्तं। **तिपिटकचूळनागत्येरो** पन “मग्गासन्नविपस्सनाय पदट्ठानभूतं पादकज्झानं नियमेती”ति आह। **मोरवापिवासिमहादत्तत्थेरो** “विपस्सनाय आरम्मणभूता खन्धा नियमेन्ति। यज्झि ज्ञानं

सम्मसित्वा वुट्ठाति, तंसदिसोव होती”ति आह । तिपिटकचूळाभयत्थेरो पन “पुगलज्झासयो नियमेति, ‘अहो वत पच्चङ्गिकं, चतुरङ्गिकं वा मग्गं पापुणेय्य’न्तिआदिना यथा यथास्स अज्झासयो होति, तथा तथा मग्गो होती”ति आह ।

यस्मा पन अट्ठकथावादो पमाणं, तयो च थेरा पण्डिता ब्यत्ता, तस्मा चत्तारोपि वादा अज्जमज्जं अप्पटिबाहनवसेन एवं वेदितब्बा । कथं? कामावचरधम्ममे ताव सम्मसित्वा सुक्खविपस्सकस्स उप्पन्नमग्गोपि समापत्तिलाभिनो ज्ञानं पादकं अकत्वा उप्पादितमग्गोपि विपस्सनानियामेन पठमज्झानिकाव होन्ति । सचे पन किञ्चि ज्ञानं पादकं कत्वा उप्पादितो होति, तस्स वसेन अङ्गपरिणामो होतीति तंतंज्ञानसदिसो होति । यस्मा पनेत्थ कामावचरक्खन्धे आरब्ध पवत्ता विपस्सना कामावचरधम्ममेसु च महग्गतधम्ममेसु विय भावनाविसेसतो ज्ञानङ्गविसेसो नत्थि, तस्मा “विपस्सनाय आरम्मणभूता खन्धा नियमेन्ती”ति एवं पवत्तो दुतियत्थेरवादो इमं वादं न पविसति । ज्ञानधम्ममे सम्मसित्वा उप्पादितमग्गो सचे पादकज्झानं नत्थि, सम्मसितज्झाननियामेन तंतंज्ञानिको होति । सचे पठमज्झानतो वुट्ठाय दुतियादिज्ञाने सम्मसित्वा उप्पादितो, पुगलज्झासयनियामेन द्वीसु अज्जतरज्झानसदिसो होति । सचे पन पुगलस्स तथाविधो अज्झासयो नत्थि, तदा कथन्ति? एत्थ ताव केचि “नानावज्जनवीथियमेव निवत्तमानपादकज्झानतो एकावज्जनवीथियं गोत्रभुभावं पत्वा निवत्तमानाय विपस्सनाय आरम्मणभूता खन्धायेव बलवन्तो, तस्मा सम्मसितक्खन्धनियामेन तंसदिसो मग्गो होती”ति वदन्ति । एवञ्च सति “पादकज्झाननियामेन होती”ति एवं पवत्तो पठमत्थेरवादो पादकज्झानतो वुट्ठाय कामावचरक्खन्धे सम्मसित्वा उप्पादितमग्गमेव सन्धाय तिट्ठीतीति ।

अपरे पन “पादकज्झानं मग्गस्स मूलकारणवसेन पच्चयो होति आसन्नकारणवसेनपि, सम्मसितक्खन्धा पन मूलकारणवसेनेव पच्चया होन्ति, तस्मा सम्मसितक्खन्धतो पादकज्झानमेव बलवतरन्ति पादकज्झानसदिसो मग्गो होती”ति वदन्ति । एवं सन्ते पन “सम्मसितक्खन्धनियामेना”ति एवं पवत्तो दुतियत्थेरवादो समापत्तिं पादकं अकत्वा केवलं ज्ञानधम्ममेयव सम्मसित्वा उप्पादितमग्गमेव सन्धाय तिट्ठीति । यस्मा पन हेट्ठिमहेट्ठिमज्झानतो उपरूपरिज्ञानं बलप्पत्तं होति, तस्मा हेट्ठिमहेट्ठिमज्झानतो वुट्ठाय उपरूपरिज्ञानधम्ममे विपस्सतो उप्पन्नमग्गो पादकज्झानं अनपेक्खित्वा सम्मसितज्झानवसेन तंतंज्ञानिको होति । उपरूपरिज्ञानतो पन वुट्ठाय हेट्ठिमहेट्ठिमज्झानधम्ममे सम्मसित्वा उप्पादितमग्गो सम्मसितज्झानं अनपेक्खित्वा पादकज्झानसदिसो होतीति इदमेत्थ सारतरं । एवञ्चि सति द्विन्नम्पि थेरानं वादा निष्पदेसविसया समफला होन्ति ।

ततियत्थेरवादो चेत्थ पादकज्झानं, सम्मसितज्झानं वा विना अज्झासयमत्तेनेव न इज्झति । तीसुपि वादेसु ठपेत्वा सेसज्ञानङ्गपरिणामं वेदनापरिणामो विपस्सनानियामेनेव होति । तयोपि थेरवादा विपस्सनानियामेन विना न होन्तीति दट्ठब्बं । ननु च वेदनापि ज्ञानङ्गमेव, तस्मा तायपि पादकज्झाननियामेनेव भवितव्वन्ति? तं न, वेदनायपि पादकज्झाननियामेन परिणामे सति विपस्सनानियामं अनपेक्खित्वा पादकज्झाननियामेनेव मग्गक्खणे सेसज्ञानङ्गानि परिणामद्वानेयेव वेदनायपि परिणामो भवेय्य, तथा पन अहुत्वा एकावज्जनवीथिया आदितोव परिणामनतो मग्गवुट्ठानवीथिया आसन्नतरप्पवत्ताय विपस्सनाय वसेन वेदनानियामो होति ।

अथ वा पादकज्झानसम्मसितज्झानानं सम्भवे तेसु अनुप्पन्ना वेदना विपस्सनाय न होतीति पादकज्झानसम्मसितज्झाननियामेन परिणमतीतिपि न सक्का वत्तुं । एत्थ सिया — यत्थ ताव पादकज्झानं अत्थि, तत्थ तं नियमेति । यत्थ पन तिकचतुक्कपादकज्झानं नत्थि, तस्मिं अरूपभवे किं नियमेतीति? तत्थापि पादकज्झानमेव नियमेति । यो हि भिक्खु अट्ठसमापत्तिलाभी पठमज्झानं पादकं कत्वा सोतापत्तिमग्गफलानि निब्बत्तेत्वा अपरिहीनज्झानो कालं कत्वा

अरूपभवे निब्वत्तो पठमज्झानिकाय सोतापत्तिफलसमापत्तिया वुट्ठाय विपस्सनं पट्टपेत्वा उपरि तीणि मग्गफलानि निब्वत्तेति, तस्स तानि पठमज्झानिकानेव होन्ति । दुतियज्झानिकादीसुपि एसेव नयो । अरूपेपि हि लोकुत्तरं तिकचतुक्कज्झानं उप्पज्जतीति एवमेत्थ एकेकस्स लोकुत्तरकुसलस्स ज्ञानङ्गयोगभेदो वेदितब्बोति ।

मग्गा...पे०... निष्फादेतीति तेभूमककुसलं विय पटिसन्धिप्पवत्तीसु अविपच्चवन्तम्पि अत्तनो अत्तनो अनुरूपस्स फलस्स निष्फादनेन तंतंफलप्पत्ते सोतापन्नो सकदागामी अनागामी अरहाति सामज्जतो चत्तारो अरियपुग्गले अभिनिष्फादेतीति । विसेसतो पन सत्तक्खत्तुपरमतादिके अनेकेपि सोतापन्नादयो निष्फादेति ।

लोकुत्तरकुसलवण्णना निट्ठिता ।

चतुभूमककुसलवण्णना

२८. एवं चतुभूमककुसलचित्तं सरूपतो निद्विसित्वा इदानीं तं निगमेन्तो आह “**कामे अट्टेवा**”तिआदि । तत्थ **कामे**ति कामभवे । तथा “**रूपे**”तिआदीसु ।

२९. **कुसलाकुसलापगतेना**ति कुसलाकुसलकम्मतो अपगतेन । अग्गमग्गस्स हि उप्पन्नकालतो पट्टाय अरहतो सब्बानि कुसलाकुसलकम्मानि पहीनानि नाम होन्ति पच्चयवेकल्लेन पटिसन्धिदाने असमत्थभावतो । यतो च अरियमग्गजाणं “कम्मक्खयकर”न्ति वुच्चति । अथ वा अहेतुअपच्चयविसुज्जनस्स अभावतो किलेससमुच्छेदकेन मग्गकुसलेन अकुसलेहि अपगतेन । **कुसले कुसलेना**ति कुच्छित्तानं सलनादीहि कुसलसङ्घाताय पटिपत्तियं देसनुप्पादनादीसु छेकेन । **मुनिना**ति उभयलोकमुननकेन अग्गफलजाणेन, सब्बज्जुतज्जाणेन वा समन्नागतत्ता मुनिना । तेनाह —

“यो मुनाति उभो लोके, मुनि तेन पवुच्चती”ति ।

वसिनाति छळभिज्जताय परमेन चित्तवसिभावेन समन्नागतत्ता, ज्ञानादीसु पञ्चविधवसिसम्भावतो च वसिभूतेन वसिभाववृत्तिन्द्रियेन ।

चतुभूमककुसलवण्णना निट्ठिता ।

अकुसलवण्णना

एत्तावता च यं “कुसलाकुसलाव्याकतजातिभेदतो तिविध”न्ति एत्थ वुत्तं कुसलं, तं सरूपतो निद्विसित्वा इदानीं तदनन्तरुद्विं अकुसलं निद्विसन्तो आह “**अकुसलं पना**”तिआदि । “भूमितो एकविध”न्ति वुत्तमत्थं नियमेत्वा दस्सेन्तो आह “**कामावचरमेवा**”ति । निकायन्तरिका पन रूपारूपावचरम्पि अकुसलं इच्छन्तीति तेसं मतिनिसेधनत्थं अवधारणं कतं । महग्गतभूमियं उप्पज्जन्तम्पि हेतं तत्थ रूपधातुयं पवत्तिविपाकं देन्तम्पि एकन्तेन कामावचरमेवाति । कुतो पनेस नियमोति? कामतण्हाविसयभावतो । कामतण्हाविसयता हि कामावचरभावस्स कारणं यथा रूपारूपतण्हाविसयता रूपारूपभावस्स । एकंसेन चेत्तं एवं सम्पटिच्छितब्बं । इतरथा व्यापितलक्खणं न सिया । यदि हि आलम्बितब्बधम्मवसेन भूमिववत्थानं करेय्य, एवं सति अनारम्माणं सङ्गहो न सिया । अथ विपाकदानवसेन, एवम्पि अविपाकानं सङ्गहो न सिया,

तस्मा आलम्बणधम्मवसेनेव परियापन्नानं सा कातब्बा । अपरियापन्नानं पन लोकतो उत्तिण्णताय लोकुत्तरता, उत्तरितराभावतो अनुत्तरता च वेदितब्बाति ।

दोमनस्सस्स अनीवरणावत्थाय अभावेन तंसहगतचित्तुप्पादो कामभूमियंयेव पवत्ततीति सो नियतवत्थुको, इतरे अरूपभूमियम्पि पवत्तनतो अनियतवत्थुकाति आह “नियता...पे०... दुविध”न्ति । विचिकिच्छुद्धच्चसहगतानं मोहेकहेतुकत्ता, इतरेसम्पि लोभमोहदोसमोहवसेन द्विहेतुकत्ता आह “एकहेतुकदुहेतुकतो”ति । आदितो एकादसन्नं अकुसलचित्तानं पटिसन्धिजननतो, उद्धच्चसहगतस्स तदभावतो आह “पटिसन्धिजनकाजनकतो”ति । उद्धच्चसहगतज्झि पवत्तिविपाकं देन्तम्पि पटिसन्धिं नाकड्ढति । यतो वक्खति —

“एकादसविधानं तु, हित्वा उद्धच्चमानसं ।

एकादसविधा चेव, भवन्ति पटिसन्धियो”ति ॥ (अभिध० ५३६) ।

येन पन कारणेन तं पटिसन्धिं नाकड्ढति, तं पटिसन्धिविनिच्छयकथाहि इमिस्सा गाथाय वण्णनापदेसेयेव वक्खाम । तीहि वेदनाहीति सुखदुक्खोपेक्खासङ्घाताहि तीहि वेदनाहि । यथाह — “तिस्सो इमा, भिक्खवे, वेदना । कतमा तिस्सो? सुखा दुक्खा अदुक्खमसुखा”ति (सं० नि० ४.२४९) । यं पन कत्थचि सुत्ते “द्वेमा, भिक्खवे, वेदना सुखा दुक्खा”ति (सं० नि० ४.२६७) वचनं, तं कुसलपक्खिकं उपेक्खं सुखे, अकुसलपक्खिकञ्च दुक्खे पक्खिपित्वा परियायेन वुत्तन्ति दट्ठब्बं । सुप्पतिट्ठितभावकारणत्ता मूलमिवाति मूलं, लोभो मूलं एतस्साति लोभमूलं । किञ्चापि हि मोहोपि लोभमूलेसु अत्थि, सो पन सब्बाकुसलसाधारणत्ता ववत्थानकरो न होतीति असाधारणधम्मवसेन “लोभमूल”न्त्वेव वुत्तं यथा “भेरिसदो यवङ्कुरो”ति । तथा “दोसमूल”न्ति एत्थापि । मूलन्तरविरहतो मोहो एव मूलं इमस्स, नाञ्जन्ति मोहमूलं ।

मिच्छावसेन दस्सनं दिट्ठि, दिट्ठियेव दिट्ठिगतं यथा “आकासगतं थामगत”न्ति । अथ वा विपरियेसग्गाहिकाय दिट्ठिया गतमेव, न एत्थ गन्तब्बवत्थु तथासभावन्ति दिट्ठिगतं, द्वासट्ठिया वा दिट्ठीसु अन्तो गधन्ति दिट्ठिगतं, तेन समं पकारेहि युत्तन्ति दिट्ठिगतसम्पयुत्तं ।

“यदा ही”ति आदि लोभमूलचित्तानं पवत्तिआकारदस्सनं । मिच्छादिट्ठिन्ति उच्छेददिट्ठिआदिं मिच्छादिट्ठिं । तां हि विपल्लत्तचित्ता ताव कोधविसयो, याव इन्द्रियगोचरोति परलोकं पटिक्खिपित्वा “नत्थि कामेसु आदीनवो”ति गणहन्ति । आदि-सदेन —

“एस पन्थोवितथो देवयाने,

येन यन्ति पुत्तवन्तो विसोका ।

तं पस्सन्ति पसवो पक्खिनो च,

तेन ते मातरिपि मिथुनं चरन्ती”ति ॥ —

आदिना नयेन पुत्तमुखदस्सनं सग्गमोक्खमग्गोति एवमादिकं मिच्छादिट्ठिं सङ्गणहाति । कामे वाति एत्थ वा-सदो अनियमत्थो । तेन “ब्राह्मणानं सुवण्णहरणमेव अदिन्नादाने सावज्जं, इतरं अनवज्जं, गुरूनं, गुन्नं, अत्तनो जीवितस्स, विवाहस्स च अत्थाय मुसावादो अनवज्जो, इतरो सावज्जो, गुरुआदीनं अत्थाय पेसुज्जकरणं अनवज्जं, इतरं सावज्जं, भारतयुद्धसीताहरणादिकथा पापवूपसमाय होती”ति एवमादिके मिच्छागाहे सङ्गणहाति । दिट्ठमङ्गलादीनीति

दिदुसुतमुतमङ्गलानि । सारतो पच्चेतीति वुड्डिया पुब्बनिमित्तभावेन अगगहेत्वा “इदमेव वुड्डिकारण”न्ति एवं सारवसेन गण्हाति । सभावतिक्खेनेवाति लोभस्स, मिच्छाभिनिवेसस्स वा वसेन सरसेनेव तिखिणेन कुरुरेन । मन्देनाति दन्धेन अतिखिणेन । तादिसं पन अत्तनो, परस्स वा समुस्साहनेन पवत्ततीति आह “समुस्साहितेना”ति । परस्स भण्डं वा हरतीति वा-सदेन तथापवत्तनकमुसावादादीनम्पि सङ्गहो वेदितब्बो । कामानं वाति अनुभुय्यमानानं कामगुणानं । वा-सदेन परसन्तकस्स अयथाधिप्पेतताय यं लद्धं, तं गहेतब्बन्ति गहणादिकं सङ्गण्हाति ।

सम्पयुत्तधम्मवसेन भेदाभावतो दोसमूलं असङ्खारिकससङ्खारिकभेदतो दुविधं । यदि एवं कस्मा “दोमनस्ससहगतं पटिघसम्पयुत्त”न्ति वुत्तं? असाधारणधम्मेहि तस्स चित्तस्स उपलक्खणत्थं । पाणस्स अतीव, अतिक्कमित्वा वा पातनं पाणातिपातो । आदि-सदेन अदिन्नादानमुसावादापेसुञ्जफरुससम्पपलापव्यापादे सङ्गण्हाति । दसअकुसलकम्मपथेसु हि कामेसुमिच्छाचारअभिज्झामिच्छादिद्विसङ्खाता तयोव कम्मपथा इमिना न सिज्जन्ति । सभावतिक्खं हुत्वा पवत्तमानं चित्तं असङ्खारमेव होति, इतरं ससङ्खारन्ति अधिप्पायेनाह “तिक्खमन्दप्पवत्तिकाले”ति । मन्दं पन हुत्वा पवत्तमानं एकंसेन ससङ्खारमेवाति न सक्काव विज्जातुं । यं ससङ्खारेन सप्पयोगेन पवत्तति, तं मन्दमेव होतीति कत्वा तथा वुत्तन्ति ददुब्बं ।

मोहमूलं चित्तं मूलन्तरविरहतो अतिमूळं विचिकिच्छुद्धच्चयोगतो चञ्चलज्वाति उपेक्खासहगतमेव होति, न तस्स कदाचिपि सभावतिक्खता अत्थि । आरम्भणे हि संसप्पनवसेन, विक्खिपनवसेन च पवत्तमानस्स चित्तद्वयस्स किं तादिसे किच्चे सभावतिक्खताय, उस्साहेतब्बताय वा भवितब्बं, तस्मा न तत्थ सङ्खारभेदो अत्थि । ननु च उद्धच्चं सब्बाकुसलसाधारणं, कस्मा पन एतमेव तेन विसेसेत्वा वुत्तं “उद्धच्चसहगत”न्ति । विसेसतो बलवभावतो । इदञ्चि एतस्मिं चित्ते बलवं, तस्मा सम्पयुत्तधम्मेसु पधानं हुत्वा पवत्ततीति इदमेव तेन विसेसितब्बं । तेनेव हि पाळियं सेसाकुसलेसु उद्धच्चं येवापनकवसेन आगतं, इध पन सरूपतोयेव निद्विट्ठं । एवं असाधारणपधानधम्मवसेन मोहमूलं विचिकिच्छासम्पयुत्तं उद्धच्चसम्पयुत्तन्ति दुविधं वुत्तन्ति ददुब्बं । असन्निट्ठानं संसयो, विक्खेपो अवूपसमो, भन्तताति अत्थो । तत्थ विचिकिच्छासहगतस्स असन्निट्ठानकाले, उद्धच्चसहगतस्स विक्खेपकाले च पवत्ति वेदितब्बा ।

यथानुरूपन्ति पटिसन्धिजनकाजनकस्स, कम्मपथभावप्पत्तापत्तस्स च अनुरूपतो । अथ वा यथानुरूपन्ति यो यस्स हेतु, तदनुरूपतो । येभुय्येन हि लोभमूलकेन खुप्पिपासादिनिरन्तरपेतविसये उप्पज्जन्ति, दोसमूलकेन दोसो विय चण्डजातताय तंसरिक्खके निरये, मोहमूलकेन निच्चसम्मूळहाय तिरच्छानयोनियं, तस्मा लोभादिहेतुअनुरूपतो तत्थ तत्थ अपाये उपपत्तिं निष्पादेतीति आह “यथानुरूपं...पे०... उपपत्तिया”ति । अकुसलविपाकानं दुक्खप्पधानताय “दुक्खविसेसस्सा”ति वुत्तं ।

३१. अपापेन अलामकेन पापापाप्पहीनेन पापापापेसु मानसेसु यं पापमानसं वुत्तं, पापापापेसु पुग्गलेसु अपापेन पापापाप्पहीनेन यं पापमानसं वुत्तन्ति वा सम्बन्धो । अथ वा पापापापेसु मानसेसु पापेन पापमानसेन पापवसेन पापापाप्पहीनेन यं पापमानसं वुत्तन्ति योजना । अयं पनेत्थ अधिप्पायो — असम्मासम्बुद्धेन ताव धम्मसभावस्स दुब्बिजानीयत्ता कुसलम्पि अकुसलतो, अकुसलम्पि कुसलतो वुच्चेय्य, भगवतो पन सह वासनाहि विद्धंसिताकुसलस्स कम्मक्खयकरजाणेन पच्चयवेकल्लतो विद्धंसितकुसलकम्मस्स च सम्मासम्बुद्धभावतो एकन्तेनेव अकुसलदेसना अकुसलधम्मवसेनेवाति ।

अकुसलवण्णना निड्ढिता ।

अव्याकृतवण्णना

अज्जमज्जविसिद्धानं कुसलाकुसलानं पाकन्ति विपाकं, विपक्कभावमापन्नानमरूपधम्मामेतमधिवचनं। यथा हि लोके सालिबीजादीनं फलानि तंसदिसानि निब्बत्तानि विपक्कानि नाम होन्ति, विपाकनिरुत्तिञ्च लभन्ति, न मूलङ्कुरपत्तदण्डनळादीनि, एवं कुसलाकुसलानं फलानि अरूपधम्मभावेन, सारम्मणभावेन च तंसदिसानि विपक्कभावमापन्नानीति विपाकनिरुत्तिं लभन्ति, न पन कम्माभिनिब्बत्तापि रूपधम्मा कम्मविसदिसत्ता। विपाकमेव चित्तं **विपाकचित्तं**। करणमत्तं किरिया फलदानासम्भवतो। येन पन कारणेन तस्स फलदानं न सम्भवति, तं हेट्ठा वुत्तमेव। किरिया एव चित्तं **किरियचित्तं**। विपाकस्स कामावचरादिभावो कुसले वुत्तनयेन यथासम्भवं वेदितव्वो। अलोभादिसम्पयुत्तहेतूहि सह वत्तनतो **सहेतुकं**। तदभावतो **अहेतुकं**। निब्बत्तकहेतुवसेन सिज्झमानम्मि हेतं सम्पयुत्तहेतुवसेनेव “सहेतुकमहेतुक”न्ति वुच्चति, इतरथा ववत्थानाभावतो।

सककुसलं वियाति अत्तनो जनकं कामावचरकुसलं विय। जनकजनितव्वसम्बन्धवसेन हि तं तं कुसलं तस्स तस्स विपाकस्स सकं नामं होति।

“सककुसलं विया”ति वुत्तत्ता पवत्ताकारआरम्मणादितो चस्स तंसदिसता आपज्जेय्याति तंनिवारणत्थमाह “**यथा पना**”तिआदि। **छसु आरम्मणेसूति** परित्तादिअतीतादिअज्झत्तादिभेदेसु छसु रूपादिआरम्मणेसु। भवन्तरपटिसन्धानतो **पटिसन्धि**। अविच्छेदप्पवत्तिहेतुभावेन भवस्स अङ्गन्ति **भवङ्गं**। निब्बत्तितभवतो परिगज्जताय चुतिहेतुताय **चुति**। **परित्तधम्मपरियापन्नेसूति** कामावचरधम्मपरियापन्नेसु। कामावचरधम्मा हि किलेसविकखम्भनादीसु असमत्थभावेन परित्तानुभावताय, ओळारिकाहि वा कामतण्हादीहि परितो गहितत्ता “परित्ता”ति वुच्चन्ति। विपाकस्स सङ्कप्पेत्वा आरम्मणगगहणाभावतो कम्मानुरूपमेव पवत्ततीति परित्तकम्मविपाको परित्तारम्मणेयेव पवत्तितुमरहति, न महग्गतअप्पमाणारम्मणेति वुत्तं “परित्तधम्मपरियापन्नेसू”ति। यदि एवं महग्गतविपाकोपि महग्गतारम्मणेयेव आपज्जतीति? नापज्जति, सज्जायत्तारम्मणस्स समाधिप्पधानस्स कम्मस्स अप्पनापत्तस्स तादिसेनेव विपाकेन भवितव्वत्ता। वण्णलक्खणादिकज्झि अग्गहेत्वा लोकसज्जानुरोधेनेव गहिते पथवादिके परिकम्मसज्जाय समुप्पादितं पटिभागनिमित्तसङ्घातमारम्मणं सज्जावसं सज्जायत्तं होति, तस्मा तदारम्मणस्स समाधिप्पधानस्स अप्पनापत्तस्स कम्मस्स विपाकेन समाधिप्पधानअप्पनापत्तेहि विय सज्जायत्तारम्मणताय निब्बिसेसेनेव भवितव्वं। परित्तविपाको पन महग्गतअप्पमाणपज्जत्तारम्मणकम्मनिब्बत्तोपि होति, सो परतो आगमिस्सति।

मुखनिमित्तं वियाति मुखं पटिच्च उप्पन्ननिमित्तं विय। यथा हि तं निरीहं अपरं मुखनिमित्तं उप्पादेतुं, अज्जं वा किञ्चि अत्तनो बलेन कातुं न सक्कोति, एवमेतम्मि विपाकुप्पादनादीसु न उस्सहति। तेनाह “**निरुस्साह**”न्ति। **उस्साहोति** चेत्थ अनुपच्छिन्नाविज्जातण्हामानानुसयस्मिं सन्ताने विपाकुप्पादनसमत्थतासङ्घातो, आसेवनपच्चयभावसङ्घातो, विज्जत्तिजनकतासङ्घातो च व्यापारो। सो विपाके नत्थि कम्मवेगुक्खित्तत्ता पतितं विय हुत्वा पवत्तमानस्स तस्स एकन्तेन दुब्बलभावतोति तं निरुस्साहं।

विपच्चनट्टानन्ति विपच्चनवसेन पवत्तनट्टानं, पटिसन्धिभवङ्गचुतितदारम्मणवसेन चतुकिच्चानमेतेसं पवत्तिओकासोति अत्थो। तत्थ चुतिभवङ्गानं अन्तराळं पटिसन्धिकिच्चानं ठानं, पटिसन्धिआवज्जनानं, तदारम्मणावज्जनानं, जवनावज्जनानं, वोट्टुब्बनावज्जनानञ्च अन्तराळं भवङ्गकिच्चानं ठानं, तदारम्मणपटिसन्धीनं, जवनपटिसन्धीनं, भवङ्गपटिसन्धीनं वा अन्तराळं चुतिकिच्चानं ठानं, जवनभवङ्गानं अन्तराळं तदारम्मणकिच्चानं ठानन्ति

ददृब्बं । यस्मा पनेतं ठानं धम्मानं तंतंकिच्चवसेन पाकटं होति, तस्मा ठानं वेदितब्बन्ति ठानं उद्धरित्वा पाकटकिच्चवसेनेव तं पकासेतुं “इमानि ही”तिआदि वुत्तं । अथ वा किच्चम्पि किच्चवन्तानं पवत्तिट्ठानभावेन गय्हातीति ठानन्तिपि किच्चमेव उद्धटन्ति तं सरूपतो दस्सेतुं “इमानि ही”तिआदि वुत्तं ।

३२. अण्डजजलाबुजयोनिस्सम्भवानं मनुस्सानं, विनिपातिकासुरानञ्च अहेतुकपटिसन्धियापि सम्भावतो आह “दुहेतुकतिहेतून”न्ति । पटिसन्धिविज्जाणसम्पयुत्ता द्वे अलोभादयो हेतू येसं ते दुहेतुका । एस नयो तिहेतुकेसुपि । तत्थ दुहेतुकानं जाणविप्पयुत्तानि चत्तारि, तिहेतुकानं जाणसम्पयुत्तानि चत्तारि पटिसन्धियो होन्ति, तथा भवङ्गचुतियोपि । येन येन हि चित्तेन पटिसन्धि होति, तं तदेव भवङ्गचुतिवसेनपि पवत्तति । तदारम्मणं पन अविसेसेन ददृब्बं दुहेतुकानम्पि तिहेतुकतदारम्मणस्स इच्छितत्ता । ननु चेत्तं असमपेक्खिताभिधानं आचरियेनेव इमस्स पटिसिद्धत्ता । तथा हि वक्खति —

“अहेतुपटिसन्धिस्स, न तदारम्मणं भवे ।

दुहेतुकं तिहेतुं वा, दुहेतुपटिसन्धिन्नो”ति ॥ (अभिध० ४४३) ।

नयिदमसमपेक्खिताभिधानं पटिसन्धिजनककम्मं सन्धाय तत्थ पटिसिद्धत्ता । येन हि कम्मेन या पटिसन्धि आदिन्ना, न तं ततो अधिकतरं तदारम्मणं पवत्ते अभिनिष्पादेति । यं पन अज्जम्पि किञ्चि कम्मं तदालद्भावकासं सिया, न तं तत्थ ततो अधिकतरम्पि विपाकं न निब्बत्तेतीति अत्थि । “सहेतुकं भवङ्गं अहेतुकस्स भवङ्गस्स अनन्तरपच्चयेन पच्चयो”ति (पट्ठा० ३.१.१०२) हि पट्टानवचनेन अहेतुकस्सापि नानाकम्मेन सुगतियं सहेतुकतदारम्मणमनुज्जातं । तेनाहु आचरिया —

“होति अज्जेन कम्मेन, सहेतुकं अहेतुन”न्ति ।

यथा च अहेतुकस्स सहेतुकं, एवं दुहेतुकस्स तिहेतुकम्पि इच्छन्ति । आचरियजोतिपालत्थेरो पन “सहेतुक”न्ति अविसेसेन वुत्तत्ता अहेतुकानम्पि तिहेतुकतदारम्मणं इच्छति । वुत्तज्झि तेन “सहेतुक”न्ति अविसेसोपदेसेन दुहेतुकं, तिहेतुकञ्च गहेतब्बं । तथा हि अट्ठकथायं “अहेतुकस्सापि तिहेतुकतदारम्मणमभिहितं, यच्चरहि अत्थसमासे अहेतुकानं तिहेतुकफलानि देती”ति वुत्तं, तं कथं? सो एव पुच्छितब्बो, यो तस्स कत्ताति । अपरे पन “मूलसन्धिया जळत्ता तस्स तिहेतुकतदालम्बणं न लब्धतियेवा”ति वदन्ति ।

३३-४. ततोति पटिसन्धितो परं, दुतियचित्ततो पट्टाय । सतिपि अन्तरन्तरा वीथिचित्तुप्पादे तदवसाने उप्पज्जमानस्स यावतायुकं अनिवत्तनतो वुत्तं “यावतायुक”न्ति । बलवारम्मणेति अतिमहन्तविभूतारम्मणे । पञ्चद्वारे हि अतिमहन्तारम्मणे मनोद्वारे विभूतारम्मणे तदारम्मणमुप्पज्जति, न अज्जेसु । एकारम्मणप्पवत्तिया पटिसन्धादीनं तिण्णम्पि एकट्ठाने दस्सनत्थं उद्देसे तदारम्मणस्स अवसानकरणं, इध पन पवत्तिक्कमवसेन चुतिया अवसानकरणन्ति ददृब्बं ।

३५-६. कम्मद्वारन्ति कायवचीकम्मद्वारस्स जनकवसेन न पवत्तन्तीति वुत्तं होति । तत्थ कायोति कायविज्जति । कम्मन्ति तंसमुट्ठापिका चेतना, कायेन कतं कम्मं कायकम्मं । किञ्चापि हि कायो कम्मस्स चतुवीसतिया पच्चयेसु न केनचि पच्चयेन पच्चयो होति, तथापि तंसमुट्ठानस्स तस्स सम्भावेयेव कायकम्मादिवोहारोति तं तेन कतन्ति वुच्चति । कायकम्मस्स पवत्तिट्ठानभूतं द्वारं कायकम्मद्वारं । यदि एवं कम्मद्वारववत्थानं न सिया । कायद्वारेण हि सिद्धं कम्मं “कायकम्म”न्ति वुच्चति । तं पन “द्वारे चरन्ति कम्मानि”ति (ध० स० अट्ठ० १ कायकम्मद्वार) वचनतो वचीद्वारेपि सिज्झतीति द्वारेण कम्मववत्थानं न सिया, तथा वचीकम्मं कायद्वारेपि सिज्झतीति कम्मेण द्वारववत्थानम्पि न सियाति? तं

न, तब्बहुलवुत्तिया चेव येभुय्येन वुत्तिया च ववत्थितत्ता । कायकम्मज्झि कायद्वारेयेव बहुलं पवत्तति, अप्पं वचीद्वारे, तस्मा कायद्वारे बहुलप्पवत्तनतो एतस्स कायकम्मभावो सिद्धो वनचरकादीनं वनचरकादिभावो विय । तथा कायकम्ममेव येभुय्येन कायद्वारे पवत्तति, न इतरं, तस्मा कायकम्मस्स येभुय्येन एत्थेव पवत्तितो अस्स कायकम्मद्वारभावो सिद्धो ब्राह्मणगामादीनं ब्राह्मणगामादिभावो वियाति नेत्थ कम्मद्वारववत्थाने कोचि विबन्धोति । **वचीकम्मद्वारेपि एस पबन्धो यथासम्भवं दट्ठब्बो ।**

मनोकम्मद्वारं पन सयं मनोयेव समानं अत्तना सहगतचेतनाअनभिज्झादिकम्मानं पवत्तिद्वारभावेन मनोद्वारसङ्घं लभतीति न तं चित्तस्स उप्पत्तिद्वारवसेन गण्हाति । न हि सयं अत्ततोव पवत्तति । यदि पन चित्तसम्पयुत्ता कम्मद्वारभावेन अधिप्पेता, तदा तेसं कम्मद्वारभावो मनस्मिं न उपचारीयतीति सम्पयुत्तधम्मानं चित्ताधिपतिभावो चित्ते वियाति चित्तं “**मनोकम्मद्वारं**”न्ति वुच्चति । सभावतो पन कम्मद्वारं नाम सम्पयुत्तधम्मायेवाति चित्तं ततो पवत्तनतो मनोकम्मद्वारवसेन पवत्तति । अनन्तरपच्चयभूतस्स पन मनोकम्मद्वारभावे वत्तब्बमेव नत्थि । इध पन “अविज्जत्तिजनत्ता”ति वचनेन कायवचीकम्मद्वारवसेनेव अप्पवत्तिया साधितत्ता मनोकम्मद्वारं न गहितमेव । न हि “अविज्जत्तिजनत्ता”ति कारणं मनोकम्मद्वारवसेनपि अप्पवत्तिं साधेति । अथ वा “अविपाकसभावतो”ति वचनेन मनोकम्मद्वारवसेनपि अप्पवत्ति साधिता होति । “कम्मद्वार”न्ति एत्थ कम्मगगहनेन नानक्खणिककम्मस्स अधिप्पेतत्ता तस्सापि गहणं दट्ठब्बं । इति इमेसु कायवचीकम्मद्वारसङ्घातेसु द्वीसु द्वारेसु, मनोकम्मद्वारेन सह तीसु एव वा यथा कुसलं पवत्तति, न एवं विपाको, यथा च कुसलं कायवचीमनोकम्मस्स आयूहनवसेन दानादिपुज्जकिरियवत्थुवसेन पवत्तति, न एवमयं । अयं पन नेव कायवचीकम्मद्वारेसु पवत्तति विज्जत्तिसमुट्ठापकत्ताभावतो, न कम्मवसेन, मनोकम्मद्वारवसेनापि च पवत्तति विपाकुप्पादनभावाभावतो, न पुज्जकिरियवसेन पवत्तति दानादिवसेन अप्पवत्तनतोति दस्सेतुं “**कम्मद्वारज्ज...पे०... नो समा**”ति वुत्तं । एवन्ति दानादिवसेन ।

३७. “परित्तरम्मणत्ता”तिआदि सम्पयुत्तधम्मवसेन विसेसदस्सनं । यस्मा एते परित्तरम्मणा, करुणामुदिता च पज्जत्तरम्मणा सत्तपज्जत्तियं पवत्तनतो, तस्मा द्विन्नमालम्बणानं एकचित्तस्स विसयभावाननुगमनतो न तेसु करुणामुदिता कदाचिपि जायन्तीति अयमेत्थ पठमगाथाय अधिप्पायो ।

३८. दुतियगाथाय पन हि-सद्धो यस्माति इमस्स अत्थे । यस्मा “पज्ज सिक्खापदा कुसला”ति (विभ० ७१५) वुत्ता, तस्माति अत्थो । इदं वुत्तं होति — भगवता हि **सिक्खापदविभङ्गे** “पज्ज सिक्खापदा कुसला”ति (विभ० ७१५) एवं “पाणातिपाता वेरमणी”तिआदीनं पज्जन्नं सिक्खापदानं कुसलभावो वुत्तो, ते च विरतिसभावा एव आदितो तिण्णं सिक्खापदानं, पच्छिमस्स च सम्माकम्मन्ते, इतरस्स सम्मावाचायं, पज्जन्नमि मिच्छाजीवहेतुकपज्जदुच्चरिततो विरमणवसेन पवत्तानं सम्माआजीवे च अन्तोभावतो, तस्मा ता एकन्तकुसलभूतानं कदाचि अब्याकते लभन्ति, इतरथा सद्धासतिआदयो विय “सिया कुसला, सिया अब्याकता”ति वुच्चेय्युन्ति । यदि एवं लोकुत्तरफलेसु अट्ठ, सत्त वा मग्गङ्गा न लब्धन्तीति? नो न लब्धन्ति लोकियविरतीनमेव तत्थ एकन्तकुसलभावस्स वुत्तत्ता, लोकुत्तरविरतियो पन फलस्स मग्गपटिबिम्बभूतत्ता मग्गसदिसतो अट्ठङ्गिकताय, सत्तङ्गिकताय च भवितव्वन्ति न च एकन्तकुसलभावेन ववत्थापेतुं युत्ता । एवज्ज कत्वा उपरि लोकुत्तरफलेसुपि अट्ठङ्गिकतादिभेदो मग्गो उद्धटोति ।

३९. “तथाधिपतिनो”तिआदि अधिपतिवसेन विसेसदस्सनं । सब्बेसम्मि हि तेभूमककुसलानं अज्जो आयूहनकालो, अज्जो विपच्चनकालो, तस्मा न तानि अत्तनो विपाकेहि अधिपतिं गाहापेतुं सक्कोन्तीति न ते छन्दादीनि

धुरं कत्वा पवत्तन्ति । लोकुत्तरकुसलानि च पन आयूहनकालस्स, विपच्चनकालस्स च अन्तराभावतो अत्तनो छन्दादीनं बलस्स अवूपसन्तकालेयेव विपाकं निब्बत्तेन्तीति अनन्तरपच्चया हुत्वा विपाकेहि अधिपतिं गाहापेतुं सक्कोन्तीति । एवञ्च कत्वा उपरि लोकुत्तरविपाकानं अधिपतियोगं वक्खति ।

४०. यस्मा मोरवापिवासिमहादत्तत्थेरेन विपाकानं आगमनतो असङ्खारिकससङ्खारिकभावो इच्छितो, तिपिटकचूळनागत्येरेन पच्चयतो, तस्मा उभिन्नम्पि मतिदस्सनत्थमाह “असङ्खारससङ्खारविधान”न्तिआदि । पुरिमत्थेरो हि यथा मुखे चलिते आदासतले मुखनिमित्तं चलति, एवं असङ्खारिकस्स कुसलस्स विपाको असङ्खारिको, ससङ्खारिकस्स विपाको ससङ्खारिकोति आह, तस्मा तस्स मतिदस्सनत्थं “असङ्खार...पे०... पुञ्जतो”ति वुत्तं । दुतियत्थेरो पन असङ्खारिकादीसु येन केनचिपि चित्तेन कम्मे आयूहिते आसन्नमरणस्स अत्तनो, परेसं वा पयोगेन विना असङ्खारेन अप्पयोगेन कम्मकम्मनिमित्तगतिनिमित्तपच्चुपट्टाने पटिसन्धि उप्पज्जमाना असङ्खारिका । यस्स कस्सचि ससङ्खारेन सप्पयोगेन कम्मादिपच्चुपट्टाने ससङ्खारिका । तथा भवङ्गचुतियोपि । तदारम्मणञ्च पणीतापणीतउतुभोजनादिपच्चयवसेन, अनन्तरनिरुद्धकुसलाकुसलस्स वसेन वा असङ्खारससङ्खारन्ति एवं पच्चयतो असङ्खारिकादिविधानतमाह, तस्मा तस्स मतिदस्सनत्थं “जेय्यं पच्चयतो चेवा”ति वुत्तं । इदमेव च पन आचरिया पसंसन्ति ।

४१-२. हीनादीनं विपाकत्ताति अधिपतियोगाभावेपि हीनमज्झिमपणीतानं कुसलानं विपाकत्ता । एतेन आगमनतो हीनादिभावं विभावेति । विनेय्यसन्तानगतकिलेसमलविधमनेन तस्स पुननतो पुञ्जो वादो वचीघोसो एतस्स, वुत्तनयेनेव पुञ्जं वदतीति वा पुञ्जवादी, तेन पुञ्जवादिना । “एकन्तेन सवत्थुक”न्ति वुत्तेपि रूपलोके पवत्ति अनिवारिताति आह “कामलोकस्मि”न्ति । “न पनञ्जत्थ जायते”ति इमिना पन ब्यतिरेकतो लद्धमत्थं दस्सेतीति ।

एवं ताव सहेतुकविपाके निद्विसित्वा इदानीं अहेतुके निद्विसितुं “अहेतुकविपाकचित्तं पना”तिआदि वुत्तं । कस्मा पन सहेतुकस्स कम्मस्स अहेतुकविपाको होतीति? वुच्चते — चक्खुविज्जाणादीनं ताव पञ्चन्नं आरम्मणाभिनिपातमत्तत्ता अलोभादिसम्पयोगो न सम्भवति, तथा मन्दतरकिच्चेसु सम्पटिच्छनसन्तीरणेसूति एवं हेतून् उप्पत्तिया असम्भवतो च नेसं अहेतुकता दट्ठब्बा । उपेक्खादियोगे पन चक्खुविज्जाणादीनं ताव चतुन्नं इडारम्मणेपि पवत्तमानानं वत्थारम्मणसङ्घट्टनाय दुब्बलभावतो उपेक्खासहगतता, कायविज्जाणस्स च ताव बलवभावतो सुखसहगतता होति । सम्पटिच्छनं पन आरम्मणघट्टनयोग्यभावेन ओळारिकत्ता, चतुचित्तक्खणातीतवसेन चिरजातत्ता च दुब्बलमत्तनो निस्सयेन सह असमानजातिकञ्च चक्खादिवत्थुं निस्साय उप्पन्नेहि चक्खुविज्जाणादीहि लद्धानन्तरपच्चयताय, अपुब्बनिस्सयताय च आरम्मणरसस्सादे दुब्बलन्ति इट्ठादीसु आरम्मणेसु उपेक्खासहगतमेव । सन्तीरणं पन वुत्तविपरीततो इडारम्मणे सुखसहगतं, इट्ठमज्झत्ते च उपेक्खासहगतन्ति दट्ठब्बं । मनोविज्जाणधातु विय विसिद्धमननकिच्चाभावतो मनोमत्ता निस्सत्तनिज्जीवादिअत्थेहि धातु चाति मनोधातु । सा हि सतिपि विज्जाणभावे मनोविज्जाणतो सम्भवस्स विसिद्धमननकिच्चस्स अकरणतो मननमत्तायेव होति । वुत्तलक्खणविपरीततो पन मनो च तं विज्जाणञ्चाति मनोविज्जाणं, तदेव यथावुत्तट्टेन धातूति मनोविज्जाणधातु ।

विज्जाणपञ्चकं नियतारम्मणं यथाक्कमं रूपादिएकेकस्सेव आरम्मणकरणतो । **सेसत्तयमनियतारम्मणं** पञ्चारम्मणिकछळारम्मणिकभावतो ।

दट्ठब्बताय दिट्ठं, रूपायतनं । सोतब्बताय सुतं, सद्दायतनं । मुनितब्बताय मुतं, सम्पत्तस्सेव गहेतब्बतायाति अत्थो, गन्धादित्तयस्सेतं नामं । चक्खादीहि विना केवलं मनसा एव विजानितब्बताय विज्जातं, धम्मायतनं ।

अनामद्वकालविसेसवचनत्ता च नेसं अतीतानागतापि रूपादयो दिट्ठादिसद्देहि वुच्चन्ति । तेनेव हि “दट्ठब्बताया”तिआदिना कालसामञ्जेन नेसं निब्बचनं वुत्तं । दिट्ठं आरम्भणं यस्स तं **दिट्ठारम्भणं** । एवं **सुतारम्भणादीसु** ।

चक्खुतो पवत्तन्ति चक्खुद्वारतोव पवत्तं सब्बवाक्यानं अवधारणफलत्ता । तेन मनोधातुआदीनं चक्खुविज्जाणभावो निवारितो होति तेसं द्वारन्तरतोपि पवत्तिसम्भवतो । अथ वा “**चक्खुतो पवत्तं**”न्ति इदं सज्जातिप्पवत्तिं सन्धाय वुत्तं, न सञ्चरणप्पवत्तिं, तस्मा यथा कुण्डमुखतो उदकं सञ्चरणवसेन पवत्तति, न एवं पवत्तमिध गहितं । यथा पन चन्दकन्तपासाणतो उदकं सज्जातिवसेन पवत्तति, एवं पवत्तमेव चक्खुतो पवत्तन्ति गहितं । यथा च किं? यथा कुच्छितो समुद्धितं पित्तसेम्हरुहिरादि मुखतो सन्दन्तम्पि “मुखस्सवो”ति न वुच्चति, मुखतोयेव पन समुद्धित्वा ततो सवन्तं खेळं “मुखस्सवो”ति वुच्चति, एवं हृदयवत्थुसन्निस्सयतो समुद्धित्वा चक्खुतो पवत्तमानं चक्खुविज्जाणं नाम न होति । चक्खुतोयेव पन समुद्धित्वा ततो पवत्तमानं चक्खुविज्जाणं नामाति । यो पन इममत्थं असल्लकखेत्वा व्यञ्जनमत्तस्सेव अभिनिविसित्वा तंद्वारप्पवत्तानं सेसानम्पि चक्खुविज्जाणभावं मज्जेय्य, तं निवारेतुं पकारन्तरेनपि विग्गहं दस्सेन्तो आह “**चक्खुमिह सन्निस्सितं**”न्ति । यथा चक्खुतो पवत्तं, चक्खुसन्निस्सितं वा विज्जाणं चक्खुविज्जाणं, एवं सोतविज्जाणादीसुपि “सोततो पवत्तं, सोतस्मिं सन्निस्सितं वा विज्जाणं सोतविज्जाण”न्तिआदिना योजनं अतिदिसन्तो आह “**तथा सोतविज्जाणादीनी**”ति ।

चक्खुसन्निस्सितं हुत्वा रूपस्स विजाननलक्खणमेतस्साति **चक्खुसन्निस्सितरूपविजाननलक्खणं** । तत्थ चक्खुसन्निस्सितवचनेन दिब्बचक्खादिकं अज्जं रूपारम्भणं विज्जाणं निवत्तेति । विजानन-ग्गहणेन चक्खुसन्निस्सिते फस्सादिधम्मे निवत्तेति । चक्खुरूप-ग्गहणेन निस्सयतो, आरम्भणतो च चित्तं विभावेति उभयाधीनवुत्तिकत्ता । यदि हि चक्खु नाम न सिया, अन्धापि रूपं पस्सेय्युं, न च पस्सन्ति । यदि च नीलादिरूपं नाम न सिया, देसादिनियमेन न भवितब्बं, अत्थेव च नियमो । एकन्तसारम्भणता च चित्तस्स वुत्ताति आरम्भणेन विना नीलादिआभासं चित्तं पवत्ततीति एवं पवत्तो वादो मिच्छावादोति गहेतब्बो । तेनाह भगवा “चक्खुञ्च पटिच्च रूपे च उप्पज्जति चक्खुविज्जाण”न्तिआदि (म० नि० १.२०४, ४००; ३.४२१, ४२५; सं० नि० ४.६०; कथा० ४६५) । एत्थ सिया — किं पनेतं चक्खु, रूपञ्च विज्जाणस्स पच्चयो होन्तं एकमेव पच्चयो होति, उदाहु अनेकन्ति? चक्खु ताव एकम्पि, रूपं पन अनेकमेव सङ्गतं । किं कारणं? पच्चयभावविसेसतो । चक्खु हि चक्खुविज्जाणस्स निस्सयपुरेजातइन्द्रियविप्पयुत्तपच्चयेहि पच्चयो होन्तं अत्थिभावेनेव होति तस्मिं सति तस्स भावतो, असति अभावतो । यतो तं अत्थिअविगतपच्चयेहिस्स पच्चयोति वुत्तं, स्वायं पच्चयभावो न एकस्मिं न सम्भवतीति एकम्पि चक्खुविज्जाणस्स पच्चयो होति । रूपं पन यदिपि चक्खु विय पुरेजातअत्थिअविगतपच्चयेहि पच्चयो होति पुरेतरं उप्पन्नं हुत्वा विज्जमानक्खणेयेव उपकारकत्ता, तथापि अनेकमेव सङ्गतं हुत्वा पच्चयो होति आरम्भणभावतो । यज्झि तं आरम्भणं तस्स यथा तथा उपलब्धनीयवसेनेव आरम्भणपच्चयभावो, विज्जाणस्स च इन्द्रियाधीनवुत्तिकस्स आरम्भणसभावूपलब्धि न एकद्विकलापगतवण्णवसेन होति, नापि कतिपयकलापगतवण्णवसेन, अथ खो आभोगानुरूपं आपाथगतवण्णवसेनाति अनेकमेव रूपं संहचकारिताय विज्जाणस्स पच्चयो होतीति । अमुमेव हि विसेसं विभावेतुं “चक्खुञ्च पटिच्च रूपे चा”ति (म० नि० १.२०४, ४००; ३.४२१, ४२५; सं० नि० ४.६०; कथा० ४६५) **पाळियं** वचनभेदो कतोति । एवं सोतविज्जाणेपि यथारहं वत्तब्बं । घानविज्जाणादीनं पन सम्पत्तगाहताय अत्तनो निस्सयेन सह अल्लीनस्सेव गहणतो एककलापगतम्पि गन्धादिकं तेसं उप्पत्तिया पच्चयो होति ।

रूपमत्तारम्भणरसन्ति रूपायतनमत्तस्सेव आरम्भणकरणरसं । **मत्त-**सद्देन यथा आरम्भणन्तरं निवत्तेति, एवं

रूपायतनेपि लब्धमाने एकच्चे विसेसे निवत्तेति । न हि चक्खुविज्जाणं वण्णमत्ततो अज्जं किञ्चि नीलादिविसेसं तत्थ गहेतुं सक्कोति । तेनाह भगवा — “पञ्चहि विज्जाणेहि न किञ्चि धम्मं पटिविजानाति अज्जत्र अभिनिपातमत्ता”ति । चक्खुविज्जाणं उप्पज्जमानं रूपारम्मणे एव उप्पज्जनतो तदभिमुखभावेन गण्हातीति वुत्तं “रूपाभिमुखभावपच्चुपट्टान”न्ति । अत्तनो अनन्तरं उप्पज्जमानानं अरूपधम्मनं समनन्तरविगता अरूपधम्मा पवत्तिओकासदानेन अनन्तरसमनन्तरनत्थिविगतपच्चयेहि उपकारका, निस्सयारम्मणा धम्मा विय आसन्नकारणाति दस्सेन्तो आह “रूपारम्मणाय किरियामनोधातुया अपगमपदट्टान”न्ति । सोतविज्जाणादीसुपि वुत्तनयेनेव अत्थो वेदितब्बो । किरियामनोधातुया आरम्मणभेदतो भिन्नसभावत्ता आह “किरियामनोधातून”न्ति । चक्खुविज्जाणादीहि गहितं रूपादिआरम्मणं तदनन्तरमेव अपरिपतन्तं कत्वा सम्पटिच्छन्तं गण्हन्तं विय होतीति वुत्तं “रूपादिसम्पटिच्छनरस”न्ति । तथाभावेन सम्पटिच्छनभावेन पच्चुपट्टातीति तथाभावपच्चुपट्टानं ।

छसु आरम्मणेसु कदाचि पञ्चन्नं जच्चन्धादिवसेन ततोपि ऊनानं, ब्रह्मलोके च द्विन्नमेव विजाननसभावापि छळारम्मणविजाननलक्खणा वुत्ता तंसभावानतिवत्तनतो, छस्वेव वा इतरेसं आरम्मणानं अन्तो गधत्ता । सन्तीरणदिरसाति यथासम्भवं सन्तीरणतदारम्मणादिकिच्चा, सन्तीरणतदारम्मणपटिसन्धिभवङ्गचुतिकिच्चाति अधिप्पायो । “हृदयवत्थुपदट्टाना”ति इदं इमासं द्विन्नं मनोविज्जाणधातूनं अनिबद्धट्टानताय निबद्धकारणं दस्सेतुं वुत्तं । वुत्तनयेन पन “तंतं अनन्तरातीतविज्जाणापगमपदट्टान”न्तिपि वत्तुं वट्टतियेव । अहेतुकचित्तानं विसुं विसुं लक्खणादिकस्स दस्सितत्ता परिसेसतो सहेतुकचित्तानं एकसदिसमेव लक्खणादिकन्ति विज्जायति । तं पन हेट्टा विभावितमेव ।

इदानीं इमासं आरम्मणादितो भेदं दस्सेतुं “तत्थ पठमा”तिआदि वुत्तं । एकन्तमिद्वारम्मणेति एकन्तेनेव इद्वारम्मणे, अतिइद्वारम्मणेति अत्थो । पञ्चसु ठानेसूति सहेतुकविपाकानं वुत्तेसु चतूसु, सम्पटिच्छनवोड्डब्बनानं अन्तराळसङ्घातसन्तीरणट्टाने चाति पञ्चसु ठानेसु, पञ्चसु किच्चेसूति वा अत्थो । किञ्चापि सोमनस्सपटिसन्धिकस्स दोमनस्सजवनावसाने तदारम्मणसम्भवे असति यं किञ्चि परिचितपुब्बं परित्तरम्मणमारब्ध उपेक्खासहगतसन्तीरणमुप्पज्जतीति इच्छितं, तथा पन उप्पज्जमानस्स कदाचियेव सम्भवतो येभ्य्यप्पवत्तिं गहेत्वा छ ठानानि अवत्वा पञ्चेव वुत्तानि । अथ वा तं उप्पज्जमानं तदारम्मणट्टानेयेव निब्बत्ततीति तंवसेनेव तस्सापि ठानं गहितन्ति दट्टब्बं । अचक्खुसंवत्तनिककम्मनिब्बत्तताय जातिया अन्धो जच्चन्धो । किञ्चापि हि जातिक्खणे अण्डजजलाबुजानं सब्बेसम्पि चक्खु नत्थि, यस्स भावाभावतो अन्धानन्धविचारणा भवेय्य, तथापि चक्खुस्स उप्पज्जमानारहकालेपि चक्खुविपत्तिविबन्धकेन कम्मुना पटिहतसामत्थियेन पटिसन्धिदायकेन इतरेनापि वा कम्मेन तस्स अनुपादियमानत्ता सत्तो “जच्चन्धो”ति वुच्चति । अथ वा जच्चन्धोति पसूतियंयेव अन्धो, मातुकुच्छियंयेव अन्धो हुत्वा निक्खन्तोति अत्थो । तेन दुहेतुकतिहेतुकानं मातुकुच्छिगतकालेपि चक्खुस्स अविपज्जनं सिद्धं होति, एवं जातिबधिरादीसुपि यथारहं वत्तब्बं । जच्चजळोति जातिया अज्जाणको । किञ्चापि दुहेतुकपटिसन्धिकोपि जातियं अज्जाणको, तस्स पन पवत्तियं पज्जा सम्भवतीति वुत्तनयेन येभ्य्यतो पवत्तियम्पि पज्जायासम्भवतो जच्चजळो वेदितब्बो । जच्चुम्मतको सुरामेरयपानादिउम्मतकभावसंवत्तनिककम्मपरिभावितेन कम्मेन गहितपटिसन्धिको । पण्डकोति परदारगमनादिकम्मपरिभावितेन कम्मुना गहितपटिसन्धिको । सो पञ्चविधो आसित्तपण्डको उसूयपण्डको पक्खपण्डको ओपक्कमिकपण्डको नपुंसकपण्डकोति । इध पन ओपक्कमिकपण्डकस्स सहेतुकस्सापि भावतो, नपुंसकस्स च विसुं गहणतो तयो पण्डका अधिप्पेता । आदि-सहेन जातिमूगजातिपङ्गुलमम्मनादीनं सङ्गहो । केचि पन “एकच्चे अहेतुकपटिसन्धिका अविकलिन्द्रिया हुत्वा थोकं विचारणपकतिकापि होन्ति, तस्मा तादिसानम्पि इध आदि-सहेन सङ्गहो”ति वदन्ति । एत्थ च जच्चन्धादीनमेव अयं पटिसन्धीति न गहेतब्बा । जच्चन्धादयो पन इमिना पटिसन्धिं गण्हन्तीति

गहेतब्बं ।

४३. तिहेतुकपुञ्जस्साति तिहेतुकस्सपि उक्कट्टपुञ्जस्स । दुहेतुकम्मस्स पन सब्बथापि सोळसन्नं विपाकानं असम्भवतो तप्पटिक्खेपपरत्ता चेतनाय “तिहेतुकपुञ्जस्सा”ति अविसेसतो वुत्तं ।

कामावचरविपाकवण्णना निट्ठिता ।

रूपावचरारूपावचरविपाकवण्णना

महग्गतविपाकानं तंतंकुसलागमनवसेनेव ज्ञानङ्गहानि, न पन भावनाविसेसेनाति तेसं पहानङ्गानि अनुद्धटानि ।
उपपत्तियन्ति उपपत्तिभवे ।

अरूपावचरविपाकचित्तानि वुच्चन्तीति सम्बन्धो ।

४४. कुसलानुगतं कत्वाति कुसलानुरूपं कुसलसदिसं कत्वा । यथा कामावचरविपाकं कुसलतो विसदिसम्पि कत्वा विभत्तं, एवमकत्वा कुसलसदिसमेव कत्वाति अत्थं वदन्ति । अट्ठकथायं पन कुसलानन्तरं कत्वा महग्गतविपाकानं भाजितपाळिं सन्धाय “कुसलानुगतं कत्वा भाजित”न्ति वुत्तं । पाळियज्झि —

“कतमे धम्मा अब्बाकता? यस्मिं समये कामावचरस्स कुसलस्स कम्मस्स कतत्ता उपचितत्ता विपाकं चक्खुविज्जाणं उप्पन्नं होती”ति आदिना (ध० स० ४३१) —

कामावचरविपाकं विभजित्वा महग्गतविपाकं विभजन्तेन —

“कतमे धम्मा अब्बाकता? यस्मिं समये रूपपत्तिया मगं भावेति, विविच्चेव कामेहि...पे०... पठमं ज्ञानं उपसम्पज्ज विहरति पथवीकसिणं, तस्मिं समये फस्सो होति...पे०... अविक्खेपो होति, इमे धम्मा कुसला, तस्सेव रूपावचरस्स कुसलस्स कम्मस्स कतत्ता उपचितत्ता विपाकं विविच्चेव कामेहि...पे०... पठमं ज्ञानं उपसम्पज्ज विहरति पथवीकसिणं...पे०... इमे धम्मा अब्बाकता”ति (ध० स० ४९८) ।

एवं कुसलं उद्दिसित्वा तदनन्तरं कत्वा महग्गतं विपाकं विभत्तं, तस्मा यथा कामावचरविपाकं, एवं अविभजित्वा इदं कुसलानन्तरं कत्वा विभत्तन्ति इममत्थं जोतेतुं अट्ठकथायं “कुसलानुगतं कत्वा”ति वुत्तं । इमिनापि च आचरियेन परिहारमुखेन वक्खमानअत्थविसेसवचनिच्छाय तत्थ वुत्तनयेनेव चोदना कता । एवज्झि सति कुसलानन्तरंयेव फलं उप्पज्जतीति जापनं सुट्ठूपपन्नं होतीति अयमेत्थ अम्हाकं आचरियस्स मग्गो ।

महग्गतन्ति महग्गतविपाकं । तज्झि इध अधिगतं । कामा...पे०... यतोति यस्मा कामावचरकुसलं असमानफलं होति तिहेतुकस्स दुहेतुकाहेतुकविपाकानं, दुहेतुकस्स च अहेतुकविपाकानम्पि जननतो, न एवमिदं, इदं पन एकन्तेनेव सदिसविपाकजननतो समानफलमेव, तस्माति अत्थो । एत्थ च “कुसल”न्ति अवुत्तेपि कामावचरपुञ्जंवाति उपमितत्ता उपमेय्यस्सपि कुसलभावो विज्जायति । कस्मा पनेतं सदिसविपाकं, न कामावचरं विय विसदिसविपाकम्पीति? वुच्चते — कामावचरपुञ्जज्झि आचिनन्तो रूपतण्हादिनानावत्थुककामतण्णूपनिस्सयतो आचिनति, तस्मा तदूपनिस्सयकुसलं

तदनुरूपतो नानावत्थुकं विपाकं जनेति । महगगतं पन आचिनन्तो एकवत्थुकायेव भवतण्हाय वसेन आचिनतीति तदनुरूपतो तं नानावत्थुं अजनेत्वा एकवत्थुमेव जनेतीति ।

४५-६. सब्बथाति धम्मतो आरम्मणतो पटिपदादितो च । तथा हि ये फस्सादयो कुसले च लब्धन्ति, ते विपाकेपि लब्धन्ति, यस्मिञ्च आरम्मणे कुसलं पवत्तति, तत्थेव इदं विपाकम्पि । याव पटिपदादयो कुसलस्स लब्धन्ति, ताव इमस्स विपाकस्सपीति । कामं यस्स कस्सचि छाया तंतंवत्थुसदिसाव, महन्तस्स पन कुसलविपाकस्स महन्ताहियेव उपमाहि भवितव्वन्ति **“गजादीन”**न्तिआदि वुत्तं । अपरे अपरे अत्तभावे भवं वेदनमस्साति **अपरापरियवेदनं** । यदि अपरापरियवेदनं न होति, कथञ्चरहि इमस्स फलुप्पत्तीति आह **“ज्ञाना अपरिहीनस्सा”**तिआदि ।

४७. कुसलानन्तरन्ति कुसलभवानन्तरं । यस्मिञ्चि भवे तं कुसलं कतं, सो इध कुसल-सहेन उपचारतो गहितो कम्मानन्तरंयेव फलस्स असम्भवतो । न हि तं लोकुत्तरकुसलं विय अनन्तरफलनिष्पादकं, अथ खो एकच्चकामावचरकुसलं विय अपरापरियवेदनं अहुत्वा सतिपि अनेकेयेव कामावचरकम्मे महोघो विय परित्तं उदकं तमज्झोत्थरित्वा अत्तनोयेव विपाकदानेन एकन्तेन अनन्तरभवेयेव फलं निब्बत्तेति । ननु च अपरिहीनज्ज्ञानस्सेव कस्सचि निकन्तिवसेन कामभवे पटिसन्धि होति । तथा हि तिस्समहाब्रह्मा उपरिब्रह्मलोकूपपत्तिया भावितमग्गो भिक्खूहि याचितो ततो चवित्वा मोग्गलिब्राह्मणस्स गेहे पटिसन्धिं अगगहेसीति वुत्तन्ति तं कथन्ति? निकन्तिबलेनेव ज्ञानं परिहायतीति ततो परिहीनज्ज्ञानो निब्बत्ततीति वदन्ति । अपरे पन आचरिया **“अनीवरणावत्थाय निकन्तिया ज्ञानस्स परिहानि वीमंसित्वा गहेतव्वा”**ति वत्वा **“सतिपि महगगतकम्मुनो विपाकं पटिबाहनसमत्थस्सेव परित्तकम्मस्स अभावे ‘इज्झति, भिक्खवे, सीलवतो चेतोपणिधि विसुद्धत्ता’ति (अ० नि० ८.३५) वचनतो कामभवे चेतोपणिधि महगगतकम्मस्स विपाकं पटिबाहित्वा परित्तकम्मुनो विपाकस्स ओकासं करोती”**ति वदन्ति, तं युत्तं । **एतस्साति** इमस्सत्थस्स आपनत्थन्ति सम्बन्धो ।

४८-९. एवं अविसेसेन कुसलसदिसतं अतिदिसित्वा इदानीं विसेसं दस्सेतुं **“पटिपदाक्कमो चेवा”**तिआदि वुत्तं । यथा हि दुक्खपटिपदं दन्थाभिज्जं ज्ञानं उप्पादेत्वा पुनप्पुनं समापज्जन्तस्स तं ज्ञानं तंपटिपदमेव होति, एवं तस्मिं तस्मिं अपरिहीने तस्स तस्स विपाको निब्बत्तमानो तंतंपटिपदोव भवितुं अरहति । छन्दाधिपतेय्यादिभावो पन तस्मिं खणे विज्जमानानं छन्दादीनं अधिपतिपच्चयभावेन होति, न आगमनवसेन । तथा हि एकमेव ज्ञानं नानक्खणेषु नानाधिपतेय्यं होति, तस्मा विपाकस्स आगमनवसेन छन्दाधिपतेय्यादिता न गहिता । तेनाह **“अभावोधिपतीन”**न्ति । तदभावतोव सरसतो तस्स हीनादिता न सम्भवतीति सापि ज्ञानागमनतोव वुत्ता ।

रूपावचरारूपावचरविपाकवण्णना निड्ढिता ।

लोकुत्तरविपाकवण्णना

मग्गचित्तस्स विय फलचित्तस्स मग्गयोगतो भेदाभावेन **“चतुमग्गयोगतो”**ति अवत्वा **“चतुमग्गसम्पयुत्तचित्तफलत्ता”**ति वुत्तं, चतूहि अरियमग्गेहि सम्पयुत्तकुसलचित्तस्स फलत्ता चतुब्बिधसामज्जफलसम्पयुत्तचित्तभावतोति अत्थो । सोतापत्तिमग्गस्स फलं चित्तं **सोतापत्तिमग्गफलचित्तं** । एवं सेसेसु । मग्गवीथियं द्विक्खत्तुं, त्रिक्खत्तुं वा फलसमापत्तिया अपरिच्छिन्नपरिमाणं पवत्तमानम्पि द्वीस्वेव ठानेसु पवत्तिया दुविधमेव होतीति आह **“मग्गवीथिफलसमापत्तिवसेन पवत्तितो दुविध”**न्ति ।

५०-१. मग्गस्सानन्तरे फले लब्धन्ति मग्गागमनतोति अधिप्पायो। मग्गो हि आगमनतो “सुञ्जतो”ति लद्धनामो सगुणालम्बणवसेन अनिमित्तअप्पणिहितनामम्पि लभतीति फलस्स नामत्तयम्पि देति, तथा आगमनतो अप्पणिहितो मग्गो सगुणारम्मणवसेन अनिमित्तसुञ्जतअप्पणिहितनामकोति फलस्स नामत्तयम्पि देति। एवञ्च कत्वा अभिधम्मे एकेकस्स फलस्स तीणि तीणि नामानि वुत्तानि। ननु च अभिधम्मे “सगुणारम्मणतो नामं अनधिप्पेत”न्ति वुत्तं? सच्चं वुत्तं, तं पन नामलाभं सन्धाय, न नामदानं। तत्थ हि ववत्थानकरत्ताभावतो तथा अनधिप्पेतं, न अलब्धनतो। इध पन एकेकस्स फलं नामत्तयम्पि लभतीति ववत्थानप्पयोजनाभावतो सगुणारम्मणेहि लद्धनामदानस्स अधिप्पेतत्ता तिविधम्पि नामं देति। एकन्तेन चेतं एवं सम्पटिच्छितब्बं, इतरथा विपस्सनापि विपस्सतो लद्धनाममग्गस्स तं न ददेय्याति। **परभागस्मिन्ति** अपरभागे। **वळञ्जनफलेसूति** समापज्जनवसेन अनुभवितव्वफलेसु। “वळञ्जनफलेसु ना”ति मग्गागमनं सन्धाय पटिक्खित्तन्ति आह “**विपस्सनावसेनेवा**”तिआदि। वळञ्जनफलज्झि विसुं विपस्सनावसेनेव निब्बत्ततीति तस्स तंवसेन नामलाभो। यदि एवं मग्गस्स विय अनिमित्तनामलाभो न सिया? तं न, यथा मग्गानन्तरस्स फलस्स विय वळञ्जनकफलसमापत्तियापि मग्गागमनतो च ज्ञानपटिपदाभेदो होति, एवं अनिमित्तनामम्पि लब्धतीति।

५२-३. होन्ति साधिपतीनेवाति एत्थ कारणं वुत्तमेव। **मग्गभावेनाति** सोळसहि आकारेहि चतुसच्चपटिवेधकमग्गभावेन, किलेसमारणवसेन गमनसङ्घातेन, निब्बानत्थिकेहि मग्गितव्वभावसङ्घातेन वा मग्गभावेन। **फलं...पे०... वुच्चतीति** सयं फलभावम्पि मग्गस्स फलत्ता, तंसदिसताय वा तमुपादाय मग्गोति वुच्चति “मग्गङ्गं मग्गपरियापन्न”न्तिआदीसूति अधिप्पायो।

लोकुत्तरविपाकवण्णना निड्डिता।

अकुसलविपाकवण्णना

यथा अतिइट्ठे इट्ठमज्झत्ते च आरम्मणे वेदनाभेदसम्भवतो कुसलविपाकमनोविज्जाणधातु दुविधा होति सोमनस्ससहगता, उपेक्खासहगताति, एवं अतिअनिट्ठे अनिट्ठमज्झत्ते च आरम्मणे वेदनाभेदो नत्थीति अकुसलविपाकमनोविज्जाणधातु एकविधावाति “**सत्ताकुसलविपाकानी**”ति वुत्तं। सति हि तत्थ वेदनाभेदे अतिअनिट्ठे दोमनस्सेन भवितव्वं, न च पटिघेन विना दोमनस्सं उप्पज्जतीति। कायविज्जाणस्स दुक्खसहगता कुसलविपाके वुत्तविपरियायेन वेदितव्वा। एत्थ च अकुसलविपाकेसु लब्धमानदुक्खं विय नातिकटुकापि उपेक्खा एकन्तनिहीनस्स अकुसलस्स विपाकभावतो दुक्खसभावत्ता हीना एव। न हि अकुसलस्स विपाको अदुक्खो होति, उपेक्खाभावो पनस्स बलवता बाधियमानस्स पटिपहरितुं असक्कोन्तस्स दुब्बलपुरिसस्स तेन करियमानबाधस्स उपेक्खना वियाति दट्ठव्वं। **इमानि...पे०... चित्तानीति** इमानि सत्त एकेकस्स अकुसलस्स विपाकचित्तानि, न पन कुसलविपाके विय तिहेतुकादिपुञ्जविसेसेन। उद्धच्चसहगतस्सपि हि पवत्तियं सत्तेव विपाका लब्धन्ति। कस्मा पनेत्थ यथा कुसलविपाकं सहेतुकम्पि उद्धटं, न एवं अकुसलविपाकन्ति? हेतूनं असम्भवतो। लोभादीनज्झि एकन्तसावज्जताय अयोनिमोमनसिकारहेतुकानं नत्थि विपाकभावो, अलोभादीनम्पि एकन्तमनवज्जसभावानं वा कारणस्स तव्विदूरताय नत्थेव अकुसलविपाकभावो। न हि अलोभादीनं पटिपक्खलोभादयो ते अभिनिष्पादेन्ति, तस्मा इदं सव्वथा सहेतुपवत्तिया असम्भवतो अहेतुकमेवाति।

कम्मकम्मनिमित्तगतिनिमित्तेसूति एत्थ अतीतभवे आयूहितं अपरापरियवेदनीयं, उपपज्जवेदनीयं वा कम्मं **कम्मं** नाम। कम्मकरणकाले चेतनाय गहितमारम्मणं **कम्मनिमित्तं** नाम। उपपज्जितव्वभवपरियापन्नो नरकादीसु

अगिजालादिवण्णो गतिनिमित्तं नाम ।

५४. इमेति अकुसलविपाका । तेसं अनिद्वानिद्वमज्झत्तविसयेसु पवत्तिवचनेन तब्बिपरियायेन कुसलविपाकानं इद्वइद्वमज्झत्तविसयेसु पवत्ति अत्थतो आपन्नाति सा विसुं न वुत्ता । **सुखादित्तययुत्ताति** सुखसोमनस्सुपेक्खायुत्ता ।

“एव”न्तिआदि यथावुत्तविपाकानं निगमनं ।

अकुसलविपाकवण्णना निद्विता ।

विपाकचित्तवण्णना

५५. पाकस्स असुरकज्जानं गम्भपरिपाकस्स सासनतो विनासनतो, पाकसङ्घातस्स वा असुरस्स विनासनतो पाकसासनो वुच्चति सक्को देवराजा, तेन पूजितो **पाकसासनपूजितो** । पाकं वा परिपक्कं सासनमेतेसूति पाकसासना, खीणासवा, तेहि पूजितोति **पाकसासनपूजितो** ।

विपाकचित्तवण्णना निद्विता ।

दानादिवसेनाति पवत्ताकारमत्ततो दानादिवसेन, न पन पुज्जकिरियवत्थुवसेन खीणासवसन्तानगतस्स पुज्जकिरियभावाभावतोति वुत्तोवायमत्थो ।

आवज्जतीति **आवज्जनं**, आभुज्जति ओणोजेति परिणामेति वारेतीति वा अत्थो । तज्झि आपाथगतं आरम्मणं पठममाभुज्जति, चक्खुविज्जाणादीनि वीथिचित्तानि आपाथगतारम्मणाभिमुखं ओणोजेति, चित्तसन्तानं वा पुरिमाकारतो अज्जथा परिणामेति, अनुप्पबन्धतो पवत्तनकं भवङ्गचित्तसन्तानं परतो पवत्तितुं अदत्त्वा आपाथगतं वा आरम्मणं अज्जत्थ गन्तुं अदत्त्वा वारेति । हसितं उप्पज्जति, उप्पादीयति वा एतेनाति हसितुप्पादं, तदेव चित्तन्ति **हसितुप्पादचित्तं** । वोद्वपेतीति **वोद्वब्बनं** । कस्मा पनेत्थ आवज्जनवोद्वब्बनानि उपेक्खासहगतानि, हसितुप्पादञ्च सोमनस्ससहगतन्ति? वुच्चते — आवज्जनं ताव अपुब्बारम्मणे सकिदेव च पवत्तमानसन्ततिविच्छेदवसेन पवत्तनतो, दुब्बलभवङ्गपच्चयं वा सब्बथा विसयरसमनुभवितुं न सक्कोतीति इद्वदीसु सब्बत्थ उपेक्खायुत्तमेव होति । वोद्वब्बनञ्च वुत्तविपरियायेन वेदनाभेदारहम्पि समानं विपाकप्पबन्धं विच्छिन्दित्वा विसदिसचित्तप्पबन्धस्स निब्बत्तनतो सन्ततिपरिणामनेयेव किच्चन्तरे ब्यावटत्ता विपाकं विय आरम्मणरसस्सादे असमत्थमेवाति सब्बत्थ उपेक्खासहगतमेव । हसितुप्पादं पन वुत्तविपरीततो परिहीनविपल्लासानं खीणासवानं सन्ताने इद्वारम्मणेयेव उप्पज्जनतो सब्बथा सोमनस्ससहगतमेवाति ।

लक्खणादितो पनेतासु पुरिमं चक्खुविज्जाणादीनं पुरेचरं रूपादिविजाननलक्खणं, आवज्जनरसं, तथाभावपच्चुपट्टानं, भवङ्गविच्छेदपदट्टानं । दुतियं छळारम्मणविजाननलक्खणं, अरहतं अनोळारिकेसु वत्थूसु हसितुप्पादरसं, तथाभावपच्चुपट्टानं, एकन्ततो हृदयवत्थुपदट्टानं । ततियम्पि छळारम्मणविजाननलक्खणं, पञ्चद्वारमनोद्वारेसु वोद्वब्बनावज्जनरसं, तथाभावपच्चुपट्टानं, अहेतुकविपाकमनोविज्जाणधातुभवङ्गानं अज्जतरापगमपदट्टानन्ति ।

भवङ्गं आवट्टयमानाति भवङ्गसन्तानं आवट्टयन्ती विय । **साधारणाति** सेक्खासेक्खपुत्थुज्जनानं साधारणा ।

असाधारणाति असेकखानंयेव आवेणिका । तेनाह “**खीणासवस्सा**”ति । छसु द्वारेसु...पे०... आरम्मणेसूति चक्खादीसु छसु द्वारेसु, पधानसारुप्पट्टानादिगतेसु छसु रूपादिआरम्मणेसु । पधानसारुप्पट्टि ठानं दिस्वा दिट्ठधम्मसुखविहारत्थाय “सारुप्पमिदं ठानं मया लब्धं”न्ति तुसन्तस्स चक्खुद्वारे रूपात्मणे, भण्डभाजनद्वाने महासद्वं सुत्वा “एवरूपा लोलुप्पतण्हा मे पहीना”ति तुसन्तस्स सोतद्वारे सद्वारम्मणे, गन्धेहि वा पुप्फेहि वा चेतियपूजनकाले “एवरूपेन वत सुगन्धेन भगवन्तं पूजेमी”ति तुसन्तस्स घानद्वारे गन्धारम्मणे, रससम्पन्नं पिण्डपातं सब्रह्मचारीहि सह भाजेत्वा परिभुञ्जनकाले “सारणीयधम्मो वत मे पूरितो”ति तुसन्तस्स जिह्वाद्वारे रसारम्मणे, आभिसमाचारिकवत्तपूरणकाले “कायेन वत्तपटिवत्तं पूरेमी”ति तुसन्तस्स कायद्वारे फोट्टब्बारम्मणेति एवं पञ्चद्वारेसु पञ्चारम्मणेसु पवत्तति ।

मनोद्वारे पन यथावुत्तेस्वेव पञ्चसु पच्चुप्पन्नारम्मणेसु **घटिकारसुत्ता**दीसु (म० नि० २.२८२ आदयो) विय भगवतो पुब्बेनिवासजाणेन परिज्जाते अतीतारम्मणे, “अट्टिस्सरो नाम पच्चेकबुद्धो भविस्सती”ति (ध० प० अट्ठ० १.१६ देवदत्तवत्थु) आगतद्वानादीसु विय अनागतंसजाणेन परिच्छिन्ने अनागतारम्मणे चाति एवं छस्वेवारम्मणेसु हसितं उप्पादेतीति वेदितव्वं । ननु च अतीतंसादीसु अप्पटिहतादीसु अप्पटिहतजाणं वत्वा “इमेहि तीहि धम्मेहि समन्नागतस्स बुद्धस्स भगवतो सब्बं कायकम्मं जाणपुब्बङ्गमं जाणानुपरिवत्तं”न्ति वचनतो विचारणपञ्चारहिताय एताय कथं भगवतो उप्पत्ति युज्जेय्याति? हसितुप्पादचित्तेन पवत्तियमानम्मि भगवतो सितकरणं पुब्बेनिवासअनागतंससब्बञ्जुतज्जाणानं अनुवत्तकत्ता जाणानुपरिवत्तियेव, एवं पन जाणानुपरिवत्तिभावे सति न कोचि पाळिविरोधो । एवञ्च कत्वा **अट्ठकथायं** “तेसं जाणानं चिण्णपरियन्ते इदं चित्तं उप्पज्जती”ति वुत्तं । अवस्सज्जेतं एवं इच्छितव्वं, इतरथा अज्जस्सापि विज्जत्तिसमुट्ठापकस्स अहेतुकचित्तस्स भगवतो उप्पत्ति न युज्जेय्य । न हि विज्जत्तिसमुट्ठापकस्स तंसमुट्ठिताय विज्जत्तिया कायकम्मादिभावं आपज्जनभावो विबन्धतीति । एवञ्च कत्वा पञ्चद्वारे इमिना चित्तेन सोमनस्सुप्पादनमत्तं दट्ठव्वं, न हासुप्पादनं पञ्चद्वारिकचित्तानं अविज्जत्तिजनकत्ता । मनोद्वारे पन हासुप्पादनं । तेनेव हि **अट्ठकथायं** पञ्चद्वारे “सोमनस्सितो होती”ति (ध० स० अट्ठ० ५६८) एत्तकमेव वुत्तं, मनोद्वारे च “हासयमान”न्ति । इध पन “हसितुप्पादकिच्चा”ति अविसेसवचनं पञ्चद्वारे सोमनस्सकरणवसेन पवत्तस्सपि मनोद्वारे हासजननस्स पच्चयभावं सन्धाय वुत्तन्ति वेदितव्वं । **हसितुप्पादकिच्चा**ति हसितस्सेव उप्पादनकिच्चा । तेनेव हि तं “हसितुप्पाद”न्ति वुच्चति, न पन अज्जेसं हसितुप्पादचित्तानं अभावतो । तथा हि वक्खति “कुसलतो चतूही”तिआदि ।

छ असाधारणजाणानीति आसयानुसयजाणं, इन्द्रियपरोपरियजाणं, यमकपाटिहारियजाणं, महाकरुणासमापत्तिजाणं, सब्बञ्जुतज्जाणं, अनावरणजाणन्ति इमानि छ पच्चेकबुद्धादीहि असाधारणानि जाणानि । ननु च सब्बञ्जुतज्जाणमेव अनावरणजाणं, इतरथा सब्बञ्जुतानावरणजाणानं असब्बञ्जुतसावरणजाणता च आपज्जेय्य, तथा हि यदि सब्बञ्जुतज्जाणतो अज्जमनावरणजाणं सिया, तस्स सावरणत्ता सावरणे च विसये सभावपटिवेधाभावतो सब्बञ्जुभावं न सिज्जेय्य, अनावरणजाणस्स च असब्बधम्मारम्मणभावेन यत्थ तं न पवत्तति, तत्थावरणसम्भवतो अनावरणभावोपि न सियाति? सच्चमेतं, एकमेव तं जाणं अनवसेससङ्गतासङ्गतसम्मुतिधम्मविसयत्ता सब्बञ्जुतज्जाणं, तत्थ च आवरणाभावतो निस्सङ्गवारमुपादाय अनावरणजाणन्ति एवं विसयपवत्तिभेदेन अज्जेहि असाधारणभावदस्सनत्थं द्वेधा वुत्तन्ति । यथाह —

“सब्बं सङ्गत्तमसङ्गत्तं अनवसेसं जानातीति सब्बञ्जुतज्जाणं, तत्थ आवरणं नत्थीति अनावरणजाण”न्तिआदि (पटि० म० १.११९) ।

इध ठत्वाति हसितस्स उप्पादनतो हसितस्स उप्पादनन्ति वुत्तचित्तस्स आगतद्वाने ठत्वा । परिग्गण्हितब्बानीति परिच्छिन्दित्वा गण्हितब्बानि । किञ्चापि रूपावचरकिरियानं ज्ञानङ्गप्पहानं विपाके विय आगमनतो अहुत्वा कुसले विय भावनाविसेसेन पवत्ताकारमत्तं होति, पठमज्झानस्स पन पहानङ्गसम्भवाभावतो एकस्स वसेनेव निद्विसितुं सेसानम्पि पहानङ्गं अवत्वा सम्पयोगङ्गमेव तेसु दस्सितन्ति ।

५७. यस्मा पन भावनावसेन पवत्ताकारमत्तं विना भावनाय कातब्बस्स नीवरणप्पहानादिकिच्चस्स अभावतो उजुकं भावना नाम न होति, तस्मा “भावनाकारवसप्पवत्तानी”ति आकार-ग्गहणं कतन्ति ।

५८-९. नन्ति तं यथावुत्तरूपारूपसमापत्तिं । समापन्ना सचे क्रियाति एत्थ किञ्चापि सा एव समापत्ति समापज्जितुं न सक्का, निरुद्धानं अनुप्पन्नतो, पटिलद्धसमापत्तिकस्सेव समापज्जितुकामताय सद्धियेव समापज्जनतो, पठमज्झानादिकमेव पटिलभित्वा दुतियज्झानादिकं समापज्जितुं असक्कुण्यभावतो च, पुब्बे पटिलद्धसमापत्तिसदिसं पुन समापज्जनतो पुथुज्जनकालस्मिं अभिनिब्बत्तितसमापत्तिसदिसा एत्थ सा एव तथा वुत्ता ।

६१. एकचित्तक्खणत्ताति एकचित्तक्खण्येव पवत्तनतो । यदि हि सो पुनप्पुनं उप्पज्जेय्य, तदास्स अरहतो उप्पत्तिया किरियभावो इच्छितब्बो सिया । सकिंयेव पन पवत्तति चतुसच्चपटिवेधकिच्चस्स एकवारेनेव परिनिद्वानतो, तक्किच्चेन च विना तस्स अनुपलब्धनीयत्ता । तेनाह — “न पारं दिगुणं यन्ती”ति (सु० नि० ७१९), तस्मा नत्थि लोक्कत्तरं किरियचित्तन्ति अयमेत्थ अधिप्पायो ।

६२. क्रिया...पे०... देसकोति या आपत्तियो कायवाचाहि अकातब्बं कत्वा आपज्जति, ता किरिया, या पन आपत्तियो कायवाचाहि कातब्बं अकरोन्तो आपज्जति, ता अकिरिया, किरिया च अकिरिया चाति किरियाकिरिया, किरियाकिरिया च ता आपज्जितब्बतो आपत्तियो चाति किरियाकिरियापत्तियो, तासं विभागं देसेतीति किरिया...पे०... देसको । अथ वा किरियाज्ञानभूता समापत्तियो किरियापत्तियो, कुसलभूता पन समापत्तियो अकिरियापत्तियो, तासं विभागं देसेतीति क्रिया... पे०... देसको । यं किरियाकिरियं चित्तन्ति सम्बन्धो । पज्चन्नं मारानं जितत्ता जिनो । हिताहितानन्ति अत्थानत्थानं । साति सो जिनो । क्रियाक्रियारतोति सब्बसत्तानं हितस्स करणे, अहितस्स च अकरणे निरतो । अथ वा एकन्तमिद्विपाकत्ता हिताति कुसलानमेतं अधिवचनं । तप्पटिपक्खत्ता अहिताति अकुसलानमेतं अधिवचनं । यथाक्कमं तेसं किरियायं, अकिरियायज्च रतोति हिताहितानं...पे०... रतो । अथ वा हिताहिताति कुसलाकुसला एव, तेसं किरियाकिरियामत्तमविपाकभावं कातुं इच्छतीति हिताहितानं...पे०... रतो । अथ वा हिताहितानं पुग्गलानं सकिरियाकिरियाय अत्तनो अत्तनो किच्चस्स इधलोकपरलोकनिष्पादनस्स करणे रतो अभिरतोति हिताहितानं...पे०... रतो ।

६४-६. सब्बे लोक्कत्तरे अट्ट कत्वा ये एकूननवुति चित्तुप्पादा वुत्ता, तानि चित्तानि मया निद्विद्वानीति सम्बन्धो । पाटवं अत्थेन्ति पत्थेन्ति, पाटवसङ्घातो वा अत्थो एतेसन्ति पाटवत्थिनो । उग्गहेतब्बोति सवनपटिपुच्छावसेन उग्गहितब्बो, उग्गण्हित्वा पन न केवलं उग्गहणमत्तेयेव ठातब्बन्ति दस्सेन्तो आह “चिन्तेतब्बो पुनप्पुन”न्ति, न हि सक्का उग्गहणमत्तेनेवेत्थ सब्बथा सन्निद्वानं गन्तुन्ति अधिप्पायो । अभिधम्ममहोदधित्ति धम्मसङ्गणीआदिसत्तप्पकरणवसेन ठितमभिधम्मपिटकमहण्णवं, खन्धायतनादिवसेन ठितं परमत्थमहण्णवं वा । तरन्तीति अत्थग्गहणवसेन उत्तरन्ति, सुतमयजाणमूलकेन वा भावनाजाणेन ओतरन्तीति अत्थो । इमं लोकन्ति पच्चुप्पन्नभवं । परं लोकन्ति अनागतभवं । तरन्तीति अतिक्कमन्ति । इध लोकस्मिज्झि छन्दरागप्पहानवसेन इमं लोकं तरन्ति, आयतिं भवूपपादकस्स कम्मस्स

कम्मकखयकरजाणेन विनासनतो परलोकं तरन्ति, अनुपादापरिनिब्बानवसेन परिनिब्बायन्तीति अत्थो ।

इति अभिधम्मत्थविकासिनिया नाम

अभिधम्मावतारसंवण्णनाय

चित्तनिद्देसवण्णना निट्ठिता ।

२. दुतियो परिच्छेदो

चेतसिकनिद्देसवण्णना

६७. एत्तावता च चित्तं चेतसिकं रूपं निब्बानन्ति एवं उद्दिष्टेसु चतूसु धम्मेसु चित्तं ताव जातिभूमिसम्पयोगप्पवत्ताकारादिवसेन विभागेन निद्दिसित्वा इदानीं तदनन्तरं उद्दिष्टे चेतसिकधम्मे निद्दिसितुं “चित्तानन्तरमुद्दिष्टा”तिआदि आरब्धं । विभाजनन्ति जातिभूमिआदिवसेन विभागं, तेसु तेसु चित्तेसु यथारहं सम्पयोगवसेन विसुं विसुं भाजनञ्च ।

कतमे पन चेतसिका, येसं विभाजनं वुच्चतीति ते सह निब्बचनेन सरूपतो दस्सेतुं “तत्थ चित्तसम्पयुत्ता”तिआदि वुत्तं । तत्थ “चित्तसम्पयुत्ता”ति इदं चेतसिकलक्खणदस्सनं । तेन ये चित्तेन सह सम्पयोगलक्खणेन युत्ता, तेयेव चेतसिकाति दस्सेति । किं पन तं सम्पयोगलक्खणन्ति? एकुप्पादएकनिरोधएकवत्थुकएकारम्मणसङ्घाता पकारा । समं पकारेहि युत्ताति हि सम्पयुत्ता । तत्थ यदि एकुप्पादतामत्तेनेव च सम्पयुत्तता अधिप्पेता, सहुप्पत्तिकानं रूपारूपधम्मानं अञ्जमञ्जसम्पयुत्तता आपज्जेय्याति एकनिरोध-ग्गहणं । एवम्पि अविनिब्भोगरूपानं अञ्जमञ्जसम्पयुत्तता आपज्जेय्याति एकवत्थुक-ग्गहणं । एवम्पि “अविनिब्भोगरूपेसु एकं महाभूतं सेसमहाभूतोपादारूपानं निस्सयपच्चयो होतीति तस्मा तानि एकवत्थुकानीति, चक्खादीनं निस्सयभूतानि वा भूतानि एकं वत्थु एतेसु निस्सितन्ति एकवत्थुकानी”ति कप्पेन्तस्स तेसं सम्पयुत्ततापत्तिं सियाति तन्निवारणत्थं एकारम्मण-ग्गहणं ।

पटिलोमतो वा “एकारम्मणा”ति वुत्ते एकवीथियं पञ्चविज्जाणसम्पटिच्छनादीनं, नानावीथियं परसन्ताने च एकस्मिं आरम्मणे उप्पज्जमानानं भिन्नवत्थुकानं सम्पयुत्तता आपज्जेय्याति एकवत्थुक-ग्गहणं । एवम्पि मरणासन्नवीथियं सम्पटिच्छनसन्तीरणादीनं सम्पयुत्तता आपज्जेय्याति एकनिरोध-ग्गहणं । किं पन नानुप्पादापि एवं तिविधलक्खणा होन्ति, अथ एकुप्पादा एवाति विचारणाय एकुप्पादा एव एवं तिविधलक्खणा होन्तीति दस्सनत्थं “एकुप्पादा”ति वुत्तं । इति इमेहि चतूहि सम्पयोगलक्खणेहि ये चित्तसम्पयुत्ता, ते चेतसिका नामाति एवं चेतसिकलक्खणं ठपितं होति । कथं पनेते चेतसिका नामाति आह “चित्ते भवा”ति । “चेतसि भवा चेतसिका”ति वत्तब्बे चित्त-सदस्सपि चेतो-सद्देन सह समानत्थताय अत्थमत्तं दस्सेतुं “चित्ते भवा चेतसिका”ति वुत्तं ।

नियताति नियतुप्पत्तिका, करुणामुदितादयो विय कदाचि अनुप्पज्जित्वा यदा यदा तं चित्तं उप्पज्जति, तदा तदाव तेन अविनिभुत्ता हुत्वा जायमानाति अत्थो । सरूपेन आगताति छन्दादयो विय “ये वा पन तस्मिं समये अञ्जेपि अत्थि पटिच्चसमुप्पन्ना अरूपिनो धम्मा”ति एवं येवापनकवसेन अनागन्त्वा “फस्सो होति, वेदना होती”तिआदिना (ध० स० १)

सरूपेनेव पाळियं आगता । येवापनाति एवं देसना एतेसन्ति येवापनका । एकूनतिस धम्माति किच्चभेदं अनामसित्वा केवलं असम्भिन्नधम्मवसेनेव एकेनूना तिस धम्मा । पाळियं पन चित्तेन सह तिस धम्मे गहेत्वा तेसं किच्चभेदतो गहणेन छप्पज्जास धम्मा वुत्ता । सेय्यथिदन्ति सरूपपुच्छा । फस्सो... पे०... चित्तुजुकताति यथापुच्छितानं सरूपदस्सनं । इति-सद्वो परिसमापने, निदस्सने वा । पुन तेतिस होन्तीति सम्बन्धो । तेतिस होन्तीति तेयेव एकूनतिस धम्माति अधिप्पायो ।

“कदाचि उप्पज्जन्ती”ति वुत्तं, तं कथं दट्ठव्वन्ति आह “इमेसू”तिआदि । करुणामुदितावसेनाति पठमसमन्नाहारतो पट्टाय गोत्रभुपरियोसानप्पवत्तितकरुणामुदितापरिकम्मवसेन । करुणापुब्बभागोति करुणाय पुब्बभागो, परिकम्मप्पनावसेन पवत्तकरुणाभावनाय अप्पनाकोट्टासतो पुरिमकोट्टासो, पठमसमन्नाहारतो पट्टाय गोत्रभुपरियोसानप्पवत्तपरिकम्मकोट्टासो हुत्वाति अत्थो । एवं “मुदितापुब्बभागो”ति एत्थापि । भाग-सद्वस्स द्रव्यवुत्तिताय तप्पुरिसस्स च उत्तरपदत्थप्पधानताय “करुणापुब्बभागो”तिआदिना पुल्लिङ्गेन वुत्तं । एत-सद्वस्स पन गुणवुत्तिताय गुणविसेसवति वत्तमानो तस्स लिङ्गवसेन परिणमतीति करुणामुदितापेक्खाय “एता”ति इत्थिलिङ्गवसेन वुत्तन्ति । न पनेकतो उप्पज्जन्ति, किञ्चरहि विसुं विसुंयेवाति अत्थो । तेनेव हि “करुणापुब्बभागो वा मुदितापुब्बभागो वा”ति विकप्पो वुत्तोति । कस्मा पनेता द्वे एकतो नुप्पज्जन्तीति? भिन्नारम्मणत्ता । करुणा हि दुक्खितसत्ते आरब्भ तेसं दुक्खापनयनकामतावसेन पवत्तति, मुदिता सुखितसत्ते आरब्भ तेसं सुखानुमोदनवसेन, तस्मा उभिन्नम्पि भिन्नविसयत्ता न एकस्मिं चित्ते उप्पत्ति सम्भवतीति । मिच्छाकम्मन्तादीहीति आदि-सद्वेन मिच्छावाचामिच्छाजीवानं गहणं । सम्माकम्मन्तादीनि परिपूरेन्तीति सम्माकम्मन्तसम्मावाचासम्माआजीवानि परिपूरेन्ति । को विरतीति तीसु एका विरति उप्पज्जति, सम्माकम्मन्तं पूरेन्ती पठमा, सम्मावाचं पूरेन्ती दुतिया, सम्माआजीवं पूरेन्ती ततिया विरति उप्पज्जतीति अत्थो । करुणामुदिताहि सह न उप्पज्जन्ति तासं पज्जत्तारम्मणत्ता, विरतिया च एकन्तपरित्तरम्मणत्ता । अज्जमज्जेन च न उप्पज्जन्ति अज्जमज्जस्सपि भिन्नविसयत्ता । मिच्छाकम्मन्तादीनहि आरम्मणानेव यथाक्कमं सम्माकम्मन्तादीनं आरम्मणानि ततो विरतिभावतो । एतेसूति इमेसु पज्चसु ।

६८. विरतीनम्पि सङ्गहणत्थं “करुणामुदितादीसू”ति वत्तब्बे गाथाबन्धसुखत्थं आदि-सद्वलोपवसेन “करुणामुदितासू”ति वुत्तं । एवञ्च कत्वा वुत्तं “एकेना”ति, इतरथा “एकाया”ति वत्तव्वन्ति ।

६९-७१. किं पनेत्थ कारणं, चतूसु ब्रह्मविहारेसु द्वे इध निहिट्ठा, न इतराति चोदेन्तो आह “कस्मा पना”तिआदि । उपेक्खा च न उद्धटाति सम्बन्धो । नवहि लोकुत्तरधम्मेहि जनं रज्जेतीति धम्मराजा । दिट्ठधम्मिकसम्परायिकत्थेहि सदेवकं लोकं अनुसासतीति सत्था । अब्बापादेन मेत्ता गहिता तस्सेव हिताकारप्पवत्तिकाले मेत्ताभावूपगमनतो । तेनेव हेस “मेत्ता मेत्तायना”तिआदिना निहिट्ठो । तत्रमज्जत्तताय उपेक्खा गहिता तायेव सत्तेसु मज्जत्ताकारप्पवत्ताय उपेक्खाब्रह्मविहारभावतो । आदिच्चेन सह समानगोत्तताय, अरियसावकभावेन वा तस्स भगवतो पुत्तताय आदिच्चो बन्धु इमस्स, आदिच्चस्स वा बन्धूति आदिच्चबन्धु ।

७२. रासिन्ति फस्सपज्जकादिसत्तरसरासिं । पठममहाचित्तुप्पादवसेन हि —

“फस्सो होति, वेदना होति, सज्जा होति, चेतना होति, चित्तं होति, वितक्को होति, विचारो होति, पीति होति, सुखं होति, चित्तस्सेकग्गता होति, सद्धिन्द्रियं होति, वीरियिन्द्रियं होति, सतिन्द्रियं होति, समाधिन्द्रियं होति, पज्जिन्द्रियं होति, मनिन्द्रियं होति, सोमनस्सिन्द्रियं होति, जीवितिन्द्रियं होति, सम्मादिट्ठि होति, सम्मासङ्कप्पो होति,

सम्मावायामो होति, सम्मासति होति, सम्मासमाधि होति, सद्भाबलं होति, वीरियबलं होति, सतिबलं होति, समाधिबलं होति, पज्जाबलं होति, हिरिबलं होति, ओत्तप्पबलं होति, अलोभो होति, अदोसो होति, अमोहो होति, अनभिज्झा होति, अब्यापादो होति, सम्मादिट्ठि होति, हिरी होति, ओत्तप्पं होति, कायपस्सद्धि होति, चित्तपस्सद्धि होति, कायलहुता होति, चित्तलहुता होति, कायमुदुता होति, चित्तमुदुता होति, कायकम्मज्जता होति, चित्तकम्मज्जता होति, कायपागुज्जता होति, चित्तपागुज्जता होति, कायुजुकता होति, चित्तुजुकता होति, सति होति, सम्पजज्जं होति, समथो होति, विपस्सना होति, पग्गाहो होति, अविक्खेपो होती”ति (ध० स० १) —

एवं धम्मद्वारं करोन्तेन भगवता फस्सपञ्चकरासि ज्ञानपञ्चकरासि इन्द्रियद्वकरासि मग्गपञ्चकरासि बलसत्तकरासि हेतुत्तिकरासि कम्मपथतिकरासि लोकपालदुकरासि छयुगळदुकरासि उपकारदुकरासि युगनन्धदुकरासि वीरियसमथदुकरासीति सत्तरसन्नं रासीनं वसेन विभागो कतो ।

कथं? एतेसुपि चित्तं ताव फस्सपञ्चकं पत्वा “चित्तं होती”ति वुत्तं, इन्द्रियाणि पत्वा “मनिन्द्रियं”न्ति । वितक्को ज्ञानङ्गानि पत्वा “वितक्को होती”ति वुत्तो, मग्गङ्गानि पत्वा “सम्मासङ्कप्पो”ति । सद्भा इन्द्रियाणि पत्वा “सद्धिन्द्रियं होती”ति वुत्ता, बलानि पत्वा “सद्भाबलं”न्ति । हिरी बलानि पत्वा “हिरिबलं होती”ति वुत्ता, लोकपालदुकं पत्वा “हिरी”ति । ओत्तप्पेपि एसेव नयो । अलोभो मूलं पत्वा “अलोभो होती”ति वुत्तो, कम्मपथं पत्वा “अनभिज्झा”ति । अदोसो मूलं पत्वा “अदोसो होती”ति वुत्तो, कम्मपथं पत्वा “अव्यापादो”ति । इमे सत्त द्वीसु ठानेसु विभक्ता । वेदना पन फस्सपञ्चकं पत्वा “वेदना होती”ति वुत्ता, ज्ञानङ्गानि पत्वा “सुखं”न्ति, इन्द्रियाणि पत्वा “सोमनस्सिन्द्रियं”न्ति । एवमयं एको धम्मो तीसु ठानेसु विभक्तो । वीरियं पन इन्द्रियाणि पत्वा “वीरियिन्द्रियं होती”ति वुत्तं, मग्गङ्गानि पत्वा “सम्मावायामो”ति, बलानि पत्वा “वीरियबलं”न्ति, वीरियसमथं पत्वा “पग्गाहो”ति । सतिपि इन्द्रियाणि पत्वा “सतिन्द्रियं होती”ति वुत्ता, मग्गङ्गानि पत्वा “सम्मासती”ति, बलानि पत्वा “सतिबलं”न्ति, उपकारदुकं पत्वा “सति होती”ति । एवं इमे द्वे धम्मा चतूसु ठानेसु विभक्ता । समाधि पन ज्ञानङ्गानि पत्वा “चित्तस्सेकगता होती”ति वुत्तो, इन्द्रियाणि पत्वा “समाधिन्द्रियं”न्ति, मग्गङ्गानि पत्वा “सम्मासमाधी”ति, बलानि पत्वा “समाधिबलं”न्ति, युगनन्धदुकं पत्वा “समथो”ति, वीरियसमथं पत्वा “अविक्खेपो होती”ति । एवमयं एको धम्मो छसु ठानेसु विभक्तो । पज्जा पन इन्द्रियाणि पत्वा “पज्जिन्द्रियं होती”ति वुत्ता, मग्गङ्गानि पत्वा “सम्मादिट्ठी”ति, बलानि पत्वा “पज्जाबलं”न्ति, मूलानि पत्वा “अमोहो”ति, कम्मपथं पत्वा “सम्मादिट्ठी”ति, उपकारदुकं पत्वा “सम्पजज्जं”न्ति, युगनन्धदुकं पत्वा “विपस्सना”ति । एवमयं एको धम्मो सत्तसु ठानेसु विभक्तीति एवमेते द्वादस धम्मा इन्द्रियादितंतं किच्चवन्तताय द्विट्ठानिकादिभेदेन सत्तरससु रासीसु विभक्ता । इतरे अट्ठारस किच्चवसेन भेदाभावतो एकट्ठानिकायेवाति इमेसु सत्तरससु रासीसु येवापनकधम्मा एकरासिम्पि न भजन्ति तंतं किच्चभावतोति कत्वा वुत्तं “रासिं भजन्ति ना”ति ।

ननु चेते किञ्चापि सेसरासयो न भजन्ति तेसं सदिसकिच्चसङ्गहवसेन ठितत्ता । फस्सपञ्चकरासि पन खन्धसङ्गहवसेनेव ठपितोति चेतनाय विय नेसं सङ्खारक्खन्धसङ्गहतो तत्थ समवरोधो युत्तोति? तं न, खन्धसङ्गहवसेन ठपितोपि हि फस्सपञ्चकरासि सब्बचित्तसाधारणधम्मे सङ्गहेत्वा ठपितोति छन्दादीनं तिण्णं पकिण्णकवसेन उप्पज्जमानानं सब्बचित्तसाधारणताय अभावतो, मनसिकारस्स च सतिपि सब्बचित्तसाधारणत्ते निप्परियायतो सङ्खारक्खन्धसङ्गहाभावतो न एतेसं फस्सपञ्चकरासिभजनम्पि युत्तन्ति । कस्मा पन मनसिकारस्स निप्परियायतो सङ्खारक्खन्धसङ्गहाभावोति? वुच्चते — ठपेत्वा चेतनं सेसधम्मानं सकसककिच्चेसुपि पराधीनभावेन पवत्तनतो अभिसङ्खरणलक्खणं निप्परियायतो न लब्धति । यदि लभेय्य, चित्तेकगताजीवितिन्द्रियानं सब्बचित्तसाधारणत्ता वेदनाविज्जाणानि विय तानि फस्सपञ्चके वत्तब्बानि सियुं,

न पनेवं वुत्ता, तस्मा ठपेत्वा चेतनं सेसधम्मनं अभिसङ्खरणलक्खणं निप्परियायतो न लब्भतीति न तेसं निप्परियायतो खन्धसङ्गहो लब्भति । चेतनाययेव पन सकिच्चपरकिच्चसाधनवसेन पवत्तनतो निप्परियायतो अभिसङ्खरणलक्खणस्स अत्थिताय खन्धसङ्गहो लब्भतीति । यदि एवं कथं फस्सो फस्सपञ्चके वुत्तोति? “फस्सपच्चया वेदना (विभ० २२५), फुट्टो वेदेति, फुट्टो सज्जानाती”ति आदिवचनतो (सं० नि० ४.९३) वेदना सज्जा चेतना विज्जाणन्ति इमेसं अरूपक्खन्धानं उद्देसद्धाने ठत्वा तेसं पच्चयस्सपि उद्दिसितुकामताय फस्सो तत्थ वुत्तो । **दुब्बला**ति सकविसयेपि परायत्तभावेनेव पवत्तनतो दुब्बला । अधिमोक्खो हि समाधिस्स परिव्यत्तभावे परिव्यत्तभावतो समाधायत्तवुत्ति, मनसिकारोपि चेतनाय परिव्यत्तभावतो चेतनायत्तवुत्तीति परायत्ताव ते होन्ति ।

७३. मनसी च कारोति मनसिकारो च । मनसिकारसदस्स हि अत्थमत्तसन्दस्सनवसेन गाथाबन्धसुखत्थं असमासनिद्देशो, दीघकरणं, मज्झे च च-सद्वचनन्ति । तेन मुनिवरेनाति सम्बन्धो ।

७४-८०. पठमाभिनिपातत्ताति आरम्मणे फुसनवसेन पठमेव अभिनिपतनतो । सब्बेपि चेतसिका चित्तायत्ता चित्तकिरियभावेन वुच्चन्तीति **“चित्तस्सा”**ति वुत्तं । **किराति** अरुचिसूचनं । एवं महासंधिकमतं दस्सेत्वा इदानीं तमेव वित्थारेतुं **“फुसित्वा पना”**ति आदि वुत्तं । महासंधिका हि “पठमं फस्सो आरम्मणं फुसति, अथ तेन फुट्टं दुतियं वेदना वेदियति, एवं एतेहि फुट्टवेदितं ततियं सज्जा सज्जानाति, तेहि पन फुट्टवेदितसज्जाते चतुत्थं चेतनाय सम्पयुत्तधम्मे अभिसन्दहती”ति आदिना वदन्ति । **बलवपच्चयत्ताति** यथा पासादं पत्वा थम्भा सेसदब्बसम्भारानं बलवपच्चया, एवमेस यस्मा सेससम्पयुत्तानं बलवपच्चयो, तस्माति अत्थो । **तस्माति** हेतुनिगमनं ।

सहेव चाति च-सद्वो अट्ठानप्पयुत्तो, सो “चित्तजान”न्ति इमस्स अनन्तरं दट्ठब्बो । कस्मा? चित्तानं, चित्तजानञ्च एकुप्पादादिभावेन सहेव पवत्तितोति एवमेत्थ पदसम्बन्धो वेदितब्बो । **इदन्ति** इदं यथावुत्तविधानं, एवं “पठमाभिनिपातत्ता”ति कारणं परिहरित्वा इदानीं “बलवपच्चयत्ता”ति इदं परिहरन्तो आह **“बलव...पे०... दिस्सती”**ति । **च-सद्वो** अवधारणे, नेव दिस्सतीति अत्थो । सेसधम्मनम्पि हि सहजातपच्चयभावस्स साधारणत्ता तस्सेव बलवपच्चयभावे न किञ्चि कारणं दिस्सतीति । यदि सब्बमिदमकारणं, कथञ्चरहि फस्सो पठमं वुत्तोति आह **“देसनाक्कमतो”**ति आदि । “वेदना होति, फस्सो होति, सज्जा होति, फस्सो होति, चेतना होति, फस्सो होति, चित्तं होति, फस्सो होति, वेदना होति, सज्जा होति, चेतना होति, वितक्को होती”ति आदीहि आहरितुम्पि वट्टेय्य, देसनावारेण पन फस्सोव पठमं वुत्तोति वेदितब्बो । यथा चेत्थ, एवं सेसधम्मेषुपि पुब्बापरक्कमो नाम न परियेसितब्बो । **वचनत्थलक्खणादीहीति** वचनत्थतो च लक्खणादितो च ।

फुसतीति कत्तुनिद्देशो । तत्थ कारणं हेट्ठा वुत्तमेव, फुसन्ति एतेन वाति फस्सो । सम्पयुत्तधम्मा हि आरम्मणे पवत्तमाना तं फुसनलक्खणेन फस्सेन फुसन्ता विय होन्ति, आरम्मणफुसनमत्तं वा फस्सोतिपि साधनत्तयम्पि युज्जतेव । फुसनं लक्खणमेतस्साति **फुसनलक्खणो**, वेदनाय पच्चयभावट्टेन आरम्मणफुसनलक्खणोति अत्थो । **संघट्टनरसोति** मनोद्वारे चित्तारम्मणानं संघट्टनतो संघट्टनकिच्चो । अयञ्चि आरम्मणे अनल्लीयमानोपि रूपं विय चक्खुं, सद्वो विय च सोतं चित्तमारम्मणञ्च घट्टेति । पञ्चद्वारेसु वा वत्थारम्मणसंघट्टनेन सम्पज्जतीति संघट्टनसम्पत्तिको फस्सो **“संघट्टनरसो”**ति वुत्तो । यथा “द्वे पाणी वज्जेय्यु”न्ति आदीसु पाणिमिहि घट्टनं तब्बिसेसभूता रूपधम्मा, एवं चित्तस्स आरम्मणे संघट्टनं तब्बिसेसभूतो एको चेतसिकधम्मो दट्ठब्बो । तिण्णं सन्निपातसङ्घातस्स अत्तनो कारणस्स वसेन पवेदितत्ता **सन्निपातपच्चुपट्टानो** । “चक्खुञ्च पटिच्च रूपे च उप्पज्जति चक्खुविज्जाणं, तिण्णं सङ्गति फस्सो”ति (म० नि० १.२०४,

४००; ३.४२१, ४२५; सं० नि २.४.६०; कथा० ४६५) हि वचनतो चक्खुरूपविज्जाणादीनं तिण्णं सन्निपातवसेन गहेतब्बताय उपट्ठानतो सन्निपातसङ्घातस्स कारणस्स वसेन उपट्ठानमस्साति उपट्ठानट्ठेन पच्चुपट्ठानेन सन्निपातपच्चुपट्ठानता वुत्ता । “फस्सपच्चया वेदना”ति (विभ० २२५) वचनतो वेदना फलमस्साति **वेदनापच्चुपट्ठानो** । तज्जसमन्नाहारेण च वे इन्द्रियेण च परिक्खते विसये अनन्तरायेनेव उप्पज्जनतो **आपाथगतविसयपदट्ठानो** । अयहि तस्स फस्सस्स कारणभूतो तदनुरूपभूतो समन्नाहारोति तज्जसमन्नाहारसङ्घातेन आवज्जनेन च चक्खादिइन्द्रियेण च यथाक्कमं आरम्भणकरणतदभिमुखभाववसेन परिक्खते अभिसङ्घाते आपाथगतेयेव विसये एकन्तेन उप्पज्जनतो आपाथगतो विसयो पदट्ठानं आसन्नकारणं इमस्साति आपाथगतविसयपदट्ठानो ।

ननु चायं धम्मो चेतसिको, स्वायं अरूपधम्मो समानो कथं फुसनलक्खणो होतीति अन्तोलीनचोदनं मनसि कत्वा तस्सा सोधनत्थं “**अरूपधम्मोपि समानो**”तिआदि वुत्तं । तत्थ “**फुसनाकारेणैव पवत्तती**”ति इमिना अरूपस्सापि सतो तस्स धम्मस्स अयं सभावोति दस्सेति । सा च तस्स फुसनाकारप्पवत्ति अम्बिलं अम्बपक्कादिं खादन्तं पस्सन्तस्स परस्स खेळुप्पत्तिपरं बाधियमानं दिस्वा दयालुकस्स सरीरकम्पनं, रुक्खसाखगो दुट्ठितं पुरिसं दिस्वा भूमियं ठितस्स पुरिसस्स जङ्घचलनं, पिसाचादिभायितब्बं दिस्वा ऊरुपत्थम्भोति एवमादि विय दट्ठब्बा । सोति सो यथावुत्तलक्खणादिको फस्सो ।

सुन्दरन्ति सुखवेदनासम्पयुत्तता पसत्थं । **मनोति** विज्जाणं । **सुमनस्स भावोति** सुमनसङ्घातस्स विज्जाणस्स भावो । ख्वायं सट्ठप्पवत्तिनिबन्धनो अत्थो, सो सोमनस्सं । सोमनस्सवेदनासम्पयुत्तता हि सुमन-सट्ठो तस्मिं विज्जाणे पवत्तति । वेदेन अनुभवनाकारेण अयितं पवत्तं वेदयितं, तं लक्खणमस्साति **वेदयितलक्खणा** । इट्ठस्स इट्ठाकारतोव अनुभवनं किच्चमस्साति **इट्ठाकारानुभवनरसा** । सा हि सभावतो इट्ठमारम्भणं इट्ठवसेन, इतरञ्च इट्ठाकारेणैव अनुभवति, तत्थ इट्ठाकारानुभवनं कुसलाकुसलचित्तसम्पयुत्तवेदनाय लब्धति तस्सा अनिट्ठस्सपि कप्पनावसेन इट्ठाकारेण गहणतो, सभावतो पन इट्ठानुभवनं अब्याकतचित्तसम्पयुत्तायपि लब्धति तस्सा विपल्लासगगाहाभावतो । “**राजा विय सुभोजनरस**”न्ति इमिना इमं दीपेति — फस्सस्स फुसनमत्तमेव होति, सज्जाय सज्जाननमत्तमेव, चेतनाय सज्जेतनामत्तमेव, विज्जाणस्स विज्जाननमत्तमेव, एकंसतो पन इस्सरवताय सामिभावेन वेदनाव आरम्भणरसं अनुभवति, राजा विय सूदकारेण सम्पादितसुभोजनरसन्ति । अस्सादीयतीति अस्सादो, सुखवेदना । तेनाह भगवा — “यं, भिक्खवे, पञ्चुपादानक्खन्धे पटिच्च उप्पज्जति सुखं सोमनस्सं, अयं वुच्चति, भिक्खवे, पञ्चुपादानक्खन्धेसु अस्सादो”ति । चेतोसन्निस्सितत्ता चेतसि भवो अस्सादोति चेतसिकअस्सादो, तथा पच्चुपट्ठातीति **चेतसिकअस्सादपच्चुपट्ठाना** । पस्सद्भकायो सुखं वेदियतीति आह “**पस्सद्भिपदट्ठाना**”ति । इदं पन निरामिससोमनस्सवसेन वेदितब्बं ।

नीलादिभेदस्स आरम्भणस्स सज्जाननं तमेव सज्जं कत्वा जाननं लक्खणं एतस्साति **सज्जाननलक्खणा** । **पच्चाभिज्जाणकरणरसाति** पति अभिज्जायति एतेनाति पच्चाभिज्जाणं, तदेवेतन्ति पुन पच्चाभिज्जाणनिमित्तं सण्ठानादिको आकारो, तस्स करणरसो किच्चमस्साति पच्चाभिज्जाणकरणरसा । सा हि उप्पज्जमाना पच्छा सज्जाननस्स कारणभूतं सण्ठानादिकं आकारं गहेत्वा उप्पज्जतीति । इदञ्च निमित्तकारिकाय निमित्तेन सज्जानन्तिया च सब्बाय समानसज्जाय योजेतब्बं । निमित्तेन सज्जानन्तीपि हि पुन अपराय सज्जाय च सज्जाननस्स निमित्तं करोतीति । तञ्च कुसलाकुसलकिरियाजवनसज्जं धुरं कत्वा वेदितब्बं । तं पनेतं अभिज्जाणकरणं कथं दट्ठन्ति आह “**वड्ढकिस्स अभिज्जाणकरणमिवा**”ति । यथा वड्ढकिस्स दारूसु “इदं उद्धं, इदं अधो”ति एवं पच्छा सज्जाननपच्चयभूतस्स सज्जाणस्स करणं, एवमस्सा पुन सज्जाननपच्चयनिमित्तकरणन्ति वुत्तं होति । हत्थिदस्सकअन्धो विय “इदमेव सच्च”न्ति सज्जाय यथागहितनिमित्तवसेन अभिनिवेसकरणतो **यथा...पे०... पच्चुपट्ठाना** । एतेन सज्जाय आकारगहणं कत्वा

ठितस्स दिट्ठिआदीनं उप्पज्जनतो अकुसलसज्जाय अनुरूपवसेन फलपच्चुपट्टानं दस्सितं होति । अथ वा अभिनिवेसकरणन्ति “इदमेव सच्च”न्ति सज्जाभिनिवेसमत्तमेव, तस्मा उपपरिक्खाभावेन यथागहितनिमित्तवसेन अभिनिवेसाकारेण उपट्टानतो आकारपच्चुपट्टानं वुत्तं । तिणपुरिसकेसु मिगपोतकानं “पुरिसा”ति उप्पन्नसज्जा विय अविकप्पसभावत्ता यथाउपट्ठितविसयपदट्टाना । एत्थ च जाणविप्पयुत्तसज्जाय आकारगगहणवसेन उप्पज्जनकाले चित्तं अब्बोहारिकं सज्जानुगतिकं होति । जाणसम्पयुत्ते चित्ते पन ससम्भारपथविया अनुगता सेसधातुयो विय सज्जाचित्तञ्च अब्बोहारिकं जाणानुगतिकं होति ।

अभिसन्दहतीति पबन्धति पवत्तेति, “गणहथ गणहथा”ति वदन्ती विय सम्पयुत्तधम्मे आरम्भणे पयोजेति, सकसककिच्चे च पट्टपेतीति अत्थो । **चेतयितलक्खणा**ति निद्वोक्कन्तस्स पबुद्धक्खणे सम्भमप्पवत्ति विय चेतसो उस्साहताव लक्खणा । अथ वा “**अभिसन्दहती**”ति वुत्तत्ता पयोजनलक्खणात्वेव अत्थो । **आयूहनरसा**ति चेतसिकइरियनरसा, पयोगरसाति वुत्तं होति । कुसलाकुसलकिरियाजवनसम्पयुत्ताययेव पनेतं लब्धति । **संविदहनपच्चुपट्टाना**ति “त्वं इदं करोही”ति विचारेन्ती विय होतीति विचारणपच्चुपट्टाना । एताय हि पवत्तमानाय सब्बेपि सम्पयुत्तधम्मा यथा सकिच्चपसुता होन्ति, तेनेव हेसा **सकिच्चपरकिच्चसाधिका** वुत्ता । जेट्ठिसिस्सो परे सज्झायने उय्योजेन्तो सयम्पि सज्झायति । तस्मिज्हि सज्झायितुं आरद्धे सेससिस्सापि सज्झायन्ति । महावड्ढकिस्मिम्पि वड्ढिककम्मं कातुं आरद्धे इतरेपि करोन्ति येवाति आह “**जेट्ठिसिस्समहावड्ढकिआदयो विया**”ति । **आदि-**सद्देन जेट्ठन्तेवासिकादीनं गहणं ।

यथापच्चयं पवत्तमानानं धम्मानं नत्थि काचि वसवत्तिताति वसवत्तिभावनिवारणत्थं “**वितक्कनं वितक्को**”ति वुत्तं । ऊहनं आरम्भणस्स परिकप्पनं, तस्मिं अभिनिरोपनन्ति वा वुत्तं होति । यस्मा चित्तं वितक्कबलेन आरम्भणं अभिरुळ्ळं विय होति, तस्मा वुत्तं “**आरम्भणे चित्तस्स अभिनिरोपनलक्खणो**”ति । यथा हि कोचि गामवासी पुरिसो राजवल्लभं, तंसम्बन्धिनं मित्तं वा निस्साय राजगेहं आरोहति अनुपविसति, एवं वितक्कं निस्साय चित्तं आरम्भणं आरोहति । यदि एवं कथं अवितक्कचित्तं आरम्भणं आरोहति, न हि द्विपञ्चविज्जाणदुतियज्झानादिके वितक्को उपलब्धति, यस्स बलेन तं आरम्भणं आरोहति, तस्मा सभावतो भावनाबलेन तत्थ अनुप्पज्जनको? सच्चं, तम्पि वितक्कबलेन आरोहति । यथा हि सो पुरिसो परिचयेन तेन विनापि निरासङ्को राजगेहं पविसति, एवं परिचयेन वितक्केन विनापि अवितक्कचित्तं आरम्भणं आरोहति । **परिचयो**ति चेत्थ सन्ताने अभिण्हं पवत्तचित्तभावनासङ्गातो परिचयो । वितक्कस्स हि सन्ताने अभिण्हं पवत्तस्स वसेन चित्तस्स आरम्भणाभिरोहनं चिरपरिचितं, तेन तं चित्तं कदाचि वितक्केन विनापि तत्थ वत्ततेव । यथा तं जाणसहितं हुत्वा सम्मसनवसेन चिरपरिचितं कदाचि जाणरहितम्पि सम्मसनवसेन पवत्तति, यथा वा किलेससहितं हुत्वा पवत्तं सब्बसो किलेसरहितम्पि परिचयेन किलेसवासनावसेन पवत्तति, एवंसम्पदमिदं दट्ठब्बं ।

अथ वा द्विपञ्चविज्जाणं अवितक्कम्पि वत्थारम्भणघट्टनस्स बलवताय, दुतियज्झानादीनि च हेट्ठिमहेट्ठिमभावनाय बलवताय आरम्भणं आरोहतीति । आदितो, अभिमुखं वा हननं पहरणमत्तं आहननं, परितो, परिवत्तेत्वा वा हननं विसेसेन पहरणं परियाहननं, तं किच्चमस्साति **आहननपरियाहननरसो** । तथा हि तेन योगावचरो आरम्भणं वितक्काहतं वितक्कपरियाहतं करोतीति वुच्चति । आनयनं चित्तस्स आरम्भणे उपनयनं, आकट्ठनं वा, तथा हुत्वा पच्चुपट्टानमस्साति **आनयनपच्चुपट्टानो** ।

तेनाति तेन विचारेण करणभूतेन, हेतुभूतेन वा चित्तं आरम्भणे विचरति अनुविचरति, अविचारचित्तस्स पन

अवितक्कचित्ते वृत्तानुसारेण पवत्ति वेदितब्बा । **विचरणं** अनुसञ्चरणं अनुपरिगमनं । स्वायं विसेसो सन्तानम्हि लब्धमानो जवनसन्ताने पाकटो होतीति दट्ठब्बो । एस नयो सेसेसुपि । आरम्भणस्स अनुमज्जनं अनुमसनं परिमज्जनमस्स लक्खणन्ति **आरम्भणानुमज्जनलक्खणो** । तथा हि विचारो परिमज्जनहत्थो विय, संसरणहत्थो वियाति वुच्चति । **तत्था**ति आरम्भणे । सहजातानं अनुयोजनं आरम्भणे अनुविचरणसङ्घातानुमज्जनवसेन वेदितब्बं । धम्मानज्झि सभावविनिमुत्ता काचि किरिया नाम नत्थि । तथागहेतब्बाकारो बोधनेय्यजनानुरोधेन परमत्थतो एकसभावोपि सभावधम्मो परियायवचनेहि विसयसमारोपितरूपेहि बहूहि पकारेहि पकासीयति । एवज्झि सो सुट्ठु पकासितो होतीति । **अनुपबन्धपच्चुपट्टानो**ति आरम्भणे चित्तस्स अविच्छिन्नस्स विय पवत्तिपच्चुपट्टानो । तथा हि सो अनुसन्धानताति निहिट्ठो ।

एत्थ च विचारतो ओळारिकट्टेन तस्सेव पुब्बङ्गमट्टेन पठमघण्टाभिरवो विय चेतसो पठमाभिनिपातो वितक्को, अनुरवो विय अनुसञ्चरणं विचारो । यथा हि घण्टाभिघातजो पठमाभिरवो अनुरवतो ओळारिको, पुब्बङ्गमो च होति, एवं आरम्भणाभिरपनट्टेन वितक्को ओळारिको, पुब्बङ्गमो विय च होति । ततो सुखुमट्टेन अनुमज्जनसभावेन च घण्टानुरवो विय अनुपबन्धो विचारो । विष्फारवा चेत्य वितक्को चित्तस्स पठमुप्पत्तिकाले चित्तस्स परिप्फन्दनभूतो आकासे उप्पतितुकामस्स सकुणस्स पक्खविकखेपो विय, पदुमाभिमुखपातो विय च गन्धानुबन्धचेतसो भमरस्स । सन्तवृत्ति विचारो चित्तस्स नातिपरिप्फन्दनभावो, आकासे उप्पतितस्स सकुणस्स पक्खप्पसारणं विय, पदुमस्स उपरिभागे परिब्भमनं विय च पदुमाभिमुखपतितस्स भमरस्स । आगमट्ठकथायं पन विपरियायेन आगतं । तथा च वृत्तं **दुकनिपातट्ठकथायं** —

“आकासे गच्छतो महासकुणस्स उभोहि पक्खेहि वातं गहेत्वा पक्खे सन्निसीदापेत्वा गमनं विय आरम्भणे चेतसो अभिनिरोपनभावेन पवत्तो वितक्को, वातगगहणत्थं पक्खे फन्दापयमानस्स गमनं विय अनुमज्जनभावेन पवत्तो विचारो”ति ।

तम्पि अनुपबन्धेन पवत्तियं युज्जति । तथा हि उपचारे, अप्पनायं वा सन्तानेन पवत्तियं वितक्को निच्चलो हुत्वा आरम्भणं अनुपविसित्वा विय पवत्तति, न पठमाभिनिपाते विय पाकटो होतीति ।

पिनयतीति कायचित्तं अप्पेति, वट्ठेति वा । **सम्पियायनलक्खणा**ति आरम्भणं कल्लतो गहणलक्खणा । **पीणनरसा**ति कायचित्तानं परिबूहनकिच्चा । **फरणरसा**ति पणीतरूपेहि कायस्स ब्यापनरसा, अत्तना सम्पयुत्तचित्तसमुट्ठानेहि रूपेहि सकलरूपकायब्यापनं करोतीति वृत्तं होति । न हि अज्जथा इमिस्सा फरणं होति, धम्मानं अब्यापारताय केसग्गमत्तम्पि सङ्कमनाभावतो । उदग्गभावो **ओदग्गं** ।

एकं आरम्भणं अग्गमेतस्साति एकग्गं, चित्तं, येन पन धम्मेन योगतो तं एकग्गं नाम होति, सो **एकग्गभावो** । सो पन चित्तस्सेव होति, न यस्स कस्सचीति आह “**चित्तस्स एकग्गभावो**”ति, निवाते दीपसिखाय ठिति विय चित्तस्स ठितीति वृत्तं होति । विसारस्स ब्यग्गभावस्स पटिपक्खो सभावो अविसारो, न विसाराभावमत्तं, तं इमस्स लक्खणन्ति आह “**अविसारलक्खणो**”ति । **अविकखेपो** सम्पयुत्तधम्मानं अविकिखत्तता, अविसाराविकखेपानं समाधानभावतो अत्थतो विसेसाभावोपि समुखेन, सम्पयुत्तमुखेन च उभयं वृत्तन्ति दट्ठब्बं । अवूपसमलक्खणस्स विकखेपस्स पटिपक्खताय चित्तस्स उपसमनाकारेण पच्चुपट्टातीति **उपसमपच्चुपट्टानो** । **विसेसतो**ति येभुय्येन । सुखविरहितोपि हि अत्थि समाधीति सो येभुय्येन सुखपदट्टानो होति । अथ वा **विसेसतो**ति अतिसयेन । “सुखिनो चित्तं समाधियती”ति (अ० नि० ११.११) वचनतो हि सुखं समाधिस्स विसेसकारणं सुखविरहितस्सपि तदुपनिस्सयेनेव समिज्जनतो ।

सद्वहन्ति एतायाति कम्मफलादिसद्वहनकिरियाय पवत्तमानानं धम्मानं तत्थ आधिपच्चभावेन सद्भाय पच्चयतं दस्सेति । तस्सा हि धम्मानं तथा पच्चयभावे सति तंसमङ्गिपुग्गलो “सद्वहती”ति वोहरीयति । सद्वहनं सद्देय्यवत्थुनो पत्तियायनं, तं लक्खणमेतिस्साति **सद्वहनलक्खणा** । कालुसियमलं विधमेत्वा सम्पयुत्तानं, पुग्गलस्सेव वा पसादं अनाविलभावकारणं किच्चमेतिस्साति **पसादनरसा** । यथा कथं वियाति आह “**उदकप्पसादकमणि विया**”ति ।

अकालुसियपच्चुपट्टानाति अनाविलभावपच्चुपट्टाना । रतनत्तयं कम्मं कम्मफलञ्च सद्देय्यवत्थु, तं इमिस्सा आसन्नकारणन्ति **सद्देय्यवत्थुपदट्टाना** । न हि सद्भाय अवत्थुभूतेसु तिथियादीसु सा उप्पज्जति । सा पनायं कुसलधम्मानं आदाने हत्थो विय, सब्बसम्पत्तिसम्पदाने वित्तं विय, अमतकसिफलफलने बीजं विय च दट्टब्बा । “सद्भाहत्यो, महानाम, अरियसावको, सद्दीध वित्तं पुरिसस्स सेट्ठं (सं० नि० १.२४६; सु० नि० १८४), सद्भा बीजं तपो वुट्ठी”ति आदिवचनञ्हेत्थ (सं० नि० १.१९७; सु० नि० ७७) साधकं ।

सरन्ति २३७ एतायाति सरणकिरियाय पवत्तमानानं धम्मानं तत्थ आधिपच्चभावेन सतिया पच्चयतं दस्सेति । तस्सा हि धम्मानं तथा पच्चयभावे सति तंसमङ्गिपुग्गलो “सरती”ति वोहरीयति । उदके अलाबु विय पिलवित्वा गन्तुं अदत्वा पासाणस्स विय निच्चलस्स आरम्मणस्स ठपनं असम्मुट्टाकरणं अपिलापनं, तं लक्खणमस्साति **अपिलापनलक्खणा** । सा हि आरम्मणे दळ्ळं पतिट्ठित्ता एसिका विय वुच्चति । सम्मोसपच्चनीककिच्चं असम्मोसरसो, न सम्मोसाभावमत्तं । “सतारक्खेन चेतसा विहरती”ति (अ० नि० १०.२०) वुत्तत्ता चेतोगुणरतनहारकानं किलेसचोरानं निवारणतो आह “**आरक्खपच्चुपट्टाना**”ति । तथा हेसा चक्खुद्वारादिरक्खनतो दोवारिको वियाति वुच्चति । पठमं सज्जाय थिरुप्पन्नभावे पच्छा सतिया पतिट्ठानभावतो आह “**थिरसज्जापदट्टाना**”ति । अथ सतिसज्जानं किं नानाकरणन्ति? सज्जा ताव पठमं अग्गहितनिमित्तं सज्जानाति, गहितनिमित्ते पुन पच्चाभिज्जाणपच्चयनिमित्तं करोति, पठमं अग्गहिते पन सज्जाकिच्चं अप्पधानं होति, सति पन पठमं अग्गहितनिमित्तम्पि सरति गहितनिमित्तम्पि, गहितनिमित्ते पन सतिकिच्चं गुणभूतं होतीति इदमेव तासं नानत्तं ।

वीरभावोति येन वीरियेन वीरो नाम होति, सो धम्मो । **वीरानं वा कम्मन्ति** येन कम्मेन वीरो नाम होति, तं वीरानं कम्मं नाम । वीरियं पनस्स साधकभावतो तथा वुत्तं । धम्मविनिमुत्तं वा किञ्चि कम्मं नत्थीति वीरियमेव कम्मभावेन वुत्तन्ति दट्टब्बं । विधिना ईरेतब्बं पवत्तेतब्बन्ति वा **वीरियं** । **उस्साहो** तं तं किच्चं समारम्भो, परक्कमो वा । **उपत्थम्भनं** पन सम्पयुत्तधम्मानं कोसज्जपक्खे पतितुं अदत्वा धारणं अनुबलप्पदानं । सम्पयुत्तधम्मानं संसीदनभावनिवारको धम्मो, न संसीदनाभावमत्तं, असंसीदनभावेन पच्चुपट्टातीति **असंसीदनभावपच्चुपट्टानं** । “संविग्गो योनिसो पदहती”ति (अ० नि० ४.११३) वचनतो **संवेगपदट्टानं** । **संवेगोति** चेत्य संवेगमयं जाणं । असंवेगपुब्बिकाय पन कुसलकिरियाय वीरियारम्भवत्थुपदट्टानं । तत्थ **वीरियारम्भवत्थूनि** नाम —

“मग्गो गन्तब्बो होति, मग्गो गतो । कम्मं कातब्बं होति, कम्मं कतं । अप्पमत्तको आबाधो उप्पन्नो होति, गिलाना वुट्ठितो होति, अचिरवुट्ठितो गेलज्जा । गामं वा निगमं वा पिण्डाय चरन्तो न लभति, लूखस्स वा पणीतस्स वा भोजनस्स यावदत्थं पारिपूरिं लभति...पे०... पारिपूरि”न्ति —

एवं वुत्तानि एतानि अनुरूपपच्चवेक्खणसहितानि अट्ठ वीरियारम्भवत्थूनि, तम्मूलकानि वा पच्चवेक्खणानि । एत्थ च वितक्को सम्पयुत्तधम्मे आरम्मणं आरोपेति । चेतना ते तंतंकिच्चेसु नियोजेति । वीरियं पन ते संसीदितुं अदत्वा उस्साहेतीति अयं वितक्कचेतनावीरियानं विसेसो ।

विजाननलक्खणाति विसेसेन जाननलक्खणा, यथासभावपटिवेधलक्खणाति अत्थो। विसयस्स आरम्भणस्स ओभासनं पकासनं तप्पटिच्छादकसम्मोहन्धकारस्स विधमनतोति विसयोभासनं, तं किच्चमस्साति **विसयोभासनरसा**। कत्थचि विसये असम्मुहनाकारेन सम्मोहपटिपक्खताय वा पच्चुपट्टानतो सम्मोहाभावस्स पच्चुपट्टानतो वा **असम्मोहपच्चुपट्टाना**।

अत्तना अनुपालेतब्बानं सहजातधम्मानं अनुपालनं जीवितस्स ब्यापारो, तच्च तेसं जीवनन्ति तं तस्स कारणभावं पुरक्खत्वा वुत्तं **“जीवन्ति तेना”**ति। रूपारूपजीवितन्द्रियस्स अनुरूपतो लक्खणादिकं दस्सेतुं **“अत्तना अविनिभुत्तान”**न्ति वुत्तं। **“सम्पयुत्तान”**न्ति हि वुच्चमाने रूपधम्मानं सम्पयोगाभावतो रूपजीवितन्द्रियस्स सङ्गहो न सिया। **“अविनिभुत्तान”**न्ति पन वुत्तत्ता यानि अविनिब्भोगरूपानि रूपजीवितन्द्रियेन सद्धिं अविनिभुत्तानि अविसंसट्ठानि। ये च अरूपधम्मा अरूपजीवितन्द्रियेन सम्पयुत्ता, तेसं सब्बेसं सङ्गहो होतीति। **पवत्तनरसन्ति** उप्पादतो याव भङ्गा अनुपालनतो अन्तरा अनिवत्तनसभावसाधनेन तेसं पवत्तनकिच्चं। केचि पन **“रूपजीवितन्द्रियं तेसं ठितक्खणतो पट्टाय, अरूपजीवितन्द्रियं उप्पादतो पट्टाय पवत्तिया पच्चयो”**ति वदन्ति, तं न युत्तं। **पट्टाने** हि **“अब्याकतं धम्मं पटिच्च असज्जसत्तानं एकं महाभूतं पटिच्च इन्द्रियपच्चयं कम्मपच्चयसदिस”**न्ति असज्जसत्तानं इन्द्रियपच्चयो कम्मपच्चयसदिसं कत्वा वुत्तो, तस्मा रूपजीवितन्द्रियम्पि उप्पादतो पट्टाय पच्चयो होतीति दट्ठब्बं। उप्पादतो याव भङ्गा ठपनतो **ठपनपच्चुपट्टानं**। अनुपालनवसेन यापयितब्बा पवत्तेतब्बा धम्मा पट्टानमस्साति **यापयितब्बधम्मपट्टानं**। यदि एवं तेसं अनुपालनादिसाधकं, कथं तेसं निरोधो होति। एवञ्चि सब्बकालं ठातब्बन्ति आह **“सन्तेपि चा”**तिआदि। **अनुपालनलक्खणादिम्हीति आदि-**सद्देन पवत्तनरसादिमेव सङ्गहति। **अत्थिक्खणेयेवाति** अत्तना अनुपालेतब्बानं, अत्तनो वा अत्थिक्खणेयेव। **उदकन्ति** तळाकगतजलं, दण्डगतजलं वा। तत्थ तळाकगतउदकस्स गहणे अत्तना अनुपालेतब्बधम्मानं अत्थिक्खणे अनुपालनं साधितं होति, दण्डगतजलस्स पन गहणे अत्तनो अत्थिक्खणे अनुपालनं। अत्तना अनुप्पादितधम्मे कथं पालेतीति आह **“धाति विय कुमार”**न्ति। यदि सेसधम्मानं पवत्तिकारणेन केनचि भवितब्बं, जीवितस्स पन किं पवत्तिकारणन्ति आह **“सयं...पे... पवत्तती”**ति। यथा कथं वियाति आह **“नियामको विया”**ति। सोपि अत्तना पवत्तितनावासम्बन्धेन पवत्तति। यदि धम्मानं पवत्ति जीवितन्द्रियपटिबद्धं, भङ्गतो उद्धम्पि किं पन पवत्तेतीति आह **“न भङ्गतो उद्ध”**न्ति। कस्माति आह **“अत्तनो च पवत्तेतब्बानञ्च अभावा”**ति। भङ्गक्खणे पन कथन्ति आह **“न भङ्गक्खणे ठपेती”**ति।

यस्मा पन लोभपटिपक्खो अलोभो होति, ये धम्मा तेन सम्पयुत्ता, तंसमङ्गिनो वा सत्ता, ते न लुब्भन्ति, सयम्पि कदाचि न लुब्भतेव, अत्थतो वा अलुब्भनाकारो एव च सो होति, तस्मा वुत्तं **“न लुब्भन्ति तेना”**तिआदि। एस नयो **“न दुस्सन्ति तेना”**तिआदीसुपि। **अलग्गभावो** आरम्भणं निस्साय पवत्तन्तस्सपि तत्थ अनासत्तता। तेनाह **“कमलदले जलबिन्दु विया”**ति। **अपरिग्गहो** कस्सचि वत्थुनो ममत्तवसेन असङ्गहो। **मुत्तभिक्खु वियाति** खीणासवभिक्खु विय। सो हि मुत्तरागत्ता कत्थचि ममायनरहितो होति। अनल्लीनो भावो अधिप्पायो एतस्साति **अनल्लीनभावो**। एवञ्चि **“असुचिम्हि पतितपुरिसो विया”**ति उपमाय समेति। यथा हि तस्स पुरिसस्स सतिपि कायेन अल्लीयने भावो अनल्लीनो, एवं अलोभोपि आरम्भणकरणवसेन गहितेपि आरम्भणे अलग्गभावेन अनल्लीनभावो अनल्लीनाकारोयेव पवत्तति। एवंसभावो हि सो धम्मोति।

चण्डिकस्स भावो चण्डिककं, फरुसभावो, अत्थतो पन कोपोयेव, तप्पटिपक्खो अफरुसभावो **अचण्डिककं**। **अविरोधो** अविग्गहो अप्पटिपक्खो सभावो। **आघातविनयनरसोति** एत्थ **आघातो** नाम परस्स अत्तानं, अत्तनो परं

उद्दिस्स, परस्सेव च परं उद्दिस्स पवत्तो उपनाहो बलवकोपो । तस्स विनयनरसो अपनयनरसो । **सोम्मभावो** मज्जनवसेन हिलादनियता सीतलभावो । तेनाह “**पुण्णचन्दो विया**”ति ।

कायदुच्चरीतादीहीति हेतुम्हि करणवचनं । **हिरीयति** लज्जनाकारेण जिगुच्छियति । **तेहियेवाति** कायदुच्चरितादीहियेव । **ओत्तप्पतीति** उब्बिज्जति । हिरी पापे गूथे विय पस्सन्ती जिगुच्छतीति आह “**पापतो जिगुच्छनलक्खणा हिरी**”ति । ओत्तप्पं ते उण्हं विय पस्सन्तं ततो उत्तसतीति वुत्तं “**उत्तासलक्खणं ओत्तप्प**”न्ति । **उभोपि पापानं अकरणरसाति** लज्जनाकारेण पापानं अकरणरसा हिरी, उत्तासाकारेण ओत्तप्पं । **पापतो सङ्कोचनपच्चुपट्टानाति** वुत्तप्पकारेणैव पापतो सङ्कोचनाकारेण पच्चुपट्टाना । **अत्तगारवपरगारवपदट्टानाति** अत्तगारवपदट्टाना हिरी अज्झत्तसमुट्टानताय, अत्ताधिपतिताय च । परगारवपदट्टानं ओत्तप्पं बहिद्धासमुट्टानताय, लोकधिपतिताय च । अत्तानज्झि गरुं कत्वा हिरिया पापं पजहति कुलवधू विय । परं गरुं कत्वा ओत्तप्पेण पापं पजहति वेसिया विय । अज्झत्तसमुट्टानादिता च नेसं तत्थ तत्थ पाकटभावेन वेदितब्बा, न पन तेसं कदाचि अज्जमज्जवियोगतो । न हि लज्जनं निब्भयं वा पापभयं वा अलज्जनं अत्थीति । हिरिया बलवभावे पन ओत्तप्पं अब्बोहारिकं होति, ओत्तप्पस्स बलवभावे हिरी अब्बोहारिका । इमे च द्वे धम्मा “**लोकपाला**”ति वुच्चन्ति । यथाह —

“द्वेमे, भिक्खवे, सुक्का धम्मा लोकं पालेन्ति । कतमे द्वे? हिरी च ओत्तप्पज्ज, इमे खो, भिक्खवे, द्वे सुक्का धम्मा लोकं न पालेय्युं, नयिध पज्जायेथ ‘माता’ति वा ‘मातुच्छा’ति वा ‘मातुलानी’ति वा”तिआदि (अ० नि० २.९) ।

पस्सम्भनं दरथवूपसमो, **काय-**सद्वो समूहवचनो । सो चेत्थ वेदनादिकखन्धत्तयं । वत्तिच्छावसेन हि सद्वो विसिद्धवुत्ति होतीति आह “**कायोति चेत्था**”तिआदि । **वेदनादयोति** वेदनाक्खन्धो सज्जाक्खन्धो सङ्खारक्खन्धोति तयो खन्धा । तथा च वुत्तं तत्थ “**कतमा तस्मिं समये कायपस्सद्धि होति, या तस्मिं समये वेदनाक्खन्धस्सा**”तिआदि (ध० स० ४०) । दरथो सारम्भो दोमनस्सपच्चयानं उद्धच्चादीनं किलेसानं, तथा पवत्तानं वा चतुन्नं खन्धानमेतं अधिवचनं । तस्स वूपसमं लक्खणमस्साति **कायचित्तदरथवूपसमलक्खणा । कायचित्त...पे०... रसाति** यथावुत्तानमेव पटिपक्खधम्मानं अभिभवनरसा । दरथनिम्महनेन परिळाहपरिप्फन्दनविरहितो सीतिभावो **अपरिप्फन्दनसीतिभावो** । अवूपसमो परिप्फन्दनं असन्तवुत्तिता । **उद्धच्चादिकिलेसाति** उद्धच्चप्पधाना उद्धच्चाधिकचित्तुप्पादसम्पयुत्ता किलेसा । तेपि हि उद्धच्चवसेन अवूपसमकरा । उद्धच्चं वा आदिं कत्वा सब्बेयेव किलेसा **उद्धच्चादिकिलेसा** । एवं सेसेसुपि ।

गरुभावो दन्धता, थिनमिद्धाधिकानं तथा पवत्तानं वा चतुन्नं खन्धानमेतं अधिवचनं । दन्धताय पटिपक्खो **अदन्धता** अगरुभावो ।

थद्धभावो थम्भो । दिट्ठिमानाधिकानं, तप्पधानानं वा चतुन्नं खन्धानं एतं नामं । थद्धभावनिम्महनेनतोयेव कत्थचि आरम्मणे अप्पटिहताकारेण पच्चुपट्टन्ति, सम्पयुत्तानं वा तत्थ अप्पटिघातं पच्चुपट्टापेन्तीति **अप्पटिघातपच्चुपट्टाना** ।

कम्मनि साधु कम्मज्जं, न कम्मज्जं अकम्मज्जं, तस्स भावो **अकम्मज्जभावो**, दानसीलादिपुज्जकिरियाय असमत्थता । अत्थतो कामच्छन्दादिसंकिलेसधम्मा, तप्पधाना वा चत्तारो अकुसलक्खन्धा । अकम्मज्जभावनिम्महनेनेव सम्पन्नाकारेण आरम्मणस्स गहणं **आरम्मणकरणसम्पत्ति** । वुत्तावसेसा कामच्छन्दादयो, तदेकट्ठा च संकिलेसधम्मा सेसनीवरणादयो । इमा पन द्वे विनिबन्धनिम्महनेन पसादनीयवत्थूसु पसादावहा, हितकिरियासु विनियोगक्खमभावोवहा

सुवण्णविसुद्धि वियाति दट्ठब्बा ।

गेलज्जं अस्सद्धियादयो, तदेकट्ठा च पापधम्मा, तप्पटिपक्खो अगेलज्जभावो लक्खणं एतासन्ति
अगेलज्जभावलक्खणा । गेलज्जनिम्मद्वनेनेव नत्थि एतासं आदीनवो दोसो उपद्ववो वा, न वा एता आदीनं कपणं वन्ति
पवत्तन्तीति निरादीनवा, तेनाकारेण पच्चुपट्ठन्ति, तं वा सम्पयुत्तेसु पच्चुपट्ठापेन्तीति **निरादीनवपच्चुपट्ठाना** ।

कायसम्बन्धी, चित्तसम्बन्धी च उज्जुभावोति लक्खितब्बताय **कायचित्तानं अज्जवलक्खणा** । कायचित्तानं
नङ्गलसीसचन्दकोटिगोमुत्तवङ्कतासङ्घातानं कुटिलभावानं अत्थतो मायासाठेय्यादिभूतानं निम्मद्वनतो **कायचित्तानं
कुटिलभावनिम्मद्वनरसा** । ततोयेव सब्बथापि अजिम्हभावेन पच्चुपट्ठन्ति, सम्पयुत्तानं वा अजिम्हतं पच्चुपट्ठापेन्तीति
अजिम्हतापच्चुपट्ठाना ।

ननु च कायपस्सद्धिआदीनं द्विन्नं द्विन्नं धम्मानं एकेकपटिपक्खत्ता दरथनिम्मद्वनादिकिच्चं एकेकमेव करोति । कस्मा
पन द्वे द्वे धम्मा वुत्ताति? न खो पनेवं चिन्तितब्बं भगवतापि तथेव देसितत्ता । कस्मा पन भगवता तथा देसिता?
सभावधम्मभावतो । न हि भगवता पुब्बे अविज्जमाना एते धम्मा देसनावसेन उप्पादिता, अथ खो सभावतो विज्जमानायेव
सयम्भुजाणेन सम्मा सच्छिकत्वा यथासभावा देसिता, तस्मा कथमेत्थ भगवता सभावतो विज्जमानस्स हापनं कातुं
सक्का । सभावतो विज्जमानताय चेत्य भगवतो वचनमेव पमाणं । न हि भगवा यथाधम्मसासनाधिकारे अयथाधम्मं
कथेय्याति, यस्स पन विज्जमानस्सापि अकथनं, तं अज्जहेतुकं । न चेत्य तादिसो हेतु उपलब्भति, येन इमेसु एकेकधम्मस्स
अकथनन्ति । यथा पन द्विन्नं पुरिसानं एकोयेव वेरिको होति, तस्स ते पुरिसा ओतारं दिस्वा एकतो हुत्वाव हनन्ति, एवमेव
द्वे द्वे धम्मा एकतो हुत्वा एकं पटिपक्खधम्मं हनन्ति, यथा च पनेते विसुं दिस्वापि तं वेरिं हनन्ति, न एवमेते तं विसुं हनन्ति
तेसं अज्जमज्जं अविनाभावतोति, तस्मा एते पटिपक्खधम्मानं एकेकभावेपि द्वे द्वेयेव वुत्ताति, अपिच चित्तपस्सद्धिआदीहि
चित्तमेव पस्सद्धि लहु मुदु कम्मज्जं पगुणं उज्जुच्च होति । कायपस्सद्धिआदीहि पन रूपकायोपीति तदत्थदस्सनत्थं भगवता
एत्थेव दुविधता वुत्ता, न समाधिआदीसु ।

छन्दनं छन्दो, आरम्मणेन अत्थिकता । “छन्दो कामो”तिआदीसु (महानि० १) पन तण्हापि छन्दोति वुच्चति । “छन्दं
जनेति वायमती”तिआदीसु वीरियम्पीति ततो निवत्तनत्थं वुत्तं “**कत्तुकम्यतायेतं अधिवचन**”न्ति । कत्तुकम्यता वुच्चति
करणिच्छा । चेतसिकस्स धम्मस्स सारम्मणत्ता करणिच्छा नाम आरम्मणस्स आलम्बितुकामतामुखेनेव होतीति
आरम्मणकरणिच्छालक्खणो छन्दो “**कत्तुकम्यतालक्खणो**”ति वुत्तो । तेनेवाह “आरम्मणपरियेसनरसो, आरम्मणेन
अत्थिकतापच्चुपट्ठानो”ति च । यदगणेन पनायं अत्तनो आरम्मणपरियेसनरसो, तदगणेन सम्पयुत्तधम्मानम्पि होतियेव
एकारम्मणताय । तेन तेसं आरम्मणगहणे चेतसो हत्थप्पसारणं वियाति वुच्चति । कथं पन दानवत्थुविस्सज्जनवसेन
पवत्तमानचेतनासम्पयुत्तो छन्दो आरम्मणेन अत्थिको होतीति? ननु अवोचुम्हा “आरम्मणकरणिच्छालक्खणो”ति, तस्मा
सङ्गामगतइस्सासस्स खिपितब्बउसूनं गहणे अत्थिकता विय दानवत्थुविस्सज्जनवसेन पवत्तच्छन्दोपि विस्सज्जितब्बेन तेन
अत्थिकोयेवाति । स्वायं कुसलेसु उप्पन्नो कुसलच्छन्दो नाम होति योनिसोमनसिकारसमुद्धानत्ता । तब्बिपरीततो पन
अकुसलेसु उप्पन्नो अकुसलच्छन्दो ।

अधिमुच्चनं आरम्मणे सन्निट्ठानवसेन वेदितब्बं, न पसादनवसेन । तेनाह “**सन्निट्ठानलक्खणो**”ति । यथा तथा हि
आरम्मणे निच्छयनं अधिमुच्चनं अनधिमुच्चन्तस्स पाणातिपातादीसु, दानादीसु वा पवत्तिया अभावतो, सद्धा पन
पसादनीयेसु पसादाधिमोक्खोति अयमेतेसं विसेसो । वोडुब्बनं पन यथा सन्तीरिते अत्थे निच्छयनाकारेण पवत्तित्वा परतो

पवत्तमानानं तथा पवत्तिया पच्चयो होति । यदि एवं विचिकिच्छासम्पयुत्तेसु धम्मेषु कथन्ति? तेसम्पि एकंसेनेव संसप्पनाकारस्स पच्चयताय दट्ठब्बं, दारकस्स विय इतो चितो च संसप्पनस्स “करिस्सामि, न करिस्सामी”ति अनिच्छयस्स पटिपक्खकिरिया असंसप्पनं । येसु चित्तुप्पादेसु अयं सन्निट्ठानलक्खणो अधिमोक्खो, तेसं आरम्मणधम्मोयेव सन्निट्ठातब्बत्ता सन्निट्ठेय्यधम्मो । सो पदट्ठानमस्साति **सन्निट्ठेय्यधम्मपदट्ठानो** । **इन्दखिलो**ति एसिकाथम्भो वुच्चति ।

तेसु तेसु धम्मेषूति येसु धम्मेषु सयं उप्पन्ना, तेसु अत्तना सम्पयुत्तेसु चित्तचेतसिकधम्मेषु । अनारम्मणत्तेपि हि तेसु सम्पवत्तेसु उदासीनभावो “**तत्रमज्झत्तता**”ति वुच्चति । समं अविस्समं वाहितं अत्तना पवत्तितसम्पयुत्तानं वा यथासककिच्चेसु पवत्तनं लक्खणमेतिस्साति **समवाहितलक्खणा** । तत्थ समं हुत्वा पवत्तनलक्खणाति अत्थे अपक्खपतितभावो वुत्तो होति, अविस्समं कत्वा पवत्तनलक्खणाति अत्थे ऊनाधिकतानिवारणं । उदासीनभावेन पवत्तमानापि हि एसा सम्पयुत्तधम्मे समं कत्वा यथासककिच्चेसु पवत्तेति, यथा राजा तुण्ही निसिन्नोपि अधिकरणधम्मट्ठे यथासककिच्चेसु समं अप्पमत्ते पवत्तेति । अलीनानुद्धतप्पवत्तिपच्चयानं धम्मनं ऊनाधिकताय लीनुद्धतभावस्स निवारणकिच्चाति वुत्तं “**ऊनाधिकतानिवारणरसा**”ति । यदि एवं कथं सहजाताधिपतीनं अधिपतिभावो । आधिपच्चज्झि तेसं किच्चतो अधिकभावोति? नायं दोसो । तम्पि तस्स किच्चमेव, यं सहजातधम्मनं अधिपतिभावे पवत्तापनं । यथा हि रङ्गमण्डलं गतो नटकाचरियो ते ते नटके यथासकं अनुरूपं भूमियं योजेति, एवमेसापि अत्तना सम्पयुत्तधम्मेषु अधिपतिभावे ठिते अधिपतिभावे योजेति, इन्द्रियत्ते ठिते इन्द्रियत्ते, न पन सकसककिच्चतो ऊनतं, अधिकतं वा पत्तुं देतीति । “इदं निहीनकिच्चं होतु, इदं अतिरेककिच्च”न्ति एवं पक्खपातवसेन विय पवत्ति पक्खपातो । तं उपच्छिन्दन्ती विय होतीति **पक्खपातुपच्छेदनरसा** । सा चित्तचेतसिकानं अज्झुपेक्खनेन सम्पवत्तेसु आजानीयेसु सारथि विय दट्ठब्बा ।

किरिया कारोति कार-सदस्स भावसाधनतं आह । तेन कारोति नाज्जं, किरियायेवाति दीपितं होति । **मनस्मिं कारो**ति मनसि आरम्मणस्स करणं । येन हि मनो आरम्मणे करीयति आरम्मणेनस्स संयोजनतो, ततो एव तेन आरम्मणम्पि मनसि करीयतीति । **मनसिकारो**ति चेत्थ अलुत्तसमासो दट्ठब्बो । **पुरिममनतो**ति भवङ्गमनतो । **विसदिसं मनन्ति** वीथिजवनमनं, तं करोतीति मनसिकारो, मनसिकारसामज्जेन वीथिजवनपटिपादके दस्सेति । एत्थ पन उपयोगत्थभुम्मवचने समासो दट्ठब्बो । सम्पयुत्तधम्मे आरम्मणाभिमुखं सारेन्तो पयोजेन्तो विय होतीति मनसिकारो **सारणलक्खणो**ति वुत्तो । **संयोजनरसो**ति पयोजनरसो । **वितक्को** सम्पयुत्तानं आरम्मणे अभिनिरोपनसभावत्ता आरम्मणे चित्तं पक्खिपन्तो विय होति । **चेतना** अत्तनो आरम्मणं गणहन्ती सम्पयुत्तेपि सकसककिच्चं कारेतीति अत्तना करणेन बलं नियोजेन्तो बलनायको विय होति । **मनसिकारो** सम्पयुत्ते आरम्मणे पयोजेतीति आजानीयप्पयोजनकसारथि वियाति अयमेतेसं विसेसो ।

आरम्मणाभिमुखभावपच्चुपट्टानोति आरम्मणे संयोजनवसेन तदभिमुखभावपच्चुपट्टानो । एत्थ **सतिया** अप्पमुस्सनच्छन्दता विसयाभिमुखपच्चुपट्टानता, **मनसिकारस्स** पन संयोजनवसेनाति अयमेतेसं विसेसो । आरम्मणपटिपादकस्स सङ्खारक्खन्धपरियापन्नतावचनं इतरमनसिकारानं विज्जाणक्खन्धपरियापन्नतं दस्सेति । महिसासका पन “आवज्जनस्स विज्जाणभावे सब्बज्जुतज्जाणस्स सब्बविसयता परिहायेय्य, तस्मा तं जवनसम्पयुत्तसङ्खारक्खन्धपरियापन्नमेवा”ति वदन्ति । तेसज्झि अयमधिप्पायो — यदि तं विसुं चित्तसभावं सिया, पच्चुप्पन्नचित्तं आरम्मणं कत्वा पवत्तस्स तस्स अनन्तरं उप्पज्जमानजवनानं पच्चुप्पन्नारम्मणता न भवेय्य, अज्जदत्थु अतीतारम्मणताव सिया, एवज्ज सति सब्बज्जुतज्जाणस्सापि पच्चुप्पन्नचित्तारम्मणताय अभावतो असब्बविसयता आपज्जेय्य, यदग्गेन च तं असब्बविसयं, तदग्गेन सावरणम्पि होति यत्थ न पवत्ति, तत्थ आवरणसम्भवतो, तस्मास्स

सकललोकसिद्धो सब्बज्जुभावो, अनावरणभावो च परिहायेथ, जवनसम्पयुत्तभावे पन सति आवज्जनस्स नायं इट्ठविघातो आपज्जतीति । तयिदं तेसमभिनिवेसमतं “आवज्जना कुसलानं खन्धानं, अकुसलानं खन्धानं अनन्तरपच्चयेन पच्चयो”ति (पट्ठा० १.१.४१७) वचनेन तस्सानन्तरं कुसलाकुसलुप्पत्तिया दीपितत्ता । सब्बज्जुतज्जाणस्स पन पच्चुप्पन्नचित्तारम्मणभावो एवं वेदितब्बो — अतीतादिवसेन हि विभागमकत्वा “इमस्स चित्तं जानामी”ति पवत्तस्स आवज्जनं सामज्जेन यं किञ्चि अभिमुखीभूतं चित्तमावज्जति, ततो जवनानिपि अत्तनो अत्तनो अभिमुखीभूतं चित्तमारम्मणं कत्वा पवत्तन्ति, न चेत्थ जवनानं भिन्नारम्मणता आसङ्कितब्बा चित्तसामज्जेन आरम्मणस्स अभिन्नत्ता, तस्मा सब्बज्जुतज्जाणस्स पच्चुप्पन्नचित्तारम्मणतं पटिच्च न काचि विहेसा अनुभवितब्बाति । किं वा एतेन युत्तिवादेन, ननु वुत्तं भगवता — “अचिन्तेय्यो बुद्धविसयो”ति (अ० नि० ४.७७), तस्मा अपरिमितपुज्जसम्भारेकफलस्स अचिन्तेय्यसभावत्ता आवज्जनेन विनापि विसयगहणे विबन्धनाभावतो यत्थ कत्थचि पवत्ति अप्पटिहतायेवाति । केचि पनेत्थ “आवज्जनं अनागतचित्तमारम्मणं कत्वा निरुज्झति, जवनमेव पन पच्चुप्पन्नमारम्मणं गणहाती”ति वदन्ति । यस्मा पन “अनागतारम्मणा आवज्जना पच्चुप्पन्नारम्मणानं खन्धानं अनन्तरपच्चयेन पच्चयो”ति पाळि नत्थि, तस्मा तं अप्पमाणं ।

करोतीति **करुणा** । किं करोति, केसं किं निमित्तन्ति आह “**परदुक्खे सति साधूनं हृदयकम्पनं**”न्ति । **कम्पनन्ति** च परेसं दुक्खं दिस्वा तस्स असहनाकारेण चित्तस्स अज्जथत्तं, तदिदं सप्पुरिसानंयेव होतीति आह “**साधूनं**”न्ति । सप्पुरिसा हि अत्तहितपरहितसाधनेन “साधू”ति वुच्चन्ति । “किणाती”ति इमस्स अत्थमाह “**विनासेती**”ति, अदस्सनं गमेति अपनेतीति अत्थो । तेनाह “**परदुक्खापनयनाकारप्पवत्तिलक्खणा**”ति । परेसं दुक्खस्स अपनयनं होतु वा, मा वा, सो परदुक्खापनयनाकारो, तथापवत्तिलक्खणाति **पर...पे०... लक्खणा** । अपनेतुकामताय परेसं दुक्खस्स असहनं अनधिवासनं **परदुक्खासहनं** । न विहिंसा अविहिंसा, सत्तानं अविहेठनं, तं पच्चुपट्ठापेति, विहिंसाय वा पटिपक्खभावेन पच्चुपट्ठातीति **अविहिंसापच्चुपट्ठाना** ।

पमोदनलक्खणाति परसम्पत्तिया पमोदनलक्खणा । **अनिस्सायनरसाति** इस्सायनस्स उसूयनस्स पटिपक्खभावकिच्चा । पन्तसेनासनेसु, अधिकुसलधम्मेषु च अरमणं अरति । सा अत्थतो इस्साधिकं दोमनस्ससहगतं, थिनमिद्धाधिकज्ज उद्धच्चं । तत्थ पुरिमं परसम्पत्तिविसयं, दुतियं पन्तसेनासनादिविसयन्ति दट्ठब्बं । अरतिया विहननाकारेण पच्चुपट्ठाति, तस्सा विघातं वा वूपसमं पच्चुपट्ठापेतीति **अरतिविघातपच्चुपट्ठाना** । “**अनियते इच्छन्ती**”ति इमिना चेतसिकन्तरभावेन इच्छन्तीति दस्सेति ।

कायदुच्चरिततोति वत्थुवीतिक्कमसङ्कातदुच्चरिततो । **कायदुच्चरितादिवत्थूनन्ति** परपाणपरधनपरइत्थिआदीनं कायदुच्चरितादीनमालम्बणभूतानमेव वत्थूनं । **अवीतिक्कमलक्खणाति** अमदनलक्खणा । कायदुच्चरितादिवत्थुतो सङ्कोचनकिरियापदेसेन कायदुच्चरितादितोयेव सङ्कोचनकिरिया वुत्ताति दट्ठब्बं । न हि विरतियो दुच्चरितवत्थुनो अकिरियपच्चुपट्ठाना युज्जन्ति, अथ खो दुच्चरितस्सेव, विरतीनज्ज सोरच्चवसेन सङ्कोचनं, अकिरिया च हिरोत्तप्पानं जिगुच्छादिवसेनाति अयमेतेसं विसेसो । **सद्धा...पे०... पदट्ठानाति** एत्थ सद्धादयो सब्बेव धम्मा कायसुचरितादीनं पदट्ठानाति एके । अपरे पन “कम्मं कम्मफलं सहहन्तस्स कायदुच्चरितादिअकरणतो, हिरोत्तप्पसम्पन्नस्स मुसावादादिअकथनतो, अप्पिच्छसन्तुट्ठीसल्लेखगुणसमन्नागतस्स मिच्छाजीवविवज्जनतो च सद्धादयो तिण्णं धम्मानं यथाक्कमेन पदट्ठाना”ति वदन्ति । **केचीति** अभयगिरिवासिनो । **इमासूति** इमासु तीसु विरतीसु । **एकेकं नियतं विरतिमिच्छन्तीति** अज्जं एकं चतुत्थनियतविरतिमिच्छन्ति । अथ वा निद्वारणत्थे भुम्मवसेन इमासं अन्तरे एकं नियतं

विरतिमिच्छन्तीति अत्थो । उभयथापि पन तेसं इच्छा न युज्जति अपराय विरतिया धम्मसेनापतिनापि अदेसितत्ता, विसयस्स च सदा सन्निहितत्ताभावेन नियताय एव एकस्सा अभावतो । तेनेव हि अभयगिरिवासिनोयेव च केचि इमासं तिविधत्तं अनियतत्तमेव च इच्छन्ति । वुत्तहि तेहि —

“करुणामुदिता सम्मावाचाकम्मन्तआजिवा ।
येभ्य्यतो अनियता, होन्ति गोचरभेदतो”ति ॥ —

एत्थ पन “येभ्य्यतो”ति वचनं लोकुत्तरचित्तेसु सब्बदा एकतोयेव च लब्भमानतं सन्धाय वुत्तं ।

दुतियचित्तेन सम्पयोगं गच्छन्तीति सम्बन्धो । यथा चित्तं, एवं तंसम्पयुत्तधम्मापीति दुतिये ससङ्खारा एवाति आह “ससङ्खारभावमत्तमेव हेत्थ विसेसो”ति । तथाति यथा ततिये, तथा चतुर्थेपि पीतिया सुखपदद्वानत्ता । सुखस्स चेत्य अभावतो आह “ठपेत्वा पीति”न्ति । ननु च “करुणामुदिता उपेक्खासहगते न सम्भवन्ती”ति वदन्ति, तस्मा यथा पीतिया, एवं तासम्पि पटिक्खेपो कातब्बोति? न कातब्बो, अप्पनापत्तितो पुब्बे करुणामुदितानं उपेक्खासहगतानम्पि सम्भवतो । करुणामुदिताभावनाकाले हि अप्पनावीथितो पुब्बे उपेक्खासहगतचित्तेनापि परिकम्मं होति, अप्पनावीथियं पन सोमनस्ससहगतचित्तेनेव एकावज्जनवीथिया वेदनापरिवत्तनाभावतो, तस्मा पुब्बभागवसेनेव करुणामुदितानम्पि उपेक्खासहगतेसु सम्भवो होतीति आचरिया । अपरे पन सब्बदापि तासं उपेक्खासहगतेसु सम्भवं न इच्छन्ति । “अवसेसा पञ्चमेन सम्पयोगं गच्छन्ती”ति अविसेसेन वुत्तत्ता इदानीं विसेसदस्सनत्थमाह “सोमनस्सद्धाने चा”तिआदि ।

८१. करुणामुदितादयोति करुणामुदिता चेव विरतित्तयञ्च । तेनाह “पञ्चा”ति ।

एवं कामावचरकुसलचित्तसम्पयुत्ते दस्सेत्वा इदानीं रूपावचरकुसलचित्तसम्पयुत्तधम्मे दस्सेतुं “अवसेसेसु पना”तिआदिमाह । तत्थ ठपेत्वा विरतित्तयन्ति विरतित्तयं वज्जेत्वा । कस्मा पनेत्थ विरतित्तयं परिच्चत्तन्ति? वुच्चते — सुविसुद्धकायकम्मादिकस्स चित्तसमाधानवसेन रूपारूपावचरकुसलपवत्ति, न कायकम्मादीनं सोधनवसेन, नापि दुच्चरितदुराजीवानं समुच्छिन्दनवसेन । तथा हि नीवरणादिधम्मानं अवत्थत्तयं होति वीतिक्कमावत्था परियुद्धानावत्था अनुसयावत्थाति । तत्थ वीतिक्कमावत्थाय पटिपक्खं कामावचरकुसलं परियुद्धानावत्थाय रूपारूपावचरं, अनुसयावत्थाय लोकुत्तरकुसलं । दुच्चरितदुराजीवानं पन ठपेत्वा वीतिक्कमावत्थं, अनुसयावत्थञ्च वीतिक्कमावत्थाय विसुं परियुद्धानावत्था न उपलब्धति । यस्सा विपच्चनीकं रूपारूपावचरकुसलं सिया, तस्मा तं नेव कामावचरकुसलं विय तेसं वीतिक्कमावत्थं सोधेति, न च लोकुत्तरं विय अनुसयावत्थं समुच्छिन्दति, पटिपस्सम्भेति वा । सीलविसुद्धियं सीलसोधनवसेन कामावचरकुसलेनेव विगतवीतिक्कमस्स परिसुद्धकायकम्मादिकस्स योगिनो चित्तसमाधानवसेन पवत्ततीति महग्गतचित्तुप्पादे विरतीनं असम्भवोयेव । इममेव हि अत्थं साधेतुं “विरतियो पना”तिआदि आरब्धं । तेत्तिस वा करुणादिज्ञानवसेन पवत्तनकाले । ततोति ततो ततिये वुत्तचेतसिकतो । करुणामुदितानं अप्पनापत्तानमेकन्तसोमनस्ससहगतत्ता आह “पञ्चमेन...पे०... करुणामुदितावज्जा”ति ।

रूपावचरपञ्चमे वुत्तनयेनाति तिंसेवाति अधिप्पायो । यदि एवं रूपावचरतो को विसेसोति आह “अरूपावचरभावोवेत्थ विसेसो”ति, पञ्चमे रूपसञ्जाभावतो रूपावचरभावो, इध पन रूपसञ्जासमतिकमेन पत्तब्बत्ता अरूपावचरभावोति अयमेवस्स ततो विसेसोति अत्थो ।

पठमज्झानिकेति पठमज्झानवति । मग्गचित्तेति चतुब्बिधेपि मग्गजाणे । दुतियज्झानिकादिभेदेति दुतियततियचतुत्थपञ्चमज्झानिके । वुत्तनयेनाति “दुतियेन वितक्कवज्जा”तिआदिना वुत्तनयेन । किं अविसेसेनाति चे, नोति आह “करुणामुदितान”न्तिआदि । मग्गधम्मेषु पादकज्झानादिवसेन कदाचि सम्मासङ्कप्पविरहो सिया, न पन विरतिविरहो, कायदुच्चरितादीनं समुच्छिन्नवसेनेव अरियमग्गस्स पवत्तनतोति आह “नियतविरतिभावो”ति । लोकुत्तरभावोति छब्बिसुद्धिपरम्पराय पत्तब्बत्ता लोकतो उत्तरणभावो ।

एवं कुसलचेतसिकानं सम्पयोगवचनत्थलक्खणादीनि दस्सेत्वा इदानीं अकुसलचेतसिकानि दस्सेतुं “अकुसला पना”तिआदि आरब्धं । छ येवापनकाति किञ्चापि पठमे अनियतयेवापनका न लब्भन्ति, अकुसलेसु पन लब्भमानकयेवापनधम्मे एकत्थ दस्सेतुं तेसम्पि इधेव वचनं दट्ठब्बं । एवञ्च कत्वा उपरि धम्मनं उद्देसानन्तरं “एवं येवापना”तिआदि वुत्तं । विचिकिच्छासहगते छन्दाधिमोक्खानं, उद्धच्चसहगते छन्दस्स च अभावतो वुत्तं “पटिपाटिया दससु चित्तेसू”ति ।

८२. निदिट्ठाति निस्सेसेन दस्सिता । हता विहता विद्धस्ता पापा अपायादिदुक्खपापनतो “पापा”ति सङ्घाता अकुसलधम्मा येन सो भगवा हतपापो, तेन । लाभो अलाभो, यसो अयसो, निन्दा पसंसा, सुखं दुक्खन्ति इमेसु अट्ठसु लोकधम्मेसु अकम्पनट्ठेन तादिना सम्मासम्बुद्धेन । सो हि लाभादीसु यादिसो, अलाभादीसुपि तादिसोयेवाति “तादी”ति वुच्चति ।

न हिरीयतीति न लज्जति । अहिरिकोति पुग्गलो धम्मसमूहो वा । “अहिरिक”न्ति वत्तब्बे एकस्स क-कारस्स लोपं कत्वा “अहिरिक”न्ति वुत्तं । न ओत्तप्पन्ति ओत्तप्पस्स पटिपक्खभूतं धम्ममाह । अजिगुच्छनं अहीळनं । अलज्जनं अविला । अजिगुच्छनलक्खणन्ति सभाववसेन वुत्तं, अलज्जनलक्खणन्ति कुसलाब्बाकतस्स साधारणाय हिरिया पटिपक्खवसेन । तेहेवाति कायदुच्चरितादीहि एव । असारज्जनं निब्भयता । अनुत्तासो असम्भमो । रसादीनि हिरिओत्तप्पेसु वुत्तपटिपक्खवसेन गहेतब्बानीति न तानि इध वुत्तानि । तेसु हि अलज्जनाकारेण पापानं करणरसं अहिरिकं । अनुत्तासाकारेण अनोत्तप्पं । वुत्तप्पकारेणैव पापतो असङ्कोचनपच्चुपट्टानानि । अत्तनि, परेसु च अगारवपदट्टानानि । गामसूकरस्स विय असुचितो किलेसासुचितो अजिगुच्छनं अहिरिकेन होति । सलभस्स विय अगितो पापतो अनुत्तासो अनोत्तप्पेन होति । यथाहु पोराणा —

“जिगुच्छति नाहिरिको, पापा गूथाव सूकरो ।

न भायति अनोत्तप्पो, सलभो विय पावका”ति ॥

एत्थ च यथा हिरिया बलवभावे ओत्तप्पं अब्बोहारिकं होति, ओत्तप्पस्स बलवभावे हिरी अब्बोहारिका, एवं अहिरिकस्स बलवभावे अनोत्तप्पं अब्बोहारिकं, अनोत्तप्पस्स बलवभावे अहिरिकं अब्बोहारिकं होतीति केचि, तं न युज्जति । यथा हि असुचिना अत्तानं मक्खेन्तो, सप्पमुखे हत्थं पवेसेन्तो बालदारको तत्थ पटिक्कूलभावस्स, आदीनवस्स च अनुपपरिक्खनतो नेव जिगुच्छति, न च उत्तसति, एवमेवं धम्मसभावस्स अज्जाणतो मोहो पापतो नेव जिगुच्छति, न उत्तसति, तस्मा तंसम्पयुत्तचित्तुप्पादे उभयम्पि बलवतरं होतीति ।

लुब्भन्तीति अभिगिज्झन्ति, अल्लीयन्तीति वुत्तं होति । आरम्मणग्गहणलक्खणोति एत्थ आरम्मणग्गहणं नाम “मम इदं”न्ति तण्हाभिनिवेसवसेन अभिनिविट्ठस्स आरम्मणस्स अविस्सज्जनं, न आरम्मणकरणमत्तं । अभिसङ्गो

अतिसयवताय आसत्तिया दुम्मोचनीयभावो। **अपरिच्छागो** अविजहनं। **तेलज्जनरागो** वियाति धोवित्वापि परिच्चजितुं असक्कुण्यो तेलमक्खितअज्जनरागो विय। “अस्सादानुपस्सिनो तण्हा पवड्ढती”ति वचनतो वुत्तं “अस्साददस्सनपदट्टानो”ति। तत्थ अस्सादवसेन दस्सनं अस्साददस्सनं। ननु च अस्साददस्सनम्पि अत्थतो लोभोयेवाति कथं सयं अत्तनो पदट्टानं होतीति? सच्चं, पठमं नातिबलवलोभवसेन अस्साददस्सनो पच्छा बलवलोभो होतीति तस्स तंपदट्टानता वुत्ता। तेनेव च “तण्हा पवड्ढती”ति वुत्तं। अपरे पन “अस्सादो नाम सुखवेदना, अस्साददस्सनन्ति अस्साददिट्ठी”ति वदन्ति। सुखवेदनाय वा कारणभूतं सुभनिमित्तं अस्सादो नाम, असुभे “सुभ”न्ति पवत्ता तयो विपल्लासा अस्साददस्सनं नामाति केचि।

मुहन्तीति न बुज्झन्ति। धम्मसभावस्स याथावतो अदस्सनं **चित्तस्स अन्धभावो**। **अज्जाणं** जाणपटिपक्खो धम्मो। तत्थ पुरिमलक्खणं सभाववसेन वुत्तं, इतरं पटिपक्खवसेन। अथ वा **अज्जाणलक्खणो**ति किच्चवसेन वुत्तं। सो हि असम्पटिवेधरसोति वुत्तो। धम्मसभावं पटिविज्झितुं असमत्थता **असम्पटिवेधो**। **आरम्मणसभावच्छादनरसो**ति यथा अज्जाणं, मोहसमङ्गिपुगलो वा आरम्मणसभावं पटिविज्झितुं न लभति, मोहस्स तथा पवत्ति आरम्मणसभावच्छादनं। एत्थ च जाणं आरम्मणं यथासभावतो जानाति, दिट्ठि यथासभावं विजहित्वा अयाथावतो गण्हाति, मोहो पन न कथञ्चि विजानाति। यदि एवं आरम्मणगगहणकालो कथं तदा सो आरम्मणं जानातेवाति? तदापि न जानाति। यथा पन फस्सादयो फुसनाकारादिमत्तवसेनेव आरम्मणं गणहन्ति, न जाननवसेन, एवमयं आरम्मणं गहेत्वा उप्पज्जमानो पटिच्छादनाकारेनेव गण्हाति, न पन जाननाकारेनाति। यस्स उप्पज्जति, तस्स अन्धकरणं अन्धकारो, तथा पच्चुपट्ठाति, तं वा पच्चुपट्ठापेतीति **अन्धकारपच्चुपट्टानो**।

मिच्छा पस्सन्तीति धम्मसभावस्स विपरीतवसेन अनिच्चादिं निच्चादिवसेन पस्सन्ति। **अयोनि**सो अभिनिवेसो उप्पथाभिनिवेसो। धम्मसभावं अतिक्कमित्वा परतो निच्चादितो वा परप्पच्चयतो वा आमसनं **परामासो**, विपरीतगगाहवसेन “इदमेव सच्चं, मोघमज्ज”न्ति अभिनिवेसनं **मिच्छाभिनिवेसो**। **अरियानं** अदस्सनकामतादीति **आदि-सद्देन** सद्धम्मअसोतुकामतादिं सङ्गण्हाति।

यस्स धम्मस्स वसेन उद्धतं होति चित्तं, तंसम्पयुत्तधम्मा वा, सो धम्मो उद्धच्चं। तेनाह “**उद्धतभावो**”ति। **अवूपसमो**ति असन्निसिन्नभावो। **वाता...पे०... पटाका** वियाति यथा पटाका योत्तबलेन धजयट्ठिं अमुज्चन्तीपि वाताभिघातेन एत्थ अवट्ठातुं न सक्कोति, एवमिदम्पि अधिमोक्खबलेन आरम्मणं अमुज्चन्तम्पि अयोनिमनसिकारबलेन आरम्मणे अचलं अवट्ठातुं न सक्कोतीति वातप्पहारेनेव चलधजपटाका विय अनवट्टानकिच्चं। **भन्तत्तं** परिब्भमनाकारो। उद्धच्चस्स सब्बाकुसलसाधारणत्ता, अज्जेसज्च अकुसलसाधारणानं विसुं पदट्टानस्स लब्भमानत्ता वुत्तं “**अयोनि**सो...पे०... **पदट्टान**”न्ति। येनाकारेन वा मनसिकरोतो उद्धच्चं उप्पज्जति, तेनाकारेन मनसिकरणं इध **अयोनिमनसिकारो**। अथ वा उद्धच्चनिमित्तस्स आरम्मणस्स मनसिकरणं इध **अयोनिमनसिकारो**।

मज्जतीति अभिमज्जति, अहंकारं करोतीति अत्थो। सेय्यादिवसेन उच्चतो नमनं **उण्णति**। **सम्पग्गहरसो**ति उण्णतिवसेनेव अत्तनो, सम्पयुत्तधम्मानं वा सम्पग्गणहनकिच्चो, न वीरियं विय तंतंकिच्चसाधनेन। अभिभुस्सहनवसेन हीनस्स अत्तानं नीचं कत्वा गहणम्पि पग्गणहनवसेनेवाति वेदितब्बं। **केतु...पे०... पच्चुपट्टानो**ति एत्थ केतु वुच्चति अच्चुगगतधजो, इध पन केतु वियाति केतु, उळारतमादिभावो, तं केतुभावसङ्घातं केतुं कम्यतीति केतुकम्यं, यस्स धम्मस्स

वसेन तं केतुकम्यं, सो केतुकम्यता । “अह”न्ति पवत्तनतो मानस्स दिट्ठिसदिसी पवत्ततीति दिट्ठिमाना एकचित्तुप्पादे न पवत्तन्ति, द्वे केसरसीहा विय एकगुहायं, तस्मा मानो दिट्ठिविप्पयुत्तचित्ते सब्बदा अनुप्पज्जमानोपि दिट्ठिसम्पयुत्तचित्ते नियमेन अनुप्पज्जनतो दिट्ठिविप्पयुत्तलोभपदट्ठानो । मानो धम्मसमूहगहणे बलवं हुत्वा अत्तुक्कंसनभावेन पवत्तति, दिट्ठि एकेकधम्ममि निच्चादिआकारेण गणहन्ती पवत्तति । अत्तसिनेहसन्निस्सयो वा मानो, अत्तकिलमथानुयोगसन्निस्सया दिट्ठीति अयमेतेसं विसेसो ।

इस्सतीति उसूयति । तत्थेवाति परसम्पत्तीसुयेव । इस्सावसेन परसम्पत्तीसु अतुस्सनतो वुत्तं “अनभिरतिरसा”ति । तेनेवेतं वुच्चति —

“इस्सानलसिखा येसं, हदये जलतीध ते ।

नेव विन्दन्ति पामोज्जं, सम्बुद्धादीहि सेवित”न्ति ॥

मच्छरयोगेन मच्छरिनि पवत्तं मच्छर-सदं गहेत्वा आह “मच्छरभावो मच्छरिय”न्ति । निरुत्तिनयेन पन “मा इदं अच्छरियं अज्जेसं होतु, मय्हं होतू”ति मच्छरियन्ति पोराणा । निगुहणं अत्तनो सम्पत्तिया परेसं अदस्सनं । सङ्कोचनं अत्तसम्पत्तीनं परेहि साधारणभावकरणस्स अरुच्चनाकारेण पटिकुटनं । “मा इदं परस्स होतू”ति परेसु पटिहननवसेन अत्तसन्तकस्स आरम्मणकरणतो मच्छेरं पटिघचित्तेस्वेव लब्धतीति वदन्ति, तं न युत्तं एकस्सेव धम्मस्स अज्जत्थ पटिहज्जित्वा अज्जारम्मणभावप्पसङ्गतो । परेहि साधारणभावे पटिहननवसेन पन तं आरब्ध पवत्तनतो मच्छेरं पटिघचित्तेसु उप्पज्जतीति युत्तं । अत्तसम्पत्तीति आवासादिसम्पत्ति ।

कुच्छितं कतन्ति एत्थ कतम्पि अकतम्पि गरहितब्बत्ता कुच्छितं कतं नाम होति । एवज्हि वत्तारो होन्ति “यं मया न कतं, तं कुकत”न्ति । तथा हि वक्खति “कताकतानुसोचनरस”न्ति । एवं कताकतं दुच्चरितं सुचरितम्पि कुच्छितं कतं नाम । सुचरितम्पि हि गरहन्तस्स कुच्छितं कतन्ति होति । यथा पन पथवीकसिणारम्मणं ज्ञानं पथवीकसिणं, एवं कुकतं आरब्ध विप्पटिसारवसेन पवत्तं चित्तं तंसहचरितताय इध कुकतन्ति गहेतब्बं । अथ वा कताकतं आरब्ध उप्पज्जनकविप्पटिसारचित्तयेव गरहितब्बतो “कुच्छितं कतं कुकत”न्ति वुच्चति । यस्स धम्मस्स वसेन तं चित्तं कुकतं नाम होति, सो धम्मो कुक्कुच्चं । तेनाह “कुकतं, तस्स भावो”ति । पच्छा अनुत्तप्पनं विहेठनं पच्छानुतापो । कताकतानुसोचनं कताकतस्स सुचरितदुच्चरितस्स अनुसोचनं, “अकतं वत मे कल्याण”न्तिआदिना अनुत्तप्पनं, “अकतं मया पुब्बे कल्याणकम्मं, इतो दानि पट्टाय करोमी”ति पवत्तं पन कुसलपक्खिकं वीरियमेव, न कताकतानुसोचनं, कताकताकारविसिद्धस्स सुचरितदुच्चरितस्स अनुसोचनवसेन विरूपं पटिसरणं विप्पटिसारो । कताकतानुसोचनज्झि अवट्ठिसम्पादनतो विरूपं पटिसरणं, तं परायत्तताहेतुताय दासब्बं विय दट्ठब्बं । यथा हि दासब्बे सति दासो परायत्तो होति, एवं कुक्कुच्चे सति तंसमङ्गीपुगगलो । न हि सो अत्तनो धम्मताय कुसले पवत्तितुं सक्कोति । अथ वा कताकतकुसलाकुसलानुसोचनवसेन आयत्तताय तदुभयवसेन कुक्कुच्चेन तंसमङ्गी होतीति तं दासब्बं विय होति ।

अनुस्साहनावसीदनवसेन संहतभावो थिनं, तेन योगतो चित्तं थिनं, तस्स भावो थिनता । तेनाह “अनुस्साहसंहननता”ति । असमत्थताविघातवसेन अकम्मज्जता मिद्धं । तेनाह “असत्तिविघातो”ति । यस्मा मिद्धवसेनेव तेन सम्पयुत्तधम्मा मेधिता विहतसामत्थिया होन्ति, तस्मा “मिद्धता मिद्ध”न्ति वुत्तं । न विज्जति उस्साहो अस्साति अनुस्साहं, तब्भावोपि अनुस्साहं । अनुस्साहसङ्घातो संहननभावो अनुस्साहसंसीदनता, कुसीतभावोति वुत्तं होति । असत्तिविघातोति यस्मा तं मिद्धं उप्पज्जमानमेव सत्तिविनासवसेन उप्पज्जति, तस्मा नत्थि एतस्स सत्तीति तं सम्पयुत्तचित्तं

असत्ति, तस्स भावोपि, असत्तियेव विघातोति असत्तिविघातो ।

अनुस्साहनलक्खणन्ति उस्साहपटिपक्खलक्खणं । वीरियस्स विनोदनं खेपनं **वीरियविनोदनं** । सम्पयुत्तधम्मनं संसीदनाकारेण पच्चुपट्ठाति, तेसं वा संसीदनं पच्चुपट्ठापेतीति **संसीदनपच्चुपट्ठानं** । **अकम्मज्जतालक्खणन्ति** एत्थ कामं थिनम्पि अकम्मज्जतासभावमेव, तं पन चित्तस्स अकम्मज्जं, मिद्धं वेदनादिक्खन्धत्तयस्साति अयमेत्थ विसेसो । तथा हि पाळियं “तत्थ कतमं थिनं? या चित्तस्स अकल्लता अकम्मज्जता । कतमं मिद्धं? या कायस्स अकल्लता अकम्मज्जता”ति (ध० स० ११६२) च आदिना इमेसं निद्देशो पवत्तो । **ओणहनं** विज्जाणद्वारानं पिदहनं, सम्पयुत्तानं बन्धनं वा । **लीनता** लीनाकारो, आरम्भणगहणे सङ्कोचो । यस्मा थिनेन चित्तस्सेव संहननं होति, मिद्धेन पन वेदनादिक्खन्धत्तयस्स विय रूपकायस्सपि, तस्मा तं पचलायिकानिद्वं पच्चुपट्ठापेतीति पचलायिकानिद्वापच्चुपट्ठानन्तिपि वट्ठति । पोत्थरूपपटिच्छादकपटो विय आरम्भणसभावावच्छादको मोहो । मुखे बन्धपटो विय सम्पयुत्तधम्मे पत्थरितुं अदेत्तं मिद्धन्ति अयमेतेसं विसेसो ।

सेसाति इध लक्खणादिवसेन वुत्तावसेसा फस्सादयो । **कुसलेसु वुत्तनयेनाति** लक्खणादितो वुत्तनयेन । न कोचि एत्थ विसेसो अत्थीति चे, नो नत्थीति आह “**एत्थ पना**”तिआदि, वितक्कादीनं तिण्णं यथाक्कमं मिच्छासङ्कप्पादिनाममत्तमेव विसेसोति अत्थो । **एकूनवीसतीति** ठपेत्वा मानादयो छ अनियतयेवापनके सेसा सरूपेणागता पन्नरस छन्दादयो च चत्तारो नियतयेवापनकाति इमे एकेन ऊना वीसति चेतसिका । अनियतयेवापनकानं पन इध अलभन्तानम्पि एत्थ वचने कारणं वुत्तमेव ।

थिनमिद्धस्स अनियतभावोति थिनमिद्धस्स अनियतस्स इध उप्पज्जनकभावमाह, न पन पठमे नियतभावं तत्थ सब्बसोव अनुप्पज्जनतो । न हि सभावतिखिणं चित्तं थिनमिद्धयोगी होतीति । ततिये मानस्स अनियतस्स सम्भवेपि नियतधम्मे सन्धाय “**अट्टारसा**”ति वुत्तं । तेनाह “**मानो पनेत्थ अनियतो**”ति । **दिट्ठिया सह न उप्पज्जतीति** एत्थ कारणं वुत्तमेव । चतुत्थे **अवसेसाति** अट्टारसेव, पच्चमे ठपेत्वा पीतिं दिट्ठिया सह अट्टारसेव, तथा छट्ठेपि । सत्तमे पीतिया, दिट्ठिया च अभावतो सत्तरस, तथा अट्ठमेपि ।

एतेपि तयोति न केवलं करुणामुदिता एव, एतेपि तयो एकतो न उप्पज्जन्ति अज्जमज्जं विसयभेदतोयेव । तथा हि इस्सा परसम्पत्तिविसया, मच्छरियं अत्तसम्पत्तिया परेहि साधारणाभावविसयं, कुक्कुच्चं कताकतविसयन्ति, तस्मा यं अभयगिरिवासिनो वदन्ति “इस्सामच्छेरं यदिच्छावसेन एकतोपि उप्पज्जती”ति, न तं गहेतब्बं ।

सभावतो, परिकप्पनतो वा अनिदुस्स आरम्भणस्स अनिदुत्ताकारं वा आरम्भणस्स अनुभवनं सम्भुज्जनं अनिदुत्ताकारानुभवनं, तं लक्खणमस्साति **अनिदुत्ताकारानुभवनलक्खणं** । तेनाह “**अनिदुत्ताकारसम्भोगरस**”न्ति, यथाभूतेन वा अयथाभूतेन वा अनिदुत्ताकारेण आरम्भणस्स सम्भुज्जनरसं, पच्चानुभवनकिच्चन्ति अत्थो । तित्थियादीनज्झि सभावतो इट्ठे बुद्धादिआरम्भणेपि अनिदुत्ताकारतो गहणवसेन दोमनस्सं उप्पज्जति । दोमनस्सस्स एकन्तेन कामधातुयंयेव पवत्तनतो आह “**हृदयवत्थुपदट्ठान**”न्ति । तस्स हि अनीवरणावत्थाय अभावतो रूपारूपधातुयं असम्भवो ।

अत्तनो पवत्तिआकारवसेन अनिदुरूपसमुट्ठापनवसेन वा विरूपं सप्पनं विसप्पनं, अनिदुरूपसमुट्ठापनवसेनेव वा विसप्पनं सरीरकम्पनं, तं रसो किच्चं, सम्पत्ति वा अस्साति **विसप्पनरसो**, निस्सयस्स हृदयवत्थुनो, सकलस्सेव वा कायस्स विज्झत्तभावापादनतो आह “**अत्तनो निस्सयदहनरसो वा**”ति, **विज्झत्तभावापादनतोति** च

मिलातभावापादनतोति अत्थो । यथा कथं वियाति आह “**दावगि विया**”ति । सो हि वनघटेयेव उप्पन्नो तमेव दहति । **दुस्सनपच्चुपट्टानो**ति अत्तनो, परस्स च दूसनाकारेन पच्चुपट्टानो । सो हि यस्स सन्ताने उप्पन्नो, तं एकन्तेन अन्तमसो विरूपभावापादनेनपि दूसेति, परं पन दूसेतु वा, मा वा हत्थेन गहितअसुचि विय । “अनत्थं मे अचरी”तिआदीनि नव आघातवत्थूनि पदट्टानमस्साति **आघातवत्थुपदट्टानो** । सो उपयोगफलकालेसु अनिट्ठा विससंसट्ठपूतिमुत्तं विय दट्ठब्बो । **अट्टारस** वाति इस्सादीसु अनियतेसु एकेन सद्धिं अट्टारस वा ।

पवत्तिट्ठितिमत्ताति चेतसो पवत्तिसङ्घाता ठितिमत्ता, मग्गङ्गादिभावं न गच्छति अधिमोक्खविरहतोति अत्थो । अथ वा **पवत्तिट्ठितिमत्ता**ति खणट्ठितिमत्ता । “निवाते दीपच्चीनं ठिति विया”ति हि वुत्तं । चित्तट्ठिति विय सन्तानट्ठितिया पच्चयो भवितुं असमत्थत्ता निच्छयाभावेन असण्ठहनतो चेतसो पवत्तिपच्चयमत्तताय पवत्तिट्ठितिमत्ता खणट्ठितिमत्ता पवत्तिपच्चयमत्ता ठिति पवत्तिट्ठितीति कत्वा । **विगता चिकिच्छा**ति निस्सक्के पच्चत्तवचनं “पिसुणा वाचा पटिविरतो”तिआदीसु विय, विगता तिकिच्छायाति अत्थो । अयमेव वा पाठो । “विगता चिकिच्छा”ति चिकिच्छितुं दुक्करताय चेतं वुत्तं, न सब्बथा चिकिच्छाय अभावतो । “एवं नु खो, न नु खो”तिआदिना संसप्पनवसेन सेति, समन्ततो वा सेतीति **संसयो** । **कम्पनरसा**ति चित्तस्स कम्पनकिच्चा । उद्धच्चज्झि अत्तना गहिताकारेयेव ठत्वा भमतीति एकारम्मणस्मिं एव विप्फन्दनवसेन पवत्तति, विचिकिच्छा पन यदिपि एकस्मिं आरम्मणे उप्पज्जति, तथापि “एवं नु खो, न नु खो”ति अज्जं गहेतब्बाकारं अपेक्खतीति नानारम्मणे कम्पनं होति । अनिच्छयाकारेन द्वेळहकाकारेन पच्चुपट्टाति, अनिच्छयं वा पच्चुपट्टापेतीति **अनिच्छयपच्चुपट्टाना** ।

अधिमोक्खविचिकिच्छानं अज्जमज्जं विपरीतकिच्चताय आह “**विचिकिच्छाय अभावेना**”ति । **समाधी**ति चित्तेकग्गता । सा हि आरम्मणे चित्तस्स सम्मा आधानतो “समाधी”ति वुच्चति । **बलवा** होतीति बलवमित्तेन दिन्नपिट्ठिबलो पुरिसो विय बलवा होति, बलादिभावं गच्छतीति अधिप्पायो ।

सत्तारम्मणत्ताति सत्तपज्जत्तारम्मणत्ता । ननु पज्जत्तारम्मणापि विपाका होन्तीति चोदनं सन्धायाह “**कामावचरविपाकानं एकन्तपरित्तारम्मणत्ता**”ति । कुतो पन विरतीनं कुसलत्तमेवाति चारितन्ति आह “**पज्ज सिक्खापदा कुसला**ति (विभ० ७१५) **हि वुत्त**”न्ति । यदि एवं लोकुत्तरविपाकेसु विरतियो न लब्भन्तीति? नो न लब्भन्ति सिक्खापदविभङ्गे लोकियविरतियोयेव सन्धाय वुत्तत्ता । तेन लोकियविपाकेसुयेव विरतियो न सम्भवन्तीति गहेतब्बं ।

कायपसादसन्निस्सितत्ता काये भवो सातभावो लक्खणमस्साति **कायिकसातलक्खणा** । चेतसिकसुखे वुत्तनयेन पच्चुपट्टानादयो नेतब्बाति आह “**सेसा वुत्तनया एवा**”ति ।

८४-६. ननु च इट्ठे आरम्मणे सुखवेदना उप्पज्जति, अनिट्ठे दुक्खवेदना, इट्ठानिट्ठमज्जत्ते उपेक्खावेदना, चक्खुविज्जाणादयो च कुसलविपाका इट्ठे, इट्ठमज्जत्ते वा आरम्मणे उप्पज्जन्ति, तत्थ युत्तो ताव इट्ठमज्जत्ते उपेक्खावेदनायोगो, न पन इट्ठारम्मणे, न चापि एतं सक्का वत्तुं परिकप्पनावसेन इट्ठारम्मणम्पि इट्ठमज्जत्ततो गणहन्ति यथा “कम्मविज्जाण”न्ति विपाकानं अवज्जनीयभावतो, तस्मा कथं इट्ठे, इट्ठमज्जत्ते च उप्पज्जमानेसु चक्खुसोतघानजिक्खाविज्जाणेसु उपेक्खावेदनायेव सम्भवति, न सुखवेदना, यतो तेसु उपेक्खावेदना वुत्ताति इमं चोदनं सङ्खेपतो दस्सेतुं “**इट्ठारम्मणयोगस्मि**”न्तिआदिं वत्वा पुन तस्सा सोधनत्थं “**उपादाय च रूपेना**”तिआदि वुत्तं । भूतरूपं उपादाय निस्साय पवत्तं रूपं उपादायरूपं । “**उपादाय च रूपेना**”ति पन “मनसी च कारो”ति एत्थ वुत्तनयमेव । “**उपादायकरूपेना**”ति वा पाठो, चक्खुविज्जाणस्स वत्थुभूतेन चक्खुपसादेन, तथा सोतविज्जाणादीनं वत्थुभूतेन

सोतपसादादिना च उपादायरूपेणाति अत्थो । **उपादारूपके पनाति** य-कारलोपं कत्वा निदेसो “पटिसङ्घा योनिस्सो”ति आदीसु विय, यथाक्कमं चक्खुविज्जाणादीनं आरम्मणभूते रूपसद्वादिके उपादायरूपेति अत्थो । **संघट्टनानिघंसस्साति** संघट्टनासङ्घातस्स निघंसस्स । संघट्टनायेव अज्जमज्जविसयविसयीभावस्स अनुरूपदेसुप्पत्तिसङ्घातनिघंसो वियाति निघंसोति वुच्चति । अथ वा सम्पत्तासम्पत्तगहणवसेन संघट्टनाय निघंसस्स चाति अत्थो । चक्खुरूपसोतसद्वा हि अज्जमज्जं असम्पत्तायेव अनुरूपदेसुप्पत्तिया अज्जमज्जं घट्टन्ति नाम । ततो तेसं वसेन घट्टनाकारभूतो अज्जमज्जाभिमुखभावो “संघट्टना”ति वुत्तो । घानगन्धा, पन जिह्वारसा च अज्जमज्जं सम्पत्तायेव आसन्नतरदेसे उप्पन्ना अज्जमज्जं निघंसंति आहच्च तिट्टन्ति । ततो तेसं वसेन निघंसो वुत्तोति । **दुब्बलत्ताति** अधिकरणीमत्थके पिचुपिण्डकं ठपेत्वा पिचुपिण्डेनेव पहतकाले विय फुट्टमत्तभावेन दुब्बलत्ता । **दीपयेति** एवं संघट्टनानिघंसस्स दुब्बलत्ता वेदना मज्झत्तट्टाने तिट्ठतीति उपेक्खायोगं पकासेय्य । यदि एवं कायविज्जाणेपि इदं समानन्ति, नोति आह “**पसादं पना**”ति आदि । यथा हि अधिकरणीमत्थके कप्पासपिचुपिण्डं ठपेत्वा कूटेन पहरन्तस्स कूटं पिचुपिण्डमतिक्कम्म अधिकरणिं गण्हाति, एवमेवं कायद्वारे बहिद्धा महाभूतारम्मणं अज्झत्तिककायपसादं घट्टेत्वा तं अतिक्कम्म पसादपच्चयेसु महाभूतेसु पटिहज्जति, निघंसो बलवा होति, तस्मा इट्टारम्मणे कायविज्जाणसम्पयुत्ता सुखवेदना होति, अनिट्टारम्मणे पन वुत्तनयेन दुक्खवेदनाति वुत्तं होति ।

मनोधातुनाति एत्थ किञ्चापि धातु-सद्दो इध इत्थिलिङ्गेयेव दिस्सति, इमिनायेव पन आचरियस्स वचनेन पुल्लिङ्गो अत्थीति सिद्धं । केचि पन “सक्कटवोहारेन वुत्तं”न्ति वदन्ति । सम्पयुत्ता दस धम्माति सम्बन्धो । **तस्मावेत्थाति** एत्थ व-कारो पदसन्धिमत्तकरो ।

कायविज्जाणे दुक्खवेदनाति किञ्चापि सुखादिकन्ति आदि-सद्देन अकुसलविपाककायविज्जाणस्स दुक्खवेदनासम्पयोगो वुत्तो, इध पनस्सा लक्खणादिदस्सनत्थं पुन “कायविज्जाणे दुक्खवेदना”ति उपज्जासो कतो, रसादयो पनस्स कुसलविपाके सुखवेदनाय वुत्तविपरियायेन योजेतब्बाति इध न वुत्ता । **सेसाति** सेसचेतसिका ।

बलप्पत्तोति सेसाहेतुकचित्तसम्पयुत्तसमाधितो अयं वीरियिन्द्रिययोगेन बलवभावप्पत्तो, न पन बलरासिप्पत्तोति अत्थो । यदि एवं कस्मा चेतसिकविभागनिदेसे “बलानि द्वे द्विचित्तेसू”ति वुत्तं? तत्थ हि किरियाहेतुकमनोविज्जाणयुगळं सन्धाय तथा वुत्तं । सब्बं सेसाहेतुकचित्तेसु चित्तेकगताय विभङ्गे —

“कतमा तस्मिं समये चित्तस्स एकगता होति? या तस्मिं समये चित्तस्स ठिती”ति (ध० स० ११) —

एत्तकमेव वत्वा किरियाहेतुकमनोविज्जाणधातुसम्पयुत्ताय एकगताय विभङ्गे —

“कतमा तस्मिं समये चित्तस्स एकगता होति? या तस्मिं समये चित्तस्स ठिति सण्ठिति अवट्ठिति अविसाहारो अविकखेपो अविसाहटमानसता समथो समाधिन्द्रियं समाधिबल”न्ति (ध० स० ११) —

बलपरियोसानं कत्वा विभजितत्ता वीरियविभङ्गे च —

“कतमं तस्मिं समये वीरियिन्द्रियं होति? यो तस्मिं समये चेतसिको वीरियारम्भो निक्कमो परक्कमो उय्यामो वायामो उस्साहो उस्सोळ्ही थामो धिति असिथिलपरक्कमता अनिक्खत्तछन्दता अनिक्खत्तधुरता धुरसम्पग्गाहो

वीरियं वीरियिन्द्रियं वीरियबलं'न्ति (ध० स० १३) —

बलपरियोसानं कत्वा विभजितत्ता विभङ्गवारे आगतं समाधिबलं, वीरियबलञ्च सन्धाय “बलानि द्वे द्विचित्तेसू”ति वुत्तं, न पन धम्मद्वेसवारे बलरासियं आगतबलं सन्धाय सब्बाहेतुकचित्तेसु धम्मद्वेसस्स मग्गरासितो पट्ठाय परिहीनत्ता ।

८७. विपाककिरियाहदयेहीति विपाककिरियचित्तेहि । हदयं मनो मानसं चित्तन्ति हि परियायवचनं । सोभनं गतं गमनमस्साति सुगतो । भगवतो हि विनेय्यजनूपसङ्कमनं एकन्तेन तेसं हितसुखनिष्पादनतो सोभनं, तथा लक्खणानुब्यञ्जनपटिमण्डितरूपकायताय धुतविलम्बितादिदोसरहितं अवहसितराजहंसवसभवारणमिगराजगमनं कायगमनं, जाणगमनञ्च निम्मलविपुलकरुणासतिवीरियादिगुणविसेससमङ्गीभूतमभिनीहारतो याव महाबोधिं अनवज्जताय सोभनमेवाति । अथ वा सकलम्पि लोकं परिज्जाभिसमयवसेन सयम्भुजाणेन परिजानन्तो सम्मा गतो अवगतोति सुगतो, तथा लोकसमुदयं पहानाभिसमयवसेन पजहन्तो अनुप्पत्तिधम्मतं आपादेन्तो सम्मा गतो अतीतोति सुगतो, लोकनिरोधसङ्घातं निब्बानं सच्छिकिरियाभिसमयवसेन सम्मा गतो अधिगतोति सुगतो, लोकनिरोधगामिनिपटिपदासङ्घातं मगं भावनाभिसमयवसेन सम्मा गतो पत्तोति सुगतो । अथ वा सम्मा गदतीति सुगतो । भगवा हि भूतं तच्छं अत्थसंहितं विनेय्यानं यथारहं कालयुत्तमेव धम्मं भासति, तस्मा सम्मा गदतीति द-कारस्स त-कारं कत्वा “सुगतो”ति वुत्तो । अथ वा सुन्दरं ठानं सम्मासम्बोधिं, निब्बानमेव वा गतोति सुगतो, तेन **सुगतेन** ।

८८. “अवगच्छती”तिआदीसु यो भिक्खु **अनूनं** अत्थतो वा ब्यञ्जनतो वा अनूनं सुपरिपुणं ततोयेव **परमं** विसिट्ठं **इमं** अभिधम्मावतारं नाम पकरणं **अवगच्छति** अवबुज्झति, सम्माउग्गहणधारणादिसम्पादनवसेन ओगाहित्वा जानाति । अथ वा परमनयदीपनतो **परमं इमं** पकरणं यो अनूनं कत्वा **अवगच्छति** जानाति, **तस्सेवं** अवगच्छतो यथासभावं मननतो **मतिसङ्घाता** पज्जा दुरासदे मंसचक्खुना परमाणु विय लोकियजाणेन **दुरासदे** दुराधिगन्तब्बे अधिगन्तुं दुक्करतरे, अतिगम्भीरद्वाने ठपेत्वा सिनेरुपब्बतराजानं राहुआदीहि महाकायेहिपि सब्बेन सब्बं अज्झोगाहितुं असक्कुण्यय्यताय महासमुद्वे विय ठपेत्वा सम्मासम्बुद्धं सारिपुत्तादीहिपि महाजाणेहि सावकेहि सब्बेन सब्बं अज्झोगाहितुं असक्कुण्यय्यरूपे अभिधम्मनये **विजम्भते** हेमन्तसालपन्ति विय पत्थरति, अभिमुखाभिमुखेयेव धम्मे पवत्ततीति वा अत्थो ।

इति अभिधम्मत्थविकासिनिया नाम

अभिधम्मावतारसंवण्णनाय

चेतसिकनिद्वेसवण्णना निट्ठिता ।

३. ततियो परिच्छेदो

चेतसिकविभागनिद्वेसवण्णना

८९. नामसामञ्जतोयेव द्वेपज्जासाति फस्सादिनामसामञ्जेन द्वीहि अधिका पण्णास होन्ति, सम्पयुत्तधम्मभेदतो पन एकूननवुत्तिचित्तसम्पयुत्तो फस्सो एकूननवुत्तिविधोति एवमादिना बहुविधापि होन्तीति अत्थो ।

ननु च फस्सादयो हेट्ठा पाळिक्कमेन दस्सिता, इध पन कस्मा न तथा वुत्ताति? एकेकसभाववन्तानं

तंतंसामञ्जापेक्खाय एकस्मिं ठाने निद्विसितुकामत्ता । फस्सादयो हि मनक्कारावसाना तेरस
कुसलाकुसलाब्बाकतसामञ्जतो एकतो वुत्ता, मज्झत्तादयो मुदितावसाना पञ्चवीसति कुसलाब्बाकतसामञ्जतो,
लोभादयो पन अनोत्तप्पावसाना अकुसलभावसामञ्जतोति एवं तंतंसामञ्जापेक्खाय समानसभावा धम्मा एकतो वुत्ताति ।

९०. एवं फस्सादयो धम्मे उद्विसित्वा इदानीं “एतत्केसु अयं धम्मो समुपलब्धती”ति चित्तुप्पादेसु तेसं पयोगं दस्सेतुं
पठमं ताव चित्तगणनं दस्सेन्तो आह “चतुपञ्जासथा”तिआदि । कामेति कामावचरेति वुत्तं होति । एवं “रूपे अरूपे”ति
एत्थापि । आसवविसयत्ताभावतो न विज्जन्ति एतेसु आसवाति अनासवा ।

९१-२. समासतोति वित्थारापेक्खाय वुत्तं, न इतोपि समासस्स अभावतो । अतिसङ्खेपतो पन एकूननवुति चित्तुप्पादा
होन्ति । एतेसूति इमेसु चित्तुप्पादेसु । तेसं फस्सादीनं धम्मानं उप्पत्तिं एकेकं उद्धरित्वा चित्तचेतसिकेसु भिक्खूनं पाटवत्थाय
पवक्खामीति सम्बन्धो । एककन्ति एकेकं, गाथाबन्धवसेन ए-कारलोपो ।

९३. चेतसिकविभागं वत्तुकामोपि अविनिब्भोगधम्मे दस्सेतुं चित्तेन सह एकतो कत्वा आह “फस्सपञ्चक”न्ति ।
एकतो उप्पादो एतेसन्ति एकुप्पादा, सह खीयन्तीति सहक्खया, एकतो उप्पज्जित्वा एकतो निरुज्जनकाति अत्थो ।

९४. सब्बेस्वेव एकवीससतेसु चित्तेसु समुपलब्धनतो सब्बसाधारणा । किञ्चापि अनन्तरगाथाय चित्तेन सह
एकुप्पादादिभावकथनेनेव इमेसं सब्बसाधारणता वुत्ता, तत्थ पन एकुप्पादादिमत्तकथनमेव इच्छितं, न सब्बसाधारणता ।
वुत्तोपि वायमत्थो तत्थ अपाकटत्ता पुन पाकटं कत्वा इध वुत्तोति ।

९५-१००. द्विपञ्चविज्जाणवज्जितचतुचत्तालीसकामावचरचित्तेसु, लोकियलोकोत्तरवसेन एकादससु
पठमज्झानिकचित्तेसु चाति पञ्चपञ्जासचित्तेसु वितक्कस्स देसितत्ता आह “वितक्को...पे०... समुदीरितो”ति । विचारो
पञ्चपञ्जाससवितक्कचित्तेसु चेव एकादससु दुतियज्झानिकचित्तेसु चाति छसट्ठिचित्तेसु उप्पज्जतीति आह “चारो...पे०...
जायते”ति ।

एकपञ्जासचित्तेसु पीतीति कायविज्जाणवज्जितेसु अट्टारससु सोमनस्ससहगतकामावचरचित्तेसु चेव
चतुत्थपञ्चमज्झानवज्जिततेत्तिसरूपज्झानिकचित्तेसु चाति एकपञ्जासचित्तेसु पीति जायति । तेसट्ठिया सुखन्ति
एकपण्णाससप्पीतिकचित्तेसु चेव एकादससु चतुत्थज्झानिकचित्तेसु, कुसलविपाककायविज्जाणे चाति तेसट्ठिया चित्तेसु
सुखं जायति । तेसट्ठिसुखसहगतचित्तानि चेव तीणि च दुक्खसहगतानीति छसट्ठिचित्ते वज्जेत्वा अवसेसपञ्चपण्णासचित्तेसु
उपेक्खा उप्पज्जतीति आह “उपेक्खा पञ्चपञ्जासचित्तेसू”ति । दुक्खं तीसूति द्वीसु पटिघचित्तेसु चेव
अकुसलविपाककायविज्जाणे चाति तीसु चित्तेसु दुक्खं जायति । होति...पे०... सोमनस्सिन्द्रियन्ति तेसट्ठिया
सुखसहगतचित्तेसु एकमेव कायविज्जाणं अपनेत्वा अवसेसेसु सोमनस्सिन्द्रियं होति । अकुसलविपाककायविज्जाणवसेन
एकमेव दुक्खिन्द्रियसहगतं, तथा कुसलविपाककायविज्जाणमेव सुखिन्द्रियसम्पयुत्तन्ति आह “दुक्खिन्द्रियं...पे०...
सुखिन्द्रिय”न्ति ।

अहेतुकविपाककिरियामनोधातुवज्जितेसु मज्झिमगणनाय पञ्चाधिकसतपरिमितेसु
कुसलाकुसलविपाककिरियाचित्तेसु वीरियं देसितन्ति आह “पञ्चुत्तर...पे०... आहा”ति । दिट्ठधम्मिकसम्परायिकत्थेसु
सत्ते विनेति, विगतो वा नायको इमस्स, विसिट्ठो वा सब्बलोकस्स नायको सामि, विसेसेन वा विनेय्यसत्ते निब्बानपुरं

नेतीति विनायको । समाधिन्द्रियं विचिकिच्छावज्जितवीरियसहगतचित्तेसु वुत्तन्ति आह “चतुत्तरसते”तिआदि ।

अद्वारस अहेतुकचित्तानि, द्वे एकहेतुकचित्तानि च वज्जेत्वा अवसेसएकुत्तरसते चित्ते छन्दो उप्पज्जतीति दस्सेतुं “सब्बाहेतुकचित्तानी”तिआदि वुत्तं । दस विज्जाणेति कुसलाकुसलविपाकवसेन द्विगुणिते चक्खादिके पञ्चविज्जाणे ।

१०२-६. नियता न येवापनका विय कदाचीति अत्थो । कथं पनेते एकनवुत्तिया चित्तेस्वेव जायन्तीति आह “अहेतुकेसू”तिआदि । एकूनासीतियाति द्वादस जाणसम्पयुत्तकामावचरानि, पञ्चदस रूपावचरानि, द्वादस अरूपावचरानि, समचत्तालीस लोकुत्तरचित्तानीति एवं एकूनासीतिया तिहेतुकचित्तेसु । अट्टवीसतिया चित्तेति सोळससु कामावचरकुसलमहाकिरियासु, द्वादससु च लोकियचतुत्थज्झानचित्तेसु चाति अट्टवीसतिचित्तेसु । साट्टके चत्तालीसविधेति अट्टसहिते चत्तालीसविधे, अट्टचत्तालीसविधेति वुत्तं होति । छ युगळानीति कायपस्सद्भिचित्तपस्सद्भादीनि छ युगळानि । कुसलाब्याकता चाति कुसलचित्तसम्पयोगतो कुसला, अब्याकतचित्तसम्पयोगतो अब्याकताति कुसलेनपकासनविधानेसु छेकेन सत्थुना पकासिता देसिताति अत्थो ।

१०८-१११. संसयोति विचिकिच्छा । सा हि संसेति समन्ततो सेति, “एवं नु खो, नो नु खो”ति परिसप्पतीति संसयो । महन्ते सीलक्खन्धादिके एसति गवेसतीति महेसी । तेन महेसिना सम्मासम्बुद्धेन । अट्टसूति अट्टलोभसहगतचित्तेसु । चतूसूति तेस्वेव दिट्ठिसहगतचित्तेसु । दिट्ठिवियुत्तेसु चतूसूति सम्बन्धो । द्वीस्वेवाति द्वीसु दोसमूलकचित्तेसु । द्वीसु जायन्ति नो सहाति दोसमूलेस्वेव द्वीसु जायन्ति, सह पन न उप्पज्जन्ति, उसूयनकाले इस्सा, मच्छरणकाले मच्छेरन्तिआदिना नाना हुत्वाव उप्पज्जन्ति । पञ्चसूति पञ्चसु ससङ्गारिकचित्तेसु ।

११२. चित्तस्स चेतसिकताभावेपि कुसलाकुसलाब्याकतधम्मानं गणनट्टानतो “मनो”ति चित्तम्पि वुत्तं ।

११४-५. एत्तावता चेतसिकविभागं दस्सेत्वा इदानी एकेकस्मिं चित्तुप्पादे लब्धमानरासीसु अङ्गविभागदस्सनत्थं “एकूनतिसचित्तेसू”तिआदि वुत्तं । ननु च फस्सपञ्चमकरासि सब्बपठमं आगता, सा कस्मा न वुत्ताति? सब्बसाधारणभावतो । न हि सो चित्तुप्पादो अत्थि, यो फस्सपञ्चमकविनिमुत्तोति । एकादस पठमज्झानिकानि सोमनस्ससहगतानि, द्वादस सहेतुककामावचरानि, तथा चत्तारि अकुसलानि, सुखसन्तीरणहसितुप्पादानि द्वेति एकूनतिसचित्तेसु पञ्चङ्गिकं ज्ञानं पञ्चकरासिसङ्गातं मतं । चतु...पे०... निद्विसेति एकादस दुतियज्झानिकानि, कुसलविपाककिरियावसेन द्वादस उपेक्खासहगतसहेतुककामावचरानि, उपेक्खादोमनस्ससहगतानि अट्ट अकुसलानि, द्विपञ्चविज्जाणवज्जितउपेक्खासहगतानि छ अहेतुकचित्तानि चाति इमानि सत्तित्स चित्तानि यथायोगं चतूहि ज्ञानङ्गेहि युत्तानि । एत्थ हि एकादस दुतियज्झानिकानि विचारपीतिसुखसमाधीहि सहगतानि, इतरानि यथायोगं उपेक्खादोमनस्सेसु एकेकेन वितक्कविचारसमाधीहीति चतूहि सम्पयुत्तानि ।

एकादसविधन्ति एकादसविधं ततियज्झानिकचित्तं पीतिसुखचित्तेकग्गतायोगतो तिवङ्गिकमुदीरितं । चतुत्तिस... पे०... मुदीरितन्ति द्वादस अरूपावचरचित्तानि, द्वावीसति चतुत्थपञ्चमज्झानिकानि सासवानासवानीति चतुत्तिस चित्तानि यथायोगं उपेक्खेकग्गतायोगतो, सुखेकग्गतायोगतो च दुवङ्गिकमुदीरितं । चतुत्थज्झानिकानि हि एकादस सुखेकग्गतासहितानि, सेसानि तेवीसति उपेक्खेकग्गतासहितानि ।

११६. सभावेनावितक्केसूति दुतियज्झानादयो विय भावनाबलेन विना सभावेनेव अवितक्केसु द्विपञ्चविज्जाणेषु ।

तेसु हि विज्जमानानिपि सेसझानङ्गानि वितक्कविरहेन उपनिज्झानकिच्चेसु असमत्थानि । तेनेव हि **अट्टकथायम्पि** “वितक्कपच्छिमकज्झि झानङ्गं नामा”ति वुत्तं । भावनाय अवितक्कभावप्पत्तानि पन भावनाबलेनेव उपनिज्झानकिच्चेसु पटुतरा, तस्मा सभावेनावितक्केसु झानङ्गानि न उद्धरेय्य । “**न उद्धटा**”ति वा पाठो, न उद्धटानीति अत्थो ।

यदि एवं कस्मा द्विपञ्चविज्जाणेसु सरूपेनेव चित्तेकगता वुत्ता, ननु तस्सा वितक्कविरहेन झानङ्गकिच्चे असमत्थताय रासिभजनाभावतो येवापनकवसेन वचनं युत्तन्ति? वुच्चते — कुसलाकुसलेसु अविज्जमानधम्मस्स विपाकेसुपि अनुपलब्धनतो झानङ्गकिच्चेस्स अकरणेपि कुसलाकुसलेसु देसितनियामेनेव सरूपेन इधापि वुत्ता । होतु ताव एतं, झानरासियं वेदना कस्मा वुत्ता । सा हि सब्बचित्तसाधारणभावतो फस्सपञ्चकरासिम्हि चेव, उपेक्खादिइन्द्रियभावतो इन्द्रियरासिम्हियेव वत्तब्बा, न इतरत्थ तदभावतोति? सच्चं, वेदना पन सब्बवेदनानं सामञ्जसभावेन फस्सपञ्चके आगतवेदना च अपरेन विसेसवचनेन तत्थ निद्विद्धा, न तत्थ अन्तोकरणत्थं । तेनेव हि **धम्मसङ्गणियं** द्विपञ्चविज्जाणेसु सङ्गहवारे झानङ्गरासि न उद्धटाति रूपधातुयं तिण्णं महाभूतानं अप्पटिघभावेपि कामधातुयं सप्पटिघमहाभूतेहि समानभावतो तत्थापि सप्पटिघभावो विय द्विपञ्चविज्जाणेसु वेदनाचित्तेकगतानं वितक्कवियोगेन झानकिच्चाकरणेपि सवितक्कचित्तेसु झानचित्तसमङ्गीवेदनादीहि समानत्ता झानङ्गभावेन वचनं नाम युत्तं । तेनेव च **नामरूपसमासे** “फस्सपञ्चकरासिझानदुकरासिइन्द्रियत्तिकरासी”ति वुत्तन्ति । अथ वा किं एताय युत्तिचिन्ताय, धम्मसभाववेदिना तथागतेन धम्मसभावं अविरज्झित्वा देसितन्ति न एत्थ अनुयोगो कातब्बोति । अहेतुकचित्तानं आरम्भणे सुप्पतिट्ठितताभावेन अनिय्यानिकत्ता वुत्तं “**सब्बा...पे०... न उद्धरे**”ति । वुत्तज्हेतं **अट्टकथायम्पि** “हेतुपच्छिमको मग्गो”ति ।

११७. तीणि सोळसचित्तेसूति पन्नरससु अहेतुकविपाकचित्तेसु चेव किरियामनोधातुम्हि चाति सोळससु चित्तेसु । मनिन्द्रियं जीवितिन्द्रियं वेदनिन्द्रियेसु लब्धमानमेकन्ति **तीणिन्द्रियानि होन्ति** । इमेसुपि कुसलविपाककायविज्जाणधातुयं मनिन्द्रियसुखिन्द्रियजीवितिन्द्रियवसेन तीणिन्द्रियानि, अकुसलविपाककायविज्जाणधातुयं दुक्खिन्द्रियेन सह तीणि, सुखसन्तीरणे सोमनस्सिन्द्रियेन सह तीणि, अवसेसतेरसचित्तेसु उपेक्खिन्द्रियेन सह तीणीति । एत्थ चित्तन्ति ससम्पयुत्तधम्मस्स चित्तुप्पादस्स अधिप्पेतत्ता मनिन्द्रियस्सापि आधारभावो युज्जेय्य । इतरथा हि मनिन्द्रियन्ति चित्तस्सेव गहणे तस्स अत्तनो च आधारभावो न युज्जतीति । **एकस्मिं पन चत्तारीति** एकस्मिं विचिकिच्छासहगते वीरियिन्द्रियमनिन्द्रियजीवितिन्द्रियउपेक्खिन्द्रियवसेन चत्तारि । **पञ्च तेरससूति** ठपेत्वा विचिकिच्छासहगतं अवसेसानि एकादस अकुसलचित्तानि, किरियाहेतुकमनोविज्जाणधातुद्वयन्ति तेरससु चित्तेसु वीरियिन्द्रियादीनि तीणि, समाधिन्द्रियं, वेदनिन्द्रियेसु लब्धमानं एकन्ति पञ्चिन्द्रियानि । एत्थ हि द्वीसु दोसमूलेसु वीरियिन्द्रियसमाधिन्द्रियमनिन्द्रियजीवितिन्द्रियदोमनस्सिन्द्रियवसेन पञ्च, पञ्चसु सोमनस्ससहगतेसु पुरिमानि चत्तारि सोमनस्सिन्द्रियेन सद्धिं पञ्च, सेसेसु उपेक्खिन्द्रियेन सद्धिं पञ्च होन्ति ।

११८. सत्त द्वादसचित्तेसूति द्वादससु जाणविप्पयुत्तचित्तेसु सद्धासतिसमाधिवीरियजीवितमनिन्द्रियानि च वेदनिन्द्रियेसु लब्धमानमेकन्ति सत्त इन्द्रियानि । तत्थ हि छसु सोमनस्ससहगतेसु सद्धिन्द्रियादीनि छ सोमनस्सिन्द्रियेन सद्धिं सत्त, इतरेसु छसु उपेक्खिन्द्रियेन सद्धिं सत्त होन्ति । **एकेनूनेसु...पे०... मनेसु** चाति द्वादस जाणसम्पयुत्तानि कामावचरानि, सत्तवीसति लोकियज्झानचित्तानि चाति एकूनचत्तालीसविधेसु लोकियचित्तेसु पुरिमानि सत्त, पञ्चिन्द्रियज्जाति अट्टेव इन्द्रियानि । एत्थ हि सोमनस्ससहगतेसु छसु कामावचरेसु, द्वादससु रूपावचरचतुक्कज्झानेसु चाति अट्टारसचित्तेसु सोमनस्सिन्द्रियेन, सेसेसु च उपेक्खिन्द्रियेन सद्धिं योजेत्वा अट्टिन्द्रियानि वेदितब्बानि ।

११९. चत्तालीसाय चित्तेसु नवकन्ति समचत्तालीसविधेषु लोकुत्तरचित्तेसु पुरिमानी अट्टइन्द्रियानि, अनज्जातज्जस्सामीतिन्द्रियं अज्जिन्द्रियं अज्जाताविन्द्रियन्ति इमेसु लब्धमानमेकन्ति इन्द्रियानं नवका । सोतापत्तिमग्गेसु हि अनज्जातज्जस्सामीतिन्द्रियं लब्धति । सोतापत्तिफलतो पट्ठाय अरहत्तमग्गपरियोसानेसु तं न लब्धति । तस्स ठाने अज्जिन्द्रियं । अरहत्तफले तम्पि न लब्धति । तस्स ठाने अज्जाताविन्द्रियं तिट्ठतीति । **एवन्ति** छहि इन्द्रियेहि सम्पयुत्तस्स अभावतो कत्थचि तीणि, कत्थचि चत्तारि, कत्थचि पञ्च, कत्थचि सत्त, कत्थचि अट्ठ, कत्थचि नविन्द्रियानीति एवं छहि आकारेहि **इन्द्रिययोगोपि**, न केवलं ज्ञानङ्गयोगोव, अथ खो इन्द्रियेहि सह चित्तुप्पादानं सम्पयोगोपि वेदितव्वोति ।

१२०-३. इदानी मग्गङ्गसम्पयोगं दस्सेन्तो पठमं ताव येसु चित्तेसु मग्गङ्गानि न लब्धन्ति, तानि दस्सेत्वा पच्छा मग्गङ्गयोगचित्तुप्पादे दस्सेतुं “**अमग्गङ्गानी**”तिआदिमाह । **एत्था**ति एतस्मिं एकवीससत्तप्पभेदे चित्तस्मिं, इमस्मिं मग्गङ्गाधिकारे वा । **विज्जाणेसु द्विपञ्चसूति** सभावावितक्केसु चक्खादीसु द्विपञ्चविज्जाणेसु । किञ्चापि हेट्ठा द्विपञ्चविज्जाणेसु ज्ञानङ्गाभावो, अहेतुकेसु च मग्गङ्गाभावो वुत्तोव, अज्ञानङ्गानि पन तत्थ अधिकारवसेन वुत्तानि, इध पसङ्गागतवसेन । अमग्गङ्गानि तत्थ पसङ्गागतवसेन, इध अधिकारवसेनाति न कोचि पुनरुत्तिदोसो ।

एकन्ति विचिकिच्छासम्पयुत्तं चित्तं । तज्हि मिच्छासङ्कप्पमिच्छावायामयोगतो द्वे मग्गङ्गानि एत्थाति **दुमग्गङ्गं** । **तिमग्गङ्गानि सत्तसूति** चत्तारि दिट्ठिविप्पयुत्तानि, द्वे दोसमूलानि, उद्धच्चसहगतचित्तन्ति सत्तसु मिच्छासङ्कप्पमिच्छावायाममिच्छासमाधियोगतो तिमग्गङ्गानि । **चत्तालीस...पे०... चतुरङ्गिको**ति द्वादस जाणविप्पयुत्तानि, चत्तारि दिट्ठिसम्पयुत्तानि, पठमज्ज्ञानिकवज्जानि चतुवीसति महग्गतचित्तानीति चत्तालीसचित्तेसु यो मग्गो लब्धति, सो यथायोगं सम्मासङ्कप्पसम्मावायामसम्मासतिसम्मासमाधियोगतो, मिच्छादिट्ठिमिच्छासङ्कप्पमिच्छावायाममिच्छासमाधियोगतो, सम्मादिट्ठिसम्मावायामसम्मासतिसम्मासमाधियोगतो च चतुरङ्गिको मतो । तत्थ जाणविप्पयुत्तेसु द्वादससु पठमानि चत्तारि, दिट्ठिसम्पयुत्तेसु मज्झिमानि, सेसेसु पच्छिमानि लब्धन्ति ।

पञ्चदससु...पे०... पञ्चङ्गिकोति द्वादससु जाणसम्पयुत्तकामावचरेसु चेव तीसु लोकियपठमज्ज्ञानिकेसु चाति पन्नरससु चित्तेसु सम्मादिट्ठिसम्मासङ्कप्पसम्मावायामसम्मासतिसम्मासमाधिवसेन पञ्चङ्गिको मग्गो । ननु च सम्मावाचादयो कामावचरेसु लब्धन्तीति? सच्चं लब्धन्ति, पाठे पन अनागतत्ता इध परिच्चत्ताति । **द्वितिसचित्तेसूति** पठमज्ज्ञानिकवज्जेसु द्वितिसलोकुत्तरचित्तेसु । **सत्तङ्गिको**ति अवितक्कत्ता सम्मासङ्कप्पो न लब्धतीति तं परिच्चजित्वा अवसेससत्तमग्गङ्गवसेन सत्तङ्गिको वुत्तो ।

यत्थ पन सम्मासङ्कप्पो लब्धति, तत्थ तेन सह अट्ठङ्गिकोति आह “**मग्गो अट्ठसू**”तिआदि । तत्थ **अट्ठसु चित्तेसूति** पठमज्ज्ञानिकेसु अट्ठसु लोकुत्तरचित्तेसु । **एवन्ति** छहि मग्गङ्गेहि सम्पयुत्तस्स अभावतो कत्थचि द्वे मग्गङ्गानि, कत्थचि तीणि, कत्थचि चत्तारि, कत्थचि पञ्च, कत्थचि सत्त, कत्थचि अट्ठाति एवं छहि पकारेहि ।

१२४-६. इदानी बलसम्पयोगं दस्सेन्तो आह “**बलानि द्वे**”तिआदि । तत्थ वीरियबलसमाधिबलवसेन द्वे बलानि किरियाहेतुकमनोविज्जाणधातुद्वये विभङ्गवारे आगतानि वीरियबलसमाधिबलानि पच्चेकं लब्धन्तीति “**द्वे द्विचित्तेसू**”ति वुत्तं । **एकस्मिं तीणीति** एकस्मिं विचिकिच्छासहगते वीरियबलअहिरिकबलअनोत्तप्पबलवसेन तीणि बलानि । **एकादससु चत्तारीति** विचिकिच्छासहगतवज्जेसु एकादससु अकुसलचित्तेसु समाधिबलज्चेव पुब्बे वुत्तानि तीणीति चत्तारिबलानि । **छ द्वादससूति** द्वादससु जाणविप्पयुत्तचित्तेसु सद्भावीरियसतिसमाधिहिरओत्तप्पवसेन छ बलानि ।

एकूनासीतिया सत्ताति द्वादससु जाणसम्पयुत्तकामावचरचित्तेसु चेव सत्तवीसतिमहग्गतचित्तेसु च चत्तालीसाय लोकुत्तरचित्तेसु चाति एकूनासीतिविधेसु चित्तेसु सद्धावीरियसतिसमाधिपज्जाहिरिओत्तप्पवसेन सत्त बलानि । **सोळसेवाबलानी**ति पञ्चदस अहेतुकविपाकानि, किरियामनोधातुआवज्जनञ्चाति सोळस बलविप्पयोगतो अबलचित्तानि । **एवन्ति** पञ्चहि बलेहि सम्पयुत्तस्स अभावतो कत्थचि द्वे, कत्थचि तीणि, कत्थचि चत्तारि, कत्थचि छ, कत्थचि सत्ताति पञ्चहि आकारेहि **सबलं**, इमेसु एकस्सापि अभावतो अबलम्पि च **विज्जेय्यं**, विजानितब्बन्ति अत्थो । हेतुरासिआदयो विनिच्छयभावतो न वुत्ताति वेदितब्बं । येसु चित्तेसु यानि ज्ञानङ्गमग्गङ्गबलिन्द्रियानि जायन्तीति सम्बन्धो । गाथाबन्धसुखत्थं इन्द्रियानं ओसानकरणं ।

इति अभिधम्मत्थविकासिनिया नाम

अभिधम्मावतारसंवण्णनाय

चेतसिकविभागनिद्देसवण्णना निड्डिता ।

४. चतुत्थो परिच्छेदो

एकविधादिनिद्देसवण्णना

१२८-३०. विजाननसभावतोति आरम्भणविजाननसभावता । ननु च हेट्ठा सारम्भणतो एकविधभावो वुत्तोति? सच्चं वुत्तो, सो पन चेतसिकानञ्च साधारणोति इध तब्बिवज्जनत्थं विजाननलक्खणताव वुत्ता । सङ्खेपगणनवसेन च सहेतुकानं एकसत्ततिविधता वुत्ता । **हेतुवादिना**ति कुसलाकुसलाब्याकतहेतूनं ब्याकरणकुसलेन । अथ वा “ये धम्मा हेतुप्पभवा, तेसं हेतुं तथागतो आहा”ति (अप० थेर १.१.२८६; महाव० ६०) वचनतो तंतंपच्चयुप्पन्नधम्मानं तंतंपच्चयवादिना ।

१३१-४. सवत्थुकावत्थुकतोति एकन्तेन सब्बवत्थुनिस्सितभावतो चेव तदभावतो च । केचि पन हृदयवत्थुवसेन सवत्थुकावत्थुकतं वण्णेन्ति, तं न युज्जति सवत्थुकनिद्देसे “सब्बो कामविपाको”ति पसादनिस्सितानम्पि सङ्गहितत्ता । **उभयवसेना**ति सवत्थुकावत्थुकवसेन । कानिचि हि चित्तानि एकन्तेन सवत्थुकानि, कानिचि अवत्थुकानेव, कानिचि उभयसभावानि । तथा चेव निद्दिसति “**सब्बो कामविपाको चा**”तिआदि ।

सब्बो कामविपाको चाति सहेतुकाहेतुकभिन्नो सब्बो तेवीसतिविधो कामावचरविपाको च । **आदिमग्गो**ति सोतापत्तिमग्गो । सो हि सब्बलोकुत्तरेसु आदितो उप्पज्जनतो, अट्ठसु अरियपुग्गलेसु आदिपुग्गलस्स सम्बन्धीति वा “आदिमग्गो”ति वुच्चति । **विना वत्थुन्ति** सकसकवत्थुं विना नुप्पज्जन्ति । तेनेव हेतानि अरूपभवे नुप्पज्जन्ति तत्थ वत्थूनं अभावतो । “नुप्पज्जन्ति विना वत्थु”न्ति च इदं अन्तोभावितकारणत्थं कत्वा वुत्तं । तेन यस्मा वत्थुं विना नुप्पज्जन्ति, तस्मा एकन्तेन सवत्थुकाति वुत्तं होति ।

एकन्तेन अवत्थुका अरूपभवेयेव पटिसन्धादिवसेन पवत्तनतो । कथं पन रूपसन्निस्सयेन विना तत्थ अरूपं पवत्तति, कस्मा न पवत्तति पञ्चवोकारेति? तथा अदस्सनतो । यदि एवं कबळीकाराहारेनपि विना रूपधातुयं रूपेण पवत्तितब्बं, किं कारणा? कामधातुयं तथा अदस्सनतो । अपि तु यस्स चित्तसन्तानस्स पवत्तिकारणं रूपे अविगततण्हं,

तस्स सह रूपेण पवत्ति । यस्स पण निब्बत्तिकारणं रूपे विगततण्हं, तस्स विना रूपेण पवत्ति कारणस्स तंविमुखतायाति रूपसन्निस्सयेन विना तत्थ अरूपं पवत्ति । **द्वेचत्तालीस सेसानीति** मनोद्वारावज्जनं कुसलकिरियावसेन सोळस कामावचरानि, तथेव अट्ठ अरूपावचरानि, पठममगगवज्जानि सत्त लोकोत्तरानि, पटिघद्वयवज्जितदसअकुसलानि चेति द्वेचत्तालीस वुत्तावसेसचित्तानि ।

१३५-७. रूपादीसु एकेकमेव आरम्भणं इमस्साति **एकेकारम्मणं** । तस्स तस्स आरम्भणस्स आपाथगतकाले तंतंविजाननवसेन पञ्चपि आरम्भणानि इमस्साति **पञ्चारम्मणं** । **एवम्पीति** न केवलं सवत्थुकादिवसेनेव, अथ खो एकेकारम्मणादितोपि । अभिज्जावज्जितानं सब्बमहगगतानम्पि धम्मारम्मणभावेन एकारम्मणत्ता आह “**सब्बं महगगतं**”न्ति । पण्णत्तारम्मणतो एकारम्मणन्ति केचि । तं अरूपावचरदुतियचतुत्थज्झानानि पत्वा न युज्जति तेसं महगगतारम्मणत्ता । अभिज्जाद्वयस्स छळारम्मणिकभावेन, तस्स च रूपावचरपञ्चमज्झानतो अभिन्नत्ता तं पहाय “**तेचत्तालीसा**”ति वुत्तं ।

१४१. पुज्जविपाककिरियतो कामे द्वादसाति सम्बन्धो । धाति निपातमत्तं । **पुज्जविपाकक्रियतोति** जाणविप्पयुत्तकुसलविपाककिरियतो ।

१४३-९. इरियाय कायिकाय किरियाय पवत्तिपथभावतो **इरियापथो**, गमनादि । अत्थतो तदवत्था रूपप्पवत्ति । कामज्चेत्थ रूपविनिमुत्तो इरियापथो, विज्जति वा नत्थि, तथापि सब्बं रूपसमुट्ठापकचित्तं इरियापथुपत्थम्भकं, विज्जतिविकारुप्पादनञ्च होति । यं पण चित्तं विज्जतिजनकं, तं एकंसतो इतरद्वयस्स जनकं अविनाभावतो, तथा इरियापथुपत्थम्भकं रूपस्साति इमस्स विसेसस्स दस्सनत्थं “**रूपीरियापथविज्जति-जनकाजनकादितो**”ति इरियापथविज्जत्तीनं विसुं गहणं । **जनकाजनकादितोति** तिण्णम्पि जनकतो, कस्सचिपि अजनकतो, द्विन्नं एकस्स च जनकतो । कानिचि हि चित्तानि रूपं समुट्ठापेन्ति, इरियापथं कप्पेन्ति, विज्जतिं जनयन्ति । कानिचि रूपं समुट्ठापेन्ति, इरियापथं कप्पेन्ति, विज्जतिं न जनयन्ति । कानिचि रूपमेव समुट्ठापेन्ति, इतरद्वयं न करोन्ति । कानिचि तीणि न करोन्तेव । तथा चेव दस्सेति “**द्वादसाकुसला**”तिआदि । **एवञ्चापि हि तं चित्तन्ति** न केवलं अहेतुकादितोव, एवं रूपादिजनकादितोपि तं चतुब्बिधं । “**एवञ्चादिमिहि तं**”न्तिपि लिखन्ति । तस्स पण आदिमिहि निक्खित्तं चित्तं एवञ्च चतुब्बिधन्ति अत्थं वदन्ति । **तत्थाति** तेसु रूपजनकादीसु । **दस किरियाति** मनोधातुवज्जा दस किरिया ।

समुट्ठापेन्ति रूपानीति अत्तनो उप्पादक्खणेयेव अत्तना जनेतब्बरूपानि समुट्ठापेन्ति । **कप्पेन्तीति** सन्नामेन्ति । यथापवत्तं इरियापथं उपत्थम्भेन्ति । यथा हि अन्तरन्तरा उपपज्जमानेहि वीथिचित्तेहि अब्बोकिण्णे भवङ्गे पवत्तमाने अङ्गानि ओसीदन्ति, पवेधन्ता विय होन्ति, न एवं द्वत्तिसविधेसु वक्खमानेसु च छब्बीसतिविधेसु जागरणचित्तेसु पवत्तमानेसु । तदा पण अङ्गानि उपत्थद्धानि यथापवत्तइरियापथभावेनेव पवत्तन्ति । **जनयन्ति च विज्जत्तिन्ति** मनोद्वारे पवत्ता एव विज्जत्तिं जनयन्ति, न पण पञ्चद्वारे पवत्ताति दट्ठब्बं ।

द्विपञ्चविज्जाणानं ज्ञानङ्गयोगाभावेन रूपाजनकत्ता आह “**द्वेपञ्चविज्जाणा**”ति । ज्ञानङ्गानि हि चित्तेन सह रूपसमुट्ठापकानि, तेसं अनुबलप्पदायकानि मग्गङ्गादीनि तेसु विज्जमानेसु सविसेसं रूपप्पवत्तिदस्सनतो । अरूपविपाका पण रूपविरागभावनाय निब्बत्तत्ता हेतुनो तंविमुखाय रूपं न समुट्ठापेन्तीति आह “**विपाका च अरूपिसू**”ति ।

१५०. **सब्बेसं सन्धिचित्तन्ति** सब्बेसं सत्तानं पटिसन्धिचित्तं । तज्झि वत्थुदुब्बलताय, अप्पतिट्ठितताय,

पच्यवेकल्लतो, आगन्तुकताय च रूपं न समुद्वापेति । तथा हि पटिसन्धिविज्जाणेन सहजातं वत्थु पच्छाजातपच्ययरहितं, आहारादीहि च अनुपत्त्यद्धं दुब्बलं, तस्स च दुब्बलत्ता तन्निस्सितविज्जाणम्पि दुब्बलन्ति । यथा च पपाते पतितो अज्जस्स निस्सयो भवितुं न सक्कोति, एवं तम्पि भिन्नसन्ततियं कम्मक्खितताय पपाते पतितं विय अप्पतिट्ठितं न रूपसमुद्वापने उस्सहति च वत्थुनो च अत्तना सह अपच्छा अपुरे उप्पज्जमानत्ता पुरेजातपच्ययस्स अलाभतो । यथा पन आगन्तुको पुरिसो अगतपुब्बं देसं गतो अज्जेसं “एथ भो अन्तोगामे वो अन्नपानगन्धमालादीनि दस्सामी”ति वत्तुं न सक्कोति अत्तनो अविशयताय, अप्पहुताय च, एवमेवं पटिसन्धिचित्तम्पि आगन्तुकन्ति । एवं वत्थुदुब्बलतादीहि कारणेहि रूपं न समुद्वापेति । अपिच आहारिन्द्रियादिवसेन येहाकारेहि चित्तसमुद्धानरूपानं चित्तचेतसिका पच्यया होन्ति, तेहि सब्बेहि पटिसन्धियं चित्तचेतसिका समतिसकम्मजरूपानं यथायोगं पच्यया होन्ति । वुत्तज्हेतं पट्टाने —

“पटिसन्धिविज्जाणे विपाकाव्याकता आहारा सम्पयुत्तानं खन्धानं कटत्ता च रूपानं आहारपच्ययेन पच्ययो”तिआदि (पट्टा० १.१.४२९) ।

तस्मा समतिसकम्मजरूपानि चित्तसमुद्धानरूपानं ठानं गहेत्वा ठितानीति पटिसन्धिचित्तं रूपं न समुद्वापेतीति वेदितव्वं ।

चुतिचित्तज्चारहतोति एत्थ खीणासवस्स चुतिचित्तं उपसन्तवट्टमूलस्मिं सन्ताने सातिसयं सन्तवुत्तिताय रूपं न समुद्वापेति, अनागामिआदीनं तदभावतोति वदन्ति । टीकाकारो पन **आनन्दाचरियो** भणति —

“कामावचरानं पच्छिमचित्तस्स उप्पादक्खणे यस्स चित्तस्स अनन्तरा कामावचरानं पच्छिमचित्तं उप्पज्जिस्सति, रूपावचरे, अरूपावचरे पच्छिमभविकानं, ये च रूपावचरं, अरूपावचरं उपपज्जित्वा परिनिब्बायिस्सन्ति, तेसं चवन्तानं, तेसं वचीसङ्खारो निरुज्झिस्सति, नो च तेसं कायसङ्खारो निरुज्झिस्सतीति वचनतो अज्जेसम्पि चुतिचित्तं रूपं न समुद्वापेती”ति ।

आचरियस्स हि अयमधिष्पायो — “कामावचरानं पच्छिमचित्तस्सा”ति एतेन अविसेसेन कामावचरसत्तानं चुतिचित्तस्स, “ये च रूपावचरं...पे०... निरुज्झिस्सती”ति इमिना कामभवतो चवित्वा रूपारूपभवूपपज्जनकानं कामावचरचुतिचित्तस्सापि उप्पादक्खणतो उद्धं वचीसङ्खारस्स निरोधं वत्वा कायसङ्खारस्स तदभाववचनतो चुतिचित्तस्स कायसङ्खारासमुद्वापनं सिद्धं । यदग्गेन च तं कायसङ्खारं न समुद्वापेति, तदग्गेन तं सेसरूपम्पि न जनेति । न हि रूपसमुद्वापकस्स गम्भगततादिविबन्धाभावे कायसङ्खारासमुद्वापने कारणं अत्थि । न च युत्तं चुतितो उद्धं चित्तसमुद्धानज्जस्स रूपं पवत्ततीति, नापि “चुतिचित्तं रूपं समुद्वापेती”ति पाळि अत्थि, न चापि वट्टमूलानुपसमो चुतिचित्तस्स रूपुप्पादने कारणं चुतिचित्तेन न उप्पन्नानम्पि ततो पुरिमतरेहि उप्पन्नानं विय भवन्तरे अनुप्पज्जनतो, तस्मा सब्बेसम्पि चुतिचित्तं रूपं न समुद्वापेतीति । यदि कायसङ्खारसमुद्वापनमेव रूपजननारहभावं साधेति, तदा चतुत्थज्ज्ञाने कथन्ति? नायं दोसो, तस्स भावनाबलेन सातिसयं सन्तवुत्तिताय कायसङ्खारासमुद्वापनेपि मरणासन्नचित्तानं विय परिदुब्बलत्ताभावतो रूपसमुद्वापने विबन्धो नत्थीति । कुतो पन पट्टाय चित्तजरूपं नुप्पज्जतीति? यतो पट्टाय कायसङ्खारे नुप्पज्जति । कदा च कायसङ्खारो नुप्पज्जतीति? चुतितो पुब्बे वत्तिसमचित्तक्खणतो पट्टाय नुप्पज्जति, तेत्तिसमचित्तक्खणे उप्पन्नं पच्छिमसोळसकतो पुरेतरमेव निरुज्झतीति वदन्ति । “यस्स कायसङ्खारो न निरुज्झति, तस्स चित्तसङ्खारो न निरुज्झिस्सती”ति (यम० २.सङ्खारयमक.११३) पज्जे “पच्छिमचित्तस्स भङ्गक्खणे तेसं कायसङ्खारो च न निरुज्झति, चित्तसङ्खारो च न निरुज्झिस्सती”ति पच्छिमचित्तस्सेव वज्जितत्ता चुतितो दुतियततियचित्तेनापि सह निरुज्झतीति अपरे ।

यस्स चित्तस्स अनन्तरा कामावचरानं पच्छिमचित्तं उप्पज्जतीति एत्थ “यस्सा”ति कामावचरचुतिचित्तस्स अनन्तरपच्चयभूतं चित्तं सन्धाय वुत्तन्ति तस्स उप्पादतोपि उद्धं कायसङ्खाराभाववचनेन हेट्ठिमकोटिया चुतितो ततियचित्तेनेव सह निरुज्झति । दुतियचित्तं न पापुणातीति एके ।

१५१-७. एकं द्वे तीणि चत्तारि ठानानि इमस्साति एकद्वित्तित्तुट्ठानं, एकद्वित्तित्तुट्ठानत्ताति अत्थो । ठानन्ति च इध किच्चमधिप्पेतं । तज्झि तिट्ठन्ति एत्थ धम्मा अवट्ठिता विय होन्तीति “ठान”न्ति वुच्चति । मंसचक्खुदिब्बचक्खुजाणचक्खुबुद्धचक्खुसमन्तचक्खुवसेन पञ्च निम्मलानि लोचनानि इमस्साति पञ्चनिम्मललोचनो ।

निप्पपञ्चेनाति रागादिपपञ्चरहितेन । रागादयो हि संसारे पपञ्चनतो “पपञ्चा”ति वुच्चन्ति ।

आवज्जने पटिच्छने ठाने मनोधातुत्तिकन्ति सम्बन्धो, किरियामनोधातु आवज्जनट्ठाने, विपाकद्वयं सम्पटिच्छनट्ठानेति अत्थो ।

“सोमनस्सयुत्तसन्तीरणं पञ्चद्वारे सन्तीरणं सिया”ति वत्तब्बे “सन्तीरण”न्ति अधिकारतोव लब्धतीति गाथाबन्धसुखत्थं “सोमनस्सयुत”न्ति एत्तकमेव वुत्तं ।

बलवारम्मणे सतीति तदारम्मणकिच्चस्स बलवारम्मणेयेव लब्धनतो वुत्तं, न इमस्सेव आवेणिकभावेन सब्बेसम्पि तदारम्मणानं बलवारम्मणेयेव उप्पज्जनतो । वोट्ठब्बनन्ति किरियामनोविज्जाणधातुसङ्घातं वोट्ठब्बनकिच्चं चित्तं ।

१५८-९. सब्बेसन्ति सब्बेसं कामरूपारूपभविकसत्तानं । इमिना इदं दस्सेति — पञ्चद्वारेसु वोट्ठब्बनकिच्चं केसज्जिदेव सत्तानं अरूपभवे सब्बसो पञ्चद्वारिकचित्तप्पवत्तिया, रूपभवे च द्वारत्तयप्पवत्तिया अभावतो । मनोद्वारे आवज्जनकिच्चं पन सब्बेसमेव सचित्तकसत्तानं करोतीति । द्विट्ठानिकं नाम होतीति यथावुत्तट्ठानद्वयवन्तताय द्विट्ठानिकचित्तं नाम होति । केचि पन “सोमनस्ससहगतसन्तीरणं कामसुगतियं पटिसन्धिं आकङ्कति, तस्मा तं पञ्चट्ठानिक”न्ति वदन्ति, तं तेसं मतिमत्तं पट्ठाने तथा अदीपितत्ता । तत्थ हि —

“उपेक्खासहगतं धम्मं पटिच्च उपेक्खासहगतो धम्मो उप्पज्जति नहेतुपच्चया”ति एत्थ (पट्ठा० २.७.८)
 “अहेतुकं उपेक्खासहगतं एकं खन्धं पटिच्च तयो खन्धा, तयो खन्धे पटिच्च एको खन्धो, द्वे खन्धे पटिच्च द्वे खन्धा, अहेतुकपटिसन्धिकखणे उपेक्खासहगतं एकं खन्धं पटिच्च तयो खन्धा, तयो खन्धे पटिच्च एको खन्धो, द्वे खन्धे पटिच्च द्वे खन्धा”ति (पट्ठा० २.७.८) —

एवं उपेक्खासहगत-पदस्स पवत्तिपटिसन्धिवसेन पटिच्चनयो उद्धटो । पीतिसहगतसुखसहगत-पदानं पन —

“पीतिसहगतं धम्मं पटिच्च पीतिसहगतो धम्मो उप्पज्जति नहेतुपच्चया । अहेतुकं पीतिसहगतं एकं खन्धं पटिच्च तयो खन्धा, तयो खन्धे पटिच्च एको खन्धो, द्वे खन्धे पटिच्च द्वे खन्धा । सुखसहगतं धम्मं पटिच्च सुखसहगतो धम्मो उप्पज्जति नहेतुपच्चया । अहेतुकं सुखसहगतं एकं खन्धं पटिच्च तयो खन्धा, तयो खन्धे पटिच्च एको खन्धो, द्वे खन्धे पटिच्च द्वे खन्धा”ति (पट्ठा० २.७.६) —

एवं पवत्तिवसेनेव उद्धटो, न “अहेतुकपटिसन्धिकखणे”ति आदिना पटिसन्धिवसेन, तस्मा यथाधम्मसासने अवचनम्पि

अभावमेव दीपेतीति न तस्स पटिसन्धिदानं अत्थीति द्विद्वानिकताव वुत्ताति । ते महग्गतविपाका नवाति सम्बन्धो ।

१६२. छद्वारा एव छद्वारिका । अथ वा छद्वारिकेसूति छद्वारिकचित्तेसूति अत्थो ।

१६४-६. “पञ्चकिच्च”न्तिआदि यथावुत्तानमेव निगमनं । सेसन्ति अट्टसद्विविधं चित्तं । एककिच्चयोगतो, एकं किच्चमस्साति वा एकं, एकमेव एककं । सब्बचित्तानं किच्चवसेन निद्वेसद्वानेयेव किच्चानं पटिपाटिम्पि दस्सेतुं “भवङ्गावज्जन”न्तिआदि वुत्तं । यदि एवं पटिसन्धितो पट्टाय चुतिपरियोसानं वत्तब्बन्ति? सच्चं, चुतिपटिसन्धीनं पन पाकटत्ता तथा न वुत्तं । भवस्स हि पटिसन्धि आदि, चुति परियोसानन्ति पाकटमेव, तस्मा पाकटद्वानं पहाय अपाकटद्वानतो पट्टाय दस्सेतुं भवङ्गमेव आदितो वुत्तं । तदारम्मणं पन किञ्चापि अपाकटं, अथ खो अनेकन्तिकं किस्मिञ्चि भवे कत्थचि जवनवीथियं अलब्भनतोति एकन्तलब्भमानपरिदीपनत्थं तं न वुत्तं । अथ वा तदारम्मणचित्तम्पि येभ्य्येन भवङ्गनामं लब्भतीति पुरिमजवनवीथियं तदारम्मणं पच्छिमजवनवीथिया आवज्जनस्स पुरेचरभूतं भवङ्ग-ग्गहणेनेव सङ्गहितन्ति विसुं न वुत्तं । केचि पन “पञ्चद्वारेसु पवत्तिवसेन पञ्चविधताय दस्सनत्थं “भवङ्गावज्जन”न्तिआदि वुत्तं”न्ति वदन्ति, तत्थ पन अप्पवत्तमानानं केसञ्चि सम्भावतो तं न युज्जति, छद्वारप्पवत्तिवसेन छब्बिधत्तनयदस्सनत्थन्ति वत्तुं वट्ठति । यथा चेत्थ “भवङ्गावज्जन”न्तिआदिना चक्खुद्वारे वुत्तं, एवं सोतद्वारादीसुपि दस्सनादिं अपनेत्वा सवनादिं पक्खिपित्वा किच्चप्पवत्ति योजेतब्बा । मनोद्वारे पन —

“भवङ्गं पठमं होति, ततो आवज्जनं मतं ।

दुतियं तमत्तिक्कम्म, जवनं ततियं सिया”ति ॥ —

योजना दट्ठब्बा । छन्नं विज्जाणानन्ति चक्खुविज्जाणादीनं पञ्चन्नं, मनोविज्जाणस्स च । सत्तविज्जाणधातूनन्ति चक्खुविज्जाणधातादीनं पञ्चन्नं, मनोधातुमनोविज्जाणधातुद्वयस्साति सत्तन्नं विज्जाणधातूनं ।

१६९-७९. पञ्चाभिज्जाविवज्जितन्ति —

“इद्विविधं दिब्बसोतो, परचित्तविजानना ।

पुब्बेनिवासानुस्सति, दिब्बचक्खूति पञ्चधा”ति ॥ —

एवमागताहि पञ्चहि अभिज्जाहि युत्तेन रूपावचरपञ्चमज्झानचित्तेन वज्जितं । दिब्बसोतादीनं एकेकारम्मणत्तेपि पञ्चन्नम्पि अभिज्ज्ञानं एकस्सेव चित्तस्स अवत्थाभेदभावतो वुत्तं “पञ्चाभिज्जाविवज्जित”न्ति । केचि पन “इध एकन्तेन धम्मरम्मणिकचित्तानमेव वचनतो परचित्तविजाननं वज्जेत्वा अनागतंसज्जाणेन सह पञ्चाभिज्ज्ञानं पटिक्खेपो”ति वदन्ति ।

द्विपञ्चविज्जाणानं, मनोधातुत्तयस्स च परिच्चागेन एकचत्तालीस होन्तीति आह “चत्तालीसं तथेकक”न्ति ।

अभिज्ज्ञानि चाति च-सद्वो अट्टानप्पयुत्तो, सो “चत्तालीसं तथेकक”न्ति इमस्सानन्तरं दट्ठब्बो, तेन पन अभिज्जाचित्तद्वयं सङ्गहन्ताति । अथ वा अभिज्जा नाम हेट्ठा एकेकारम्मणिकेसु वुत्तस्स पञ्चमज्झानस्सेव अवत्थाविसेसोति अभिज्जाचित्तानं छळारम्मणिकेसु अगगहणन्ति दट्ठब्बं ।

१७२-३. तिधा कत्वाति तिधा करणहेतु । हेत्वत्थो हि अयं त्वा-सद्वो यथा “सीहं दिस्वा भयं छम्भित्तं उप्पज्जति, पज्जाय चस्स दिस्वा आसवा परिकखीणा होन्ती”ति । “पुज्जापुज्जवसेना”तिआदिना जातिभूमिहेतुवेदनादिवसेन याव

छसत्ततिविधो भेदो, ताव मनोविज्जाणधातुं भिन्दित्वा तंवसेन चित्तविभागदस्सनत्थं नयदानं कतन्ति वेदितब्बं ।

१७५. तिधा कत्वाति पठमं विपाकद्वयकिरियाभेदतो, दुतियं कुसलाकुसलादितोति एवं धातुद्वयं पच्चेकं तिधा कत्वा ।

१८०. भूमि...पे०... विभावयेति तिसंभूमीनं नानत्तवसेन पवत्तितो तिसंविधं, तत्थेव तिसंपुगलानं नानत्तवसेन पवत्तितो च तिसंविधन्तिआदिना इदं यथानिद्दिच्चित्तं बहुधा होतीति च विभावेय्याति अत्थो ।

१८१. इधाति इमस्मिं सासने । हत्थगतामलका विय होन्तीति यथा हत्थगतं आमलकं चक्खुमतो सुपाकटं होति, एवमिमस्स मतमतो भिक्खुनो अभिधम्मपिटकगता अत्था सुपाकटा होन्ति, आवज्जितावज्जितक्खणे सुविसदाव पज्जायन्तीति अत्थो ।

इति अभिधम्मत्थविकासिनिया नाम

अभिधम्मावतारसंवण्णनाय

एकविधादिनिद्देसवण्णना निद्धिता ।

५. पञ्चमो परिच्छेदो

भूमिपुगलचित्तुप्पत्तिनिद्देसवण्णना

१८२-८. बुद्धिया बुद्धिं विरुद्धिं करोतीति बुद्धिवुद्धिकरं । यस्स यस्स नयस्स कथनं पटिज्जातं, तं तं दस्सेन्तो आह “चित्तानं भूमीसुप्पत्ति”न्ति । तं वत्वा भूमीनं आधारवसेन पसङ्गागतं गतिभेदं, भवभेदञ्च दस्सेतुं “देवा चेवा”तिआदि वुत्तं । “चतस्सोपायभूमियो”ति वत्वा असुरगतिया पेतगतियंयेव सङ्गहितत्ता “गतियो पञ्चा”ति वुत्तन्ति वदन्ति । मयं पन “तिस्सोवापायभूमियो”ति पाठेन भवितब्बन्ति मज्जाम । न हि एस अनाकुलवचनो आचरियो ईदिसं पुब्बापरविरुद्धं विय सम्मोहजनकं वचनं भासति । पाळियम्पि हि —

“पञ्च खो इमा, सारिपुत्त, गतियो । कतमा पञ्च? निरयो तिरच्छानयोनि पेत्तिविसयो मनुस्सा देवा”ति (अ० नि० ९.६८) —

एवं तिण्णमेव अपायानं वसेन वुत्तं । कामरूपारूपवसेन तयो भवा । तत्थाति तेसु तीसु भवेसु । तिंसेवाति चतस्सो अपायभूमियो, सत्तविधा कामसुगतिभूमि, सोळस रूपीब्रह्मलोका, चतस्सो अरूपभूमियोति एकतिसंभूमीनमन्तरे चित्तप्पवत्तिअधिकारत्ता असज्जभूमिं अपनेत्वा अवसेसा तिंसेव भूमियोति अत्थो । तासु तिंसेव पुगलाति तासु भूमीसु उप्पन्ना पुगला भूमिगणनवसेन तिंसेव होन्ति । भूमिवसेन तिसंविधापि पन पटिसन्धिचित्तगणनाय एकूनवीसति होन्तीति दस्सेन्तो आह “भूमीस्वेतासू”तिआदि ।

पटिसन्धिकचित्तानन्ति दस कामावचरपटिसन्धिकित्तानि, पञ्च रूपावचरपटिसन्धिकित्तानि, चत्तारि

अरूपावचरपटिसन्धिचित्तानीति इमेसं एकूनवीसतिपटिसन्धिचित्तानं वसेन । असज्जीनमचित्तकाति असज्जसत्तानं अचित्तका पटिसन्धि । वुत्तज्हेतं —

“असज्जसत्ता देवा अहेतुका अनाहारका अफस्सका अवेदनका असज्जका अचेतनका अचित्तका पातुभवन्ती”ति ।

यदि पटिसन्धिवसेन वीसति पुग्गला, कथं भूमिवसेन तिसाति वुत्ता । एकतिसाति हि वत्तब्बन्ति आह “इथा”तिआदि ।

न विज्जति हेतु इमेसन्ति अहेतू, दुवे, तीणि च हेतू इमेसन्ति द्वितिहेतू, पटिसन्धिवसेन अहेतुका, दुहेतुका, तिहेतुका चाति अत्थो । तत्थ अहेतुका आपायिका च, एकच्चे भूमदेवा, मनुस्सेसु जच्चन्धजच्चबधिरजच्चुम्मत्तकनपुंसकउभतोव्यज्जनकादयो च । वुत्तावसेसा कामसुगतिवासिनोव दुहेतुका । तिहेतुका पन कामसुगतिवासिनोव । अरिया पन अट्ठाति चतुन्नं अरियमग्गसमङ्गीनं, चतुन्नञ्च अरियफलसमङ्गीनं वसेन अट्ठ अरियपुग्गला । ननु च अरियापि तिहेतुकायेवाति? सच्चं, चित्तुप्पादं पन पत्वा तेसं विसेससम्भावतो विसुंयेव उद्धटाति दट्ठब्बं ।

१८९-९२. “भूमीसुप्पत्तिं भणतो मे निबोधथा”ति सुत्वा चोदको “तिसभूमीसू”तिआदिना सब्बेसं भूमीनं साधारणचित्तानि पुच्छति, इतरो “चुदसेवा”ति विस्सज्जेति । तत्थ अट्ठ परित्तकुसलानि, चत्तारि दिट्ठिविप्पयुत्तानि, उद्धच्चसहगतं, मनोद्वारावज्जनञ्चाति चुदसेव, न ऊनानि नाधिकानि, सब्बासु तिसभूमीसु होन्ति, सब्बभूमीनं साधारणानीति अत्थो ।

सदा...पे०... सियुन्ति द्वे दोसमूलानि, कुसलविपाकचक्खुसोतविज्जाणसम्पटिच्छनसन्तीरणद्वयवज्जितानि अट्ठारस कामावचरविपाकचित्तानीति वीसति चित्तानि सदा कामेयेव भवे सियुं, न कदाचि अज्जत्थ उप्पज्जन्तीति अत्थो । ननु च ब्रह्मूनम्पि अकुसलविपाकानि उप्पज्जन्तीति? सच्चं उप्पज्जन्ति, तानि कामभवे अनिट्ठरूपादयो आरब्भ उप्पज्जन्ति ब्रह्मलोके तेसं अभावतोति कामभवेयेव नियमितानि । रूपावचरविपाकचित्तानि पञ्च रूपावचरभवेयेव सियुं, चत्तारो च अरूपावचरविपाका अरूपीसूति आह “पञ्च रूपभवे”तिआदि ।

काम ...पे०... भवन्तीति रूपावचरकुसलकिरियचित्तानि चेव कुसलविपाकानि च चक्खुसोतविज्जाणसम्पटिच्छनसन्तीरणानि वोट्ठब्बनवज्जानि च द्वे अहेतुककिरियचित्तानि पठममग्गविज्जाणन्ति अट्ठारस चित्तानि कामरूपभवेयेव भवन्ति, न अरूपभवे । तत्थ हि सब्बसो रूपसज्जानं समतिक्कन्तत्ता रूपावचरकुसलकिरिया नुप्पज्जन्ति । चक्खुविज्जाणादीनि वत्थुद्वारविरहतो, हसितुप्पादो एकन्तवत्थुनिस्सयत्ता, सोतापत्तिमग्गो परतोघोसपच्चयायेव निब्बत्तनतो न उप्पज्जति । द्वेचत्तालीसाति अट्ठ परित्तकुसलानि, चत्तारि अरूपकुसलानि, पठममग्गवज्जानि सत्त लोकुत्तरचित्तानि, पटिघद्वयवज्जितानि च दस अकुसलचित्तानि, पुब्बे वुत्तअहेतुककिरियाद्वयवज्जितानि नव कामावचरकिरियचित्तानि, चत्तारि अरूपावचरकिरियचित्तानीति एवं द्वेचत्तालीस चित्तानि तीसु भवेसु होन्ति ।

१९३-२०४. एवं भववसेन चित्तुप्पत्तिं दस्सेत्वा इदानि कालवसेन दस्सेन्तो आह “ठपेत्वा पना”तिआदि ।

सब्बासन्ति निद्धारणत्थे सामिवचनं । अट्ठ महाकिरिया, अरहत्तमग्गफलचित्तानि, अनागामिफलं, नेवसज्जानासज्जायतनकुसलकिरियाति तेरसेव चित्तानि अपायरहितासु छब्बीसभूमीसु होन्ति अपायेसु विपाकावरणसम्भावे एतेसं अनुप्पज्जनतो । अपरानि छ चित्तानीति सम्बन्धो । तानि पन रूपभवसाधारणानं पञ्चपरित्तविपाकानं, किरियमनोधातुया च वसेन वेदितब्बानि ।

पञ्च चित्तानीति दिट्ठिसम्पयुत्तविचिकिच्छावसेन पञ्च चित्तानि । तानि हि पञ्चसु सुद्धावासभूमीसु न लब्धन्ति । तत्थ अनागामिखीणासवानमेव अधिवुत्थत्ता, तेसज्ज पठममग्गेनेव इमेसं पञ्चन्नं विज्जाणानं अनुप्पादधम्मतं आपादितत्ता ।

अपरानि दुवेति ततियारुप्पकुसलकिरियचित्तानि । तानि हि नेवसज्जानासज्जायतनेसु अतिक्कन्तारम्मणत्ता, अपायेसु च अहेतुकपटिसन्धिकत्ता नुप्पज्जन्ति । चतुवीसतीभूमिसु द्वे चाति विज्जाणज्जायतनकुसलकिरियावसेन द्वे चित्तानि । तेवीसभूमिसु द्वेयेवाति आकासानज्जायतनकुसलकिरियचित्तानि ।

एकादसविधन्ति रूपावचरकुसलकिरिया हसितुप्पादोति एकादस । सोतापत्तिफलं याव अनागामिमग्गो चत्तारि च चित्तानि सुद्धावासअपायवज्जासु एकवीसतिभूमीसु भवन्ति । एकं सोतापत्तिमग्गचित्तं सुद्धावासअपायअरूपभूमिवज्जेसु सत्तरससु भूमीसु जायति । द्वे दोसमूलानि, कुसलविपाकधानजिह्वाकायविज्जाणानि, सत्त अकुसलविपाकाति द्वादस चित्तानि महग्गतभूमिवज्जासु एकादससु कामभूमीसु जायन्ति । अट्ठ महाविपाकचित्तानि कामावचरदेवमनुस्सवसेन सत्तभूमीसु जायन्ति । छसु भूमिसूति वेहप्फलसुद्धावाससङ्घातासु छसु पञ्चमज्झानभूमीसु ।

चत्तारि...पे... भूमिसूति चतुत्थज्झानविपाको परित्तसुभअप्पमाणसुभसुभकिण्हवसेन तीसु भूमीसु जायति, दुतियज्झानविपाको, ततियज्झानविपाको च परित्ताभाअप्पमाणाभाआभस्सरवसेन तीसु भूमीसु, पठमज्झानविपाको ब्रह्मपारिसज्जब्रह्मपुरोहितमहाब्रह्मावसेन तीसु भूमीसु होतीति एवं चत्तारि चित्तानि एकेकवसेन तीसु तीसु भूमीसु जायन्ति ।

२०६-९. एवं एत्तकानेव चित्तानि एत्तकासु भूमीसु उप्पज्जन्तीति चित्तनियमवसेन उप्पत्तिं दस्सेत्वा इदानि एत्तकासु एव भूमीसु एत्तकानेव चित्तानि उप्पज्जन्तीति भूमिनियमवसेन दस्सेतुं “कुसलाकुसला कामे”तिआदि आरब्धं । तत्थ कामे कुसलाकुसला वीसति, तेसं पन्नरस अहेतुका पाका, आवज्जनद्वयज्जाति सत्ततिंसेव मानसा नरकादीसु चतूसुपि अपायेसु जायरे । अवसेसानि पन सत्तरस कामावचरविपाककिरियचित्तानि, पञ्चतिस महग्गतलोकुत्तरानीति द्वेपज्जास मानसा कदाचिपि तेसु नुप्पज्जन्ति अभूमिभावतोति अत्थो ।

असीति हदयाति वुत्तावसेसानि असीति चित्तानि । घानादिविज्जाणत्तयन्ति कुसलविपाकधानादिविज्जाणत्तयं । “अपुज्जजा पाका”ति अकुसलविपाकानं सब्बेसमेव गहितत्ता घानादिविज्जाणत्तयं अग्गहितविसेसम्पि पारिसेसजायेन कुसलविपाकमेव विज्जायति ।

२१३. दोमनस्सन्ति दोमनस्ससहगतं । क्रिया च द्वेति वोडुब्बनवज्जिता द्वे अहेतुककिरिया ।

२१४. भूमिवसेनेवाति पुग्गले अनामसित्वा केवलं भूमिवसेन । पुग्गलानं वसेन च भूमिवसेन च चित्तुप्पत्तिं विभावयेति सम्बन्धो ।

२१६-८. पञ्चभूमिसूति चतुरापायमनुस्सवसेन पञ्चभूमीसु । अहेतुकानं पटिसन्धिसदिसतदारम्मणवसेन “सत्ततिंसेवा”ति वुत्तं, अञ्जकम्मेन पन द्विहेतुकतदारम्मणस्सापि सम्भवतो एकचत्तालीस होन्ति ।
आचरियजोतिपालत्थेरस्स अधिप्पायेन तिहेतुकविपाकेहिपि सिद्धिं पञ्चचत्तालीसेवाति दट्ठब्बं । **अहेतुकस्स वुत्तेहीति** अहेतुकसत्तस्स वुत्तेहि सत्ततिंसमानसेहि सह । **नव क्रियाति** अट्ठ महाकिरिया, हसितुप्पादो चाति इमानि असाधारणकिरियचित्तानि नव ।

२२०-१. “चतुपज्जास मानसा”ति वत्वा तेसं सरूपतो दस्सनत्थं आह “**द्विहेतुकस्सा**”तिआदि । पुन “**चतुपज्जासा**”तिआदि पन निगमनं ।

२२३-४. पज्जासेवस्स चित्तानीति तिहेतुकस्स पुथुज्जनस्स वुत्तचतुपज्जासचित्तेसु दिट्ठिविचिकिच्छासहगतवज्जानि एकूनपज्जास, सोतापत्तिफलन्ति इमानि पज्जासेव चित्तानि **अस्स** कामावचरस्स सोतापन्नदेहिनो जायन्ते । **नवतिंसेवाति** एकूनचत्तालीसचित्तानि । **पठमं फलन्ति** सोतापत्तिफलं ।

२२५-८. दुतियञ्च फलं हित्वाति सकदागामिफलं हित्वा । **च-सद्धेन** सोतापत्तिफलञ्च हित्वाति अत्थो । अत्तनो फलेन सह **यानि** अट्ठचत्तालीस **चित्तानि**, तानि अनागामिस्स सत्तस्स जायन्ति । **चत्तालीसञ्च चत्तारीति** तेवीसति कामावचरविपाकचित्तानि, वीसति किरियचित्तानि, अरहत्तफलञ्चाति चतुचत्तालीस चित्तानि । **सकं सकन्ति** “सोतापन्नस्स सोतापत्तिमग्गचित्तं, सकदागामिनो सकदागामिमग्गचित्तं”न्तिआदिना अत्तनो अत्तनो मग्गचित्तं । कस्मा पन तेसं एकेकमेव चित्तं होतीति आह “**एकचित्तक्खणाहि ते**”ति । **पञ्चतिंसेवाति** सत्तरस कामरूपारूपकुसलचित्तानि, पटिघद्वयवज्जानि दस अकुसलानि, रूपभवे लब्भमानकानि पञ्च अहेतुकविपाकानि, आवज्जनद्वयं, पठमज्झानविपाको चाति पञ्चतिंस चित्तानि तीसु पठमज्झानभूमीसु पुथुज्जनस्स जायन्ति ।

२३२-५. हित्वा चाति एत्थ **च-सद्धेन** पठमफलस्स गहणं दस्सेति । तेन अपुञ्जपञ्चकं हित्वा पठमं फलं गहेत्वा चाति अत्थो । **अपुञ्जपञ्चकन्ति** दिट्ठिसम्पयुत्तविचिकिच्छासहगतवसेन पञ्च अकुसलचित्तानि । **तत्थाति** तेसु सोतापन्नस्स वुत्तेसु । **तत्थेवाति** सकदागामिस्स वुत्तेसु । पुञ्जं सम्पटिच्छनं सन्तीरणद्वयञ्चेवाति सम्बन्धो ।

२३७. एवं पठमज्झानभूमियं पुथुज्जनसोतापन्नादिवसेन चित्तसम्भवं दस्सेत्वा इदानीं तेसमेव वसेन दुतियज्झानभूमियं दस्सेतुं “**पुथुज्जनस्सा**”तिआदि आरब्धं । दुतियज्झानततियज्झानविपाकानं एकसत्तस्सेव असम्भवेपि दुतियज्झानतले निब्बत्ते पुथुज्जनादयो पुथुज्जनादिभावसामञ्जेन एकतो गहेत्वा “**दुतियज्झानततियज्झानपाकतो**”ति वुत्तं ।

२४२. परित्तसुभादितो पट्टाय याव अकनिट्ठा ततियचतुत्थज्झानभूमीसु पठमज्झानभूमियं वुत्तगणनाय चित्तप्पवत्ति वेदितब्बा । तेनाह “परित्तकसुभादीन”न्तिआदि ।

२४७. चतुवीसति चित्तानीति अट्ठपरित्तकुसलानि, चत्तारि अरूपकुसलानि, पटिघद्वयवज्जितानि दस अकुसलचित्तानि, पठमारुप्पविपाको, मनोद्वारावज्जनञ्चाति चतुवीसति चित्तानि पठमारुप्पभूमियं पुथुज्जनस्स जायन्ति ।

२५०-३. दस पञ्चाति अट्ठ महाकिरिया, चतस्सो अरूपकिरिया, मनोद्वारावज्जनं, पठमारुप्पविपाको,

अरहत्तफलञ्चाति पन्नरस चित्तानि पठमारुप्पभूमियं अरहतो होन्ति ।

तेवीसाति पठमारुप्पभूमियं पुथुज्जनस्स वुत्तेसु चतुवीसतिचित्तेसु आकासानञ्चायतनकुसलविपाकवज्जा बावीसति च दुतियारुप्पविपाको चाति तेवीसति दुतियारुप्पभूमियं पुथुज्जनस्स होन्ति । तत्थेव तिण्णं फलद्वुसेखानं पुथुज्जनस्स वुत्तेसु अकुसलपञ्चकवज्जानि अट्टारस, तंतंफलञ्चाति एकूनवीसति चित्तानि होन्ति ।

क्रिया द्वादसाति अट्ट महाकिरिया, आकासानञ्चायतनवज्जिता तिस्सो अरूपकिरिया, मनोद्वारावज्जनन्ति द्वादस किरियचित्तानि । पाकेकोति एको अरूपविपाको ।

दुतियारुप्पभूमियं पुथुज्जनस्स वुत्तेसु विज्जाणञ्चायतनकुसलविपाकवज्जानि एकवीसति, आकिञ्चञ्चायतनविपाको चाति बावीसति चित्तानि ततियारुप्पभूमियं पुथुज्जनस्स उप्पज्जन्ति ।

२५४-६०. पुथुज्जनस्स वुत्तेसु अपुञ्जपञ्चकवज्जानि सत्तरस, पठमफलञ्चाति अट्टारस ततियारुप्पभूमियं सोतापन्नस्स उप्पज्जन्ति । तानीति तानेव अट्टारस चित्तानि । “ठपेत्वा पठमं फल”न्ति हि वचनतो दुतियफलं पक्खिपित्वाति अयमत्थो अवुत्तसिद्धो । न हि सकदागामिनो सकदागामिफलञ्च नुप्पज्जति । एवञ्च कत्वा वुत्तं “ठपेत्वा दुतियं फल”न्ति । एत्थापि अनागामिफलं पकरणसिद्धमेवाति दट्ठब्बं । अट्ट महाकिरिया, द्वे ततियचतुत्थारुप्पकिरिया, मनोद्वारावज्जनं, आकिञ्चञ्चायतनविपाको, अरहत्तफलन्ति तेरस चित्तानि ततियारुप्पभूमियं खीणासवस्स जायन्ति । ततियारुप्पभूमियं पुथुज्जनस्स वुत्तेसु द्वावीसतिचित्तेसु आकिञ्चञ्चायतनकुसलविपाकवज्जाति वीसति, नेवसज्जानासञ्चायतनविपाकोति एकवीसति चित्तानि चतुत्थारुप्पभूमियं पुथुज्जनस्स जायन्ति । पुथुज्जनस्स वुत्तेसु अपुञ्जपञ्चकवज्जानि सोळस, सोतापत्तिफलञ्चाति सत्तरस तत्थेव सोतापन्नस्स होन्ति । अट्ट महाकिरिया, द्वे च नेवसज्जानासञ्चायतनविपाककिरिया, मनोद्वारावज्जनं, अरहत्तफलञ्चाति द्वादस चित्तानि तत्थेव अरहतो उप्पज्जन्ति ।

२६१-३. अरूपकुसला चेव किरियापि च उप्पज्जन्ति, न पन विपाकाति अधिप्पायो । उद्धमुद्धमरूपीनन्ति विज्जाणञ्चायतनादीसु अरूपीनं । हेट्ठिमाति विज्जाणञ्चायतनिकानं आकासानञ्चायतनकुसलविपाका नुप्पज्जन्ति, आकिञ्चञ्चायतनिकानं आकासानञ्चायतनविज्जाणञ्चायतनकुसलविपाकाति एवमादिना हेट्ठिमा हेट्ठिमा अरूपा नुप्पज्जन्ति । कस्माति आह “दिट्ठादीनवतो किरा”ति । किराति अनुस्सुतियं । दिट्ठादीनवतोति आरम्मणे, ज्ञाने च दिट्ठदोसत्ता । कुसलानुत्तराति लोकुत्तरकुसला ।

२६६. सब्बो रूपो महगगतोति सब्बो रूपावचरमहगतचित्तुप्पादो । मनोधातूति किरियामनोधातुविपाकमनोधातूनं कामविपाक-ग्गहणेन गहितत्ता ।

२६९-७३. एवं...पे०... हेट्ठिमन्ति दुतियारुप्पभूमियं वुत्तेसु दुतियारुप्पत्तयं ठपेत्वा अत्तनो पाकेन सह ततियारुप्पभूमियं एकूनचत्तालीस चित्तानि तत्थवुत्तेसु ततियारुप्पत्तयं ठपेत्वा अत्तनो पाकेन सह सत्ततिंसाति एवं सेसद्वयेपि हेट्ठिमहेट्ठिमं हित्वा चित्तगणना जेय्या । अत्तनो अत्तनोति पठमारुप्पभूमियं पठमारुप्पविपाको, दुतियारुप्पभूमियं दुतियारुप्पविपाकोति एवं अत्तनो अत्तनो विपाका चत्तारो च अनासवा लोकुत्तरविपाकाति एवं चतसु अरूपभूमीसु एकेकाय भूमिया पञ्च पञ्च विपाका जायन्ति । या किरिया तेरसेव सियुं, ता सब्बपठमारुप्पभूमियं खीणासवस्स जायन्तेति सम्बन्धो । दुतियारुप्पभूमियं खीणासवस्स पठमारुप्पकिरियचित्तं वज्जेत्वा द्वादसेव क्रिया होन्ति । ततियारुप्पभूमियं

दुतियारुप्पकिरियचित्तं वज्जेत्वा **एकादस** । चतुत्थारुप्पभूमियं ततियारुप्पकिरियचित्तं वज्जेत्वा **दसेव** विज्जेय्या ।

२७४-५. इदानीं केवलं पुग्गलवसेन तेसमेव पुग्गलानं आवेणिकचित्तं दस्सेतुं “**अरहतो पना**”तिआदिना अरहतोयेव उप्पज्जनकचित्तं दस्सेत्वा अनागामिआदीनं पाटिपुग्गलिकं सकसकफलचित्तं पाकटमेवाति संखित्तं । **अरहतो**ति खीणासवस्स । अरहतो भावो अरहत्तं, अरहत्तफलन्ति अत्थो । तज्झि “अरीनं हतत्ता अरहा”तिआदिना अरहन्त-सदस्स पवत्तिनिमित्तभावेन “अरहत्त”न्ति वुच्चति । इदानीं तेसं तेसं पुग्गलानं साधारणचित्तानि दस्सेतुं “**चतुन्नञ्च फलट्ठान**”न्तिआदि वुत्तं ।

२९०. सुसारन्ति अत्थव्यञ्जनवसेन परिच्चजितब्बस्स फेग्गुस्स अभावतो सुट्ठु सारं, सब्बसो सारन्ति अत्थो । परन्ति सुसारत्ता एव परं । सत्तानं इधलोकपरलोकहितपटिच्छादकस्स अविज्जन्धकारस्स विधमनतो **मोहन्धकारप्पदीपं** । **चिन्तेती**ति अत्थवसेन चिन्तेति । **वाचेती**ति व्यञ्जनवसेन सज्झायति । रागदोसानं मोहेन सह अविनाभावतो तस्स अनुपगमनं अत्थसिद्धमेवाति “मोहन्धकारप्पदीप”न्ति वत्वापि “**नरं...पे०... नोपयन्ती**”ति रागदोसानुपगमनमेव वुत्तं । “मोहन्धकारप्पदीप”न्ति वा वचनेनेव मोहस्स अनुपगमो वुत्तो होतीति रागदोसानमेव अनुपगमनं वुत्तं । मूलभूतानं पन तिण्णं अनुपगमनवचनेन सेसकिलेसानम्पि अनुपगमनं वुत्तमेवाति दट्ठुब्बं ।

इति अभिधम्मत्थविकासिनिया नाम

अभिधम्मावतारसंवण्णनाय

भूमिपुग्गलचित्तुप्पत्तिनिद्देसवण्णना निट्ठिता ।

पठमो भागो निट्ठितो ।

॥ नमो तस्स भगवतो अरहतो सम्मासम्बुद्धस्स ॥

अभिधम्मावतार-अभिनवटीका

(दुतियो भागो)

६. छट्ठो परिच्छेदो

आरम्मणविभागनिद्देसवण्णना

२९१-३. एतेसन्ति यथावुत्तप्पभेदानं । ननु च “चित्तं चेतसिक”न्तिआदिना चित्तादीनियेव उद्दिट्ठानीति तानेव निद्विसितब्बानि, आरम्मणं पन अप्पकत्तं, तं कस्मा इध वुच्चतीति चोदनं मनसि करित्वा आह “**तेन विना नत्थि हि सम्भवो**”ति । यस्मा आरम्मणेन विना चित्तसम्भवो नत्थि, न हि अनारम्मणं चित्तं नाम अत्थि, तस्मा “तयिदं चित्तं कं आरम्भ उप्पज्जती”ति आसङ्कानिवारणत्थं इतो परं आरम्मणं दस्सयिस्सामीति अत्थो । कतिविधं पन तं आरम्मणं, किं

सरूपज्जाति आह “रूपं सद्”न्तिआदि । वचनत्थं पन नेसं सयमेव वक्खति । छळारम्मणकोविदाति छन्नं आरम्मणानं ब्याकरणकुसला बुद्धादयो ।

भूतेति चत्तारो महाभूते । उपादायाति निस्साय । चतुसमुद्धितोति कम्मादीहि चतूहि पच्चयेहि समुद्धितो । निदस्सितब्बं निदस्सनं । किं तं? दट्ठब्बभावो चक्खुविज्जाणस्स गोचरभावो, सह निदस्सनेनाति सनिदस्सनो । पटिहज्जति, पटिहननन्ति वा पटिघो, येन ब्यापारादिविकारपच्चयन्तरसहितेसु चक्खादीनं निस्सयेसु विकारुप्पत्ति, सो सयं निस्सयवसेन च सम्पत्तानं, असम्पत्तानञ्च पटिमुखभावो अज्जमज्जपतनं पटिघोति अत्थो । तत्थ सयं सम्पत्तिं फोड्ढब्बस्स निस्सयवसेन सम्पत्ति गन्धरसघानजिक्काकायानं । इतरेसं उभयथापि असम्पत्ति, तस्मा इध असम्पत्तानं पटिमुखभावो “पटिघो”ति वुच्चति । सह पटिघेनाति सप्पटिघो, सनिदस्सनो च सो सप्पटिघो चाति सनिदस्सनसप्पटिघो । एत्थाह — यस्स दट्ठब्बभावो अत्थि, सो सनिदस्सनो, चक्खुविज्जाणगोचरभावोव दट्ठब्बभावो । तस्स च रूपायतनतो अनज्जत्ता कथं सह निदस्सनेन सनिदस्सनाति युज्जतीति? वुच्चते — अनज्जत्तेपि तस्स अज्जेहि धम्मोहि रूपायतनं विसेसेतुं अज्जं विय कत्वा वुत्तं “सह निदस्सनेन सनिदस्सन”न्ति । धम्मसभावसामज्जेन हि एकीभूतेसु धम्मेषु यो नानत्तकरो विसेसो, सो अज्जं विय कत्वा उपचारितुं युत्तो । एवज्जि अत्थविसेसावबोधो होति । रूपारम्मणसज्जितोति अयं एवरूपो वण्णो रूपारम्मणन्ति सज्जितो । इदं वुत्तं होति — चत्तारो महाभूते उपादाय ते अमुज्जित्वा पवत्तमानो कम्मसमुद्धानो चित्तसमुद्धानो उतुसमुद्धानो आहारसमुद्धानो च नीलादिवसेन दिस्समानो इन्द्रियेहि घट्टेन्तो च वण्णो रूपारम्मणं नामाति ।

२९४-७. चित्तञ्च उतु च चित्तोतु, तेहि सम्भवति, ते वा सम्भवा पच्चया इमस्साति चित्तोतुसम्भवो । सह विज्जत्तिसमुद्वापकविज्जाणेन पवत्तो सद्दो सविज्जाणकसद्दो, सविज्जाणकसद्दो पन न केवलं सविज्जाणकसन्तानप्पवत्तोव कुच्छिसद्दादिवसेन तस्स उतुसमुद्धितस्सापि सम्भवतो ।

धरीयतीति कलापपरम्पराय सन्धारीयति । सूचनतोति अत्तनो वत्थुस्स सुपाकटकरणतो । गन्धो हि “इदं सुगन्धं, इदं दुग्गन्ध”न्ति पकासेति, पटिच्छन्नपुप्फफलादीनि “इदमेत्थ अत्थी”ति पेसुज्जं करोन्तं विय होतीति ।

रसमानाति अस्सादवसेन तुस्समाना । रसन्तीति असन्ति, अनुभवन्तीति अत्थो । एत्थ र-कारो पदसन्धिकरो । एवज्जि “रसमाना नं असन्तीति रसो”ति निरुत्तिनयो सुन्दरो होति । इतरथा “रसन्ति अस्सादेन्ती”ति वुच्चमाने “रसमाना”ति इदं निरत्थकमेव सिया । अथ वा “रसमाना”ति इतो र-कारं, “रसन्ती”ति इतो स-कारञ्च गहेत्वा “रसो”ति निरुत्तिनयो दट्ठब्बो ।

२९८. फुसीयतीति घट्टीयति । किं तं फोड्ढब्बं नामाति आह “पथवीतेजवायवो”ति । इमिना धातुत्तयमेव कायविज्जाणविज्जेय्यभावसङ्घातफोड्ढब्बं नाम, न अज्जन्ति दस्सेति । कस्मा पनेत्थ आपोधातु न गहिता, ननु सीतता फुसित्वा गहति, सा च आपोधातु एवाति? सच्चं गहति, न पन आपोधातु, किञ्चरहि तेजोधातु एव । मन्दे हि उण्हभावे सीतवुद्धि, न सीतता नाम कोचि गुणो अत्थि । केवलं पन उण्हभावस्स मन्दताय सीतताभिमानो । कथं पनेतं विज्जातब्बन्ति चे? सीतवुद्धिया अनवद्धितभावतो पारापारे विय । तथा हि घम्मकाले आतपे ठत्वा छायं पविट्ठानं सीतवुद्धि होति, तत्थेव पथवीगम्भतो उट्ठितानं उण्हवुद्धि च । किञ्चरहि हिमपातसमयादीसु सीतस्स परिपाचकत्तदस्सनतो च तेजोधातु एव सीतताति दट्ठब्बं । यदि च सीतता आपोधातु सिया, एकस्मिं कलापे उण्हभावेन सद्धिं उपलब्धेय्य द्विन्नं धातूनं अविनिब्भोगप्पवत्तितो, न च पनेवं उपलब्धति, तस्मा जायति “न आपोधातु सीतता”ति । इदं चतुमहाभूतानं अविनिब्भोगवुत्तितं इच्छन्तानं उत्तरं, अनिच्छन्तानम्पि पन चतुन्नं महाभूतानं एकस्मिं कलापे किच्चदस्सनेन

सभागवृत्तिताय साधिताय इदमेव उत्तरं । केचि पन “वायोधातु सीतता”ति वदन्ति, तेसम्पि इदमेव उत्तरं । यदि वायोधातु सीतता सिया, एकस्मिं कलापे उण्हभावेन सद्धि उपलब्धेय्य, न च पनेवं उपलब्धति, तस्मा विज्जायति “न वायोधातु सीतता”ति । ये पन वदन्ति “द्रवता आपोधातु, सा च फुसित्वा गह्दती”ति, ते वत्तब्बा “द्रवभावोपि नाम फुसीयतीति इदं आयस्मन्तानं अधिमानमत्तं सण्ठाने विया”ति । वुत्तज्हेतं पोराणेहि —

“द्रवभासहवुत्तीनि, तीणि भूतानि सम्फुसं ।

द्रवतं सम्फुसामीति, लोकोयमभिमज्जति ॥

“भूते फुसित्वा सण्ठानं, मनसा गह्दते यथा ।

पच्चक्खतो फुसामीति, जातब्बा द्रवता तथा”ति ॥

२९९. **सब्बं नामन्ति** सब्बं चित्तचेतसिकनिब्बानसम्मतं नामं । चित्तचेतसिकज्झि आरम्मणं पति नमनतो नामं । निब्बानं पन चित्तचेतसिकस्स अत्तानं पति नामनतो नामं । **रूपन्ति** निष्फन्नरूपं । किं अविसेसेनाति चे, नोति आह “**हित्वा रूपादिपञ्चक**”न्ति । **लक्खणानीति** अनिच्चादिलक्खणानि । **पज्जतीति** नामुपादायवसेन दुविधा पज्जति ।

३००. इमानि पन छब्बिधानि आरम्मणानि सब्बानि सब्बत्थ लब्धन्ति, उदाहु कत्थचि कानिचीति आह “**छळारम्मणानी**”तिआदि । **तीणि रूपेति** रूपावचरभूमियं रूपसहधम्मवसेन तीणि आरम्मणानि लब्धन्ति । घानादित्तयस्स पन तत्थ अभावतो गन्धारम्मणादीनि धम्मारम्मणतो विसुं न लब्धन्ति । अरूपभवे पन सब्बसो रूपानं अभावतो एकं धम्मारम्मणमेव लब्धति, न अज्जन्ति आह “**अरूपे धम्मारम्मणमेकक**”न्ति । ननु च अरूपभवतो चवित्वा कामभवे निब्बत्तन्तानं अरूपभवेयेव गतिनिमित्तवसेन रूपारम्मणं उपट्ठातीति? सच्चं उपट्ठाति, तं पन कामभवेयेव आरम्मणं । उपपज्जितब्बभवस्मिज्झि वण्णो गतिनिमित्तवसेन उपट्ठाति ।

३०१-२. एवं छ आरम्मणानि सरूपतो, पवत्तिप्पभेदतो च दस्सेत्वा इदानीं तेसु अभयगिरिवासीनं किञ्चि विष्पटिपत्तिं दस्सेत्वा तं पटिक्खिपितुं “**खणवत्थुपरित्तत्ता**”तिआदि वुत्तं । तत्थ **खणवत्थुपरित्तत्ताति** खणस्स चेव वत्थुनो च परित्तत्ता । ये रूपादयोति सम्बन्धो । **येसन्ति** येसं आचरियानं लद्धि । **येसन्ति** वा धम्मारम्मणेन सह सम्बन्धीभावतो, वुत्तं ववत्थापकत्ता च । ते हि धम्मारम्मणं ववत्थापेन्तो अत्तना सह तं सम्बन्धेन्ति, तस्मा धम्मारम्मणेन सह सम्बन्धीभावापेक्खाय “**येस**”न्ति सामिवचनन्ति । इमिना पन इदं वुत्तं होति — ये रूपादयो पञ्च आरम्मणा सन्तत्तअयोगुळे पतितजलबिन्दु विय परित्तक्खणिका, दिब्बचक्खुना असक्कुण्येय्यगहणा परमाणु विय परित्तवत्थुका, ततो च सकसकविज्जाणानं आपाथं न गच्छन्ति, केवलं पन मनोविज्जाणस्सेव गोचरा, ते धम्मारम्मणं नामाति येसं लद्धि, ते येसं वा धम्मारम्मणं नामाति । एतेनेव च अतीतानागतभावेन अतिदूरअच्चासन्नभावेन, कुट्टादिअन्तरिताभावेन च आपाथं अनागच्छन्तानम्पि रूपादीनं सङ्गहो कतो होतीति । एवंलद्धिका पन ते —

“इमेसं खो, आवुसो, पञ्चन्नं इन्द्रियानं नानाविसयानं नानागोचरानं न अज्जमज्जस्स गोचरविसयं पच्चनुभोन्तानं मनो पटिस्सरणं, मनो च नेसं गोचरविसयं पच्चनुभोती”ति (म० नि० १.४५५) —

इदं सुत्तं आहरित्वा पटिक्खिपितब्बाति दस्सेन्तो आह “**ते पटिक्खिपितब्बावा**”तिआदि । तत्थ **पटिक्खिपितब्बावाति** न अनुवत्तितब्बा । **अज्जमज्ज...पे०... भोन्तानन्ति** चक्खुन्द्रियं सोतिन्द्रियस्स गोचरं न पच्चनुभोति, तथा “सोतिन्द्रियं

चक्खुन्द्रियस्सा’तिआदिना अज्जमज्जस्स आरम्भणं नेव पच्चनुभोन्तानं नानुभवन्तानं न गणहन्तानं । तेसन्ति तेसं पच्चन्नं इन्द्रियानं ।

३०३. तज्ज गोचरं मनो पच्चनुभोतीति सम्बन्धो । तं रूपादिपच्चविधं आरम्भणं च-सद्देन धम्मारम्भणज्ज मनो पच्चनुभोति, चित्तं आरम्भणं करोतीति अत्थो । अयं पनेत्थ अधिष्ठाया — यदि चक्खादीनमापाथगतानि विना अवसेसा धम्मारम्भणा होन्ति, तदा तं विसयं चित्तं पच्चिन्द्रियानं विसयं पच्चनुभोन्तं नाम न होति, अत्तनोयेव पन विसयं पच्चनुभोन्तं नाम होति । एवज्ज सति मनोव तेसं गोचरविसयं पच्चनुभोतीति दुप्परिहारियं भवेय्य, न च तं सुत्तवचनं सक्का अतिक्कमेतुं, तस्मा वुत्तनयेन चक्खादीनं अनापाथगतपि मनोगोचरा रूपादयो रूपादिआरम्भणानेव होन्ति, न धम्मारम्भणाति । यदि रूपादिआरम्भणं चित्तं अत्तनो विसयं नानुभोति, परविसयमेव अनुभोति, कथं दस्सनादिकिच्चं न करोति? तंतंकिच्चानं निस्सयभूतस्स वत्थुनो अनिस्सितत्ता । कथञ्चरहि पच्चिन्द्रियानं विसयं पच्चनुभोति नाम? दस्सनादिकिच्चस्स अकरणेपि चक्खुविज्जाणादीहि दिट्ठादिआकारस्सेव गहणतो पच्चिन्द्रियानं विसयं पच्चनुभोति नाम । यदि हि चक्खुविज्जाणादीहि दिट्ठादिआकारं न गणहति, रूपादीनं नीलत्तादिवसेन जाननं मनोविज्जाणमेव करोति, न पच्चविज्जाणानीति तथा जाननमेव न होति । तस्स पन अत्थितायेवेतं विज्जातब्बं — अनापाथगतरूपादारम्भणं चित्तं अत्तनो विसयं न पच्चनुभोति नाम । अथ खो पच्चिन्द्रियानं विसयमेव पच्चनुभोतीति । अथ सिया, न मयं चित्तस्स पच्चिन्द्रियविसयानुभवनं पटिक्खिपाम, तस्स पन अनुभवनं दस्सनादिकिच्चविरहेन धम्मारम्भणवसेनेवाति चे? तम्पि न, सुत्ते तथा आगतट्ठानस्स अभावतो । यदि हि चित्तं दस्सनादिकिच्चविरहेन पच्चिन्द्रियविसयं धम्मारम्भणवसेनेव पच्चनुभोति, पच्चिन्द्रियानं विसयं पच्चनुभवमाना मनोधातुमनोविज्जाणधातुपि धम्मारम्भणायेव सिया, एवज्ज सति “धम्मायतनं मनोधातुया च मनोविज्जाणधातुया च तंसम्पयुत्तकानज्ज धम्मानं आरम्भणपच्चयेन पच्चयो”ति पट्ठाने वत्तब्बं सिया, तथा पन अवत्वा —

“रूपायतनं सद्दायतनं गन्धायतनं रसायतनं फोडुब्बायतनं मनोधातुया तंसम्पयुत्तकानज्ज धम्मानं आरम्भणपच्चयेन पच्चयो”ति (पट्ठा० १.१.२),

“रूपायतनं...पे०... धम्मायतनं मनोविज्जाणधातुया तंसम्पयुत्तकानज्ज धम्मानं आरम्भणपच्चयेन पच्चयो”ति च (पट्ठा० १.१.२) —

वुत्तत्ता पच्चिन्द्रियानं विसयं पच्चनुभोन्ती मनोधातुमनोविज्जाणधातु तंपच्चिन्द्रियानं विसयवसेन पच्चनुभोति, न धम्मायतनवसेनाति निट्ठमेत्थ गन्तब्बं ।

३०४-५. एवं एकेनाकारेण पटिक्खेपविधिं दस्सेत्वा पुन अपरेणपि कारणेन दस्सेन्तो आह “दिब्बचक्खादी”तिआदि । आदि-गहणेन दिब्बसोतजाणगहणं । इतिपि न युज्जतीति न केवलं पुब्बे वुत्तेनेव कारणेन, अथ खो इमिनापि कारणेन न युज्जतीति वुत्तं होति । यदिपि चक्खादीनं अनापाथगतरूपादीनि धम्मारम्भणा नाम होन्ति, तदा दिब्बचक्खादीनि रूपादिआरम्भणानि न सियुं तेसं पसादविसयानं रूपसद्धानं परिगणहनतो, एवज्ज सति सुत्तेसु दिब्बचक्खुदिब्बसोतानं धम्मारम्भणताव वत्तब्बा, न रूपादिआरम्भणता, वुत्ता च सा, तस्मा चक्खादीनं अविसया रूपादयो रूपादारम्भणानेव, न धम्मारम्भणाति । तेनेव च धम्मसङ्गहेपि —

“यस्मिं समये कामावचरं कुसलं चित्तं उप्पन्नं होति सोमनस्ससहगतं जाणसम्पयुत्तं रूपादिआरम्भणं वा

सद्धारम्मणं वा गन्धारम्मणं वा रसारम्मणं वा फोडुब्बारम्मणं वा धम्मारम्मणं वा, यं यं वा पनारब्भ, तस्मिं समये फस्सो होति...पे०... अविक्खेपो होती”ति (ध० स० १) —

वुत्तं । किञ्च अनापाथगतानं धम्मारम्मणत्ते सब्बज्जुतज्जाणं रूपादिआरम्मणं न होतीति आपज्जतीति । एवं सतीति यदि कदाचि रूपादिआरम्मणं हुत्वा कदाचि धम्मारम्मणं होति, कदाचि धम्मारम्मणं हुत्वा कदाचि रूपादिआरम्मणं होति, तदा तेसं रूपादिआरम्मणानं नियमोपि कथं भवे “इदं रूपादिआरम्मणं, इदं धम्मारम्मणं”न्ति नियमो न भवेय्य, आरम्मणसङ्करो भवेय्याति अत्थो ।

३०६. एवं छब्बिधं आरम्मणं दस्सेत्वा इदानीस्स अनन्तरभेदं परित्तरम्मणादित्तिकवसेन दस्सेन्तो आह “सब्बं आरम्मणं”न्तिआदि । छब्बिधं परित्तिकादिकं तं एतं सब्बं आरम्मणन्ति सम्बन्धो । परित्तिकादीनन्ति परित्तरम्मणत्तिकादीनं । परित्तरम्मणत्तिको हि इध “परित्तिको”ति वुत्तो मज्झपदलोपवसेन । आदि-गहणेन मगगारम्मणत्तिको अतीतारम्मणत्तिको अज्झत्तरम्मणत्तिकोति इमेसं तिण्णं तिकानं सङ्गहो । तत्थ “परित्तरम्मणा धम्मा, महगगतारम्मणा धम्मा, अप्पमाणारम्मणा धम्मा”ति एवमागतो परित्तरम्मणत्तिको । आदिपदवसेन “मगगारम्मणा धम्मा, मगगहेतुका धम्मा, मग्गाधिपतिनो धम्मा”ति एवमागतो मगगारम्मणत्तिको । “अतीतारम्मणा धम्मा, अनागतारम्मणा धम्मा, पच्चुप्पन्नारम्मणा धम्मा”ति एवमागतो अतीतारम्मणत्तिको । “अज्झत्तरम्मणा धम्मा, बहिद्धारम्मणा धम्मा, अज्झत्तबहिद्धारम्मणा धम्मा”ति एवमागतो अज्झत्तरम्मणत्तिकोति वेदितब्बं ।

३०७-९. क्रियाहेतुद्वयन्ति अहेतुककिरियद्वयं हसितुप्पादमनोधातु इतरस्स महगगतादिआरम्मणतावसेनापि वक्खमानत्ता । “इट्ठादिभेदा”तिआदि परित्तरम्मणभावविभावनं । इट्ठादिभेदाति इट्ठइट्ठमज्झत्तअनिट्ठअनिट्ठमज्झत्तभेदा । पटिपाटियाति “रूपं चक्खुविज्जाणस्स, सद्दो सोतविज्जाणस्सा”तिआदिना अनुक्कमतो । रूपादि...पे०... तयस्स तूति किरियामनोधातुया चेव कुसलाकुसलविपाकविभागवसेन द्विन्नं मनोधातूनज्ज सब्बं रूपादिपज्जकगोचरं । ता हि हृदयवत्थुं निस्साय चक्खुविज्जाणादीनं पुरिमपच्छिमा हुत्वा नियता रूपादीनेव आरब्भ पवत्तन्ति ।

३११. कामधातुयन्ति कामभवे । तत्थ हि नेसं सब्बेसं वत्थारम्मणानि उपलब्भन्ति । चत्तारीति तेस्वेव किरियामनोधातु, कुसलविपाकचक्खुसोतविज्जाणानि, तथा सम्पटिच्छन्ति इमानि चत्तारि चित्तानि । सेसानि पन वत्थारम्मणाभावेन तत्थ नुप्पज्जन्ति । नेव किञ्चीति वत्थारम्मणानं सब्बसो अभावतो एतेसु किञ्चि न जायति ।

३१२-३. “महापाकान”न्तिआदि पठमपरिच्छेदे वुत्तत्थमेव । पटुप्पन्नाति पच्चुप्पन्ना ।

३१४. एवं परित्तरम्मणे दस्सेत्वा इदानी महगगतारम्मणे अप्पमाणारम्मणे च दस्सेतुं “दुतियारुप्पचित्तज्जा”तिआदि वुत्तं । तत्थ दुतियारुप्पचित्तं पठमारुप्पारम्मणतो, चतुत्थारुप्पं ततियारुप्पारम्मणतो महगगतारम्मणं । छब्बिधन्ति कुसलविपाककिरियावसेन पच्चेकं तिविधताय छप्पकारं ।

३१६-२०. जाणं परिहीनं एतेसं, जाणतो परिहीनाति वा जाणहीना । परित्तरम्मणा...पे०... होन्ति तेति अट्ठ जाणविप्पयुत्तचित्तुप्पादा सेखपुत्थुज्जनखीणासवानं कदाचि निरुस्सुक्कभावेन आदराकरणवसेन अकम्मज्जसरीरताअज्जविहितताहि वा असक्कच्चदानपच्चवेक्खणधम्मस्सवनादीसु अतिपगुणविपस्सनाय च कामावचरधम्मे आरब्भ पवत्तिकाले परित्तरम्मणा । अतिपगुणानं पठमज्झानादीनं पच्चवेक्खणकाले महगगतारम्मणा ।

कसिणनिमित्तादिपञ्चत्तिपच्चवेक्खणकाले परित्तारम्मणादिवसेन नवत्तब्बा । अकुसलेसु चत्तारो दिट्ठिसम्पयुत्तचित्तुप्पादा चतुपञ्जासकामावचरधम्मानं, रूपस्स च “अत्ता सत्तो”ति परामसनअस्सादनाभिनन्दनकाले परित्तारम्मणा । तेनेवाकारेन सत्तवीसतिमहग्गतधम्मे आरब्ध पवत्तकाले महग्गतारम्मणा । पण्णत्तिधम्मे आरब्ध पवत्तनकाले सिया नवत्तब्बा परित्तारम्मणादिवसेन । दिट्ठिविप्पयुत्तानि तेयेव धम्मे आरब्ध विना परामासेन अस्सादनाभिनन्दनवसेन पवत्तियं, पटिघसम्पयुत्तानि दोमनस्सवसेन पवत्तियं, विचिकिच्छासम्पयुत्तं द्वेळ्हकभावेन, उद्धच्चसहगतं विक्खिपनवसेन, अवूपसमवसेन च पवत्तियं परित्तमहग्गतनवत्तब्बारम्मणाति वेदितब्बा । **क्रियतोपि च तथाति** किरियचित्ततोपि जाणसम्पयुत्ता चत्तारोति अत्थो । **क्रियावोदुब्बनन्ति** सरूपकथनमेतं, न पन कुसलाकुसलविपाकवोदुब्बनस्स विज्जमानत्ता ।

तिविधो होति गोचरोति परित्तमहग्गतअप्पमाणवसेन तिविधोपि गोचरो होति । कथं? कुसलकिरियावसेन अट्ट जाणसम्पयुत्तचित्तुप्पादा सेखपुथुज्जनखीणासवानं सक्कच्चदानपच्चवेक्खणधम्मस्सवनविपस्सनादीसु कामावचरधम्मे आरब्ध पवत्तकाले कामावचरारम्मणिकअभिज्जाय परिकम्मानुलोमकाले च परित्तारम्मणा । पठमज्झानादिपच्चवेक्खणकाले महग्गतारम्मणझानादीनं परिकम्मकाले महग्गतधम्मे आरब्ध सम्मसनकाले च महग्गतारम्मणा होन्ति । यथालाभं गोत्रभुवोदानकाले पन लोकोत्तरं धम्मं पच्चवेक्खणकाले च निब्बानारम्मणाभिज्जाय परिकम्मकाले च अप्पमाणारम्मणा । पण्णत्तिपच्चवेक्खणकाले पण्णत्तारम्मणिकझानाभिज्जानं परिकम्मकाले च नवत्तब्बा । अभिज्जाद्वयस्स परित्तादिआरम्मणतं सत्तरसमपरिच्छेदे वक्खति । किरियावोदुब्बनम्पि यथावुत्तधम्मानं तंतंआरम्मणे पवत्तमानानं पुरेचरं हुत्वा तं तदेव आवज्जन्तं पवत्ततीति परित्तादिआरम्मणं । पच्चद्वारे वोदुब्बनवसेन पवत्तियं परित्तारम्मणमेव ।

वुत्तावसेसानीति यथावुत्तेहि अवसिड्डानि पन्नरस रूपावचरानि पठमतितयानि, छ अरूपावचरकुसलविपाककिरियचित्तानीति एकवीसति चित्तानि । **नवत्तब्बारम्मणानीति** परित्तादिवसेन नवत्तब्बस्स कसिणादिनिमित्तसत्तपञ्चत्तिआकासविज्जाणाभावस्स आरम्मणकरणतो नवत्तब्बारम्मणानि ।

परित्तारम्मणत्तिकं समत्तं ।

३२१-२. एवं परित्तारम्मणत्तिकवसेन विसयीविभागं दस्सेत्वा इदानीं यस्मा अप्पमाणारम्मणनिद्देसेनेव मग्गारम्मणत्तिकसङ्गहितोपि विसयीविभागो निद्विड्ढो होति, तस्मा तं पहाय अतीतारम्मणत्तिकवसेन दस्सेतुं “**दुतियारुप्पचित्तञ्चा**”तिआदि वुत्तं । तत्थ दुतियारुप्पचित्तं अतीतस्स पठमारुप्पविज्जाणस्स आरम्मणकरणतो, चतुत्थारुप्पं ततियारुप्पस्स आरम्मणकरणतो **एकन्तअतीतारम्मणं** । **पच्चुप्पन्नाव गोचराति** रूपादिमिह धरमानेयेव पच्चद्वारिकचित्तानं उप्पज्जनतो । अनागतारम्मणं पन नियतं किञ्चि नत्थि अनागतंसजाणस्सपि पच्चमज्झानतो अभिन्नत्ता ।

३२४-६. सिया...पे०... नागतगोचराति अट्ट ताव महाविपाका देवमनुस्सानं पटिसन्धिग्गहणकाले कम्मं वा कम्मनिमित्तं वा आरब्ध पवत्तियं अतीतारम्मणा । भवङ्गचुतिकालेपि एसेव नयो । गतिनिमित्तं पन कदाचि कम्मनिमित्तञ्च आरब्ध पटिसन्धिग्गहणकाले, तदनन्तरं भवङ्गकाले च पच्चुप्पन्नारम्मणा, तथा पच्चद्वारे तदारम्मणवसेन पवत्तियं । मनोद्वारे पन अतीतानागतपच्चुप्पन्नारम्मणानं जवनानं आरम्मणं गहेत्वा पवत्तियं अतीतानागतपच्चुप्पन्नारम्मणा । कुसलाकुसलविपाकाहेतुकउपेक्खासहगतमनोविज्जाणधातुद्वयेपि एसेव नयो । केवलज्झि ता यथाक्कमं मनुस्सेसु

जच्चन्धादीनं, अपायेसु च सब्बेसं पटिसन्धि होन्ति । पञ्चद्वारे च सन्तीरणकाले पच्चुप्पन्नारम्मणाव होन्तीति अयमेतेसं विसेसो । सोमनस्ससहगता पन पञ्चद्वारे सन्तीरणवसेन, तदारम्मणवसेन च पवत्तिकाले पच्चुप्पन्नारम्मणा, मनोद्वारे च तदारम्मणकाले अतीतानागतपच्चुप्पन्नारम्मणाति वेदितब्बा । हसितुप्पादचित्तं पन खीणासवानं पञ्चद्वारे हट्ठपहट्ठाकारं कुरुमानानं पच्चुप्पन्नारम्मणं होति, मनोद्वारे अतीतादिभेदे धम्मे आरब्ध हसितुप्पादवसेन पवत्तियं अतीतानागतपच्चुप्पन्नारम्मणं । “कुसलाकुसला”ति आदीसु कुसलेसु ताव चत्तारो जाणसम्पयुत्तचित्तुप्पादा सेखपुथुज्जनानं, अतीतादिभेदानि खन्धधातुआयतनानि सम्मसनकाले, पच्चवेक्खणकाले, अतीतादिआरम्मणिकअभिज्ज्ञानं परिकम्मकाले च अतीतानागतपच्चुप्पन्नारम्मणा । पञ्जत्तिनिब्बानपच्चवेक्खणकाले, गोत्रभुवोदानकाले, पञ्जत्तिनिब्बानारम्मणिकअभिज्ज्ञानं परिकम्मादिकाले च नवत्तब्बारम्मणा । पञ्जत्तिनिब्बानानि हि इध अतीतादिकालवसेन नवत्तब्बानीति तदारम्मणानि अतीतारम्मणादिवसेन नवत्तब्बानि । तेनाह “सन्तपञ्जत्तिकालेपी”ति, यथासम्भवं सन्तस्स निब्बानस्स, पञ्जत्तिया च आरम्मणकरणकालेति अत्थो । पोत्थकेसु पन “सन्ते पञ्जत्तिकालेसू”ति लिखन्ति, सो अपाठो । तस्स पन अपाठभावं अजानन्ता अत्थहानिम्पि असल्लक्खेत्वा वचनविपल्लासवसेन पञ्जत्तिकालस्मिं सतीति अत्थं लिखन्ति । जाणविप्पयुत्तानिपि वुत्तनयेनेव वेदितब्बानि । केवलज्झि तेसं मग्गफलनिब्बानपच्चवेक्खणानि नत्थि । जाणविरहेन लोकुत्तरधम्मारम्मणे असमत्थभावतोति अयमेव विसेसो ।

अकुसलेसु चत्तारो दिट्ठिसम्पयुत्तचित्तुप्पादा अतीतादिभेदानं तेभूमकधम्मनं अस्सादनाभिनन्दनपरामसनकाले अतीतादिआरम्मणा । तथेव पञ्जत्ति आरब्ध पवत्तिकाले नवत्तब्बारम्मणा । दिट्ठिविप्पयुत्तेसुपि एसेव नयो । केवलज्झि तत्थ परामासग्गहणं नत्थि । द्वे पटिघसम्पयुत्तचित्तुप्पादा अतीतादिभेदे धम्मे आरब्ध दुस्सनकाले अतीतादिआरम्मणा, पण्णत्तिं आरब्ध दुस्सनकाले नवत्तब्बारम्मणा । विचिकिच्छुद्धच्चसम्पयुत्ता तेसु धम्मेसु अनिद्वङ्गतभावेन च अवूपसमविकखेपवसेन च पवत्तियं अतीतानागतपच्चुप्पन्ननवत्तब्बारम्मणा । किरियासु अट्ठ सहेतुकचित्तुप्पादा कुसलचित्तुप्पादगतिका एव । तत्थ हि जाणसम्पयुत्ता कुसलेसु जाणसम्पयुत्तेहि, जाणविप्पयुत्ता जाणविप्पयुत्तेहि समाना । केवलं पन ते सेखपुथुज्जनानं उप्पज्जन्ति, इमे खीणासवानन्ति अयमेवेत्थ विसेसो । किरियाहेतुकमनोविज्जाणधातु पन उपेक्खासहगता पञ्चद्वारे वोट्ठब्बनवसेन पवत्तियं पच्चुप्पन्नारम्मणा, मनोद्वारे अतीतानागतपच्चुप्पन्नारम्मणानज्जेव पञ्जत्तिनिब्बानारम्मणानज्ज जवनानं पुरेचारिककाले अतीतानागतपच्चुप्पन्ननवत्तब्बारम्मणा । अभिज्ज्ञाद्वयस्स अतीतादिआरम्मणतं वक्खति । नवत्तब्बा... पे०... आदिनाति कसिणनिमित्तादिपञ्जत्तारम्मणत्ता अतीतारम्मणादिना नवत्तब्बा ।

३२७. क्रिया पञ्चाति जाणसम्पयुत्ता चतस्सो, अहेतुकमनोविज्जाणधातु उपेक्खासहगताति इमा पञ्च किरिया । **रूपतो पञ्चमी क्रियाति** रूपावचरपञ्चमज्झानसङ्घाता किरियाभिज्जा च । **नत्थि किञ्चि अगोचरन्ति** अतीतादिभेदेसु, कालविमुत्तेसु च अगोचरं नाम किञ्चि नत्थि, सब्बमेव नेसं गोचरं होतीति अत्थो ।

अतीतारम्मणत्तिकं ।

वुत्तनयानुसारेनेव अज्झत्तारम्मणत्तिकसङ्गहितोपि विसयीविभागो सक्का विज्जातुन्ति सो विसुं न उद्धटो । सरूपतो पनेस एवं वेदितब्बो — विज्जाणज्जायतनं नेवसज्जानासज्जायतनन्ति इमे ताव कुसलविपाककिरियावसेन छ चित्तुप्पादा अत्तनो सन्तानसम्बन्धं हेट्ठिमं समापत्तिं आरब्ध पवत्तनतो अज्झत्तारम्मणा । रूपावचरचतुक्कज्झानानि, पठमतितियारूपानि, लोकुत्तरकुसलविपाकानि च नियकज्झत्ततो बहिभावेन बहिद्वाभूतानि पथवीकसिणादीनि आरब्ध पवत्तितो बहिद्धारम्मणानि । सब्बेव कामावचरकुसलाकुसलाब्बाकता धम्मा रूपावचरपञ्चमज्झानज्ज

अज्झत्तबहिद्धारम्मणानि । तत्थ कामावचरकुसलतो चत्तारो जाणसम्पयुत्तचित्तुप्पादा अत्तनो खन्धादीनि पच्चवेक्खन्तस्स अज्झत्तारम्मणा, परेसं खन्धादिपच्चवेक्खणे, पणत्तिनिब्बानपच्चवेक्खणे च बहिद्धारम्मणा, तदुभयवसेन अज्झत्तबहिद्धारम्मणा । जाणविप्पयुत्तेसुपि एसेव नयो । केवलज्झि तेसं निब्बानपच्चवेक्खणा नत्थि । अकुसलापि अत्तनो खन्धादीनं अस्सादनाभिनन्दनपरामासादिकाले अज्झत्तारम्मणा, परस्स खन्धादीसु चेव अनिन्द्रियबद्धरूपकसिणादीसु च तथेव पवत्तिकाले बहिद्धारम्मणा, तदुभयवसेन अज्झत्तबहिद्धारम्मणा । द्वेपञ्चविज्जाणानि, तिस्सो च मनोधातुयोति इमे तेरस चित्तुप्पादा अत्तनो रूपादीनि आरब्भ पवत्तियं अज्झत्तारम्मणा, परस्स रूपादीसु पवत्ता बहिद्धारम्मणा, तदुभयवसेन अज्झत्तबहिद्धारम्मणा, सोमनस्ससहगतं सन्तीरणं पञ्चद्वारे सन्तीरणतदारम्मणवसेन अत्तनो पञ्चरूपादिधम्मे मनोद्वारे तदारम्मणवसेन अज्जेपि अज्झत्तिके कामावचरधम्मे आरब्भ पवत्तियं अज्झत्तारम्मणा, परेसं धम्मेसु पवत्तमाना बहिद्धारम्मणा, तदुभयवसेन अज्झत्तबहिद्धारम्मणा । उपेक्खासहगतसन्तीरणद्वयेपि एसेव नयो ।

केवलं पन तं सुगतिदुग्गतीसु पटिसन्धिभवङ्गचुतिवसेनापि अज्झत्तादिभेदेसु कम्मादीसु पवत्ति । अट्ठ महाविपाकानि पटिसन्धिभवङ्गचुतितदारम्मणवसेन अज्झत्तादिभेदेसु धम्मेसु पवत्तनतो अज्झत्तादिआलम्बणानि । हसितुप्पादम्पि अत्तनो रूपादीनि आरब्भ पहट्ठाकारकरणवसेन पवत्तियं अज्झत्तारम्मणं, परस्स रूपादीसु पवत्तं बहिद्धारम्मणं । मनोद्वारेपि अत्तनो कतकिरियपच्चवेक्खणेन हसितुप्पादने अज्झत्तारम्मणं, परेसं कतकिरियपच्चवेक्खणेन बहिद्धारम्मणं, तदुभयवसेन अज्झत्तबहिद्धारम्मणं । मनोद्वारावज्जनं पन मनोद्वारे आवज्जनवसेन, पञ्चद्वारे च वोट्टब्बनवसेन पवत्तियं अज्झत्तादिआरम्मणं । अट्ठ महाकिरिया कुसलगतिकारयेव । केवलज्झि ता खीणासवानं उप्पज्जन्ति, कुसलानि सेखपुथुज्जनानन्ति एतकमेव नानत्तं । रूपावचरपञ्चमज्झानस्स अज्झत्तादिआरम्मणतं वक्खति ।

३२९. “फलं, मग्ग”न्ति च सामज्जेन पुच्छितत्ता आह “चत्तारो...पे०... पुज्जतो”ति ।

३३२-४. अरहत्तमग्गफलानि पन ते जानितुं न सक्कोन्ति, तथा कुसलाभिज्जा च । तेनाह “सब्बेसु पना”तिआदि । वोट्टब्बनस्स आवज्जनकिच्चसमयं सन्धाय गाथाबन्धसुखत्थं “वोट्टब्बनम्पि चा”ति वुत्तं । “चत्तारो...पे०... पुज्जतो”ति इदं जाणसम्पयुत्तस्सापि सेखपुथुज्जनसन्तानप्पवत्तस्स अग्गमग्गफलजानने असमत्थताय निदस्सनमत्तं । कुसलाभिज्जाचित्तम्पि पन तं गोचरं कातुमसमत्थमेव । एवञ्च कत्वा हेट्ठा “क्रियाभिज्जा मनोधातू”ति वुत्तं ।

३३५-८. कस्माति कारणपुच्छा । “अरहतो”तिआदि विस्सज्जनं । हि-सद्धो “यस्मा”ति इमस्स अत्थे । यस्मा पुथुज्जना वा सेखा वा अरहतो मग्गचित्तं, फलमानसज्ज जानितुं न सक्कोन्ति, तस्माति अत्थो । अयञ्च नेसं असमत्थता अनधिगतत्ता अनधिगते च विसये सब्बेसम्पि मोहो अत्थेवाति दस्सेतुं “पुथुज्जनो न जानाती”तिआदि वुत्तं । सोतापन्नस्स मानसन्ति सोतापन्नस्स पाटिपुग्गलिकं मग्गफलसङ्घातलोकुत्तरमानसं । एवं “सकदागामिस्स मानस”न्तिआदीसुपि । लोकियमानसं पन अरहन्तस्सापि जानाति । तथा हि वुत्तं “अथ खो मारो पापिमा भगवतो चेतसा चेतोपरिवितक्कमज्जाया”ति । वुत्तमेवत्थं सङ्घिपित्वा दस्सेन्तो आह “हेट्ठिमो हेट्ठिमो”तिआदि । यथेव हेट्ठिमो हेट्ठिमो पुग्गलो उपरूपरि चित्तं न जानाति, एवं उपरिमो उपरिमोपि हेट्ठिमस्स हेट्ठिमस्स चित्तं न जानातीति चे? नो न जानाति, सो पन अत्तना अधिगतविसयत्ता जानातियेवाति दस्सेन्तो आह “उपरूपरी”तिआदि । यथा “उपरूपरी”ति वुत्तं, एवं “हेट्ठिमस्स हेट्ठिमस्सा”ति वत्तब्बे एकं हेट्ठिम-सदं च-सद्धेन सङ्गहेत्वा “हेट्ठिमस्स च मानस”न्ति वुत्तं ।

३३९-४१. एवम्पि विसयीपधानवसेन विभागं दस्सेत्वा इदानीं विसयप्पधानवसेन दस्सेतुं “यो धम्मो”तिआदि वुत्तं । कुसलमेव आरम्मणन्ति कुसलारम्मणं । कामेति पदं उभयत्थ सम्बन्धितब्बं “कामे कुसलारम्मणं कामे

कुसलाकुसलस्सा'ति । किञ्चापि हि अकुसलस्स एकन्तकामावचरत्ता न एतस्स विसेसितब्बता अत्थि, कुसलं पन विसेसितब्बमेवाति तं अपेक्खाय “कामे”ति उपरिपदेन सम्बन्धितब्बमेव । अथ वा अकुसलसहचरियतो कुसलम्पि कामावचरमेव गह्हातीति “कामे”ति इदं पुरिमपदस्सेव विसेसनं दट्ठब्बं ।

कामावचरपाकस्साति पञ्चविज्जाणसम्पटिच्छनानं एकन्तेन रूपक्खन्धारम्मणत्ता तदवसेसस्स एकादसविधस्स कामावचरविपाकस्स । **कामक्रियस्सा**ति वुत्तनयेनेव मनोधातुवज्जितस्स दसविधकामावचरकिरियचित्तस्स । **एतेसं...पे०...** **आरम्मणं** सियाति एत्थ कुसलस्स ताव अत्तना कतस्स दानादिकामावचरकुसलस्स पसन्नचित्तेन अनुस्सरणकाले, तथेव परेहि कतस्स अनुमोदनकाले, तस्सेव दुविधस्सापि अनिच्चतादिवसेन पच्चवेक्खणकाले, चेतोपरियजाणादीनं परित्तकुसलारम्मणिकअभिज्ज्ञानं परिकम्मादिकाले च आरम्मणं होति । अकुसलेसु च चतुन्नं दिट्ठिगतसम्पयुत्तानं कामावचरकुसलं आरब्ध अस्सादनाभिनन्दनपरामसनकाले, दिट्ठिविप्पयुत्तानं केवलं अस्सादनादिकाले च द्विन्नं पटिघसम्पयुत्तानं अत्तना, परेहि च कतकुसलमारब्ध विप्पटिसारदुस्सनकाले, विचिकिच्छाचित्तस्स असन्निट्ठानकाले, उद्धच्चसहगतस्स अवूपसमविकखेपकाले च आरम्मणं होति । अभिज्ज्ञाचित्तद्वये कुसलस्स सेखपुथुज्जनानं अत्तना, परेहि वा कतकुसलस्स अनुस्सरणकाले, परचित्तविजाननकाले, “इमिना पुज्जकम्मेन मनुस्सेसु, कामावचरदेवेसु च निब्बत्तती”ति जाननकाले, “अनागते दानादीनि पुज्जानि करोमि, करिस्सती”ति जाननकाले च किरियचित्तस्सापि खीणासवानं अत्तना, परेहि वा कतकम्मानुस्सरणकालादीसु आरम्मणं होति । कामावचरविपाकेसु नवन्नं सुगतिपटिसन्धीनं कम्मकम्मनिमित्तारम्मणिकपटिसन्धिकाले, सब्बेसम्पि तदारम्मणानं कामावचरकुसलारम्मणिकजवनानन्तरं तदारम्मणकाले च आरम्मणं होतीति । दसविधकामावचरकिरियासु च अट्ठन्नं महाकिरियचित्तानं खीणासवानं कामावचरकुसलपच्चवेक्खणसम्मसनकाले, परित्तारम्मणिककिरियाभिज्ज्ञानं परिकम्मादिकाले, हसितुप्पादस्स दानादिं पच्चवेक्खित्वा तुस्सनकाले, मनोद्वारावज्जनस्स पन कामावचरकुसलारम्मणिकजवनानं पुरेचारिककाले च आरम्मणं होतीति एवं कामावचरकुसलं छन्नं रासीनं आरम्मणं होति ।

३४२. ततोति यथावुत्तरासितो । तेनाह “**पञ्चन्नं पन रासीनं**”न्ति । एत्थ च किरियचित्तेसु हसितुप्पादो न सम्भवति एकन्तपरित्तारम्मणत्ता । तत्थ कामावचरकुसलस्स ताव सेखपुथुज्जनानं ज्ञानपच्चवेक्खणसम्मसनकाले, रूपावचरकुसलारम्मणिकअभिज्ज्ञानं परिकम्मादिकाले, अकुसलस्स वुत्तनयेन परामसनादिकाले, अभिज्ज्ञासु कुसलाभिज्ज्ञाय सेखपुथुज्जनानं अत्तना, परेहि वा अतीतभवे उप्पादितज्ञानानुस्सरणकाले, परेसं रूपावचरचित्तपरिच्छिन्दनकाले, “इमिना कम्मेन इमस्मिं ब्रह्मलोके निब्बत्तिस्सती”ति जाननकाले च “अनागते ज्ञानं भावेस्सती”ति वा जाननकाले, किरियाभिज्ज्ञाय च खीणासवानं यथावुत्तवसेन पवत्तिकाले च नवविधस्स पन किरियचित्तस्स खीणासवानं हेट्ठा वुत्तनयेन रूपावचरकुसलपच्चवेक्खणकालेति एवं रूपावचरकुसलं पञ्चन्नं रासीनं आरम्मणं होति ।

३४३-७. आरुप्पकुसलज्चापि आरम्मणपच्चयो होतीति सम्बन्धो । **तेभूमककुसलस्सा**ति सब्बस्स कामावचरकुसलस्स, रूपावचरकुसलेसु कुसलाभिज्ज्ञाय, अरूपावचरकुसलेसु दुतियचतुत्थकुसलस्स चाति इमस्स तेभूमककुसलस्स । एस नयो “**तेभूमकक्रियस्सा**”ति एत्थापि । “चतुत्थदू”न्ति वा “चतुत्थदुतियान”न्ति वा वत्तब्बे गाथाबन्धवसेन विभक्तिया, सविभक्तिस्स वा तिय-सदस्स लोपं कत्वा “**चतुत्थदू**”ति वुत्तं । **इमेसं...पे०... पच्चयो**ति कामावचरकुसलस्स, ताव अभिज्ज्ञाकुसलस्स च रूपावचरारम्मणेसु वुत्तनयेन दुतियचतुत्थारुप्पस्स पठमततियवसेनाति एवं तेभूमककुसलस्स तथा सेखपुथुज्जनकाले अत्तनो सन्तानगतस्स, परसन्तानगतस्स वा आरुप्पकुसलस्स पजाननकाले

कामावचररूपावचरकिरियचित्तस्स सेखपुथुज्जनकालेयेव अत्तना निब्बत्तितं पठमततियारुप्पं आरम्भ
खीणासवकाले दुतियचतुत्थारुप्पनिब्बत्तने अरूपकिरियचित्तस्साति एवं तेभूमककिरियस्स हेट्ठा वुत्तनयेनेव अकुसलस्स,
चतुत्थदुतियानञ्च अरूपावचरविपाकानन्ति एवमेतेसं अट्ठन्नं रासीनं अरूपकुसलमारम्भणं होति ।

परिच्छिज्ज गाहिकाय तण्हाय आपन्नन्ति परियापन्नं, तेभूमकधम्मजातं, न परियापन्नन्ति अपरियापन्नं, तदेव
पुज्जञ्चाति **अपरियापन्नपुज्जं** । कामावचरतोपि कुसलस्स किरियस्साति सम्बन्धो । **रूपतोति** रूपावचरतो । **चतुन्नं...**
पे०... सदाति सेखानं मग्गपच्चवेक्खणकाले मग्गारम्मणिककुसलाभिज्जाय परिकम्मादिकाले जाणसम्पयुत्तकुसलस्स,
खीणासवानं मग्गपच्चवेक्खणकाले मग्गारम्मणिककिरियाभिज्जाय च परिकम्मकाले जाणसम्पयुत्तकिरियचित्तस्स, तेसं
तेसं जवनानं पुरेचरवसेन पवत्तिकाले मनोद्वारावज्जनस्स, सेखानं अत्तनो, परेसं वा मग्गजाननकाले अभिज्जाद्वयस्साति
एवमेतेसं चतुन्नं रासीनं अपरियापन्नकुसलमारम्भणं होति ।

तथेवाकुसलं... पे०... ईरितन्ति सेखानं पहीनावसिद्धिकिलेसपच्चवेक्खणकाले, सेखपुथुज्जनानं अत्तनो, परेसं वा
सन्तानप्पवत्ताकुसलसम्मसनकाले, अकुसलारम्मणिककुसलाभिज्जाय परिकम्मादिकाले कामावचरकुसलस्स, अत्तनो,
परेसं वा पवत्तअकुसलानुस्सरणादीसु रूपावचरकुसलस्स, खीणासवानं
पहीनकिलेसपच्चवेक्खणअज्जसन्तानगतअकुसलसम्मसनादिकाले, पहीनकिलेसपच्चवेक्खणेन तुस्सनकाले, सब्बेसम्पि
तंतंजवनानं पुरेचरकाले च कामावचरकिरियचित्तस्स, कुसलाभिज्जाय वुत्तनयेन रूपावचरकिरियचित्तस्स,
परामासअस्सादनाभिनन्दनादिवसेन पवत्तियं अकुसलस्स, उद्भच्चरहितकम्मारम्भणवसेन अकुसलविपाकसन्तीरणस्स,
कामावचरजवनानं अनुस्सरणकाले सब्बम्पि एकादसतदारम्मणविपाकस्साति एवं कामावचरविपाकानन्ति एवमेतेसं छन्नं
रासीनं अकुसलमारम्भणं होति ।

३४८-५६. विपाकारम्भणं... पे०... पच्चयोति सेखपुथुज्जनानं विपाकसम्मसनादिकाले कामावचरकुसलस्स,
विपाकक्खन्धानुस्सरणादीसु रूपावचरकुसलस्स, वुत्तनयेनेव खीणासवानं विपाकसम्मसनादिकाले, पुथुज्जनकाले
अनिट्ठविपाकाभावं आरम्भ तुस्सनकाले, यथावुत्तजवनानं पुरेचरकाले कामावचरकिरियचित्तस्स, कुसलेसु वुत्तनयेनेव
रूपावचरकिरियचित्तस्स, विपाकं आरम्भ तदारम्मणपवत्तियं विपाकारम्मणिककम्मुना पटिसन्धिं गणहन्तस्स
कम्मनिमित्तवसेन पवत्तियञ्च कामावचरविपाकस्स, अस्सादनाभिनन्दनपरामासादिवसेन पवत्तियं अकुसलस्साति
एवमेतेसं छन्नं रासीनं कामावचरविपाकमारम्भणपच्चयो होतीति । रूपावचरविपाकारम्भणेपि इमिनाव नयेन योजना
कातब्बा । केवलज्झि तं कामावचरविपाकानं किरियचित्तेसु च हसितुप्पादस्सारम्भणं न होतीति अयमेत्थ विसेसो ।
लोकुत्तरविपाकस्स कामावचरकुसलकिरियानमारम्भणक्कमो अप्पमाणारम्भणनिद्देसे वुत्तनयेन वेदितब्बो ।

कामावचरकिरियचित्तस्स कामावचरकुसलादीनं छन्नं रासीनमारम्भणक्कमो कुसलारम्भणे वुत्तसदिसोव । केवलज्झि
एत्थ यदेतं खीणासवसन्तानस्सेव नियतं नवविधं किरियचित्तं, तं परसन्तानप्पवत्तकुसलाकुसलस्स, ससन्तानेव
सेखपुथुज्जनकाले अनागतारम्मणिकअभिज्जाय परिकम्मादिवसप्पवत्तकुसलस्स आरम्भणं होति । विपाकेसु च
पटिसन्धिभवङ्गचुतिसङ्घातानं विपाकानं कम्मारम्भणवसेन आरम्भणं न होतीति अयमेव विसेसो ।

रूपावचरकिरियचित्तस्स पञ्चन्नं रासीनं आरम्भणक्कमो कुसलारम्भणे वुत्तसदिसोव । विसेसोपि
कामावचरकिरियारम्भणे वुत्तनयेनेव वेदितब्बो । आरुप्पकिरियचित्तस्सापि तेसं पञ्चन्नं रासीनं गोचरभावो वुत्तसदिसोव ।
आरुप्पकिरियस्स पन पठमततियं दुतियचतुत्थस्सेव गोचरो होति ।

३५७-८. एवं रूपनिब्बानवज्जितमारम्मणं दस्सेत्वा इदानीं रूपारम्मणं, निब्बानारम्मणञ्च दस्सेतुं “**रूपं चतुसमुद्धानं**”न्तिआदि आरब्धं । रूपन्ति अट्टवीसतिविधो भूतोपादायभेदभिन्नो रूपवखन्धो । किञ्चापि न सब्बमेव रूपं पच्चेकं चतुसमुद्धानं, समुदितो पन रूपवखन्धो चतूहि एव समुद्धानेहि समुद्घातीति कत्वा वुत्तं “**चतुसमुद्धानं**”न्ति । **कामपाककिरियस्साति** कामावचरविपाकस्स, कामावचरकिरियचित्तस्स च, तत्थ च कामावचरकुसलस्स ताव वण्णदानादिपुञ्जकिरियकाले, वण्णादीनं अनिच्चादिवसेन सम्मसनकाले, अभिज्जाय परिकम्मादिकाले, अकुसलस्स अस्सादनाभिनन्दनपरामासादिकाले, अभिज्जाद्वयस्स इद्धिविधभूतस्स सुवण्णदुब्बण्णादिरूपनिम्मानकाले, पुब्बेनिवासानुस्सतिभूतस्स “पुरिमभवे एवंवण्णो अहोसि”न्तिआदिना अनुस्सरणकाले, दिब्बचक्खुभूतस्स चवमानउपपज्जमानसत्तानं वण्णदस्सनकाले, दिब्बसोतभूतस्स सद्दसवनकाले, अनागतंसजाणभूतस्स “अनागते एवंवण्णो भविस्सामी”तिआदिना जाननकाले, कामावचरविपाकेसु द्विपञ्चविज्जाणसम्पटिच्छनद्वयस्स यथायोगं रूपादिविजाननकाले, सुखसन्तीरणस्स सन्तीरणतदारम्मणकाले, उपेक्खासन्तीरणद्वयस्स सन्तीरणतदारम्मणकम्मनिमित्तगतिनिमित्तारम्मणकाले, सहेतुकविपाकस्स कम्मनिमित्तगतिनिमित्तारम्मणकाले, तदारम्मणकाले च, कामावचरकिरियासु पन कुसले वुत्तनयानुसारेण अट्टमहाकिरियचित्तस्स, “एवरूपं वण्णादिमदासि”न्ति तुस्सनकाले हसितुप्पादस्स, पञ्चद्वारावनोद्वारेसु वोडुब्बनावज्जनकाले मनोद्वारावज्जनस्स, पञ्चद्वारे आवज्जनकाले पञ्चद्वारावज्जनस्स च आरम्मणं होतीति एवं चतुसमुद्धानिकं रूपं छन्नं रासीनमारम्मणं होति ।

३५९-६०. निब्बानं पन गोत्रभुवोदानकाले, निब्बानारम्मणिकअभिज्जाय परिकम्मादिकाले च कामावचरतिहेतुककुसलस्स, अतीतभवे सच्छिकतनिरोधानुस्सरणकालादीसु रूपावचरकुसलस्स, वुत्तनयेनेव कामरूपावचरकिरियचित्तस्स, मग्गद्धानं तदनन्तरफलवळज्जनफलकालेसु अपरियापन्नकुसलविपाकस्स चाति एवं छन्नं रासीनं आरम्मणं होतीति दस्सेतुं “**निब्बानारम्मणं**”न्तिआदि वुत्तं । **उभयस्साति** कामावचररूपावचरवसेन दुविधस्स ।

३६१-२. नानप्पकारकन्ति द्वादसमपरिच्छेदे वक्खमाननयेन नानाविधप्पकारं । नवन्नं...पे०... पच्चयोति कामावचरकुसलस्स, अकुसलस्स, हसितुप्पादमनोधातुवज्जितकामावचरकिरियचित्तानञ्चेव द्विन्नं अभिज्जाचित्तानञ्च सब्बापि पञ्जत्ति, रूपावचरकुसलविपाककिरियानं कसिणनिमित्तादिका, पठमारुप्पकुसलविपाककिरियानं आकासपञ्जत्ति, ततियारुप्पकुसलादीनं तिण्णं अभावपञ्जत्तीति एवं पञ्जत्ति नवन्नं रासीनं आरम्मणपच्चयो होतीति ।

३६३-५. एवं यो धम्मो यस्स धम्मस्स आरम्मणं होति, तं एकेकुद्धारवसेन दस्सेत्वा इदानीं सब्बे चतुभूमकचित्तुप्पादे छहि आरम्मणेहि योजेत्वा दस्सेतुं “**रूपारम्मणिका द्वे**”तिआदि गाथात्तयं वुत्तं । तं हेट्ठा वुत्तत्थमेव ।

३६६-९. “**पठमारुप्पकुसल**”न्तिआदि पन हेट्ठा वुत्तनयम्पि अरूपावचरारम्मणेसु अरूपावचरधम्मानं सेखासेखवसेन नानप्पकारतो पवत्तिआकारं पकासेतुं वुत्तं । **कुसलस्साति** सेखपुथुज्जनानं दुतियारुप्पकुसलस्स । विपाकस्स पन खीणासवानं पवत्तमानस्सापि आरम्मणं होति तस्स पुरिमभवे कम्मनिमित्तारम्मणत्ता । अरूपभवे अतिसन्तभावेन पवत्तमानं भवङ्गचित्तं न भावनाय परिसुद्धं उपद्घातीति आह “**पठमारुप्पपाको**”तिआदि । पठमं तु किरियचित्तं पुञ्जस्स दुतियारुप्पचेतसो आरम्मणं न होति, विपाकस्स दुतियारुप्पचेतसो आरम्मणं न होतीति सम्बन्धो । तत्थ खीणासवकाले कस्सचि कुसलस्स अभावतो “**न पुञ्जस्सा**”ति वुत्तं । आकासानज्जायतनकिरियासमङ्गिस्स विज्जाणज्जायतनविपाकचित्तं न पवत्ततीति “**न पाकस्सा**”ति वुत्तं । खीणासवस्स दिट्ठधम्मसुखविहारत्थं, निरोधसमापज्जनत्थञ्च समापत्तियो समापज्जन्तस्स पठमारुप्पकिरियचित्तं दुतियस्स आरम्मणं होतीति आह “**पठमं तु**

क्रियाचित्त’”न्तिआदि ।

३७०-३. “द्विधा”ति च वत्वा तमेव दुविधतं, तिविधतञ्च दस्सेतुं “कुसलं कुसलस्सा”ति, “क्रियस्सापि क्रिया होती”ति च आदि वुत्तं । तं वुत्तनयमेव । एवमेव ...पे०... सियाति पठमारुप्पचित्ते वुत्तनयेन सेखपुथुज्जनानं द्विधा, खीणासवानञ्च तिधा आरम्भणं भवतीति अत्थो ।

३७४-५. यं यं गोचरं आरब्भाति रूपारूपनिब्बानपञ्चत्तीसु यं यं गोचरं आरब्भ । ये येति अरूपधम्मा । यो नरोति यो गहट्ठो, पब्बजितो वा माणवो । किराति अनुमतिं । तस्स “उत्तरतेवा”ति इमिना सम्बन्धो । पारन्ति अवसानं । तं इमस्स परमनिपुणगम्भीरनयसमङ्गिताय याथावतो ओतरन्तेहि अकसिरेन तरितुं असक्कुण्येयत्ता दुप्पापुणेय्यन्ति कत्वा आह “दुत्तर”न्ति । उत्तरन्ति उत्तमं । अभिधम्मावतारस्स हि उत्तमताय तदेकदेसभूतपारम्पि उत्तममेव होति । सोति सो समुत्तिण्णाभिधम्मावतारपारो नरो । उत्तरतेव, न पन न सक्कोति तं उत्तरितुन्ति अत्थो ।

इति अभिधम्मत्थविकासिनिया नाम

अभिधम्मावतारसंवण्णनाय

आरम्भणविभागनिद्देसवण्णना निट्ठिता ।

७. सत्तमो परिच्छेदो

विपाकचित्तप्पवत्तिनिद्देसवण्णना

३७६. अनन्तज्जाणेनाति अनन्तारम्भणे पवत्तज्जाणेन । निरङ्गणेनाति एत्थ रागादयो अकुसला अङ्गन्ति एतेहि तंसमङ्गिनो पुग्गला निहीनभावं गच्छन्तीति अङ्गणाति वुच्चन्ति । यथाह —

“रागो अङ्गणं, दोसो अङ्गणं, मोहो अङ्गणं, पापकानं खो, आवुसो, अकुसलानं इच्छावचरानं अधिवचनं यदिदं अङ्गण”न्ति च आदि (विभ० ९२४) ।

अत्तनो सन्ताने सीलादिगुणे एसी गवेसीति गुणेसी, तेन गुणेसिना । करुणायं नियुत्तो, सा अस्स अत्थीति वा कारुणिको, तेन कारुणिकेन । एत्थ च “अनन्तज्जाणेना”ति इमिना भगवतो सब्बज्जुभावमाह, “निरङ्गणेना”ति खीणासवभावं, “गुणेसिना”ति पुब्बचरियं, “कारुणिकेना”ति महाकरुणासमङ्गिभावं । एत्तकेन पन थोमनेन भगवतो विपाकदेसनाय निय्यानिकादिभावं दीपेति । असब्बज्जुना हि देसितं अनिय्यानिकं होति, अखीणासवेन देसितं न पाकटं, अपुञ्जवता देसितं नप्पतिट्ठाति, अकारुणिकेन वुत्तं सुखदायकं न होति । भगवतो पन सब्बज्जुभावतो तेन देसितं निय्यानिकं, खीणासवत्ता पाकटं, पुञ्जवन्तताय पतिट्ठाति, महाकरुणासमङ्गिताय सुखदायकन्ति । चित्तप्पभवन्ति विपाकचित्तानं उप्पत्तिं ।

३७७-८६. इदानि विपाककथाय मातिकावसेन अट्ठकथाय ठपिते दसप्पकारे दस्सेतुं “एकूनतिस कम्मानी”तिआदि वुत्तं । तत्थ यथारद्धाय विपाककथाय मूलकारणभावतो “एकूनतिस कम्मानी”ति पठमं कम्मववत्थानं

कतं । कम्मे पन कथिते विपाककथाय अधिद्वानभूता विपाकापि कथेतब्बाति “पाका द्वत्तिस दस्सिता”ति दुतियं विपाकववत्थानं कतं । कम्मविपाकानञ्च अद्वारेसु अदिस्सनतो “तीसु...पे०... दिस्सरे”ति ततियं कम्मद्वारविपाकद्वारा वुत्ता । कम्मविपाकानं वचनप्पसङ्गेयेव एकस्सेव कम्मस्स तं तं पच्चयमागम्म अनेकफलनिष्पादनं दस्सेतुं “कुसलं...पे०... विविधं फल”न्ति चतुत्थं कामावचरकुसलस्स पवत्तिपटिसन्धीसु नानाफलनिष्पादनं वुत्तं । एवं वुत्ते पन पवत्तिपटिसन्धीनं लब्धमानविपाकवसेन वुत्तभावं अजानन्ता —

“तस्सेव कम्मस्स विपाकावसेसेना”ति ।
 “एकं पुप्फं चजित्वान, असीतिकप्पकोटियो ।
 दुग्गतिं नाभिजानामी”ति ॥ च —

एवमादिवचनस्स ब्यञ्जनच्छायाय अत्थं गहेत्वा दिन्नपटिसन्धिकायपि चेतनाय पुन पटिसन्धिदानं मज्जेय्युन्ति “एकाय... पे०... पकासिता”ति पञ्चमं एकेन कम्मेन एकस्सायेव पटिसन्धिया निब्बत्तनं वुत्तं । एकस्मिं भवे नानाकम्मस्स विपाकप्पवर्तिं सुणन्ता “दिस्वा कुमारं सतपुञ्जलक्खण”न्ति आदिवचनस्स अत्थं अजानन्ता “नानाकम्मेन एकाव पटिसन्धि होती”ति चिन्तेय्युन्ति “नाना...पे०... पटिसन्धियो”ति छट्ठं नानाकम्मस्स नानापटिसन्धिदानं वुत्तं । तथा विपच्चन्तस्स च एकस्स कम्मस्स सोळस विपाकानि द्वादसमगो अहेतुकट्टकम्पीति अयं विपाकविभागो हेतुभेदवसेन होतीति दस्सनत्थं “तिहेतुकं...पे०... न च होति तिहेतुका”ति सत्तमं अट्ठकथाय आगतहेतुकित्तनं दस्सितं । तं पन हेतुकित्तनं एकेकस्स कम्मस्स विपाकविभागदस्सनत्थन्ति । इदानीं तिपिटकचूळनागत्येरस्स,
 मोरवापिवासिमहादत्तत्येरस्स, तिपिटकमहाधम्मरक्खितत्येरस्साति तिण्णं थेरानं वादेसु “एकाय चेतनाय द्वादस विपाकानि एत्थेव दसकमगो अहेतुकट्टकम्पी”ति आगतस्स दुतियत्येरवादस्स, “एकाय चेतनाय दस विपाकानि एत्थेव अहेतुकट्टकम्पी”ति आगतस्स ततियत्येरस्स वादस्स च न सम्मापतिट्ठितत्ता सुप्पतिट्ठितस्स पठमत्येरवादस्स वसेन दस्सेतुं विपाकेसु असङ्खारसङ्खारविधानं पच्चयबलेन होति, नो कम्मबलेनाति दीपनत्थं अट्ठमं, “असङ्खारसङ्खार”न्ति आदिना कम्मेन सह असमानम्पि कत्वा सङ्खारभेदो वुत्तो । कम्मस्स सोमनस्सुपेक्खासहगतभावेपि आरम्मणवसेनेव विपाकवेदनाय परिवत्तनं दस्सेतुं “आरम्मणेन...पे०... परिवत्तन”न्ति नवमं आरम्मणेन वेदनापरिवत्तनं वुत्तं । कम्मवसेन चेव आरम्मणवसेन च अनियतस्स तदारम्मणस्स जवनवसेन नियमदस्सनत्थं “तदारम्मण...पे०... नियामित”न्ति दसमं जवनेन तदारम्मणनियमो वुत्तोति ।

एकूनत्तिस कम्मानीति कुसलाकुसलवसेन वीसति परित्तानि, नव महग्गतानीति एकूनत्तिस कम्मानी । यस्मा पनेसा वट्टवसेन विपाककथा, तस्मा लोकुत्तरकुसलं वज्जेत्वा एकूनत्तिसेव कम्मानी वुत्तानि । एवं “पाका द्वत्तिसा”ति एत्थापि तेवीसति परित्ता, नव महग्गताति पाका द्वत्तिस । तीसु द्वारेसूति कायवचीमनोद्वारवसेन तीसु कम्मद्वारेसु । कम्मद्वारववत्थानं हेट्ठा सङ्खेपतो दस्सितमेव । वित्थारतो पनेतं अट्ठसालिनिया धम्मसङ्गहट्टकथाय (ध० स० अट्ठ० १ कायकम्मद्वार), तंसंवण्णनादितो च गहेतब्बं । कामं कम्मानीपि छसु द्वारेसु पवत्तन्ति, पञ्चद्वारप्पवत्तानि पन अविपाकानि, मनोद्वारद्वारत्तयवसेन भिन्नानं विपाकदायकानमेव सङ्गहन्तत्थं “तीसु द्वारेसू”ति वुत्तं । छसूति चक्खुद्वारादीनि पञ्च, मनोद्वारञ्चाति छसु विपाकद्वारेसु ।

तं तं पच्चयमागम्माति कालसम्पदादिकं तं तं पच्चयमागम्म । तेनाहु पोराणा —

“कालोपधिप्पयोगानं, गतिया च यथारहं ।

सम्पत्तिञ्च विपत्तिञ्च, कम्ममागम्म पच्चती”ति॥

अथ वा तं तं पच्चयन्ति सोमनस्सादिहेतुभूतं तं तं सहकारिपच्चयं । विविधं फलन्ति सोमनस्सुपेक्खासहगतसहेतुकाहेतुकअसङ्खारससङ्खारवसेन नानप्यकारफलं । एकाय चेतनायाति उपपज्जवेदनीयभूताय, अपरापरियवेदनीयभूताय वा एकाय चेतनाय । दिट्ठधम्मवेदनीयभूता पन पवत्तिविपाकमेव निब्बत्तेति, नो पटिसन्धिं ।

किञ्चापि “तिहेतुक”न्ति अविसेसेन वुत्तं, उक्कट्टमेव पन तिहेतुककम्मं तिहेतुकविपाकं देति, तथा दुहेतुकम्मि उक्कट्टमेव दुहेतुकविपाकं देति । ओमकं पन तिहेतुककम्मं दुहेतुकुक्कट्टसदिसं, दुहेतुकाहेतुकमेव विपाकं देति । तथा दुहेतुकम्मि अहेतुकमेव विपाकं देतीति । उक्कट्टोमकविभागो च पनेस कुसलाकुसलपरिवारलाभतो, आसेवनविपटिसारप्पवत्तिया वा दट्ठब्बो । यज्झि कम्मं अत्तनो पवत्तिकाले पुरिमपच्छाभागप्पवत्तेहि कुसलधम्मोहि परिवारितं, पच्छा वा आसेवनलाभेन समुदाचिण्णं, तं उक्कट्टं । यं पन करणकाले अकुसलधम्मोहि परिवारितं, पच्छा वा “दुक्कटं मया”ति विपटिसारुप्पादनेन परिभावितं, तं ओमकं नाम होति ।

अथेत्य यथावुत्तविधानं किं पटिसन्धिपवत्तीनं अविसेसेन, उदाहु पवत्तिवसेनेवाति चे? पवत्तिवसेनेव, पटिसन्धियं पन अयं विसेसोति दस्सेन्तो आह “तिहेतुकेना”तिआदि । एत्थापि तिहेतुकुक्कट्टकम्मोनेव तिहेतुकपटिसन्धि होति, ओमकेन पन दुहेतुकुक्कट्टेन च दुहेतुका पटिसन्धि, दुहेतुकोमकेन पन अहेतुकावाति अयं विसेसो वेदितब्बो । यस्मा पनेत्थ जाणं जच्चन्धादिविपत्तिनिमित्तस्स मोहस्स, सब्बाकुसलस्स वा पटिपक्खं, तस्मा तंसम्पयुत्तं कम्मं जच्चन्धादिविपत्तिपच्चयं न होतीति तिहेतुकं अतिदुब्बलम्मि समानं दुहेतुकपटिसन्धिमेव आकट्ठति, नाहेतुकन्ति आह “न च होति अहेतुका”ति । यस्मा पटिसम्भिदामग्गे सुगतियं जच्चन्धबधिरादिविपत्तिया अहेतुकूपपत्तिं वज्जेत्वा गतिसम्पत्तिया अहेतुकूपपत्तिं दस्सेन्तेन धम्मसेनापतिना —

“गतिसम्पत्तिया जाणसम्पयुत्ते अट्ठन्नं हेतूनं पच्चया उपपत्ति होति, गतिसम्पत्तिया जाणसम्पयुत्ते कतमेसं अट्ठन्नं हेतूनं पच्चया उपपत्ति होति? कुसलस्स कम्मस्स जवनक्खणे तयो हेतू कुसला तस्मिं खणे जातचेतनाय सहजातपच्चया होन्ति, तेन वुच्चति कुसलमूलपच्चयापि सङ्खारा । निकन्तिक्खणे द्वे हेतू अकुसला तस्मिं खणे जातचेतनाय सहजातपच्चया होन्ति, तेन वुच्चति अकुसलमूलपच्चयापि सङ्खारा । पटिसन्धिक्खणे तयो हेतू अब्याकता तस्मिं खणे जातचेतनाय सहजातपच्चया होन्ति, तेन वुच्चति नामरूपपच्चयापि विज्जाणं, विज्जाणपच्चयापि नामरूप”न्ति (पटि० म० १.२३१-२३२) —

एवं जवनक्खणे तिण्णं हेतूनं पच्चया जाणसम्पयुत्तविपाकुप्पत्ति वुत्ता, न पन “जवनक्खणे द्विन्नं हेतूनं पच्चया”ति, तस्मा तिहेतुककम्मोनेव तिहेतुकपटिसन्धि होति, न दुहेतुकेनाति आह “दुहेतुकेन...पे०... न च होति तिहेतुका”ति । यदि हि दुहेतुककम्मेन तिहेतुकपटिसन्धि सिया, यथा “अट्ठन्नं हेतूनं पच्चया उपपत्ति होती”ति वत्वा तस्स विभङ्गो कतो, एवं “गतिसम्पत्तिया जाणसम्पयुत्ते सत्तन्नं हेतूनं पच्चया उपपत्ति होति । गतिसम्पत्तिया जाणसम्पयुत्ते कतमेसं सत्तन्नं हेतूनं पच्चया उपपत्ति होति? कुसलस्स कम्मस्स जवनक्खणे द्वे हेतू कुसला तस्मिं खणे...पे०... सङ्खारा, निकन्तिक्खणे द्वे हेतू अकुसला तस्मिं खणे...पे०... सङ्खारा, पटिसन्धिक्खणे तयो हेतू अब्याकता तस्मिं खणे...पे०... नामरूप”न्ति सत्तन्नं हेतूनं पच्चया जाणसम्पयुत्तूपपत्तिं वत्वा तस्स विभङ्गो कातब्बो सिया, न च पनेवं अत्थि, तस्मा विज्जायति “दुहेतुककम्मेन तिहेतुकपटिसन्धि न होती”ति ।

यदि एवं —

“गतिसम्पत्तिया आणविप्पयुत्ते छन्नं हेतूनं पच्चया उपपत्तिं होति । गतिसम्पत्तिया आणविप्पयुत्ते कतमेसं... पे०... होति? कुसलस्स कम्मस्स जवनक्खणे द्वे हेतू कुसला तस्मिं खणे...पे०... सङ्खारा । निकन्तिक्खणे द्वे हेतू अकुसला तस्मिं खणे...पे०... सङ्खारा । पटिसन्धिक्खणे द्वे हेतू अब्याकता तस्मिं खणे...पे०... नामरूप”न्ति —

एवं दुहेतुककम्मेन दुहेतुकूपपत्तिं उद्धरित्वा “गतिसम्पत्तिया आणविप्पयुत्ते सत्तन्नं हेतूनं पच्चया उपपत्तिं होति । गतिसम्पत्तिया आणविप्पयुत्ते कतमेसं सत्तन्नं हेतूनं पच्चया उपपत्तिं होति? कुसलस्स कम्मस्स जवनक्खणे तयो हेतू कुसला तस्मिं खणे...पे०... सङ्खारा । निकन्तिक्खणे द्वे हेतू अकुसला तस्मिं खणे...पे०... सङ्खारा । पटिसन्धिक्खणे द्वे हेतू अब्याकता तस्मिं खणे...पे०... नामरूप”न्ति एवं तिहेतुककम्मेन दुहेतुकपटिसन्धियापि अनुद्धटता सापि न होतीति चे? नो न होति, दुहेतुकोमकम्मेन अहेतुकपटिसन्धिया विय तिहेतुकोमकेन दुहेतुकपटिसन्धियाव दातब्बत्ता, कम्मसरिक्खकविपाकदस्सनत्थं पन महाथेरेन पाठो सावसेसो कतो ।

यदि एवं पुरिमवुत्तेहि इदं समानं कम्मसरिक्खकताभावतोति दुहेतुककम्मेन तिहेतुकपटिसन्धि न उद्धटा, न पन अलब्धनतोति? तं न, अकुसलकम्मस्स अलोभसम्पयोगाभावतो, अलोभफलुप्पादने विय आणविप्पयुत्तस्स आणफलुप्पादने असमत्थभावतो । पज्जाबलसम्पयोगतो हि तंजाणफलुप्पादने समत्थं होति ।

एत्थाह — किं पनेतं कम्ममेव पटिसन्धिं देन्तं अत्तना सदिसवेदनमेव देति, उदाहु विसदिसवेदनम्पीति? दुहेतुकोमकमेव विसदिसवेदनं देति, इतरं पन सदिसवेदनमेव । तथा हि **पपञ्चसूदनिया** मज्झिमवुक्कथाय महाकम्मविभङ्गसुत्ते सुखवेदनीयादिकम्मवण्णनाय —

“कामावचरकुसलतो सोमनस्ससहगतचित्तसम्पयुत्ता चतस्सो चेतना, रूपावचरकुसलतो चतुक्कज्झानचेतनाति एवं पटिसन्धिपवत्तेसु सुखवेदनाय जननतो सुखवेदनीयं कम्मं नाम । कामावचरञ्चेत्थ पटिसन्धियंयेव एकन्तेन सुखं जनेति, पवत्ते पन इट्ठमज्झत्तारम्मणे अदुक्खमसुखम्पि ।

“अकुसलचेतना पवत्ते कायद्वारप्पवत्तदुक्खस्स जननतो दुक्खवेदनीयं कम्मं नाम ।

“कामावचरकुसलतो पन उपेक्खासहगतचित्तसम्पयुत्ता चतस्सो चेतना, रूपावचरकुसलतो चतुत्थज्झानचेतनाति एवं पटिसन्धिपवत्तेसु ततियवेदनाय जननतो अदुक्खमसुखवेदनीयं कम्मं नाम । एत्थ च “कामावचरं पटिसन्धियंयेव एकन्तेन अदुक्खमसुखं जनेति, पवत्ते इट्ठारम्मणे सुखम्पी”ति (म० नि० अट्ठ० ३.३००) —

वुत्तं । ननु च “आरम्मणेन होतेव, वेदनापरिवत्तन”न्ति वचनतो आरम्मणवसेन वेदनानियमो होति, न च सोमनस्ससहगतकम्मेन पटिसन्धिं गणहन्तस्स इट्ठारम्मणमेव कम्मनिमित्तादिकमापाथमागच्छतीति नियमो अत्थि, उपेक्खासहगतकम्मेन वा इट्ठमज्झत्तारम्मणन्ति न सक्का वत्तुं, तस्मा कथं कम्मवसेनेव वेदनानियमोति? वुच्चते — इट्ठादिआरम्मणम्पि आपाथमागच्छन्तं कम्मबलेनेव आगच्छतीति सोमनस्ससहगतकम्मेन पटिसन्धिगहणकाले तस्स बलेन इट्ठारम्मणमापाथमागच्छति, उपेक्खासहगतकम्मेन इट्ठमज्झत्तारम्मणन्ति न न सक्का वत्तुं, तस्मा कम्मवसेन

पटिसन्धिया आरम्भणनियमो, आरम्भणवसेन वेदनानियमोति । अपिच “आरम्भणेन होतेव, वेदनापरिवत्तन”न्ति इदं तदारम्भणं सन्धाय वुत्तन्ति न तेन पटिसन्धिया कम्मसरिक्खकवेदनाभावो पटिक्खिपितुं सक्का, दुहेतुकोमकं पन सोमनस्ससहगतम्पि अत्तनो निहीनताय दुहेतुकफलुप्पादने असमत्थत्ता, अहेतुकाय च अत्तना सदिसवेदनाय पटिसन्धिया असम्भवतो उपेक्खासहगतपटिसन्धिया अनुरूपतो इट्ठमज्झत्तारम्भणमुपट्टपेत्वा तदारम्भणं उपेक्खासहगतमेव पटिसन्धिं देति ।

ननु च “पच्छिमभविकमहाबोधिसत्तानं मेत्तापुब्बभागं सोमनस्सकम्मं पटिसन्धिं देती”ति अट्ठकथासु वुत्तं, महासिवत्थेरो च उपेक्खासहगतजाणसम्पयुत्तअसङ्खारिकविपाकचित्तेन पटिसन्धिं इच्छति । वुत्तहि तेन “सोमनस्ससहगततो उपेक्खासहगतं बलवतरं, तेन पटिसन्धिं गणहन्ति, तेन गहितपटिसन्धिका हि महज्झासया होन्ति तिपिटकचूळनागत्येरो विया”ति, तस्मा सोमनस्ससहगतकुसलतो उपेक्खासहगतपटिसन्धिपि लब्धति यथा च, एवं तथा उपेक्खासहगततो सोमनस्ससहगतापीति कथं कम्मसदिसवेदना पटिसन्धीति? एत्थापि च कम्मम्पि उपेक्खासहगतमेवाति थेरस्स अधिप्पायो सियाति सक्का वत्तुं । अपिचायं वादो महाअट्ठकथायं पटिक्खित्तोव । तथा हि वुत्तं सङ्गहकारेहि “अट्ठकथायं पन अयं थेरस्स मनोरथो, नत्थि एत”न्ति पटिक्खिपित्वा सब्बज्जुबोधिसत्तानं हितूपचारो बलवा होति, तस्मा मेत्तापुब्बभागकामावचरकुसलविपाकसोमनस्ससहगततिहेतुकअसङ्खारिकचित्तेन पटिसन्धिं गणहन्तीति वुत्तन्ति, तस्मा पटिक्खित्तवादं गहेत्वा न सक्का अट्ठकथावचनं चालेतुन्ति सम्पटिच्छितब्बमेवेतं कम्मसदिसवेदना पटिसन्धीति । असम्पटिच्छन्तेहि वा अट्ठकथाय अधिप्पायो साधुकं कथेतब्बोति ।

असङ्खारन्ति असङ्खारिककम्मं । असङ्खारं ससङ्खारम्पि फलं देतीति सम्बन्धो ।

आरम्भणेनाति इट्ठादिआरम्भणेन । वेदनापरिवत्तनन्ति तस्स तस्स आरम्भणस्स अनुरूपतो सोमनस्सादिवेदनाय परिवत्तनं, कुसलविपाकसन्तीरणतदारम्भणानि सन्धाय चेतं वुत्तं । तानि हि इट्ठारम्भणे सोमनस्ससहगतानि, इट्ठमज्झत्ते उपेक्खासहगतानि । अकुसलविपाकं पन सन्तीरणतदारम्भणं अनिट्ठे, अनिट्ठमज्झत्ते च आरम्भणे उपेक्खासहगतमेव । न हि तस्स आरम्भणवसेन वेदनाभेदो अत्थि, हेट्ठा वुत्तनयेन द्वीसुपि उपेक्खासहगतमेव । द्विपञ्चविज्जाणसम्पटिच्छनेसु च ठपेत्वा कायविज्जाणद्वयं सेसानि इट्ठादीसु सब्बत्थ हेट्ठा वुत्तकारणवसेनेव उपेक्खासहगतानि, तथा कायविज्जाणं इट्ठादीसु सुखसहगतं, अनिट्ठादीसु दुखसहगतन्ति । जवनेन नियमितं अट्ठकथायन्ति अधिप्पायो । हेतुनियमनमेव चेत्य जवनवसेन होति वेदनाभेदस्स आरम्भणेनेव, सङ्खारभेदस्स च पच्चयवसेनेव नियमितत्ता । एत्थ च अकुसलविपाकानं विभागाभावतो कुसलविपाकतदारम्भणानमेव आरम्भणजवनपच्चयवसेन नियमनं होति । तं पन सरूपतो एवं वेदितब्बं — तिहेतुकुक्कट्ठकम्मेन हि तदारम्भणं पवत्तमानं कम्मवसेन नियमाभावतो सब्बेसुपि कुसलविपाकतदारम्भणेषु सम्पत्तेसु आरम्भणजवनपच्चयवसेन, आरम्भणजवनवसेनेव वा नियतं एकमेव उप्पज्जति । कथं? तदारम्भणेषु हि आरम्भणवसेन वेदनानियमो होति, जवनवसेन हेतुनियमो, पच्चयवसेन सङ्खारनियमो । अहेतुकेसु पन सङ्खारभेदाभावतो पच्चयवसेन नियमनं नत्थि । तत्थ आरम्भणेन वेदनानियमनं हेट्ठा वुत्तनयेन वेदितब्बं । जवनवसेन हेतुनियमने पन कम्मसरिक्खकहेतुवसेन तिहेतुकानि दुहेतुकानि अहेतुकानीति तीणि जवनानि वेदितब्बानि । तत्थ कम्मसरिक्खकहेतुवसेन तिहेतुकजवनानि नाम कामावचरकुसलकिरियासु जाणसम्पयुत्तजवनानि, दुहेतुकजवनानि नाम जाणविप्पयुत्तजवनानि, अहेतुकानि नाम अकुसलजवनानि चेव किरियाहेतुकजवनञ्च । अकुसलजवनानिपि हि कुसलकम्मसरिक्खकहेतुवसेन अहेतुकानि कुसलहेतूनं तेसु अभावतो ।

तत्थ कम्मस्स जवनसदिसतदारम्मणाभिनिष्पादनसामत्थिये सति तिहेतुकजवने जविते तिहेतुकतदारम्मणं होति, दुहेतुकजवने जविते दुहेतुकतदारम्मणं, अहेतुकजवने जविते अहेतुकतदारम्मणं होतीति । एवं जवनवसेन हेतुनियमनं दट्ठब्बं । कथं पच्चयवसेन सङ्खारनियमोति? कालसम्पदादीनं, उतुसम्पदादीनञ्च पच्चयानं बलवभावे सति असङ्खारिकतदारम्मणं होति, दुब्बलभावे ससङ्खारिकं । अहेतुकतदारम्मणस्स पन पच्चयवसेन नियमो नत्थि, तस्मा यदि इट्ठारम्मणं होति, तदा उपेक्खासहगतं तदारम्मणं पटिबाहित्वा सोमनस्ससहगततदारम्मणमेव होति । सोमनस्ससहगततदारम्मणेषुपि अनियमेन आरम्मणवसेन सब्बेसु सम्पत्तेसु जवनस्स तिहेतुकभावे दुहेतुकाहेतुके पटिबाहित्वा तिहेतुकमेव तदारम्मणं होति । तिहेतुकतदारम्मणेषुपि अनियमेन जवनवसेन सब्बेसु सम्पत्तेसु पच्चयस्स बलवभावे सति ससङ्खारिकतदारम्मणं पटिबाहित्वा असङ्खारिकमेव तदारम्मणं होति । एतेनेव नयेन सेसं तदारम्मणम्पि तंतंजवनानुरूपतो नियमनं दट्ठब्बं ।

अहेतुकतदारम्मणं पन पच्चयं अनपेक्खित्वा आरम्मणवसेन चेव जवनवसेन च नियमनं होति । इदमेत्थ येभुय्यप्पवत्तिवसेन नियमनं । कदाचि पन आरम्मणवसेन, पच्चयवसेन, परिचितवसेन च तदारम्मणनियमो होति । तत्थ आरम्मणवसेन चेव पच्चयवसेन च नियमनं हेट्ठा वुत्तनयमेव । परिचितवसेन पन नियमने येभुय्येन तिहेतुककुसलप्पवत्तिया तेसु परिचितस्स कदाचि दुहेतुके, अहेतुके वा जवने जविते परिचयवसेन तिहेतुकतदारम्मणमेव होति । येभुय्येन च दुहेतुकजवनप्पवत्तिया तत्थ परिचितस्स कदाचि तिहेतुके, अहेतुके वा जवने जविते परिचयवसेन दुहेतुकतदारम्मणमेव होति । तथेव अकुसलेसु परिचितस्स कदाचि तिहेतुकदुहेतुकेसुपि जवनेसु जवितेसु परिचयवसेन अहेतुकतदारम्मणमेव होतीति । एवञ्च कत्वा पट्ठाने —

“कुसलाकुसले निरुद्धे सहेतुको विपाको तदारम्मणता उप्पज्जति, सहेतुके खन्धे अनिच्चतो दुक्खतो अनत्ततो विपस्सति, कुसलाकुसले निरुद्धे अहेतुको विपाको तदारम्मणता उप्पज्जती”ति —

अविसेसेन अकुसलजवनानन्तरम्पि सहेतुकतदारम्मणं, तिहेतुकजवनानन्तरञ्च अहेतुकतदारम्मणं वुत्तं । तिहेतुकोमकेन, पन दुहेतुकुक्कट्ठेन च कम्मेन तदारम्मणप्पवत्तियं कम्मस्स तिहेतुकविपाकदाने असमत्थताय तिहेतुकजवनेपि जविते दुहेतुकतदारम्मणमेव होति । सेसं वुत्तनयमेव । दुहेतुकोमकेन पन कम्मेन तदारम्मणप्पवत्तियं कम्मस्स सहेतुकतदारम्मणनिब्बत्तने असमत्थताय सहेतुकजवनेपि जविते अहेतुकतदारम्मणमेव होति । सेसं वुत्तनयमेव ।

३८७-९१. तुल्येन पाकचित्तेनाति सोमनस्ससहगतजाणसम्पयुत्तअसङ्खारिकेन महाविपाकचित्तेन । **बलवारम्मणेति** अतिमहन्तारम्मणे । चतुब्धिधञ्जि आरम्मणं अतिमहन्तं महन्तं परित्तं अतिपरित्तन्ति । वुत्तञ्च —

“तथा हि विसयं आहु, चतुधा एत्थ पण्डिता ।

महन्तातिमहन्ततो, परित्तातिपरित्ततो”ति ॥

अतिमहन्तादिभावो चस्स आपाथगतकाले उप्पज्जनकचित्तक्खणवसेन वेदितब्बो । तथा हि आपाथगतक्खणतो पट्ठाय याव सोळसचित्तक्खणा, ताव विज्जमानायुकआरम्मणं **अतिमहन्तं** नाम । पन्नरसचुद्धसचित्तक्खणायुकं **महन्तं** नाम । तेरसचित्तक्खणतो पट्ठाय अट्ठचित्तक्खणायुकं **परित्तं** नाम । ततो परं **अतिपरित्तं** नाम । तत्थ अतिमहन्तारम्मणे तदारम्मणपरियोसानानि वीथिचित्तानि उप्पज्जन्ति । महन्ते जवनपरियोसानानि, नत्थि तदारम्मणुप्पादो । परित्ते जवनम्पि न उप्पज्जति, सन्तीरणानन्तरं वोट्ठब्बनमेव द्वित्तक्खत्तुं पवत्तति । अतिपरित्ते भवङ्गचलनमत्तमेव । कथं? अतिमहन्ते हि

आरम्भणे पञ्चद्वारेषु यथानुरूपं अञ्जतरस्मिं द्वारे आपाथगते पसादघट्टनानुभावेन हृदयवत्थुसन्निस्सिता भवङ्गसन्तति वोच्छिज्जति, वोच्छिज्जमाना च सहसा न ओच्छिज्जति । यथा पन वेगेन धावन्तो पुरिसो अन्तरा ठातुकामोपि एकद्वेपदवारे अतिक्कमित्वाव ठातुं सक्कोति, न पन ठातुकामताय सद्धियेव, एवमेव दीपसिखा विय, गङ्गासोतो विय, वेगेन जवमाना भवङ्गसन्तति अन्तरा ओच्छिज्जमानापि पसादघट्टनतो परं द्वत्तिक्खत्तुं उप्पज्जित्वाव ओच्छिज्जति । तत्थ पठमचित्तं भवङ्गसन्ततिया चलनाकारेण उप्पज्जनतो **भवङ्गचलनं** नाम, दुतियं उप्पज्जनवसेन उप्पज्जनतो **भवङ्गपच्छेदो** नाम । **चलनञ्चेत्थ विसदिसचित्तस्स उपनिस्सयभावगमनं । वुत्तञ्च** —

“आरम्भणन्तरापाथे, द्विक्खत्तुं चलिते मनो ।

चित्तन्तरस्स हेतुत्तं, यानं चलनमीरितं”न्ति ॥

यदि एवं दुतियस्सपि तं अत्थीति तम्पि भवङ्गचलनमिच्चेव वत्तब्बन्ति? सच्चं, भवङ्गस्स पन उप्पज्जनवसेन पवत्तिविसेसं गहेत्वा पुरिमस्स नामतो विसदिसनामं कातुं “भवङ्गपच्छेदो”ति वुच्चतीति । ननु च रूपादीहि पसादे घट्टिते पसादनिस्सितस्सेव चलनं युत्तं, कथं पन हृदयवत्थुसन्निस्सिताय भवङ्गसन्ततिया चलनन्ति? सन्ततिवसेन एकाबद्धत्ता । यथा हि भेरिया एकस्मिं तले ठितसक्खराय मक्खिकाय निपन्नाय अपरस्मिं तले दण्डादिना पढटे अनुक्कमेन भेरिचम्मवरत्तादीनं चलनेन सक्खराय चलिताय मक्खिकाय पलायनं होति, एवमेव रूपादिहि पसादे घट्टिते तन्निस्सयेसु महाभूतेसु चलितेसु अनुक्कमेन तंसम्बन्धानं सेसरूपानम्पि चलनेन हृदयवत्थुमिह चलिते तन्निस्सितस्स भवङ्गस्स चलनाकारेण पवत्ति होति । वुत्तञ्च —

“घट्टिते अञ्जवत्थुमिह, अञ्जनिस्सितकम्पनं ।

एकाबद्धेन होतीति, सक्खरोपमया वदे”ति ॥ (स० स० १७६) ।

एवं भवङ्गचलनभवङ्गपच्छेदेसु उप्पज्जित्वा निरुद्धेसु “किं नामेत”न्ति वदन्ती विय वीथिचित्तानि आरम्भणाभिमुखं पटिपादेन्ती किरियामनोधातु उप्पज्जति, तस्सानन्तरं यथारहं दस्सनादिकिच्चं साधयमाना पञ्चविज्जाणधातुसु अञ्जतरा उप्पज्जति, तदनन्तरं ताय गहितमेवारम्भणं सम्पटिच्छमाना विपाकाहेतुकमनोधातु उप्पज्जति, तदनन्तरं तदेवारम्भणं सन्तीरयमाना विपाकाहेतुकमनोविज्जाणधातु उप्पज्जति, तदनन्तरं तमेवारम्भणं ववत्थापयमाना किरियाहेतुकमनोविज्जाणधातु उप्पज्जति, तदनन्तरं कामावचरकुसलाकुसलकिरियजवनेसु यं किञ्चि लद्धपच्चयं तदेवारम्भणं आरब्ध जवनं हुत्वा येभ्येन सत्तक्खत्तुं जवति, तदनन्तरं एकादसतदारम्भणचित्तेसु अञ्जतरं कम्मं आरम्भणं जवनं पच्चयो परिचितताति इमेसं अनुरूपवसेन द्विक्खत्तुं उप्पज्जति, तदनन्तरं भवङ्गपातो होति ।

इध ठत्वा इमिस्सा चित्तपरम्पराय सुखग्गहणत्थं **अम्बोपमा** वेदितब्बा । कथं? एको किर पुरिसो फलितम्बरुक्खस्स हेट्ठा ससीसं पारुपित्वा निपन्नो निद्दायति, अथेकं अम्बपक्कं वण्टतो मुच्चित्वा तस्स कण्णसक्खलिं पुञ्छमानं विय “ठ”न्ति भूमियं पतति, सो तस्स सद्देन पबुज्झित्वा सीसतो वत्थं अपनेत्वा चक्खुं उम्मीलेत्वा ओलोकेसि, ततो हत्थं पसारेत्वा फलं गहेत्वा मद्धित्वा उपसिद्धित्वा पक्कभावं जत्वा परिभुज्जित्वा मुखगतं सह सेम्हेन अस्सादेत्वा पुन तथेव निद्दायति । तत्थ तस्स पुरिसस्स अम्बरुक्खमूले निद्दायनकालो विय भवङ्गसमङ्गिकालो, अम्बपक्कस्स पतितकालो विय आरम्भणस्स पसादघट्टनकालो, पतनसद्देन पबुद्धकालो विय मनोधातुया भवङ्गस्स आवट्टितकालो, उम्मीलेत्वा ओलोकितकालो विय चक्खुविज्जाणस्स दस्सनकिच्चं साधनकालो, हत्थं पसारेत्वा गहितकालो विय विपाकमनोधातुया आरम्भणसम्पटिच्छनकालो, गहेत्वा मद्धितकालो विय विपाकमनोविज्जाणधातुया आरम्भणस्स सन्तीरितकालो,

उपसिद्धितकालो विय किरियामनोविज्जाणधातुया ववत्थापितकालो, परिभुत्तकालो विय जवनस्स आरम्मणरसअनुभवितकालो, मुखगतं सह सेम्हेन अस्सादितकालो विय तदारम्मणस्स जवनेन अनुभूतारम्मणअनुभवनकालो, पुन निद्वायनं विय पुन भवङ्गकालोति एवमेत्थ उपमासंसन्दनं वेदितब्बं ।

अयं पन उपमा किं दीपेति? आरम्मणस्स पसादघट्टनमेव किच्चं, किरियामनोधातुया भवङ्गावट्टनमेव किच्चं, पञ्चविज्जाणधातूनं दस्सनादिकमेव किच्चं, विपाकमनोविज्जाणधातुया सम्पटिच्छनमेव किच्चं, विपाकमनोविज्जाणधातुया सन्तीरणमेव किच्चं, किरियामनोविज्जाणधातुया ववत्थापनमेव किच्चं, जवनस्सेव पन आरम्मणरसानुभवनं तदारम्मणस्स एतेन अनुभूतस्सेव अनुभवन्ति एवं किच्चवसेन धम्मानं अज्जमज्जासंकिण्णतं दीपेति, एवं पवत्तमानं पन चित्तं “त्वं आवज्जनं नाम होहि, त्वं दस्सनादीसु अज्जतरं, त्वं सम्पटिच्छनं नामा”तिआदिना नियुज्जके कारके असतिपि चित्तनियामवसेनेव पवत्ततीति वेदितब्बं । तं पन चित्तनियामं सद्धि उतुनियामादीहि परिच्छेदावसाने वक्खति । अयं ताव अतिमहन्तारम्मणे चित्तप्पवत्तिविभावना ।

महन्तारम्मणे पन तदारम्मणुप्पादस्स अभावतो तस्मिं आपाथगते वुत्तनयेन जवनपरियोसानेसु वीथिचित्तेसु उप्पन्नेसु भवङ्गपातोव होति, आरम्मणस्स पन परिक्खीणायुकत्ता एकचित्तक्खणिकप्पमाणेपि वा आयुम्हि सति समासन्नमरणो विय पुरिसो दुब्बलभावतो तदारम्मणं नुप्पज्जति । अपिच तदारम्मणमुप्पज्जन्तं नियमतो द्विक्खत्तुमेव उप्पज्जति, न एकवारं । एकचित्तक्खणावसिद्धे च आरम्मणे एकस्मिं तदारम्मणे उप्पन्नेसु दुतियस्स उप्पज्जनकाले तस्स निरुद्धत्ता नुप्पज्जति । न हि द्वीसु तदारम्मणेसु एकं पच्चुप्पन्नारम्मणं, एकं अतीतारम्मणं होति, तस्मा दुतियस्स अनुप्पत्तिया पठमम्पि नुप्पज्जतीति । **मज्झिमवुक्कथायं** पन सकिम्पि तदारम्मणस्स पवत्ति वुत्ता । **परमत्थविनिच्छयेपि** च तमेव वादं सम्पटिच्छित्वा “सकिं द्वे वा तदालम्ब”न्ति (परम० वि० ११६) वुत्तं । **अभिधम्मवुक्कथायं** पन “चित्तप्पवत्तिगणनायं सब्बवारेसु द्वे एव चित्तवारानि आगतानी”ति वत्त्वा तं न सम्पटिच्छित्तं, तस्मा महन्तारम्मणे जवनावसाने भवङ्गपातोव होति, नत्थि तदारम्मणुप्पादो, अयञ्च तदारम्मणेहि तुच्छताय “**मोघवारो**”ति वुच्चति ।

परितारम्मणे जवनुप्पादस्सपि अभावतो सन्तीरणावसानेसु वीथिचित्तेसु उप्पन्नेसु तदनन्तरं वोडुब्बनमेव आसेवनं लभित्वा जवनट्टाने ठत्वा द्विक्खत्तुं पवत्तति, ततो भवङ्गपातो होति । वोडुब्बनं पन अप्पत्वा अन्तरा चक्खुविज्जाणादिकं पत्त्वा निवत्तिस्सतीति नेतं ठानं विज्जति । जवनं पन आरम्मणस्स अप्पायुकभावेन परिदुब्बलत्ता नुप्पज्जति । तज्झि उप्पज्जमानं सत्तचित्तक्खणायुकेयेव उप्पज्जति, कतिपयचित्तक्खणायुके पन पठमजवनमेव नुप्पज्जति । तदनुप्पत्तियज्झि इतरानिपि नुप्पज्जन्ति, तस्मा परितारम्मणे नत्थि जवनुप्पादोति अयं दुतियो मोघवारो अट्टकथाय वुत्तो । टीकाकारो पन तथा असम्पटिच्छित्वा अज्जथा दुतियमोघवारं पक्कपेति । वुत्तज्झि तेन तीसु मोघवारेसु दुतियमोघवारो उपपरिक्खित्वा गहेतब्बो ।

यदि हि अनुलोमे वेदनान्तिके पटिच्चवारादीसु “आसेवनपच्चया न मग्गे द्वे, नमग्गपच्चया आसेवने द्वे”ति च वुत्तं सिया, सोपि मोघवारो लब्धेय्य । यदि च वोडुब्बनम्पि आसेवनपच्चयो सिया, कुसलाकुसलानम्पि सिया । न हि आसेवनपच्चयं लब्धं युत्तस्स आसेवनपच्चयभावी धम्मो आसेवनपच्चयो होतीति अवुत्तो अत्थि । वोडुब्बनस्स पन कुसलाकुसलानं आसेवनपच्चयभावो न वुत्तो । “कुसलं धम्मं पटिच्च कुसलो धम्मो उप्पज्जति नासेवनपच्चया । अकुसलं धम्मं पटिच्च अकुसलो धम्मो उप्पज्जति नासेवनपच्चया”ति वचनतो पटिक्खित्तोव । अथापि सिया “असमानवेदनानं वसेनेवं वुत्त”न्ति, एवम्पि यथा “आवज्जना कुसलानं खन्धानं, अकुसलानं खन्धानं अनन्तरपच्चयेन पच्चयो”ति (पट्ठा० १.१.४१७) वुत्तं, एवं “आसेवनपच्चयेन पच्चयो”तिपि वत्तब्बं सिया । जातिभेदा न वुत्तन्ति चे, “भूमिभिन्नस्स

कामावचरस्स रूपावचरादीनं आसेवनपच्चयभावो विय जातिभिन्नस्सपि भवेय्या”ति वत्तब्बो एव सिया,
अभिन्नजातिकस्स च वसेन यथा “आवज्जना सहेतुकानं खन्धानं अनन्तरपच्चयेन पच्चयो”ति वुत्तं, एवं
“आसेवनपच्चयेन पच्चयो”तिपि वत्तब्बं सिया, न तु वुत्तं, तस्मा वेदनात्तिकेपि संखित्ताय गणनाय “आसेवनपच्चया
नमग्गे एकं, नमग्गपच्चया आसेवने एक”न्ति एवं गणनाय निद्धारियमानाय वोढुब्बनस्स आसेवनपच्चयत्ताभावा
यथावुत्तप्पकारो दुतियो मोघवारो वीमंसित्वा गहेतब्बो। वोढुब्बनं पन वीथिविपाकसन्ततिया आवट्टनतो
“आवज्जना”इच्चेव वुत्तं। ततो विसदिसस्स जवनस्स करणतो मनसिकारो च। एवञ्च कत्वा पट्टाने “वोढुब्बनं कुसलानं
खन्धानं अनन्तरपच्चयेन पच्चयो”तिआदि न वुत्तं, “आवज्जना”इच्चेव वुत्तं, तस्मा वोढुब्बनतो चतुन्नं वा पच्चन्नं वा
जवनानं आरम्भणपुरेजातं भवितुं असक्कोत्तं रूपादिआवज्जनादीनं पच्चयो भवितुं न सक्कोति, अयमेतस्स सभावोति
जवनापारिपूरिया दुतियो मोघवारो दस्सेतुं युत्तो सियाति।

अयञ्हि आचरियस्स अधिप्पायो – यदि वोढुब्बनम्पि आसेवनपच्चयो सिया, यथा “सुखाय वेदनाय सम्पयुत्तं धम्मं
पटिच्च सुखाय वेदनाय सम्पयुत्तो धम्मो उप्पज्जति आसेवनपच्चया नमग्गपच्चया”ति अनुलोमपच्चनिये, पच्चनियानुलोमे
च “सुखा...पे०... नमग्गपच्चया आसेवनपच्चया”ति च वुत्तं हसितुप्पादचित्तवसेन, एवम्पि वोढुब्बनवसेन
“अदुक्खमसुखाय वेदनाय सम्पयुत्तं धम्मं पटिच्चा”तिआदिना पुब्बे वुत्तनयेन पाठो सिया। तथा च सति वारद्वयवसेन
गणनाय “आसेवनपच्चया नमग्गे द्वे, नमग्गपच्चया आसेवने द्वे”ति च वत्तब्बं सिया, न पन वुत्तं, “आसेवनपच्चया नमग्गे
एकं, नमग्गपच्चया आसेवने एक”न्तिच्चेव वुत्तं। अपिच यदि हि वोढुब्बनम्पि आसेवनपच्चयो सिया, दुतियमोघवारो विय
पुरिमवारेसुपि सिया। तथा च सति अत्तनो विय कुसलाकुसलानम्पि सिया। न हि आसेवनपच्चयं लब्धं युत्तस्स
आसेवनपच्चयभावी धम्मो आसेवनपच्चयो होतीति अवुत्तो अत्थि “पुरिमा पुरिमा कुसला खन्धा”तिआदिना अनवसेसतो
वुत्तत्ता, वोढुब्बनस्स पन अवुत्तो “अब्याकतो धम्मो कुसलस्स धम्मस्स आसेवनपच्चयेन पच्चयो”तिआदिवचनस्स
अभावतो। न केवलं अवुत्तोव, अथ खो “कुसलं धम्मं पटिच्च कुसलो धम्मो उप्पज्जति, अकुसलं धम्मं पटिच्च अकुसलो
धम्मो उप्पज्जती”ति फस्सादिकुसलाकुसलधम्मे पटिच्च सहजातादिपच्चयवसेन कुसलाकुसलस्स उप्पत्तिं वत्वा
पठमजवनस्स वोढुब्बनतो आसेवनपच्चयालाभं सन्धाय “आसेवनपच्चया”ति पटिक्खित्तोव।

अथापेत्थ समोधानं सिया, समानवेदनानं एव आसेवनपच्चयभावस्स दस्सनतो वोढुब्बनेन असमानवेदनानं
कुसलाकुसलानं वसेनायं पटिक्खेपो कतोति। एवम्पि सति यथा “आवज्जना कुसलानं खन्धानं अकुसलानं खन्धानं
अनन्तरपच्चयेन पच्चयो”ति वुत्तं, एवं समानवेदनावसेन “आसेवनपच्चयेन पच्चयो”तिपि वत्तब्बं सिया। अथ
वोढुब्बनस्स कुसलाकुसलेहि भिन्नजातिकत्ता तस्स तेसं आसेवनपच्चयभावो न वुत्तोति चे। यथा भूमिवसेन भिन्नस्स
गोत्रभुवोदानवसेन ठितस्स कामावचरस्स रूपावचरादीनं आसेवनभावो दिस्सति, एवं जातिवसेन भिन्नस्स वोढुब्बनस्स
आसेवनपच्चयभावे न कोचि विबन्धो, अपिच अभिन्नवेदनस्स, अभिन्नजातिकस्स च उपेक्खासहगतमहाकिरियचित्तस्स
वसेन यथा “आवज्जना सहेतुकानं खन्धानं अनन्तरपच्चयेन पच्चयो”ति वुत्तं, एवं “आसेवनपच्चयेन पच्चयो”तिपि
वत्तब्बं सिया, न तु वुत्तं, तस्मा वेदनात्तिकेपि वोढुब्बनस्स आसेवनपच्चयत्तस्स अभावा वोढुब्बनस्स
आसेवनभावदस्सनवसेन वुत्तो दुतियो मोघवारो वीमंसित्वा गहेतब्बो। वोढुब्बनावज्जनानं पन अनत्थन्तरभावतो
आवज्जनाय च कुसलाकुसलानं अनन्तरपच्चयभावस्स वुत्तत्ता सति उप्पत्तियं वोढुब्बनं
कामावचरकुसलाकुसलकिरियाजवनानं एकन्ततो अनन्तरपच्चयभावेनेव वत्तेय्य, न पन अज्जथाति
मुञ्छामरणासन्नवेलादीसु जवनापारिपूरिया मन्दीभूतवेगताय अयं दस्सेतब्बोति।

आचरियधम्मपालत्थेरेन पनेत्थ इदं वुत्तं — “यं जवनभावप्पत्तं, तं छिन्नमूलरुक्खपुप्फं विया”ति वक्खमानत्ता अनुपच्छिन्नभवमूलानं पवत्तस्स वोढुब्बनस्स किरियभावो न सिया, वुत्तो च “यस्मिं समये मनोविज्जाणधातु उप्पन्ना किरिया नेवकुसला, नाकुसला, न च कम्मविपाका उपेक्खासहगता”ति, तस्मा अट्ठकथायं “जवनट्टाने ठत्वा”ति वचनं जवनस्स उप्पज्जनट्टाने द्विक्खत्तुं पवत्तित्वा न जवनभावेनाति अधिप्पायेन वुत्तं, “आसेवनं लभित्वा”ति च “आसेवनं विय आसेवन”न्ति वुत्ते न कोचि विरोधोति । विप्फारिकस्स पन सतो द्विक्खत्तुं पवत्तियेवेत्थ आसेवनसदिसता । विप्फारिकताय हि विज्जत्तिसमुट्ठापकत्तञ्चस्स वुच्चति । विप्फारिकम्पि जवनं विय अनेकक्खत्तुं अप्पवत्तिया दुब्बलत्ता न निप्परियायतो आसेवनपच्चयभावेन पवत्तेय्याति न इमस्स पाठे आसेवनत्तं वुत्तं । अट्ठकथायं पन परियायतो वुत्तं, यथा फलचित्तेसु मग्गङ्गं मग्गपरियापन्नन्ति । यदिपि “जवनापारिपूरिया... पे... युत्तो”ति वुत्तं, “आवज्जनादीनं पच्चयो भवितुं न सक्कोती”ति पन वुत्तत्ता चित्तप्पवत्तिवसेन पठममोघवारतो एतस्स न कोचि विसेसोति ।

चक्खुस्सापाथमागतेति चक्खुद्वारस्स योग्यदेसावट्टानवसेन आपाथमागते । **ताया**ति मनोधातुया भवङ्गावट्टने पाकटताय किरियामनोधातुं पच्चामसति । **आवट्टिते**ति सन्ततिवसेन पवत्तितुं अदत्वा निवत्तिते, परिणामिते वा । जातेसु जायतेति सम्बन्धो । **गते**ति निरुद्धे । **तदेवा**ति जवनानुभूतमेव इट्ठारम्मणं । **तेनेवा**ति जवनं हुत्वा निरुद्धेन तेन कामावचरकुसलचित्तेन । **तदारम्मणसज्जित**न्ति जवनगहितेयेव आरम्मणे पवत्तनतो “ब्रह्मस्सरो”ति आदीसु विय तस्स आरम्मणं आरम्मणमस्साति मज्झपदलोपवसेन तदारम्मणन्ति सज्जितं । **तुल्यतो**ति आरम्मणतो विसदिसभावेपि सोमनस्ससहगतादिना सदिसत्ता । मूलसदिसं भवङ्गं **मूलभवङ्गं** । तदारम्मणम्पि भवङ्गसभावत्ता “भवङ्ग”न्ति वुच्चति यथा “सहेतुकं भवङ्गं अहेतुकस्स भवङ्गस्स अनन्तरपच्चयेन पच्चयो”ति (पट्ठा० ३.१.१०२) । एत्थ हि पटिसन्धिचित्ते एव पवत्तियं “भवङ्ग”न्ति वुच्चमाने न तस्स हेतुवसेन भेदोति “सहेतुकं भवङ्गं अहेतुकस्स भवङ्गस्स अनन्तरपच्चयेन पच्चयो”ति न सक्का वत्तुं । नापि चेतं “सहेतुकं चुत्तिं अहेतुकपटिसन्धिज्ज्य सन्धाय वुत्त”न्ति सक्का विज्जातुं । भवस्स अङ्गभावाभावतो चुत्तिचित्तस्स भवङ्गवोहारालाभतोति “सहेतुकं भवङ्ग”न्ति तदारम्मणं वुत्तन्ति विज्जायति । “तदारम्मणसज्जित”न्ति वत्त्वा “मूलभवङ्गन्ति वुच्चती”ति वुत्तत्ता नामद्वयम्पि इमस्स लब्धतीति दीपितं होति ।

३९२. तज्जाति तदारम्मणज्ज । **एत्था**ति इमेसु वीथिचित्तेसु । **गणनूपगचित्तानी**ति विपाकगणनूपगचित्तानि ।

३९४. असमानत्ताति असङ्खारिकभावेन असमानत्ता ।

३९६. पुरिमानि पज्ज विपाकचित्तानि इमिना सद्धिं छ होन्तीति सम्बन्धो । एत्थ च येभ्य्यतो इट्ठारम्मणे सोमनस्सप्पवत्तिवसेन सोमनस्ससहगतजवनानन्तरमेव सोमनस्सतदारम्मणं वुत्तं । जवनस्स पन पकप्पेत्वा आरम्मणगगहणसम्भावतो, विपाकस्स च तदभावतो इट्ठारम्मणे उपेक्खासहगतजवनेसुपि जवितेसु सोमनस्ससहगतमेव तदारम्मणं होति ।

३९९-४०३. तस्मिं द्वारेति तस्मियेव चक्खुद्वारे । **वेदना परिवत्तती**ति कम्मस्स सोमनस्ससहगतभावेपि आरम्मणस्स इट्ठमज्झत्तताय सोमनस्सवेदना परिवत्तित्वा उपेक्खावेदना होति । अथ वा हेट्ठा विपाकवेदनाय सोमनस्सभावेपि इट्ठारम्मणस्स मज्झत्तभावेन तंवसेन वेदना परिवत्ततीति अत्थो ।

जवनेसु जवितेसूति सम्बन्धो । “जवितेसु चतूस्वपी”ति वा पाठो । **जायरे**ति तदारम्मणवसेन जायन्ति । **वेदनाया**ति वेदनाय करणभूताय । **असमानत्ता**ति पटिसन्धिया सह असमानत्ता । **पुरिमेही**ति हेट्ठा वुत्ततदारम्मणचतुक्कतो । अथ वा

“पुरिमेहि असमानत्ता” इच्चेव योजना । पुरिमेहि सह असमानभावे वुत्ते तेसं सन्धिया सह असमानभावोपि वुत्तोव होतीति चत्तारि नामतो पिट्ठिभवङ्गानि च होन्तीति योजना । च-सद्देन आगन्तुकभवङ्गानि, तदारम्मणानि च होन्तीति दस्सेति । एत्थापि च येभ्य्येन इट्ठमज्झत्तारम्मणे उपेक्खासहगतजवनस्स उपपज्जनतो उपेक्खासहगतजवनानन्तरमेव उपेक्खासहगततदारम्मणं वुत्तं, हेट्ठा वुत्तनयेन पन उपेक्खासहगततदारम्मणं होति । जाणसम्पयुत्तादीसु जवितेसु जाणविप्पयुत्ततदारम्मणानं सम्भवो हेट्ठा वुत्तनयेन वेदितब्बो । किञ्चापि असङ्खारससङ्खारविधानं जवनवसेन वुत्तं, तथापि उतुभोजनादिपच्चयानं दुब्बलभावे जवनस्सेव असङ्खारिकत्ताभावतो असङ्खारजवनावसाने असङ्खारमेव तदारम्मणं होति, न ससङ्खारन्ति नियमो । पच्चयस्स पन बलवभावे सतिपि परेसं उस्साहबलेन ससङ्खारस्स जवनस्स सम्भवतो ससङ्खारजवनावसाने ससङ्खारमेव तदारम्मणं होति, ससङ्खारिकत्ताभावतो असङ्खारजवनावसाने असङ्खारमेवाति नियमो नत्थीति असङ्खारजवनावसाने असङ्खारम्पि ससङ्खारम्पि तदारम्मणं होति, ससङ्खारजवनावसाने ससङ्खारम्पि असङ्खारम्पि तदारम्मणं होति ।

पञ्चिमानिति इट्ठमज्झत्तारम्मणे वुत्तानि उपेक्खासहगतसन्तीरणादीनि पञ्च विपाकानि । **पुरिमेहि सत्तहीति** इट्ठारम्मणे वुत्तेहि चक्खुविज्जाणादीहि सत्तहि विनिद्दिसे चक्खुद्वारस्मिन्ति अधिप्पायो ।

४०५-६. एकाय चेतनायाति एकाय तिहेतुकसोमनस्ससहगतअसङ्खारिकचेतनाय । एवं समसट्ठि विपाकानि उपपज्जन्तीति सम्बन्धो । यस्मा पन चक्खुद्वारादीसु अनुपपज्जित्वा सोतद्वारादीसुयेव उपपज्जमाना सोतविज्जाणादयो विय पञ्चसु द्वारेसु अनुपपज्जित्वा मनोद्वारेयेव उपपज्जमानो कामावचरविपाको नत्थि, तस्मा मनोद्वारे विपाकप्पवत्ति न वुत्ता । अथ वा चक्खुद्वारे गहितानमेव मनोधातुमनोविज्जाणधातूनं सोतद्वारादीसुपि गहणेन पञ्चद्वारेसु गहिताय मनोविज्जाणधातुया मनोद्वारेपि गहणनयदस्सनं कतं होति, एवं सति छसु द्वारेसुपि समसत्तति विपाकानि होन्ति । अथ वा मनोद्वारे लब्धमानायपि पञ्चद्वारप्पवत्ताय मनोविज्जाणधातुया मनोद्वारे अगगहणेन सोतद्वारादीसु लब्धमानानम्पि चक्खुद्वारे गहितमनोधातुमनोविज्जाणधातूनं सोतद्वारादीसु अगगहणस्स नयदस्सनं कतं होति, एवं सति पञ्चद्वारेसु सोळस विपाकानि होन्ति । एवञ्च कत्वा वुत्तं “**गहितागहणेना**”तिआदि ।

४०६-९. तीहि विपाकेहीति तेहि तीहि कुसलचित्तेहि समानेहि तीहि विपाकेहि दिन्नाय पटिसन्धियाति सम्बन्धो । **उपेक्खासहितद्वयेति** उपेक्खासहगतपटिसन्धियुगळे । इध ठत्वा नाळियन्तूपमा वेदितब्बा । कथं? उच्छुपीळनसमये किर एकस्मा गामा एकादस यन्तवाहा निक्खमित्वा एकं उच्छुवाटं दिस्वा तस्स परिपक्वभावं जत्वा उच्छुसामिकं उपसङ्कमित्वा “यन्तवाहा मय”न्ति आरोचेसुं । सो “अहं तुम्हेयेव परियेसिस्सामी”ति उच्छुसालं गहेत्वा अगमासि । ते तत्थ नाळियन्तं योजेत्वा “मयं एकादस जना अपरम्पि एकं लद्धं वट्ठति, वत्तनेन गणहथा”ति आहंसु । उच्छुसामिको “अहमेव सहायो भविस्सामी”ति उच्छुसालं पूरापेत्वा तेसं सहायो अहोसि । ते अत्तनो अत्तनो किच्चानि कत्वा फाणितपाचकेन उच्छुरसे पक्के गुळे बद्धे उच्छुसामिकेन तुलयित्वा भागेसु दिन्नेसु अत्तनो अत्तनो भागं आदाय सालं सालसामिकं पटिच्छापेत्वा एतेनेव उपायेन अपरासुपि चतूसु सालासु कम्मं कत्वा पक्कमिंसु । तत्थ पञ्च यन्तसाला विय पञ्च पसादा दट्ठब्बा, पञ्च उच्छुवाटा विय पञ्च आरम्मणानि, एकादस विचरणकयन्तवाहा विय एकादस विपाकचित्तानि, पञ्च उच्छुसालसामिनो विय पञ्च विज्जाणानि, पठमकसालाय सालसामिकेन सद्धिं द्वादसन्नं जनानं एकतो हुत्वा कतकम्मानं भागगहणकालो विय एकादसन्नं विपाकचित्तानं चक्खुविज्जाणेन सद्धिं एकतो हुत्वा चक्खुद्वारे रूपारम्मणे सकसककिच्चकरणकालो, सालसामिकस्स सालाय सम्पटिच्छितकालो विय चक्खुविज्जाणस्स द्वारसङ्कन्तिअकरणं, दुतियततियचतुत्थपञ्चमसालाय द्वादसन्नं एकतो हुत्वा कतकम्मानं भागगहणकालो विय एकादसन्नं विपाकचित्तानं कायविज्जाणेन सद्धिं एकतो हुत्वा

कायद्वारे फोडुब्बारम्मणे सकसककिच्चकरणकालो, सामिकस्स सम्पटिच्छितकालो विय कायविज्जाणस्स द्वारसङ्गन्तिअकरणं वेदितब्बं।

४१४. अस्साति इमस्स बीजस्स। हेतुपवत्तितोति पच्चयप्पवत्तितो।

४१५. इदानीं तिहेतुकोमककम्मेन गहितदुहेतुकपटिसन्धिकस्स विपाकप्पवत्ति दुहेतुकुक्कट्टेन गहितदुहेतुकपटिसन्धिकस्स विपाकप्पवत्तिया समानाति तं ठपेत्वा दुहेतुककम्मेन गहितदुहेतुकपटिसन्धिकस्सेव विपाकप्पवत्तिं दस्सेतुं “दुहेतुकेन कम्मेना”तिआदि वुत्तं।

४१८-९. दुहेतुकपटिसन्धिकस्स कामावचरतिहेतुकजवनानं सम्भवेपि कम्मसरिक्खकानेव जवनानि दस्सेतुं “सोमनस्स...पे०... दुहेतुके”ति वुत्तं। तिहेतुकजवनावसानेपि पनस्स पटिसन्धिदायककम्मं तिहेतुकविपाकदाने असमत्थन्ति तिहेतुकतदारम्मणाभावतो, जवनस्स च कम्मसरिक्खकहेतुवसेन दुहेतुकभावतो दुहेतुकतदारम्मणमेव होति।

४२४. इमानि च भवङ्गानीति इमानि चत्तारि मूलागन्तुकपिट्ठिभवङ्गानि। अट्ठ हीति अट्ठेव।

४२६. सोतघानादिनाति सोतघानादिविज्जाणेहि। एत्थापि अम्बोपमा पाकटिकाव। यन्तवाहोपमाय पनेत्थ सत्त यन्तवाहा तेहि हत्थयन्ते नाम सज्जिते सालसामिकं अट्ठमं कत्वा वुत्तनयानुसारेनेव योजना वेदितब्बा।

४३४-६. बुद्धिमुपेतस्साति मातुकुच्छितो निक्खमित्वा संवरासंवरे पट्टपेतुं समत्थभावेन वुड्ढिप्पत्तस्स। किञ्चापि अहेतुकपटिसन्धिकस्स कम्मसरिक्खकजवनमेव दस्सेतुं “दुहेतूनं...पे०... वसानस्मि”न्ति वुत्तं। तिहेतुकजवनम्पि पन तेसं जवति, जवनस्स दुहेतुकभावेपि कम्मस्स दुहेतुकविपाकदाने असमत्थताय “अहेतुक...पे०... जायते”ति वुत्तं।

४४३-८. “अहेतुपटिसन्धिस्सा”तिआदीसु अधिप्पायो हेट्ठा आगतोव। अपायेसु पटिसन्धिदायककम्मेन पटिसन्धितो हीनतदारम्मणस्स अनिप्फन्नतो तस्स लब्भमानट्ठानमेव दस्सेतुं “सुगतिय”न्ति वुत्तं, कामावचरसुगतियन्ति अत्थो। तेनाति तेन जातपटिसन्धिविपाकेन। “चतूसु अपायेसु लब्भती”ति वत्वा तस्स विसयदस्सनत्थं “थेरो नेरयिकान”न्तिआदि वुत्तं। थेरोति निरयचारिकाय पाकटत्ता महामोग्गल्लानत्थेरमाह। निरये भवा नेरयिका। धम्मं देसेतीति निरये पदुमं मापेत्वा पदुमकणिकाय निसिन्नो धम्मं देसेति। वस्सतीति अन्तोहेत्वत्थं कत्वा वुत्तं, वस्सापेतीति अत्थो। थेरं दिस्वाति थेरस्स दस्सनहेतु। इमिना इन्दनीलपटिमावण्णस्स थेरस्स इट्ठारम्मणभावेन कुसलविपाकचक्खुविज्जाणुप्पत्तिया कारणं दस्सेति। एस नयो “धम्मं सुत्वा”तिआदीसुपि। गन्धन्ति तेन मापितगन्धं। अट्ठकथायं पन “चन्दनवने दिवाविहारं निसिन्नस्स चीवरगन्ध”न्ति (ध० स० अट्ठ० ४९८ विपाकुद्धारकथा) वुत्तं। घायतन्ति घायन्तानं। सन्तीरणद्वयन्ति अतिइट्ठमज्झत्तस्स गन्धादिनो वसेन सन्तीरणद्वयं। कुसलविपाकानं, इट्ठारम्मणस्स च निरये सम्भवदीपनेन सेसापायत्तयेपि सम्भवो दस्सितोव होति।

४५०. नियमोयेव नियमत्तं, तदारम्मणचित्तम्पि जवनेन नियामितन्ति वुत्तनियमोति अत्थो। कुसलं पन सन्धायाति कुसलजवनं सन्धाय दीपितं अट्ठकथायं, कुसलस्स विय अकुसलस्स सदिसविपाकाभावतोति अधिप्पायो। एत्थ च कुसलजवनानन्तरं सहेतुकतदारम्मणस्सेव वचनं। जवनस्स कम्मसरिक्खकहेतुवसेन सहेतुकत्ता जवनानुरूपतो वुत्तं। परिचितवसेन पन अज्जकम्मेनापि तं अहेतुकतदारम्मणं न होतीति न वत्तब्बं। न हि पटिसन्धिजनकमेव कम्मं तदारम्मणं

जनेति, अथ खो अज्जकम्ममि पटिसन्धिदायककम्मेन निब्बत्तेतब्बतदारम्मणतो विसदिसम्पि निब्बत्तेतीति । अकुसलजवनानन्तरज्ज अहेतुकतदारम्मणमि जवनस्स कम्मसरिक्खकहेतुकत्ता तदनुरूपतो वुत्तं । यथावुत्तनयेन पन सहेतुकतदारम्मणमि न होतीति नत्थि ।

४५६-७. एत्तावता **तिपिटकचूळनागत्थेरवादे** सोळस विपाकचित्तानि सद्धिं द्वादसकमगेन चेव अहेतुकद्वकेन च विभावेत्वा **मोरवापिवासिमहादत्तत्थेरवादे** विसेसाभावतो तं अनामसित्वा **महाधम्मरक्खितत्थेरवादे** कुसलाकुसलकिरियवसेन पिण्डित्वा दस्सितानं पिण्डजवनानं वसेन तदारम्मणं दस्सेतुं “**सोमनस्सयुते चित्ते**”तिआदि वुत्तं । **सोमनस्स...पे०... जवितेति** इट्ठारम्मणे कुसलाकुसलकिरियाव्याकतवसेन सोमनस्सयुतेसु तेरससु जवनचित्तेसु जवितेसु । **गवेसितब्बा...पे०... मानसाति** हेट्ठा वुत्तनयेन सोमनस्ससहगतानि पञ्चेव तदारम्मणचित्तानि गवेसितब्बानि । **उपेक्खा...पे०... जवितेसूति** कुसलाकुसलकिरियवसेन चुट्टससु उपेक्खासहगतजवनचित्तेसु जवितेसु । **छ गवेसितब्बानीति** उपेक्खासहगतानि छ एव गवेसितब्बानि । खीणासवानं पहीनविपल्लासताय किरियाजवनं इट्ठारम्मणे उपेक्खासहगतं न होतीति सोमनस्ससहगतकिरियाजवनेसु जवितेसु सोमनस्ससहगततदारम्मणमेव होति । इट्ठमज्झत्ते, अनिट्ठादीसु च सोमनस्सभावतो उपेक्खासहगतकिरियाजवनेसु जवितेसु उपेक्खासहगततदारम्मणमेवाति इदमेत्थ सन्निट्ठानं । सेखपुथुज्जनानं पन अप्पहीनविपल्लासताय इट्ठमज्झत्ते, अनिट्ठानिट्ठमज्झत्तारम्मणे च सोमनस्ससहगतजवनं उप्पज्जतीति सोमनस्ससहगतजवनावसाने सोमनस्ससहगततदारम्मणमेव होति, नत्थि उपेक्खासहगतन्ति नायं नियमो । इट्ठारम्मणेपि वुत्तनयानुसारेण योजेतब्बं । तेनेतं वुच्चति —

“परित्तकुसलादोस-पापसातक्रियाजवा ।

पञ्चस्वेकं तदालम्बं, सुखितेसु यथारहं ॥

“पापा कामसुभा चेव, सोपेक्खा च क्रियाजवा ।

सोपेक्खेसु तदालम्बं, छस्वेकमनुरूपतो”ति ॥

४५८-६२. दुहेतुकाहेतुकानं विपाकावरणेहि समन्नागतत्ता झानुप्पादोयेव नत्थीति आह “**तिहेतुसोमनस्सेना**”ति । **झानतो परिहीनस्साति** उप्पादितलोकियज्झानतो परिहीनस्स । **विप्पटिसारिनोति** “महन्तेन वायामेन उप्पादितो मे पणीतधम्मो नट्ठो”ति उप्पन्नविप्पटिसारवन्तस्स । **किं...पे०... मानसन्ति** अयं अनुमतिपुच्छा, तदारम्मणमानसं जायते किं, न वाति अयज्हेत्थ अत्थो । भवङ्गपातो वा होतु तदारम्मणं वा, को एत्थ विबन्धोति आह “**पट्टाने पटिसिद्धा**”तिआदि । अवचनमेव पटिसेधोति कत्वा आह “**पटिसिद्धा**”ति । यदि सोमनस्सानन्तरं दोमनस्सं, दोमनस्सानन्तरं सोमनस्सं वा उप्पज्जेय्य, तदा “सुखाय वेदनाय सम्पयुत्तो धम्मो अदुक्खमसुखाय वेदनाय सम्पयुत्तस्स धम्मस्स अनन्तरपच्चयेन पच्चयो”तिआदि (पट्ठा० १.२.४५) विय “सुखाय वेदनाय सम्पयुत्तो धम्मो दुक्खाय वेदनाय सम्पयुत्तस्स धम्मस्स अनन्तरपच्चयेन पच्चयो, दुक्खाय वेदनाय...पे०... सुखाय वेदनाय...पे०... पच्चयो”ति वत्तब्बं सिया, तथा गणनवारे एकेकवेदनासम्पयुत्तस्स अत्तना समानवेदनासम्पयुत्तस्स, इतरवेदनाद्वयसमङ्गिस्स च पच्चयभावं सन्धाय “अनन्तरे नवा”ति वत्तब्बं सिया, न च पनेवं पाळि आगता । दोमनस्ससोमनस्सवेदनाय सम्पयुत्तानं पन अज्जमज्जअनन्तरपच्चयवसेन गणनद्वयं परिहापेत्वा “अनन्तरे सत्ता”ति वुत्तं, तस्मा यथाधम्मसासने अवचनमि पटिसेधसदिसं अभावस्सेव दीपनतोति वुत्तं “पटिसिद्धा”ति । अस्स वा अनन्तरं दोमनस्सस्स उप्पत्तीति सम्बन्धो । **अस्साति** सोमनस्सस्स ।

एवं भवङ्गपाताभावे कारणं वत्वा पुन तदारम्मणाभावं दस्सेन्तो आह “महग्गत”न्तिआदि। तत्थेव पटिसिद्धन्ति “परित्तारम्मणो धम्मो महग्गतारम्मणस्स धम्मस्स कम्मपच्चयेन पच्चयो”ति वचनाभावतो तत्थेव पट्टाने पटिसिद्धं। किं नु कातब्बन्ति किं कातब्बं। न हि सक्का एत्तकेन “अचित्तको”ति वत्तुन्ति अधिप्पायो। एत्थ च महग्गतारम्मणमेव दोमनस्सजवनं निदस्सनवसेन वुत्तं। इट्टारम्मणभूते पन बुद्धादिआरम्मणोपि दोमनस्सजवने जविते सोमनस्सपटिसन्धिकस्स तदारम्मणसम्भवो, भवङ्गपातो वा नत्थि।

४६४-५. इट्टारम्मणे उपेक्खासहगततदारम्मणस्स दोमनस्सानन्तरञ्च सोमनस्सस्स अभावतो “उपेक्खासहिता हेतू”तिआदिना आचरियेन वुत्ते पुन चोदको अनुबन्धन्तो आह “आवज्जनं किमस्सा”ति। आचरियो पन किमेत्थ आवज्जनगवेसनेन, तेन विनाव इदं चित्तं उप्पज्जतीति दीपेन्तो आह “नत्थि त”न्ति। पुन चोदको आवज्जनेन विना चित्तप्पवत्तिं अविसहन्तो आह “तं जायते कथ”न्ति। एवं पन वुत्ते आचरियो किमेत्थ आवज्जनेन, किञ्च आवज्जनेन विना चित्तप्पवत्ति नत्थीति इदं न एकन्तिकन्ति दीपेतुं निरावज्जनचित्तानं सम्भवं दस्सेन्तो आह “भवङ्गावज्जनान”न्तिआदि, भवङ्गावज्जनानं किं आवज्जनं, ननु नत्थेवाति अधिप्पायो। ननु च भवङ्गावज्जनानि ताव सकसकविसयेसु निन्नत्ता आवज्जनेन विना उप्पत्तियं बहुलं चिण्णत्ताव उप्पज्जन्ति, अयं पन कथं उप्पज्जतीति इदं अनुयोगं सन्धाय पुन निरावज्जनचित्तानि दस्सेन्तो आह “मग्गस्सा”तिआदि। मग्गस्स लोकुत्तरमग्गस्स चित्तस्स। अनन्तरस्स फलस्स चाति मग्गानन्तरस्स फलस्स च अत्थाय किं आवज्जनन्ति सम्बन्धो। एवं नत्थीति यथा एतेसं, एवमेतस्सापि नत्थि।

आनन्दाचरियो पनेत्थ अरियमग्गचित्तं, मग्गानन्तरानि फलानि च परिकम्मावज्जनेन सावज्जनानि समानानि असतिपि निरावज्जनुप्पत्तियं निन्नादिभावे उप्पत्तिया निदस्सनमत्तवसेन वुत्तानीति वण्णेति। अयं हिस्स अधिप्पायो — यदि हि निब्बानारम्मणावज्जनाभावं सन्धाय वुत्तानि सियुं, गोत्रभुवोदानानि दस्सितब्बानि सियुं तेहेव एतेसं निरावज्जनतासिद्धितो, फलसमापत्तिकाले च “परित्तारम्मणं महग्गतारम्मणं अनुलोमं फलसमापत्तिया अनन्तरपच्चयेन पच्चयो”ति वचनतो समानारम्मणावज्जनरहितत्ता मग्गानन्तरानि फलचित्तानीति एवं समापत्तिफलचित्तानि न वज्जेतब्बानि सियुं, गोत्रभुवोदानानि पन यदिपि निब्बाने चिण्णानि, समुदाचित्तानि च न होन्ति, आरम्मणन्तरे चिण्णसमुदाचित्तानेव। फलसमापत्तिचित्तानि च मग्गवीथितो उद्धं तदत्थं परिकम्मसम्भावाति तेसं गहणं न कतं। अनुलोमानन्तरञ्च फलसमापत्तिचित्तं चिण्णसमुदाचित्तं, न नेवसञ्जानासञ्जानन्तरं मग्गानन्तरस्स विय तदत्थं परिकम्माभावाति “निरोधा वुट्ठहन्तस्सा”ति तञ्च निदस्सितन्ति।

४६७. “किमस्सारम्मण”न्ति वत्वा निरावज्जनभावं विय अनारम्मणभावम्पि वदेय्याति तब्भावदस्सनेन अत्तनो वचनं साधेन्तो आह “विना आरम्मणेना”तिआदि। यं किञ्चीति यं किञ्चि परिचितपुब्बं आरम्मणं आरम्भ। ननु च तदारम्मणिकं सियाति वुत्तं, तदारम्मणञ्च जवनारम्मणमेव गण्हाति इतरथा तदारम्मणभावायोगतोति कथमस्सा परित्तारम्मणन्ति? सच्चं, कामावचरविपाकचित्तानं एकन्तपरित्तारम्मणत्ता नास्सा महग्गतारम्मणभावो युत्तो, “तदारम्मण”न्ति च तदारम्मणट्टाने उप्पत्तिं गहेत्वा वुत्तं, न तस्सा तदारम्मणकिच्चसम्भवतो। केन चरहि किच्चेनायं उप्पज्जतीति? तदारम्मणकिच्चं ताव यथावुत्तकारणतोव नत्थि, नापि सन्तीरणकिच्चं तथा अप्पवत्तनतो। पटिसन्धिचुतीसु वत्तब्बमेव नत्थि। पारिसेसतो पन भवस्स अङ्गभावतो भवङ्गकिच्चन्ति युत्तं सिया, पटिसन्धिभूतमेव चित्तं भवङ्गन्ति इदं येभुय्यवसेन वुच्चतीति। आचरियधम्मपालत्थेरेनापि हि अयमत्थो दस्सितोव।

४६८-७३. अविज्जमाने कारके कथं कस्सचि निरावज्जनप्पवत्तिकस्स सावज्जनभावेनाति चोदनं सन्धाय चित्तनियामनिब्बत्तमेतन्ति दस्सेतुं “उतुबीजनियामो चा”तिआदि वुत्तं । उतुबीजनियामो चाति उतुनियामो चेव बीजनियामो च, उतुसभावनियामो बीजसभावनियामोति वुत्तं होति । कम्मधम्मानं नियामो एव कम्मधम्मनियामता । एकप्पहारेनाति तं तं उतुसमयमनतिक्कमित्वा एकस्मिंयेव काले । फलपुष्पादीति आदि-सद्देन पल्लवादीनं सङ्गहो । सब्बेसन्ति तस्मिं समये फलादिनिब्बत्तनकानं सब्बेसं । तंतंतुल्यफलुब्भवोति तेहि तेहि बीजेहि सदिसानं फलानं निब्बत्ति, तेसं तेसं बीजानं अनुरूपफलनिब्बत्तीति अत्थो । “कुलत्थगच्छस्स उत्तरग्गभावो, दक्खिणवल्लिया दक्खिणरुक्खपरिहरणं, सूरियावत्तपुष्फानं सूरियाभिमुखभावो, मालुवलताय रुक्खाभिमुखगमन”न्ति एवमादीनिपि एत्थेव समोधानं गच्छन्ति । छिद्वत्तन्ति छिद्वन्तभावो, छिद्वंयेव वा । बीजजोति बीजसम्भवो नियामो । यतो देतीति यतो यतो पच्चयभावनियामतो देति । अयन्ति अयं अत्तनो अनुरूपस्स, सदिसस्स, विसदिसस्स च फलस्स निब्बत्तने नियामो । अपिच —

“न अन्तलिक्खे न समुद्धमज्झे,
न पब्बतानं विवरं पविस्स ।
न विज्जती सो जगतिप्पदेसो,
यत्थद्धितो मुच्चेय्य पापकम्मा”ति ॥ (ध० प० १२७) —

इमिस्सा गाथाय अट्टुप्पत्तियं आगतं तिणकलापस्स गहितअग्गिनो उट्ठित्वा आकासे गच्छतो काकस्स गीवाय पटिमुच्चनं, नाविकस्स भरियाय वालुकघटं कण्ठे बन्धित्वा समुद्धुदके पक्खिपनं, पब्बतकूटस्स पतित्वा लेणे वसन्तानं भिक्खूनं द्वारपिदहनन्ति तंतंकम्मसरिक्खकविपाकनिब्बत्तनम्पि कम्मनियामोयेवाति वेदितब्बं । जातियन्ति पटिसन्धिग्गहणे चेव मातुकुच्छितो निक्खमने च, निदस्सनमत्तज्येतं अभिसम्बोधिधम्मचक्कप्पवत्तनादीसुपि मेदनीकम्पनादिकस्स सम्भवतो । बोधिसत्तस्साति पच्छिमभविकबोधिसत्तस्स । मेदनीकम्पनादिकन्ति पथवीकम्पनादिकं द्रुत्तिसपुब्बनिमित्तं । विसेसत्तमनेकम्पीति पुब्बनिमित्ततो अज्जं तदा पातुभूतं सब्बं अच्छरियं । उप्पत्तावज्जनादीनन्ति “त्वं आवज्जनं होहि, त्वं दस्सन”न्तिआदिना नियुज्जकस्स अभावेपि तंतंकिच्चवसेन तेसं तेसं उप्पत्ति ।

४७४. हृदये अन्धकारो वियाति हृदयन्धकारो, सम्मोहोति अत्थो, तस्स विद्धंसनं प्हानकरणन्ति हृदयन्धकारविद्धंसनं । पयुत्तोति अनुपादापरिनिब्बानं अप्पत्वा अनोसक्कमानेन वीरियेन वीरियवा । मोहन्धकारापगमन्ति अरहत्तमाह ।

इति अभिधम्मत्थविकासिनिया नाम

अभिधम्मावतारसंवण्णनाय

विपाकचित्तप्पवत्तिनिद्देसवण्णना निड्डिता ।

८. अट्टमो परिच्छेदो

पक्किण्णकनिद्देसवण्णना

४७५-६. इदानी यथावुत्तानं सब्बेसम्पि चित्तानं पाकटभावत्थं —

“सुत्तं दोवारिको चेव,
गामिल्लो अम्बगोळियो ।
जच्चन्धो पीठसप्पी च,
उपनिस्सयमत्थसो”ति ॥ (ध० स० अट्ठ० ४९८ विपाकुद्धारकथा) —

अट्ठकथाय आगतमातिकाय वसेन पकिण्णकनयं दस्सेतुं “इदानी पना”ति आदि आरब्धं । तत्थ मनसन्ति चित्तानं । “मानस”न्तिपि पठन्ति, तं न सुन्दरं । पन्थमक्कटकोति पाणकपटङ्गादीनं सञ्चरणद्वाने जालं पसारेत्वा तेसं मग्गरक्खणतो “पन्थमक्कटको”ति लद्धनामो उण्णनाभि । दिसासु पन पञ्चसूति उपमेतब्बानं पञ्चपसादानं वसेन वुत्तं । तत्थाति मग्गो, तत्थ जालमज्जेति वा सम्बन्धो । सुत्तं पसारेत्वाति जालबन्धनमाह ।

४७८-८०. न्ति रुधिरमाह । दिसासु दुतियादीसु सुत्ते... पे०... घट्टितेति सम्बन्धो । “पसादा पञ्च दट्ठब्बा”ति आदि उपमासंसन्दनं । चित्तं... पे०... वियाति हृदयवत्थुं निस्साय पवत्तमानचित्तं जालमज्जे निपन्नमक्कटको विय दट्ठब्बं ।

४८२-५. पसादघट्टनन्ति पसादे घट्टितं । भवङ्गावट्टनन्ति भवङ्गं आवट्टेन्तं । धम्मतो अज्जा काचि किरिया नाम नत्थीति धम्ममेव चलनेन सह उपमेति । सुत्तानुसारंवाति सुत्तानुसारेण गमनं विय । जवनस्स आरम्मणरसानुभवनतो तस्स पवत्ति यूसपानेन सद्धिं उपमेत्वा वुत्ता । वत्थुंयेवाति यथा पुरिमचित्तानि हृदयवत्थुनिस्सितानि पसादवत्थुं अनुगतानि अज्जारम्मणानि च होन्ति, न एवं भवङ्गं । तं पन वत्थारम्मणन्तररहितं केवलं हृदयवत्थुमेव निस्साय पवत्ततीति दीपेति । परिवत्तनन्ति पुन भवङ्गभावेन परिवत्तनं । भवङ्गावज्जनादीनं धम्मतो भेदेपि सन्ततिवसेन एकत्तं गहेत्वा एकेनेव मक्कटकेन उपमासंसन्दनं वुत्तं ।

४८६-९०. उपमा एव ओपम्मं । ततो पसादवत्थुतो चित्ताति सम्बन्धो । दीपितं इमिना ओपम्मेन । एकेकारम्मणन्ति रूपादीसु पञ्चसु एकेकं आरम्मणं । सब्बसोति सब्बेसु चक्खादीसु यत्थ कत्थचीति अत्थो । इदानी एकेकारम्मणस्स द्वीसु द्वीसु आपाथगमनं पकासेतुं “रूपं चक्खुपसादम्ही”ति आदि वुत्तं । खे आकासे गच्छतीति खगो, पक्खि । साखिनोति रुक्खस्स ।

४९२-३. रूपस्साति सम्बन्धे सामिवचनं, तस्स पन घट्टनं, आपाथगमनम्पि चाति द्वीहि सह सम्बन्धो । पसादस्साति कम्मत्थे सामिवचनं, अत्थतो आपाथगमनम्पि चाति सम्बन्धो । आरम्मणवसेन, आपाथं आगच्छन्तस्सपि पसादघट्टनेन च भवङ्गचलनस्स पच्चयभावेन आपाथं विय उपगमनन्ति अत्थो ।

४९४-५. ततोति भवङ्गचलनतो परं, कुसलं जवनं चित्तन्ति कामावचरकुसलजवनचित्तं । अकुसलमेव वाति वा-सहेन किरियाब्याकतचित्तम्पि सङ्गण्हाति । एत्थ सिया — को पनेतं जवनं कुसलताय वा अकुसलताय वा नियमेतीति? योनिसोमनसिकारो चेव अयोनिमोमनसिकारो च । यस्स हि चतुचक्कसम्पदावसेन योनिमोमनसिकारो पवत्ति, आवज्जनं, वोट्ठब्बनञ्च योनिमोव आवट्टेति, ववत्थापेति च, तस्स अकुसलुप्पत्ति नत्थि । यस्स पन वुत्तविपरियायेन अयोनिमोमनसिकारो च होति, आवज्जनं, वोट्ठब्बनञ्च अयोनिमो च आवट्टेति, ववत्थापेति च, तस्स कुसलजवनुप्पत्ति नत्थि, तस्मा योनिमोमनसिकारो कुसलताय, अयोनिमोमनसिकारो अकुसलताय च नियमेतीति दट्ठब्बं । किरियाजवनं पन

अरहत्तमेव नियमेति । केचि पन “किरियाजवनं पन मनसिकारो च नियमेति । यथा हि आवज्जनं कुसलाकुसलानं विसुं विसुं पच्चयो होति, एवं किरियाजवनस्सापी”ति वदन्ति ।

४९७. दोवारिकोपमादीनीति एत्थ एको राजा सयनगतो निद्वायति, तस्स परिचारको पादे परिमज्जन्तो निसीदि, बधिरदोवारिको द्वारे ठितो, तयो पटिहारा सयनस्स, द्वारस्स च मज्जे पटिपाटिया ठिता । अथेको पच्चन्तवासी मनुस्सो पण्णाकारं आदाय द्वारं आकोटेसि, बधिरदोवारिको सद्धं न सुणाति, पादपरिमज्जको सज्जं अकासि, ताय सज्जाय द्वारं विवरित्वा पस्सि, पठमपटिहारो पण्णाकारं गहेत्वा दुतियस्स अदासि, दुतियो ततियस्स, ततियो रज्जो, राजा परिभुज्जि । तत्थ राजा विय जवनं दट्ठब्बं, पादपरिमज्जको विय आवज्जनं, बधिरदोवारिको विय चक्खुविज्जाणं, तयो पटिहारा विय सम्पटिच्छनादीनि तीणि वीथिचित्तानि, पच्चन्तवासिनो पण्णाकारं आदाय द्वाराकोटनं विय आरम्मणस्स पसादघट्टनं, पादपरिमज्जकेन सज्जाय दिन्नकालो विय किरियामनोधातुया भवङ्गस्स आवट्टितकालो, तेन दिन्नसज्जाय बधिरदोवारिकस्स द्वारविवरकालो विय चक्खुविज्जाणस्स आरम्मणे दस्सनकिच्चसाधनकालो, पठमपटिहारेन पण्णाकारस्स गहितकालो विय विपाकमनोधातुया आरम्मणस्स सम्पटिच्छितकालो, पठमेन दुतियस्स दिन्नकालो विय विपाकमनोविज्जाणधातुया आरम्मणस्स सन्तीरितकालो, दुतियेन ततियस्स दिन्नकालो विय किरियामनोविज्जाणधातुया आरम्मणस्स ववत्थापितकालो, ततियेन रज्जो दिन्नकालो विय वोट्टब्बनेन जवनस्स निय्यातितकालो, रज्जो परिभोगकालो विय जवनस्स आरम्मणरसानुभवनकालोति अयं दोवारिकोपमा ।

“इदं पन ओपम्मं किं दीपेती”तिआदि उच्छ्रयन्तूपमाय वुत्तनयेन वेदितब्बा । सम्बहुला गामदारका अन्तरवीथियं पंसुं कीळन्ति, तत्थेकस्स हत्थे कहापणो पटिहज्जि । सो “मय्हं हत्थे पटिहतं, किं नु खो एत”न्ति आह । अथेको “पण्डरं एत”न्ति आह । अपरो सह पंसुना गाळ्हं गण्हि । अज्जो “पुथुलं चतुरस्सं एत”न्ति आह । अपरो “कहापणो एसो”ति आह । अथ आहरित्वा मातु अदंसु, सा कम्मे उपनेसि । तत्थ सम्बहुलानं दारकानं अन्तरवीथियं कीळन्तानं सन्निसिन्नकालो विय चित्तप्पवत्ति दट्ठब्बा, कहापणस्स हत्थे पटिहतकालो विय आरम्मणेन पसादस्स घट्टितकालो, “किं नु खो एत”न्ति वुत्तकालो विय तं आरम्मणं गहेत्वा किरियामनोधातुया भवङ्गस्स आवट्टितकालो, “पण्डरं एत”न्ति वुत्तकालो विय चक्खुविज्जाणेन दस्सनकिच्चस्स साधितकालो, सह पंसुना गाळ्हं गहितकालो विय विपाकमनोधातुया आरम्मणस्स सम्पटिच्छितकालो, “पुथुलं चतुरस्सं एत”न्ति वुत्तकालो विय विपाकमनोविज्जाणधातुया आरम्मणस्स सन्तीरितकालो, “कहापणो एसो”ति वुत्तकालो विय किरियामनोविज्जाणधातुया आरम्मणस्स ववत्थापितकालो, मातरा कम्मे उपनीतकालो विय जवनस्स आरम्मणरसानुभवनं वेदितब्बन्ति अयं गामदारकोपमा ।

इदं ओपम्मं किं दीपेति? किरियामनोधातु अदिस्वाव भवङ्गं आवट्टेति, विपाकमनोधातु अदिस्वाव सम्पटिच्छति, विपाकमनोविज्जाणधातु अदिस्वाव सन्तीरेति, किरियामनोविज्जाणधातु अदिस्वाव ववत्थापेति, जवनं अदिस्वाव आरम्मणरसं अनुभवति, एकन्तेन पन चक्खुविज्जाणमेव दस्सनकिच्चं साधेतीति दीपेति । जच्चन्धपीठसप्पीउपमा उपरि आगमिस्सति ।

४९८-५०९. एत्तका उपमा सङ्गहेत्वा “दोवारिकोपमादीनी”ति वत्वा “उपनिस्सयमत्थसो”ति एत्थ उपनिस्सयभावं पकासेतुं “असम्भेदेना”तिआदिमाह । असम्भेदेनाति अविनट्टभावेन, वातपित्तादीहि अनुपहतभावेन च । वातपित्तादिउपहतम्पि हि चक्खुविज्जाणस्स पच्चयभावानुपगमनतो सम्भिन्नमेव नाम होति, पज्जिन्द्रियानं अत्थिक्खणेयेव निस्सयभावोपगमनतो खणवसेन असम्भेदोपि युज्जति । एस नयो सोतपसादादीसुपि । **रूपापाथगमेनाति** दूरे ठितस्स

फलिकादीहि अन्तरितस्स चक्खुविज्जाणुप्पत्तिया पच्चयो भवितुं योग्यदेसे अवट्ठितवसेन रूपस्स आपाथगमनेन । एवञ्च कत्वा दूरे ठितं, परम्मुखे ठितम्पि दिब्बचक्खुस्स आपाथगतमेव नाम होति । **आलोकनिस्सयेनापीति** रूपावभासनसमत्थआलोकसङ्घातनिस्सयेन । आलोके सति सम्भवो चेत्थ आलोकनिस्सयता, न आलोकस्स निस्सयपच्चयत्ता । मनक्कारोव हेतु मनक्कारहेतु, तेन सह वत्ततीति **समनक्कारहेतु** । तेन आलोकनिस्सितं दस्सेति । **समेतेहीति** संयुत्तेहि एकीभूतेहि, न एकस्सपि विरहेनाति अत्थो ।

आकासनिस्सयेनाति कण्णच्छिद्दसङ्घातआकासनिस्सयेन । तेनेव हि **अट्ठकथायं** “न हि पिहितकण्णच्छिद्दस्स सोतविज्जाणं पवत्तती”ति वुत्तं । बाहिराकासम्पि पन इच्छितमेव । तथा हि अविवरे गेहे निसीदित्वा वुच्चमानानं बहि ठिता न सुणन्ति । **वायोसनिस्सयेनाति** नासिकच्छिद्दं पविसनवायुसनिस्सयेन । **आपोसनिस्सयेनाति** खेळसङ्घातआपोसनिस्सयेन । **पथवीसनिस्सयेनाति** कायपसादवत्थुस्स पथवीधातुसनिस्सयेन । **मनोविज्जाणन्ति** जवनमनोविज्जाणं ।

५१०-११. मनो...पे०... वेदितब्बन्ति “असम्भेदा मनस्सा”ति एत्थ वुत्तं मनो भवङ्गचित्तन्ति वेदितब्बं । तं पन चुतिवसेन निरुद्धम्पि किरियामयचित्तस्स पच्चयभावं अनुपगन्त्वा केवलं भवङ्गप्पवत्तिवसेन मन्दथामगतं हुत्वा पवत्तनम्पि सम्भिन्नमेवाति दट्ठब्बं । **नायं सब्बत्थ गच्छतीति** चतुवोकारे अलब्धनतो । तेनाह “**भवं तु पञ्चवोकार**”न्तिआदि । तत्थ पञ्चन्नं खन्धानं वोकारो एत्थाति **पञ्चवोकारो** । होति हि भिन्नाधिकरणम्पि अज्जपदत्थसमासो यथा “उरसिलोमो”ति । अथ वा यथापच्चयं पञ्चहि खन्धेहि वोकरीयतीति **पञ्चवोकारो** । “अत्थतो”ति एवमादिकं पदं चक्खादीनि दस्सनादिकिच्चीनाति एत्तकमेव सन्धाय वुत्तं, न अज्जं किञ्चि विसेसनन्ति न तत्थ विनिच्छयो वुत्तो ।

५१२-४. सब्बानीति कामावचरादिभेदं अनामसित्वा सब्बानि । **कम्मन्ति** पटिसन्धिनिब्बत्तका उपपज्जवेदनीयभूता, अपरापरियवेदनीयभूता वा चेतना । **कम्मनिमित्तन्ति** यं वत्थुं आरम्भणं कत्वा आयूहनकाले कम्मं आयूहति, तं दानूपकरणादिकं, पाणघातोपकरणादिकञ्च । **गतिनिमित्तन्ति** भवन्तरमुपपज्जितब्बभवपरियापन्नवण्णायतनं, तं पन सुगतियं मनुस्सलोके निब्बत्तन्तस्स रत्तकम्बलसदिसमातुकुच्छिवण्णवसेन, देवलोके निब्बत्तन्तस्स उत्थानकप्परुक्खवण्णवसेन, दुग्गतियं निब्बत्तन्तस्स अग्गिजालादिवण्णवसेन, पेततिरच्छानयोनीसु पेततिरच्छानानं निबद्धसज्जरणाद्वानपरियापन्तावण्णवसेन च दट्ठब्बं । “**तिविध**”न्ति इदं यथासम्भववसेन वुत्तं, रूपारूपसम्बन्धीनं पन कम्मनिमित्तमेव आरम्भणं होति । तथा हि महग्गतविपाकानि एकन्तेन कम्मसदिसारम्भणानि वुत्तानि ।

पच्चुप्पन्नमतीतं वाति खणवसेन पच्चुप्पन्नमतीतं वा । तत्थ गतिनिमित्तं एकन्तेन पच्चुप्पन्नमेव, कम्मनिमित्तं पच्चुप्पन्नमतीतं वा, कम्मं पन अतीतमेव । अनागतारम्भणं पन पच्चुप्पन्नकम्मनिमित्तगतिनिमित्तं विय अनापाथगतत्ता, अतीतकम्मकम्मनिमित्तं विय अननुभूतत्ता च विभूतं हुत्वा नोपतिट्ठातीति अतिसन्तभावेन पवत्तमाना पटिसन्धि तं आरब्ध पवत्तितुं न सक्कोतीति वुत्तं “**नत्थि अनागत**”न्ति । महग्गतपटिसन्धीनं एकन्तेन कम्मसदिसारम्भणभावेन कम्मस्स विय अतीतनवत्तब्बारम्भणत्ता न तासं विसुं आरम्भणं उद्धटं । तत्थ दुतियचतुत्थारूपपटिसन्धीनं अतीतमेव आरम्भणं इतरासं नवत्तब्बन्ति दट्ठब्बं ।

५१७-२०. महाविपाकानं पटिसन्धादिचतुकिच्चवसेनेव पवत्तनतो रूपारूपभवे पटिसन्धिभवङ्गचुतिवसेन तंतंविपाकस्सेव पवत्तितो, तदारम्भणस्स च अभावेन तत्थ न लब्धतीति आह “**महापाका...पे०... द्वये**”ति । अनिट्ठरूपानं ब्रह्मलोके असम्भवेपि तत्थ ठत्वा इध अनिट्ठारम्भणं पस्सन्तानं अकुसलविपाकानि न उप्पज्जन्तीति न वत्तब्बन्ति

रूपभवेपि सन्तीरणत्तयं वुत्तं । अभिधम्मत्थसङ्गहसच्चसङ्केपादीसुपि हि इमिनाव अधिप्पायेन रूपलोके अकुसलविपाकप्पवत्ति दस्सिता । अपरे पन “कामभवे सन्तीरणत्तयं, रूपभवे सन्तीरणद्वयन्ति यथालाभवसेन योजेतब्ब”न्ति वदन्ति ।

कदाचिपीति परित्तरम्मणेसु परित्तजवनानं उप्पादेपि । “बीजस्साभावतो”ति रूपारूपभवद्वये तदारम्मणाभावस्स कारणं वत्त्वा तमेव पकासेतुं “**पटिसन्धिबीज**”न्तिआदि वुत्तं । पटिसन्धियेव बीजभूतन्ति **पटिसन्धिबीजं** । तस्साति तदारम्मणस्स ।

५२१. यदि एवं चक्खुविज्जाणादीनम्पि कामावचरपटिसन्धिबीजत्ता तत्थ अभावो आपज्जतीति चोदेन्तो आह “**चक्खुविज्जाणादीन**”न्तिआदि । **इन्द्रियानन्ति** चक्खुविज्जाणादीनं वत्थुद्वारभूतानं चक्खादीनमिन्द्रियानं । **पवत्तानुभावतो**ति तेसं तत्थ अत्थितानुभावतो । अयज्हेत्थ अधिप्पायो — चक्खुसोतविज्जाणानं वत्थुभूतानि चक्खुसोतिन्द्रियानि तत्थ पवत्तन्तीति तेसं पवत्तिआनुभावतो चक्खुसोतविज्जाणानि पवत्तन्ति । सति च तेसं पवत्तियं वीथिचित्तुप्पादो नियतोति चक्खुविज्जाणादीनं विय सम्पटिच्छनसन्तीरणानम्पि तत्थ सम्भवो सिद्धोति ।

५२३-४. अकामावचरधम्मेति कामावचरधम्मतो अज्जे महग्गतलोकुत्तरधम्मे । **नानुबन्धतीति** नानुवत्तति । **जनकं...पे०...** अनुबन्धतीति यथा नाम गेहतो निक्खमित्वा बहि गन्तुकामो तरुणदारको अत्तनो जनकं पितरं वा अज्जं वा पितुसदिसं हितकामं जातिं अङ्गुलियं गहेत्वा अनुबन्धति, न अज्जं राजपुरिसादिं, तथा एतम्पि भवङ्गारम्मणतो बहि निक्खमितुकामसभागताय अत्तनो जनकं पठमकुसलादिकं सदिसं वा दुतियकुसलादिकामावचरजवनमेव अनुबन्धति, न अज्जं महग्गतं लोकुत्तरन्ति अयमेत्थ अत्थो । **कुसलाकुसलादन्ति आदि-**ग्गहणेन किरियाब्बाकतं सङ्गण्हाति । **आनन्दाचरियो** पन **पट्टाने** “कुसलाकुसले निरुद्धे विपाको तदारम्मणता उप्पज्जती”ति (पट्टा० ३.१.९८) विपाकधम्मधम्मानमेवानन्तरं तदारम्मणं वुत्तं । विप्फारवन्तज्झि जवनं नावं विय नदीसोतो भवङ्गं अनुबन्धति, न पन छळङ्गुपेक्खावतो सन्तवुत्तिं किरियाजवनं पण्णपुटं विय नदीसोतोति किरियाजवनानन्तरं तदारम्मणं न इच्छति, **आचरियजोतिपालत्थेरादयो** पन “लब्भमानस्सपि केनचि अधिप्पायेन कत्थचि अवचनं दिस्सति, यथा तं धम्मसङ्गहे अकुसलनिद्वेसे लब्भमानोपि अधिपति न वुत्तो, तस्मा यदि अब्बाकतानन्तरम्पि तदारम्मणं वुच्चेय्य, तदा वोढुब्बनानन्तरम्पि तस्स पवत्तिं मज्जेय्युन्ति किरियाजवनानन्तरं तदारम्मणं न वुत्तं, न पन अलब्भनतो । यज्जेत्थ पण्णपुटं निदस्सितं, तं निदस्सितब्बेन समानं न होति, नावापण्णपुटानज्झि नदीसोतस्स आवट्टनं गति च विसदिसीति नावायं नदीसोतस्स अनुबन्धनं, पण्णपुटस्स अननुबन्धनञ्च युज्जति, इध पन किरियाजवनेतरजवनानं भवङ्गसोतस्स आवट्टनं गति च सदिसीति एतस्स अननुबन्धनं, इतरस्स अनुबन्धनञ्च न युज्जति, तस्मा विचारेतब्बमेव त”न्ति वदन्ति ।

५२५-६. यथा चेत्तं महग्गतलोकुत्तरधम्मे नानुवत्तति, तथा यदा एते कामावचरधम्मापि महग्गतानुत्तरधम्मारम्मणा हुत्वा पवत्तन्ति, तदा तेपि नानुबन्धतीति आह “**कामावचरधम्मापी**”तिआदि । महग्गता-ग्गहणेन चेत्थ लोकुत्तरानम्पि सङ्गहो दट्ठब्बो । **ते चापीति च-**सद्देन लोकुत्तरारम्मणानं गहणं । कस्मा नानुबन्धतीति आह “**परित्तरम्मणत्ता**”तिआदि । **परित्तरम्मणत्ता**ति हेट्ठा वुत्तनयेन कामावचरविपाकानं एकन्तेन परित्तरम्मणत्ता । **तथापरिचितत्ता**ति यथा जवनं, एवं अपरिचितत्ता । इदं वुत्तं होति — यथा हि सो पितरं, पितुसदिसं वा कज्जि अनुबन्धन्तो तरुणदारको घरद्वारन्तरवीथिचतुक्कादिमि परिचितेयेव देसे अनुगच्छति, न अरज्जं वा रक्खसभूमिं वा गच्छन्तं, एवं कामावचरधम्मे अनुबन्धन्तम्पि परित्तमि परिचितेयेव देसे पवत्तमाने ते धम्मे अनुबन्धति, न महग्गतलोकुत्तरधम्मे आरब्ध पवत्तमानेपि ।

५२७-३२. इदानीं किं इमाय युत्तिकथाय, अट्टकथापमाणतो चेत्तं गहेतब्बन्ति दस्सेन्तो आह “किं तेना”तिआदि । जवनेति कामावचरजवने । तदारम्मणचित्तानि “तदारम्मण”न्ति लद्धनामानि चित्तानि तदारम्मणभावं न गणहन्ति, तदारम्मणभावेन न पवत्तन्तीति अत्थो । अथ वा नामगोत्तं आरब्भ जवने जविते तदारम्मणं तस्स जवनस्स आरम्मणं न गणहन्ति न लब्भन्तीति अत्थो । रूपारूपभवेसु वाति वा-सद्देन “जवने जवितेपि तदारम्मणं न गणहन्ती”ति आकड्ढति । पण्णत्तिं आरब्भाति कामभवेपि पण्णत्तिं आरब्भ । लक्खणारम्मणायाति अनिच्चादिलक्खणत्तयारम्मणाया, बलवविपस्सनायाति अत्थो । “तीणि लक्खणानि, तिस्सो च पज्जत्तियो कुसलत्तिके न लब्भन्ती”ति अट्टकथाय वुत्तत्ता तिण्णं लक्खणानं धम्मतो अभावेन तं आरब्भ पवत्ताय विपस्सनाय तदारम्मणानि न लब्भन्ति । पट्टाने पन “सेखा वा पुथुज्जना वा कुसलं अनिच्चतो दुक्खतो अनत्ततो विपस्सन्ति, कुसलाकुसले निरुद्धे विपाको तदारम्मणता उप्पज्जती”ति (पट्टा० १.१.४०६) वचनतो खन्धारम्मणिकविपस्सनाय तदारम्मणं लब्भतीति दट्ठब्बं । मिच्छत्तनियतेसूति “कतमे धम्मा मिच्छत्तनियता? चत्तारो दिट्ठिगतसम्पयुत्तचित्तुप्पादा”ति (ध० स० १४२६) एवमागतेसु मिच्छागाहवसेन पवत्तेसु धम्मेसु जवनं हुत्वा जवितेसु । कस्मा पन तेसु जवितेसु तदारम्मणं न लब्भतीति? कामावचरविपाकानज्झि नियतमिच्छादिट्ठि विय “अत्ता ओच्छिज्जती”तिआदिना अत्तपरिकप्पनावसेन अप्पवत्तनतो नियतमिच्छादिट्ठिवसप्पवत्तेसु तेसु जवितेसु तदनन्तरं तदारम्मणानि न उप्पज्जन्ति, अनियतमिच्छादिट्ठिवसप्पवत्तेसु पन जवितेसु तदारम्मणं नुप्पज्जतीति नत्थि । अथ वा मिच्छत्तनियतेसूति मिच्छाभावनियतसभावेसु तं विसयेसूति अत्थो । मिच्छत्तनियतधम्मानं धम्मसभावं अगगहेत्वा मिच्छत्तनियतसभावस्सेव गहणतो, तस्स च विपाकानं अविभूतत्ता मिच्छत्तनियतसभावे आरब्भ तदारम्मणा न लब्भन्ति । पि-सद्देन सम्मत्तनियतेसुपीति सम्पिण्डेति, “लोकोत्तरधम्मे आरब्भा”ति वा एतेन सिद्धत्ता न तेसं विसुं उद्धरणं कतं । अट्टकथायं पन मिच्छत्तनियतसम्मत्तनियतानं अज्जमज्जपटिपक्खभावेन बलवभावतो तदारम्मणस्स अवत्थुभावदस्सनत्थं मिच्छत्तनियतानन्तरं सम्मत्तनियतापि उद्धटा । मिच्छत्तनियतसभावस्स विय पटिसम्भिदासभावस्सपि कामावचरविपाकानं अविभूतभावेन पटिसम्भिदाजाणानि आरब्भ जवने जविते तदारम्मणं न लब्भतीति आह “पटिसम्भिदाजाणानी”तिआदि । मनोद्वारेपीति न केवलं पज्जद्वारेसुयेव, अथ खो मनोद्वारेपि । सब्बेसन्ति अहेतुकदुहेतुकादीनं सब्बेसं । अनुपुब्बतोति हेट्ठा वुत्तअनुक्कमतो ।

५३३. न विज्जतीति मनोद्वारस्स अप्पटिघभावेन न विज्जति । भवङ्गतोति भवङ्गसन्तानतो, तस्स आरम्मणतो वा । वुट्ठानन्ति भवङ्गसन्ताने, तस्सारम्मणे वा सति तस्स वुट्ठानं ।

५३५-६. सत्त सत्ताति एकेकस्स सत्त सत्ताति कत्वा । पापपाकाति अकुसलविपाका । “द्वादसापुज्जचित्तान”न्ति वत्वा “पापपाका”ति वचनं “तत्रिदं सुगतस्स सुगतचीवरप्पमाण”न्तिआदीसु विय सज्जासद्वसेन वुत्तं । एवं पवत्तियं अकुसलविपाकानं पवत्तिं दस्सेत्वा इदानीं पटिसन्धियं दस्सेतुं “एकादसविधान”न्तिआदि वुत्तं । उद्धच्चचेतनाय पवत्तिविपाकदानमत्तं विना पटिसन्धिदानाभावतो आह “हित्वा उद्धच्चमानस”न्ति । किं पनेत्थ कारणं, अधिमोक्खविरहेन सब्बदुब्बलम्पि विचिकिच्छासहगतं पटिसन्धिं आकड्ढति, अधिमोक्खसभावतो ततो बलवतरम्पि उद्धच्चसहगतं नाकड्ढतीति? पटिसन्धिदानसभावाभावतो । “बलवं आकड्ढति, दुब्बलं नाकड्ढती”ति हि अयं विचारणा पटिसन्धिदानसभावेसुयेव । यस्स पन पटिसन्धिदानसभावो एव नत्थि, न तस्स बलवभावो पटिसन्धिआकड्ढने कारणन्ति ।

कथं पनेतं विज्जातब्बं “उद्धच्चसहगतस्स पटिसन्धिदानसभावो नत्थी”ति? दस्सनेनपहातब्बेसु अनागतत्ता । तिविधा हि अकुसला दस्सनेनपहातब्बा, भावनायपहातब्बा, सिया दस्सनेनपहातब्बा सिया भावनायपहातब्बाति । तत्थ दिट्ठिसम्पयुत्तविचिकिच्छासहगतचित्तुप्पादा दस्सनेनपहातब्बा नाम । यथाह “कतमे धम्मा दस्सनेनपहातब्बा? चत्तारो

दिट्ठिगतसम्पयुत्तचित्तुप्पादा विचिकिच्छासहगतो चित्तुप्पादो”ति (ध० स० १४०८) । ते हि पठमं निब्बानदस्सनतो “दस्सन”न्ति लद्धनामेन सोतापत्तिमग्गेनेव पहातब्बत्ता “दस्सनेनपहातब्बा”ति वुच्चन्ति । उद्धच्चसहगतचित्तुप्पादो **भावनायपहातब्बो** नाम । यथाह “कतमे धम्मा भावनायपहातब्बा? उद्धच्चसहगतो चित्तुप्पादो”ति । सो हि अगमग्गेन पहातब्बत्ता “भावनायपहातब्बो”ति वुत्तो । उपरिमग्गतयज्झि पठममग्गेन दिट्ठस्मियेव भावनावसेन उप्पज्जति, न अदिट्ठपुब्बं किञ्चि पस्सति, तस्मा “भावना”ति वुच्चति । दिट्ठिविप्पयुत्तदोमनस्ससहगतचित्तुप्पादा पन **सिया दस्सनेनपहातब्बा सिया भावनायपहातब्बा** नाम । यथाह “चत्तारो दिट्ठिगतविप्पयुत्ता लोभसहगतचित्तुप्पादा द्वे दोमनस्ससहगतचित्तुप्पादा । इमे धम्मा सिया दस्सनेनपहातब्बा सिया भावनायपहातब्बा”ति (ध० स० १४०९) । ते हि अपायनिब्बत्तकावत्थाय पठममग्गेन, सेसावत्थाय उपरिमग्गेहि पहीयमानत्ता सिया दस्सनेनपहातब्बा सिया भावनायपहातब्बा नाम । तत्थ सिया दस्सनेनपहातब्बम्पि दस्सनेनपहातब्बसामज्जेन इध “दस्सनेनपहातब्बा”त्वेव वोहरन्ति । यदि च उद्धच्चसहगतं पटिसन्धिं ददेय्य, तदा अकुसलपटिसन्धिया सुगतियं असम्भवतो अपायेस्वेव ददेय्य, अपायगमनीयञ्च एकन्तेन दस्सनेनपहातब्बा सिया, इतरथा अपायगमनीयस्स अप्पहीनत्ता सेखानं अपायुप्पत्ति आपज्जति, न च पनेतं युत्तं, “चतूहपायेहि च विप्पमुत्तो (खु० पा० ६.११; सु० नि० २३४), अविनिपातधम्मो”ति आदिवचनेहि सह विरुज्जनतो, सति च पनेतस्स दस्सनेनपहातब्बभावे “सिया दस्सनेनपहातब्बा”ति इमस्स विभङ्गे वत्तब्बं सिया, न च पनेतं वुत्तन्ति । अथ सिया “अपायगमनीयो रागो दोसो मोहो तदेकट्ठा च किलेसा”ति एवं दस्सनेनपहातब्बेसु वुत्तत्ता उद्धच्चसहगतस्सापि तत्थ सङ्गहो सक्का कातुन्ति? तं न, तस्स नियामतो भावनायपहातब्बभावेन वुत्तत्ताति तस्मा दस्सनेनपहातब्बेसु अवचनमेव पटिसन्धिदानाभावं साधेतीति ।

ननु च **पटिसम्भिदाविभङ्गे** —

“यस्मिं समये अकुसलं चित्तं उप्पन्नं होति उपेक्खासहगतं उद्धच्चसम्पयुत्तं, रूपारम्भणं वा... पे०... धम्मारम्भणं वा यं यं वा पनारब्भ, तस्मिं समये फस्सो होति... पे०... अविकखेपो होति, इमे धम्मा अकुसला । इमेसु धम्मेसु जाणं धम्मपटिसम्भिदा, तेसं विपाके जाणं अत्थपटिसम्भिदा”ति (विभ० ७३१) —

एवं उद्धच्चसहगतचित्तुप्पादं उद्धरित्वा तस्स विपाकोपि उद्धटोति कथमस्स पटिसन्धिदानाभावो सम्पटिच्छित्तब्बोति? न इदं पटिसन्धिदानं सन्धाय उद्धटं, अथ खो पवत्तिविपाकं सन्धाय । **पट्टाने** पन —

“सहजाता दस्सनेनपहातब्बा चेतना चित्तसमुद्धानानं रूपानं कम्मपच्चयेन पच्चयो, नानक्खणिका दस्सनेनपहातब्बा चेतना विपाकानं खन्धानं कटत्ता च रूपानं कम्मपच्चयेन पच्चयो”ति (पट्टा० २.८.८९) —

दस्सनेनपहातब्बचेतनाय एव सहजातानानक्खणिककम्मपच्चयभावं उद्धरित्वाव “सहजाता भावनायपहातब्बा चेतना चित्तसमुद्धानानं रूपानं कम्मपच्चयेन पच्चयो”ति भावनायपहातब्बचेतनाय सहजातकम्मपच्चयभावोव उद्धटो, न पन नानक्खणिककम्मपच्चयभावो । तथा **पच्चनीयनयेपि** —

“दस्सनेनपहातब्बो धम्मो नेवदस्सनेनभावनायपहातब्बस्स धम्मस्स आरम्भणपच्चयेन पच्चयो, सहजात... उपनिस्सय... पे०... पच्छाजात... कम्मपच्चयेन पच्चयो”ति (पट्टा० २.८.९८) —

दस्सनेनपहातब्बस्सेव कम्मपच्चयभावं उद्धरित्वा —

“भावनायपहातब्बो धम्मो नेवदस्सनेननभावनायपहातब्बस्स धम्मस्स आरम्भणपच्चयेन पच्चयो, सहजात...
उपनिस्सय... पच्छाजातपच्चयेन पच्चयो”ति (पट्ठा० २.८.९९) —

भावनायपहातब्बस्स धम्मस्स सहजातादिपच्चयभावोव वुत्तो, न पन कम्मपच्चयभावो, न च नानक्खणिककम्मपच्चयं विना पटिसन्धिआकट्ठनं अत्थि, तस्मा नत्थि तस्स सब्बथापि पटिसन्धिदानं । पवत्तिविपाकं पनस्स न सक्का निवारेतुं पटिसम्भिदाविभङ्गे उद्धच्चसहगतानम्पि विपाकस्स उद्धटत्ता, नानक्खणिककम्मपच्चयस्स च पटिसन्धिविपाकमेव सन्धाय अनुद्धटत्ता । एवञ्च पन कत्वा यदेके आचरिया वदन्ति “उद्धच्चचेतना उभयविपाकम्पि न देति पट्टाने नानक्खणिककम्मपच्चयस्स अनुद्धटत्ता”ति, तं तेसं अभिनिवेसमत्तमेवाति दट्ठब्बं ।

यदि च ते वदेय्युं — यथा “विपाकधम्मधम्मा”ति एत्थ विपाक-सहेन विपाकारहता वुच्चति, एवं इधापि उद्धच्चसहगतानं विपाकारहतं सन्धाय “तेसं विपाके जाण”न्ति वुत्तं । यथा सद्भिन्द्रियविनिमुत्तस्स अधिमुच्चनट्ठस्स अभावेपि सद्भिन्द्रियस्स अधिमुच्चनसत्तिविसेसं गहेत्वा सद्भिन्द्रियधम्मो अधिमुच्चनट्ठो अत्थोति वुच्चति, एवमिधापि धम्मविनिमुत्तस्स विपाकारहभावस्स अभावेपि धम्मानमेव विपाकारहसामत्थियं गहेत्वा तस्स अत्थिभावो वुत्तो । यदि च ते पवत्तिविपाकं ददेय्युं, यथा —

“सुखाय वेदनाय सम्पयुत्तो धम्मो दुक्खाय वेदनाय सम्पयुत्तस्स धम्मस्स कम्मपच्चयेन पच्चयो,
नानक्खणिका”ति (पट्ठा० १.२.५७) —

पवत्तिविपाकस्सपि वसेन नानक्खणिककम्मपच्चयो वुत्तो, एवमेत्थापि नानक्खणिककम्मपच्चयभावो वत्तब्बो सिया । न हि लब्भमानस्स अवचने कारणं अत्थीति तस्मा यथाधम्मसासने अवचनम्पि अभावमेव दीपेति । अपिच यदि उद्धच्चसहगतस्स पवत्तिविपाकदानं अधिप्पेतं सिया, तदा “अनुपादिन्नुपादानियो धम्मो उपादिन्नुपादानियस्स धम्मस्स न कम्मपच्चयेन पच्चयो”ति पटिसेधो न कातब्बो सिया । न हि ठपेत्वा उद्धच्चं अज्जो कोचि अनुपादिन्नुपादानियो धम्मो उपादिन्नुपादानियस्स धम्मस्स पच्चयो भवितुं असमत्थो अत्थीति, तयिदमेतेसं अभिलापमत्तं । तथा हि यं ताव वुत्तं “विपाकारहभावं गहेत्वा तेसं विपाकेति वुत्त”न्ति, तदेव तस्स विपाकसम्भावं दीपेति । न हि विपाकारहभावे सति अभिज्जादीनं विय तस्स अविपाकताय कारणं अत्थीति । यम्पि वुत्तं “नानक्खणिककम्मपच्चयस्स अवचनं विपाकभावं दीपेती”ति, तम्पि न सुन्दरं, लब्भमानस्सापि कत्थचि केनचि अधिप्पायेन अवचनतो । तथा हि धम्मसङ्गणियं लब्भमानम्पि हृदयवत्थु न वुत्तं । तस्मा यदि पवत्तिविपाकं सन्धाय नानक्खणिककम्मपच्चयभावो वुच्चेय्य, तदा पटिसन्धिविपाकदानम्पिस्स मज्जेय्युन्ति लब्भमानस्सपि पवत्तिविपाकस्स वसेन नानक्खणिककम्मपच्चयभावो न वुत्तोति । यं पन अनुपादिन्नुपादानियस्स उपादिन्नुपादानियं पति कम्मपच्चयपटिक्खेपवचनं, तं अभिज्जाकुसलादिके सन्धायाति न एत्तावता उद्धच्चसहगतस्स पवत्तिविपाकदानं सब्बथापि पटिक्खिपितुं सक्काति । यम्पि **अट्ठकथायं** “यथा च अभिज्जाचेतना, एवमुद्धच्चचेतनापि ‘सङ्खारपच्चया विज्जाण’न्ति एत्थ अपनेतब्बा”ति वुत्तं, तम्पि उद्धच्चचेतनाय तत्थ निदिसियमानाय यथा इतरा पटिसन्धिपवत्तिवसेन दुविधस्सपि विपाकविज्जाणस्स पच्चयो, एवमुद्धच्चचेतनापीति गण्हेय्युन्ति वुत्तं, न तस्स पवत्तिविपाकाभावतोति ।

आचरियबुद्धमितादयो पन उद्धच्चसहगतं द्विधा विभजित्वा एकस्स उभयविपाकदानं, एकस्स सब्बथापि विपाकाभावं वण्णेन्ति । तेसज्हि अयं विनिच्छयो — अत्थि उद्धच्चं भावनायपहातब्बम्पि, अत्थि नभावनायपहातब्बम्पि । तेसु भावनायपहातब्बं सेखसन्तानप्पवत्तं, इतरं पुथुज्जनसन्तानप्पवत्तं । फलदानञ्च पुथुज्जनसन्ताने पवत्तस्सेव, नेतरस्स ।

तथा हि दस्सनभावनां अभवेपि येसं पुथुज्जनानं, सेखानञ्च दस्सनभावनाहि भवितब्बं, तेसं तदुप्पत्तिकाले ताहि पहातुं सक्कुण्येया अकुसला “दस्सनेनपहातब्बा, भावनायपहातब्बा”ति च वुच्चन्ति । पुथुज्जनानं पन भावनाय अभावतो भावनायपहातब्बचिन्ता नत्थि, तेन तेसं पवत्तमाना ते दस्सनेन पहातुं असक्कुण्येयापि “भावनायपहातब्बा”ति न वुच्चन्ति । यदि वुच्चयेयुं, दस्सनेनपहातब्बा भावनायपहातब्बानं केसञ्चि केचि कदाचि आरम्मणारम्मणाधिपतिउपनिस्सयपच्चयेहि पच्चया भवेयुं । सकभण्डे छन्दरागादीनञ्चि केसञ्चि सक्कायदिट्ठादयो केचि अतीतादीसु किस्मिञ्चि काले आरम्मणाधिपतिउपनिस्सयेहि पच्चया होन्तीति नत्थि, न च पट्टाने “दस्सनेनपहातब्बा भावनायपहातब्बानं केनचि पच्चयेन पच्चयो”ति वुत्ता, तस्मा नत्थि पुथुज्जनेसु पवत्तमानानमकुसलानं भावनायपहातब्बपरियायो । यदि तत्थ अवचनमेव पमाणं, एवं सति सेखसन्तानपवत्तानमपि अकुसलानं भावनायपहातब्बपरियायो नत्थीति आपज्जतीति? नापज्जति, सेखसन्तानपवत्तानं भावनाय पहातुं सक्कुण्येयत्ता । तेनेव च किञ्चि कत्वा सेखानं दस्सनेनपहातब्बानं अकुसलानं पहीनभावेन अस्सादनाभिनन्दनानं वत्थूनि न होन्ति । पहीनताय एव सोमनस्सस्स हेतुभूता, अविक्खेपहेतुभूता च न दोमनस्सं, उद्धच्चञ्च उप्पादेन्तीति न तेसं आरम्मणारम्मणाधिपतिपकतूपनिस्सयभावं गच्छन्ति । न हि पहीनकिलेसे उपनिस्साय अरिया रागदोसविक्खेपे उप्पादेन्ति । वुत्तञ्च “सोतापत्तिमगेन ये किलेसा पहीना, ते किलेसे न पुनेति, न पच्चेति, न पच्चागच्छतीति सुगतो, सकदागामि...पे०... अरहत्तमगेन...पे०... सुगतो”ति । पुथुज्जनानं पन दस्सनेन पहातुं सक्कुण्येया दस्सनेन पहातुं असक्कुण्येयानं केनचि पच्चयेन पच्चया न होन्तीति न सक्का वत्तुं, “दिट्ठिं अस्सादेति अभिनन्दति, तं आरब्भ रागो उप्पज्जति, दिट्ठि उप्पज्जति, विचिकिच्छा उप्पज्जति, उद्धच्चं उप्पज्जति, विचिकिच्छं आरब्भ विचिकिच्छा उप्पज्जति, दिट्ठि उप्पज्जति, उद्धच्चं उप्पज्जती”ति (पट्ठा० १.१.४०७) दिट्ठिविचिकिच्छानं उद्धच्चारम्मणभावस्स वुत्तत्ता । एत्थ हि उद्धच्चन्ति उद्धच्चसहगतं चित्तुप्पादं सन्धाय वुत्तं, न दस्सनेनपहातब्बेसुपि लब्भमानचेतसिकं उद्धच्चं । एवञ्च कत्वा अधिपतिपच्चयनिद्देसे “दिट्ठिं गरुं कत्वा अस्सादेति अभिनन्दति, तं गरुं कत्वा रागो उप्पज्जति, दिट्ठि उप्पज्जती”ति (पट्ठा० १.१.४१५) एतकमेव वुत्तं, न वुत्तं “उद्धच्चं उप्पज्जती”ति, तस्मा सेखसन्तानपवत्तानमकुसलानं दस्सनेनपहातब्बानं केनचि पच्चयेन पच्चयत्ताभावतो पुथुज्जनानं सन्तानेव दस्सनेनपहातब्बानमकुसलानं पच्चया न होन्तीति न सक्का वत्तुन्ति पट्टाने दस्सनेनपहातब्बानं भावनायपहातब्बस्स आरम्मणारम्मणाधिपतिउपनिस्सयपच्चयत्तानुद्धरणं सेखसन्तानपवत्तानं भावनायपहातब्बपरियायभावं साधेति, पुथुज्जनसन्तानेयेव नदस्सनेनपहातब्बानमकुसलानं भावनायपहातब्बपरियायभावं न साधेति, तस्मा दस्सनभावनाहि पहातब्बानं अतीतादिभावेन नवत्तब्बत्तेपि यादिसानं ताहि अनुप्पत्तिधम्मता आपादेतब्बा, ते पुथुज्जनेसु पवत्तमाना दस्सनेन पहातुं सक्कुण्येया दस्सनमगापेक्खाय तदप्पवत्तियमपि दस्सनेनपहातब्बा नाम । सेखेसु पवत्तमाना भावनाय पहातुं सक्कुण्येया तदप्पवत्तियमपि तदपेक्खाय भावनायपहातब्बा नाम । दस्सनेन पहातुं असक्कुण्येया पन पुथुज्जनेसु पवत्तमाना हेट्ठा वुत्तनयेन नेवदस्सनेनपहातब्बा नभावनायपहातब्बा, तेसु भावनायपहातब्बा सहायविरहतो विपाकं न जनेन्ति । तथा हि तेसं दस्सनेनपहातब्बसङ्घातं सहकारीकारणं सहायभूतं नत्थीति भावनायपहातब्बचेतनाय नानक्खणिककम्मपच्चयभावो न वुत्तो । अपेक्खितब्बदस्सनभावनारहितानं पन पुथुज्जनेसु उप्पज्जमानानं सकभण्डे छन्दरागादीनं, उद्धच्चसहगतचित्तुप्पादस्स च संयोजनत्तयतदेकट्टिकिलेसानं अनुपच्छिन्नताय अपरिक्खीणसहायानं विपाकुप्पादनं न सक्का पटिक्खिपितुन्ति उद्धच्चसहगतधम्मानं विपाको विभङ्गे वुत्तोति ।

यदि एवं, अपेक्खितब्बदस्सनभावनारहितानं अकुसलानं “नेवदस्सनेनभावनायपहातब्बा”ति वत्तब्बता आपज्जतीति? नापज्जति, अप्पहातब्बसभावानं कुसलादीनं “नेवदस्सनेनभावनायपहातब्बा”ति वुत्तत्ता, अप्पहातब्बविरुद्धसभावत्ता च अकुसलानं । यदि एवं ते इमस्मिं तिके नवत्तब्बाति वत्तब्बा आपज्जन्तीति? नापज्जन्ति, चित्तुप्पादकण्डे दस्सितानं द्वादसाकुसलचित्तुप्पादानं द्वीहि पदेहि सङ्गहितत्ता । यथा हि उप्पन्नत्तिके धम्मवसेन सब्बेसं

सङ्घतधम्मनं सङ्गहितत्ता कालवसेन असङ्गहितापि अतीता “नवत्तब्बा”ति न वुत्ता चित्तुप्पादानुरूपेण सङ्गहितेसु नवत्तब्बस्स अभावा, एवं इधापि चित्तुप्पादभावेन सङ्गहितेसु नवत्तब्बस्स अभावा “नवत्तब्बा”ति न वुत्ता । सब्बेन सब्बज्जि धम्मवसेन असङ्गहितस्स तिकदुकेसु नवत्तब्बतापत्ति । यत्थ हि चित्तुप्पादो कोचि नियोगतो नवत्तब्बो अत्थि, तत्थ तेसं चतुत्थो कोट्टासो अत्थीति यथावुत्तपदेसु विय तत्थापि भिन्दित्वा भाजेतब्बे चित्तुप्पादे भिन्दित्वा भाजेति “सिया नवत्तब्बापरितारम्मणा”तिआदिना, तदभावा उप्पन्नत्तिके, इध च तथा न वुत्तन्ति ।

अथ वा यथा सप्पटिघेहि समानसभावत्ता रूपधातुयं “तयो महाभूता सप्पटिघा”ति वुत्ता, यथाह “असज्जसत्तानं अनिदस्सनसप्पटिघं एकं महाभूत”न्ति, एवं पुत्थुज्जनानं पवत्तमाना भावनायपहातब्बसमानसभावा “भावनायपहातब्बा”ति वुच्चेय्युन्ति नत्थि नवत्तब्बतापसङ्गो । एवञ्च सति पुत्थुज्जनानं पवत्तमानापि भावनायपहातब्बा सकभण्डे छन्दरागादयो परभण्डे छन्दरागादीनं उपनिस्सयपच्चयो, रागो च रागदिट्ठीनं अधिपतिपच्चयोति अयमत्थो लद्धो होति । तेनेव हि —

“भावनायपहातब्बो धम्मो दस्सनेनपहातब्बस्स धम्मस्स उपनिस्सयपच्चयेन पच्चयो, आरम्मणूपनिस्सयो, पकतूपनिस्सयो”ति (पट्ठा० २.८.८४) —

इमिस्सा निद्वेसे दस्सनेनपहातब्बानं उपनिस्सयपच्चयभावीधम्मे निद्विसन्तेन भगवता —

“पकतूपनिस्सयो — पत्थनं उपनिस्साय पाणं हनति...पे०... सङ्घं भिन्दति, भावनायपहातब्बो रागो दोसो मोहो मानो पत्थना दस्सनेनपहातब्बस्स रागस्स दोसस्स मोहस्स मानस्स दिट्ठिया पत्थनाय उपनिस्सयपच्चयेन पच्चयो । सकभण्डे छन्दरागो परभण्डे छन्दरागस्स उप...पे०... सकपरिग्गहे छन्दरागो परपरिग्गहे छन्दरागस्स उपनिस्सयपच्चयेन पच्चयो”ति (पट्ठा० २.८.८४) —

पुत्थुज्जनसन्ताने पत्थनादयो निद्विट्ठा ।

एवमपि यथा अफोड्ढत्ता रूपधातुयं तयो महाभूता न परमत्थतो सप्पटिघा, एवं अपेक्खितब्बभावनारहिता पुत्थुज्जनेसु पवत्तमाना सकभण्डे छन्दरागादयो पन परमत्थतो भावनाय पहातब्बाति भावनायपहातब्बानं नानक्खणिककम्मपच्चयता न वुत्ता, न च “दस्सनेनपहातब्बा भावनायपहातब्बानं केनचि पच्चयेन पच्चयो”ति वुत्ता । ये हि दस्सनेनपहातब्बपच्चया किलेसा, न ते दस्सनतो उद्धं पवत्तन्ति । दस्सनेनपहातब्बपच्चयस्सापि पन उद्धच्चसहगतस्स सहायवेकल्लमत्तमेव दस्सनेन कतं, न तस्स कोचि भावो दस्सनेन अनुप्पत्तिधम्मतं आपादितोति तस्स एकन्तभावनायपहातब्बता वुत्ता, तस्मा उद्धच्चभावेन एकसभावस्सेव तस्स सति सहाये विपाकुप्पादनवचनं, असति च विपाकानुप्पादनवचनं न विरुज्झति । तयिदं सब्बमेतेसं आचरियानं अहोपुरिसिकारमत्तं । कस्मा? उद्धच्चसहगतस्स एकन्तभावनायपहातब्बभावेन वुत्तत्ता । एवज्जि वुत्तं भगवता “कतमे धम्मा भावनायपहातब्बा । उद्धच्चसहगतो चित्तुप्पादो”ति (ध० स० १४०६) । यदि च उद्धच्चसहगतं नभावनायपहातब्बं अभविस्स, यथा अतीतारम्मणत्तिके “नियोगा अनागतारम्मणा नत्थी”ति (ध० स० १४३३) वत्त्वा विभज्ज वुत्तं, एवमिधापि “नियोगा भावनायपहातब्बा नत्थी”ति वत्त्वा “उद्धच्चसहगतो सिया भावनायपहातब्बो सिया नवत्तब्बो ‘दस्सनेनपहातब्बो’तिपि ‘भावनायपहातब्बो’तिपी”तिआदि वत्तब्बं सिया, न च तथा वुत्तं । या च “तमत्थं पटिपादेन्तेहि यदि वुच्चेय्यु”न्तिआदिना युत्ति वुत्ता, सापि अयुत्ति । कस्मा? दस्सनेनपहातब्बारम्मणानं रागदिट्ठिविचिकिच्छाउद्धच्चानं तेन तेन पहातब्बभाववसेन इच्छितत्ता । यञ्च “उद्धच्चं उप्पज्जती”ति उद्धच्चसहगतचित्तुप्पादो वुत्तोति दस्सेतुं अधिपतिपच्चयनिद्वेसे उद्धच्चस्स अनुद्धरणं कारणवसेन वुत्तं, तम्पि अकारणं

अञ्जत्थापि सावसेसपाठानं दस्सनतो । तथा हि “अतीतो धम्मो पच्चुप्पन्नस्स धम्मस्स, अनागतो धम्मो पच्चुप्पन्नस्स धम्मस्स आरम्भणपच्चयेन पच्चयो”ति एतेसं विभङ्गे चेतोपरियजाणग्गहणं कत्वा “पच्चुप्पन्नो धम्मो पच्चुप्पन्नस्स धम्मस्सा”ति इमस्स विभङ्गे लब्भमानमि चेतोपरियजाणं न गहितं । यमि भावनायपहातब्बस्स विपाकदानमि दस्सनेनपहातब्बस्स सहायभावूपगमनं वुत्तं, तमि विचारेतब्बं — किं अविज्जादि विय दानसीलादीनं उपपत्तियंयेव विपाकदानसामत्थिया ठानवसेन दस्सनेनपहातब्बा भावनायपहातब्बानं सहकारीकारणं होति, उदाहु किलेसो विय कम्मस्स पटिसन्धिदानमहीति? किञ्चेत्थ — यदि ताव पुरिमो नयो, सेखसन्ताने भावनायपहातब्बस्स अकिरियाभावो आपज्जति, पहीनाविज्जामानतण्हानुसयस्मिं सन्ताने दानादि विय सहायवेकल्लेन अविपाकसभावतं आपन्नत्ता । अथ दुतियो, भावनायपहातब्बत्तेन अभिमतस्सापि दस्सनेनपहातब्बभावो आपज्जति, पटिसन्धिदाने सति अपायगमनीयसभावानतिवत्तनतो, तस्मा अम्हेहि हेट्ठा वुत्तनयेनेव उद्धच्चसहगतस्स विपाकदानं सम्पटिच्छित्तब्बं, न येसं केसञ्चि वचनं । पट्टानानुसारीहि भवितब्बन्ति ।

५३७-८. यन्ति यं आवज्जनद्वयं । करणमत्तत्ताति करणमत्तमेव ठपेत्वा फलदानाभावतो । वातपुप्फसमन्ति मोघपुप्फसमं, यथा तं पठमसज्जातं अच्छिन्नमूलोपि रुक्खे निब्बत्तं पुरिमेहि अदिन्नफलत्ता फलनिब्बत्तकं न होति, एवमिदं अनुपच्छिन्नभवमूलोपि सन्ताने निब्बत्तं अनासेवनभावेन फलदायकं न होतीति अधिप्पायो । **जवनत्तं तु सम्पत्तन्ति** अट्टारसविधं खीणासवावेणिकं विज्जाणमाह । **किच्चसाधनतोति** भवतण्हामूलस्स अवोच्छिन्नभावे सति कुसलाकुसलकम्मकिच्चस्स साधनतो, दानादितंतंकिच्चसाधनवसेन वा । इदं वुत्तं होति — यथा हि छिन्नमूलस्स रुक्खस्स पुप्फं पुप्फनमत्तं ठपेत्वा अफलमेव होति, एवमेतमि तंतंकिच्चसाधनमत्तं ठपेत्वा समुच्छिन्नभवतण्हामूले सन्ताने पवत्तनतो अफलमेवाति ।

५३९-४०. पटिच्चाति हेतुधम्मस्स पटिमुखं गन्त्वा तं अपच्चक्खाय । **एतीति** पवत्तति, तिष्ठति उप्पज्जति वाति वुत्तं होति । “एती”ति हि इदं उप्पत्तिट्ठितीनं साधारणवसेन पवत्तिपरिदीपकं । तेनेवाह “**ठितियुप्पत्तियापि वा**”ति । एकच्चो हि पच्चयो ठितिया एव उपकारको होति यथा पच्छाजातपच्चयो, एकच्चो उप्पत्तिया एव यथा अनन्तरादिको, एकच्चो उभयस्स यथा हेतुआदयो । एवं पच्चय-सदस्स वचनत्थं दस्सेत्वा इदानि पच्चयलक्खणं दस्सेन्तो आह “**यो धम्मो**”तिआदि । **योति** हेतुधम्मो । **यस्साति** यस्स फलधम्मस्स । **ठितियुप्पत्तियापि वाति** ठितित्थं, उप्पत्तित्थं वा । **ठितियाति** वा ठितिलक्खणे, **उप्पत्तियाति** उप्पादलक्खणे । यस्स धम्मस्स उपकारो, यस्स धम्मस्स ठितियुप्पत्तियाति वा सम्बन्धो । “**उपकारो**”ति इमिना धम्मेन धम्मसत्तिउपकारकं दस्सेति । “**सम्भवो**”तिआदि पच्चयस्सेव परियायदस्सनं । सम्भवति एतस्माति **सम्भवो** । तथा **पभवो** । हिनोति पतिट्ठाति एत्थाति हेतु । अनेकत्थत्ता धातुसदानं हि-सद्वो मूल-सद्वो विय पतिट्ठत्थो वेदितब्बो । हिनोति वा एतेन कम्मनिदानभूतेन उद्धं ओजं अभिहरन्तेन मूलेन विय पादपो तप्पच्चयं फलं गच्छति, वुद्धिं विरुद्धिं आपज्जतीति हेतु । अत्तनो फलं करोतीति **कारणं** । **पच्चयो मतोति** पच्चयोव “सम्भवो”तिआदितो मतो । अत्थतो एते समाना, ब्यज्जनमत्तंयेव नेसं नानत्तन्ति वुत्तं होति ।

५४१-५. एवं पट्टाने आगतसब्बपच्चयानं साधारणवसेन अत्थं वत्वा इधाधिप्पेतस्स हेतुपच्चयस्सेव सरूपं दस्सेतुं “**लोभादि पन यो धम्मो**”तिआदि वुत्तं । **मूलट्टेनाति** सम्पयुत्तानं सुप्पतिट्ठितभावसाधनसङ्घातमूलट्टेन । **छळेवाति** मूलट्टेनूपकारकभावस्स तेसमेव आवेणिकभावेन एते छळेव । **जातितोति** कुसलाकुसलाब्याकतजातितो । **नवधाति** तयो कुसलहेतू, तयो अकुसलहेतू, तयो अब्याकतहेतूति नवधा । **धम्मानं... पे०... साधकोति** यथा सालिवीहिबीजादीनि सालिवीहिआदिभावस्स साधकानि, मणिआदिपभावत्थूनञ्च नीलादिवण्णानि नीलादिमणिपभाय साधकानि, एवं

हेतुपच्चयो यथारहं अत्तनो सम्पयुत्तानं कुसलादित्तसाधकोति कुसलाकुसलाब्याकतधम्मानं यथाक्कमं कुसलाकुसलाब्याकतभावसाधको मूलद्वोति अयमेत्थ अत्थो। **एके आचरिया**ति रेवताचरियं, तस्स सिस्सानुसिस्से च सन्धायाह। अथ वा गरुम्हि बहुवचनम्पि युज्जतीति रेवताचरियमेव सन्धाय **“एके आचरिया”**ति वुत्तं।

एवं सन्तेति यदि मूलद्वो कुसलादिभावसाधको, एवं सति। यथा चित्तं चित्तजरूपानं पच्चयो होति, एवं तंसम्पयुत्तधम्मापीति आह **“तंसमुद्धानरूपिसू”**ति, हेतुसमुद्धानरूपेसूति अत्थो। **नेव सम्पज्जती**ति न सिज्जति, **“हेतू** हेतुसम्पयुत्तकानं धम्मानं तंसमुद्धानानञ्च रूपानं हेतुपच्चयेन पच्चयो”ति वुत्तो हेतुपच्चयभावो न सम्पज्जतीति वुत्तं होति। यथा कुसलाकुसला हेतू तंसमुद्धानरूपस्स कुसलादिभावाय न परियत्ता, एवं अब्याकतोपि हेतू तंसमुद्धानस्स रूपस्स अब्याकतभावाय न परियत्तो। सभावेन हि तं अब्याकतन्ति आह **“न ही”**तिआदि। यदि कुसलादिभावं न साधेन्ति, पच्चयापि न होन्तीति वदेय्याति आह **“न तेस”**न्तिआदि। **“हेतू** हेतुसम्पयुत्तकानं धम्मानं तंसमुद्धानानञ्च रूपानं हेतुपच्चयेन पच्चयो”ति (पट्ठा० १.१.१) वचनतो ते अलोभादयो तेसं रूपानं पच्चया न न होन्ति, भवन्तेवाति अत्थो।

५४६-७. न गन्तब्बोति न पच्चेतब्बो। इदं वुत्तं होति — यदि कुसलादिहेतुयो अत्तनो विय अत्तहेतुकानं धम्मानं कुसलादिभावं साधेन्ति, कुसलाकुसलहेतुपच्चयसम्भूता रूपधम्मापि ते विय कुसलादयो सियुं, हेतुयो वा रूपानं पच्चया न सियुं, न च पनेतं उभयम्पि अत्थि, तस्मा कुसलादीनं कुसलादिभावसाधको मूलद्वोति न विज्जातब्बन्ति। अपिच यदि हेतुपटिबद्धो कुसलादिभावो, तदा अब्याकतभावोपि तप्पटिबद्धो सिया, अहेतुकानं अब्याकतभावो न सिज्जति। यदि च हेतुपटिबद्धो कुसलादिभावो, हेतूनम्पि कुसलादिभावो अप्पटिबद्धो सिया। अथ तेसम्पि सेसहेतुपटिबद्धो, एवम्पि मोमूहचित्तसम्पयुत्तस्स हेतुनो अकुसलभावो न सिज्जेय्य। अथ तस्स सो अज्जहेतुको सिया, एवं सति सेसहेतूनम्पि तंहेतुकोव सिया। यथा च सेसहेतूनं, एवं अवसेससम्पयुत्तधम्मानम्पि तंहेतुकोव सिया। अथ सिया हेतूनं सभावतोव कुसलादिभावो, सम्पयुत्तानं पन हेतुपटिबद्धोति, एवं सति अलोभो कुसलो वा सिया अब्याकतो वा। यदि हि सो सभावतो कुसलो, तंसभावत्ता अब्याकतो न सिया। अथ अब्याकतो, तंसभावत्ता कुसलो न सिया अलोभसभावस्स अदोसत्ताभावो विय। यस्मा पन उभयथापि होति, तस्मा यथा उभयथा होन्तेसु सद्धादीसु सम्पयुत्तेसु हेतुपटिबद्धं कुसलादिभावं परियेसथ, न सभावतो, एवं हेतूसुपि कुसलादिता अज्जपटिबद्धा परियेसितब्बा, न सभावतो। सा पन परियेसियमाना योनिमोमनसिकारादिपटिबद्धा होतीति हेतूसु विय हेतुसम्पयुत्तधम्मेसुपि योनिमोमनसिकारादिपटिबद्धो कुसलादिभावो, न हेतुपटिबद्धोति। तेनेवाह —

“योनिमो, भिक्खवे, मनसि करोतो अनुप्पन्ना चेव कुसला धम्मा उप्पज्जन्ति, उप्पन्ना च कुसला धम्मा अभिवद्दन्ती”तिआदि (अ० नि० १.६७)।

समयज्जुनाति आभिधम्मिकमतवेदिना। **सुप्पतिट्ठितभावस्स साधनेना**ति अत्तहेतुकानं धम्मानं सम्मा पतिट्ठितभावस्स थिरभावस्स साधनेन। लद्धहेतुपच्चया हि धम्मा विरुद्धमूला विय पादपा थिरा होन्ति सुप्पतिट्ठिता, अहेतुका तिलबीजादिसेवाला विय न सुप्पतिट्ठिताति।

५४८. सब्बसोति कामावचरादिसब्बभागेन।

५५०-१. पटिसन्धिक्खणे चित्तसमुद्धानानं रूपानं अभावतो अत्तना सम्पयुत्तानं, कटत्तारूपानमेव च पच्चयभावोति आह **“अत्तना... पे०... जातान”**न्ति। कम्मस्स कतत्ता एव च उपचितत्ता च न इस्सरादिहेतुनो सम्भूतानि रूपानि

कटत्तारूपानि, कम्मसमुद्धानरूपानीति अत्थो, कटत्तारूपानेव जातानि भूतानि निब्बत्तानीति **कटत्तारूपजातानि** ।
तथेवाति यथा पटिसन्धियं कटत्तारूपानं, एवन्ति अत्थो । **चित्तजानञ्चाति च-**सद्देन “अत्तना सम्पयुत्तान”न्ति आकङ्कति ।

५५३. लोकुत्तरविपाकानं पटिसन्धिवसेन अप्पवत्तनतो नत्थि कम्मसमुद्धानस्स पच्चयभावोति आह
“चित्तजान”न्तिआदि ।

५५५. हेतुपच्चयसम्भवोति हेतुपच्चयसम्भूतधम्मो, हेतुपच्चयतो पच्चयुप्पन्नधम्मनं सम्भवाकारो वा ।
सञ्जातसुखहेतुनाति सञ्जातजाणेन, सम्पजज्जेनाति अत्थो । जाणञ्जि “सुखिनो चित्तं समाधियति, समाहितो यथाभूतं
पजानाती”तिआदिवचनतो सुखं हेतु एतस्साति,

“दिट्ठे धम्मे च यो अत्थो,
यो चत्थो सम्परायिको ।
अत्थाभिसमया धीरो,
पण्डितोति पवुच्चती”ति ॥ (सं० नि० १.१२९) —

आदिवचनतो सुखस्स हेतूति वा “सुखहेतू”ति वुच्चति ।

५५६. लोकस्स अधिपति **लोकाधिपति**, सकललोकनायकेनाति अत्थो । अत्ताधीनानं पतिनोति **अधिपती** । **छन्दं तु**
जेडुकं कत्वाति “छन्दवतो किं नाम न सिज्झती”तिआदिकं पुरिमाभिसङ्खारूपनिस्सयं लभित्वा उप्पज्जमाने चित्तुप्पादे
छन्दो जेडुकभूतो सम्पयुत्तधम्मे वसे वत्तमानो हुत्वा पवत्तति, सम्पयुत्तधम्मा च तस्स वसे पवत्तन्ति हीनादिभावेन
तदनुवत्तनतोति आह “छन्दं तु जेडुकं कत्वा”तिआदि । **कत्वा धुरन्ति** सहजातपुब्बङ्गमवसेन पुब्बङ्गमं कत्वा ।
छन्दाधिपति नाम सो वा चित्तुप्पादो छन्दाधिपति नाम “छन्दो अधिपति इमस्सा”ति कत्वा । **एसेवाति** “चित्तं धुरं कत्वा...
पे०... कालस्मिं चित्ताधिपति नामा”तिआदिना यथावुत्तोव नयो । **सेसेसूति** चित्तादीसु । एत्थ च “छन्दं...पे०...
कालस्मि”न्तिआदिना कालस्स नियमितत्ता चत्तारोपेते एकक्खणे अधिपती न होन्तीति दट्ठब्बं । एवञ्च कत्वा **पट्टाने**
“छन्दाधिपति छन्दसम्पयुत्तकानं धम्मनं तंसमुद्धानानञ्च रूपानं अधिपतिपच्चयेन पच्चयो”तिआदिना (पट्ठा० १.१.३)
चतुन्नम्पि अधिपतीनं पच्चयभावो विसुं विसुंयेव उद्धटो । यदि हि ते एकक्खणेयेव अधिपतिपच्चया सियुं, तदा यथा
हेतुपच्चयनिद्देसे “हेतू हेतुसम्पयुत्तकान”न्तिआदिना अविसेसेन वुत्तं मूलट्टेन उपकारकभावस्स विज्जमानेन द्विन्नं,
तिण्णम्पि हेतूनं एकक्खणे पच्चयभावूपगमनतो, एवं एकक्खणेयेव बहूनं जेडुकभावे सति अधिपतिपच्चयनिद्देसेपि
“अधिपती अधिपतिसम्पयुत्तकान”न्तिआदिना वत्तब्बं सिया । यस्मा पन एवं अवत्वा “छन्दाधिपति
छन्दसम्पयुत्तकान”न्तिआदिना चत्तारोव विसेसेत्वा वुत्ता, तस्मा एकेकधम्मोयेव एकक्खणे अधिपतिपच्चयो होतीति
दट्ठब्बं । **जेडुट्टेनाति** पमुखभावेन ।

सोभना मति, सोभनं वा मतं एतेसं अत्थीति सुमतिनो, सम्मादिट्ठिकाति अत्थो, तेसं मतिं विबोधेति पबोधेतीति
सुमतिमतिविबोधनं । कुच्छिता मति, कुच्छितं वा मतं एतेसन्ति कुमतिनो, मिच्छादिट्ठिका, तेसं मतिभूता मतिभावेन
परिकप्पितत्ताति कुमतिमति, मिच्छादिट्ठि, सायेव इन्धनसदिसताय इन्धनं तस्स पावकं अग्निं वियाति **कुमति...पे०...**
पावकं । **अतिमधुरन्ति** निपुणगम्भीरेन अत्थरसेन चैव सुविमलसखिलेन ब्यञ्जनरसेन च मधुरं । **अवेदीति** ओगाहेत्वा
जानाति । **यो योति** थेरनवमज्झिमेसु यो कोचि । **जिनवचनं सकलं अवेदीति** तेषिटकस्सपि सकलजिनवचनस्स

गहणसमत्थतापटिलाभेन तं अवगच्छति ।

इति अभिधम्मत्थविकासिनिया नाम

अभिधम्मावतारसंवण्णनाय

पकिण्णकनिद्देसवण्णना निट्ठिता ।

९. नवमो परिच्छेदो

पुञ्जविपाकपच्चयनिद्देसवण्णना

५६०-१. वट्टकथाय लोक्तरविपाकानं अलम्भनतो “लोकियानेवा”ति वुत्तं । पुञ्जापुञ्जादिसङ्खाराति पुञ्जाभिसङ्खारो अपुञ्जाभिसङ्खारो आनेज्जाभिसङ्खारोति तयो सङ्खारा । तत्थ पुनाति अत्तनो सन्तानं अपुञ्जफलतो, दुक्खसंकिलेसतो च सोधेति, पुज्जं भवफलं निब्बत्तेतीति वा पुज्जं, अत्तनो फलस्स अभिसङ्खरणट्ठेन अभिसङ्खारो चाति **पुञ्जाभिसङ्खारो**, पुञ्जपटिपक्खतो अपुज्जं, वुत्तनयेन अभिसङ्खारो चाति **अपुञ्जाभिसङ्खारो** । समाधिपच्चनीकानं अतिदूरताय न इज्जति न कम्पतीति आनेज्जं, तं अभिसङ्खारोतीति **आनेज्जाभिसङ्खारो** । तत्थ दानसीलादिवसेन पवत्ता अट्ठ कामावचरकुसलचेतना, भावनावसेनेव पवत्ता रूपावचरकुसलचेतना चाति तेरस चेतना पुञ्जाभिसङ्खारो नाम । पाणातिपातादिवसेन पवत्ता द्वादस अकुसलचेतना अपुञ्जाभिसङ्खारो नाम । भावनावसेनेव पवत्ता चतस्सो अरूपावचरकुसलचेतना आनेज्जाभिसङ्खारो नाम । भवादीसु यथा पच्चया, तथा येसज्ज विपाकानं पच्चया, तेषि विज्जातब्बाति सम्बन्धो । केचि पन “तेपीति सङ्खारानं गहण”न्ति वदन्ति, तं न युत्तं, एवं सति “येस”न्ति अनियमनिद्देसस्स नियमकवचनाभावतो ।

५६१. कतमे पन ते भवादयोति आह “तयो भवा”तिआदि । तत्थ कामरूपारूपवसेन तयो भवा । सज्जीभवअसज्जीभवेनेवसज्जीनासज्जीभववसेन, पन एकवोकारभवचतुवोकारभवपञ्चवोकारभववसेन च तयो भवा एत्थेव समोधानं गच्छन्ति । **चतस्सो योनियो**ति अण्डजजलाबुजसंसेदजओपपातिकवसेन चत्तारो सत्तनिकाया । तत्थ बीजकपाले निब्बत्तो सत्तनिकायो **अण्डजयोनि** नाम । मातुगम्भे जलाबुजे निब्बत्तसत्तनिकायो **जलाबुजयोनि** नाम । पदुमगम्भमानुसकगम्भमलादिसंसेदूपनिस्सयेन उप्पज्जनकसत्तनिकायो **संसेदजयोनि** नाम । कुतोचि अनुप्पज्जित्वा केवलं तत्थ तत्थ परिपुण्णङ्गपच्चङ्गो हुत्वा उप्पज्जनकसत्तनिकायो **ओपपातिकयोनि** नाम । **गतिपञ्चकं** हेट्ठा विभावितमेव । पटिसन्धिविज्जाणस्स वत्थुभूता च विज्जाणक्खन्धा छ विज्जाणट्ठितियो नाम । ता पन नानत्तकायादिवसेन सत्तविधाति आह “**विज्जाणट्ठितियो सत्ता**”ति । वुत्तज्हेतं —

“सत्तिमा, भिक्खवे, विज्जाणट्ठितियो । कतमा सत्त? सन्ति, भिक्खवे, सत्ता नानत्तकाया नानत्तसज्जिनो । सेय्यथापि मनुस्सा एकच्चे च देवा एकच्चे च विनिपातिका, अयं पठमा विज्जाणट्ठिति । सन्ति, भिक्खवे, सत्ता नानत्तकाया एकत्तसज्जिनो । सेय्यथापि देवा ब्रह्मकायिका पठमाभिनिब्बत्ता, अयं दुतिया विज्जाणट्ठिति । सन्ति, भिक्खवे, सत्ता एकत्तकाया नानत्तसज्जिनो । सेय्यथापि देवा आभस्सरा, अयं ततिया विज्जाणट्ठिति । सन्ति, भिक्खवे, सत्ता एकत्तकाया एकत्तसज्जिनो । सेय्यथापि देवा सुभकिण्हा, अयं चतुत्थी विज्जाणट्ठिति । सन्ति,

भिक्षवे, सत्ता सब्बसो रूपसज्जानं समतिक्कमा पटिघसज्जानं अत्थङ्गमा नानत्तसज्जानं अमनसिकारा ‘अनन्तो आकासो’ति आकासानज्जायतनूपगा, अयं पञ्चमी विज्जाणद्धिति । सन्ति, भिक्षवे, सत्ता सब्बसो आकासानज्जायतनं समतिक्कम्म ‘अनन्तं विज्जाण’न्ति विज्जाणज्जायतनूपगा, अयं छट्ठी विज्जाणद्धिति । सन्ति, भिक्षवे, सत्ता सब्बसो विज्जाणज्जायतनं समतिक्कम्म ‘नत्थि किञ्ची’ति आकिञ्चज्जायतनूपगा, अयं सत्तमी विज्जाणद्धिती’ति (दी० नि० ३.३३२; अ० नि० ७.४४) ।

एत्थ हि अपरिमाणचक्कवाळवासिनो मनुस्सा कामावचरदेवा पुनब्बसुमातुपियङ्करमातादयो विनिपातिकासुरा च कुसलविपाकपटिसन्धिका वेमानिकपेता चेति इमे दीघरस्सकिसथूलकाळओदातादिवण्णसण्ठानवसेन रूपकायस्स, अहेतुदुहेतुतिहेतुवसेन पटिसन्धिसज्जाय च नानाभावतो नानत्तकायनानत्तसज्जिनो नाम, अयं पठमा विज्जाणद्धिति । पठमज्ज्ञानतलवासिनो पन तयो देवा उपरूपरिवासीनं वण्णादिकमपेक्खित्वा अत्तनो वण्णादीनं निहीनताय रूपकायस्स नानाभावतो, पठमज्ज्ञानविपाकविज्जाणवसेन समानसज्जिताय च नानत्तकायएकत्तसज्जिनो नाम, अयं दुतिया विज्जाणद्धिति, चतुरापायवासिनोपि वण्णसण्ठानवसेन रूपकायस्स नानासभावता, अकुसलविपाकसज्जावसेन सज्जाय एकसभावता च दुतियविज्जाणद्धितियंयेव समोधानं गच्छन्तीति वेदितव्वं । दुतियज्ज्ञानतलवासिनो तयो देवा वण्णसण्ठानादिवसेन समानता रूपकायस्स विसेसाभावतो पञ्चकनये दुतियततियज्ज्ञानसज्जावसेन पटिसन्धिसज्जाय नानाभावतो एकत्तकायनानत्तसज्जिनो नाम, अयं ततिया विज्जाणद्धिति । ततियज्ज्ञानतलवासिनो पन तयो देवा रूपकायवसेन समानता, पञ्चकनये चतुत्थज्ज्ञानविपाकसज्जावसेन पटिसन्धिसज्जाय च एकत्ता एकत्तकायएकत्तसज्जिनो नाम, अयं चतुत्थी विज्जाणद्धिति । वेहप्फलवासिनो चेव पञ्च सुद्धावासवासिनो च वण्णसण्ठानवसेन रूपकायस्स, पञ्चमज्ज्ञानविपाकसज्जावसेन पटिसन्धिसज्जाय च समानता चतुत्थविज्जाणद्धितिमेव भजन्ति । आकासानज्जायतनादयो तस्सो विज्जाणद्धितियो पाळिवसेनेव पाकटा । असज्जसत्ता पन विज्जाणाभावेन नेवसज्जानासज्जायतनवासिनो च सज्जाय विय विज्जाणस्स सुखुमभावेनेव विज्जाणद्धितीसु न गहिता, सत्तानं निवासताय पन “सत्तावासा”ति वुच्चन्ति । एवञ्च कत्वा तेहि सत्त विज्जाणद्धितियो समोधानेत्वा नव सत्तावासा वुत्ता ।

५६३-४. इदानि एवं वुत्तेसु भवादीसु द्वत्तिसविपाकानं तिण्णं अभिसङ्खारानं पच्चयभावं दस्सेतुं “कामे पुज्जाभिसङ्खारसज्जिता”तिआदि आरब्धं । नवन्नं पाकचित्तानन्ति सहेतुकाहेतुकवसेन नवन्नं सुगतिपटिसन्धिविपाकचित्तानं । नानक्खणिक...पे०... पच्चयेहि चाति कुसलाकुसलकम्मस्स अतीतस्सेव अत्तना जनेतव्वविपाकानं पच्चयभावतो नानक्खणिककम्मपच्चयेन, तेसमेव बलवकारणभावतो उपनिस्सयपच्चयेन च । वुत्तज्झि तस्स उपनिस्सयत्तं “कुसलाकुसलं कम्मं विपाकस्स उपनिस्सयपच्चयेन पच्चयो”ति (पट्ठा० १.१.४२३) । सब्बत्थ उपनिस्सयभावो बलवकम्मवसेन योजेतव्वो । दुब्बलज्झि कम्मं उपनिस्सयो न होतीति पट्टानवण्णनायं दस्सितमेतं ।

५६६-८. पञ्चन्नन्ति कुसलविपाकचक्खुसोतविज्जाणसम्पटिच्छनसन्तीरणद्वयवसेन पञ्चन्नं । दुग्गतियं कुसलविपाकपटिसन्धिया अभावतो आह “न होन्ति पटिसन्धिय”न्ति । एवं पटिसन्धिपवत्तीनं असङ्करवसेन पच्चयविधिं दस्सेत्वा इदानि समोधानेत्वा दस्सेतुं “होन्ती”तिआदि वुत्तं । सोळसन्नं पवत्ते, पटिसन्धियं नवन्नन्ति यथालाभवसेन योजेतव्वं ।

५६९-७४. रूपे पुज्जाभिसङ्खाराति अभिज्जावज्जिता पञ्च रूपावचरपुज्जाभिसङ्खारा । कस्मा पन अभिज्जाय परिवज्जनन्ति? विपाकदानाभावतो, तञ्च खो पनस्सा विपाकस्स असम्भवतो, न पन विपाकुप्पादनसभावाभावतो । यदि हि

अभिज्जाचेतना विपाकं उप्पादेय्य, अज्जभूमिककम्मस्स अज्जभूमिकविपाकुप्पादनायोगतो सभूमिकमेव उप्पादेय्य । तं पन किं नवत्तब्बारम्मणं वा उप्पादेय्य परित्तादिआरम्मणं वा? किञ्चेत्थ — यदि ताव नवत्तब्बारम्मणं उप्पादेति, तं न युत्तं रूपावचरविपाकानं एकन्तेन कम्मसमानारम्मणताय दस्सितत्ता, अभिज्जाचेतनाय च सयं परित्तादिआरम्मणत्ता । अथ परित्तादिआरम्मणं उप्पादेति, तम्पि न युज्जति रूपावचरविपाकानं एकन्तेनेव नवत्तब्बारम्मणभावतो । तथा हि वुत्तं चित्तुप्पादकण्डे —

“रूपावचरतिकचतुक्कज्झाना कुसलतो च विपाकतो च किरियतो च चतुत्थस्स ज्ञानस्स विपाको आकासानज्जायतनं आकिञ्चज्जायतनं । इमे धम्मा नवत्तब्बा ‘परित्तारम्मणा’तिपि ‘महग्गतारम्मणा’तिपि ‘अप्पमाणारम्मणा’तिपी’ति (ध० स० १४२२) ।

अपिच समाधिविज्जासम्भारभूता अभिज्जा समाधिस्स आनिसंसमत्तं समाधिफलसदिसा । तस्स तस्स हि अधिद्वानविकुब्बनदिब्बसद्वसवनादिकस्स यथिच्छित्तस्स किच्चस्स निष्फादनमत्तफला अभिज्जाचेतना । तेनाह “सो एवं समाहिते चित्ते”तिआदि (पारा० १२-१३) तस्मा समाधिस्स फलसदिसा अभिज्जाचेतना न च फलं देति, दानसीलानिसंसभूतो तस्मिं भवे पच्चयलाभो विय नत्थि तस्स विपाकुप्पादनन्ति । केचि पन “समानभूमिकतो आसेवनलाभेन बलवन्तानि ज्ञानानि विपाकं उप्पादेन्ति समापत्तिभावतो, अभिज्जा पन सतिपि ज्ञानभावे तदभावतो तस्मिं तस्मिं आरम्मणे आगन्तुकायेवाति दुब्बला, तस्मा विपाकं न देती”ति वदन्ति । एवञ्च कत्वा वुत्तं अनुरुद्धाचरियेन —

“समानासेवने लद्धे, विज्जमाने महब्बले ।

अलद्धा तादिसं हेतुं, अभिज्जा न विपच्चती”ति ॥ (नाम० परि० ४७४) ।

तयिदमकारणं, परित्तज्ञानस्स अविसेसेन ब्रह्मपारिसज्जादीसु विपाकदानवचनतो । न हि परित्तं लद्धासेवनमेव तत्थ विपाकं देतीति अट्ठकथायं वुत्तं, तस्मा समानासेवने लद्धेयेव ज्ञानस्स विपाकदानं न सक्का वत्तुं । अपिच पुनप्पुनं परिकम्मवसेन अभिज्जायपि वसिभावसम्भावा तस्सापि च बलवभावो अत्थेवाति विपाकं उप्पादेय्य ।

पञ्चन्नं पाकचित्तानन्ति पञ्चन्नं रूपावचरविपाकचित्तानं । **मापुज्जसङ्कारा**ति अपुज्जाभिसङ्कारा । “इमे अपुज्जसङ्कारा”ति वा पदच्छेदो । **एकस्सा**ति एकस्स अकुसलविपाकसन्तीरणस्स । **छन्नन्ति** सन्तीरणवज्जानं छन्नं अकुसलविपाकानं । **पवत्ते पच्चया होन्ति** अनिट्ठरूपादिआपाथागतंति अधिप्पायो । सुगतियं अकुसलविपाकपटिसन्धिया अभावतो आह “**न होन्ति पटिसन्धिय**”न्ति । **चतुन्नन्ति** अकुसलविपाकचक्खुसोतविज्जाणसम्पटिच्छनसन्तीरणवसेन चतुन्नं । तानि पन एकन्ततो अनिट्ठारम्मणानि । रूपभवे च कथं अनिट्ठारम्मणसमायोगोति आह “**सो चा**”तिआदि । **सो**ति सो पच्चयभावो । “**कामभवे**”ति इदं अनिट्ठरूपादीनं विसेसनं, न पन “**उपलद्धिय**”न्ति इमस्स । तेनाह “**अनिट्ठ...पे०... न विज्जरे**”ति । केचि पन “**उपलद्धियन्ति** इमस्सेव विसेसनभावेन गहेत्वा ब्रह्मूनं कामभवं आगतक्खणे रूपादिउपलद्धिय”न्ति वदन्ति । **अनिट्ठ...पे०... न विज्जरे** एकन्तसुखवत्थुभूते तत्थ वोकिण्णसुखदुक्खकारणस्स अभावतो ।

५७६. “एवं तावा”तिआदि यथावुत्तस्सेवत्थस्स अप्पनं । **यथा चाति च-सद्देन** “येसज्जा”ति सङ्गण्हाति । **तथाति** एत्थापि “ते”ति सङ्गण्हितब्बं ।

५७७-८१. यत्थ वित्थारप्पकासनं कतं, ततो भवतो पट्टाय मुखमत्तप्पकासनं कातुकामो आह “तत्रिद”न्तिआदि । तत्राति तेसु भवादीसु । इदन्ति निदस्सितब्बभावेन आसन्नपच्चक्खमाह । आदितो पन पट्टायाति भवतो पट्टाय । अविसेसेनाति कामावचररूपावचरवसेन विसेसाभावेन तेरस पुज्जाभिसङ्खारा । द्विभवेसूति कामरूपभवेसु । केसञ्चि मनुस्सानं, भुम्मदेवानञ्च अण्डजजलाबुजानम्पि सम्भवतो तदपेक्खाय “चतूसु... पे०... योनिस्”ति वुत्तं । नानत्त... पे०... ठितीसुपीति अलुत्तसमासवसेन वुत्तं, नानत्तकायनानत्तसज्जादीसु चतूसु विज्जाणट्ठितीसूति अत्थो । वुत्तप्पकारस्मिन्ति नानत्तकायादिके, पुज्जाभिसङ्खारस्स भवादीसु एकवीसतिविपाकानं एकावत्थाय पच्चयो अहुत्वा दुग्गतिपरियापन्नेसु भवयोनिगतिविज्जाणट्ठितिसत्तावासेसु पटिसन्धिं अदत्त्वा पवत्तेयेव अट्ठन्नं विपाकानं पच्चयभावतो, कामावचरसुगतिपरियापन्नेसु पटिसन्धिं दत्त्वा पवत्ते सोळसन्नं विपाकानं पच्चयभावतो, रूपावचरभूमिपरियापन्नेसु पटिसन्धिं दत्त्वा पवत्ते दसन्नं विपाकानं पच्चयभावतो वुत्तं “यथारह”न्ति ।

५८२-३. कामे भवे, रूपे भवेति सम्बन्धो । तीसु गतीसूति देवमनुस्सवज्जेसु तीसु गतीसु । एकिस्साति नानत्तकायएकत्तसज्जीसङ्खाताय एकिस्सा विज्जाणट्ठितिया । एकस्मिन्ति नानत्तकायएकत्तसज्जीसङ्खातेयेव एकस्मिं सत्तावासे ।

५८४-६. एकारूपभवेति एकस्मिं अरूपभवे । एकिस्सा योनियाति एकिस्सायेव ओपपातिकयोनिया । तीसु चित्तट्ठितीसूति आकासानञ्चायतनादीसु तीसु विज्जाणट्ठितीसु । सत्तावासे चतुब्बिधेति आकासानञ्चायतनादिकेयेव चतुब्बिधे सत्तावासे । विजानितब्बा... पे०... पच्चयाति सङ्खारा यथा पच्चया येसञ्च पच्चया, तथा तेपि विज्जातब्बाति अत्थो ।

५८७-९०. ननु च सङ्खारानं पटिसन्धिपवत्तीसुपि विपाकानं पच्चयभावो वुत्तो । तत्थ पटिसन्धियेव ताव न सक्का विज्जातुं । यदि हि पुरिमभवतो पटिसन्धिविज्जाणं इधागच्छतीति वुच्चेय्य, तं न युत्तं, रूपारूपधम्मानं केसग्गमत्तम्पि देसन्तरसङ्कमनाभावतो । अथ अतीतभवनिब्बत्तसङ्खारतो न निब्बत्तति, तम्पि न युज्जति अहेतुकदोसापत्तितीति इमिना अधिप्पायेन चोदेन्तो आह “न रूपारूपधम्मान”न्तिआदि । आचरियो तस्साधिप्पायं सम्पटिच्छित्त्वा तं सज्जापेतुकामो आह “नत्थि चित्तस्सा”तिआदि । ततो हेतुं विनाति तत्थ हेतुं विना, अतीतभवनिब्बत्तकम्मसङ्खारनिकन्तिआरम्भणं विनाति अत्थो । सुलद्धपच्चयन्ति अविज्जादिसहकारीकारणसहितस्स सङ्खारस्स वसेन सुट्ठु अवेकल्लतो पटिलद्धपच्चयं । रूपारूपमत्तन्ति बाहिरकपरिकप्पितस्स अधितिट्ठनकस्स सत्तजीवादिनो अभावतो रूपारूपधम्ममत्तं । तेनाह “न च सत्तो”तिआदि । भवन्तर... पे०... पवुच्चतीति वोहारमत्तेन भवन्तरमुपेतीति पवुच्चति । अत्थतो पन पच्चयसामगिया भवन्तरभावेन उप्पज्जनमत्तन्ति अधिप्पायो ।

५९१. इदानीं तं पटिसन्धिक्कमं पाकटाय मनुस्सपटिसन्धिया वसेन पकासेतुं समारभन्तो आह “तयिद”न्तिआदि । सुदुब्बुधन्ति अतिदुब्बिजानियं । तेनाहु पोराणा —

“सच्चं सत्तो पटिसन्धि, पच्चयाकारमेव च ।
दुद्धसा चतुरो धम्मा, देसेतुञ्च सुदुक्करा”ति ॥

५९२-३. आसन्नमरणस्साति परूपक्कमेन वा आयुक्खयादिवसेन वा समासन्नमरणस्स । सुस्समानेति अनुक्कमेन उपसुस्समाने । गब्भसेय्यकस्स आयतनानं अनुपुब्बुप्पत्ति विय निरोधोपि अनुपुब्बतो होतीति वुत्तं “नट्ठे

चक्खुन्द्रियादिके”ति । केचि पन “नानाकम्मसमुद्धितेसु चक्खुन्द्रियादीसु नट्टेसू”ति वदन्ति । “हृदय...पे... के”ति इमिना सेसकाये कायिन्द्रियस्स निरुद्धभावो वुत्तोति एककम्मसमुद्धितम्पि नस्सतेवाति अपरे । आनन्दाचरियो पन “यमके” यस्स चक्खायतनं निरुज्झति, तस्स मनायतनं निरुज्झतीति । आमन्ता । यस्स वा पन मनायतनं निरुज्झति, तस्स चक्खायतनं निरुज्झतीति । सचित्तकानं अचक्खुकानं चवन्तानं तेसं मनायतनं निरुज्झति, नो च तेसं चक्खायतनं निरुज्झति । सचक्खुकानं चवन्तानं तेसं मनायतनञ्च निरुज्झति, चक्खायतनञ्च निरुज्झतीति आदिना (यम० १.आयतनयमक.१२०) चक्खायतनादीनं चुतिचित्तेन सह निरोधो वुत्तोति चक्खुन्द्रियादीनि चुतितो पुब्बे न नस्सन्ति । अतिमन्दभावूपगमनं पन सन्धाय अट्टकथाय ‘निरुद्धेसु इन्द्रियेसू’ति वुत्तं, न अनवसेसनरोधं सन्धाय । पञ्चद्वारिकजवनानन्तरम्पि चुति अट्टकथायं दस्सिता”ति वदति । हृदयवत्थुमत्तस्मिन्ति हृदयवत्थुपदेसमत्ते । न हि हृदयवत्थुं निस्साय कायिन्द्रियं पवत्तति ।

५९४-७. वत्थुसन्निस्सितन्ति सेसिन्द्रियानं निरुद्धत्ता विज्जाणस्स निस्सयभावूपगमनसामत्थियायोगेन मन्दभावतो वा हृदयवत्थुमत्तसन्निस्सितं । चित्तन्ति तदा कम्मकम्मनिमित्तादीनि आरब्ध पवत्तजवनविज्जाणं । तं पन सुगतियं निब्बत्तमानस्स कुसलं होति, दुग्गतियं निब्बत्तमानस्स अकुसलं । तेनाह भगवा —

“निमित्तस्सादगधितं वा, भिक्खवे, विज्जाणं तिट्ठमानं तिट्ठति अनुब्यञ्जनस्सादगधितं वा, तस्मिं चे समये कालं करोति, ठानमेतं विज्जति, यं द्विन्नं गतीनं अज्जरं गतिं उपपज्जेय्य निरयं वा तिरच्छानयोनिं वा”ति आदि (सं० नि० ४.२३५) ।

यदि एवं —

“गतिसम्पत्तिया जाणसम्पयुत्ते कतमेसं अट्ठन्नं हेतूनं पच्चया उपपत्ति होति, कुसलस्स कम्मस्स जवनक्खणे तयो हेतू कुसला तस्मिं खणे जातचेतनाय सहजातपच्चया होन्ति, तेन वुच्चति कुसलमूलपच्चयापि सङ्खारा । निकन्तिक्खणे द्वे हेतू अकुसला तस्मिं खणे जातचेतनाय सहजातपच्चया होन्ति, तेन वुच्चति अकुसलमूलपच्चयापि सङ्खारा । पटिसन्धिक्खणे तयो हेतू अब्याकता तस्मिं खणे जातचेतनाय सहजातपच्चया होन्ति, तेन वुच्चति नामरूपपच्चयापि विज्जाणं, विज्जाणपच्चयापि नामरूप”न्ति (पटि० म० १.२३२) —

निकन्तिक्खणे हेतुद्वयपच्चयापि सुगतपटिसन्धिकस्स कथं दस्सिताति? नयिदं मरणासन्नजवनसम्पयुत्तहेतुयो सन्धाय वुत्तं, अथ खो कतकम्मस्स तं कम्मं आरब्ध अस्सादवसेन पवत्तजवनसम्पयुत्तहेतुयो सन्धाय । कतूपचितम्पि हि कम्मं तण्हाय अस्सादितं विपाकाभिनिष्फादने समत्थन्ति । केचि पन “कम्मकरणकाले अप्पहीनावत्थाय सन्ताने अनुसयितहेतुयो सन्धाय निकन्तिक्खणे द्वे हेतुयोति वुत्त”न्ति वदन्ति, तं न युज्जति, तेसं सहजातपच्चयत्तायोगतो । पुब्बानुसेवितं पुज्जं वा अपुज्जमेव वा कम्मं, कम्मनिमित्तं वा आलम्बित्वा चित्तं पवत्ततीति सम्बन्धो । पुब्बानुसेवितन्ति पुब्बे आसेवितं । “कतत्ता उपचितत्ता”ति हि वुत्तं । तण्हाय अनुसेवितभावं सन्धाय वा “पुब्बानुसेवित”न्ति वुत्तं । “अनुपुब्बसेवित”न्तिपि पाठं वदन्ति, पटिसन्धिवसेन पुब्बे आसेवितं, पुब्बे दिन्नपटिसन्धिकन्ति अत्थो । दिन्नपटिसन्धिकम्पि पन अपरजातीसु पवत्तिविपाकं न निब्बत्तेतीति नत्थि । पुज्जापुज्जगहणेन यथाकम्मं सुगतिदुग्गतिपटिसन्धीनं आरम्भणं दस्सेति । कम्मं कम्मनिमित्तं वाति वा-सद्देन गतिनिमित्तं सङ्गहति । तत्थ कम्मं, गतिनिमित्तञ्च मनोद्वारेयेव आपाथमागच्छति, कम्मनिमित्तं पन पञ्चद्वारेपि । एवञ्च कत्वा पञ्चद्वारगहितेपि आरम्भणे पटिसन्धि होति । अपरे पन गतिनिमित्तम्पि छद्वारेसु लब्धतीति वण्णेन्ति । एवञ्च कत्वा वुत्तं सच्चसङ्केपे —

“पञ्चद्वारे सिया सन्धि, विना कम्मं द्विगोचरे”ति । (स० स० १७३) ।

अदुक्कथायं पन “गतिनिमित्तं मनोद्वारे आपाथमागच्छती”ति वुत्तत्ता, तदारम्मणाय च पञ्चद्वारिकपटिसन्धिया अदस्सितत्ता, **मूलटीकादीसु** च “कम्मबलेन उपट्ठापितं वण्णायतनं सुपिनं पस्सन्तस्स विय, दिब्बचक्खुकस्स विय च मनोद्वारे एव गोचरभावं गच्छती”ति नियमेत्वा वुत्तत्ता तेसं वचनं न सम्पटिच्छन्ति आचरिया । कम्मनिमित्तञ्च पनेत्थ पच्चुप्पन्नं पञ्चद्वारे आपाथमागच्छन्तं चुतिकालासन्ने कतकम्मस्स आरम्मणसन्ताने उप्पन्नं तंसदिसन्ति दट्ठब्बं, इतरथा तदेव पटिसन्धिया आरम्मणुपट्ठापकं तदेव पटिसन्धिजनकं भवेय्य, न च पटिसन्धिया उपचारभूतानि विय, “एतस्मिं तथा पवत्तितब्ब”न्ति पटिसन्धिया आरम्मणं अनुप्पदेन्तानि विय च पवत्तानि चुतिआसन्नजवनानि पटिसन्धिजनकानि भवेय्युं । “कतत्ता उपचितत्ता”ति हि वुत्तं । तदा च पटिसन्धिया एकवीथियं विय पवत्तमानानि कथं कतूपचितानि सियुं, अस्सादनभूताय तण्हाय अपरामट्ठानि कथं पटिसन्धिनिब्बत्तकानि, न च लोकियानि लोकुत्तरानि विय समानवीथिफलानि होन्तीति । तं **विज्जाणन्ति** तं जवनविज्जाणं । एकत्तनयेन पटिसन्धिविज्जाणञ्च सन्धाय वुत्तं । चुतिपटिसन्धितदासन्नविज्जाणानञ्चि सन्ततिवसेन विज्जाणन्ति उपनीतेकत्तं इध तं विज्जाणन्ति अधिप्पेतं ।

अविज्जाय पटिच्छन्नादीनवेति अनुसयवसेन पवत्ताय भवतण्हाय, चित्तसम्पयुत्ताय वा अविज्जाय छादितदुक्खादीनवे । तथाभूते पन कम्मादिविसये पटिसन्धिविज्जाणस्स आरम्मणभावेन उप्पत्तिट्ठानभूते । तण्हाय अप्पहीनत्ता एव पुरिमुप्पन्नाय च सन्ततिया तथापरिणतत्ता पटिसन्धिट्ठानाभिमुखं विज्जाणं निन्नपोणपब्भारं हुत्वा पवत्ततीति आह “**तण्हा नमेती**”ति । **सहजा पन सङ्खाराति** चुतिआसन्नजवनविज्जाणसहजातचेतना, सब्बेपि वा फस्सादयो । **खिपन्तीति** खिपन्ता विय तस्मिं विसये पटिसन्धिवसेन विज्जाणपतिट्ठानस्स हेतुभावेन पवत्तन्ति । तन्ति तं विज्जाणं । “**सन्ततिवसा**”ति वदन्तो तदेव विज्जाणं सन्धावति संसरति, न अज्जन्ति इमञ्च मिच्छावादं पटिक्खपति । सति हि नानत्तनये सन्ततिवसेन एकत्तनयो होतीति ।

५९९. आरम्मणादीहि...पे०... पवत्ततीति आरम्मणनिस्सयपच्चयादीहि पवत्तति । कथं? आसन्नमरणस्स हि कम्मबलेन मनोद्वारे उपट्ठापितं अविज्जाय पटिच्छन्नादीनवं कम्मादिविसयं आरब्ध मनोद्वारावज्जनं उप्पज्जति, ततो मरणासन्नवीथिया वत्थुदुब्बलभावेन मन्दप्पवत्तिया चत्तारि, पञ्च वा जवनानि पवत्तन्ति, तदनन्तरं तदारम्मणे सति, असति वा भवङ्गविसयमालम्बित्वा चुतिचित्तं उप्पज्जति । भवङ्गानन्तरमपि चुति होतीति वदन्ति । चुतिचित्ते पन निरुद्धे तदेव आपाथगतं कम्मकम्मनिमित्तादिं आरब्ध अनुपच्छिन्नकिलेसबलवनिमित्तं सहजातसङ्खारेहि कम्मादिआरम्मणे खिपियमानं ओरिमतीररुक्खविनिबन्धं रज्जुं आलम्बित्वा मातिकातिककामको विय पुरिमञ्च निस्सयं जहति, अपरञ्च कम्मसमुट्ठितं निस्सयं अस्सादयमानं वा अनस्सादयमानं वा आरम्मणादीहि पच्चयेहि पवत्तति । एत्थ च ओरिमतीरं विय पुरिमभवो दट्ठब्बो, तत्थ ठितरुक्खो विय पुरिमभवे पवत्तमानक्खन्धा, रज्जु विय कम्मादिआरम्मणं । केचि पन “रज्जु विय हदयवत्थू”ति वदन्ति, “रज्जु विय तण्हा”तिपि अपरे । पुरिसो विय विज्जाणं, तस्स रज्जुगगहणं विय तण्हाय आरम्मणाभिमुखनमनं, पयोगो विय खिपनकसङ्खारा, मातिका विय चुतिचित्तं, परतीरं विय परलोको ।

६००. यथा पुरिसो परतीरे पतिट्ठहमानो परतीररुक्खविनिबन्धं किञ्चि अस्सादयमानो वा अनस्सादयमानो वा केवलं पथवियं सकबलपयोगेहेव पतिट्ठाति, एवमिदमपि भवन्तरत्तभावविनिबन्धहदयवत्थुसङ्खातं निस्सयं पञ्चवोकारभवे अस्सादयमानं वा चतुवोकारभवे अनस्सादयमानं वा केवलं आरम्मणनिस्सयसम्पयुत्तधम्मेहेव पवत्ततीति तं विज्जाणं **नापि इधागतं** इमस्मिंयेव भवे निब्बत्तत्ता । **कम्मादिन्ति** अतीतभवनिब्बत्तकम्मादिं । **आदि-**सद्देन खिपनकसङ्खारानं,

नमनवसेन पवत्ततण्हाय, कम्मादिविसयाय आदीनवपटिच्छादिकाय च अविज्जाय, दळ्हग्गाहादिकरानं उपादानादीनञ्च गहणं दट्ठुब्बं । तत्थ कम्मं नाम उपपज्जवेदनीयभूतं, अपरापरियवेदनीयभूतं वा पटिसन्धिनिब्वत्तककम्मं । खिपनकसङ्खारा नाम चुतिआसन्नजवनसहजातसङ्खारा, पटिसन्धिजनककम्मसहगतसङ्खारा वा, ततो पुरिमजवनसहगतसङ्खाराति वा केचि । नमनवसेन पवत्ततण्हा नाम अनुसयावत्थाय पवत्ततण्हा । एस नयो आदीनवपटिच्छादकअविज्जायपि । कम्मादिविसया पुब्बे वुत्तायेव । दळ्हग्गाहकरउपादाना नाम मण्डूकं पन्नगो विय उपपत्तिभवस्स दळ्हग्गहणवसेन पवत्ता कामुपादानादयो ।

६०१-५. सट्ठपटिघोसादीनं सतिपि पच्चयपच्चयुप्पन्नभावे सन्तानबन्धो न पाकटोति तेसं एकत्तनानत्तभावं अनामसित्वा अनागतमतीतहेतुसमुप्पादमेव दस्सेन्तो “**एत्थ चा**”तिआदिमाह । **एत्था**ति इमस्मिं चुतिपटिसन्धाधिकारे । **पटिघोसदीपमुद्वादीति आदि-**सट्ठेन आदासतलगतमुखनिमित्तादीनं गहणं । **अज्जत्थ अगन्त्वा**ति सट्ठादिपच्चयदेसं अनुपगन्त्वा । इदं वुत्तं होति — यथा सट्ठादीनं उप्पत्तिपदेसं अनुपगन्त्वा पटिघोसो सट्ठहेतुको, पदीपो पदीपन्तरादिहेतुको, मुद्वा लज्जनहेतुको, मुखनिमित्तादिकं आदासादिअभिमुखादिहेतुकं होति ततो पुब्बे अभावा, एवमिदम्पि पटिसन्धिविज्जाणं न हेतुदेसं गन्त्वा तंहेतुकं होति ततो पुब्बे अभावा, तस्मा न इदं हेतुदेसतो पुरिमभवतो इधागतं पटिघोसादयो विय सट्ठादिदेसतो, नापि ततो हेतुं विना उप्पन्नं सट्ठादीहि विना पटिघोसादयो वियाति । अथ वा **अज्जत्र अगन्त्वा**ति पुब्बे पच्चयपदेसे सन्निहिता हुत्वा ततो अज्जत्र गन्त्वा तप्पच्चया न होन्ति उप्पत्तितो पुब्बे अभावा, नापि सट्ठादिपच्चया न होन्ति, एवं इदम्पीति वुत्तनयेन योजेतब्बं । **सन्तानबन्धतो नत्थी**ति सन्तानप्पबन्धतो नत्थि एकता सन्तानेकत्तेपि अज्जस्सेव विज्जाणस्स पातुभवनतो, नापि नानता अपुब्बानं अपुब्बानं उप्पादेपि पठमुप्पन्नं धम्मं विना पच्छिमस्स अनुप्पज्जनतो, पदीपस्स विय नानता न सिया । खणिकापि हि पदीपजाला सन्तानेकत्तं उपादाय सा एवाति वुच्चति, अत्तकिच्चज्ज साधेति । “**सति सन्तानबन्धे**”तिआदिना सन्तानबन्धे एकन्तं एकत्ताय च नानत्ताय च अगगहेतब्बत्तं, गहणे च दोसं दस्सेति । इदं वुत्तं होति — सन्तानबन्धे सति यदि एकन्तेन एकता सिया, खीरदधीनम्पि अनज्जभावतो, अत्ततोयेव च सयं अनुप्पज्जनतो खीरतो दधिसम्भूतं न भवेय्य । अथापि सन्तानबन्धे सति एकन्तं नानता भवेय्य, खीरदधीनम्पि नानत्ता, अज्जस्स च सामिभावमत्तेन अपरस्स सामिभावायोगतो खीरसामि नरो दधिसामि न भवेय्य, न च पनेवं लोके दिस्सतीति ।

६०६. तस्माति यस्मा एवं लोकवोहारपरिच्छेदो होति, तस्मा एकन्तं एकता, नानतापि वा न चेव उपगन्तब्बा । एकत्ते पन अधिप्पेते धम्मतो अगगहेत्वा सन्तानतोव गहेतब्बं, नानत्ते अधिप्पेते सन्तानवसेन अगगहेत्वा धम्मतोव गहेतब्बन्ति अधिप्पायो । तेनाहु पोराणा —

“दिट्ठसन्तानबन्धस्मिं, एकज्जत्तविचारणे ।
सभागुप्पत्तियेकत्त-मज्जत्तं खणभेदतो”ति ॥

एत्थ च एकन्तं एकतापटिसेधेन “सयंकत्तं सुखदुक्ख”न्ति इमं दिट्ठिं निवारति, एकन्तं नानतापटिसेधेन “परंकत्तं सुखदुक्ख”न्ति ।

६०७-९. ननु न सुन्दरं, ननु सियाति वा सम्बन्धो । असङ्कन्तिपातुभावेति सङ्कन्तिपातुभावरहिते, असङ्कन्तिवसेन वा पातुभावे, असङ्कमित्वाव पातुभावेति अत्थो । **खन्धाभिसम्भवा**ति अभिसम्भूतक्खन्धा, अथ वा अभिसम्भवति कम्मं एतेसूति **अभिसम्भवा**, खन्धा, एवं अभिसम्भवा कम्माधिद्वानभूता खन्धाति अत्थो । **इध निरुद्धत्ता**ति फलाधिद्वानभूतं परलोकं अगन्त्वा इधेव निरुद्धत्ता । **परत्थागमतो**ति परलोकं अगमनतो । **तस्सा**ति कम्मस्स । **अज्जस्सा**ति येन तं कम्मं

कतं, ततो अज्जस्स । अज्जतोति यं तं कम्मं निब्बत्तं, ततो अज्जतो । एतं विधानन्ति इधलोकतो परलोकं गन्त्वा नत्थि, तत्थ “अज्जेव खन्धा निब्बत्तन्ती”ति इदं सब्बं यथावुत्तविधानं ।

६११-४. “सन्ताने...पे०... साधको”ति सङ्खेपतो वुत्तमत्थं पकासेतुं “एकस्मिं पना”तिआदि वुत्तं । एकस्मिं सन्तानेति यस्मिं धम्मपुज्जे कम्मं निब्बत्तं, तस्सेव सन्तानेति अत्थो । अज्जस्सातिपि वा...पे०... होति । तत्थ एकन्तं एकत्तनानत्तानं पटिसिद्धत्ताति अधिप्पायो । एतस्सत्थस्साति हेतुफलानं अत्थतो अज्जत्तेपि तेनेव हेतुफलभावेन सम्बन्धत्ता तं फलं अज्जस्स, अज्जतोति वा न वत्तब्बन्ति एतस्स अत्थस्स । बीजानन्ति अम्बमातुलुङ्गबीजानं । अभिसङ्खारोति मधुआदिपरिभावनं । मधुआदिनाति मधुचतुमधुरअलत्तकरसादिना । तस्साति तस्स परिभावितबीजस्स । पठमं लद्धपच्चयोति मधुरभावूपगमनतो पठममेव लद्धपच्चयो । कालन्तरेति फलकाले । एवं जेय्यमिदमि चाति यथा एतं, एवं इदमि जातब्बं । इदं वुत्तं होति — यथा हि अम्बबीजादीसु मधुना, चतुमधुरेन वा योजेत्वा रोपितेसु फलरसो मधुरो होति, मातुलुङ्गबीजे च अलत्तकरसेन रजित्वा रोपिते अम्बिलभण्डो रत्तो होति, न च तं बीजं अभिसङ्खरणं वा फलट्टानं पापुणाति, एवं सन्तेपि कालन्तरे फलविसेसो न अज्जबीजसन्ताने होति, न च अज्जस्मिं बीजे अभिसङ्खारपच्चयतो होति, एवमेव ये इध लोके निब्बत्तकखन्धा, तेसु निप्फन्नं कम्मं वा परलोकं न गच्छन्ति । एवमि कालन्तरे विपाककखन्धा अज्जस्मिं सन्ताने न निब्बत्तन्ति, न च अज्जकम्मपच्चयतो होन्तीति ।

एत्थ हि अभिसङ्खतं बीजं विय कम्मं वा सत्तो, अभिसङ्खारो विय कम्मं, बीजस्स अङ्कुरादिप्पबन्धो विय सत्तस्स पटिसन्धिविज्जाणादिप्पबन्धो । तत्थुप्पन्नस्स मधुररसस्स अम्बिलभण्डे रत्तस्स च तस्सेव बीजस्स ततो एव च अभिसङ्खारतो भावो विय कम्मकारकस्सेव सत्तस्स ततो एव च अभिसङ्खारणतो भावो वेदितब्बो ।

६१५. बालकाले...पे०... फलदायिनाति बालसरीरे कतं विज्जापरियापुणनं, सिप्पसिक्खनं, ओसधूपयोगो च न वुट्ठसरीरं गच्छति, अथ च तन्निमित्तं विज्जापाटवं, सिप्पजाननं, अनामयतादि च वुट्ठसरीरे होन्ति, न च तानि अज्जस्स होन्ति तंसन्ततिपरियापन्ने एव सदिसे उप्पज्जनतो । न च यथा पयुत्तेन विज्जापरियापुणनादिना विना तानि अज्जतो होन्ति तदभावे अभावतो, एवं इधापि सन्ताने यं फलं, एतं नाज्जस्स, न च अज्जतोति योजेतब्बं । एतेन च सङ्खाराभावे फलाभावमेव दस्सेति, न अज्जपच्चयनिवारणं करोति ।

६१६-८. एवं सन्तेपीति असङ्गन्तिपातुभावे । तत्थ च यथावुत्तदोसपरिहरणे सति सिद्धेपीति अत्थो । विज्जमानन्ति पदीपस्स वट्टिकासेहो विय विज्जमानं अनिरुद्धन्ति अत्थो । अविज्जमानन्ति वट्टदुक्खाभावस्स अरहतो चुतिचित्तं विय अविज्जमानं निरुद्धन्ति अत्थो । तप्पवत्तिक्खणेति कम्मस्स पवत्तमानक्खणेयेव । तेनाह “सद्धिमेव च हेतुना”ति । अविज्जमानन्ति पवत्तिक्खणतो पुब्बे विज्जमानतं असम्पत्तं । निरुद्धन्ति खणत्तयं पत्वा निरुद्धं । तेनाह —

“पवत्तिक्खणतो पुब्बे, पच्छा निच्चफलं सिया”ति ।

पुब्बेति कम्मायूहनतो पुब्बे । अविज्जमानतासामज्जेन हेतं वुत्तं । पच्छाति विपाकप्पवत्तितो पच्छा च ।

६१९-२०. कटत्तापच्चयोति कटत्ता एव पच्चयो, न विज्जमानताय अविज्जमानताय वाति अत्थो । तेनाह “कामावचरस्स कुसलस्स कम्मस्स कतत्ता उपचितत्ता विपाकं चक्खुविज्जाणं उप्पन्नं होती”तिआदि (ध० स० ४३१) । यदि एवं अरहता कतकम्ममि कटत्तापच्चयो सियाति? नयिदमेवं । यथा हि अच्छिन्नमूलस्मिं रुक्खे पुप्फितं बीजसमत्थमि

कुसुमं मूले छिन्नमत्ते फलदायकं न होति, एवं अरहतोपि किलेसमूलस्स अब्बोच्छिन्नकाले सन्ताने पवत्तम्पि कम्मं किलेसमूलच्छिन्नमत्तेयेव फलदाने असमत्थभावं आपन्नन्ति । तेनाहु पोराणा —

“बालजनज्झारुळ्हो,
जातिरथो कम्मकिलेसचक्कोयं ।
किलेसचक्कविधमनो,
न याति कम्मेकचक्केपी”ति ॥

कटत्ता चे पच्चयो, निच्चफलदायको विबन्धोति आह “पाटिभोगादिक”न्तिआदि । पाटिभोगादिकन्ति मूलभावूपगमनादिकं । आदि-ग्गहणेन “पच्छा मूलं दस्सामी”ति भण्डग्गहणं, इणग्गहणञ्च सङ्गहति । अयं पनेत्थ अधिप्पायो — पाटिभोगकिरियादीनं विज्जमानता, अविज्जमानता वा निव्यातने, पटिभण्डदाने, इणदाने च पच्चयो न होति, अथ खो करणमत्तं, न च तं निव्यातनादीनं निच्चमेव पच्चयो होति निव्यातनादिमिह कते पच्चयत्ताभावतो, एवमेव विपाकुप्पादनेपि कम्मस्स विज्जमानता, अविज्जमानता वा पच्चयो न होति, अथ खो करणमत्तमेव, करणमत्ते च सति विपक्कविपाकानं पच्चयो न होतीति ।

६२१. परमस्स उत्तमस्स अत्थस्स पकासनतो परमत्थप्पकासनो । पीतिबुद्धिविविड्ढुनोति पीतिया, जाणस्स च, पीतिसहगतस्स वा जाणस्स विवड्ढुनो ।

इति अभिधम्मत्थविकासिनिया नाम

अभिधम्मावतारसंवण्णनाय

पुञ्जविपाकपच्चयनिद्वेसवण्णना निड्डिता ।

१०. दसमो परिच्छेदो

रूपविभागवण्णना

६२२. आदिमहीति उद्वेसगाथायं । इदानीति चित्तचेतसिकविभावनानन्तरं । विभावनन्ति निद्वेसपटिनिद्वेसवसेन सरूपतो पकासनं ।

६२३. रूप्यतीति सीतुण्हादीहि विकारमापज्जति, आपादीयतीति वा अत्थो । विकारापत्ति च सीतादिविरोधिपच्चयसन्निधाने विसदिसुप्पत्तियेव । न हि यथासकं पच्चयेहि उप्पज्जित्वा ठितधम्मानं अज्जेन केनचि विकारापादनं सक्का कातुं, तस्मा पुरिमुप्पन्नरूपसन्तति विय अहुत्वा पच्छा उप्पज्जमानानं विसभागपच्चयसमवायेन विसदिसुप्पत्तियेव इध “रूप्यन्”न्ति दड्डुब्बं । एवञ्च कत्वा सङ्घियानं विपरिणामवादो पच्चक्खतो होति । ननु च अरूपधम्मानम्पि विरोधिपच्चयसमवाये विसदिसुप्पत्ति लब्धतीति? सच्चं लब्धति, न पन विभूततरा । विभूततरा हेत्थ विसदिसुप्पत्ति अधिप्पेता उक्कट्टगतिवसेन यथा “अभिरूपस्स कज्जा दातब्बा”ति (सं० नि० ३.७८) ।

कुतो एतं विज्जायतीति चे? सीतादिगहणतो । तथा हि वुत्तं —

“किञ्च, भिक्खवे, रूपं वदेथ, रूप्यतीति खो, भिक्खवे, तस्मा रूपन्ति वुच्चति । केन रूप्यति? सीतेनपि रूप्यति, उण्हेनपि रूप्यति, जिघच्छायपि रूप्यति, पिपासायपि रूप्यति, डंसमकसवातातपसरीसपसम्फस्सेनपि रूप्यति, रूप्यतीति खो, भिक्खवे, तस्मा रूपन्ति वुच्चती”ति (सं० नि० ३.७९) ।

एत्थ हि सीतादिगहणं सीतादिना फुट्टस्स रूप्यनं विभूततरं, तस्मा तदेवेत्थ गहितन्ति आपनत्थं । इतरथा रूप्यतीति सामञ्जसवचनेनेव सिद्धे सीतादिगहणं निरर्थकं सियाति ।

यदि एवं, कथं ब्रह्मलोके रूपसमञ्जा? न हि तत्थ उपघातको सीतादिफस्सविसेसो लब्धतीति? सच्चं, तत्थापि तंसभावानतिवत्तनतो । अरूप्यनस्सापि हि रूप्यनसभावानतिवत्तनतो रूपसमञ्जा होति । यथा अदुद्धम्पि खीरं तंसभावानतिवत्तनतो “दुद्ध”न्ति वुच्चतीति । अथ वा किञ्चापि तत्थ उपघातको सीतादिफस्सविसेसो नत्थि, अनुग्गाहको पन अत्थि । तथा हि ब्रह्मानं उतुजरूपं अत्थि, तस्मा अत्थेव तत्थ रूप्यन्ति न कोचि तत्थ रूपसमञ्जाय विबन्धोति ।

रूपयतीति वाति सयं विज्जमानमेव अत्तनो सन्तानं विकारमापादयतीति अत्थो । इति पुरिमविग्गहेन विकारुप्पत्ति “रूप्यन्”न्ति दीपितं । इमिना पन विरोधिपच्चयसन्निपाते विज्जमानस्सेव यो अत्तनो सन्ताने विसदिसुप्पत्तिहेतुभावो, तं रूप्यन्ति दीपितं होति । इमस्मिं पक्खे अरूपस्स रूपसमञ्जापसङ्गो एव नत्थि । निरुद्धमेव हि तं अनन्तरादिपच्चयेहि अरूपं उप्पादेति, न विज्जमानन्ति । घट्टने विकारापत्तियं रूप-सद्वस्स रुळ्ही, तस्मा अरूपधम्मानं घट्टनाभावतो न तेसु रूपसमञ्जाति केचि । पटिघातो रूप्यन्ति अपरे, तेसं मतेन किञ्चापि सप्पटिघरूपानमेव रूपसमञ्जापसङ्गो, अथ खो अवयववोहारेन समुदायोपि वोहरीयतीति सब्बमेव रूपं रूपसमञ्जं लभति । केचि पनेत्थ “रूपयतीति वण्णायतनवसेन वुत्त”न्ति वदन्ति । तज्झि वण्णविकारं आपज्जमानं रूपयति, हृदयङ्गतभावं पकासेतीति । तयिदं उपरि वण्णायतननिद्देसे विसुंयेव वुच्चतीति न तस्स इध संवण्णने पयोजनं अत्थि । **सुरूपोति** द्रुत्तिसमहापुरिसलक्खणअसीति अनुब्यञ्जनब्यामप्पभाकेतुमालादीहि अलङ्कृतत्ता सोभनरूपकायो, सभावत्थो वा रूप-सद्वो “यं लोके पियरूपं सातरूप”न्ति आदीसु (पटि० म० १.११४) विय, तस्मा **सुरूपोति** सोभनसभावो, तेन दसबलचतुवेसारज्जादिअसाधारणगुणविसेससमायोगदीपनतो सत्थु धम्मकायसम्पत्तियापि सोभनता दस्सिता होति ।

६२४. भूतोपादायभेदतोति एत्थ तदधीनवुत्तिताय भवति एत्थ उपादारूपन्ति भूतं । अथ वा महाभूतायेव इध पुरिमपदलोपवसेन भूत-सद्वेन वुत्ता । तेनाह “चतुब्बिधा महाभूता”ति । भूतानि उपादियतेव, न पन सयं तेहि अज्जेहि वा उपादियतीति **उपादायं** । एवञ्च कत्वा चतुन्नं महाभूतानं अज्जमज्जं निस्साय पवत्तमानानम्पि उपादायरूपतापसङ्गो नत्थि । न हि ते केवलं अज्जमज्जं उपादियन्तेव, अथ खो सयं उपादायरूपेहि उपादियन्ति, तस्मा उपादाय-सद्वगहणसामत्थियतो न महाभूतानं उपादायरूपतापसङ्गोति । अथ वा “चतुन्नं महाभूतानं उपादायरूप”न्ति (ध० स० ५८४) वचनतो चतुमहाभूतसन्निस्सितताव उपादायरूपलक्खणं, न भूतत्तयादिसन्निस्सिततापीति न तेसं उपादायरूपताति । भूतज्ज उपादायज्ज **भूतोपादायं**, तेसं वसेन भेदतोति **भूतोपादायभेदतो** । भूतसद्वस्स उभयलिङ्गत्ता आह “महाभूता”ति । **उपादाति** उपादायरूपानि “पटिसङ्खा योनिंसो”ति आदीसु विय एत्थ य-कारलोपो दट्टब्बो ।

६२५. कतमे पन चत्तारो महाभूता, कथञ्च ते महाभूतसज्जिता, कानि च उपादायरूपानि, कथञ्च तानि “उपादायरूपानी”ति वुच्चन्तीति इदं चोदनं हृदये कत्वा कमेन सोधेन्तो आह “पथवीधातू”ति आदि । **चत्तारोमेति** चत्तारो

इमे । महा च सो भूतो चाति महाभूतो, तेन महाभूतेन सदेवके लोके महन्तभावेन पातुभूतेन सम्मासम्बुद्धेनाति अत्थो ।
अथ वा —

“कालो घसति भूतानि,
सब्बानेव सहत्तना ।
यो च कालघसो भूतो,
स भूतपचनिं पची”ति ॥ (जा० १.२.१९०) —

आदीसु विय भूत-सदस्स सत्तेसु, खीणासवेसु च पवत्तनतो महाभूतेनाति महता सत्तेन, महाखीणासवेनाति वा अत्थो ।
खीणासवोपि हि परिक्खीणपटिसन्धिकत्ता भूतोयेव न भवति, न च भविस्सतीति भूतोति वुच्चति ।

६२६. महन्ता पातुभूताति उपादिन्नकसन्तानेपि अनुपादिन्नकसन्तानेपि ससम्भारधातुवसेन महन्ता हुत्वा भूता जाता निब्बत्ताति अत्थो । तेसं अनुपादिन्नकसन्ताने —

“दुवे सतसहस्सानि, चत्तारि नहुतानि च ।
एत्तकं बहलत्तेन, सङ्घातायं वसुन्धरा”ति ॥ (ध० स० अट्ठ० ५८४) —

आदिना नयेन महन्तपातुभूतता वुत्ता । उपादिन्नकसन्तानेपि
अनेकयोजनसतिकमच्छकच्छपतिगावुतप्पमाणदेवदानवादिसरीरवसेन दट्ठब्बा । वुत्तम्पि हेतं “सन्ति, भिक्खवे, महासमुद्धे
योजनसतिकापि अत्तभावा”तिआदि (अ० नि० ८.२०; चूळव० ३८५; उदा० ४५) ।

महाभूतसमाति अनेकब्भुतविसेसदस्सनेन, अनेकभूतदस्सनेन च महन्ता भूता, महन्तानि अब्भुतानि वा एतेसूति
महाभूता, मायाकारा, यक्खादयो वा जातिवसेनेव महन्ता भूताति महाभूता, तेहि एते समाति महाभूतसमा । एते हि यथा
मायाकारा अमणिं एव उदकं मणिं कत्वा दस्सेन्ति, असुवण्णंयेव लेड्डुआदिकं सुवण्णं कत्वा दस्सेन्ति, यथा च सयं नेव
यक्खा न पक्खिनो समाना यक्खादिभावम्पि दस्सेन्ति, एवमेवं सयं अनीलानेव हुत्वा नीलं उपादायरूपं दस्सेन्ति, सयं
अपीतायेव... पे०... सयं अनोदातायेव हुत्वा ओदातं उपादायरूपं दस्सेन्तीति मायाकारमहाभूतसामञ्जतो महाभूता ।

यथा च यक्खा महाभूता यं गणहन्ति, नेवस्स अन्तोसरीरे ठानं उपलब्धति, न सरीरतो बहि, न च तस्स अङ्गमङ्गं
निस्साय न तिड्ढन्ति । यदि हि सरीरस्स अन्तो ठिता, सकलसरीरे ब्यापनं न सिया । अथ बहि ठिता, यक्खग्गहितकेन
कतकुसलाकुसलं यक्खस्स न सिया । यदि चस्स अङ्गमङ्गं निस्साय न ठिता, यक्खग्गहितके पढे यक्खस्स
दुक्खवेदनुप्पत्ति न सिया, न च सरीरे राजिउट्ठानं भवेय्य । यस्मा पनेतं सब्बं अत्थि, तस्मा ते अनिद्धिसितब्बट्ठाना, एवमेतेपि
न अञ्जमञ्जस्स अन्तो न बहि ठिता उपलब्धन्ति, न च अञ्जमञ्जं निस्साय न तिड्ढन्ति । यदि हि ते अञ्जमञ्जस्स अन्तो
ठिता, न सकसककिच्चकरा सियुं अञ्जमञ्जं अनुपवेसनतो । अथ अञ्जमञ्जतो बहि ठिता, विनिब्भुत्ता सियुं, तथा च
सति अविनिब्भुत्तवादो परिहायेय्य, तस्मा अनिद्धिसितब्बट्ठानाति । यक्खमहाभूतसमानताय महाभूतसमा ।
अनिद्धिसितब्बट्ठानापि चेते पतिट्ठानादिना यथासककिच्चविसेसेन सेसानं तिण्णं उपकारका होन्ता सहजातादिना पच्चयेन
पच्चयो हुत्वा अञ्जमञ्जं निस्सायेव तिड्ढन्ति ।

वञ्चकता अभूतेनाति यक्खिनीआदयो विय अभूतेन अतच्छेन मनापवण्णसण्ठानादिना सत्तानं वञ्चकता महन्तानि अभूतानि एतेसूति महाभूताति सम्मता । यथा हि यक्खिनीआदयो मनापेहि काळसामादिवण्णेहि, पुथुलपीवरकिसादिसण्ठानेहि, हत्थभमुआदिविक्खेपेहि च अत्तनो भयानकभावं पटिच्छादेत्वा सत्ते वञ्चेन्ति, अत्तनो वसं नेन्ति, एवमेतेपि इत्थिपुरिसादीसु मनापेन छविवण्णेन, मनापेन अङ्गपच्चङ्गसण्ठानेन, मनापेन च हत्थपादअङ्गुलिभमुकविक्खेपेन अत्तनो कक्खळत्तादिसरीरलक्खणं पटिच्छादेत्वा बालजनं वञ्चेन्ति, अत्तनो सभावं दट्ठं न देन्ता तं अत्तनो वसं नेन्ति ।

६२७-३०. चक्खुसोतन्ति आदीसु रूपमेव रूपता । हृदयञ्च तं वत्थु च मनोधातुमनोविज्जाणधातूनन्ति हृदयवत्थु, हृदयस्स वा विज्जाणस्स वत्थूति हृदयवत्थु, पुरिमपदलोपेन पन “**वत्थु**”न्ति वुत्तं । कबळीकारो आहारोयेव **आहारता** । किञ्चापि **धम्मसङ्गणियं** रूपनिद्वेसे कबळीकारो आहारो ओसाने उद्विद्धो, इध पन निष्फन्नरूपानं एकट्ठाने दस्सनत्थं हृदयवत्थुअनन्तरं उद्विद्धोति । लहुता आदि यासं मुदुताकम्मज्जतानन्ति लहुतादयो, तासं तयं **लहुतादित्तयं**, तत्थ लहुभावो लहुता, तथा मुदुतापि । कम्मनि साधु कम्मज्जं, तस्स भावो कम्मज्जता । लहुतादीनं सयं अनिष्फन्नत्ता निष्फन्नरूपविकारभावं दस्सेतुं “**रूपस्सा**”ति विसेसनं कतं । **चतुवीसतीति** गणनपरिच्छेदो, बलवरूपादीनं निसेधनत्थो । तत्थ यं वत्तब्बं, तं परतो आवि भविस्सति । **निस्सायाति** निस्साय एव, न पन निस्सयवसेनपि । चतूहि उपादानेहि निमुत्तताय निक्खन्तं उपादानतो मानसं एतस्साति **निरुपादानमानसो** ।

६३१-२. पत्थटत्ताति पुथुत्ता, तेन पुथुभावतो पुथवी, पुथवी एव पथवीति निरुत्तिनयेन सद्विसिद्धि दीपिता होति । अयं पन सम्भारपथविया वसेन युज्जति । सा हि पुथुभूता पत्थटाति । लक्खणपथविया वसेन पन पथनट्ठेन पथवी, सहजरूपानं पतिट्ठाभावेन पक्खायति उपट्ठातीति अत्थो । पुरिमोपि वा अत्थो लक्खणपथविया वसेन लब्धति । **वायनतोति** समुदीरणतो, देसन्तरुप्पत्तिहेतुभावेन भूतसङ्घाटस्स पापनतोति अत्थो । **तेजेति** परिपाचेति, निसेति वा, तिक्खभावेन सेसभूतत्तयं उस्मापेतीति अत्थो । गाथाबन्धवसेन चेत्थ इति-सद्वलोपतो “तेजेति”च्चेव वुत्तं । एवं “आपेती”ति एत्थापि । तस्मा तेजेतीति **तेजो**, आपेतीति **आपो**ति वुत्तं होति । **आपेति पालनाति** अनुपालेतब्बरूपपरियोसानं आपेति पत्थरति । तथा हेतं “आबन्धनकिच्च”न्ति वुच्चति । आपीयतीति **आपो** । सोसीयति पिवीयतीति अत्थोति केचि । अयं पनत्थो ससम्भारापे युज्जतीति वदन्ति, लक्खणापेपि युज्जतेव । सोपि हि फरुसपाचनविसोसनाकारेन सेसभूतत्तयेन पीयमानो विय पवत्ततीति । आपायतीति वा **आपो**, ब्रूहेति वट्ठेतीति अत्थो । तथा हेस परिब्रूहनरसो । **तेसन्ति** यथावुत्तानं भूतोपादायभेदानं रूपानं । **वक्खामीति** कथेस्सामि । किं कारणाति आह “**लक्खणादीसू**”तिआदि । **हि-सद्वो** हेतुअत्थो । यस्मा लक्खणादीसु जातेसु धम्मा आवि भविस्सन्ति, तस्मा तेसं परतो आविभावहेतूति अत्थो ।

६३३-४. कानि पन तानि लक्खणरसपच्चुपट्टानपदट्टानानि नाम, येसु जातेसु धम्मा आवि भविस्सन्तीति इमं चोदनं सोधेतुं लक्खणरसपच्चुपट्टानपदट्टानानि सरूपतो कथेन्तो आह “**सामज्जं वा**”तिआदि । **सामज्जं** साधारणो अनिच्चादिको । **सभावो** कक्खळादिफुसनादिको असाधारणभावो । **किच्चन्ति** सन्धारणादिकिच्चं । **सम्पत्तीति** सम्पन्नभावो । “सुरसो गन्धब्बो”तिआदीसु हि गन्धब्बसम्पत्तिया रस-सद्वेन वुच्चमानत्ता **सम्पत्ति रसोति** । **फलन्ति** सहजातनानक्खणिकवसेन ठितं फलं । **उपट्टाननयोति** गहेतब्बभावेन जाणस्स उपट्टानाकारो । **आसन्नकारणन्ति** पधानकारणं ।

लक्खीयति एतेनाति लक्खणं, कक्खळत्तं लक्खणमेतिस्साति **कक्खळत्तलक्खणा** । ननु च कक्खळत्तमेव

पथवीधातूति? सच्चमेतं । तथा हि विज्जाताविज्जातसद्व्यथावसेन असम्भिन्नेपि धम्मे कप्पनासिद्धेन भेदेन एवं निद्देशो कतो । एवञ्च अत्यविसेसावबोधो होतीति । अथ वा लक्खीयतीति लक्खणं, कक्खळा हुत्वा लक्खियमाना धातु **कक्खल्ललक्खणा**ति एवमेत्थ अत्थो दट्ठब्बो । सेसासुपि एसेव नयो । **पतिट्ठानरसा**ति सहजातधम्मानं पतिट्ठानभावकिच्चा । असहजातानम्पि सन्ततिवसेन पतिट्ठानभावो होतेव । ततो एव नेसं सम्पटिच्छनाकारेण जाणस्स पच्चुपट्ठातीति **सम्पटिच्छनपच्चुपट्ठाना** । इमिना किच्चवसेनेवेत्थ “पच्चुपट्ठान”न्ति दस्सेति । **पदट्ठानं** पनेत्थ चतुन्नम्पि एकतो कत्वा वक्खति ।

पग्घरणलक्खणाति द्रवताभावतो विस्सन्दनलक्खणा । **ब्रूहनरसा**ति सहजातधम्मानं मिलातभावूपगमनं अदत्त्वा वट्ठनकिच्चा । तथा हि सा तेसं पीणितभावं दस्सेतीति वुच्चति । **सङ्गहपच्चुपट्ठाना**ति बाहिरकउदकं विय नहानियचुण्णस्स सहजातधम्मानं विप्पकिरितुं अदत्त्वा सम्पिण्डनवसेन सङ्गहनपच्चुपट्ठाना । **परिपाचनरसा**ति परिणतभावकरणरसा । **मद्वानुप्पदानपच्चुपट्ठाना**ति बाहिरगि विय जतुलोहादीनं सहजातधम्मानं मुदुभावानुप्पदानपच्चुपट्ठाना । **वित्थम्भनलक्खणा**ति पूरणलक्खणा । **समुदीरणरसा**ति कम्पनरसा । **अभिनीहारो** भूतत्तयस्स देसन्तरुप्पत्तिहेतुभावो, नीहरणं वा बीजतो अङ्कुरादिकस्स विय । **एकेका...पे०... तब्बा**ति पथवीधातु आपादिभूतत्तयपदट्ठाना, आपोधातु पथवीतेजादिभूतत्तयपदट्ठानाति एवं एकेका धातु अवसिद्धभूतत्तयपदट्ठाना ।

आरोहपरिणाहवसेन हि मज्झिमे इमस्मिं सरीरे परिगग्हमाना परमाणुभेदसञ्चुण्णा सुखुमरजभूता पथवीधातु दोणमत्ता सिया । सा च ततो उपट्ठप्पमाणाय आपोधातुया यथा न विकिरति, एवं आबन्धनवसेन सङ्गहिता । यथा पन पग्घरणसभावाय आपोधातुया वसेन किलिन्नभावं पिच्छलभावं नापज्जति, एवं तेजोधातुया अनुपालिता । यथा पन तस्सा वसेन न विकिरीयति, एवं वायोधातुया वित्थम्भिता सङ्गातभावं पापिता । एवं सुखुमरजभूतापि आबन्धनपरिपाचनसमुदीरणकिच्चाहि आपोतेजोवायोधातूहि लद्धपच्चया सिनेहेन तेमिता, तेजसा परिपक्का, वायुना वित्थम्भिता पिट्टचुण्णानि विय न इतो चितो च विकिरीयति विद्धंसीयति, अविकिरियमाना अविद्धंसियमाना नानप्पकारकं इत्थिपुरिसलिङ्गादिभावविभागं उपगच्छति, अणुथूलदीघरस्सथिरकथिनादिभावञ्च पकासेति ।

यूसगता आबन्धनाकारभूता पनेत्थ आपोधातु पथवीपतिट्ठिता तेजानुपालिता वायोवित्थम्भिता न गळति, न पग्घरति, न परिस्सवति । एवं तीहि धातूहि अनुपालिता अपग्घरमाना अपरिस्सवमाना पिण्डितभावं दस्सेति । एसा हि अनुब्रूहनरसा ।

असितपीतादिपरिपाचिता चेत्थ उसुमाकारभूता उण्हत्तलक्खणा तेजोधातु पथवीपतिट्ठिता आपोसङ्गहिता वायोवित्थम्भिता इमं कायं परिपाचेति, वण्णसम्पत्तिञ्चस्स आवहति । सा हि यथानुभुत्तस्स आहारस्स सम्मा परिणामनेन रसादिसम्पत्तिया हेतुभावं गच्छन्ती इमं कायं परिपाचेति, वण्णसम्पत्तिञ्च आवहति । कम्मूपनिस्सयाय हि चित्तपसादहेतुकाय च सरीरे वण्णसम्पदाय तेजोधातु विसेसपच्चयो, पगेव उतुआहारसमुट्ठानाय रूपसम्पत्तियाति । ताय च पन परिपाचितो अयं कायो न पूतिभावं गच्छति ।

अङ्गमङ्गानुसटा चेत्थ समुदीरणवित्थम्भनलक्खणा वायोधातु पथवीधातुया अत्तनि पतिट्ठापीयति । यथा सहजातधम्मेहि विसुं न होति, एवं आपोधातुया सङ्गहति । यथा सहजातधम्मा न परिस्सवन्ति, एवं तेजोधातुया अनुपालीयति । सा एवं तीहि धातूहि यथारहं अनुपालियमाना इमं कायं वित्थम्भेति । ताय पन वित्थम्भितो अयं कायो न परिपतति, उजुकं तिट्ठति, इच्चेवं एकेकाय धातुया तिस्सन्नं धातूनं वसेनेव पवत्तनतो वुत्तं “एकेका चेत्थ सेसभूतत्तयपदट्ठानाति वेदितब्बा”ति ।

एवं भूतरूपानं सद्धिं वचनत्थेहि लक्खणादयो दस्सेत्वा इदानीं उपादायरूपानि दस्सेन्तो आह “चक्खती”तिआदि । अनेकत्थत्ता धातूनं चक्खति-सदस्स विभावनत्थतापि सम्भवतीति कत्वा वुत्तं “विभावेतीति अत्थो”ति । चक्खतीति पन विज्जाणाधिद्वितं समविसमं आचिक्खन्तं विय, अभिब्यत्तं वदन्तं विय होतीति अत्थो । अथ वा चक्खतीति विज्जाणाधिद्वितं रूपं अस्सादेन्तं विय होतीति अत्थो । चक्खतीति हि अयं सदो “मधुं चक्खति, ब्यज्जनं चक्खती”तिआदीसु विय अस्सादत्थो । वुत्तज्हेतं — “चक्खुं खो, मागण्डिय, रूपारामं रूपरतं रूपसमुदित”न्ति (म० नि० २.२०९) । वक्खति च “रूपेसु आविज्जनरस”न्ति । यदि एवं “सोतं खो, मागण्डिय, सद्वाराम”न्तिआदिवचनतो (म० नि० २.२०९) सोतादीनम्पि सद्विद्विदस्सादकभावो अत्थीति तेसम्पि चक्खुसद्वाभिधेय्यता आपज्जतीति? नापज्जति निरुल्लहत्ता । निरुल्लहो हि एस चक्खु-सद्वो लोचनेयेव पदुमादीसु पङ्कजादिसद्वा वियाति ।

६३५-६. चक्खुरूपस्स निद्वेसप्पकरणेपि चक्खु-सद्वसामज्जतो आगतं सब्बम्पि चक्खुं पभेदतो दस्सेतुं “तत्थ चक्खू”तिआदि वुत्तं । तत्थाति तस्मिं चक्खुनिद्वेसे । पज्जामंसप्पभेदतोति पज्जाचक्खु मंसचक्खूति एवं पज्जामंसानं वसेन पभेदतो । तत्थाति तस्मिं दुविधे चक्खुम्हि । पज्जायेव पज्जामयं । नामतोति नामेहि पज्जविधन्ति सम्बन्धो । कतमेहि नामेहीति आह “बुद्धधम्मा”तिआदि । तत्थ बुद्धधम्मसमन्तेहीति बुद्धचक्खु धम्मचक्खु समन्तचक्खूति इमेहि नामेहि । जाणदिब्बेहीति जाणचक्खु दिब्बचक्खूति च नामेहि । यथानुक्कमतोति यथावुत्तानुक्कमतो । नानत्तन्ति भेदं । मेति मय्हं सन्तिका, मय्हं वचनतोति वा अत्थो । निबोधथ जानाथ ।

६३७. तत्थ “अद्वसं खो अहं, भिक्खवे, बुद्धचक्खुना लोकं वोलोकेन्तो सत्ते अप्परजक्खे महारजक्खे तिक्खिन्द्रिये”तिआदिना (म० नि० १.२८३) आगतं बुद्धचक्खु नामाति दस्सेन्तो आह “आसयानुसये”तिआदि । तत्थ आसयानुसयेति सत्तानं आसये चेव अनुसये च, तस्मिं पवत्तन्ति अत्थो । तत्थ आगन्त्वा सेति चित्तं एत्थाति आसयो । ब्यग्घासयो विय । यथा हि ब्यग्घो गोचरत्थाय पक्कन्तोपि पुन आगन्त्वा वनगहनेयेव सयति, तेनेव च तं तस्स आसयोति वुच्चति, एवं अज्जत्थापि पवत्तं चित्तं आगन्त्वा यत्थ सयति, तं तस्स आसयोति वेदितब्बं । सो पन सस्सतदस्सनादिवसेन चतुब्बिधो होति । वुत्तज्हेतं —

“सस्सतुच्छेददिट्ठी च, खन्ति चवानुलोमिका ।

यथाभूतज्ज यं जाणं, एतं आसयसज्जित”न्ति ॥ (विसुद्धि० महा० १.१३६; दी० नि० टी०

१.पठममहासङ्गीतिकथावण्णना; सारत्थ० टी० १. पठममहासङ्गीतिवण्णना; वि० वि० टी०

१.वेरज्जकण्डवण्णना)

अनुसयकथा उपरि आगमिस्सति । इन्द्रियानं परोपरेति सद्वापज्जमकानं इन्द्रियानं तिक्खमुदुभावे । तिक्खज्हि इन्द्रियं उक्कट्टगतत्ता परं, मुदु अपरं अनुक्कट्टगतत्ता । इदं पन बुद्धचक्खु छसु असाधारणजाणेसु पुरिमद्वयन्ति दट्ठब्बं ।

६३८. हेट्ठा...पे०... सज्जितन्ति “तस्मियेव आसने विरजं वीतमलं धम्मचक्खुं उदपादी”ति एवं वुत्तं हेट्ठा तीसु मग्गेसु जाणं धम्मचक्खुन्ति सज्जितं । जाणं सब्बज्जुता पनाति सब्बज्जुभावसङ्घातं जाणं । तज्हि सब्बज्जूति अभिधानस्स, बुद्धिया च पवत्तिनिमित्तताय सब्बज्जुभावो नाम होति । जेय्यं समन्तचक्खुन्ति खन्धादिवसेन समन्ततो सब्बसो दस्सनट्ठेन समन्तचक्खुन्ति जेय्यं । तेनेवाह —

“न तस्स अदिट्ठमिधत्थि किज्जि,

अथो अविज्जातमजानितब्बं ।
 सब्बं अभिज्जासि यदत्थि जेय्यं,
 तथागतो तेन समन्तचक्खू”ति ॥ (चूळनि० मोघराजमाणवपुच्छानिद्देस ८५) ।

६३९. यं चक्खुं उदपादीति आगतन्ति यं जाणं “इदं दुक्खन्ति, भिक्खवे, पुब्बे अननुस्सुतेसु धम्मेषु चक्खुं उदपादि, जाणं उदपादी”ति (महाव० १५) एवं तत्थ तत्थ सुत्तेसु आगतं, चतूसु सच्चेसु तेपरिवट्टवसेन “दुक्खं परिज्जेय्यं परिज्जात”न्ति एवमादिना द्वादसविधेन आकारेण पवत्तं, इदं **जाणचक्खु** । या पन “अद्वसं खो अहं, भिक्खवे, दिब्बेन चक्खुना विसुद्धेना”तिआदिना (म० नि० १.२८४) आगता पञ्चमज्झानसङ्घातअभिज्जाचित्तसम्पयुक्ता पज्जा, अयं **दिब्बचक्खू**ति दस्सेतुं “**अभिज्जाचित्तजा**”तिआदि वुत्तं । एत्थ च पठमतितयजाणानि कामावचरानियेव । चतुत्थम्पि पन पुरिमद्वयमिव कामावचरन्ति **आनन्दाचरियेन** वुत्तं । जाणचक्खुं सहअरियमग्गविपस्सनाजाणन्तिपि युज्जतीति अपरे । अग्गमग्गेन सह विपस्सनापच्चवेक्खणजाणन्ति पन युत्तं विय दिस्सति ।

६४०-४. एवं पज्जाचक्खुस्स पभेदं दस्सेत्वा पुन मंसचक्खुस्सापि पभेदं दस्सेतुं “**मंसचक्खुपी**”तिआदि वुत्तं । **ससम्भारपसादतो**ति ससम्भारचक्खु पसादचक्खूति इमेसं द्विन्नं वसेन सम्भरीयति एतेहीति सम्भारा, अवयवा । ते पन उपत्थम्भकभूता चतुसमुद्धानिकरूपसन्तितियो दट्टब्बा । सह सम्भारेहीति **ससम्भारं** । ससम्भारञ्च नाम मंसपिण्डो पवुच्चतीति सम्बन्धो । **अक्खिकूपट्टिना हेट्ठा**ति हेट्ठागतअक्खिकूपस्स अट्टिना परिच्छिन्नोति सम्बन्धो । उद्धन्ति अक्खिकूपतो उद्धं । **उभतो अक्खिकोटीही**ति अक्खिकूपस्स उभयभागे अक्खिकोटीहि । **मत्थलुङ्गेन अन्ततो**ति अक्खिकूपस्स अब्भन्तरे ठितेन मत्थलुङ्गेन । **नहारुसुत्तेन आबन्धो**ति नहारुरज्जूहि अन्तो मत्थलुङ्गेन सह आबन्धो । **सकलोपि च लोको**ति सकलोपि बालपुथुज्जनलोको । यन्ति यं मंसपिण्डं । **कमलस्स दलं विया**ति पुथुलविपुलनीलताय नीलुप्पलदलं विय । **जानातीति** गण्हाति । **चक्खु नाम न तं होतीति** तथा गय्हमानं तं चक्खु नाम न होति । किञ्चरहि तन्ति आह “**वत्थु तस्साति वुच्चती**”ति । **तस्साति** तस्स यथाधिप्पेतस्स परमत्थचक्खुनो । **इदं पना**ति निगमनं ।

६४५-७. तं पन ससम्भारचक्खु येहि सम्भारेहि सम्भरीयति, ते सरूपतो, गणनतो च दस्सेतुं “**वण्णो गन्धो**”तिआदि वुत्तं । **भावो**ति इत्थिया इत्थिभावो, पुरिसस्स पुम्भावोति लब्भमानकभावो । **सम्भवो**ति आपोधातुमेव सम्भवभूतमाह । **सण्ठानन्ति** च तेन तेनाकारेण सन्निविट्ठेसु महाभूतेसु तंतंसण्ठानवसेन विज्जायमानं वण्णायतनमाह । आपोधातुवण्णायतनेहि च अनत्थन्तरभूतानम्पि सम्भवसण्ठानानं विसुं वचनं तथाभूतानं, अतथाभूतानञ्च आपादीनं यथावुत्तमंसपिण्डे विज्जमानत्ता । आपोधातुवण्णायतनान्हि सन्तानवसेन पवत्तमानानं अवत्थाविसेसो सम्भवो सण्ठानज्जाति । **दसेते**ति चतस्सो धातुयो, तन्निस्सिता वण्णादयो चाति इमे दस । **चतुसमुद्धाना**ति अन्तोगतहेत्वत्थमिदं विसेसनं, चतुसमुद्धानिकत्ताति वुत्तं होति ।

६४८. चक्खु...पे०... जीवितमेव चाति इमानि एकन्तकम्मसमुद्धानानि, पुरिमानि च चतुसमुद्धानानीति **चत्तालीसञ्च चत्तारि च** रूपानि भवन्ति, चतुचत्तालीस रूपानि होन्तीति अत्थो ।

६४९-५२. **इमेसं पन रूपानं वसेना**ति यथावुत्तानं सङ्खेपतो चुद्धसन्नं, वित्थारतो चतुचत्तालीसानञ्च रूपानं वसेन । **परिपिण्डितन्ति** समन्ततो पिण्डितं । यत्थ सेतम्पि अत्थि, कण्हम्पि लोहितम्पि पथवीपि आपोपि तेजोपि वायोपि, इदं पन सेम्हुस्सदत्ता सेतं होति, पित्तुस्सदत्ता कण्हं, रुहिरुस्सदत्ता लोहितकं, पथवुस्सदत्ता पत्थिनं होति, आपुस्सदत्ता पग्घरति, तेजुस्सदत्ता परिडहति, वायुस्सदत्ता सम्भमति । इदं सम्भारवन्तताय सम्भारचक्खूति **पण्डितेहि** बुद्धादीहि **पकासितं**

परिदीपितं । एत्थ सितोति एतं ससम्भारचक्खुं निस्सितो तदायत्तभूतो । तेनाह “एत्थ पटिबद्धो”ति । चतुन्नं पन भूतानं पसादोति चतुन्नं भूतानं पसन्नतासभावो पसादो, “सेतेन मण्डलेनस्सा”ति पाठो युज्जति । पोत्थकेसु पन “सेते तु मण्डले तस्सा”ति लिखन्ति । कण्हमण्डलमज्झेति इधापि “कण्हमण्डलस्स मज्झे”ति वत्तब्बे “चतुत्थदू”तिआदीसु विय छन्दानुरक्खणत्थं विभत्तिलोपं कत्वा “कण्हमण्डलमज्झे”ति वुत्तं । एवज्झि अत्थो च योजना च सुट्ठु उपपन्ना होन्ति । अट्ठकथायम्पि हि “सेतमण्डलपरिक्खित्तस्स कण्हमण्डलस्स मज्झे”ति (ध० स० अट्ठ० ५९६) वुत्तं । अपरे पन यथाठितवसेनेव पाठं गहेत्वा “सब्बसो परिक्खित्तस्स तस्स ससम्भारस्स चक्खुनो मज्झे सेतमण्डले कण्हमण्डले मज्झे”ति योजेन्ति । दिट्ठमण्डलेति अभिमुखे ठितानं सरीरसण्ठानुप्पत्तिदेसभूते दिट्ठमण्डले ।

६५३-५. सन्धारणा... पे०... हुत्वानाति सन्धारणनहापनमण्डनबीजनकिच्चाहि चतूहि धातीहि खत्तियकुमारो विय सन्धारणाबन्धनपरिपाचनसमुदीरणकिच्चाहि अत्तनिस्सयभूताहि चतूहि धातूहि कतूपकारं हुत्वा । उतुचित्तादिनाति तीहि सन्ततिसमुट्ठापकेहि उतुचित्ताहारेहि । एत्थ च कलापन्तरगता उतुआहारा अधिप्पेताति वदन्ति । आयुना कतपालनन्ति चतुधातुनिस्सितेनेव जीवितिन्द्रियेन रक्खियमानं । तथा हेतं कम्मजरूपपरिपालनलक्खणं । वण्णगन्धरसादीहीति आदि-ग्गहणेन ओजं सङ्गण्हाति, “वण्णगन्धरसोजाही”ति वा पाठो । वत्थुद्वारज्ज साधयन्ति यथायोगं वत्थुद्वारभावं साधयमानं । चक्खुविज्जाणस्स हि निस्सयभावतो वत्थुभावं, पवत्तिमुखभावतो द्वारभावज्ज साधेति । सम्पटिच्छनादीनं पन तदारम्भणावसानानं अज्जनिस्सितत्ता द्वारभावमेव साधेति, न वत्थुभावं । ऊकासिरसमानेन पमाणेनाति ऊकासिरसमानेन पदेसप्पमाणेन लक्खितं हुत्वा ऊकासिरसमानप्पमाणे ठानेति वा अत्थो । तिट्ठतीति सत्त अक्खिपटलानि ब्यापेत्वा सत्तसु पिचुपटलेसु आसित्ततेलं विय तिट्ठति । एवज्ज कत्वा चक्खुस्स अनेककलापगतता सिद्धा होति । उपद्वानं पटलनिराकरणेपि हि चक्खु विज्जतेवाति । यथा च चक्खु, एवमिमस्स निस्सयभूता चतस्सो धातुयो, आयुवण्णादीनि च सत्त अक्खिपटलानि ब्यापेत्वा ठितानेव अविनिब्भोगवुत्तित्ताति गहेतब्बं ।

६५६. वुत्तन्ति धम्मसेनापतिना वुत्तं । रूपानि मनुपस्सतीति म-कारो पदसन्धिकरो “अज्जमज्जं समणमचलो”तिआदीसु विय । अथ वा मनूति मच्चोति अत्थो । किज्चापि चक्खु रूपं न पस्सति, किज्जरहि तन्निस्सितं विज्जाणमेव । तथा हि “मज्जा उक्कुट्ठिं करोन्ती”तिआदीसु विय निस्सितकिरियं निस्सये विय कत्वा वोहारसम्भवतो “चक्खुपसादेन पस्सती”ति वुत्तं । आचरियजोतिपालत्थेरेनापि हि इमिनाव अधिप्पायेन इदं वुत्तं । इदमेत्थ सन्निट्ठानं, किं चक्खु रूपं पस्सति, उदाहु विज्जाणन्ति, किज्चेत्थ — यदि चक्खु पस्सेय्य, अज्जविज्जाणसमङ्गिनोपि चक्खु पस्सेय्य । अथ विज्जाणं, कुट्टादिअन्तरितम्पि पस्सेय्य तस्स अप्पटिघातत्ता? नायं दोसो । यस्स “चक्खु पस्सती”ति मतं, तस्सापि न सब्बं चक्खु पस्सति, अथ खो विज्जाणाधिद्धितमेव । यस्स पन विज्जाणं पस्सतीति मतं, तस्सापि न सब्बं विज्जाणं पस्सति, अथ खो चक्खुनिस्सितमेव, तज्ज अन्तरिते नुप्पज्जति । यत्थ आलोकरस्स कुट्टादीहि विनिबन्धो, यत्थ पन सो नत्थि फलिकअब्भपटलादिम्हि, तत्थ अन्तरितेपि उप्पज्जति एव, तस्मा तं अनुप्पन्नत्ता अन्तरितं न पस्सति । इदमेव च सन्निट्ठानं, यं खो चक्खुविज्जाणं पस्सतीति । तज्झि दस्सनकिच्चं । यदि एवं कथं चक्खुना रूपं दिस्वाति । तेन द्वारेन करणभूतेनाति अयमेत्थ अभिसन्धि । अथ वा निस्सितकिरिया निस्सयस्स पवुच्चति यथा “मज्जा उक्कुट्ठिं करोन्ती”ति । ऊकासिरसमूपमन्ति ऊकासिरसमानूपमं, ऊकासिरप्पमाणन्ति वुत्तं होति । इदज्जस्स पतिट्ठानोकासवसेन वुत्तं, न पन अत्तनो पमाणवसेन । तज्झि परमाणुपरियन्तेन पमाणेन अतिसुखुममेवाति । ऊकासिरप्पमाणे पन पदेसे इदं पवत्तति । न केवलज्ज इदमेव, सब्बानिपि सब्बद्वानिकरूपानि तत्थ पवत्तन्तेव । इदज्ज तत्थ निब्बत्तन्तं तं पदेसं पूरेत्वा एव निब्बत्तति । एकूनपण्णासकलापवसेन च सहेव पवत्तति, सत्तरसचित्तक्खणायुकत्ता रूपानं, एकेकस्स च चित्तस्स तीसु तीसु खणेषु कम्मजरूपानं उप्पज्जमानत्ता ।

६५७. सुणातीति सोतन्ति एत्थ किं सोतं सुणाति, उदाहु विज्जाणन्ति आदिना हेट्ठा वुत्तनयेन यथासम्भवं योजेतब्बं । तनुतम्बलोमाचितेति ससम्भारसोतबिलस्स अन्तो सुखुमेहि तम्बवण्णलोमेहि सञ्चिते । **अङ्गुलिवेधकसण्ठाने पदेसेति** अङ्गुलिमुद्दिकासण्ठानमंसयुत्ते पदेसे । **वुत्तप्पकाराहीति** सन्धारणादिकिच्चाहि । **आयुना परिपालियमानन्ति** एत्थ वण्णादीहि परिवारितन्ति सम्बन्धितब्बं । **तिट्ठतीति** पुब्बे वुत्तनयेन तं पदेसं पूरेत्वा तिट्ठति । सेसं वुत्तनयेन वेदितब्बं । **घायतीति** गन्धोपादानं करोति । **सायतीति** रसं विन्दति । **जीवितमव्हायतीति** एत्थ रसगगहणमूलकत्ता अज्झोहरणस्स जीवितनिमित्तं अज्झोहरणरसो जीवितं, तं अव्हायति तस्मिं निन्नताय अव्हायन्तमिव होति । **उप्पलदलग्गसण्ठाने पदेसेति** मज्झे छिन्नस्स उप्पलदलस्स अगगभागसण्ठाने पदेसे । **मलानन्ति** किलेसादिमलानञ्चेव मलविसयानञ्च सासवधम्मानं अनुत्तरियभावं गच्छन्तेसु कामरागनिदानकम्मजनितेसु कामरागस्स च विसेसपच्चयेसु घानजिक्काकायेसु कायस्स विसेसतो सासवपच्चयत्ता सोयेव तेसं आयोति वुच्चति । तेन हि फोडुब्बसुखं अस्सादेन्ता सत्ता मेथुनम्पि सेवन्ति । अथ वा कायिन्द्रियवत्थुका चत्तारो खन्धा बलवकामरागादिहेतुभावतो विसेसतो मला, तेसमयं आयो हेतूति कायोति वुत्तो । **इमस्मिं कायेति** इमस्मिं ससम्भारकाये । सोपि हि कुच्छित्तानं केसादिमलानं आयभावतो कायोति वुच्चति । **यावता उपादिन्नकं अत्थीति** इमिना केसगगनखग्गादीसु कायपसादस्स अभावमाह । **कप्पासपटले स्नेहो वियाति** इमिनास्स निरन्तरभावं । इमे च पन चक्खादयो रूपादिगोचरनिन्नताय वम्मिकउदकआकासगामसिवथिकासङ्घातगोचरनिन्नताय अहिसुंसुमारपक्खिकुकुरसिगाला विय दडुब्बा । विसमज्झासयताय हि चक्खु वम्मिकच्छिदाभिरतसप्पो विय, बिलज्झासयताय सोतं उदकबिलाभिरतसुंसुमारो विय, आकासज्झासयताय घानं अजटाकासाभिरतपक्खि विय, गामज्झासयताय जिक्का गामाभिरतकुक्कुरो विय, उपादिन्नकज्झासयताय कायो आमकसुसानाभिरतसिगालो वियाति । **विसमज्झासयतायाति** चक्खुस्स विसमज्झासयं विय होतीति कत्वा वुत्ता । चक्खुमतो वा पुग्गलस्स अज्झासयवसेन चक्खु विसमज्झासयं । एस नयो सेसेसुपि ।

दडु... पे०... लक्खणन्ति एत्थ दडुं कामेतीति दडुकामो तस्स भावो दडुकामता, रूपतण्हायेतं अधिवचनं । सा पन अनागते चक्खादीसु आदीनवपटिच्छादिकाविज्जामूलपत्थनासभावा पाकटा अपाकटाति दुविधा । तत्थ या अयं “ईदिसं ईदिसञ्च सुखुमतमविसयगगहणसमत्थं चक्खु होतू”ति एवं कम्मायूहनतो पुब्बे, पच्छा वा उप्पन्ना पाकटा । इन्द्रियविसेसं पन अनामसित्वा अविसेसेन परिपुण्णायतनभवसम्पत्तिं पत्थेत्वा, अपत्थेत्वा वा तत्थ अविगततण्हावसेन कम्मं करोन्तस्स अप्पहीनभावेन अनुसयिता अपि कम्मसामत्थियविचित्तेतुभूता अपाकटा । सा दुविधापि निदानं उपनिस्सयो यस्स तं दडुकामतानिदानं, तदेव कम्मं, तं समुद्धानमेतेसन्ति दडुकामतानिदानकम्मसमुद्धानानि, एवंविधानं भूतानं पसादो दडुकामता... पे०... पसादो, तं लक्खणमस्स, तथा हुत्वा लक्खीयतीति वा **दडुकामतानिदानकम्मसमुद्धानभूतपसादलक्खणं** ।

एत्थ च गब्भसेय्यकानं दिन्नपटिसन्धिकं, अज्जं वा कम्मं चक्खादीनि निब्बत्तेति । ओपपातिकानं पन पटिसन्धिकवण्णेव परिपुण्णायतनानं निब्बत्तमानानं पटिसन्धिजनकमेव कम्मं परिपुण्णसकलमत्तभावं निब्बत्तेतीति गहेतब्बं । कथं पन एककम्मुना निब्बत्तमानानं चक्खादीनं विसेसोति? कारणस्स भिन्नत्ता । तंतंभवपत्थनाभूता हि तण्हा तंतंभवपरियापन्नायतनाभिलासताय सयं विचित्तरूपा उपनिस्सयभावेन तंतंभवनिब्बत्तककम्मस्सपि विचित्तभेदतं विदहति । यतो तदाहितविसेसं तथाविधसमत्थतायोगेन अनेकरूपापन्नं विय अनेकविसिट्ठसभावं फलं निब्बत्तेति, न चेत्थ समत्थतासमत्थतासभावतो अज्जा वेदितब्बा । कारणविसेसेन आहितविसेसस्स विसिट्ठफलनिष्पादनसमत्थताभावतो एकस्सेव कम्मस्स सोळसादिविपाकनिब्बत्तनहेतुभावेन च अयमत्थो सम्पटिच्छितब्बो । लोकेपि एकस्सेव सालिबीजस्स परिपुण्णापरिपुण्णतण्डुलफलनिब्बत्तिहेतुता दिस्सतेव । किं वा एताय युत्तिचिन्ताय, न चिन्तितब्बमेवेतं । यतो कम्मफलं

चक्खादीनि, कम्मविपाको च सब्बसो बुद्धानंयेव जाणस्स विसयो, न अज्जेसं अतक्कावचरत्ता । तेनेव भगवता “कम्मविपाको अचिन्तेय्यो, न चिन्तेतब्बो, यो चिन्तेय्य, उम्मादस्स विघातस्स भागी अस्सा”ति आदीनवं (अ० नि० ४.७७) दस्सेत्वा पटिक्खित्तं ।

रूपेसु आविज्जनरसन्ति आविज्जनं पुगलस्स, आवज्जनादिविज्जाणस्स वा तन्निन्नभावप्पत्तिया हेतुभावो । **आधारभावपच्चुपट्टानन्ति** निस्सयपच्चयभावतो । आलोकादिसन्निस्सयेन कदाचि उपपज्जमानानमि हि चक्खुविज्जाणं उपपज्जनकाले चक्खुं निस्साय एव उपपज्जतीति । एत्थाह — चक्खुविज्जाणुप्पत्तिसमये सम्भवन्तेसु मन्दामन्दमज्झिमायुकेसु एकूनपण्णासचक्खूसु कतमं चक्खुविज्जाणस्स आधारभावं पच्चनुभोतीति? वुच्चते —

“पटिसन्धिचित्तस्स उप्पादक्खणे उपपन्नं ठानप्पत्तं पुरेजातं वत्थुं निस्साय दुतियभवङ्गं उपपज्जति, तेन सद्धिं उपपन्नं ठानप्पत्तं पुरेजातं वत्थुं निस्साय ततियभवङ्गं उपपज्जति, इमिना नयेन यावतायुकं चित्तप्पवत्ति वेदितब्बा”ति (विसुद्धि० २.७००) —

मग्गामग्गजाणनिद्वेसे वुत्तनयेन एकचित्तक्खणातीतं चक्खु रूपे घट्टित्वा विज्जाणस्स निस्सयो होति, तस्मा द्वीसु भवङ्गचलनेसु पुरिमस्स अनन्तरपच्चयभूतेन भवङ्गचित्तेन सह उपपन्नन्ति अयमत्थो इध सीहळसंवण्णनायं, विसुद्धिमग्गस्स सीहळसंवण्णनायञ्च वुत्तो ।

तळाकगाममूलवासिदाठानागत्येरेन पन “आवज्जनेन, तस्स अनन्तरपच्चयभूतेन भवङ्गेन वा सह उपपन्नं चक्खु”न्ति वुत्तं, तं दुवुत्तं । एवञ्हि सति अज्जस्मिं घट्टिते अज्जं चक्खुविज्जाणस्स निस्सयो होतीति वुत्तं होति, एवञ्च भवङ्गचलनतो हेट्ठा ततियचतुत्थेहि याव तेरसमचित्तेन सह उपपन्नमि निस्सयो होतीति आपज्जेय्य, न चेतं वत्तब्बं, ततियचतुत्थचित्ततो पट्टाय उपपन्नं केसज्जि वीथिचित्तानं द्वारभावं न गच्छति निरुद्धत्ता, मनोद्वारस्स निरुद्धस्सेव द्वारभावस्स दस्सनतो । यदि सिया “पटिसन्धिचित्तस्स उप्पादक्खणे उपपन्नं वत्थुं निस्साय दुतियभवङ्गं उपपज्जती”ति आदिवचनतो “एकचित्तक्खणातीतमेव निस्सयोति अधिप्पेत”न्ति इदमि एकचित्तक्खणातीतं निस्सयोति युज्जतीति, एवं सति “तस्स अनन्तरपच्चयभूतेन भवङ्गेन वा”ति वचनं युज्जेय्य, तेन हि “चित्तक्खणद्वयातीतमि निस्सयो”ति पटिज्जातं सिया, तस्मा नायं थेरस्स अधिप्पायोति दिस्सति । “एकचित्तक्खणातिक्कमो”ति च अनतीतेकचित्तक्खणस्स दुब्बलताय एकचित्तक्खणातिक्कमेन तस्स बलवभावदीपनत्थं वुच्चति, न पन द्वितित्तचित्तक्खणातीतानं निस्सयभावाभावतो । एवञ्च कत्वा वुत्तं **आचरियधम्मपालत्थेरेन** “सम्पटिच्छनादीनि चुतिआसन्नानि तदुद्धं कम्मजरूपस्स अनुप्पत्तितो एकस्मिंयेव हदयवत्थुस्मिं वत्तन्ती”ति, तस्मा तं थेरस्स मनोरथमेवाति न सारतो पच्चेतब्बं ।

सहजातेसु बहूसु पसादेसु किं एको निस्सयो होति, उदाहु सब्बेयेवाति? ननु वुत्तं “पुब्बे एकमि चक्खु विज्जाणस्स पच्चयो होती”ति, कतमं पन तन्ति? यं तत्थ विसदं हुत्वा रूपाभिघट्टनारहं । **विसुद्धिमग्गसीहळसंवण्णनायं** पन “सब्बेयेव निस्सया होन्ती”ति वत्वा “यदि एवं ‘चक्खुञ्च पटिच्च रूपे च उपपज्जति चक्खुविज्जाण’न्ति एत्थ ‘रूपे चा’ति वचनं विय ‘चक्खूनी’तिपि बहुवचनं कत्तब्बन्ति अनुयोगं कत्वा तं विसोधनत्थं ‘ससम्भारचक्खुद्वयनिस्सितं पसादद्वयं निस्साय एकमेव विज्जाणं उपपज्जतीति गण्हेय्यु’न्ति इमं विप्पटिपत्तिं निराकरोन्तेन भगवता बहुवचनमकत्वा ‘रूपायतनं चक्खुविज्जाणधातुया तंसम्पयुत्तकानञ्च धम्मानं आरम्भणपच्चयेन पच्चयो’ति आदीसु (पट्टा० १.१.२) विय सामञ्जवसेन एकवचनं कत”न्ति वुत्तं । **आचरियधम्मपालत्थेरेन** पन तदेव सीहळसंवण्णनावचनं अनिच्छन्तेन “एकमि चक्खु

विज्जाणस्स पच्चयो होति, रूपं पन अनेकमेव पच्चयभावविसेसतो”ति वुत्तं। तथा चेव अम्हेहिपि हेट्ठा विभावितन्ति। येसं भूतानमयं पसादो, तेयेव इमस्स आसन्नकारणन्ति वुत्तं “दड्ढु...पे०... पदट्ठान”न्ति। सोतपसादादीनम्पि लक्खणादिनिद्वेसे वुत्तनयानुसारेण अत्थो योजेतब्बो।

६५८. केचीति महासङ्घियेसु एकच्चे। चक्खादीसु तेजादिअधिकता नाम तन्निस्सयभूतानं तदधिकतायाति दस्सेन्तो “**तेजाधिकान**”न्तिआदिमाह। तत्थ तेजाधिकानन्ति पमाणवसेन चतुन्नं धातूनं समानभावेपि किच्चवसेन तेजोधातुअधिकानं। एवं सेसेसुपि। **आकास ...पे०... सेसका**ति आकासाधिकानं भूतानं पसादो सोतं, वायुअधिकानं घानं, तोयाधिकानं जिह्वा, फोट्ठब्बसङ्घातपथवाधिकानं कायोति अत्थो।

६५९. एवं पन वदन्तानं किं उत्तरन्ति आह “**ते पना**”तिआदि। **सुत्तं आहरथा**ति न तुम्हाकं वचनमत्तेनेव अयमत्थो सक्का सट्ठातुं, तस्स पन परिदीपकं सुत्तमाहरथ। सुत्ते हि आहटे तस्स नेय्यत्थतं नीतत्थतं विचारेत्वा यदि तस्स वसेन अयमत्थो पज्जायेथ, गणहेय्याम नन्ति अधिप्पायो। **सुत्तमेव...पे०... किञ्चिपी**ति इतो चितो च सुत्तं गवेसमानापि अब्बा एकन्तेन किञ्चिपि एकगाथापदमत्तम्पि तदत्थपरिदीपकं सुत्तं न दक्खिस्सन्तेव तेपिटके बुद्धवचने तादिसस्सेव सुत्तन्तस्स अभावतो।

६६०. किञ्चापि सुत्तन्तवसेन अयमत्थो न दिस्सति, युत्तितो पन दिस्सतीति चे, तम्पि नत्थीति दस्सेन्तो आह “**विसेसे सती**”तिआदि। भूतानज्झि विसेसे सति पसादो कथं भवे, नेव भवेय्य, न च भवेय्य, किं कारणन्ति आह “**समानानज्झि भूतानं, पसादो परिदीपितो**”ति। यस्मा समानानमेव भूतानं पसादो पोराणेहि परिदीपितो, न विसमानानं। पथवीधातुअधिककलापस्स हि कक्खळत्ता, आपोधातुअधिककलापस्स विस्सन्दनतो, तेजोधातुअधिककलापस्स परिगग्हमानत्ता, वायोधातुअधिककलापस्स च विस्सरणतो न तेसु पसादो पटिट्ठातुं सक्कोति, तस्मा तेसं किच्चतो समानानयेव पसादो उप्पज्जेय्य, न विसमानानन्ति।

६६१-२. यदि एवं कथं पसादानं विसेसताति आह “**तस्मा**”तिआदि। यस्मा वुत्तप्पकारेण पसादवत्थुकानं भूतानं विसेसेन न भवितब्बं, तस्मा एतेसं पसादिनिस्सयभूतानं इदमूनं, इदमधिकन्ति एतं **विसेसपरिकप्पनं सब्बसो** सब्बाकारेण **पहाय जेय्या कम्मविसेसेन पसादानं विसेसता**। यथा अविसेसेपि भूतानं रूपानं रसादयो अज्जमज्जविसदिसा होन्ति, एवं चक्खादयोपि भूतविसेसाभावेपि अज्जमज्जविसदिसा होन्ति। सो पनायं विसिड्ढभावो कम्मविसेसेन विज्जातब्बो। एकम्पि हि कम्मं पज्जायतनिकत्तभावपत्थनानिप्फन्नं चक्खादिविसेसहेतुताय अज्जमज्जस्स असाधारणविसिड्ढं सामत्थियविसेसतो। न हि येन विसेसेन चक्खुस्स पच्चयो, तेनेव सोतस्स होति इन्द्रियन्तरभावप्पत्तितो। “पटिसन्धिक्खणे महग्गता चेतना कटत्तारूपानं कम्मपच्चयेन पच्चयो”ति वचनतो पटिसन्धिक्खणे विज्जमानानं सब्बेसंयेव कटत्तारूपानं एका चेतना कम्मपच्चयो होतीति विज्जायति। नानाचेतनाय हि तदा इन्द्रियुप्पत्तियं सति परित्तेन च महग्गतेन च कम्मेन कटत्तारूपं आपज्जेय्य, न चेका पटिसन्धि अनेककम्पनिब्बत्ता होतीति सिद्धमेकेन कम्मेन अनेकिन्द्रियुप्पत्ति होतीति। “**न हि भूतविसेसेन, होति तेसं विसेसता**”ति इदं निगमनवसेन वुत्तं।

६६३. एवं कम्मविसेसतो विसिड्ढेसु च एतेसु आरम्भणग्गहणेपि अयं विसेसोति दस्सेतुं “**एवमेतेसू**”तिआदि वुत्तं। **अप्पत्तगाहकन्ति** असम्पत्तगाहकं अत्तनो निस्सयेन सह अनल्लीयननिस्सये एव रूपादिविसये विज्जाणुप्पत्तिहेतुभावतो। केचि पन तम्पि “**सम्पत्तगाहकमेवा**”ति वदन्ति, तं न सुन्दरं सान्तरे अधिके च विसये विज्जाणुप्पत्तिहेतुभावतो। यदि हि चक्खुसोतानि सम्पत्तविसयमेव गणहन्ति, चक्खुपसादतो विच्छिन्नद्वेसे ठितेसु तारकादीसु निस्सयवसेन च पमाणतो

अधिकेसु चन्दमण्डलादीसु रूपायतनेसु सोतपसादतो च विच्छिन्नदेससम्भूतेसु उदरचम्मसन्धिचम्मादिअन्तरितेसु कुच्छिसदसन्धिसद्दादीसु पुथुलेसु च समुद्दसद्दादीसु सदायतनेसु विज्जाणुप्पत्ति न सिया सम्पत्तग्गाहकानं कायिन्द्रियादीनं तथा अदस्सनतो ।

एत्थ च वदेय्य — अधिद्वानतो बहिन्द्रियस्स पवत्ति होतीति सम्पत्तविसयमेव यत्तकं विसयं, तत्तकं विसयं गहणाकारं फरित्वा गण्हाति, तस्मा असिद्धमेतं “सान्तरे अधिके च विसये विज्जाणुप्पत्तिहेतुभावतो”ति? तं न, अधिद्वानतो बहि इन्द्रियुप्पत्तिया एव अभावा । अधिद्वानदेसे एव हि इन्द्रियं पवत्ति तत्थ किच्चादिप्पयोगदस्सनतो । सति च एतस्स बहि पवत्तियं अधिद्वाने पिहितेपि विसयगगहणं सिया, तस्मा अधिद्वानदेसे ठितानंयेव चक्खुसोतानं असम्पत्तविसयस्सेव गहणतो नासिद्धमेतं “सान्तरे अधिके च विज्जाणुप्पत्तिहेतुभावतो”ति । तेनाहु पोराणा —

“सब्बगोचरयोगेपि, दिट्ठं रूपरवेसु यं ।

विच्छिन्नपुथुविज्जाणं, सम्पत्तग्गाहबाधक”न्ति ॥

तस्सत्थो — सब्बेसं चक्खादीनं गोचरेन रूपादिना योगे एककारियसाधकत्ता सम्बन्धे घट्टने वा समाने सति **रूपरवेसु** रूपसदायतनेसु विसयभूतेसु चक्खादितो दूरभावेन चेव केनचि अनन्तरितभावेन च विच्छिन्नेसु पमाणतो पुथुलेसु च विसयेसु उप्पज्जमानं यं विज्जाणं, तं चक्खुसोतानं सम्पत्तग्गाहस्स सम्पत्तग्गहणस्स बाधकन्ति ।

अपिच यदि चक्खु सम्पत्तग्गाहकं सिया, अत्तनो मण्डले ठितं वण्णम्मि पस्सेय्य । तथा अक्खिपुटे अज्जनं पखुममूले अक्खिवण्णं पखुममूले घट्टियमानं अज्जनसलाकम्मि पस्सेय्य, न च पनेतं दिस्सति, तस्मा तन्निस्सये देसे ठितमेव विसयं गण्हाति । सोतायतनम्मि यदि सम्पत्तग्गाहकं अभविस्स, चित्तसमुद्धानं सदायतनं सोतविज्जाणस्स कदाचिपि आरम्भणपच्चयो न सिया । न हि बहिद्वा चित्तसमुद्धानानं उप्पत्ति अत्थि । **पट्टाने** च “सदायतनं सोतविज्जाणधातुया आरम्भणपच्चयेन पच्चयो”ति (पट्टा० १.१.२) अविसेसेनेव सदस्स सोतविज्जाणारम्भणभावो वुत्तो । किञ्च यदि सोतं सम्पत्तग्गाहकं सिया, अत्तनो विसयपदेसेयेव गहेतब्बतो गन्धस्स विय सदस्सापि दिसादेसववत्थानं न सिया । एवञ्च सद्धानुसारेण कण्डं पातेन्तस्स सद्वेधिनो अत्तनो कण्णबिलेयेव सरपातनं सिया, तस्मा यत्थ उप्पन्नो सद्वो, तत्थेव ठितो सोतपथे आपाथमागच्छति ।

यदि एवं कथं दूरे ठितोहि रजकादिसद्दा चिरेण सुय्यन्ति । असम्पत्तग्गाहकत्ते हि दूरासन्नदेसवत्तीनं समकमेव सवनेन भवितव्वन्ति? नयिदमेवं दूरासन्नानं यथापाकटे सद्दे गहणविसेसतो । यथा हि दूरासन्नानं वचनसद्दे यथापाकटेव गहणविसेसतो अक्खरविसेसनं गहणं, अगगहणञ्च होति, एवं रजकादिसद्देपि आसन्नस्स आदितो पभुति याव अवसाना कमेण पाकटीभूते, दूरस्स च अवसाने, मज्झे वा पिण्डवसेन पवत्तिपाकटीभूते यथापाकटं निच्छयग्गाहकानं सोतविज्जाणवीथिया परतो पवत्तानं मनोद्वारिकजवनानं गहणविसेसतो लहुकं सुतो, चिरेण सुतोति अभिमानो होति । सोतविज्जाणुप्पत्ति पन उभयत्थ समाना सदस्स उप्पन्नदेसे ठितस्स अत्तनो विज्जमानक्खणेयेव सोतापाथगमनतो । यदि सदस्स भूतपरम्पराय समन्ततो पवत्ति नत्थि, कथं पटिघोसुप्पत्तीति? दूरे ठितोपि सद्वो अज्जत्थ पटिघोसुप्पत्तिया, भाजनादिचलनस्स च पच्चयो होति अयोक्तो विय अयोचलनस्साति दट्ठव्वं ।

सेसं...पे०... गाहकन्ति यं पन अवसेसं घानजिक्काकायसङ्घातं पसादत्तयं, तं सम्पत्तग्गाहकं होति निस्सयवसेन चेव सयञ्च अत्तनो निस्सये अल्लीनेयेव विसये विज्जाणुप्पत्तिहेतुभावतो । गन्धरसानं निस्सयेसु घानजिक्कानिस्सयेहि सह

अल्लीनायेव गन्धरसा विज्जायन्ति । फोडुब्बञ्च भूतत्तरूपं कायनिस्सयेन अल्लीनमेव विज्जायतीति ।

वण्णविकारमापज्जमानन्ति दोसादीहि कारणेहि अमनापवण्णस्स उप्पत्तिवसेन वण्णविकारं आपज्जमानं ।

हृदयङ्गतभावन्ति चित्तगतं अज्झासयं । **पकासेतीति** रूपमिव पकासं करोति, सविग्गहमिव दस्सेतीति अत्थो । अनेकत्थत्ता हि धातूनं पकासनत्थो एव रूप-सद्दो दट्ठब्बो । तं पन रूपन्ति सम्बन्धो । चक्खुम्हि, चक्खुस्स वा पटिहननं लक्खणमेतस्साति **चक्खुपटिहननलक्खणं** । एवं **सोतपटिहननलक्खणन्ति** आदीसुपि । पटिहननञ्चेत्थ विसयविसयीनं अज्जमज्जाभिमुखभावो योग्यदेसावद्धानं पटिघातो वियाति कत्वा । यथा पटिघाते सति दुब्बलस्स चलनं होति, एवं विसयाभिमुखभावे सति विसयिनो तंसम्बन्धस्स च वत्थुरूपस्स, तन्निस्सितस्स च भवङ्गस्स चलनं होति । सो रूपस्स चक्खुम्हि, चक्खुस्स वा रूपे होति । तेनाह “यम्हि चक्खुम्हि अनिदस्सनम्हि सप्पटिघम्हि रूपं सनिदस्सनं सप्पटिघं पटिहज्जि वा, यं चक्खु अनिदस्सनं सप्पटिघं रूपम्हि सनिदस्सनम्हि सप्पटिघम्हि पटिहज्जि वा”ति (ध० स० ५९७) च आदि । **विसयभावो** आरम्भणपच्चयता । **गोचरभावपच्चुपट्टानन्ति** एत्थ अनज्जथाभावो विसयता, तब्बहुलता गोचरभावोति अयं विसयगोचरानं विसेसो । **सद्दायतीति** उदाहरीयति, सकेहि वा पच्चयेहि सोतविज्जेय्यभावं उपनीयतीति अत्थो । **अत्तानं गन्धयतीति** सुगन्धं, दुग्गन्धन्ति वा अत्तानं पकासेति । तेनाह “**सूचयती**”ति ।

६६४. इत्थिया एव इन्द्रियं **इत्थिन्द्रियं** । यथा चक्खादीनि इन्द्रियानि पुरिसस्सपि होन्ति, नयिदं तथा । इदं पन नियमेन इत्थिया एव होति, तस्मा “इत्थिन्द्रियं”न्ति वुच्चति । एवं पुरिसिन्द्रियेपि । इत्थिया भावो, इत्थीति भवति एतेन चित्तं, अभिधानं वाति **इत्थिभावो** । **पटिसन्धिसमुट्ठितोति** पटिसन्धियंयेव समुट्ठितो, पटिसन्धिचित्तेन सह एकक्खणे समुट्ठितो । एतेन ठपेत्वा लिङ्गपरिवत्तनं चक्खुन्द्रियादीनि विय इमस्स अपातुभावमाह । **यञ्चेतं इत्थिलिङ्गादीति** यं पनेतं इन्द्रियफलभूतं इत्थिलिङ्गादि । **आदि-**ग्गहणेन इत्थिनिमित्तइत्थिकुत्तइत्थाकप्पानं सङ्गहो । तत्थ विसदअविसदहत्थपादादिता सण्ठानं **इत्थिलिङ्गं** । इत्थीनज्जि हत्थपादगीवाउरआदिसण्ठानं न पुरिसानं विय होति । तथा हि तासं हेट्ठिमकायो विसदो, उपरिमकायो अविसदो, हत्थपादा खुद्दका, मुखं खुद्दकं, थनमंसा अविसदा, ता निम्मस्सुदाठिका । केसबन्धवत्थग्गहणञ्च **इत्थिनिमित्तं** । दहरकालेपि सुप्पकमुसलकादीहि कीळा मकाचिवाकेन सुत्तकन्तनन्ति च एवमादि **इत्थिकुत्तं**, इत्थिकिरियाति अत्थो । अविसदद्वानगमनादिआकारो **इत्थाकप्पो** । पुरिसम्पि हि अविसदं दिस्वा मातुगामो विय तिड्ढति निपज्जति निसीदति खादति भुज्जतीति वदन्ति । इदं पन इत्थिलिङ्गादिपरिदीपनं अकुसलन्ति वत्त्वा अज्जथापि वण्णेन्ति आचरिया । कथं? योनिपदेसो इत्थिलिङ्गं, सराधिप्पाया इत्थिनिमित्तं, अविसदद्वानगमनादयो इत्थिकुत्तं, इत्थिसण्ठानं इत्थाकप्पोति । एत्थ च अधिप्पायो नाम पुरिसस्मिं मेथुनतण्हा । सा हि तासं निच्चं बलवतरा पवत्तति, अतो सापि इत्थीति सज्जाननस्स निमित्तताय “इत्थिनिमित्तं”न्ति वुच्चति । किञ्चापि इत्थीति सज्जाणस्स निमित्तताय कुत्ताकप्पानम्पि निमित्तेयेव अन्तोगधता, तथापि तेसं विसुं गहणतो सराधिप्पाया एव निमित्तभावेन अधिप्पेता ।

६६५. किं पनेतं इत्थिलिङ्गादि इत्थिन्द्रियं विय पटिसन्धिसमुट्ठितं होतीति आह “**इत्थिन्द्रियं पटिच्चेवा**”तिआदि । किञ्चापि हि इत्थिलिङ्गादीनि यथासकं कम्मादिना पच्चयेन समुट्ठहन्ति, येभुय्येन पन इत्थिन्द्रियसहितेयेव सन्ताने तंतदाकारा हुत्वा सम्भवन्ति, इतरत्थ च न भवन्तीति तेसं तब्भावभावितं उपादाय “इत्थिन्द्रियं पटिच्चेव जायन्ती”ति वुत्तानि । एवञ्च कत्वा वक्खति “इत्थि...पे०... कारणभावपच्चुपट्टानं”न्ति । ईदिसेनेव कारणभावसङ्घातेन अधिपतिभावेन तस्स इन्द्रियता वुत्ता इन्द्रियसहिते सन्ताने इत्थिलिङ्गादिआकाररूपपच्चयानं अज्जथा अनुप्पादनतो, न पन इन्द्रियादिपच्चयसम्भवतो । तथा हेतं जीवितिन्द्रियं विय एककलापगतानं आहारो विय कलापन्तररूपानं उपत्थम्भकमनुपालकं वा न होति । एवञ्च कत्वा जीवितिन्द्रियआहारानं विय इमस्स इन्द्रियपच्चयता,

अत्थिअविगतपच्चयता च पाळियं न वुत्ता । यस्मा पच्चयन्तराधीनानि इत्थिलिङ्गादीनि, तस्मा यत्थस्स आधिपच्चं, तंसदिसेसु मतचित्तकतरूपेसुपि तंसण्ठानता दिस्सति । यस्मा पनेते इत्थिन्द्रियं पटिच्च जायन्तापि गम्भसेय्यकानं पटिसन्धियं न समुट्टहन्ति, पवत्तेयेव समुट्टहन्ति, तस्मा आह “पवत्ते...पे०... पटिसन्धिय”न्ति ।

६६६-७. संसेदजओपपातिकानं पन किञ्चि इत्थिन्द्रियेन सह पटिसन्धियमेव निब्बत्तति । न चाति च-कारो वचनीयन्तरसमुच्चये । “किञ्चा”ति इमस्स अत्थे दट्टब्बो । यस्मा लिङ्गादिआकारेसु रूपेसु रूपायतनं चक्खुविज्जेय्यं, तस्मा आह “इत्थिलिङ्गादयो चक्खुविज्जेय्या होन्ती”ति । यस्मा पन ततो अज्जानि यथायोगं सोतविज्जेय्यानि चेव मनोविज्जेय्यानि च, तस्मा वुत्तं “न वा”ति । यथावुत्तो पपञ्चो पुरिसिन्द्रियेपि यथासम्भवं योजेतब्बोति अतिदेसं करोन्तो आह “एसेवा”तिआदि । सेसेपीति एत्तकेयेव वुत्ते इतो सेसेसु सब्बेसुपीति कदाचि कोचि चिन्तेय्याति आह “पुरिसिन्द्रिये”ति । पठमकप्पानन्ति पठमकप्पिकनरानं । तेसज्जि आभस्सरलोकतो चवित्वा इधूपपन्नानं दीघस्स कालस्स अच्चयेन ओळारिकं आहारं आहरतं मुत्तकरीसेसु सज्जातेसु तेसं निक्खमनत्थाय वणमुखानि भिज्जन्ति, पुरिसस्स पुरिसभावो, इत्थिया च इत्थिभावो पातुरहोसि । तथा हि पुरिमत्तभावेसु पवत्तउपचारझानानुभावेन याव सत्तसन्ताने कामरागविक्रम्भनवेगो न पटिपस्सम्भति, न ताव बलवकामरागूपनिस्सयानि इत्थिपुरिसिन्द्रियानि पातुरहेसुं । यदा पनस्स विच्छिन्नताय बलवकामरागो लब्धावसरो अहोसि, तदा तदूपनिस्सयानि तानि सत्तानं सन्ताने सज्जायन्ति ।

६६८. परतोति पठमकप्पतो अपरभागे । पवत्ते...पे०... परिवत्ततीति यथा तं सोरेय्यकसेट्ठिपुत्तस्स वियाति अधिप्पायो । अपि-सद्धेन पठमपाराजिकायं विनीतवत्थुपाळियं आगतभिक्षुस्स, भिक्षुनिया विय च पटिसन्धियं समुट्टितस्सपि पवत्ते परिवत्तनं दीपेति । यथाह —

“तेन खो पन समयेन अज्जतरस्स भिक्षुनो इत्थिलिङ्गं पातुभूतं होति । तेन खो पन समयेन अज्जतरिस्सा भिक्षुनिया पुरिसलिङ्गं पातुभूतं होती”ति (पारा० ६९) ।

यस्स पन पटिसन्धियं द्वीसु एकम्पि न समुट्टितं, सो अभावको नाम, तस्स पवत्तियम्पि इन्द्रियुप्पत्ति न होतीति दट्टब्बं ।

६६९. किं पनेतस्स उभयस्सपि निब्बत्तिया, विनासनस्स च कारणं, यतो इदं समुट्टाति, परिवत्ततीति च वुच्चतीति इमं अनुयोगं मनसि कत्वा आह “महता पापकम्मेना”तिआदि । तत्थ महताति परदारिककम्मादिना महाबलेन । पापकम्मेन उपनिस्सयभूतेन । महता कुसलेनेवाति इदं सुगतिं सन्धाय वुत्तं । दुग्गतियं पन उभयम्पि अकुसलकम्मेनेव जायति ।

६७०. इन्द्रिये विनट्टे एकन्तेनेव लिङ्गम्पि विनस्सतेवाति आह “इत्थिलिङ्गं विनस्सती”ति । अयं पनेत्थ अधिप्पायो दट्टब्बो — इमेसु द्वीसु पुरिसिन्द्रियं उत्तमं, इत्थिन्द्रियं हीनं, पुरिसिन्द्रियस्स अन्तरधानं महन्तेन अकुसलेन कम्मेन होति, समुट्टानं महन्तेन कुसलकम्मेन, इत्थिन्द्रियस्स अन्तरधानं दुब्बलाकुसलेन, समुट्टानम्पि दुब्बलकुसलेन, दुग्गतियं पन उभयस्सापि अन्तरधानं, समुट्टानञ्च अकुसलेनेव होतीति । यदि सुगतियं इत्थिन्द्रियम्पि कुसलेनेव निब्बत्तति, कथञ्चरहि “परदारिककम्मं कत्वा निरये पच्चित्वा तेनेव पापकम्मेन पञ्चसतक्खत्तुं मनुस्सलोके इत्थी हुत्वा निब्बत्तती”तिआदिवचनन्ति? नायं विरोधो निस्सन्दफलवसेन वुत्तता । तथा हि पटिसन्धियं ताव पुरिसिन्द्रियनिब्बत्तनारहम्पि कम्मं कदाचि परदारिकादिना बलवपापकम्मेन पटिबाहितसामत्थियं अस्स, तदा अत्तनो पुरिसिन्द्रियनिब्बत्तने असमत्थताय इत्थिन्द्रियमेव निब्बत्तेति । पवत्तियं पन अत्तनो बलवभावेन इत्थिन्द्रियूपनिस्सयं परदारिकमकुसलकम्मं पटिबाहित्वा पटिसन्धितो पट्टाय पुरिसिन्द्रियं समुट्टापेत्तं कदाचि लब्धसामगितासज्जातबलविसेसेन

परदारिकादिना कम्पेन पटिबाहितसामत्थियं भवेय्य, तदा अत्तनो दुब्बलताय पुरिसिन्द्रियं न निब्बत्तेति, इत्थिन्द्रियमेव निब्बत्तेति । एवं परदारिकादिकम्पूपनिस्सयेन इत्थिन्द्रियस्स निब्बत्तनतो तं तेन निब्बत्तितं कत्वा वुच्चति ।

६७१-२. यदा पन तं कम्मं पुन सामगिपटिलाभतो, परिकखीणपापकम्मताय वा बलवप्पत्तं अभविस्स, तदा दिन्नवेधं विय रुक्खं तदपगमे अत्तनो बलानुरूपं पुरिसिन्द्रियं निब्बत्तेति, इत्थिन्द्रियं पन अत्तनो कारणाभावतो नुप्पज्जति । उभयस्स पन निब्बत्तियम्पि विसदिसिन्द्रियनिब्बत्तनतो पुरे सत्तरसमचित्तस्स ठितिकालमुपादाय तंतंसमुट्ठापककम्मं तं तं इन्द्रियं न जनेति । सत्तरसमचित्तेन सह उप्पन्नं विसदिसिन्द्रियुप्पत्तितो पुरिमचित्तेन सह निरुज्झति । यदि हि सत्तरसमचित्तुप्पादतो परम्पि उप्पज्जेय्य, इतरं नुप्पज्जति एकस्मिं सन्ताने द्विन्नं सहुप्पत्तिया अनिच्छितत्ता । तेनेव हि “यस्स वा पन पुरिसिन्द्रियं उप्पज्जति, तस्स इत्थिन्द्रियं उप्पज्जती”ति (यम० ३.इन्द्रिययमक.१८८) इमस्मिं पज्हे “नो”ति (यम० ३.इन्द्रिययमक.१८८) पटिकखेपो कतोति । एवञ्च कत्वा वक्खति “**उभतोब्यञ्जनस्सापी**”तिआदि । एकस्मिञ्च निरुद्धे तप्पटिबद्धानि लिङ्गादीनि कतिपयदिवसेहि निरुज्झन्ति, तेसु निरुद्धेसु इतरानि अनुक्कमेन जायन्तीति आचरिया । इत्थिनिमित्तुप्पादककम्मतो, पुरिसनिमित्तुप्पादककम्मतो वाति उभतो दुविधं व्यञ्जनमस्साति उभतोब्यञ्जनो । **तस्सापी**ति यस्स दुविधं व्यञ्जनमत्थि, तस्सापि एकमेव इन्द्रियं सिया, किं पन इतरस्साति दस्सेति ।

ननु च दुविधे व्यञ्जने सति इन्द्रियद्वयेनापि भवितव्यं, व्यञ्जनञ्च तं तं इन्द्रियं पटिच्च जायतीति? सच्चं जायति, एत्थापि इत्थिउभतोब्यञ्जनस्स इत्थिन्द्रियं पटिच्च इत्थिनिमित्तमेव यावजीवं पवत्तति, पुरिसउभतोब्यञ्जनस्स पुरिसिन्द्रियं पटिच्च पुरिसनिमित्तमेव, इतरं पन न तस्स इत्थिन्द्रियपुरिसिन्द्रियहेतुतो जायति । तं पन येन कारणेन होति, तं दस्सेतुं “एवं सन्ते”ति अनुयोगं कत्वा “**न चाभावो**”तिआदिना सोधनं तु वुत्तं । **एवं सन्ते**ति एकस्मिंयेव इन्द्रिये सति । **अभावो चाति** यं पटिच्च जायति, तस्स अभावतो पुरिसउभतोब्यञ्जनस्स इत्थिब्यञ्जनाभावो, इत्थिउभतोब्यञ्जनस्स पुरिसब्यञ्जनाभावोति अत्थो । **न चाभावो सियाति** नेव दुतियब्यञ्जनस्स अभावो सिया । **न तं व्यञ्जनकारणन्ति** तं इन्द्रियं दुतियब्यञ्जनकारणं न होति । कस्मा? सदा अभावतो । इत्थिउभतोब्यञ्जनस्स हि यदा इत्थिया रागचित्तं उप्पज्जति, तदा पुरिसब्यञ्जनं पाकटं होति, इत्थिब्यञ्जनं पटिच्छन्नं गुळ्हं होति, तथा इतरस्स इतरं । यदि च तेसं इन्द्रियं दुतियब्यञ्जनकारणं भवेय्य, सदापि व्यञ्जनद्वयं तिड्ढेय्य, न पन तिड्ढति, तस्मा वेदितव्वमेतं “न तस्स तं व्यञ्जनकारण”न्ति । किञ्चरहि कारणन्ति चे? आह “**तस्सा...पे०... कारण**”न्ति । तत्थ **कम्मसहायन्ति** पुरिमभवसिद्धस्स इन्द्रियनिब्बत्तककम्मस्स सहायं । **रागचित्तन्ति** इत्थिया पुरिसस्मिं, पुरिसस्स इत्थियं वा उप्पन्नं मेथुनरागचित्तं । तस्मिञ्च उप्पन्ने तं पाकटं होति, तस्मिं पटिप्पस्सद्धे पटिच्छन्नं होति । यस्मा पनिमस्स एकमेव इन्द्रियं होति, तस्मा इत्थिउभतोब्यञ्जनको सयम्पि परं उद्दिस्स गब्भं गण्हाति, अत्तानं उद्दिस्स परम्पि गण्हापेति । सो हि इत्थिन्द्रियवन्तताय सयं गण्हाति, परेसु उपक्कमकरणतो परं गण्हापेति । पुरिसउभतोब्यञ्जनको परेसु उपक्कमकरणतो परं गब्भं गण्हापेति, सयं पन पुरिसिन्द्रियवन्तताय गब्भं न गण्हाति ।

यस्मा इत्थिन्द्रिये सति इत्थिलिङ्गादयो होन्ति, तेसु च सन्तेसु इत्थीति पकासो होति, तस्मा तं तस्स पकासनकारणन्ति आह “**इत्थीति पकासनरस**”न्ति । दुविधम्पि पनेतं इन्द्रियं कायपसादो विय सकलसरीरव्यापकमेव, न चस्स कायपसादेन सङ्करो लक्खणभेदतो, निस्सयभेदतो च ।

६७३. सहजरूपपरिपालनलक्खणन्ति यथा अत्तना सहजातरूपानि तीसु खणेषु पवत्तन्ति, एवं अनुपालनलक्खणं । जीवितिन्द्रियस्स एकन्तकम्मजत्ता सहजगगहणेनेव अनुपालेतब्बानम्पि कम्मजभावोव सिद्धोति कम्मजगगहणं न कतं ।

यथासकं खणत्तयमत्तद्व्यायीनम्पि कम्मजरूपानं पवत्तिहेतुभावेनेव तं अनुपालकं । तेनाह “तेसं पवत्तनरस”न्ति । पवत्तनञ्चेत्थ वुत्तनयेन तेसं यापनं ठपनं ठित्तिहेतुकता । न हि कम्मजानं कम्ममेव ठित्तिहेतु भवितुं सक्कोति आहारजादीनं आहारादि विय । किं कारणं? तद्धणाभावतो । कम्मजि निरुद्धं रूपस्स पच्चयो होति, ततो तंसमुद्धानरूपानि मतपितिका विय पुत्ता चूळपितुआदिनिस्सयेन अज्जनिस्सयेनेव पवत्तन्ति, अज्जञ्च तेसं यापनसमत्थं नत्थि अज्जत्र जीवितिन्द्रियेनाति तदेव तेसं पवत्तनरसं । आहारजादयो पन धरमानकपितिका विय पुत्ता अज्जनिरपेक्खा सकसकपच्चयवसेनेव पवत्तन्ति । आहारादयो हि अत्तनो अत्थिक्खणेयेव रूपानि समुद्वापेत्वा तेसं ठित्तिपवत्तियाव तिड्ढन्ति, ततो तंसमुद्धानानि जीवितिन्द्रियनिरपेक्खानि । सेसानिपि तंतंपच्चयवसेनेव तिड्ढन्तीति न अज्जं ठपनकारणं पच्चासीसन्ति । कम्मसमुद्धानम्पि चेत्तं उप्पादतो पट्टायेव अनुपालकं । यापेतब्बानि पवत्तेतब्बानि सहजातभूतानि पदद्धानमेतस्साति यापेतब्बभूतपदद्धानं ।

६७४. मनोविज्जाणधातूति ठपेत्वा अरूपावचरविपाकमनोविज्जाणधातुं अवसेसा मनोविज्जाणधातु । तेनाह “पञ्चवोकारे”ति । पञ्चवोकारे मनोधातु, मनोविज्जाणधातुयो च यं रूपं निस्साय पवत्तन्ति, तं “वत्थू”ति पवुच्चतीति सम्बन्धो । पञ्चवोकारेति च विसेसनं मनोविज्जाणधातुवसेन कतं, मनोधातु पन चतुवोकारभवे नत्थेव । पाळियं अनागतस्सापि हृदयवत्थुनो आगमतो, युत्तितो च अत्थिभावो विज्जातब्बो । तत्थ आगमो ताव —

“यं रूपं निस्साय मनोधातु च मनोविज्जाणधातु च पवत्तन्ति, तं रूपं मनोधातुया च मनोविज्जाणधातुया च तंसम्पयुत्तकानञ्च धम्मानं निस्सयपच्चयेन पच्चयो”ति (पट्ठा० १.१.८) —

एवमादि पट्टानवचनं । युत्ति पन एवं वेदितब्बा — निष्फन्नउपादायरूपनिस्सयं धातुद्वयं पञ्चवोकारभवे रूपपटिबद्धवुत्तित्ता । यं यज्झि रूपपटिबद्धवुत्ति, तं तं निष्फन्नउपादायरूपनिस्सयं दिस्सति यथा चक्खुविज्जाणधातु । तत्थ न ताव रूपायतनादीनं, ओजाय च तन्निस्सयता युज्जति इन्द्रियपटिबद्धतो बहिपि तेसं पवत्तिदस्सनतो, नापि इत्थिन्द्रियपुरिसिन्द्रियानं तदुभयविरहिते अभावकसन्तानेपि धातुद्वयदस्सनतो । जीवितिन्द्रियस्सापि सहजपरिपालनलक्खणकिच्चन्तरं विज्जतीति न तन्निस्सयता युज्जति । तज्झि किच्चन्तरे पसुतं न इमासं निस्सयो भवितुं सक्कोति, तस्मा पारिसेसतो तेसं निस्सयो हृदयवत्थु नाम अत्थीति विज्जातब्बं । होतु ताव धातुद्वयनिस्सयो वत्थु, उपादायरूपञ्च, तं पनेतं कम्मसमुद्धानं पटिनियतकिच्चं हृदयप्पदेसे ठितमेकन्ति दट्ठब्बं । कथमेतं विज्जायतीति? वुच्चते — वत्थुरूपभावतो कम्मसमुद्धानं चक्खु विय । यज्झि विज्जाणस्स वत्थुभूतं रूपं, तं कम्मसमुद्धानं यथा चक्खुपसादो, ततो एव पटिनियतकिच्चं अट्ठिं कत्वा मनसि कत्वा सब्बं चेतसा समन्नाहरित्वा किञ्चि चिन्तेन्तस्स हृदयप्पदेसस्स खिज्जनतो तत्थेदं तिड्ढतीति विज्जायति । यथाहु आचरिया —

“कम्मजं वत्थुभावा तं, चक्खुवं नियतक्रियं ।
चिन्ताय च उरोखेदा, तत्र तिड्ढन्ति विजानिय”न्ति ॥

यदि मनोधातुमनोविज्जाणधातूनं निस्सयभूतं हृदयवत्थु नाम अत्थि, कस्मा पनेतं रूपकण्डे न वुत्तं । न हि लब्भमानस्स अवचने कारणं अत्थीति? नो नत्थि कारणन्तरसम्भवतो । किं पन तं कारणं? देसनाभेदो । यथा हि चक्खुविज्जाणादीनि एकन्ततो चक्खादिनिस्सयानि, न एवं मनोविज्जाणं एकन्तेन हृदयवत्थुनिस्सितं पञ्चवोकारभवेयेव तन्निस्सयत्ता, एकन्तेन निस्सितवसेनेव च वत्थुदेसना पवत्ता । “अत्थि रूपं चक्खुविज्जाणस्स वत्थु, अत्थि रूपं चक्खुविज्जाणस्स न वत्थू”तिआदिना (ध० स० ५८४) चक्खुविज्जाणादीहि निस्सितेहि विसेसितत्ता । यम्पि एकन्तेन हृदयवत्थुनिस्सयं तस्स वसेन “अत्थि रूपं मनोविज्जाणस्स वत्थू”तिआदिना दुकादीसु वुच्चमानेसु न तदनुगुणा

आरम्भणदुकादयो सम्भवन्ति । न हि “अत्थि रूपं मनोविज्जाणस्स आरम्भणं, अत्थि रूपं न मनोविज्जाणस्स आरम्भणं”न्ति सक्का वत्तुन्ति वत्थारम्भणदुका भिन्नगतिका सियुं, न एकरसा देसना भवेय्य, एकरसञ्च देसनं देसेतुं तत्थ भगवतो अज्झासयो, तस्मा तत्थ हृदयवत्थु न वुत्तं, न अलब्भमानत्ता । एसा हि भगवतो पकति, यं एकरसेनेव देसनं देसेतुं लब्भमानस्सापि कस्सचि अग्गहणं । तथा हि निक्खेपकण्डेपि चित्तुप्पादविभागेन अवुच्चमानत्ता अवितक्काविचारपदविसज्जने वितक्को विचारो चाति वत्तुं न सक्काति अवितक्काविचारमत्तपदविसज्जने लब्भमानोपि वितक्को न उद्धटो, अज्जथा “वितक्को चा”ति वत्तब्बं सियाति । निस्सयभावतो उपरि आरोपेत्वा वहन्तं विय पच्चुपट्ठातीति उब्बाहनपच्चुपट्ठानं ।

६७५. चतूसु आहारेसु इध रूपाधिकारतो कबळीकारो आहारो गहेतब्बोति आह “आहारताति कबळीकारो आहारो”ति । तत्थ कबळं करीयतीति कबळीकारो । आहरीयतीति आहारो, कबळं कत्वा अज्झोहरीयतीति अत्थो । इदञ्च सवत्थुकं कत्वा आहारं दस्सेतुं वुत्तं । कबळीकाराहारस्स पन ओजा इध आहारो नाम । तेनाह “याय ओजाया”तिआदि । सो च रूपाहरणसभावो उपत्थम्भनबलकरो अङ्गमङ्गानुसारीरसाहरणभूतो भूतनिस्सितो एको विसेसो । बाहिराहारपच्चयं पटिलभित्वा एव अज्झत्तिकाहारो रूपं उप्पादेतीति अयं अज्झत्तिकाहारस्स उपनिस्सयभावेनापि रूपं आहरतीति आह “ओजट्टमकं रूपं आहरती”ति । ओजा अट्टमी यस्स तं ओजट्टमकं । याय ओजायाति अत्तनो उदयानन्तरं रूपजननतो ओजासङ्घाताय ओदनकुम्मासादिवत्थुगताय याय फरणओजाय । यत्थ यत्थाति यम्हि यम्हि जनपदे, नगरादीसु च । “कबळीकारो आहारो”ति पवुच्चति तब्बत्थुकत्ताति अधिप्पायो ।

६७६. किं पन वत्थुनो किच्चं, किं ओजायाति चे? परिस्सयहरणं वत्थुस्स किच्चं, पालनं ओजायाति दस्सेन्तो आह “अन्नपानादिक”न्तिआदि । अग्गिं हरति कम्मजन्ति कम्मजतेजं गणहाति । अन्तोकुच्छियज्झि ओदनादिवत्थुस्मिं असति कम्मजतेजो उट्ठित्वा उदरपटलसङ्घातमुपादिन्नरूपं गणहाति, “छातोम्हि, आहारं मे देथा”ति वदापेति, भुत्तकाले उदरपटलं मुञ्चित्वा अनुपादिन्नकवत्थुं गणहाति, अथ सत्तो एकग्गो होति । यथा हि छायावत्थुसो छायापविट्ठं दिस्वा गहेत्वा देवसङ्घलिकाय बन्धित्वा अत्तनो भवने मोदन्तो छातकाले आगन्त्वा सीसे दंसति, सो दट्ठत्ता विरवति, तं विरवं सुत्वा सचे अज्जेपि मनुस्सा आगच्छन्ति, सो आगतागते गहेत्वा खादित्वा सकभवने मोदति, एवं यं यं अन्नपानादिकं वत्थु, तं तं कम्मजतेजो गहेत्वा जीरापेत्वा पुन उदरपटलं गणहाति, तस्मा अन्नपानादिकं वत्थु अत्तनो उदरपटलं पविट्ठकाले उपादिन्नकायं गहेत्वा ठितं ततो मोचेत्वा अत्तानं गणहापनवसेन तं अत्तनो सन्तिकं हरति । केवलन्ति ओजावियुत्तं वत्थु जीवितं कम्मजभूतं तं पालेतुं न सक्कोति ।

६७७. ओजा...पे०... पाचकन्ति ओजा जीवितं पालेतुं सक्कोति, कम्मजं तेजं हरितुं न सक्कोति आमासयस्स अपुण्णतोति अधिप्पायो । उपत्थम्भनपच्चुपट्ठानोति ओजट्टमकरूपहरणवसेनेव इमस्स कायस्स उपत्थम्भनवसेन पच्चुपट्ठाति । कायेनाति रूपकायेन । अत्तनो भावन्ति अत्तनो अधिप्पायं । विज्जापेन्तानन्ति परेसं सज्जापेन्तानं । कायग्गहणानुसारेनाति फन्दमानकायगतवण्णस्स गहणभूतानं चक्खुद्वारिकजवनानन्तरप्पवत्तानं निच्छयग्गहणसङ्घातानं मनोद्वारिकजवनानं अनुस्सरणेन तेसं अनन्तरन्ति अत्थो । पञ्चद्वारे हि रूपादिआरम्भणे आपाथगते यथापच्चयं कुसलाकुसलजवने उप्पज्जित्वा भवङ्गं ओतिण्णे मनोद्वारिकजवनं तदेवारम्भणं कत्वा भवङ्गं ओतरति, पुन तस्मिंयेव द्वारे विसयं ववत्थापेत्वा जवनं भवङ्गं ओतरति, तस्मा चक्खुद्वारिकजवनानन्तरप्पवत्तानं द्विन्नं जवनवारानमनन्तरं ततियवारे पवत्ताय मनोद्वारजवनवीथिया एव गहिताय एताय करणभूताय चतुत्थवारे मनोद्वारे जवनेनेव भावो विज्जायति । एतेन विज्जति-सदस्स करणसाधनता वुत्ता । सयं वातिआदिना पन कम्मसाधनत्तमाह ।

एवं विज्जति-सदस्स कारकद्वये सम्भवं दस्सेत्वा इदानीं काय-सद्देन सह कम्मधारयसमासं दस्सेतुं, “कायो”ति वोहारस्स विज्जत्तियम्पि च पवत्तिं दस्सेन्तो “कायेन संवरो”ति आदिसुत्तमाह । **कायविप्फन्दनेन अधिप्पायविज्जापनहेतुत्ताति** विप्फन्दमानकायेन करणभूतेन अधिप्पायविज्जापनहेतुभावतो कायेन विज्जत्तीतिपि कायविज्जत्तीति सम्बन्धो । अयं पनेत्थ अत्थो — विज्जत्तिया कायविप्फन्दनस्स हेतुभावतो तंहेतुकं कायविप्फन्दनसङ्घातं कायं गहेत्वा अधिप्पायजाननतो विज्जत्ति अधिप्पायविज्जापनस्स कारणभावेन गह्मतीति कायेन अधिप्पायं विज्जापेतीति । तथा कायविप्फन्दनं गहेत्वा तस्स कारणमेत्थ अत्थीति विज्जत्तिया गह्ममानत्ता सयञ्च कायेन विज्जायति, तस्मा कायेन विज्जत्तीतिपि कायविज्जत्तीति ।

६७८. चित्तजानिलधातुयाति अभिक्कमादिपवत्तकचित्तसमुद्धानवायोधातुया । **आकारविकारताति** आकारभूतो विकारो । कस्स पन सा आकारविकारताति? सामत्थियतो वायोधातुअधिकानं चित्तजमहाभूतानं । किं तं सामत्थियं? चलनहेतुता, चित्तजता, उपादायरूपता च । अथ वा चित्तजानिलधातुया एका आकारविकारताति सम्बन्धो । न केवलज्झि सामिवचनं चलनसम्बन्धापेक्खाय एव, अथ खो आकारविकारसम्बन्धापेक्खायपीति ।

यदि एवं, कथं विज्जत्तिया उपादायरूपत्तं । “चित्तजानिलधातुया”ति हि वचनेन वायोधातुयाव आकारविकारता विज्जत्ति आपज्जति, न च एकभूतनिस्सितं उपादायरूपं नाम अत्थि “चतुन्नं महाभूतानं उपादायरूप”न्ति (ध० स० ५८४) वचनतोति? नायं दोसो, चतुन्नं विकारता चतूसु एकस्सपि होति चतुसाधारणधनं विय । अनिलधातुअधिककलापो वा इध “अनिलधातू”ति वुच्चति, तदधिके तंवोहारतो यथा सम्भारधातुया अधिकभावेन पथवीवोहारो, तस्मा वायोधातुअधिकानं चित्तजमहाभूतानं एका आकारविकारता कायविज्जत्तीति न कोचि विरोधो । अधिकता चस्सा सामत्थियतो दट्ठब्बा, न पमाणतो । इतरथा हि तेसं अविनिब्भोगवुत्तिता न युज्जेय्य । अधिकता हि अत्तनो अधिकवसेन इतरेहि विनिब्भोगप्पवत्तितो होति । सामत्थियाधिकञ्च कारणानुकारिताय । कारणज्झि अभिक्कमादिपवत्तकं चित्तं, तं चलनाधिप्पायसभावं ततो समुद्भित्ते कलापे अनुकरोन्ते वायोधातुया एव अधिकत्तं युत्तन्ति । केचि पन “वायोधातुया एव आकारविकारता”ति गण्हन्ति, तेसं मतेन उपादारूपत्तं दुरूपपन्नं । न हि एकस्स विकारो चतुन्नं उपादारूपन्ति सक्का वत्तुं ।

कीदिसी पनायं विकारताति आह “सहजातस्स रूपस्स चलने हेतू”ति । तत्थ सहजातस्साति अत्तना सहजातस्स । यस्मा उत्तुचित्ताहारजानं चलनं चित्तजरूपसम्बन्धेनेव होति, नदीसोतचलनेन तत्थ पक्खित्तसुक्खगोमयपिण्डादीनं विय । विज्जत्तिवसेन पन चित्तजानमेव चलनं, तस्मा वुत्तं “सहजातस्सा”ति । **रूपस्साति** रूपकायस्स । **चलनेति** सन्थम्भनसन्धारणचलनसङ्घाते चलितभावे । सन्थम्भनादिकम्पि हि चलनाभिमुखताय चलनन्ति युज्जति । **हेतूति** हेतुभूता सहकारीकारणभूता । एत्तावता च किं वुत्तं होति? कायविज्जत्ति नाम नेव फन्दमानरूपकायो, न च फन्दमाना वायोधातु, अथ खो महन्तं पासाणं उक्खिपन्तस्स सब्बथामेन गहणकाले सरीरस्स उस्साहनविकारो विय रूपकायस्स परिप्फन्दनपच्चयभावेन लब्धमानो एको आकारविकारो कायविज्जत्ति नामाति वुत्तं होति ।

ननु च फन्दमानवण्णादिविनिमुत्तो कोचि विकारो अत्थि, तस्स वण्णागगहणानन्तरं गहणं होतीति कथमेतं विज्जायतीति? अधिप्पायगगहणतो । न हि विज्जत्तिविकाररहितेसु रुक्खचलनादीसु अधिप्पायगगहणं दिट्ठं, हत्थचलनादीसु पन दिट्ठं, तस्मा फन्दमानवण्णादिविनिमुत्तो कोचि विकारो अत्थि अधिप्पायस्स विज्जापकोति सम्पटिच्छित्तब्वमेतं एकन्तेन । आपको च हेतु सयं गहितोयेव अत्तनो आपेतब्वमत्थं आपेति, न विज्जमानमत्तेनाति । आपेतब्ववण्णागगहणानन्तरं विकारगगहणम्पि अनुमानतो सिद्धं । तथा हि वदन्ति —

“विसयत्तमनापन्ना,
सद्वा नेवत्थबोधका ।
न सत्तामत्ततो अत्थे,
ते अज्जाता पकासका”ति ॥

यदि विकारगहणमेव कारणमधिप्पायगहणस्स, कस्मा अगगहितसङ्केतानं अधिप्पायगहणं न होतीति? न केवलं विकारगहणमेव अधिप्पायस्स गहणस्स कारणं, अथ खो पुरिमसिद्धसम्बन्धगहणञ्च इमस्स उपनिस्सयोति दट्ठब्बं । यथा हि अरञ्जे उदकतित्थे उस्सापेत्वा ठपितगोसीसादीनि उदकनिमित्तानि दिस्वा तदनन्तरप्पवत्ताय अविज्जायमानन्तराय मनोद्वारजवनवीथिया गोसीसादीनं उदकसहचारीपकारसज्जाणाकारं गहेत्वा “उदकमेत्थ अत्थी”ति जाननं, एवं फन्दमानवण्णं गहेत्वा तदनन्तरप्पवत्ताय अविज्जायमानन्तराय मनोद्वारवीथिया पुरिमगगहितसम्बन्धूपनिस्सयसहिताय साधिप्पायविकारगहणं होतीति ।

६८१-२. सहजरूपचलनस्स विज्जत्तिविकारसहिताय वायोधातुया हेतुभावो युत्तो, किं सब्बा एव वायोधातु सहजरूपं चालेतीति इमं चोदनं सोधेतुं “लभित्वा पनुपत्थम्भ”न्तिआदि वुत्तं । उपत्थम्भेतीति उपत्थम्भं, उपत्थम्भकपच्चयन्ति अत्थो । एकावज्जनवीथियन्ति मनोद्वारिकजवनवीथिं सन्धायाह पञ्चद्वारिकवीथिया विज्जत्तिसमुट्ठापकताभावतो । हेट्ठाहि छहि च चित्तेहीति सत्तसु जवनेसु हेट्ठिमेहि छहि जवनेहि समुट्ठितं वायोधातुं उपत्थम्भं लभित्वाति सम्बन्धो । केचि पन पोत्थकेसु “वायोधातुसमुट्ठित”न्ति पाठं दिस्वा उपत्थम्भन्ति भावसाधनवसेन गहेत्वा हेट्ठा छहि चित्तेहि उपपन्नवायोधातुसमुट्ठितं उपत्थम्भं लभित्वाति योजेन्ति । विज्जत्तिसहितत्तनाति सयं विज्जत्तिसहिता अत्तना सहजातं चित्तजरूपं देसन्तरुप्पत्तिहेतुभावेन चलयति, न इतराति अत्थो ।

अयं पनेत्थाधिप्पायो — यथा नाम सत्तिहि युगेहि आकट्ठितब्बसकटे सत्तमयुगयुत्ता एव गोणा हेट्ठा छसु युगेसु युत्तगोणेहि लब्धुपत्थम्भा सकटं चालेन्ति, पठमयुगादियुत्ता पन सन्थम्भनसन्धारणमत्तमेव साधेन्ता तेसं उपत्थम्भका होन्ति, एवमेवं सत्तमजवनसमुट्ठिता वायोधातु हेट्ठा छहि जवनेहि समुट्ठितवायोधातुतो लब्धुपत्थम्भा चित्तजरूपं चालेति । पठमजवनादिसमुट्ठिता पन सन्थम्भनसन्धारणमत्तं साधेन्ता तस्स उपत्थम्भका होन्ति, देसन्तरुप्पत्तियेव चेत्थ चलनं उपपन्नदेसतो केसगमत्तम्पि धम्मानं चलनाभावतो, इतरथा धम्मानं अब्यापारता, खणिकता च न सिया । कथं पनस्स सहजरूपानं देसन्तरुप्पत्तिया हेतुभावोति? यथा अत्तना सहजरूपानि हेट्ठिमजवनादिसमुट्ठितरूपेहि पतिट्ठितट्ठानतो अज्जत्थ उपपज्जन्ति, एवं तेहि सह तत्थ उपत्तियेवस्स देसन्तरुप्पत्तिहेतुभावोति दट्ठब्बं ।

अथ फन्दमानवण्णगहणानन्तरं विज्जत्तिगहणस्स वुत्तत्ता विज्जत्तिसहिताति सत्तमजवनसमुट्ठिताय एव च विसेसितत्ता चलनाकारसहितायेव वायोधातु विकारसहिताति? नयिदमेवं देसन्तरुप्पत्तिहेतुभावेन चलयितुमसक्कोन्तियोपि सन्थम्भनसन्धारणमत्तकरणेन पठमजवनादिसमुट्ठानवायोधातुयोपि विज्जत्तिविकारसहिता एव । येन दिसाभागेन गन्त्वा अभिक्कमादीनि पवत्तेतुकामो तदभिमुखभावविकारसम्भवतो । अधिप्पायसहभाविनज्झि विकारं विज्जत्तिमाचिक्खन्ति । तेनेव हि भगवता “कतमं तं रूपं कायविज्जत्ति? या कुसलचित्तस्स वा...पे०... अब्याकतचित्तस्स वा अभिक्कमन्तस्स वा... पे०... पसारन्तस्स वा कायस्स थम्भना सन्थम्भना सन्थम्भितत्तं विज्जत्ति विज्जापना विज्जापितत्तं । इदं तं रूपं कायविज्जत्ती”ति (ध० स० ७२०) सन्थम्भनसन्धारणानम्पि पच्चयभावाकारो कायविज्जत्तीति वुत्तो । एवञ्च कत्वा मनोद्वारावज्जनस्सापि विज्जत्तिसमुट्ठापकतावचनं सुट्ठु उपपन्नं होति ।

६८३-४. चित्तजाताय पथवीधातुया उपादिन्नकघट्टने पच्चयो यो आकारविकारो, अयं वचीविज्जत्ति विज्जेय्याति सम्बन्धो । तत्थ **चित्तजातायाति** वचीभेदप्पवत्तकचित्तसमुद्धानाय । **उपादिन्नकघट्टनेति** उपादिन्नककलापसङ्घातस्स अक्खरुप्पत्तिट्ठानस्स घट्टनसज्जिते किच्चे घट्टनस्साति अत्थो । **पच्चयोति** तस्स सहकारीकारणभूतो । **एको आकारविकारोति** घट्टियमानउपादिन्नरूपतो, घट्टन्ति या पथवीधातुतो च विनिवट्टो पथवीधातुया उपादिन्नघट्टनपच्चयसभावरूपो एको आकारविकारविसेसोति अत्थो । **पथविधातुयाति** सामिवचनं “उभयसम्बन्धापेक्ख”न्तिआदि कायविज्जत्तियं वुत्तनयेन वेदितब्बं । अयं पन विसेसो – यथा तत्थ फन्दमानवण्णगगहणानन्तरं गहति, एवमिध सुय्यमानसद्वसवनानन्तरन्ति दट्टब्बं । इदञ्च सन्थम्भनादीनं अभावेन घट्टनेन सद्धियेव सदस्स उप्पज्जनतो “लभित्वा पनुपत्थम्भ”न्तिआदिनयो न लब्भति । घट्टनज्हि पठमजवनादीसुपि लब्भतेव । तेनाह “**सद्वसा**”ति । अथ घट्टनचलनानं को विसेसोति? घट्टनं पच्चयविसेसेन भूतकलापानं अज्जमज्जं आसन्नतरुप्पादता, चलनं एकस्सापि देसन्नरुप्पादनपरम्परताति अयमेतेसं विसेसो । गोसीसादिउपमापेत्थ यथासम्भवं योजेतब्बा । **सावाति** सा एव सहसद्वा विज्जत्ति । **सक्ककुलिन्दुनाति** सुपरिसुद्धगगनतलस्स सक्कराजकुलस्स अवभासकट्टेन तस्स निसाकरभूतेन । अथ वा इन्दति परमिस्सरियं करोतीति इन्दु । इन्दु-सद्वस्स उत्तमवाचकत्ता सक्ककुलुत्तमेनाति अत्थो ।

६८५. अथ विज्जत्ति ताव सहसद्वाव, सद्दो पन चित्तजो अविज्जत्तिको अत्थीति चे? नत्थीति दस्सेन्तो आह “**सद्दो न चित्तजो**”तिआदि । **विज्जत्तिघट्टनन्ति** विज्जत्तिपच्चयं पथवीधातुया घट्टनं । **धातुसङ्घट्टनेनेवाति**आदिना वुत्तमेवत्थं समत्थेति । यस्मा धातुसङ्घट्टनेनेव सद्दो जायति, न तेन विना, तस्माति अत्थो । अनेन च ये वदन्ति “वितक्कविप्फारसद्दो न सोतविज्जेय्योति महाअट्टकथायं वुत्तत्ता चित्तसमुद्धानो वितक्कविप्फारसद्दो विज्जत्तिया विनापि उप्पज्जति । ‘या ताय वाचाय विज्जत्ति विज्जापना’ति (ध० स० ६३६) हि वचनतो असोतविज्जेय्येन सद्देन सह विज्जत्ति न उप्पज्जति, ततोव चित्तजोपि सद्देनवको अत्थी”ति, तेसं वादं पटिक्खपति । महाअट्टकथावादोपि हि सद्दोव होति, न सोतविज्जेय्योति विरुद्धमेतन्ति मज्जमानेहि सङ्गहकारेहि पटिक्खित्तोव । आनन्दाचरियो पन महाअट्टकथावादं अप्पटिक्खित्त्वाव तत्थ अधिप्पायं वण्णेति । कथं? “जिह्वातालुचलनादिकरवितक्कसमुद्दितं विज्जत्तिसहजमेव सुखुमसद्वं दिब्बसोतेन सुत्वा आदिसती”ति सुत्ते, पट्टाने च ओळारिकं सद्वं सन्धाय सोतविज्जाणस्स आरम्भणपच्चयभावो वुत्तोति इमिना अधिप्पायेन वितक्कविप्फारसद्वस्स असोतविज्जेय्यता वुत्ताति ।

६८६-७. **विज्जापनतोति** वचीघोसेन अधिप्पायविज्जापनहेतुत्ता । **सयं विज्जेय्यतोति** गहणानुसारेण वचीघोसेन वा हेतुना सयं विज्जेय्यत्ता । **तस्साति** विज्जत्तिसद्वस्स । **सम्भवो कारकद्वयेति** विज्जापयतीति विज्जत्ति, विज्जायतीति विज्जत्तीति एवं हेतुम्हि, कम्पनि वा तस्स सम्भवो निब्बत्ति होतीति अत्थो । किं पनेतं विज्जत्तिद्वयं चित्तसमुद्धानं, उदाहु कम्मादिसमुद्धानन्ति आह “**न विज्जत्तिद्वय**”न्तिआदि । **अट्ट रूपानि वियाति** सकसककलापगतअट्टरूपानि विय, विज्जत्तिद्वयस्स एकतो वुच्चमानत्ता कायविज्जत्तिसहजकलापे सद्दो न लब्भतीति वचीविज्जत्तिकलापे लब्भमानम्पि तं हित्वा “अट्ट”इच्चेव वुत्तं ।

यथावुत्तविकारगगहणमुखेन “अयं इदं नाम कातुकामो”ति तंसमङ्गिनो अधिप्पायो विज्जायतीति आह “**अधिप्पायप्पकासनरसा**”ति । कायविप्फन्दनहेतुभूताय वायोधातुया विकारत्ता तस्सा कायविप्फन्दनस्स हेतुभावाकारेण पच्चुपट्टानन्ति वुत्तं “**काय...पे०... पच्चुपट्टाना**”ति । वायोधातुया किच्चाधिकताय आह “**चित्तसमुद्धानवायोधातुपट्टाना**”ति । **वचीघोसस्स हेतुभावपच्चुपट्टानाति** वुत्तनयेनेव वचीघोससङ्घातस्स

चित्तजसद्वस्स हेतुभावपच्चुपट्टाना ।

केचि पनेत्थ “घट्टने पच्चयोति वुत्तत्ता घट्टनानन्तरं सद्वस्स उप्पत्ति होतीति गहेत्वा चित्तसमुद्धानपथवीधातु उपादिन्घट्टनमत्तं करोति, घट्टितक्खणे उतुसमुद्धानोव सद्वो उप्पज्जति, सो पन चित्तपच्चयत्ता परियायेन चित्तसमुद्धानोति वुच्चती”ति वदन्ति । तेसं मतेन चित्तजसद्वोयेव न लब्धति, तस्मा एवं अगगहेत्वा उदकतापनकाले अन्तोउदकेयेव उप्पज्जनकसद्वो विय उपादिन्ने घट्टेत्वा उप्पज्जमानचित्तसमुद्धानपथवीधातुया उप्पत्तिसमकालमेव तस्मिं कलापे नवमं हुत्वा अन्तोयेव भूतिकसद्वो उप्पज्जतीति गहेतब्बं, तस्मा चित्तसमुद्धानसद्वोपि वचीविज्जत्तिवसेनेव उप्पज्जति, अच्छरापहरणादिसद्वो पन वचीविज्जत्तिया अभावतो चित्तपच्चयउतुसमुद्धानोयेवाति ।

६८८. विग्गहाभावतो न कस्सति, कसितुं छिन्दितुं न सक्कोतीति अकासो, सोयेव आकासोति आह “न कस्सतीति आकासो”ति, को पनेसोति आह “रूपानं विवरो”ति, कण्णच्छिद्वादिरूपानं अन्तरन्ति अत्थो । अनेन अजटाकासमाह । यो... पे०... परिच्छेदोति पन इमिना इधाधिप्पेतमाकासं, सो पन रुळ्हीवसेन आकासोति पवुच्चति ।

रूपानि परिच्छिन्दति, सयं वा तेहि परिच्छिज्जति, तेसं वा परिच्छेदमत्तन्ति रूपपरिच्छेदो, तं लक्खणमेतस्साति रूपपरिच्छेदलक्खणो । अयज्हि तं तं रूपकलापं परिच्छिन्दन्तो विय होति । तेनाह “रूपपरियन्तप्पकासनरसो”ति । “अयं रूपानं हेट्ठिमो परियन्तो, अयं उपरिमो”ति एवं विभावनकिच्चोति अत्थो । अत्थतो पन यस्मा रूपानं परिच्छेदमत्तं हुत्वा गय्हति, तस्मा वुत्तं “रूपमरियादपच्चुपट्टानो”ति । एत्थाह — किं पनेस रूपे परिच्छिन्दन्तो चतुसमुद्धानकलापतो परिच्छिन्दति, अथ एकसमुद्धानबहुकलापतो, उदाहु एकेकसमुद्धानएकेककलापतो, एकेकरूपतो वाति? एकेकसमुद्धानएकेककलापतोति दट्ठब्बं ।

यदि हि चतुसमुद्धानकलापतो, एकसमुद्धानबहुकलापतो वा परिच्छिन्दति, एवं सति सम्फुट्टभावपच्चुपट्टानो वा परिच्छिन्देय्य, एककलापगत रूपानं विय नानाकलापगत रूपानमि अविनिब्भोगवुत्तिता वा आपज्जेय्य । अथ वा एकेकरूपतो परिच्छिन्दति, एवं सति एकेककलापगत रूपानमि नानाकलापगत रूपानं विय अज्जमज्जविनिब्भोगवुत्तितापसङ्गो सिया, उभयमि पनेतं अनिट्ठं, तस्मा एकेकसमुद्धानएकेककलापतो परिच्छिन्दतीति दट्ठब्बं ।

असम्फुट्टभावछिद्दविवरभावपच्चुपट्टानो वाति असम्फुट्टभावपच्चुपट्टानो वा छिद्दविवरभावपच्चुपट्टानो वाति वुत्तं होति । तत्थ यस्मिं कलापे भूतानं परिच्छेदो, तेहेव असम्फुट्टभावेन पच्चुपट्टानतो असम्फुट्टभावपच्चुपट्टानो । किञ्चापि हि कलापन्तरभूता कलापन्तरभूतेहि सम्फुट्टाव एकघनपिण्डभावेन पवत्तत्ता, तथापि धम्मतो अज्जमज्जं विवित्तत्ता असंकिण्णा एव । तेसं या विवित्तता अज्जमज्जं असंकिण्णता, अयं परिच्छेदो । भूतन्तरेहि विय तेहि सो असम्फुट्टोव, इतरथा परिच्छिन्नता न सिया तेसं भूतानं ब्यापिभावापत्तितो । अब्यापिभावो हि असम्फुट्टता । तेनाह भगवा इमस्स निद्वेसे “असम्फुट्टं चतूहि महाभूतेही”ति (ध० स० ६३७) ।

अथ वा कलापन्तरभूतानं अज्जमज्जं असंकिण्णभावेन पच्चुपट्टानतो असम्फुट्टतापच्चुपट्टानभावो वुत्तो, कण्णच्छिद्दमुखविवरादिवसेन छिद्दविवरभावस्स पच्चुपट्टानतो छिद्दविवरभावपच्चुपट्टानता वुत्ता । रूपपरिच्छेदे हि सति छिद्दविवरभावो होति । येसं रूपानं परिच्छेदो, तत्थेव तेसं परिच्छेदभावेन लब्धतीति वुत्तं “परिच्छिन्नरूपपट्टानो”ति ।

६८९-९१. रूपस्सलहुतादित्तयनिद्वेसेति रूपस्सलहुता रूपस्समुदुता रूपस्सकम्मज्जताति इमस्स रूपलहुतादित्तयस्स निद्वेसे सम्पत्ते इदं वुच्चतीति अधिष्ठाया। **हेट्ठा वुत्तनयेनेवाति** अरूपस्स लहुतादीसु “कायलहुभावो कायलहुता”तिआदिना वुत्तनयानुसारेनेव “रूपस्स लहुभावो लहुता”तिआदिना रूपसम्बन्धीभावेन रूपविकारापि विज्जातब्बा। रूपस्स लहुभावो लहुता, सा रूपस्स गरुभाववूपसमलक्खणा, गरुभावनिम्मद्वनरसा, अदन्धतापच्चुपट्टाना, लहुरूपपदट्टाना। रूपस्स मुदुभावो मुदुता, सा रूपस्स थद्धभाववूपसमलक्खणा, थद्धभावनिम्मद्वनरसा, सब्बकिरियासु अविरोधितापच्चुपट्टाना, मुदुरूपपदट्टाना। रूपस्स कम्मज्जभावो कम्मज्जता, सा रूपस्स अकम्मज्जभाववूपसमलक्खणा, अकम्मज्जभावनिम्मद्वनरसा, सरीरकिरियासु अनुकूलभावपच्चुपट्टाना, कम्मज्जरूपपदट्टानाति। अत्थो पनेत्थ तत्थ तत्थ अम्हेहि वुत्तानुसारेन वेदितब्बो। इमा पन तस्सो रूपानं विकारभावतो “रूपविकारा”ति वुच्चन्तीति दस्सेतुं “**तिस्सो... पे०... विभाविना**”ति वुत्तं।

यथाक्कमं पनेता रूपस्स दन्धत्तकरधातुक्खोभपटिपक्खपच्चयसमुद्वाना, थद्धत्तकरधातुक्खोभपटिपक्खपच्चयसमुद्वाना, रूपानं सरीरकिरियासु अननुकूलभावकरधातुक्खोभपटिपक्खपच्चयसमुद्वानाति वेदितब्बं। तत्थ **धातुक्खोभोति** वातपित्तसेम्हपकोपो, रसादिधातूनां वा विकारावत्था, द्विधा वुत्तापि अत्थतो पथवीधातुआदीनंयेव विकारोति दट्ठब्बं। पटिपक्खपच्चया सप्पायउतुआहाराविक्षिप्तचित्तता, सा च तंतंविकारस्स विसेसपच्चयभावतो वुत्ता, अविसेसेन पन सब्बेसं पच्चया, तथा हि ते कदाचिपि अज्जमज्जं न विजहन्ति। तथा अविजहन्तानं पन दुब्बिजानीयं नानत्तन्ति तंपकासनत्थं “**एतास**”न्तिआदि वुत्तं। कमतोव निदस्सनन्ति सम्बन्धो। लहुताय हि **अरोगी निदस्सनं**, मुदुताय **मद्वितचम्मं**, कम्मज्जताय **सुधन्तसुवण्णं**।

ननु चेत्थ अरोगिनो ताव निदस्सनं युत्तं तस्स इन्द्रियबद्धसन्तानत्ता, सुपरिमद्वितचम्मसुधन्तसुवण्णानं पन कथं। न हि अनिन्द्रियबद्धरूपसन्ताने लहुतादीनि सम्भवन्ति तथा धातुक्खोभपटिपक्खपच्चयाभावतो? सच्चं, मुदुकम्मज्जसदिसरूपनिदस्सनमत्तमेतं, न पन तत्थ इधाधिप्पेतमुदुताकम्मज्जतासभावतो। यदि एवं, कथं तूलपिचुआदीसु लहुभावादिकन्ति? न तत्थ परमत्थतो लहुभावादिकं अत्थि, गरुभावादिहेतूनां पन अभावतो तत्थ लहुभावादिवोहारो।

कम्मं कातुं न सक्कोति एकन्तेन तासं पच्चुप्पन्नपच्चयापेक्खत्ता, इतरथा सब्बदाभाविनीहि लहुतादीहि भवितब्बं सियाति। **अदन्धतालक्खणाति** अगरुभावलक्खणा। गरुभावस्स विनोदनं खिपनं अपनयनं किच्चमेतिस्साति **गरुभावविनोदनरसा**। किञ्चापि हि अयं रूपानं गरुभावं विनोदेतुं न सक्कोति, गरुरूपपटिपक्खानं पन अदन्धरूपानं विकारत्ता “जाति नं उप्पादेती”तिआदीसु विय परियायेन गरुभावं विनोदेति नाम। तस्सज्हि विज्जमानायं उप्पन्नरूपानं अगरुभावोयेवाति। एस नयो **मुदुताकम्मज्जतासु**। चेतसिकलहुतादयो पन अत्तनो अत्तनो पच्चनीकानं तंतंअकुसलधम्मानं विद्धंसकभावेन पवत्तन्तीति विकारमत्तभावतो निप्परियायेनेव तासं तंकिच्चता लब्धतीति दट्ठब्बं। **लहुपरिवत्तितपच्चुपट्टानाति** अदन्धस्स अरोगीपुरिसस्स अपरापरं सङ्गन्ति परिवत्तनं विय अदन्धपरिवत्तनं हुत्वा पच्चुपट्टानाति अत्थो। यस्स रूपस्स लहुता, तत्थेव विकारभावेन उपलब्धनतो **लहुरूपपदट्टाना**। एवमितरासुपि। **अथद्धताति** अकथिनता। अत्तनो मुदुभावेनेव सब्बकिरियासु अवरुद्धा हुत्वा पच्चुपट्टातीति **अविरोधितापच्चुपट्टाना**। मुदु हि कत्थचि न विरुज्जाति। तीसुपि ठानेसु पटिपक्खत्थे अ-कारो। दन्धतादिहेतूनां पटिपक्खसमुद्वानत्ता लहुतादीनन्ति केचि। अपरे पन सत्तापटिसेधेति वदन्ति। सरीरेन कत्तब्बकिरियानं अनुकूलतासङ्गातो कम्मज्जभावो लक्खणमेतिस्साति **सरीरकिरियानुकूलकम्मज्जभावलक्खणा**। अकम्मज्जं दुब्बलं नाम होतीति कम्मज्जता **अदुब्बलभावपच्चुपट्टाना** वुत्ता।

६१२. रूपानमाचयो योतिआदीसु यो निष्फन्नरूपानं आदितो चयो, यथापच्चयं ततो ततो आगतस्स विय चयोति वा आचयसङ्घातो रूपानं पठमुप्पादो वड्ढि च, सो **उपचयो**ति उद्देसे वुत्तो “उपज्जत्तं उपसित्तं”न्तिआदीसु विय उप-सदस्स पठमूपरिअत्थदस्सनतो । या पन **तेसं**येव रूपानं **अनुप्पबन्धता** अनुप्पबन्धवसेन पवत्ति, सा **सन्तती**ति **पवुच्चति** । पटिसन्धिक्खणे हि रूपुप्पत्तिआदिचयभावतो आचयो नाम, ततो परं याव सत्तरसमचित्तुप्पादा वड्ढिभावतो उपचयो नाम । तदा हि रूपस्स कम्मचित्तउतूहि चयोयेव, न हानि । अथ वा याव आहारसमुद्धान रूपुप्पादो, चक्खादिउप्पादो वा, ताव उपचयो नाम, ततो परं पन चुतिपरियोसानं सन्तति नाम । एवञ्च कत्वा —

“यो आयतनानं आचयो, सो रूपस्स उपचयो । यो रूपस्स उपचयो, सा रूपस्स सन्तती”ति (ध० स० ६४१-६४२) —

एवं उपचयसन्ततीनं अत्थतो नानत्ताभावदीपनत्थं वुत्ताय **पाळिया अट्ठकथायं** —

“आचयो नाम निब्बत्ति, उपचयो नाम वड्ढि, सन्तति नाम पवत्ती”ति वत्वा “नदीतीरे खतकूपस्मिज्झि उदकुग्गमनकालो विय आचयो निब्बत्ति, परिपुण्णकालो विय उपचयो वड्ढि, अज्झोत्थरित्वा गमनकालो विय सन्तति पवत्ती”ति (ध० स० अट्ठ० ६४१; विसुद्धि० २.४४४) —

उपमा वुत्ता । “रूपानमाचयो”ति चेत्थ बहुवचननिद्देसेन उप्पादो नाम उपज्जमानानं विकारो । विकारत्ते च सति अत्तनो विकारवन्तधम्मभेदभिन्नत्ता एकक्खणेपि उपज्जमानानं बहूनम्मि रूपानं विसुं विसुंयेव उप्पादविकारभावो, न पिण्डस्सेवाति दीपितं होति । न केवलञ्च रूपानमेव उप्पत्ति ईदिसी, अथ खो अरूपधम्मानम्मि उप्पादो रूपारूपधम्मानं जरता, अनिच्चता, रूपस्स लहुमुदुकम्मज्जता चाति दट्ठब्बं ।

६१३. जातिरूपन्ति दीपितं अट्ठकथासु उभयस्सपि रूपुप्पादसभावत्ताति अधिप्पायो । यदि एवं, कस्मा विभज्ज वुत्तं? भगवता तथेव देसितत्ता । भगवतापि कस्मा तथा देसितन्ति आह “**वुत्तमाकारनानत्ता**”तिआदि । आकारनानत्तं हेट्ठा विभावितमेव । अक्खरस्स पठमुप्पत्ति उपचयो, पुनप्पुनं उप्पत्ति सन्तति । एवं तिसमुद्धानरूपानम्मि दट्ठब्बन्ति एवं तेसं आकारनानत्तं वण्णेन्ति । **वेनेय्यानं वसेन वा**ति तदा किर सोतूनं एवं चित्तं उप्पन्नं, अयं जाति सब्बेसं धम्मानं पभवो, सयं पन न कुतोचि जायति, यथा तं “**पकतिवादीनं पकती**”ति । तेसं मिच्छागाहं विधमेन्तो “जाति नाम न अज्जा, उपचयसन्ततिवसेन ठिता रूपुप्पत्तियेव पन तथा वुच्चति, सा च यस्स उप्पादो, तस्स पच्चयेहेव जातपरियायं लब्भती”ति दस्सनत्थं उपचयो सन्ततीति द्विधा भिन्दित्वा देसेतीति आचरिया ।

पुब्बन्ततो पुब्बकोट्टासतो, अनागतभावतोति अत्थो । उपज्जमाने रूपधम्मे उप्पादो अनागतक्खणतो उम्मुज्जापेन्तो विय होतीति वुत्तं “**उम्मुज्जापनरसो**”ति । “इमे रूपधम्मा सम्पटिच्छथ ने”ति निव्यातेन्तो विय गय्हातीति वुत्तं “**निव्यातनपच्चुपट्टानो**”ति । **परिपुण्णभावपच्चुपट्टानता** उपरि चयो उपचयोति इमस्स अत्थस्स वसेन वेदितब्बा । यथा उप्पादक्खणप्पत्तं उप्पन्नं नाम होति आदिकम्मे तप्पच्चयवसेन, एवं उप्पादक्खणगतं उपचित्तं नाम होतीति वुत्तं “**उपचितरूपपट्टानो**”ति ।

पवत्तिलक्खणाति अनुप्पबन्धतो उप्पत्तिवसेन पवत्तमानरूपानं पवत्तनन्ति लक्खितब्बा । **अनुप्पबन्धनरसा**ति पुब्बापरवसेन अनुप्पबन्धनकिच्चा । असति हि उप्पादे पुब्बापरवसेन अनुप्पबन्धो न सिया । अनुप्पबन्धरसत्तायेव

अनुपच्छेदवसेन गहेतब्बतो आह “अनुपच्छेदपच्चुपट्टाना”ति । पुब्बापरवसेन घटितरूपेसु उपलब्धनतो वुत्तं “अनुपबन्धरूपपदट्टाना”ति ।

६९४. जीरणन्ति जिण्णभावो, अभिनवभावहानीति अत्थो ।

पाकटा रूपधम्मेषु खण्डिच्चादिभावेन दन्तादीसु विकारदस्सनतो, इतरा तदभावतो **अपाकटा** । कामं रूपधम्माम्पि खणिकजरा पटिच्छन्ना एव, या “अवीचिजरा”ति वा वुच्चति । अरूपधम्माम्पि पन जराय सुदु पटिच्छन्नभावदस्सनत्थं “पाकटा रूपधम्मेषु”ति अविसेसेन वुत्तं । खण्डिच्चादिविकारो पन खणिकजराय नत्थि । रूपपरिपाको रूपधम्माम्पि जिण्णता, जरं पत्तस्स भङ्गो अवस्संभावीति वुत्तं “उपनयनरसा”ति, भङ्गुपनयनकिच्चाति अत्थो ।

सभावानपगमेपीतिकक्खल्लादिसभावानपगमेपि, ठितिकखणे हि जरा नाम, न च तदा धम्मसभावं विजहति । नवभावो उप्पादावत्था, तस्सा अपगमभावेन गह्णीति आह “नवभावापगमपच्चुपट्टाना”ति । **वीहिपुराणभावो** वियाति वीहिभावानपगमेपि अभिनवभावापगमनकरो वीहिपुराणभावो विय । वीहिपुराणभावो सव्भावत्थानि अपनेति, अयं पन केवलं उप्पादावत्थमेव अपनेति । परितो सब्बतो भिज्जनन्ति लक्खितब्बाति **परिभेदलक्खणा** । निच्चं नाम धुवं, रूपं पन खणभङ्गिताय न निच्चन्ति अनिच्चं, तस्स भावो **अनिच्चता** । सा पन ठितिप्पत्तरूपं ठितियमेव विनासनभावेन संसीदेन्ती विय होतीति **संसीदनरसा** । यस्मा च सा भङ्गभावतो खयवयाकारेणैव गह्णीति, तस्मा वुत्तं “खयवयभावपच्चुपट्टाना”ति । अनुक्कमेन विनासो **खयो** नाम, दीपवट्टिकाय सह तेलस्स विय सह निरोधो **वयो**ति वदन्ति ।

६९६-७. **समोधानतो**ति रासितो । **केची**ति अभयगिरिवासिनो । मिद्धरूपस्स वदनसीला, मिद्धवादो वा एतेसन्ति **मिद्धवादिनो** । **मिद्धरूपं** नामाति उत्तुचित्ताहारवसेन तिसमुट्ठानं मिद्धं नाम रूपं । ते पटिक्खितत्वाति सम्बन्धो । कथं पटिक्खितत्वाति आह “मुनीसी”तिआदि । **नत्थि नीवरणा**ति सोतापत्तिमग्गेन विचिकिच्छानीवरणस्स, अनागामिमग्गेन कामच्छन्दब्यापादकुक्कुच्चनीवरणानं, अरहत्तमग्गेन थिनमिद्धनीवरणानञ्च पहीनत्ता । अयज्हेत्थ अधिप्पायो — यदि मिद्धं रूपं सिया, अप्पहातब्बं भवेय्य । रूपक्खन्धो अभिज्जेय्यो परिज्जेय्यो न पहातब्बो न भावेतब्बो न सच्छिकातब्बो । “कतमे धम्मा नेवदस्सनेननभावनायपहातब्बा । चतूसु भूमीसु कुसलं, चतूसु भूमीसु विपाको, तीसु भूमीसु किरियाब्याकतं, रूपञ्च निब्बानञ्च, इमे धम्मा नेवदस्सनेननभावनायपहातब्बा”ति (ध० स० १४०७) वचनेन रूपधम्माम्पि पहानाभावतो । एवञ्च सति तस्स नीवरणभावो विरुज्जेय्य नीवरणानं पहातब्बत्ता । न हि नीवरणानं अप्पहातब्बत्ते —

“या मे कङ्गा पुरे आसि, तं मे अक्खासि चक्खुमा ।

अद्धा मुनीसि सम्बुद्धो, नत्थि नीवरणा तवा”ति ॥ (सु० नि० ५४६) —

नीवरणप्पहानेन भगवतो थोमनं युज्जेय्य । यदि सिया, “रूपं, भिक्खवे, न तुम्हाकं, तं पजहथातिआदिवचनतो (म० नि० १.२४७; सं० नि० ३.३३-३४) रूपस्स पहातब्बतापि पज्जायतीति? तं न, तब्बिसयछन्दरागप्पहानस्स तत्थ अधिप्पेतत्ता । तेनाह भगवा “यो, भिक्खवे, रूपे छन्दरागविनयो, तं तत्थ पहान”न्ति । न च पनेतं न सक्का वत्तुं एत्थापि “तब्बिसयछन्दरागप्पहानवसेनेव वुत्त”न्ति साधकवचनभावतो, कामच्छन्दादीनं तत्थ पहानस्स अनधिप्पेतत्ता च, तस्मा “नत्थि नीवरणा तवा”तिआदिवचनेहि विरुज्जनतो न मिद्धं रूपन्ति ।

यदि पन परो दळ्हमूळहग्गाहिताय तंविषयछन्दरागप्पहानवसेनेव नीवरणप्पहानं अधिप्पेतन्ति सक्कावं ओडुय्य, तस्स तन्निसेधनत्थं पुन थिनमिद्धनीवरणस्स अविज्जानीवरणेन सह सम्पयोगवचनञ्च आहरन्तो आह

“थिनमिद्धनीवरण”न्तिआदि । थिनमिद्धनीवरणञ्चेव अविज्जानीवरणञ्च नीवरणेन सम्पयुत्तन्ति सम्बन्धो । इदं वुत्तं होति — “चतूहि सम्पयोगो”ति (धातु० ३) वचनतो अरूपधम्मानमेव अञ्जमञ्जस्स सम्पयोगो लब्धति, न रूपधम्मानं अञ्जमञ्जं अरूपेन वा, तस्मा यदि मिद्धं रूपं सिया, न तं सम्पयोगवचनमरहतीति । अथ सिया — यथालाभवचनमेत्थ सक्का विज्जातुं, “सक्खरकथलम्पि मच्छगुम्बम्पि चरन्तम्पि तिट्ठन्तम्पी”तिआदीसु (दी० नि० १.२४९) विय । यथा हि “सक्खरकथलिकं मच्छगुम्बम्पि चरन्तम्पि तिट्ठन्तम्पी”तिआदीसु सक्खरकथलिकस्स चरणायोगतो मच्छगुम्बापेक्खाय चरणं, उभयापेक्खाय ठानन्ति एवं यथालाभो योजीयति, एवमिधापि थिनापेक्खाय सम्पयोगवचनं, उभयापेक्खाय नीवरणवचनन्ति? तम्पि न, रूपभावस्सेव असिद्धत्ता । सिद्धे हि रूपभावे असम्भवतो यथालाभयोजना युज्जेय्याति । एतकेनेव मिद्धस्स अरूपभावे सिद्धेपि यथा द्विक्खत्तुं बन्धं सुबन्धं होति, एवमनेकसुत्तसाधितं अप्पधंसियं होतीति **पट्टानप्पकरणे** “नीवरणं धम्मं पटिच्च...पे०... पच्चया”ति (पट्टा० ३.८.८) इमस्स विभङ्गे “अरूपे... पे०... उप्पज्जती”ति (पट्टा० ३.८.८) वुत्तं अरूपभवुप्पत्तिम्पि आहरन्तो आह **“महापकरणपट्टाने”**तिआदि । ज्ञाननिकन्तिआदीनम्पि धम्मतो लोभादिभावतो कामच्छन्दनीवरणादीहि अभिन्नत्ता वुत्तं **“कामच्छन्दनीवरण”**न्तिआदि ।

एत्थ सिया — “पञ्चिमे, भिक्खवे, आवरणा नीवरणा”तिआदीसु (अ० नि० ५.५१) थिनमिद्धस्स नीवरणभावेन एकतो आगतत्ता इधापि “थिनमिद्धनीवरण”न्ति एकतो वुत्तं, थिनमेव च पन अरूपभवे उप्पज्जति थिनमिद्धन्ति? तयिदमसारं, कुक्कुच्चस्स न गहितत्ता । यदि हि एकतो गहितमत्तेनेव इधापि एकतो गहणं सिया, कुक्कुच्चस्सपि तत्थ एकतो वुत्तस्स इध गहणं सम्भवेय्य, न च पनेवं अत्थि उद्धच्चनीवरणन्त्वेव वुत्तत्ता, तस्मा न तस्स अरूपभवुप्पत्तिं सक्का पटिबाहितुन्ति । आदि-सद्देन “केवलो हायं, भिक्खवे, अकुसलरासि, यदिदं पञ्च नीवरणा (अ० नि० ५.५२), इमे पञ्च नीवरणे पहाय, विगतथिनमिद्धोति तस्स थिनमिद्धस्स चत्तत्ता वन्तत्ता मुत्तत्ता पहीनत्ता पटिनिस्सट्ठत्ता, तेन वुच्चति विगतथिनमिद्धोति, इदं चित्तं इमम्हा थिनमिद्धम्हा सोधेति विसोधेति परिसोधेति मोचेति विमोचेति परिमोचेति वा”ति (विभ० ५५१) एवमादिं पाळिं सङ्गण्हाति ।

यदिपि सिया दुविधं मिद्धं रूपं, अरूपञ्च । तत्थ यं अरूपं, तं नीवरणेसु देसितं, न रूपन्ति? तम्पि न, विसेसवचनाभावतो । न हि विसेसेत्वा मिद्धं नीवरणेसु देसितं “यदपि, भिक्खवे, थिनं, तदपि नीवरणं, यदपि मिद्धं, तदपि नीवरणं, थिनमिद्धं नीवरणन्ति इति हिदं उद्देसं आगच्छती”ति अविसेसेन वुत्तत्ता, तस्मा मिद्धस्स दुविधतं परिकप्पेत्वापि न सक्का नीवरणभावं निवत्तेतुं । सक्का हि वत्तुं यं तं अरूपतो अञ्जं मिद्धं परिकप्पितं, तम्पि नीवरणं मिद्धसभावत्ता इतरं नीवरणं वियाति । यदि मिद्धस्स रूपभावं न सम्पटिच्छथ, कथं भगवतो निद्वा होति, ननु मिद्धस्स “निद्वा पचलायिका”तिआदिना विभङ्गे वुत्तत्ता निद्वाभावो सिद्धोति? नयिदमेवं, इत्थिलिङ्गादीसु विय निद्वाहेतुनो मिद्धस्स निद्वाभावेन विभत्तत्ता । एवम्पि निद्वाहेतुनो मिद्धस्स अभावतो कथं भगवतो निद्वाति चे? सा भगवतो नत्थीति न सक्का वत्तुं “अभिजानामि खो पनाहं अग्गिवेस्सन...पे०... दिवा सुपिता”तिआदिवचनतो (म० नि० १.३८७) न निद्वा भगवतो मिद्धेन, अथ खो सरीरगेलञ्जेन, तञ्च भगवतो नत्थीति न सक्का वत्तुं “पिट्ठि मे आगिलायति, तमहं आयमिस्सामी”ति (म० नि० २.२२; सं० नि० ४.२४३) वचनतो । न चेत्थ एवमवधारणं दट्ठब्बं “मिद्धमेव निद्वाहेतू”ति, तस्मा अञ्जोपि अत्थि निद्वाहेतु । को पन सोति? सरीरगेलञ्जं, तस्मा न भगवतो निद्वा मिद्धहेतुकाति दट्ठब्बं ।

६९८. विसुं विसुं अभावं दस्सेत्वाति वायोधातुआदितो विसुं विसुं नत्थिभावं दस्सेत्वा । कथं पन सो दस्सितब्बोति आह **“वायोधातुया”**तिआदि । तत्थ कायबलं नाम अत्थतो वायोधातुया पवत्तिआकारविसेसो तस्सा विप्फारभावतो । यतो बालानं बलन्ति वदन्तीति वुत्तं **“वायोधातुया गहिताय बलरूपं गहितमेवा”**ति । सम्भवो कामधातुयं एकच्चसत्तानं

इन्द्रियपरिपाकपच्यो आपोधातुया पवत्तिआकारविसेसोति आह “आपोधातुया सम्भवरूप”न्ति । गहिताय गहितमेवाति सम्बन्धो । उपचयसन्ततिविनिमुत्तो रूपुप्पादो नत्थि, उप्पादावत्थाय च अज्जा जाति नाम नत्थेवाति वुत्तं “उपचयसन्ततीहि जातिरूप”न्ति । कम्मसमुद्धानस्सपि रोगस्स विसभागपच्ययसमुप्पन्नो धातुक्खोभो आसन्नकारणं, पगेव इतरस्स । सो अत्थतो रूपधम्मनं पाकावत्था ठितिभङ्गक्खणेसु एव सियाति वुत्तं “जरताअनिच्चतादीहि रोगरूपं गहित”न्ति ।

६९९-७०४. रूपानि समुद्दहन्ति जायन्ति एतेहीति रूपसमुद्धानानि । कानि पन तानीति आह “उतुचित्ताहारकम्मानी”ति ।

आहारो रूपहेतुयोति एत्थ इति-सद्दो पक्खिपितब्बो, कम्मं, उतु च चित्तञ्च आहारोति इमे रूपहेतुयोति । रूपहेतुयोति च रूपस्स जनकपच्ययाति अत्थो । तेनाह “एतेहेवा”तिआदि । एकमेकंयेव समुद्धानं एतेसन्ति एकसमुद्धाना । ननु एकतो एव पच्यतो पच्ययुप्पन्नस्स उप्पत्ति नत्थीति? सच्चं नत्थि, रूपजनकपच्ययेसु एकतोति अयमेत्थ अभिसन्धि । अट्ठिन्द्रियानीति चक्खादीनि पञ्च, इत्थिपुरिसिन्द्रियद्वयं, जीवितञ्चाति अट्ठिन्द्रियानि । कायवचीविज्जत्तिवसेन विज्जत्तिद्वयं ।

द्वीहीति कोचि चित्तेन, कोचि उतुना चाति एवं द्वीहि । न हि एकस्सेव द्वे एकक्खणे पच्यया होन्ति । एवं सेसेसुपि । उतुआहार...पे०... कतन्ति एकेकं उतुना, आहारेन, चित्तेन चाति तीहि कतं । चतस्सो चापि धातुयोति चत्तारि महाभूतानि । तानि हि निस्सत्तनिज्जीवद्वेन धातूति वुच्चन्ति । कम्मादीहि चतूहि भवन्तीति चतुब्भवा । द्वेति जरता अनिच्चता ।

७०५-६. इदानीं मिस्सकसमुद्धानानिपि गहेत्वा तंतंपच्ययजातानं गणनपरिच्छेदं दस्सेतुं “कम्मेना”तिआदि वुत्तं । तत्थ अट्ठिन्द्रियानि वत्थु सुद्धट्ठकं सन्तत्यूपचयाकासाति वीसति कम्मजा । विज्जत्तिद्वयं सद्दो लहुतादित्तयं सुद्धट्ठकादयो एकादसाति सत्तरस चेतसा जायरे, चित्तजाति अत्थो । सद्दो लहुतादित्तयं सुद्धट्ठकादयो एकादसाति दसपञ्चेव पन्नरस उतुना जायरे । लहुतादित्तयं सुद्धट्ठकादयो एकादसाति चुदस आहारतो । जरताअनिच्चताहि ते अट्ठसट्ठि च होन्तेवाति सम्बन्धो ।

७०७-८. “जरता...पे०... समुद्धिता”ति वत्वा पुन तत्थ कारणं दस्सेतुं “जातस्सा”तिआदि वुत्तं । तत्थ जातस्स पाकभेदत्ताति जरताय जातधम्मस्स पाकत्ता, अनिच्चताय च भेदत्ताति अत्थो । इदं वुत्तं होति — जरताअनिच्चता नाम उप्पन्नधम्मस्स होन्ति, नो उप्पज्जमानस्स । यदि हि उप्पज्जमानस्स सियुं, तदा तासम्पि जायमानत्तपरियायो युज्जेय्य । उप्पन्नधम्मस्स पन जातितो परं इमासं सम्भवतो न जायन्तीति वत्तुं वट्ठतीति । यदि पन कोचि तेसम्पि जातभावे को विरोधोति पटिपज्जेय्य, तस्स तं दुग्गाहं विधमेन्तो आह “जायेय्यु”न्तिआदि । होन्तु नाम तेसम्पि पाकभेदा, तदापि को विरोधोति आह “न ही”तिआदि । पाको न परिपच्यतीति सम्बन्धो, एतेन न भिज्जतीति दीपितं होति । पक्कस्स हि भङ्गो नियतो । भेदो वा न च भिज्जतीति एत्थापि पाकभावोपि वुत्तोव । न हि अपक्कं भिज्जतीति, अज्जथा उप्पादभङ्गानं अनज्जत्तप्पसङ्गतो । नत्थि तन्ति पाकभेदानं पच्यनं भिज्जनं नत्थीति वुत्तमेवत्थं सङ्घिपित्वा आह ।

एत्तावता च किं वुत्तं होति? यदि जरताअनिच्चता केनचि पच्ययेन जायेय्युं, तदा उप्पन्नस्स नाम जराय, भङ्गेन च भवितव्वन्ति तेसं जरताअनिच्चतापि सियुं, न च पनेता उपलब्धन्ति । कस्मा? यस्मा न जरता अज्जजराय जीरति, भिज्जति

वा, न च भङ्गो अज्जेन भङ्गेन भिज्जति, जीरति वा, इतरथा सापि जरा अपराय जराय, भङ्गेन च जीरति, भिज्जति, सो च भङ्गो अज्जाय जराय, अज्जेन भङ्गेन जीरति, भिज्जतीति अनवद्वानप्पसङ्गतोति वुत्तं होति ।

७०९-१०. “जातस्सा”तिआदि निगमनं । अथ वा उत्तरि वत्तब्बचोदनाय फलठपनं । “सिया कत्थची”तिआदि परमतासङ्कनं । एत्थाति एतस्मिं “जरताअनिच्चताद्वयं न पच्चति, न भिज्जति वा”ति अधिकारे । रूपस्सूपचयोतीति इति-सद्दो आदिअत्थो, तेन “रूपस्स उपचयो सन्तती”ति वचनेनाति अत्थो । एवं पाकोपि पच्चतु, भेदोपि परिभिज्जतूति सम्बन्धो । अयं पनेत्थ अधिप्पायो — यथा कम्मादीहि उप्पज्जनकरूपनिद्देसे “कतमं तं रूपं उपादिन्नं? चक्खायतनं...पे०... कायायतनं इत्थिन्द्रियं पुरिसिन्द्रियं जीवितिन्द्रियं, यं वा पनज्जम्पि अत्थि रूपं कम्मस्स कतत्ता रूपायतनं...पे०... फोडुब्बायतनं आकासधातु रूपस्स उपचयो रूपस्स सन्तति कबळीकारो आहारो”तिआदिना (ध० स० ६५२) उपचयसन्ततीनं निद्विद्वत्ता जाति जायतीति दीपितं होति तस्सा अपरजातिया अभावेपि । एवं जराभङ्गानं अपरजराभङ्गाभावेपि जीरणं, भिज्जनञ्च सम्पटिच्छित्तब्बं, इतरथा जातियापि भेदना तदवत्थायेवाति ।

७११. “न चेवा”तिआदि यथासङ्कितपरमतस्स पटिक्खपनं । यदि जायतीति न विज्जातब्बं, एवञ्च सति निद्देसे कस्मा वुत्तन्ति आह “जायमानस्सा”तिआदि । इदं वुत्तं होति — असतिपि जातिया जायमानत्ते जायमानानं धम्मानं अभिनिब्बत्तिभावतो तस्सा तप्पच्चयभाववोहारो अनुमतोति तत्थ वुत्ता, न पन परमत्थतो जायमानत्ता । जायमानस्स हि अभिनिब्बत्तिमतं जाति, तस्मा असिद्धेन असिद्धसाधनमेतन्ति ।

७१२-७. “तत्था”तिआदिना पुनपि परमतासङ्कं कत्वा पटिक्खपति । तत्थ येसं धम्मानं या जाति, सा तप्पच्चयत्तवोहारं, अभिनिब्बत्तिसम्मुतिञ्च लभतेवाति सम्बन्धो । तत्थाति यथा लभतेव, तथा । यंतं-सद्दा हि अब्बभिचारितसम्बन्धा । तेसं धम्मानं पच्चया एतिस्साति तप्पच्चया, तस्सा भावो तप्पच्चयत्तं, तप्पच्चयत्तेन पवत्तो वोहारो तप्पच्चयत्तवोहारो, तं कम्मपच्चयभावादिवोहारन्ति अत्थो । अभिनिब्बत्तिसम्मुतिन्ति अभिनिब्बत्ति जायतीति एवं अभिनिब्बत्तिवसेन पवत्तसम्मुतिं । कम्मादिसम्भवन्ति कम्मादिचतुपच्चयसमुद्धानं । जनकानं पच्चयानं आनुभावक्खणुप्पादे अभावतोति सम्बन्धो । अयं पनेत्थ अत्थो — ये ते रूपानं जनकपच्चया, तेसं तदुप्पादनं पति अनुपरतब्बापारानं यो सो पच्चयूपलक्खणियो किच्चानुभावक्खणो, तदा जायमानानं धम्मानं विकारभावेन लब्भमानतं सन्धाय विनेय्यपुग्गलवसेन जातिया पच्चयतो जातत्तं अनुज्जातं ततो पुरे, पच्छा च अनुपलब्भमानत्ता, एवञ्च कत्वा वुत्तं “जातिया पन लब्भती”ति । जराभङ्गानं पन पच्चयानुभावक्खणतो उत्तरि ठितिभङ्गक्खणेषु लब्भमानत्ता न एवं अनुज्जातुं सक्काति, जातिया पन लब्भति सो वोहारोति अधिप्पायो । तप्पच्चयत्तवोहारन्तिआदिगाथाद्वयं निगमनवसेन वुत्तं ।

७१८-९. अथ किं इमाय गीवाकण्डूयाय, ननु वुत्तं भगवता सुत्तन्ते “जरामरणं, भिक्खवे, अनिच्चं सङ्गतं पटिच्चसमुप्पन्न”न्ति (सं० नि० २.२०), तस्मा कथमेतं वुच्चति, जरता अनिच्चता चेव न केहिचि समुद्धिताति यो वदेय्य, तस्स वितक्कं दस्सेत्वा पटिक्खपितुं “अनिच्च”न्तिआदि वुत्तं । कस्मा न वत्तब्बन्ति आह “सा हि परियायदेसना”ति । परियायदेसनत्तमेव विभावेतुं “अनिच्चान”न्तिआदि वुत्तं । तथा-सद्देन “सङ्गतान”न्ति सङ्गण्हाति ।

७२०-३. अनिच्चं सङ्गतञ्चाति च-सद्देन “पटिच्चसमुप्पन्न”न्ति सङ्गण्हाति । अयञ्हेत्थ अधिप्पायो — अनिच्चसङ्गतधम्मानं जरामरणत्ता तेसु सन्तेसु होति, असन्तेसु न होति । न हि अजातं परिपच्चति, भिज्जति वा, तस्मा तं जातिपच्चयत्तं सन्धाय “जरामरणं सङ्गतं पटिच्चसमुप्पन्नं, ततोयेव च अनिच्च”न्ति परियायेन सुत्ते आगतं । यथा विज्जत्तिआदीनं निप्परियायतो चित्तसमुद्धानताभावेपि चित्तजानं विकारत्ता चित्तसमुद्धानभावोति । विज्जत्तियो वियाति च

निदस्सनमत्तं दट्ठब्बं लहुतादीनम्पि चित्तजादिभावस्स परियायेनेव इच्छितत्ता । निप्परियायेन अट्टारसेव निष्फन्नरूपानि कम्मादिसमुद्धानानीति । तयन्ति जातिजराभङ्गसङ्घातानं लक्खणरूपत्तयं ।

खंपुप्फंवाति आकासकुसुमं विय । यथा आकासकुसुमं सब्बसो अजातत्ता नत्थि, एवमिदम्पि नत्थीति अत्थो । **निच्चं** वासङ्गतं वियाति यथा असङ्गतं निब्बानं केनचि असङ्गतत्ता निच्चं धुवं, एवमिदम्पि केनचि असङ्गतत्ता निच्चं सस्सतं वाति अत्थो । **नोभयं** पनिदन्ति इदं पन उभयम्पि खंपुप्फं विय नो नत्थि, न च निब्बानं विय असङ्गतं वाति अत्थो ।

निस्सयायत्तवुत्तितोति जायमानपरिपच्चमानभिज्जमानानं जातिआदिमत्तभावेन जायमानादिनिस्सयपटिबद्धवुत्तिता । तमेव निस्सयायत्तवुत्तितं समत्थेतुं **“भावे पथवियादीन”**न्तिआदि वुत्तं । अयं पनेत्थ सङ्खेपत्थो — पथवीआदीनं निस्सयानं भावे जातिआदित्तयं पज्जायति, तस्मा **नो नत्थि**, यस्मा च तेसं अभावे न पज्जायति, **तस्मा न निच्चन्ति** इममेव च अभिनिवेसं निसेधेतुं भगवता जातिया चतुजत्तं, जरामरणस्स च अनिच्चादिपरियायो वुत्तोति दट्ठब्बं ।

७२४-५. निष्फन्नानि नामाति **“रूपस्स परिच्छेदो, रूपस्स विकारो, रूपस्स लक्खण”**न्तिआदिना परिच्छेदादिभावं अतिक्कमित्वा अत्तनो कक्खळत्तादिना सभावेन परिच्छिज्ज गहेतब्बत्ता, अपरियायेनेव कम्मादिपच्चयेहि निष्फन्नत्ता वा निष्फन्नानि नाम । तब्बिपरीततो **अनिष्फन्ना** ।

सेसका अनिष्फन्नाति सुत्वा परो अनिट्ठं आपादेन्तो आह **“यदि होन्ती”**तिआदि । **“तेसमेवा”**तिआदिना पन तं पटिक्खिपति । कायविकारो कायविज्जत्ति नाम, वचीविकारो वचीविज्जत्ति नाम, छिद्वं विवरं आकासधातु नाम, लहुभावो लहुता नाम, मुदुभावो मुदुता नाम, कम्मज्जभावो कम्मज्जता नाम, निब्बत्ति उपचयो नाम, पवत्ति सन्तति नाम, जीरणाकारो जरता नाम, हुत्वा अभावाकारो अनिच्चता नामाति एवं तेसंयेव अट्टारसन्नं निष्फन्नरूपानं विकारभूतत्ता निष्फन्ना चेव सङ्घत्ता च, तेसंयेव च रूपानं विकारत्ता ते असङ्घत्ता नाम कथं भवेय्युं, निष्फन्ना चेव सङ्घत्ताति सम्बन्धं कत्वा यदि अनिष्फन्नरूपानं निस्सयभूता निष्फन्नरूपा सङ्घत्ता, तेसं पन विकारभूता कथं असङ्घत्ता नाम होन्तीति अत्थं वण्णेन्ति । तेसं अधिप्पायेन निष्फन्ना चेवाति व-कारो आगमसिद्धोति दट्ठब्बं ।

७२६-७. इत्थिभावो...पे०... वणिणताति फलठपनं । **“एवं सन्ते”**तिआदि चोदना । **“अज्जं पना”**तिआदि परिहारो । तत्थ **चक्खुकायपसादानं, एकत्तं उपपज्जतीति** चक्खुपसादे कायपसादभावस्स, कायपसादे चक्खुपसादभावस्स सम्भावतो पुरिमस्स फोटुब्बावभासनं, इतरस्स च रूपावभासनं होतीति चक्खुकायपसादानं एकीभावो भवेय्याति अत्थो । निदस्सनमत्तज्चेतं । सोतकायपसादादीनम्पि हि वुत्तनयेन एकत्तंयेवाति ।

७२८-३०. अज्जं पन अज्जस्मिं न चत्थीति ठपेत्वा अज्जमज्जाविनिब्भोगवसेन पवत्तिं अज्जं रूपं अज्जस्मिं रूपे परमत्थतो नेवत्थि भिन्ननिस्सयभावेन कलापन्तरगतत्ता । चक्खुपसादो हि दट्ठुकामतानिदानकम्मसमुद्धितभूतनिस्सितो, कायपसादो फुसितुकामतानिदानकम्मजभूतनिस्सितो । **असङ्करन्ति** असंकिण्णं । यदि एवं, न सब्बत्थ कायायतनादिकन्ति? तम्पि नत्थि परमत्थतो । विनिब्भुजित्वा हि नेसं नानाकरणं पज्जापेतुं न सक्का, तं दस्सेतुं **“अज्जमज्जाविनिब्भोगवसेना”**तिआदि वुत्तं । **अज्जमज्जा...पे०... पवत्तितोति** अज्जमज्जं सन्तानतो अविनिब्भुज्जनवसेन अविंसंसट्ठवसेन पवत्तनतो । अविनिब्भोगरूपवसेनाति पन अत्थो न होति । न हि चक्खुकायपसादानं एककलापगतअविनिब्भोगरूपा ठानन्तरं वत्तुं सक्काति । यथा रूपरसादीनं विवेचेतुं असक्कुण्येय्यताय अज्जमज्जब्यापिता वुच्चति, न च परमत्थतो रूपे रसो अत्थि । यदि सिया, रूपगगहणेनेव रसगगहणं गच्छेय्य । एवं कायायतनादीनम्पि परमत्थतो न सब्बत्थ अत्थिता, **“इदं एत्थ, इदं एत्था”**ति ठानन्तरं पन समयज्जुना केनचि न सक्का वत्तुन्ति । **अत्थि**

कायपसादोतीति इतिसद्वो “तस्मा”ति इमस्स अत्थे। तेनाह “तस्मा”ति। एवमुदीरितन्ति सब्बट्टानिकन्ति एवमुदीरितं।

७३१-२. लक्खणादिवसेनापीति यथावुत्तलक्खणरसपच्चुपट्टानपदट्टानवसेनापि। **धजानं ...पे०... गताति** पच्चवण्णानं नीलादिपच्चवण्णसुत्तमयानं एकमेकस्स वा एकेकवण्णवसेन धजानं छाया तेसं उपमतं उपमाभावं गता सम्पत्ताति अत्थो। केचि पन “छाया उपमा एतेसन्ति छायाउपमा, छायाउपमानं भावो छायाउपमता, तं गता एते धम्मा”ति वदन्ति। तं पन तेहि “छायाउपमतं गता”ति एत्थ बहुब्बीहि वसेनेव रस्सत्तन्ति मज्जमानेहि वुत्तं भवेय्यं। गाथाबन्धत्थं पन रस्सत्तन्ति दट्ठब्बं। “चतुत्थदू”ति आदीसु हि विभत्तिलोपम्पि कत्वा दस्सेन्तो आचरियो न ईदिसेसु ठानेसु व्यज्जने आदरं जनेति। यं पन “तेस”न्ति हेट्ठापदं, “धम्मान”न्ति उपरिपदं वा सम्बन्धितुं अनिच्छन्तोहि वुच्चति तत्थ “नानत्तं समुपागत”न्ति। तं एत्थ अकामापि सम्बन्धितब्बमेव। न हि नानत्तं समुपागतं तेसन्ति नापेक्खतीति। अथापि तत्थ “नानत्तं समुपागता”ति पाठं परिकप्पेय्युं, होतु ताव पोत्थकेसु अदिस्समानम्पि पाठं परिकप्पेत्वा तेसं तुट्ठि। अयं पनेत्थ अधिप्पायो — यथा पच्चवण्णानं धजानं एकतो कत्वा उस्सापितानं किञ्चापि छाया एकाबद्धा विय होति, अज्जमज्जं पन असम्मिस्साव, एवमेव इमे सब्बट्टानिकरूपा किञ्चापि एकाबद्धा विय होन्ति, लक्खणतो पन अज्जमज्जं भिन्नसभावा असम्मिस्सायेव। एककलापट्टापि हि लक्खणतो भिन्नसभावा, किं पन नानाकलापट्टाति।

७३३. अत्तनो पच्चयेहि लोके नियुत्तं, विदितन्ति वा लोकिक्कं, तस्स भावो **लोकिक्कत्तं**। हिनोति पतिट्ठहति सम्पयुत्तधम्मरासि एतेनाति हेतु, मूलट्टेन उपकारको लोभादिको च अलोभादिको च, तादिसो हेतु न होतीति **नहेतु**। अत्तनो पच्चयेहि सङ्कत्तं अभिसङ्कत्तन्ति **सङ्कत्तं**। आभवग्गा, आगोत्रभु वा सवन्तीति आसवा, सह आसवेहीति **सासवं**, आसवेहि आलम्बितब्बन्ति अत्थो। **पच्चयायत्तवुत्तितो**ति अत्तनो अत्तनो पच्चयाधीनप्पवत्तिताय सप्पच्चयत्ताति वुत्तं होति। निदस्सनमत्तमेतं। कामावचरत्ता अहेतुकत्ता हेतुविप्पयुत्तत्ता संयोजनियत्ता गन्थनियत्ता उपादानियत्ता ओघनियत्ता योगनियत्ता नीवरणियत्ता संकिलेसिकत्ता परामट्टत्ता अचेतसिकत्ता चित्तविप्पयुत्तत्ता न रूपावचरत्ता न अरूपावचरत्ता न अपरियापन्नत्ता अनिय्यानिकत्ता अनिच्चत्ताति एवमादिनापि कारणेन एकविधमेवाति।

७३४-८. एवं एकविधनयं दस्सेत्वा इदानि आदि-सद्देन सङ्गहितदुविधतादिनयं दस्सेतुं “**अज्झत्तिकबहिद्धा**”ति आदिना अज्झत्तिकदुकादयो आरब्धा। तत्थ अज्झत्तिकदुके ताव आहितो अहं मानो एत्थाति अत्ता, अत्तभावो, तं अत्तानं अधिकिच्च उद्दिस्स पवत्तत्ता अज्झत्ता, इन्द्रियबद्धधम्मा, तेसु भवानि, अत्तनि वा भवानि **अज्झत्तिकानि**। कामं अज्जेपि अज्झत्तसम्भूता अत्थि, रुळ्हीवसेन पन चक्खादीनेव “अज्झत्तिकानी”ति वुच्चन्ति। अथ वा “यदि मयं न होम, त्वं कट्ठकलिङ्गरूपमो भविस्ससी”ति वदन्ता विय अत्तभावस्स सातिसयं उपकारकानीति तानेव विसेसतो अज्झत्तिकनामं लभन्ति। **इन्द्रियानिन्द्रियाति** आधिपच्चट्टेन **इन्द्रियानि**, सेसं तदभावतो **अनिन्द्रियं**। तत्थ चक्खादीनं पच्चन्नं चक्खुविज्जाणादीसु अधिपतेय्यं तेसं पटुमन्दभावादिअनुवत्तनतो, इत्थिन्द्रियपुरिसिन्द्रियद्वयस्स इत्थिलिङ्गादिहेतुभावे, जीवितिन्द्रियस्स च सहजरूपानुपालनेति दट्ठब्बं। विसयविसयीभावतो घट्टनवसेन गहेतब्बत्ता **ओळारिक्कं**, तब्बिपरीतत्ता **सुखुमं**। **उपादिन्नन्ति** कम्मुना गहितं। कम्मनिब्बत्तज्झि “ममेतं फल”न्ति तेन कम्मुना गहितं विय होति।

एकादस...पे०... सप्पटिघन्ति चक्खुविज्जाणाविज्जेय्यत्ता सनिदस्सनत्ताभावतो अनिदस्सनं, अज्जमज्जं पतनवसेन पन पटिघसब्भावतो सप्पटिघं, उभयपटिक्खेपेन **अनिदस्सनअप्पटिघं**। **कम्मतो जातन्ति** एत्थ यं एकन्ततो कम्मसमुट्ठानं

अद्विन्द्रियानि, वत्थु चाति नवविधं रूपं । यच्च एकादसविधे चतुसमुद्धाने कम्मसमुद्धानं एकादसविधमेव रूपन्ति एवं वीसतिविधमपि कम्मतो उप्पज्जनतो **कम्मजं** । यच्च जातं, यच्च जायति, यच्च जायिस्सति, तं सब्बमपि “कम्मज”न्ति वुच्चति यथा “दुद्ध”न्ति । कम्मतो अज्जं अकम्मं, अकम्मतो जातं **अकम्मजं** । अज्जत्थे हि अयं अ-कारो । तेनाह “तदज्जपच्चयाजात”न्ति । कम्मतो अज्जपच्चयतो जातं, उतुचित्ताहारजन्ति अत्थो । चित्तजत्तिकादीनि वुत्तानुसारेण योजेतुं सक्काति न दस्सितानि ।

दिट्ठचतुक्के दट्ठब्बन्ति दिट्ठं । यं रूपायतनं अदक्खि, यच्च दक्खिस्सति, यच्च दक्खति, यच्च पस्सेय्य, तं सब्बं **दिट्ठं** नाम तंसभावानतिवत्तनतो यथा “इट्ठ”न्ति । एस नयो **सुतादीसुपि** । **दिट्ठं नाम रूपायतनं** चक्खुविज्जाणविज्जेय्यत्ता । **सुतं नाम सद्दायतनं** सोतविज्जाणविज्जेय्यत्ता । **मुतं नाम गन्धरसफोटुब्बायतनत्तयं** मुत्वा पत्वा गहेतब्बतो, पसादेन सह सम्बन्धनतो वा । तथा हेतं सम्पत्तग्गाहकविसयं वुत्तं । **विज्जातं नाम अवसेसं** केवलं मनोविज्जाणविज्जेय्यत्ता ।

द्वारज्जेव वत्थु चाति अत्तनिस्सितानं चक्खुविज्जाणादीनं, अज्जनिस्सितानं सम्पटिच्छनादीनञ्च पवत्तिमुखभावतो द्वारज्जेव अत्तनिस्सितानं आधारभावतो वत्थु च । **द्वारमेव हुत्वा न वत्थूति** केवलं कम्मद्वारभावतो द्वारमेव, तन्निस्सितस्स चित्तुप्पादस्स अभावतो न वत्थु । **वत्थुमेव हुत्वा न द्वारन्ति** मनोधातुमनोविज्जाणधातूनं निस्सयभावतो वत्थुमेव, चक्खादयो विय सपरनिस्सितानं पवत्तिद्वाराभावतो न द्वारं । सेसं एकवीसतिविधं रूपं वुत्तविपरियायतो **नेव द्वारं न वत्थु च । चतुत्थचतुक्केति** वत्थुचतुक्के । **ततियपदन्ति** “वत्थुमेव हुत्वा नेविन्द्रिय”न्ति पदं ।

७३९-४०. पुन पच्चविधन्ति सम्बन्धो । **चतुजन्ति** पकासितं चतूहियेव समुद्धानतो ।

चक्खुविज्जाणविज्जेय्यं रूपायतनं तेन गहेतब्बतो, न पन चक्खुविज्जाणेनेव विज्जेय्यतो । तथा हेतं आवज्जनादीहि चेव मनोद्वारिकजवनेहि च विज्जायतीति । एस नयो सोतविज्जेय्यादीसुपि । मनोविज्जाणविज्जेय्यं पन केवलं मनोविज्जाणेनेव विज्जातब्बं । न हि रूपादितो अज्जत्थ चक्खुविज्जाणादीनि पवत्तन्ति ।

छवत्थुअवत्थुभेदतोति छन्नं वत्थूनं, अवत्थुस्स च भेदतो । मनोधातुविज्जेय्यं रूपादिपच्चकं ।

मनायतनस्स अरूपत्ता, धम्मायतनस्स च एकदेसतो रूपत्ता आह “**आयतनभेदतो एकादसविध**”न्ति ।

७४३-५. अरूपभवे रूपुप्पत्तिया अभावतो, असज्जीभवस्स च रूपभवपरियापन्नत्ता वुत्तं “**कामरूपभवद्वये**”ति । **भुम्मवज्जेसूति** भुम्मदेवानं वज्जनं योनिविभागं पत्वा तेसं मनुस्ससदिसत्ता । **पुरिमा तिस्सोति** अण्डजजलाबुजसंसेदजयोनियो । ता हि यथावुत्तप्पभेदेसु न लब्धन्ति, तासञ्च पटिक्खेपेन पच्छिमा ओपपातिकयोनि अनुज्जाताति अत्थतो आपन्नमेव होतीति । तत्थ **निरयेति** उस्सदानमपि गहणतो अवीचिमहानिरये कीटपाणकानमपि सरीरं पच्छा वट्ठनकं हुत्वाव निब्बत्तति, निज्झामतण्हिकपेतानं निच्चातुरताय कामस्स अभावतो गम्भग्गहणं न होति, तस्मा अण्डजजलाबुजयोनियो तत्थ न सन्ति, आदित्तत्ता कुच्छियं गम्भं न पतिट्ठातीति केचि । निब्बत्तमानानञ्च पापकम्मनुभावेन महादुक्खस्स पत्तब्बताय महन्तेनेव सरीरेन भवितब्बन्ति संसेदजयोनिपि तेसं न होति, अग्गिजालाय सन्तप्पमानसरीरत्ता तेसं निब्बत्तकाले अल्लद्वाने पुप्फादीसु सम्भवाभावतो संसेदजता नत्थेवातिपि वदन्ति । तेन तेसं ओपपातिकाव योनीति आह “**निज्झामतण्हिके**”ति । अथ संसेदजओपपातिकयोनीनं को विसोति? संसेदजो ताव खुद्दकसरीरो हुत्वा पदुमगम्भादिं निस्साय निब्बत्तो कमेन वट्ठति । इतरो पन यत्थ यत्थ निब्बत्तति, तत्थ तत्थ परिच्छिन्नप्पमाणसरीरोव

सोळसवस्सुद्देसिको विय परिपुण्णङ्गपच्चङ्गो पातुरहोसि ।

सेसे गतित्तयेति ठपेत्वा देवगतिं, निरयगतिञ्च अवसेसमनुस्सपेततिरच्छानसञ्जिते गतित्तये । मनुस्सेसु हि केचि अण्डजापि होन्ति कुन्तपुत्तद्वेभातिकत्थेरा विय, केचि संसेदजापि होन्ति पदुमगब्भे निब्बत्तपोक्खरसातिब्राह्मणादयो विय, केचि ओपपातिकापि होन्ति अम्बपालिगणिकादयो विय । निज्झामतण्हिकावसेसपेता पन सब्बचतुप्पदपक्खिजातिदीघजातिआदयो सब्बेपि तिरच्छाना च चतुयोनिकावाति ।

७४६-७. गब्भे मातुकुच्छियं सेतीति गब्भसेय्यको, सोयेव रूपादीसु सत्तताय गब्भसेय्यकसत्तो । तस्स गब्भसेय्यकसत्तस्स । तिस रूपाणीति कायभाववत्थुदसकवसेन समतिस कम्मजरूपानियेव । तदा हि नेव चित्तजरूपमत्थि पटिसन्धिचित्तस्स रूपसमुट्ठापकत्ताभावतो, नापि उतुजं पुरिमुप्पन्नउतुनो अभावा । उतु हि ठानप्पत्तं रूपं समुट्ठापेति, न च आहारजं तस्मिं काये अज्झोहटस्स अभावतो, तस्मा कम्मसमुट्ठानानियेव तिस रूपानि पटिसन्धिक्खणे निब्बत्तन्ति, यानी “कललरूप”न्ति पवुच्चन्ति, परिपिण्डितानि च तानि जातिउण्णाय एकस्स अंसुनो पसन्नतिलतेले पक्खिपित्वा उद्धटस्स पग्घरित्वा अग्गे ठितबिन्दुमत्तानि अच्छानि विप्पसन्नानि पसन्नतेलबिन्दुसमानानि होन्ति । यथाहु —

“तिलतेलस्स यथा बिन्दु,
सप्पिमण्डो अनाविलो ।
एवं वण्णपटिभागं,
कललन्ति पवुच्चती”ति ॥ (विभ० अट्ठ० २६) ।

सभावस्सेवाति अवधारणेन अभावकस्स भावदसकाभावतो तिसरूपानं असम्भवं दीपेति । तेनाह “अभाव...पे०... कायवत्थुवसेन तू”ति । अभावगब्भसेय्यानन्ति इमिना अभावओपपातिकानं न एवन्ति दस्सेतीति केचि । पुब्बे सभावकगब्भसेय्यकस्स पन वत्वा ततो निवत्तनत्थं “अभावगब्भसेय्यकसत्तान”न्ति वुत्तन्ति दट्ठब्बं । पुब्बे गब्भसेय्यक-गहणेन अण्डजानम्पि गहणे इध विसुं वचनं गोबलीबद्धजायवसेनाति दट्ठब्बं, न पन तेसं अभावकभावनिवत्तनत्थन्ति । इतरथा हि वीसतिरूपानं वचनं विरुज्झति । अभावकभावो पनेत्थ अण्डजानं पकरणतो दट्ठब्बो । न हि गब्भसेय्यक-सद्धेन समासभूतं अभाव-सदं इध आनेतुं सक्काति ।

७४८. गहितागहणेनेत्थ, एकादस भवन्ति तेति एकस्मिं कलापे गहितरूपानं अपरकलापे अगगहणवसेन सुद्धट्ठकं, जीवितं, कायपसादो, वत्थुरूपन्ति अभावकस्स पटिसन्धिक्खणे एकादस रूपानि भवन्ति, सभावकस्स पन द्वीसु भावेषु एकेन सह द्वादस रूपानि होन्ति । एसेव च नयोति वुत्तेसु, वक्खमानेसु च पटिसन्धिक्खणिककलापेसु अगगहितगहणेन रूपगहणे नयो एसेव जेय्यो ।

७४९. ननु च “सब्बेसु दसकेसू”ति वुत्तं, कथं पन ते दसका जानितब्बाति आह “जीवितेना”तिआदि । सुद्धकमट्ठकन्ति चत्तारि महाभूतानि, तन्निस्सिता च वण्णगन्धरसओजाति इदं जीवितादिना असम्मिस्सं सुद्धट्ठकं । इमानियेव हि अट्ठ कत्थचि अविनिब्भोगवसेनपि पवत्तितो अविनिब्भोगरूपानि अवकंसतो एको कलापोति च वुच्चति । आचरियजोतिपालत्थेरेन पन “निप्फन्नानिप्फन्नवसेन दस रूपानि अविनिब्भोगवुत्तिकानि एको कलापो”ति वत्वा पुन तंसमत्थनत्थं इदं वुत्तं —

“अविनिष्भोगवृत्तीनि, चतुजानेकलक्षणानि ।
निष्फन्नानद्वं वा तेषु, हित्वान कायलक्षणं”ति ॥

७५०. कायदसकन्ति कायो दसमो एत्थाति कायदसकं, असाधारणेन वा कायेन लक्खितं दसकं कायदसकं । एस नयो चक्खुदसकादीसु । परियापुटं जातं, कथितन्ति वा अत्थो ।

७५२-३. कामावचरदेवेषु सब्बकालं पटिसन्धिपवत्तीसु सत्ततिया रूपानं लब्धनतो वुत्तं “निच्चं रूपानि सत्तती”ति । न हि ते कदाचिपि विकलिन्द्रिया, अभावका वा होन्ति । “मनुस्सेसु ओपपातिकसत्तान”न्ति अविसेसेन वुत्तेपि आदिकप्पिकानं भावदसकस्स पटिसन्धिकखणे अभावतो तेसं सट्ठि रूपानीति वेदितब्बं । जीवितनवकम्पि ओपपातिकानं, संसेदजानञ्च कामावचरसत्तानं पवत्तेयेव होति तस्स पाचकग्गिना सहवुत्तित्ता, तस्स च अज्झोहटाहारसन्निस्सयेन सम्भवतो । संसेदजानम्पि परिपुण्णङ्गपच्चङ्गानं निब्बत्तनतो ओपपातिकेहि विसेसो नत्थीति तेसं विसुं अग्गहणं । विभङ्गेपि हि —

“कामधातुया उपपत्तिकखणे कस्सचि एकादसायतनानि पातुभवन्ति, कस्सचि दसायतनानि, कस्सचि अपरानि दसायतनानि, कस्सचि नवायतनानि, कस्सचि सत्तायतनानि पातुभवन्ती”ति (विभ० १००९) —

इमस्स निद्देसे “ओपपातिकसत्तान”न्ति आदिना ओपपातिक-ग्गहणमेव कतं, न संसेदज-ग्गहणं । तञ्च परिपुण्णायतनानं संसेदजानं ओपपातिकेसु सङ्गणहनतो । तथा हि वुत्तं अट्ठकथायं “संसेदजयोनिका परिपुण्णायतनभावेन ओपपातिकसङ्गहं कत्वा वुत्ता”ति । पधानाय वा योनिया सब्बपरिपुण्णायतनयोनिं दस्सेतुं “ओपपातिकसत्तान”न्ति वुत्तं ।

७५४-५. चक्खुसोतवत्थुवसाति चक्खुदसकसोतदसकवत्थुदसकवसा । आनन्दाचरियो पनेत्थ “रूपधातुयं पटिसन्धिविज्जाणेन सह चक्खुसोतवत्थुसत्तकानं जीवितल्लक्खस्साति चतुन्नं कलापानं वसेन सत्तवीसति रूपानि उप्पज्जन्ति, तत्थ गन्धरसाहारानं पटिक्खित्तत्ता”ति वत्त्वा पुन तं समत्थेन्तो “पाळियज्झि ‘रूपधातुया उपपत्तिकखणे ठपेत्वा असज्जसत्तानं देवानं पज्जायतनानि पातुभवन्ति, पञ्च धातुयो पातुभवन्ती”ति (विभ० १०१५) वुत्तं । तथा ‘रूपधातुया छ आयतनानि नव धातुयो’ति (विभ० ९९४) सब्बसङ्गाहकवसेन तत्थ विज्जमानायतनधातुयो दस्सेतुं वुत्तं । कथावत्थुम्हि च घानायतनादीनं विय गन्धायतनादीनञ्च तत्थ भावो पटिक्खित्तो ‘अत्थि तत्थ घानायतनन्ति? आमन्ता । अत्थि तत्थ गन्धायतनन्ति? न हेवं वत्तब्बे’ति आदिना (कथा० ५२०) । न च अफोडुब्बायतनानं पथवीधातुआदीनं विय अगन्धरसायतनानं गन्धरसानं तत्थ भावो सक्का वत्तुं फुसितुं सक्कुण्येय्यताविनिमुत्तस्स पथवीआदिसभावस्स विय गन्धरसायतनभावविनिमुत्तस्स गन्धरसभावस्स अभावा । यदि च घानसम्फस्सादीनं कारणभावो नत्थीति तानि आयतनानीति न वुच्चेय्युं, धातुसद्वो पन निस्सत्तनिज्जीवविभावकोति गन्धधातुरसधातूति अवचने कारणं नत्थि । धम्मसभावो च नेसं एकन्तेन इच्छितब्बो सभावधारणादिलक्खणतो अज्जस्स अभावा । धम्मानञ्च आयतनभावो एकन्ततो यमके वुत्तो ‘धम्मो आयतनन्ति? आमन्ता’ति (यम० १. आयतनयमक.१३), तस्मा तेसं गन्धरसायतनभावाभावेपि कोचि आयतनभावो वत्तब्बो । यदि च फोडुब्बभावतो अज्जो पथवीआदिभावो विय गन्धरसभावतो अज्जो तेसं कोचि सभावो सिया, तेसं धम्मायतनसङ्गहो । गन्धरसभावे, पन आयतनभावे च सति गन्धो च सो आयतनञ्च गन्धायतनं, रसो च सो आयतनञ्च रसायतनन्ति इदमापन्नमेवाति गन्धरसायतनभावो च न सक्का निवारेतुं, ‘तयो आहारा’ति (विभ० १०१५) वचनतो कबळीकाराहारस्स तत्थ अभावो विज्जायति, तस्मा यथा पाळिया अविरोधो होति, तथा गन्धरसोजा हित्वा रूपगणना कातब्बा । एवज्झि धम्मता न विलोमता होती”ति वदति ।

आचरियजोतिपालधम्मपालत्थेरा पन तं पटिक्खिपन्ति । तथा च वुत्तं तेहि “रूपावचरसत्तानं घानजिक्कायतनाभावतो विज्जमानापि गन्धरसा आयतनकिच्चं न करोन्ती”ति, ते अनामसित्वा **पाळियं** “पञ्चायतनानि पातुभवन्ती”ति “छ आयतनानी”ति (विभ० ९९३-९९४) च आदि वुत्तं । “तयो आहारा”ति च अज्झोहरितब्बस्स आहारस्स अभावेन ओजड्डमकरूपसमुट्ठापनसङ्घातस्स आहारकिच्चस्स अकरणतो, न सब्बेन सब्बं गन्धरसानं, ओजाय च अभावतो । इति विसयिनो किच्चस्स अभावेन विसयो किच्चभावधम्मो न वुत्तो । यस्मिं भवे विसयी नत्थि, तस्मिं तंहेतुको निप्परियायेन विसयस्स आयतनभावो नत्थीति विज्जमानस्सापि अवचनं, यथा तत्थेव रूपभवे पथवीतेजोवायोधातूनं फोड्डब्बायतनभावेन । यस्स पन यत्थ वचनं, तस्स तत्थ विसयीसब्भावहेतुको निप्परियायेन आयतनभावो वुत्तो, यथा तत्थेव रूपायतनस्स । यदि विसयीसब्भावहेतुको विसयस्स निप्परियायेन आयतनभावो, कथमसज्जसत्तानं द्वे आयतनानि पातुभवन्ति । असज्जसत्तानज्हि चक्खायतनं नत्थि । अथ तदभावेन रूपायतनं अज्जेसं अविशयोति? नायं विरोधो । येन अधिप्पायेन रूपधातुयं सज्जीनं गन्धायतनादीनं अवचनं, तेन न रूपायतनस्सापि अवचनन्ति असज्जीनं एकं आयतनं न वत्तब्बं । यथासकज्हि इन्द्रियगोचरभावापेक्खाय येसं निप्परियायेन आयतनभावो अत्थि, तेसु निद्विसियमानेसु तदभावतो रूपधातुयं सज्जीनं गन्धादिके विसुं आयतनभावेन अवत्वा धम्मसभावानतिवत्तनतो, मनोविज्जाणस्स च विसयभावूपगमनतो धम्मायतनन्तोगधे कत्वा “पञ्चायतनानी”ति **पाळियं** वुत्तं । एतदत्थज्हि धम्मायतनन्ति सामज्जतो नामकरणं पिड्डिवट्टकानि वा तानि कत्वा “पञ्चायतनानी”ति वुत्तं । येन च पन अधिप्पायेन असज्जीनं रूपायतनं वुत्तं, तेन सज्जीनं, असज्जीनम्पि गन्धायतनादीनं विसुं गहणं कातब्बन्ति इमस्स नयस्स दस्सनत्थं “असज्जसत्तानं देवानं द्वे आयतनानि पातुभवन्ती”ति (विभ० १०१७) वुत्तं ।

असतिपि हि तत्थ अत्तनो इन्द्रियेसु रूपस्स वण्णायतनसभावातिक्कमो नत्थेवाति तं रूपायतनन्त्वेव वुच्चति । इमिना च नयदस्सनेन गन्धादीनि तीणि पक्खिपित्वा सज्जीनं अट्ठ आयतनानि, असज्जीनं पञ्चाति अयमत्थो दस्सितो होति । एवज्जेतं सम्पटिच्छितब्बं, अज्जथा रूपलोके फुसितुं असक्कुण्येयताय पथवीआदीनं ब्रह्मूनं वचीघोसो एव च न सिया । न हि पटिघट्टननिघंसनमन्तरेन सदप्पवत्ति अत्थि, न च फुसनसभावानं कत्थचि अफुसनसभावता सक्का विज्जातुं, फोड्डब्बायतनस्स च भूतत्तयस्स अभावे रूपभवे रूपायतनादीनम्पि सम्भवो एव न सिया, तस्मा फुसितुं सक्कुण्येयतायपि पथवीआदीनं तत्थ कायिन्द्रियाभावेन तेसं फोड्डब्बभावो न वुत्तो । एवज्ज कत्वा रूपधातुयं तेसं सम्पटिघतावचनज्ज समत्थितं होति । वुत्तज्हि “असज्जसत्तानं अनिदस्सनसम्पटिघं एकं महाभूतं पटिच्च...पे०... द्वे महाभूता”तिआदि ।

पटिघो च नाम भूतत्तयस्स कायपसादं पति तन्निस्सयभूतघट्टनं द्वारेन अभिमुखभावो, इध पन तंसभावता, सो च फुसितुं असक्कुण्येयभावो घट्टनाय अभावतो नत्थि । यदि तत्थ असतिपि विसयिम्हि रूपायतनम्पि गहेत्वा “द्वे आयतनानी”ति वुत्तं, अथ कस्मा गन्धायतनादीनि गहेत्वा “पञ्चायतनानी”ति न वुत्तन्ति? नयदस्सनवसेन देसना पवत्ताति वुत्तोवायमत्थो । अथ वा तत्थ रूपायतनस्सेव वचनं कदाचि अज्जभूमिकानं पसादस्स विसयभावं सन्धाय, न पन इतरेसं अभावतो, नापि परियायेन गन्धायतनादीनं आयतनभावाभावतो ।

असज्जीनज्हि रूपायतनं समानतलवासीनं वेहप्फलानं, उपरिभूमिकानज्ज सुद्धावासानं पसादस्स विसयभावं गच्छति, न पन गन्धरसाति तेसंयेव तत्थ अवचनं युत्तं । **कथावत्थुम्हि** च निप्परियायेन गन्धायतनादीनं अत्थिभावं परिजानन्तं सन्धाय पटिसेधो कतो । यदिपि चेतं वचनं तत्थ गन्धायतनादीनं अभावविभावनं न होति, अत्थिभावदीपनम्पि पन अज्जवचनं नत्थेवाति? नयिदमेवं अट्ठकथासु तत्थ तेसं अत्थिभावस्स निद्वारेत्वा वुत्तत्ता । यज्हि अट्ठकथावचनं पाळिया न विरुज्झति, तं पाळि विय पमाणभूतं अविगरहिताय आचरियपरम्पराय यावज्जतना आगतत्ता । तत्थ सिया “यं

पाळिया न विरुज्झति अट्ठकथावचनं, तं पमाणं, इदं पन विरुज्झती'ति? नयिदमेवं, यथा न विरुज्झति, तथा पटिपादितत्ता । चक्खादीनं आयतनानं, तन्निस्सयानञ्च विज्जाणानं सत्तसुज्जतासन्दस्सनत्थं भगवतो धातुदेसनाति आयतनभावेन वुत्तानयेव धातुभावदीपनतो धातुभावस्सापि तेसं अवचनं युज्जति एव, तस्मा यथा पाळिया अविरोधो होति, तथा चक्खुदसकादिवसेन इध रूपगणना कताति न एत्थ धम्मताविलोमनासङ्काय ओकासोति वेदितब्बन्ति ।

७५६. जच्चन्धबधिराति छन्दानुरक्खणत्थं दीघकरणं । न हि जच्चन्धबधिरअघानरहिते नपुंसके वत्थुकायजिह्वादसकवसेन इध तिसाति युज्जति, इदञ्च “ओपपातिकस्स जच्चन्धबधिरअघानरहिते नपुंसके जिह्वाकायवत्थुदसकानं वसेन तिस रूपानि उप्पज्जन्ती”ति अट्ठकथावादं गहेत्वा वुत्तं । आनन्दाचरियो पन तं “पाळिया न समेती”ति वत्वा पटिक्खिपति । तथा चाह “नेतं पाळिया समेती”ति । न हि पाळियं कामावचरानं संसेदजोपपातिकानं अघानकानं उप्पत्ति वुत्ता ।

धम्महृदयविभङ्गे हि —

“कामधातुया उपपत्तिक्खणे कस्सचि एकादसायतनानि पातुभवन्ति, कस्सचि दसायतनानि, कस्सचि अपरानि दसायतनानि, कस्सचि नवायतनानि, कस्सचि सत्तायतनानि पातुभवन्ती”ति (विभ० १००९) —

वुत्तं, न वुत्तं “अट्ठायतनानि पातुभवन्ती”ति । यदि हि अघानकस्सापि उपपत्ति सिया, तिक्खत्तुं “दसायतनानि पातुभवन्ती”ति वत्तब्बं सिया, तिक्खत्तुञ्च “नवायतनानि पातुभवन्ती”ति, न चेतं वुत्तं । यमके च घानजिह्वानं सहप्पवत्ति वुत्ताति तं उपपरिक्खित्वा गहेतब्बन्ति । अयञ्हेत्थ आचरियस्स अधिप्पायो — धम्महृदयविभङ्गपाळियञ्चि “एकादसा”ति परिपुण्णायतनस्स सद्दायतनवज्जानि एकादसायतनानि वुत्तानि, “कस्सचि दसायतनानी”ति अन्धस्स चक्खायतनवज्जानि, “अपरानि दसायतनानी”ति बधिरस्स सोतायतनवज्जानि, “नवायतनानी”ति अन्धबधिरस्स चक्खुसोतवज्जानि, “सत्तायतनानी”ति गब्भसेय्यकस्स रूपगन्धरसकायफोटुब्बमनधम्मायतनवसेन वुत्तं । यदि चक्खुसोतघानविकलोपि उप्पज्जेय्य, तस्स अट्ठेवायतनानि वत्तब्बानि सियुं, न च वुत्तं “अट्ठायतनानि पातुभवन्ती”ति, तस्मा नत्थेव चक्खुसोतघानविकलो । सति अघानकउपपत्तियं पुनपि “कस्सचि अपरानि दसायतनानि पातुभवन्ती”ति वत्तब्बं सिया । तथा च सति यथा अन्धबधिरस्स वसेन “कस्सचि नवायतनानि पातुभवन्ती”ति एकवारं वुत्तं, एवं अन्धाघानकस्स, बधिराघानकस्स च वसेन “कस्सचि अपरानि नवायतनानि, कस्सचि अपरानि नवायतनानी”ति वत्तब्बं सिया । कामभवे अजिह्वस्स सत्तस्साभावतो, घानजिह्वायतनानं सहप्पवत्तिवचनतो च तत्थेव कामधातुयं अघानकस्सासम्भवोति ।

जोतिपालत्थेरादयो पन “संसेदजस्स जच्चन्धबधिरअघानकनपुंसकस्स जिह्वाकायवत्थुदसकानं वसेन तिसरूपानि उप्पज्जन्तीति वुत्तं, न ओपपातिकस्स । धम्महृदयविभङ्गपाळियञ्च “उपपत्तिक्खणे”ति वुत्तत्ता ओपपातिकस्सेव वसेन नयो नीतो । यमकट्ठकथायञ्च वुत्तं ‘कामधातुयं अघानको ओपपातिको नत्थि । यदि भवेय्य, कस्सचि अट्ठायतनानि पातुभवन्तीति वदेय्या’ति, यम्पि धम्महृदयविभङ्गे ‘कामधातुया उपपत्तिक्खणे कस्सचि एकादसायतनानि पातुभवन्ती’ति आदीनं निद्देसे ‘ओपपातिकानं पेतान’न्ति आदिना ओपपातिक-ग्गहणमेव कतं, न पन संसेदज-ग्गहणं, तं परिपुण्णायतनानयेव संसेदजानं ओपपातिकेसु सङ्गहवसेन वुत्तन्ति वेदितब्बं । तथा हि वुत्तं अट्ठकथायं ‘संसेदजयोनिका परिपुण्णायतनभावेन ओपपातिकसङ्गहं कत्वा वुत्ता’ति, पधानाय वा योनिया सब्बं परिपुण्णायतनं योनिं सङ्गहेत्वा दस्सेतुं ‘ओपपातिकान’न्ति वुत्तन्ति च, तस्मा न कोचि पाळिविरोधो’ति वदन्ति ।

अपरे पनाहु — “कामधातुयं अघानको ओपपातिको नत्थि । यदि भवेय्य, कस्सचि अट्टायतनानि पातुभवन्तीति वदेय्याति इदं मनुस्सेसु संसेदजोपपातिकानं वसेन वुत्तं, ते परिपुण्णायतनाव । केसज्जि पन अघानककीटानं अत्थिभावतो अपायेसु संसेदजोपपातिके सन्धायेतं वुत्तं”न्ति वदन्ति । तं **आनन्दाचरियादीनं** मतेन पटिक्खेपारहमेवाति ।

७५७-८. उक्कंसस्सावकंसस्स अन्तरेति “सत्तती”ति वुत्तउक्कंसपरिच्छेदस्स, “तिंसा”ति वुत्तअवकंसपरिच्छेदस्स च मज्झे । **अनुरूपतो...पे०...** **विभाविनाति** जातिअन्धस्स सट्ठि रूपानि चक्खुदसकाभावतो, तथा बधिरस्स सोतदसकाभावतो, अन्धबधिरस्स पन पण्णास चक्खुसोतदसकाभावतोतिआदिना नयेन अज्जमज्जापेक्खाय परिपुण्णा **परिपुण्णानं रूपानं पाणीनं वसेन रूपानं समुप्पत्ति** विज्जातब्बाति अत्थो । यं पनेत्थ वत्तब्बं, तं वुत्तमेवाति ।

७५९-६०. एवं तीसु भवेसु पटिसन्धियं रूपप्पवत्तिं दस्सेत्वा इदानीं पवत्तियं दस्सेतुं “**सत्तवीसति रूपानी**”तिआदि वुत्तं । कामावचरसत्तस्स हि परिपुण्णायतनस्स असति अन्धबधिरादिपसादविधाते याव मरणचित्तस्स हेट्ठा सत्तरसमचित्तं, ताव सत्तवीसति रूपानि पवत्तन्ति । अपरिपुण्णायतनस्स पन जच्चन्धादिकस्स हेट्ठा वुत्तनयेन रूपानं हायनवड्डनानि वेदितब्बानि । ननु अट्ठवीसतियेव रूपानि कामभवे पवत्तन्तीति आह “**अप्पवत्तनतो**”तिआदि ।

घानं...पे०... न विज्जरेति कामविरागभावनावसेन गन्धादिग्गाहकेसु पसादेसु विरत्ता होन्तीति घानादित्तयं नत्थि । चक्खुसोतेसु पन अनुत्तरदस्सनादिअत्थं विरत्ता न होन्तीति तानि तेसं उप्पज्जन्ति । **भावद्वयं** कामरागूपनिस्सयत्ता न उप्पज्जति । केचि पन “लहुतादित्तयम्पि रूपभवे नत्थि दन्धत्तकरादिधातुक्खोभाभावतो । सति हि तादिसे धातुक्खोभे तप्पटिपक्खेहि लहुतादीहि भवितब्ब”न्ति वदन्ति, तं अकारणं । न हि वूपसमेतब्बपच्चनीकापेक्खो तब्बिरोधिधम्मुप्पादो । तथा सति सहेतुककिरियचित्तुप्पादेसु कायलहुतादीनं अभावो एव सिया, तस्मा पञ्चेव रूपानि सज्जीब्रह्मानं न उप्पज्जन्ति, अवसेसानि तेवीसति रूपानि उप्पज्जन्ति । असज्जीब्रह्मानं पन पञ्च पसादरूपानि, भावद्वयं, हृदयवत्थु, विज्जत्तिद्वयं, लहुतादित्तयन्ति तेरस रूपानि वज्जेत्वा अवसेसानि पन्नरस उप्पज्जन्ति ।

७६१. चतुसन्ततीति चतुन्नं पच्चयानं वसेन चतुसन्ततिरूपानि । **रूपे होन्ति तिसन्ततीति** ब्रह्मानं अनाहारभावेन आहारजरूपानं अभावतो तिससो सन्ततियो । **द्विसन्ततीति** चित्तजाहारजानं अभावतो द्वे सन्ततियो । **बहिद्धा एकसन्ततीति** कम्मजादीनं तिससन्नम्पि अभावतो उतुजसन्ततियेव ।

७६२-४. एवं पटिसन्धिपवत्तीसु रूपानं गणनपरिच्छेदं वत्वा इदानीं तत्थ नेसं उप्पत्तिक्कमं दस्सेतुं “**रूपं निब्बत्तमानं**”न्तिआदि वुत्तं । **सब्बेसन्ति** कामरूपभविकानं सब्बसत्तानं । **पटिसन्धिक्खणे पनाति** एत्थ दसकत्तयं होतीति पाठसेसो । तेनाह “**यथेवा**”तिआदि । पटिसन्धिक्खणे दसकत्तयं हेट्ठा वुत्तम्पि “**तज्ज खो सन्धिचित्तस्सा**”तिआदिकं विसेसं दस्सेतुं पुन वुत्तं । चित्तस्स तीसु खणेषु कम्मजरूपानं समुप्पत्तितो आह “**तथेवा**”तिआदि । **तिंस तिंसेवाति** तिंस तिंसेव कम्मजरूपानि ।

आनन्दाचरियो पन “चित्तस्स ठितिकखणमेव नत्थि, भङ्गक्खणे च रूपुप्पादो नत्थीति चतुसमुट्ठानिकानिपि रूपानि चित्तस्स उप्पादक्खणेयेव होन्ती”ति आह । वुत्तज्झि तेन — यो चेत्थ चित्तस्स ठितिकखणो वुत्तो, सो च अत्थि नत्थीति विचारेतब्बो । **चित्तयमके** हि “उप्पन्नं उप्पज्जमानं”न्ति (यम० २.चित्तयमक.८१) एतस्स विभङ्गे “भङ्गक्खणे उप्पन्नं नो च उप्पज्जमानं”न्ति (यम० २.चित्तयमक.८१) एतकमेव वुत्तं, न वुत्तं “ठितिकखणे भङ्गक्खणे चा”ति । तथा “न उप्पज्जमानं न उप्पन्नं”न्ति एत्थ “भङ्गक्खणे न उप्पज्जमानं नो च न उप्पन्नं”न्ति एतकमेव वुत्तं, न वुत्तं “ठितिकखणे भङ्गक्खणे चा”ति ।

एवं “न निरुद्धं न निरुज्झमानं”न्ति एतेसं परिपुण्णविस्सज्जने “उप्पादक्खणे अनागतञ्चा”ति वत्त्वा “ठितिक्खणे”ति अवचनं, अतिक्कन्तकालवारे च “भङ्गक्खणे चित्तं उप्पादक्खणं वीतिककन्त”न्ति (यम० २.चित्तयमक.८३) वत्त्वा “ठितिक्खणे”ति अवचनं ठितिक्खणाभावं चित्तस्स दीपेति । सुत्तेपि हि “ठितस्स अज्जथत्तं पज्जायती”ति (अ० नि० ३.४७) तस्सेव एकस्स अज्जथत्ताभावतो यस्सा अज्जथत्तं पज्जायति, सा सन्ततिट्ठितीति न न सक्का वत्तुं । विज्जमानं तंखणद्वयसमङ्गी ठितन्ति । यो चेत्थ चित्तस्स निरोधक्खणे रूपुप्पादो वुत्तो, सो च विचारेतब्बो । कस्मा? “यस्स वा पन समुदयसच्चं निरुज्झति, तस्स दुक्खसच्चं उप्पज्जतीति? नो”ति (यम० १.सच्चयमक.१३६) वुत्तन्ति, न च चित्तसमुद्धानरूपमेव सन्धाय पटिक्खेपो कतोति सक्का विज्जातुं चित्तसमुद्धानरूपाधिकारस्स अभावाति ।

आचरियस्स हि अयमधिष्पायो — उप्पन्नउप्पज्जमानवारादीसु “ठितिक्खणे”ति अवचनं “चित्तस्स ठितिक्खणं नाम नत्थी”ति इममत्थं दीपेति । न हि यथाधम्मसासने अभिधम्मे लब्भमानस्स अवचने कारणं दिस्सति । न केवलं अभिधम्मे अवचनमेव चित्तस्स ठितिक्खणभावजोतकं, अपिच खो “ठितस्स अज्जथत्तं पज्जायती”ति एवमागता सुत्तन्तपाळिपि । अज्जथत्तं नाम पुब्बापरविसेसो । अपिच यथा भूतो धम्मो उप्पज्जति, किं तथा भूतोव भिज्जति, उदाहु अज्जथा भूतो । यदि तथा भूतोव भिज्जति, न जरताय सम्भवो । अज्जथा भूतो, अज्जो एव सोति सब्बथापि ठितिक्खणस्स अभावोयेव । यदि च चित्तस्स भङ्गक्खणे रूपं उप्पज्जेय्य, तं दुक्खसच्चन्ति कत्वा “नो”ति वत्तुं न सक्का, वुत्तञ्च, तस्मा विज्जायति “चित्तस्स निरोधक्खणे रूपुप्पादो नत्थी”ति ।

आचरियजोतिपालधम्मपालत्थेरानं पनेतं नक्खमति । तेहि “एकधम्माधारभावेपि उप्पादनरोधानं अज्जो उप्पादक्खणो, अज्जो निरोधक्खणो । उप्पादावत्थज्हि उपादाय उप्पादक्खणो, निरोधावत्थं उपादाय निरोधक्खणो । उप्पादावत्थाय च भिन्ना निरोधावत्थाति एकस्मिंयेव च सभावधम्मे यथा इच्छितब्बा, अज्जथा अज्जोयेव धम्मो उप्पज्जति, अज्जो निरुज्झतीति आपज्जेय्य, एवं निरोधावत्थाय विय निरोधाभिमुखावत्थायपि भवितब्बं, सा ठिति जरता चा”ति सम्पटिच्छितब्बमेतं ।

यदि एवं, कस्मा पाळियं ठितिक्खणो न वुत्तोति? विनेय्यज्झासयानुरोधेन नयदस्सनवसेन पाळिगतीति वेदितब्बाति । अभिधम्मदेसनापि हि कदाचि विनेय्यज्झासयानुरोधेन पवत्तति, यथा रूपस्स उप्पादो “उपचयो सन्तती”ति भिन्दित्वा देसितो । हेतुसम्पयुत्तदुकादिदेसना चेत्थ निदस्सितब्बा । “यस्स वा पना”ति आदिपुच्छाय विस्सज्जने च अरूपलोकं चित्तसमुद्धानरूपं वा सन्धाय “नो”ति सक्का वत्तुं । अयज्हि यमकदेसनाय पकति, यदिदं यथासम्भवयोजनाति । अथ वा पच्चासत्तिजायेन यं समुदयसच्चं निरुज्झति, तेन यं दुक्खसच्चं उप्पादेतब्बं चित्तचेतसिकतप्पटिबद्धरूपसङ्घातं, तस्स तदा उप्पत्ति नत्थीति “नो”ति विस्सज्जनं, न सब्बस्स वचनतो, तस्मा न सक्का चित्तस्स ठितिक्खणे, भङ्गक्खणे च रूपुप्पादनं पटिक्खपितुन्ति वदन्ति ।

उतुजरूपानि पन पटिसन्धिचित्तस्स ठितिक्खणतो पट्टाय अट्ठकनवकवसेन उप्पज्जन्ति । पटिसन्धिक्खणे हि उप्पन्नानं कम्मजरूपानं अब्भन्तरे सहुप्पादएकनिरोधतेजोधातु ठानं पत्वा तस्स ठितिक्खणे अट्ठ रूपानि समुद्वापेति, तत्थ उप्पन्ना तेजोधातु पटिसन्धिचित्तस्स भङ्गक्खणे, तत्थ उप्पन्ना पठमभवङ्गस्स उप्पादक्खणेति एवमादिना अट्ठकं, कदाचि सहपातुभावकाले तेन सह सट्ठनवकञ्च उप्पज्जति । चित्तजरूपानि च पटिसन्धितो अनन्तरं पठमभवङ्गतो पट्टाय रूपजनकचित्तानं उप्पादक्खणे अट्ठकवसेन, सहपातुभावादिकाले सट्ठनवकादिवसेन च पवत्तन्ति । आहारजानि पन एकस्स, द्विन्नं वा सत्ताहानं अतिक्कमेन निब्बत्तन्ति । ननु च अज्झोहटाहारपच्चयेन आहारो रूपं समुद्वापेति, गम्भे

सयन्तस्स च कुतो अज्झोहरणाहारोति? समातितो । मातरा हि भुत्तं कुच्छिगतस्स सरीरे अब्भज्जनं विय आहारकिच्चं करोति । तेनाहु पोराणा —

“यच्चस्स भुज्जती माता,
अन्नं पानञ्च भोजनं ।
तेन सो तत्थ यापेति,
मातुकुच्छिगतो नरो”ति ॥ (सं० नि० १.२३५) ।

तस्मा मातरा अज्झोहटाहारेन अनुगृहिते सरीरे अब्भन्तरिका ओजा लद्धप्पच्चया रूपं समुट्ठापेति, चक्खुसोतधानजिह्वादसका पन पच्चपसादावत्थं अतिक्कम्म पच्छा सत्तमे सत्ताहे उप्पज्जन्ति, “एकादसमे सत्ताहे”ति (यम० मूलटी० आयतनयमक २२-२५४) **आनन्दाचरियो** अवोच । अयमेत्थ गब्भसेय्यकानं रूपप्पवत्तिनयो ।

ओपपातिकानम्पि पटिसन्धिचित्तस्स उप्पादक्खणे कम्मसमुट्ठानानि सत्तति रूपानि उप्पज्जन्ति, तथेवस्स ठितिक्खणे, भङ्गक्खणे च सत्तति सत्ततीति आदिना वुत्तनयेन उक्कंसावकंसतो कामभविकसत्तानं, रूपीब्रह्मानञ्च यथावुत्तनयेनेव यथानुरूपं कम्मसमुट्ठानानं, उतुसमुट्ठानानञ्च पवत्ति वेदितब्बा । आहारजरूपं पन कामावचरानं सब्बपठमं अत्तनो मुखगतखेळं अज्झोहरणकाले उप्पज्जति । सज्जीब्रह्मानं तं सब्बेन सब्बं नत्थि । असज्जीनञ्च चित्तजाहारजानि नत्थेवाति अयं विसेसो । एवं उप्पज्जमानेसु च पनेतेसु रूपेसु यं चित्तस्स उप्पादक्खणे उप्पन्नं, तं अत्तना सहुप्पन्नचित्तं आदिं कत्वा सत्तरसमचित्तस्स निरोधक्खणे निरुज्झति, ठितिक्खणे उप्पन्नं अट्टारसमस्स उप्पादक्खणे निरुज्झति, भङ्गक्खणे उप्पन्नं इमस्स ठितिक्खणे निरुज्झतीति एवं उप्पज्जन्तं, निरुज्झन्तञ्च याव मरणचित्तस्स हेट्ठा सत्तरसमचित्तं, ताव यथारहं चतुसन्ततिआदिवसेन पवत्ततीति । आसन्नमरणस्स पन चुतितो सत्तरसमचित्तस्स ठितिक्खणमादिं कत्वा कम्मजरूपं न समुट्ठाति । यदि समुट्ठाति, मरणं न सिया अनुपच्छिन्नत्ता कम्मजरूपानं । कम्मजरूपसमुच्छेदे हि “मतो”ति वुच्चति । वुत्तहि —

“आयु उस्मा च विज्जाणं, यदा कायं जहन्तिमं ।
अपविद्धो तदा सेति, निरत्थं व कलिङ्गर”न्ति ॥ (सं० नि० ३.९५) ।

सत्तरसमेन सह उप्पन्नञ्च तं चुतिचित्तेन सह निरुज्झति, अपरञ्च न उप्पज्जति । आयुक्खया, कम्मक्खया, उभयक्खया, उपक्कमेन वा कस्सचीति एवं कम्मजरूपस्सेव हि मरणं होति सतिपि आहारजे, अट्ठकथामतेन चित्तजे च । तम्पि अपगतजीवस्स न उप्पज्जति । उतुजरूपं पन पवत्तति एव । तथा संसेदजानं, ओपपातिकानं पन सरीरनिक्खेपाभावतो तम्पि न पवत्तति ।

७६५-६. उप्पादवयवन्तताय निच्चो धुवो न होतीति **अनिच्चो**, निच्चखणिकताय वा न इच्चो सस्सतादिवसेन अनुपगन्तब्बीति **अनिच्चो** । अयज्झि विनासो जनकपच्चयतो अज्जहेतुनिरपेक्खताय निच्चखणिकोव होती । धुवसारविरहितत्ता **अद्धुवो** । अवसवत्तनट्टेन **अनत्ता** । उदयवयपटिपीळनेन, दुक्खवत्थुताय च दुक्खानं खन्धो समूहोति **दुक्खक्खन्धो** । एवंविधो पन सुखेहि असम्मिस्सोयेवाति आह “**केवलो**”ति । कस्सचिपि वा रूपस्स सुखसभावस्स अभावतो सकलोपि दुक्खक्खन्धोति वुत्तं “दुक्खक्खन्धो च केवलो”ति । पच्चययापनियताय च रोगमूलताय च **रोगतो** । सो हि यथारहं पच्चयेहि यापेतब्बताय याप्यरोगो वियाति रोगतो दट्ठब्बो । याप्यब्याधि हि रोगो, इतरो आबाधो, मूलब्याधि

विय चेस अनुबद्धव्याधीनं किलेसरोगादीनं मूलभावतो रोगतो दट्टब्बो । दुक्खतासूलयोगिताय,
 किलेसासुचिपग्घरणताय, उप्पादजराभङ्गेहि उद्धुमातपरिपक्कपभिन्नताय च **गण्डतो** । सो हि दुक्खदुक्खता सङ्खारदुक्खता
 विपरिणामदुक्खताति तिविधदुक्खतासङ्खातेन रुज्जनेन युत्तताय, यथारहमारम्मणवसेन च समन्नागमवसेन च
 रागादिकिलेसासुचिविस्सन्दनतो, अहुत्वा सम्भवन्तो, उप्पत्तिया उद्धुमातत्ता जराभङ्गेहि च यथाक्कमं
 परिपक्कपभिन्नभावतो गण्डसदिसोति गण्डतो दट्टब्बो । अवसवत्तनताय, अविधेय्यताय च **परतो** । यथा हि परो पतन्तो
 परस्स वसं न गच्छति, एवमेतं सुभसुखादिभावेन वसे वत्तेतुं असक्कुणेय्यताय अवसवत्तनतो “मा जीरथ, मा
 मरथा”तिआदिना विधातुं असक्कुणेय्यताय अविधेय्यभावतो परतो दट्टब्बं । व्याधिजरामरणेहि पलुज्जनतो, आब्यासनतो
 च **पलोकतो** । इदं व्याधिआदीहि पकारेहि भिज्जनतो, विनस्सनतो, एतेहि एव वा आब्यासनतो व्यसनत्थस्स लोक-सदस्स
 पविसिट्ठस्स आब्यासनत्थताय पलोकतो दट्टब्बं । **छन्दन्ति** रज्जनवसेन पवत्तं छन्दं ।

७६७. धम्मसेनापतिनाति धम्मसेनाय पति नायकोति **धम्मसेनापति**, सारिपुत्तत्थेरो, तेन । हितसङ्घातो अत्थो
 एतस्साति **हितत्थि**, तेन । **सक्कच्चाति** उग्गहणधारणादीसु अतन्दितो हुत्वा ।

इति अभिधम्मत्थविकासिनिया नाम

अभिधम्मावतारसंवण्णनाय

रूपविभागवण्णना निट्ठिता ।

११. एकादसमो परिच्छेदो

निब्बाननिद्देसवण्णना

७६८-९. आदितो रूपानन्तरमुद्दिट्ठं यं निब्बानन्ति सम्बन्धो । तस्स विभावनं यथाबलं पवक्खामीति सम्बन्धो ।

भवाभवन्ति भवतो भवं, खुद्दकं, महन्तं वा भवं । **विननतोति** संसिब्बनतो । तण्हा हि संसारनायिकभावेन भवतो भवं,
 सुगतिदुग्गतिवसेन खुद्दकमहन्तं भवं वा अपरापरभावाय संसिब्बति, तुन्नकरणं विय करोति । **निक्खन्तत्ताति**
 विसंयोगवसेन निस्सटत्ता । मरणपटिपक्खताय, अमतसदिसताय वा **अमतं** । सब्बदुक्खनिस्सटत्ता **परमं सुखं** । सब्बेपि
 सङ्खारा समन्ति उपसमन्ति अनुप्पत्तिधम्मतं आपज्जन्ति एतेनाति **सब्बसङ्खारसमथो** । खन्धूपधिआदयो सब्बेपि उपधी
 उपद्ववा पटिनिस्सज्जीयन्ति एतेनाति **सब्बूपधिपटिनिस्सग्गो** । यस्मा तं आगम्म कामतण्हादिभेदा तण्हा सब्बसो खयं
 गच्छति, विरज्जति, निरुज्जति च, तस्मा **तण्हाक्खयो विरागो निरोधो**ति च वुच्चति । अपिच रुज्जन्ति एत्थ सत्ता
 किलेसनिगळबन्धाति रोधो, संसारस्सेतं अधिवचनं, ततो निक्खन्तोति **निरोधो** ।

७७०. अधिगमाति तदनुरूपाय पटिपत्तिया अरियमग्गेन पटिविज्जनेन ।

रागक्खयादिभावेन सब्बदुक्खसन्तिया पच्चयताय, किलेससन्तापाभावेन च **सन्तिलक्खणं** । **अच्चुतिरसन्ति**
 सभावापरिच्चजनतो अचवनसम्पत्तिकं । **अस्सासकरणरसन्ति** अस्सासकरणकिच्चं । तज्झि पानभोजनादिसुज्जे
 सभयकन्तारे परिब्भमनेन परिस्सन्तस्स अद्भिकपुरिसस्स अस्सासजनकभावेन उपट्ठितं वनन्तोदकं विय सब्बज्जुबुद्धानम्पि

वचनपथातिक्कन्तमहादुक्खभेरेवे संसारकन्तारे परिब्भमनेन परिस्सन्तस्स यथानुरूपं पटिपत्तिमगं पटिपन्नस्स योगावचरस्स अनादिमति संसारे सुपिनन्तेनपि अदिट्ठपुब्बताय दस्सनसमकालमेव परमस्सासं जनेति ।
खन्धनिमित्तविचित्ताय अविग्गहं हुत्वा गृह्णीतीति **अनिमित्तपच्चुपट्टानं** । सब्बसङ्खतनिस्सरणुपायभावतो निस्सरणं पच्चुपट्टापेतीति **निस्सरणपच्चुपट्टानं** ।

एवं निब्बानस्स लक्खणादिकं दस्सेत्वा इदानीं वितण्डवादिपक्खं दस्सेत्वा परिहरन्तो आह “**एत्थाहा**”तिआदि, न परमत्थतो अत्थि अज्जत्र पज्जत्तिमत्ततोति अधिप्पायो । कुतो पनायमभिनिवेसोति आह “**तित्थियानं...पे०... नीयतो**”ति ।
यथानुरूपाय पटिपत्तियाति सीलसमाधिपज्जासङ्घातं सम्पापटिपत्तिया । यथा हि चेतोजाणलाभिनो एव अरिया परेसं लोकुत्तरचित्तं जानन्ति, तत्थापि च अरहा एव सब्बेसं चित्तं जानाति, एवं निब्बानम्पि सीलादिसम्पापटिपत्तिभूतेन उपायेनेव उपलब्धतीति “**नत्थी**”ति न वत्तब्बं अरियेहि उपलब्धनीयतो । यथा हि जच्चन्धतेमिरिकादीनं अदस्सनेन “**सूरियादयो नत्थी**”ति न वत्तब्बा चक्खुमन्तानं गोचरभावेन अत्थेवाति सिद्धत्ता, एवमेतम्पि बालपुथुज्जनस्स अदस्सनमत्तेन “**नत्थी**”ति न वत्तब्बं । अरियानं पन पज्जाचक्खुनो पदेसेनेव उपट्टानतो एकन्तेन सम्पटिच्छित्तब्बं “**अत्थि निब्बान**”न्ति । अयमेत्थ अधिप्पायो । अथ रागादीनं खयमत्तमेव निब्बानन्ति चेति सम्बन्धो । आयस्मता...पे०... थेरेन दस्सितोति सम्बन्धो ।
रागक्खयादिदीपकं सुत्तं नेय्यत्थन्ति अधिप्पायेन “**तं न**”इति पटिक्खेपं कत्वा एकंसेन चेतं सम्पटिच्छित्तब्बं, इतरथा यथारुतवसेन पाळिया अत्थे गृह्णमाने बहुदोसा आपज्जन्तीति ते दस्सेतुं “**अरहत्तस्सापी**”तिआदि वुत्तं । अरहत्तं पुट्ठेन तेनेवायस्मता सारिपुत्तथेरेनाति अधिप्पायो । **तव मतेना**ति सासनयुत्तिं अविचारेत्वा पाळिदस्सनमत्तेनेव विष्पलपतो तवज्झासयेन । न च पनेतं युत्तं, तथापीति अधिप्पायो । लोकुत्तरफलचित्तस्स रागादीनं खयमत्ततापज्जनं न युत्तं तस्स अगगफलस्स चतुक्खन्धभावेन पाळियं आगतत्ता । **तस्मा**ति युत्तिं अविचारेत्वा पाळिदस्सनमत्तेनेव वोहरन्तस्स अनिट्ठप्पसङ्गतो । **व्यज्जनच्छायाया**ति विमद्वासहभूताय सद्वत्थमत्तच्छायाय । **उभिन्नन्ति** निब्बानवसेन, अरहत्तवसेन च आगतानं उभिन्नं **सुत्तानं** । **अत्थो**ति अधिप्पायत्थो ।

को पन सो अत्थोति आह “**यस्स पना**”तिआदि । **रागादीनं खयो**ति रागादीनं अनुप्पादनिरोधो । सो धम्मो अक्खयोपि समानो रागादीनं खयस्स उपनिस्सयत्ता खयोपचारेन “**रागादीनं खयो निब्बान**”न्ति वुत्तो “**तिपुसं जरो, गुळो सेम्हो**”तिआदीसु फलूपचारेन वुत्तं वियाति सम्बन्धो । किलेसानं अनुप्पत्तिनिरोधक्खयस्स मग्गस्स आरम्मणभूतं निब्बानं अत्थतो “**खयस्स उपनिस्सयो**”ति वत्तब्बतं लब्धतीति आह “**खयस्स उपनिस्सयत्ता**”ति । **खयोपचारेना**ति अत्तनो कारियभूतस्स खयस्स अत्तनि उपचारेन तस्स नामवसेनाति वुत्तं होति । जरकारणं तिपुसं जरोति वुत्तो, सेम्हकारणं गुळो सेम्होति वुत्तो । **खयन्ते**ति रागादीनं परिक्खयावसाने । **खयो**ति वा मग्गो वुच्चति “**खये जाण**”न्तिआदीसु (ध० स० दुक्कमातिका १४२) विय, तस्स अन्ते निरोधावसाने उपन्नत्ता **खयो**ति वुत्तं फलूपचारेन, समीपूपचारेन वा ।

सब्बे बालपुथुज्जनापीति सोणसिगालादयो सब्बेपि बालपुथुज्जना समधिगत...पे०... भवेय्युं खणवसेन रागादीनं खयस्स तेसम्पि अत्थिताय । तथा च सति पटिपत्तिया निरत्थकभावो आपज्जेय्याति अधिप्पायो । **रागादिक्खयानं बहुभावतो**ति रागादीनं विय तेसं खयानम्पि तब्बिकारभावेन बहुभावतो । एवज्झि सति रागस्स खयो रागक्खयो, न दोसादीनं, तथा दोसक्खयोपीति अज्जो रागक्खयो, अज्जो दोसक्खयो, अज्जो मोहक्खयोति तिण्णं अकुसलमूलानं खयभूतानि तीणि निब्बानानि, चतुन्नं उपादानानं खयभूतानि चत्तारीतिआदिना बहूनि निब्बानानि नाम होन्ति । इदानीं आदि-सदसङ्गहिते दोसे दस्सेतुं “**सङ्खतलक्खण**”न्तिआदि वुत्तं । “**तीणिमानि, भिक्खवे, सङ्खतस्स सङ्खतलक्खणानि, उप्पादो पज्जायति, वयो पज्जायति, ठितस्स अज्जथत्तं पज्जायती**”ति (अ० नि० ३.४७) वचनतो वयसङ्घातो खयो सङ्खतलक्खणं

होतीति वुत्तं “सङ्खतलक्खणञ्च निब्बानं भवेय्या”ति । “जरामरणं, भिक्खवे, अनिच्चं सङ्खतं पटिच्चसमुपपन्नं”न्ति (सं० नि० २.२०) वचनतो आह “सङ्खतपरियापन्नं”न्ति । यं पन सङ्खतपरियापन्नं, तं इतरसङ्खतधम्मो विय अनिच्चं होति पच्चयाधीनवुत्तितोति आह “सङ्खतपरियापन्नत्ता अनिच्च”न्ति । “अनिच्चा वत सङ्खारा”ति (दी० नि० २.२२१) हि वुत्तं । एत्तावता च किं वुत्तं होति? यदि भवतो मनोरथपरिपूरणत्थं खयं निब्बानन्ति वदाम, असङ्खतस्स सङ्खतलक्खणत्ता, सङ्खतपटिपक्खस्स सङ्खतपरियापन्नत्ता सब्बकालिकभावेन निच्चस्स अनिच्चता, ततो च परमसुखस्स दुक्खता च आपज्जेय्याति वुत्तं होति ।

एत्तावता भङ्गक्खयस्स निब्बानदोसं दस्सेत्वा इदानी अनुप्पादक्खयस्स तब्भावं निसेधेतुं “यदि खयो निब्बानं भवेय्या”तिआदि वुत्तं । पठममग्गस्स अनन्तरपच्चयभूतं जाणं गोत्रभु नाम । सेसमग्गपुरेचरं वोदानं नाम । फलसमापत्तिपुरेचरं अनुलोमं नाम । तं पन सङ्खारारम्मणमेवाति इध न गहितं । भद्रमुखाति परस्स अनुनयवचनं । “खीयन्ती”ति वत्तमाननिद्देसेन इदानी खीयमानतं पुच्छति । एस नयो सेसेसुपि । उपधारेत्वाति उपपरिक्खित्वा । “गोत्रभु... पे... मुखा”ति पुच्छाय “रागादीनं खयमेव वदामी”ति तथा दिन्नपटिवचनस्स अविरुज्झनवसेन सतिपुरेक्खारं कथेहीति अधिप्पायो । गोत्रभुचित्तादीनं गोत्रभुवोदानमग्गानं । गोत्रभुक्खणे किलेसानं अनुप्पादनरोधस्स अभावतो आह “रागादयो खीयिस्सन्ती”ति । फलमेवाति किलेसानं खीणकाले उपपज्जमानं फलचित्तमेव । आरम्मणं अपस्सन्तोति गोत्रभुआदीनं वत्तब्बारम्मणं अपस्सन्तो । अथ वा इतरेसं आरम्मणभावे सति गहेतब्बपच्चयं अपस्सन्तो ।

“अपिचा”तिआदि परियायन्तरेनपि अनुप्पादनरोधस्स निब्बानभावनिसेधनं । “उप्पादीयतीति अत्थो”ति पन मग्गस्स उपपत्तिया किलेसक्खयोपि उप्पादितो नाम होतीति कत्वा वुत्तं । न हि इतरथा खयस्स उप्पादो नाम अत्थि । अथ वा “अद्धा सो... पे... निरुत्तरो भविस्सती”ति एत्तकेन गन्थेन खणनिरोधस्स चेव अनुप्पादनरोधस्स च निब्बानभावे दोसं दस्सेत्वा इदानी “खये जाण”न्तिआदीसु (ध० स० दुक्मातिका १४२) विय मग्गस्सापि खयपरियायत्ता “रागक्खयो”तिआदिवचनमत्तेयेव समानभावेन गहिते मग्गस्सापि निब्बानभावप्पसङ्गं, तथा च सति अनिट्ठापत्तिं सम्भावेन्तो आह “अपिचा”तिआदि । एवञ्चि सति “उप्पादीयती”ति मग्गमेव सन्धाय तिट्ठति । यदि मग्गस्स निब्बानभावप्पसङ्गो इध सम्भावितो, एवं सति गोत्रभुस्स मग्गारम्मणतादिदोसा वत्तब्बाति? सच्चं वत्तब्बा, एत्तकेनापि पन परस्स वचनपटिबाहनं सक्का कातुन्ति परिहारन्तरदस्सने ब्यापारो कतोति । यथानुरूपाय पटिपत्तियाति छविसुद्धिपरम्परासङ्घाताय यथानुलोमपटिपत्तिया ।

७७१. अस्सद्धोति पबुद्धसद्धो, मग्गागताय अचलसद्धाय समन्नागतो, मग्गागतसद्धाय हि समन्नागतो आकासे बुद्धवेसं मापेत्वापि “निच्चं सुखं अत्ता”ति वदन्तस्स न सद्वहति सेय्यथापि सूरम्बट्ठोति (अ० नि० १.२५५) । अकतञ्जूति अकतं निब्बानं जानातीति अकतञ्जू । सन्धिच्छेदोति भवसन्धानकरस्स तण्हापापस्स छिन्दनेन पुन भवपटिसन्धियापि छिन्नताय पटिसन्धिं खेपेत्वा ठितो । हतावकासोति खीणपटिसन्धिकत्तायेव आयतिं कत्थचि ओकासलोके अदिस्समानत्ता विहतावकासो । वन्तासोति कत्थचि अभिसङ्गाभावतो छट्ठिततण्होति अत्थो । उत्तमपोरिसोति सदेवलोके अग्गदक्खिण्येय्यताय विसिद्धो पोरिसो ।

दुप्पटिविद्धाति पटिविज्झितुं, पटिलभितुञ्च दुक्करा । कामादीनं निस्सरणीयताय निस्सरणीया, यदिदं नेक्खम्मं, एतं कामानं निस्सरणन्ति सम्बन्धो । तत्थ कामानं निस्सरणन्ति कामेहि निग्गमनं, अथ वा निस्सरन्ति निग्गच्छन्ति एत्थ एतेनाति वा निस्सरणं, कामानं निस्सरणट्ठानं, निस्सरणुपायन्ति अत्थो । नेक्खम्मन्ति पठमज्झानं । तज्जि कामेहि

निक्रवन्तन्ति “नेक्खम्म”न्ति इध गहितं, अज्जत्थ पन पब्बज्जादयोपि “नेक्खम्म”न्ति पवुच्चन्ति । वुत्तञ्हि —

“पब्बज्जा पठमं ज्ञानं, निब्बानञ्च विपस्सना ।

सब्बेपि कुसला धम्मा, ‘नेक्खम्म’न्ति पवुच्चरे”ति ॥ (इतिवु० अट्ठ० १०९; दी० नि० टी० २.३६०; अ० नि० टी० २.३.६६; विसुद्धि० महा० १.५६; नेत्ति० टी० ७६ मिस्सकहारसम्पातवण्णना) ।

अरूपं आकासानञ्चायतनं । भूतन्ति विज्जमानं, खन्धपञ्चकन्ति अत्थो । “भूतमिदन्ति, सारिपुत्त, समनुपस्सामी”ति आदीसु खन्धपञ्चकं “भूत”न्ति वुच्चति । अत्तनो कारणं पटिच्च समं, सम्मा च उप्पन्नन्ति **पटिच्चसमुप्पन्नं** । **पठम...पे०... भवेय्या**ति सङ्खतनिस्सरणभावेन वुत्तस्स निब्बानस्स अभावप्पत्तिया च तदेकयोगनिद्विद्वानं यथाक्कमं कामरूपनिस्सरणानं पठमज्झानाकासानञ्चायतनानम्पि अभावोयेव आपज्जेय्य । इदानि यथाधिप्पेतमत्थं आगमेन दस्सेतुं “**न तु खयो**”ति आदि वुत्तं ।

“अत्थि...पे०... सुफुसितन्ति चा”ति नत्थि निस्सरणं लोके, किं विवेकेन कामापीति एवं मारेन पटिबाहिते । “अत्थि...पे०... सुफुसित”न्ति निब्बानं पटिद्वपेन्तेन आळवकत्थेरेन वुत्तं । **सुफुसितन्ति** सुट्ठु फुसितं, सच्छिकतन्ति वुत्तं होति । **अजातन्ति** आदीनि चत्तारि पदानि अज्जमज्जवेवचनानि । अथ वा वेदनादयो विय हेतुपच्चयसमवायसङ्घाताय कारणसामगिया न जातं न निब्बत्तन्ति **अजातं** । कारणेन विना सयमेव च न भूतं न पातुभूतं न उप्पन्नन्ति **अभूतं** । एवं अजातत्ता अभूतत्ता येन केनचि कारणेन न कतन्ति **अकतं** । जातभूतकतभावो च नाम रूपादीनं सङ्खतधम्मानं होति, न असङ्खतसभावस्स निब्बानस्साति दस्सनत्थं **असङ्खतन्ति** वुत्तं । पटिलोमतो वा समेच्च सम्भूय पच्चयेहि कतन्ति सङ्खतं, न तथा सङ्खतं, सङ्खतलक्खणरहितन्ति च **असङ्खतन्ति** । एवं अनेकेहि कारणेहि निब्बत्तितभावे पटिसिद्धे पकतिवादीनं पकति विय सिया नु खो, एकेनेव कारणेन एतं कतन्ति आसङ्काय न केनचि कतन्ति दस्सनत्थं “अकत”न्ति वुत्तं । एवं अपच्चयम्पि समानं सयमेव नु खो इदं भूतं पातुभूतन्ति आसङ्काय तन्निवत्तनत्थं “अभूत”न्ति वुत्तं । अयज्जेतस्स असङ्खताकताभूतभावो सब्बेन सब्बं अजातधम्मत्ताति दस्सेतुं “अजात”न्ति वुत्तं ।

असङ्खतन्तीति इति-सद्दो आदिअत्थो । तेन —

“नो चेतं, भिक्खवे, अभविस्स अजातं अभूतं अकतं असङ्खतं । नयिध जातस्स भूतस्स कतस्स सङ्खतस्स निस्सरणं पज्जायेथ । यस्मा च खो, भिक्खवे, अत्थि अजातं अभूतं अकतं असङ्खतं, तस्मा जातस्स भूतस्स कतस्स सङ्खतस्स निस्सरणं पज्जायती”ति (उदा० ७३) —

एवमादिसुत्तपदं सङ्गणहाति । तेनाह “**अनेकेसु सुत्तन्तेसू**”ति । धम्मेन सदेवकस्स लोकस्स सामी, धम्मस्स वा यथिच्छितं देसनतो सामी इस्सरोति **धम्मसामी** । तथागत-सद्दस्स अत्थो हेट्ठा कथितोव । सम्मा सामं सब्बधम्मे अभिसम्बुद्धो, सम्मा सयमेव सम्मोहनिद्वाविगमेन पटिबुद्धो, बुद्धिया विकसितवाति वा **सम्मासम्बुद्धो** ।

परित्तिकेति “परित्ता धम्मा, महग्गता धम्मा, अप्पमाणा धम्मा”ति (ध० स० तिकमातिका १२) एवं परित्तादिधम्मवसेन आगते परित्तिके ।

नवत्तब्बारम्मणत्ताति नवत्तब्बारम्मणत्तप्पसङ्गतो । तेनाह “**नवत्तब्बारम्मणपक्खं भजेय्यु**”न्ति ।

रूपावचरत्तिकचतुक्कज्झानाति चतुक्कनयेन तिकज्झाना, पञ्चकनयेन चतुक्कज्झाना । कुसलकिरियानं अभिज्जाभावप्पत्तिया परित्तादिकेपि आरब्ध पवत्तनतो “**चतुत्थस्स ज्ञानस्स विपाको**”ति आह । **तस्माति** यथावुत्तयुत्तितो चेव पाळितो च । किञ्च भिय्यो — सङ्खतधम्मारम्भणं विपस्सनाजाणं, अपिच अनुलोमभावप्पत्तं किलेसे तदङ्गवसेन पजहति, समुच्छेदवसेन पजहितुं न सक्कोति, तथा सम्मुतिसच्चारम्भणं पठमज्झानादिकुसलजाणं विक्खम्भनवसेनेव किलेसे पजहति, न समुच्छेदवसेन । इति सङ्खतधम्मारम्भणस्स, सम्मुतिसच्चारम्भणस्स च जाणस्स किलेसानं समुच्छेदप्पहाने असमत्थभावतो तेसं समुच्छेदप्पहानकरस्स अरियमग्गजाणस्स तदुभयविपरीतभावेन आरम्भणेन भवितव्वं, तज्ज निब्बानमेव । तेनाहु पोराणा —

“जाणं यं सङ्खतालम्बं, पञ्चतालम्बमेव वा ।
पापे हन्ति न तं वत्थुं, तदज्जं सम्पटिच्छिय”न्ति ॥

रूपसभावाभावतोति एतेन यथा रूपधम्मानं रूपनसभावो, पटिघातवन्तता कलापतो वुत्तिया पदेससम्बन्धो सभावो, एवं निब्बानस्स कत्थचि पटिघातो, सप्पदेसता च नत्थीति दस्सेति । न हि निब्बानं “असुकदिसाय, असुकपदेसे”ति वा निद्विसीयति । **पपञ्चाभावतो**ति तण्हामानदिट्ठिपपञ्चेहि सह अवट्ठानवसेन अभावतो, तेसं अभावपच्चयताय च । तण्हादिट्ठिमाना हि संसारे सत्ते पपञ्चेन्तीति पपञ्चा नाम ।

७७२-५. एवं निब्बानं युत्तितो, सुत्ततो च साधेत्वा इदानि तस्स परियायसन्दस्सनत्थं “**अच्चन्तमनन्त**”न्तिआदि वुत्तं । तत्थ संसारप्पवत्तिया परियोसानभूतत्ता **अन्तं** । इमिना अनुपादिसेसनिब्बानधातु कथिताति वदन्ति, सोपादिसेसनिब्बानधातुपि वट्ठति, अकतन्तिपि पठन्ति । सो हेट्ठा वुत्तत्थोव । सउप्पादवयन्ताभावेन **अनन्तं** । किलेसपरिळाहाभावेन, किलेसक्खोभाभावेन च **सन्तं** । पलोकिताभावेन **अपलोकितं** । अतित्तिकरभावेन **पणीतं** । सब्बदुक्खहननतो **सरणं** । किलेसचोरेहि अनुपदुत्तता निब्भयताय **खेमं** । सब्बुपद्वनिवारणतो **ताणं** । जातिआदिदुक्खेहि अनुबन्धस्स अल्लीयितुं युत्तट्ठानताय **लेणं** । यथापटिपन्नस्स सन्तिदायकत्तेन परं पतिट्ठाभावतो **परायणं** ।

सब्बपीळाविमुत्तताय **सिवं** । उपनिस्सयहीनानं सब्बज्जुमुखतो सुत्वापि ठपेत्वा गुणवसेन सभावतो पटिविज्झितुं दुक्करताय **निपुणं** । अविपरीतताय **सच्चं** । सब्बदुक्खपरिक्खयकरत्ता **दुक्खक्खयं** । तेजुस्सदताय सन्तत्तअयोगुळे मक्खिकाहि विय चतूहि आसवेहि आरम्भणकरणवसेन पवत्तितुं असक्कुण्यय्यताय **अनासवं** । महाकारुणिकस्सापि धम्मदेसनाय अप्पोस्सुक्कभावापादनेन पटिविज्झितुं दुक्करताय **सुदुद्दसं** । लोकुत्तरधम्मेषुपि असङ्खतगुणेन विसिट्ठताय **परं** । संसारमहासमुद्दस्स तीरभूतत्ता **पारं** । मंसचक्खुनो, दिब्बचक्खुनो वा अगोचरताय **अनिदस्सनं** । निदस्सनसङ्घाताय उपमाय अभावतो वा **अनिदस्सनं** ।

अविपरिणामधम्मत्ता **धुवं** । ततोयेव परमपतिट्ठाभावतो **दीपं** । रोगादिपीळाभावतो **अव्यापज्झं** । ततोयेव **अनीतिकं** । तण्हालयाभावतो **अनालयं** । सङ्खतासङ्खतेसु असङ्खतकोट्टासभूतत्ता, परमपतिट्ठाभावतो वा **पदं** । अविनासभावेन **अच्युतं** । अक्खरणतो अविनस्सनतो **अक्खरं** ।

सङ्खतनिस्सटत्ता **विमुत्ति** । भवबन्धनविमुत्तिहेतुताय **मोक्खं** ।

७७६-७. एवन्ति यथावुत्तनयेन । **विज्जायाति** उग्गहपरिपुच्छावसेन जानित्वा । **अधिगमूपायो**ति

पटिविज्जनूपायभूता तिस्सो सिक्खा । कातब्बोति पटिपज्जितब्बो ।

सद्धं, बुद्धिञ्च करोति वड्ढेतीति **सद्धाबुद्धिकरं** । तथागतमतेति तिपिटकबुद्धवचने, चतूसु सच्चेषु वा । पञ्जाय सम्भूतं, पञ्जाय वा सम्भवो एतस्साति पञ्जासम्भवं, तदेव सम्पसादनं बुद्धादीसु अधिमुच्चनं, तं करोतीति **पञ्जासम्भवसम्पसादनकरं** । अत्थव्यञ्जनसालिनन्ति अतिमधुरेहि अत्थव्यञ्जनेहि समन्नागतं, अत्थव्यञ्जनसारवन्तन्ति वा अत्थो र-कारस्स ल-कारं कत्वा । सारं जानन्तीति सारञ्जू, ते विम्हापेतीति **सारञ्जुविम्हापनं** । निट्ठन्ति परियोसानं, सुतमयमूलकं अनुपादापरिनिब्बानन्ति अधिप्पायो ।

इति अभिधम्मत्थविकासिनिया नाम

अभिधम्मावतारसंवण्णनाय

निब्बाननिद्देसवण्णना निट्ठिता ।

१२. द्वादसमो परिच्छेदो

पञ्जत्तिनिद्देसवण्णना

एत्थाति यथाउद्दिष्टधम्मानं निद्देसपरियोसाने । **एत्तकमेवा**ति चित्तचेतसिकरूपनिब्बानमत्तमेव । **पञ्जापेतब्बतो**ति परमत्थधम्मा विय सकसकसभाववसेन अपञ्जायमाना हुत्वा लोकसङ्केतवसेन पञ्जापियमानत्ता । **पञ्जापनतो**ति परमत्थवसेन विज्जमानाविज्जमानधम्मानं पकासनवसेन पञ्जापनतो । तत्थ “पञ्जापेतब्बतो”ति इमिना पञ्जापीयति पकारेण जापीयतीति पञ्जत्तीति एवं कम्मसाधनवसेन अत्थपञ्जत्तिभूता उपादापञ्जत्ति वुत्ता । “पञ्जापनतो”ति इमिना पञ्जापेति पकारेण जापेतीति पञ्जत्तीति एवं कत्तुसाधनवसेन तस्सा अभिधायकभूता नामपञ्जत्तीति वेदितव्यं । पण्णत्तिदुकनिद्देसे “सङ्घा...पे... वोहारो”ति (ध० स० १३१३-१३१४) चतूहि पदेहि उपादापञ्जत्ति वुत्ता । “नामं...पे... अभिलापो”ति (ध० स० १३१३-१३१४) छहि पदेहि नामपञ्जत्ति कथिताति आचरियानं इच्छितत्ता वुत्तं “तेनेवाहा”तिआदि । तेसं तेसं धम्मानन्ति हेट्ठा अभिधम्ममातिकाय वुत्तानं कुसलाकुसलादिधम्मानं । **सङ्घा**ति “अहं ममा”तिआदिना सङ्घायमानता । **समञ्जा**ति सङ्केतवसेन जायमानता । **पञ्जत्ती**ति असङ्करवसेन अनेकधा विभजित्वा पञ्जापियमानता । **वोहारो**ति पाकटं कत्वा वुच्चमानता, कथनवसेन उपयुज्जमानता वा । अत्थाभिमुखं नमतीति **नामं** । तं पन अन्वत्थरुळ्हीवसेन दुविधं, सामञ्जगुणकित्तिमओपपातिकनामवसेन चतुब्बिधं । **नामकम्मन्ति** नामकरणं । **नामधेय्यन्ति** नामठपनं, **नामधेय्यन्ति** वा सेट्ठानं नामं । अक्खरद्वारेण अत्थं नीहरित्वा उत्ति कथनं **निरुत्ति** । **व्यञ्जनन्ति** पाकटकरणं । **अभिलापो**ति अभिलापनं ।

अहन्ति रूपादिविनिमुत्तं अहंकारबुद्धिविसयभूतं अत्तनो खन्धसमूहसन्तानमुपादाय पञ्जत्तं तदज्ज्ञानज्जभावेन अनिब्बचनीयं उपादापञ्जत्तिं वदति । तेनाह “**अहन्ति ही**”तिआदि । “अहन्ति...पे... कत्वा”ति उपादापञ्जत्तिया उप्पत्तिं दस्सेत्वा **यथा**तिआदिना तं पकासेति ।

यस्मा “समञ्जा पञ्जत्ति वोहारो”ति “एवं सङ्घा”ति इमस्सेव वेवचनं, तस्मा वुत्तं “**इदानी पञ्जापनतो**

पञ्जत्ति'न्तिआदि ।

तदनुरूपा जाताति **तज्जा**, अविज्जमानपञ्जत्ति विय केवलं लोकसङ्केतवसेनेव अहुत्वा धम्मसभावस्स अनुरूपवसेन पवत्ता पञ्जत्तीति अत्थो । नामपञ्जत्तिपि वचनत्थसङ्घातकारणं उपादाय पटिच्च पवत्तनतो उपादापञ्जत्तिवोहारं लभतीति तस्सापि उपादापञ्जत्तिपरियायो वुत्तो । गण्ठपदकारेणापि हि इमिनाव अधिप्पायेन **उपादापञ्जत्तीति** उपादानवती पञ्जत्ति कारणवति कारणभूतमत्थमुपादाय गहेत्वा तन्निस्सयेन पञ्जापीयति, सब्बोपि पञ्जत्तिभेदो अनेन लक्खणेन उपादापञ्जत्तिमेव भजति । अनुपादाय हि पञ्जत्ति नत्थीति वुत्तं । **उपनिधापञ्जत्तीति** पटिपक्खभूतं एकपञ्जत्तिं उपनिधाय अपेक्खित्वा पवत्ता पञ्जत्ति । **चक्खुसोत**-ग्गहणेन अज्झत्तिकायतनानि दस्सेति, **रूपसद्व**-ग्गहणेन बाहिरायतनानि । **पथवीतेजोवायु**-ग्गहणेन फोडुब्बायतनं पभेदतो दस्सेति । एतेनेव धम्मायतनेपि लब्धमानभेदो दस्सितोति दट्ठब्बं ।

यस्मा पथवादिका पञ्जत्ति ससम्भारपथवियं एकस्स नामं गहेत्वा समूहमेवोपादाय पञ्जापीयति, घटादिका च पञ्जत्ति धम्मसमूहेसु सब्बेसमेव नामं गहेत्वा समूहमेवोपादाय पञ्जापीयति, तस्मा वुत्तं “एकस्स वा”तिआदि । तत्थ एकस्स नामं गहेत्वा समूहमुपादाय पञ्जापियमानाय पथवादिवसेन पाकटभावतो तं ठपेत्वा इतरं दस्सेतुं “**कथं**”न्तिआदि वुत्तं । **अयं समूहपञ्जत्ति नाम** समूहस्स पञ्जापनतो । **दिसाकासादीसु दिसा**-ग्गहणेन चन्दसूरियावत्तनमुपादाय पञ्जापियमानं पुरत्थिमादिदिसापञ्जत्तिं दस्सेति । **आकास**-ग्गहणेन असम्फुट्ठधम्मे उपादाय पञ्जापियमानं कूपगुहादिआकासपञ्जत्तिं दस्सेति । **काल**-ग्गहणेन चन्दावत्तनादिकमुपादाय पञ्जापियमानं पुब्बण्हादिकालपञ्जत्तिं दस्सेति । **निमित्त**-ग्गहणेन बहिद्भा पथवीमण्डलादिकं, अज्झत्तिकज्ज भावनाविसेसं उपादाय पञ्जापियमानं कसिणनिमित्तादिकं दस्सेति । **अभाव**-ग्गहणेन भावनाबलेन अप्पवत्तनसभावं आकासानज्जायतनज्ञानं उपादाय पवत्तं आकिज्जज्जायतनज्ञानारम्भणं अभावपञ्जत्तिं दस्सेति । **निरोध**-ग्गहणेन भावनाबलेन निरुद्धं नेवसज्जानासज्जायतनं निस्साय पञ्जत्तं निरोधपञ्जत्तिं दस्सेति । **आदि**-ग्गहणेन खयादिसभावं तं तं धम्ममुपादाय पञ्जापियमानं अनिच्चलक्खणादिकं सङ्गण्हाति । सापि हि दिसाकासादिका विय धम्मसमूहमुपादाय अपञ्जत्तभावतो **असमूहपञ्जत्तियेवाति** ।

साति अयं द्विधा उपादापञ्जत्ति । तज्जापञ्जत्ति वचनत्थं अमुज्चित्वा पवत्तितो उपादापञ्जत्तियंयेव सङ्गय्हीतीति वुत्तं “**विज्जमानं परमत्थं जोतयती**”ति । एवञ्च कत्वा उपरि “छ पञ्जत्तियोपि एत्थेव सङ्गहं गच्छन्ती”ति वुत्तं । **विज्जमानन्ति** सभावेन उपलब्धमानं । **अविज्जमानन्ति** ठपेत्वा लोकसङ्केतं सभाववसेन अनुपलब्धमानं । **नाममत्तन्ति** नाममत्तवन्तं । **सोतद्वारजवनानन्तरन्ति** पच्चुप्पन्नसद्धारम्मणाय सोतद्वारजवनवीथिया, तदनुसारप्पवत्ताय अतीतसद्धारम्मणाय मनोद्वारजवनवीथिया च अनन्तरप्पवत्तेन । मनोद्वारजवनवीथिपि हि सोतद्वारजवनानन्तरप्पवत्ता तग्गहणेनेव इध गहिता । **गहितपुब्बसङ्केतेनाति** “अयं इमस्स अत्थो, इदमिमस्स वाचक”न्ति एवं वचनवचनत्थसम्बन्धग्गहणवसेन गहितपुब्बभावसङ्केतेन । **यायाति** याय नामपञ्जत्तिया करणभूताय । **मनोद्वारजवनविज्जाणेन** कत्तुभूतेन । **मनोद्वारजवनविज्जाणेन** वा करणभूतेन, याय नामपञ्जत्तिया कत्तुभूतायाति अत्थो । **पञ्जापीयतीति** सम्मुतिपरमत्थवसेन पन दुविधं अत्थजातं पञ्जापीयति विज्जापीयतीति वुत्तं होति । तेनाहु पोराणा

“अत्था यस्सानुसारेण, विज्जायन्ति ततो परं ।

सायं पञ्जत्ति विज्जेय्या, लोकसङ्केतनिम्मिता”ति ॥

कतरजवनवीथियं पनायं विज्जायतीति? “घटो”तिआदिसद्वं सुणन्तस्स एकमेकं सद्वं आरब्ध

पच्चुप्पन्नातीतारम्मणवसेन द्वे द्वे जवनवारा होन्ति, ततो सद्वसमुदायमारब्ध एको, ततो नामपञ्चत्तिमारब्ध एकोति एवं सद्वसमुदायारम्मणाय जवनवीथिया अनन्तरं नामपञ्चत्ति पाकटा होति, ततो परं अत्थावबोधोति आचरिया ।

यं सन्धाय छक्कनयो वुत्तोति सम्बन्धो । **तथा अविज्जमानानन्ति** परमत्थतो अविज्जमानानं । **केनचि आकारेनाति** परमत्थतो, लोकसङ्केततो वा केनचि पकारेन । **अनुपलब्धमानानं पञ्चमसच्चादीनन्ति** आकासादिपञ्चमसच्चादीनं । **आदि-ग्गहणेन** अट्टमबोज्झङ्गादिके सङ्गणहाति । **पकतिपुरिसादीनन्ति** सत्वरजतमानं समानावत्था पकतिअङ्कुट्टादिपरिमाणो कारको वेदको अत्ता पुरिसोतिआदिना परिकप्पितानं पकतिपुरिसादीनं । **आदि-ग्गहणेन** आकासकुसुमादिं सङ्गणहाति । **विज्जमानेन अविज्जमानपञ्चत्ति** परमत्थतो विज्जमानाहि विज्जादीहि अविज्जमानस्स पुग्गलस्स पञ्चत्तत्ता । सेसेसुपि इमिनाव नयानुसारेन अत्थो वेदितब्बो । **एत्थेवाति** उपादापञ्चत्तियमेव ।

“कुसग्गेनुदकमादाय, समुद्दे उदकं मिने ।

एवं मानुसका कामा, दिब्बकामान सन्तिके”ति ॥ (जा० २.२१.३८९) —

वचनतो मनुस्सलोके चक्कवत्तिसम्पत्तिदिब्बसम्पत्तिं उपनिधाय निहीनायेवाति वुत्तं “**कपणं...पे०... निधाया**”ति । **मानुसकन्ति** मनुस्सलोके भवं । परमत्थो च विज्जतीति पाठसेसो ।

७७८. ततिया कोटि न विज्जति अनुपलब्धमानत्ता । वुत्तज्हेतं **महाअट्टकथायं** —

“दुवे सच्चानि अक्खासि, सम्बुद्धो वदतं वरो ।

सम्मुतिं परमत्थञ्च, ततियं नोपलब्धती”ति ॥ (दी० नि० अट्ट० १.४३९-४४३) ।

परवादेसु न कम्पतीति पकतिपुरिसन्तरादिवादीनं परेसं तित्थियानं वादेसु सम्पत्तेसु, निमित्तभूतेसु वा न कम्पति न पवेधति न चलतीति अत्थो ।

इति अभिधम्मत्थविकासिनिया नाम

अभिधम्मावतारसंवण्णनाय

पञ्चत्तिनिद्देसवण्णना निट्ठिता ।

१३. तेरसमो परिच्छेदो

कारकपटिवेधवण्णना

निदिट्ठाति उद्देसनिद्देसादिवसेन दस्सिता । **कुसलादयोति** कुसलाकुसला । एतेसं पन न निदिट्ठोति सम्बन्धो । पुब्बे “कारको”ति वचनं विय “वेदको”ति अवुत्तेपि “अत्ता कारको वेदको”ति अत्तनो लद्धिताय “तस्स हि कारकस्स वेदकस्स”ति वुत्तं । कुसलाकुसलानमभावोपि सिया, इतरथा अहेतुकदोसापत्तितोति अधिप्पायो । **तेसं** कुसलाकुसलानं आयत्ता वुत्ति एतेसन्ति **तदायत्तवुत्तिनो** । तेसन्ति कुसलाकुसलादीनं । **तस्माति** कारकाभावे कुसलाकुसलानं,

तब्बिपाकानञ्च अभावतो । **निरत्थिका**ति देसेत्वापि बोधेतब्बाभावतो निरत्थिका । “नायं निरत्थिका”ति वत्वापि “सात्थिका”ति वचनं पन परस्स दळ्हग्गाहत्थं । लोकेपि हि एवं वोहारं वोहरन्ति, एवमेव भवति, नाञ्जथातिआदि । **तत्था**ति कारकाभावेपि अत्ता अत्थीति गहणे । **अनुरोधो**ति अनुकूलपक्खपातोति अत्थो । **इधा**ति कारकाभावेपि कुसलादयो अत्थीति गहणे । **विरोधो**ति पटिघो ।

एवं कारकाभावेपि कुसलादीनं सब्भावं युत्तितो साधेत्वा इदानीं लोकसिद्धेन निदस्सनेन साधेतुं “**अथापी**”तिआदि वुत्तं । **अथापी**ति कारकाभावेपि । पथवि-ग्गहणेन पथवोजं दस्सेति । तथा आप-ग्गहणेन आपोजं । **तेजो**ति सीतुण्हवसेन दुविधा तेजोधातु । **उतू**ति हेमन्तादिउतु । **आदि**-ग्गहणेन बीजादिके सङ्गहाति । जनकपच्चयो हेतु, अनुपालनकपच्चयो पच्चयो नामाति आह “**हेतुपच्चयसामगिया**”ति । “फलनिब्बत्तको हेतु, पच्चयो अनुपालनको”ति हि वुत्तं ।

एवं कारकाभावेपि कुसलाकुसलप्पवत्तिं साधेत्वा इदानीं परपरिकप्पितं अत्तानमेव ताव पटिक्खिपितुं “**अथापि चेत्था**”तिआदि आरब्धं । कामं पञ्चापरिबाहिरदिट्ठिया एव अत्ता परिकप्पीयति, परो पन “पञ्चाय परिकप्पेमी”ति मज्जतीति तस्स लद्धिवसेन “**पञ्चाय परिकप्पितो**”ति वुत्तं । तं **उपपरिक्खिस्साम तावा**ति तिट्ठतु ताव चेसा कारकाभावेपि कुसलादीनं भावाभावविचारणा पठमं तमेव अत्तानं उपपरिक्खिस्सामाति अत्थो । दोसमेत्थ वत्तुकामो पुच्छतीति अधिप्पायेन पटिज्जं अदत्त्वाव पुच्छन्तो आह “**किञ्चेत्था**”ति । **सचेतनो वा उदाहु अचेतनो वा**ति एत्थ को दोसोति अत्थो । इतरो उभयथापि दोसोयेव । यज्झि अचेतनं अत्तानं, न तं कारकं, वेदकञ्च, यथा तं पाकारतरुआदयो । “अचेतनोवायं अत्ता”ति अनुमानेन कारकवेदकत्ताभावसिद्धितोति दस्सेतुं “**यदि अचेतनो**”तिआदि वुत्तं । **अनज्जो**ति अविनिब्भोगवसेन अनज्जो । इतरथा “सचेतनो”ति वचनमेव न उपपज्जेय्य । सहभावी नाम अज्जो न होतीति । **अत्तनोपि नासो सिया**ति अविनिब्भोगवृत्तिरूपेसु एकस्स नासे इतरस्सापि विनासो विय । **चेतनायपि नासो न भवति** अविनिब्भोगरूपेसु एकस्स अविनासे इतरस्सापि अविनासो वियाति अधिप्पायो ।

“चेतनाय अनज्जत्ता”ति कारणं वत्ता तमेव समत्थेतुं “**चेतनत्तान**”न्तिआदि वुत्तं । “अत्तनो अनासे सति चेतनायपि विनासो न भवती”ति सुत्वापि परस्स निरुत्तरभावो, चेतनाय नासे विसेसकारणाभावतोति अधिप्पायेनाह “**अथ चेतनाययेवा**”तिआदि । अत्ताव नस्सतु, तिट्ठतु चेतना । को हि विसेसकारणाभावे अत्तनि अनुरोधो, चेतनाय विरोधोति अधिप्पायो । **पटिज्जा हीना**ति पुब्बे दिन्नपटिज्जा परिहीना । अथ न भवति, “पटिज्जा हीना”ति यदि अत्तनो विनासे चेतनाय अविनासो न भवति । चेतनत्तानं अनज्जभावेन चेतनाय नासे अत्तनोपि विनासप्पसङ्गतो अत्ता न नस्सतीति तव पटिज्जा हीना । **वुत्तप्पकारतो विपरीतं वा**ति यथावुत्तप्पकारतो विपरीतं । चेतनाय विनासेपि अत्ता न नस्सति, अत्तनो पन अविनासेपि चेतना नस्सतीति एवं वा तव अधिप्पायो सियाति अत्थो । **अत्ता नस्सतु, चेतना तिट्ठतु** अज्जभावे उभिन्नं समानयोगक्खमताय भवितब्बतोति अधिप्पायो । **पटिज्जाहीनो भवसी**ति चेतनायेव नस्सति, अत्ता न नस्सति पटिज्जाय हीनो भवसि ।

इधाति अज्जत्थ पक्खे । **लक्खणकतन्ति** अज्जमज्जविसदिसेहि भिन्नलक्खणेहि कतं । **देसन्तरकतन्ति** भिन्नदेसकतं । जातो वेदीयति जायतीति **जातवेदो**, अग्गिस्सेतं अधिवचनं । **डहमाने**ति उद्धने पक्खिपित्वा पच्चमाने । एको पवत्तिपदेसो इमेसन्ति एकदेसा, तेसं भावोति **एकदेसत्तं** ।

अविनिब्भोगतोति लक्खणतो भेदेपि ठानवसेन अविनिब्भुज्जनतो अविसंसङ्गत्ता “**एकदेसत्ते**”तिइमस्सेव वेवचनवसेन “**अविनिब्भोगभावेपी**”ति वुत्तं । तं **अयुत्तन्ति** तं “उभिन्नं एकदेसता नत्थी”ति इमिना सह न युज्जति ।

पटिज्जा हीनाति यदि पुब्बपटिज्जा पमाणं, अयं पटिज्जा हीना । यदि वा पन अयं पमाणं, इतरा हीनाति अत्थो । अथ वा चेतनाय अत्तनो पदेसवसेन नानत्ते अत्तनो अचेतनत्तभावप्पत्तितो “सचेतनो अत्ता”ति हेट्ठा तथा दिन्नपटिज्जा परिहीनाति एवमेत्थ अत्थो दट्ठब्बो ।

अचेतनो अत्ताति अत्ता अचेतनोति कत्वा । **पुब्बे वुत्तदोसतोति** “यदि अचेतनो सिया”ति आदिना आदितो वुत्तदोसतो । **तस्माति** यस्मा एवं उपपरिक्खियमाने विमद्दनसहो होति, तस्मा ।

७७९. यदि एवन्ति यदि परमत्थतो कुसलाकुसलानं कारको, तब्बिपाकानञ्च वेदको नत्थि, एवं सन्ते अथ कस्मा भगवता वुत्तन्ति सम्बन्धो ।

सन्धावतीति संसरति । अत्तना कतकुसलाकुसलकम्मपच्चयत्ता विपाकभूतं सुखदुक्खम्पि अत्तना कतमेव नाम होतीति वुत्तं “**सुखदुक्खं सयंकत्**”न्ति ।

७८०. संसारमापन्नोति —

“खन्धानञ्च पटिपाटि, धातुआयतनान च ।

अब्बोच्छिन्नं वत्तमाना, ‘संसारो’ति पवुच्चती”ति ॥ (ध० स० अट्ठ० निदानकथा; विसुद्धि० २.६१९) —

एवं वुत्तखन्धपटिपाटिआदिवसप्पवत्तं संसारं पुनप्पुनं पवत्तिवसेन पटिपन्नो । **दुक्खमस्स महब्भयन्ति** अस्स संसारापन्नस्स सत्तस्स जातिआदिदुक्खं महब्भयं महाभयसंवत्तनकन्ति अत्थो । **ओपपातिकोति** उप्पज्जमानो ।

७८१. भारा हवे पञ्चक्खन्धाति रूपादयो पञ्चक्खन्धा भारभूता, सीसे निक्खित्तभारसदिसाति वुत्तं होति । भारहारो च पुगगलो तस्स पञ्चक्खन्धभारस्स हारको । **भारादानन्ति** पटिसन्धिवसेन पञ्चक्खन्धभारगगहणं । **भारनिक्खेपन्ति** पुन अगगहेतव्वतापादनेन अनुपादापरिनिब्बानवसेन भारस्स निक्खिपनं ।

७८२. यन्ति कुसलाकुसलकम्मं । **सकन्ति** आयत्तं ।

७८३. एकस्स पुगगलस्साति सम्बन्धो । **एकेन कप्पेनाति** एकस्मिं कप्पे ।

७८४. अस्सद्धोति आदि हेट्ठा वुत्तत्थं ।

“तञ्च खो सम्मुतिवसेन, न परमत्थतो”ति वत्वा तदेव पतिट्ठापेतुं “**ननु भगवता**”ति आदि वुत्तं । “किं नु सत्तो”ति गाथा वजिराय थेरिया वुत्तापि भगवतो अधिप्पायवसेनेव वुत्तत्ता भगवता वुत्ता नाम होतीति कत्वा वुत्तं “**भगवता इदम्पि वुत्त**”न्ति ।

७८५. किं नु सत्तोति पच्चेसीति रूपवेदनादीसु किं नाम सत्तो पुगगलोति गणहासि ।

७८६. अङ्गसम्भाराति चक्कादिअवयवसम्भारेसु, चक्कादिअवयवानं समोधानेवाति अत्थो । **सद्धोति** वोहारो ।

तस्माति यस्मा एवं परमत्थतो सत्तस्स अभावो भगवता वुत्तो, तस्मा । न वचनमत्तमेव आलम्बितब्बं अधिप्पायं पहायाति अत्थो । दळ्हमूळ्होव हुत्वा गण्हातीति **दळ्हमूळ्हग्गाही**, कारणे दस्सितेपि अपरिच्चजनवसेन गहणं दळ्हग्गहणं । कारणस्सेव दट्ठमसमत्थतावसेन गहणं मूळ्हग्गहणं । तादिसेन न भवितब्बन्ति आह “न च... पे०... भवितब्ब”न्ति । **सुत्तपदानन्ति** नेय्यत्थनीतत्थवसेन उभयथा ठितानं सुत्तन्तानं ।

द्वे **सच्चाणि वुत्तानि** तथा तथा विनेतब्बानं पुग्गलानं वसेनाति अधिप्पायो । येसज्झि सम्मुतिदेसनाय विसेसाधिगमो होति, तेसं सम्मुतिसच्चवसेन देसेति । येसज्च परमत्थदेसनाय, तेसं परमत्थवसेन देसेति । देसभासाकुसलो विय आचरियो तंतंदेसवासिमाणवानं ताय ताय भासाय । **सम्मुतिसच्चं परमत्थसच्चञ्चाति** एत्थ “पुग्गलो सत्तो इत्थी पुरिसो खत्तियो ब्राह्मणो देवो”ति एवमादि परमत्थतो अविज्जमानम्पि लोके कतसङ्केतवसेन तथत्ता सम्मुतिसच्चं । खन्धधातुआयतनानि सतिपट्टानाति एवमादि परमत्थवसेनेव तथत्ता परमत्थसच्चं । तेनाहु अट्ठकथाचरिया —

“सङ्केतवचनं सच्चं, लोकसम्मुतिकारणं ।

परमत्थवचनं सच्चं, धम्मानं भूतकारणं ॥ (दी० नि० अट्ठ० १.४३९-४४३) ।

“तस्मा वोहारकुसलस्स, लोकनाथस्स सत्थुनो ।

सम्मुतिं वोहरन्तस्स, मुसावादो न जायती”ति ॥

७८७-८. यो सो इमं गन्थं अच्चन्तं सततम्पि चिन्तेति, तस्स ततो सिद्धा परमा पज्जा वेपुल्लभावं गच्छति । अधिं चित्तसन्तापं नीहरति अपनेतीति **अधिनीहरं** । विमतिया विचिकिच्छाय, मोहस्स वा विनासं करोति उपनिस्सयभावतोति **विमतिविनासकरं** । अत्थब्बज्जनसम्पदाय मनवड्ढनतो **पियकरं** । **विकसतीति** दिब्बति । **इधाति** इमस्मिं सासने, अभिधम्मे वा ।

इति अभिधम्मत्थविकासिनिया नाम

अभिधम्मावतारसंवण्णनाय

कारकपटिवेधवण्णना निट्ठिता ।

१४. चुद्धसमो परिच्छेदो

रूपावचरसमाधिभावनानिद्देसवण्णना

७८९. एवं परमत्थसम्मुतिवसेन उभयथापि सब्बधम्मे सङ्खेपतो दस्सेत्वा इदानीं यस्मा तेसु उग्गहणपरिच्छेदादिवसेन कतपरिचयेन अत्थकामेन कुलपुत्तेन एकंसतो भावनाय अभियोगो कातब्बो, तस्मा भावनानयं सङ्खेपतो दस्सेतुमारभन्तो आह “**भावनानयं**”न्ति आदि । तत्थ **भावनानयन्ति** लोकियलोकुत्तरभावनानयं, कुसलधम्मानं वड्ढनक्कमन्ति अत्थो । दिट्ठधम्मिकसम्परायिकं हितं आनयति उपनेतीति हितानयो, तं **हितानयं** । **मानयन्ति** मानेन्तो । दिट्ठधम्मिकसम्परायिकत्थेहि अनुसासनतो सत्तानं सुखं आनेतीति सुखानयो, तं **सुखानयं** । परमं ब्याकरोमि, परमं भावनानयन्ति वा योजना ।

७९०. मनुस्सानं धम्मतो उत्तरं जाणदस्सनन्ति सम्बन्धो। तत्थ मनुस्सानं धम्मा नाम मनुस्सानं पकतिधम्मभूता दस कुसलकम्मपथा, ततो उत्तरं जाणदस्सनं नाम महगगतलोकुत्तरधम्मा। ते हि जाननट्ठेन जाणं, पच्चक्खतो विय दस्सनट्ठेन च दस्सनन्ति अधिप्पेता। “उत्तरिमनुस्सानं”न्ति वा यथाठितवसेनेव सम्बन्धो। बालमनुस्सादितो उत्तरिमनुस्सानं ज्ञायीनज्जेव अरियानज्जाति अत्थो।

७९१. सङ्कस्सरसमाचारेति आदीहि सीलविसुद्धिया पयोजनदस्सनं। तत्थ सङ्काय सरितब्बो समाचारो अस्साति सङ्कस्सरसमाचारो। यं किञ्चि लामककम्मं दिस्वा “इदं असुकेन कतं भविस्सती”ति एवं पवत्तेतब्बाय सङ्काय अत्तनो वा परे यंकिञ्चि मन्तेन्ते दिस्वा “मम इदञ्चिदञ्च असारुपं जानित्वा मन्तेती”ति एवं पवत्तसङ्काय उपगन्तब्बसमाचारोति अत्थो। दुस्सीलेति एतदेव विभावेतुं “सीलवज्जिते”ति वुत्तं। दुस्सीलेति वा दूसितसीले खण्डादिभावं उपगतसीले। सीलवज्जितेति सब्बेन सब्बं सीलविरहिते। नत्थि ज्ञानन्ति लोकिज्ज्ञानम्पि ताव नत्थि। कुतो मग्गोति लोकुत्तरमग्गो कुतो, केन कारणेन लोकुत्तरधम्मानं हेतुयेव विज्जतीति अत्थो।

७९२. चरन्ति तस्मिं सीले परिपूरकारिताय पवत्तन्तीति चारित्तं। वारितं तायन्ति रक्खन्ति तेन, वारिततो वा अत्तानं तायतीति वारित्तं। यं भगवता “इदं कातब्ब”न्ति पञ्चत्तिसिक्खापदपूरणं, इदं चारित्तं नाम। यं “न कातब्ब”न्ति पटिक्खित्तं, तस्स अकरणं वारित्तं नाम। अच्छिद्वन्ति आदीसु यस्स सत्तसु आपत्तिक्खन्धेसु मज्झे सिक्खापदं भिन्नं, तस्स सीलं छिद्वसाटको विय छिद्वं नाम होति, तब्बिपरीतं अच्छिद्वं। यस्स आदिमिहि वा अन्ते वा भिन्नं, तस्स परियन्ते छिन्नसाटको विय खण्डं नाम होति, तदञ्जं अक्खण्डं। कमस्स आदरकरणवसेन अक्खण्डन्ति, कमविलङ्घनवसेन “अक्खण्डमच्छिद्व”न्ति वा पाठो। अक्कमास-ग्गहणेन असबलत्तम्पि वुत्तं, सबलक्कमासानं भेदस्स अप्पमत्तकभावतो। एत्तको हि तेसं विसेसो। यस्स पटिपाटिया द्वे तीणि सिक्खापदानि भिन्नानि, तस्स पिट्टिया, कुच्छिया वा उट्ठितेन विसभागवण्णेन काळरत्तादीनं अञ्जतरेन सबलवण्णा गावी विय सबलं नाम होति। यस्स अन्तरन्तरा भिन्नानि, तस्स अन्तरन्तरा विसभागवण्णबिन्दुचित्रगावी विय कम्मासं नाम होति। यं पन तथाविधं न होति, तं “असबलं अक्कमास”न्ति वुच्चति। अनिन्दितन्ति इमिना भुजिस्सविज्जुप्पसत्थअपरामट्टसमाधिसंवत्तनिकभावे सङ्गण्हाति। तत्थ “इमिनाहं सीलेन वा वतेन वा ब्रह्मचरियेन वा देवो वा भविस्सामि देवञ्जतरो वा”ति एवं तण्हाय अपरामट्टं तण्हादासब्बतो मोचितत्ता भुजिस्सं नाम। अदासज्हि लोके भुजिस्सोति वदन्ति। यथावुत्तगुणपारिपूरिया बुद्धादीहि विज्जूहि पसंसितब्बन्ति विज्जुप्पसत्थं। तण्हादिद्वीहि अपरामट्टं ठितिभागियं अपरामट्टं नाम। ज्ञानादीनं पच्चयो भवितुं समत्थं विसेसभागियं समाधिसंवत्तनिकं नाम।

७९३-७. विवेकसुखन्ति कायचित्तूपधिविवेकसुखं। कायविवेकसुखम्पि हि सम्पन्नसीलस्सेव दुस्सीलस्स सुज्जागारादीसु वसतोपि भेरवारम्मणादिआपाथगमनेन दुक्खस्सेव विसेसतो सम्पज्जनतो। अलङ्कारो अनुत्तरोति देवब्रह्मराजराजमहामत्तादीनं मज्झे अनञ्जसाधारणसोभापटिलाभहेतुताय निरुत्तरो अलङ्कारविसेसो। रतनन्ति चक्कवत्तीनं चक्करतनादितोपि सविसेसं रतिजननतो अनुत्तरं रतनं। चक्करतनादिकज्हि वट्टनिस्सितमेव रतिं जनेति, इदं पन विवट्टनिस्सितम्पि जनेतीति विसेसतो रतिजनकं होति। इच्छितिच्छितस्स सम्पत्तिविसेसस्स निष्पादनतो चिन्तामणिसमन्ति चिन्तामणि। यानन्ति संसारकन्तारतरणे यानं। सीतलन्ति चित्तसीतिभावकरणेन सीतलं। किलेसमलधोवनन्ति गङ्गायमुनादीहिपि दुब्बिसोधनीयस्स किलेसकालुसियस्स धोवनं। गुणानं मूलभूतन्ति सब्बेसम्पि लोकियलोकुत्तरगुणानं मूलभूतं। “सीले पतिट्ठाया (सं० नि० १.२३), को चादि कुसलानं धम्मानं, सीलञ्च सुविसुद्ध”न्ति (सं० नि० ५.३६९) च आदिवचनज्हेत्थ निदस्सनं। दोसानं वीतिककमवत्थुभूतस्स बलस्स विनासनतो दोसानं बलघाति।

तस्माति यस्मा एवंविधानिसंससम्पन्नं सीलं, तस्मा । **दुविधलक्खणन्ति** ओक्खित्तचक्खुअप्पसद्वादिवसेन कायकम्मादीनं अविप्पकिण्णतासाधनतो समाधानलक्खणं, कुसलधम्मानं मूलभावतो पटिट्ठानलक्खणन्ति एवं दुविधलक्खणं, चारित्तवारित्तवसेन वा दुविधसभावन्ति अत्थो । अत्थानं कामेति तस्स हितासीसनवसेनाति **अत्थकामो** । पियं सीलमस्साति **पियसीलो** ।

७९८-९. कातब्बो पलिबोधस्सुपच्छेदोति सम्बन्धो । कतिविधो पनायं पलिबोधो, किं सरूपो चाति आह “**पलिबोधा दसा**”तिआदि, “आह महाअट्ठकथाय”न्ति अधिप्पायो । तत्थ **आवासो**ति एकम्पि ओवरकं आदिं कत्वा याव सकलोपि सङ्घारामो, सो तत्थ पटिबद्धचित्तस्स **पलिबोधो**, न इतरस्स । **कुलन्ति** जातिकुलं वा उपट्ठाककुलं वा, तं तेहि संसट्ठविहरतोव पलिबोधो । **लाभो**ति चत्तारो पच्चया, तेपि तत्थ सापेक्खस्सेव पलिबोधा । **गणो**ति सुत्तन्तिकगणो वा आभिधम्मिकगणो वा । सो उद्देसपरिपुच्छादानेन समणधम्मस्स ओकासालाभिनो पलिबोधो । **कम्मन्ति** नवकम्मं, तं करोन्तेन वट्ठुकिआदीहि लद्धालद्धं जानितब्बं, कताकते उस्सुक्कं आपज्जितब्बन्ति सब्बथापि पलिबोधो । **अद्धानन्ति** मग्गगमनचित्तस्स दुब्बिनोदनीयताय तं समणधम्मस्स पलिबोधो । **जाती**ति एत्थ कुल-ग्गहणेन जातिकुलस्सपि गहितत्ता एकेका जाति इध गहिताति दट्ठब्बा । ये पन विहारे आचरियुपज्झायादयो, घरे मातादयो, ते गिलाना पलिबोधा । **आबाधो**ति यो कोचि रोगो, सो बाधयमानो पलिबोधो । **गन्थो**ति परियत्तिपरिहरणं, तं सज्झायादीहि निच्चव्यावटस्सेव पलिबोधो । **इद्धी**ति पोथुज्जनिकइद्धि । सा हि दुप्परिहारा अप्पमत्तकेनेव भिज्जति, अयं पन विपस्सनाय पलिबोधो, न समाधिस्स समाधिं पत्वा पटिलभितब्बत्ता । तेति ते पलिबोधा ।

८००-२. पलिबोधस्सुपच्छेदं कत्वाति एत्थ पठमो तत्थ निरपेक्खचित्तताय, दुतियो असंसग्गेन, ततियो लाभसक्कारुप्पत्तिट्ठानं पहाय अज्जत्थ गमनेन, चतुत्थो यथारद्धगन्थसमापनेन, अज्जस्स सङ्गाहणेन वा, पच्चमो यथारद्धकम्मस्स निट्ठापनेन, सङ्गादीनं निव्यातनेन वा, छट्ठो गन्त्वा किच्चतीरणेन, सत्तमो उपट्ठित्वा जातीनं पाकतिककरणेन, अट्ठमो भेसज्जकरणेन, वीरियाधिट्ठानेन वा, नवमदसमा तत्थ अब्यावटताय उपच्छिन्दितब्बा । **उपसङ्कमितब्बो**ति यत्थ सो वसति, तत्थ उपसङ्कमनविधिज्जेव उपसङ्कमन्तेन पटिपज्जितब्बविधानज्ज **विसुद्धिमग्गे** वुत्तनयेन वेदितब्बं । इतो परज्झि गन्थवित्थारपरिहरणत्थं विसुद्धिमग्गे आगतवित्थारं पहाय पदत्थवण्णनमत्तं करिस्साम । **कम्मट्ठानस्सा**ति एत्थ योगकम्मस्स पवत्तिट्ठानताय, उपरूपरिभावनाकम्मस्स कारणभावतो च कम्मट्ठानं । तं पन सब्बत्थकपारिहारियवसेन दुविधं । तत्थ मेत्ता, मरणस्सति, असुभसज्जा च सब्बत्थ अत्थयितब्बतो इच्छितब्बतो सब्बत्थककम्मट्ठानं नाम । चरियानुकूलं पन यं किञ्चि कम्मट्ठानं निच्चं परिहरितब्बत्ता पारिहारियकम्मट्ठानं नाम । इमं दुविधं कम्मट्ठानं यो देति, अयं **कम्मट्ठानस्स दायको**, सोपि ईदिसो परियेसितब्बोति दस्सेतुं “**पियो गरू**”तिआदि वुत्तं । **पियो**ति सीलसम्पदादीहि सत्तानं पियायितब्बो । **गरू**ति ततोयेव गरूकातब्बो पासाणच्छत्तं विय गरू कत्वा दट्ठब्बो । **भावनीयो**ति सम्भावनीयो । **वत्ता**ति किञ्चि आलसियम्पि दिस्वा चोदेत्वा ओवादवसेन वदनसीलो । **वचनक्खमो**ति पटिपुच्छक्खमो, पटिपुच्छितो असंहीरो हुत्वा सम्भासनक्खमोति वुत्तं होति । **गम्भीरज्ज कथं कत्ता**ति तिरच्छानकथं अकथेत्वा दसकथावत्थुपटिसंयुत्तं गम्भीरमेव कथं कत्ता । **नो चट्ठाने नियोजको**ति अप्पवत्तितब्बट्ठानभूते अहिते न नियोजको । **एवमादिगुणोपेतन्ति आदि-**सद्देन सद्धासम्पदादिगुणयोगं दस्सेति । **कालेना**ति अत्तनो, आचरियस्स च सप्पायकालेन ।

८०३. वत्तं कत्वाति आचरियस्स नवकमहल्लकभावानुरूपेन **खन्धके** आगतं आचरियवत्तं कत्वा । इदानी आचरियेन पटिपज्जितब्बविधिं दस्सेतुं “**तेनापी**”तिआदि वुत्तं । **तेनापी**ति कम्मट्ठानदायकेनपि । **चरितं जत्वा दातब्बन्ति**

चेतोपरियजाणलाभिना तस्स चित्ताचारं, हृदयलोहितं वा पस्सित्वा इतरेण “त्वं किंचरितोसि, के वा पण ते धम्मा बहुलं समुदाचरन्ती”तिआदिना पटिपुच्छित्वा तस्स चरितं जानित्वा तदनुरूपेण दातव्वं ।

८०४. इरियापथादितोपि केसञ्चि चरितं जानितुं सक्का, तं पण न एकन्तिकं, “चरितं जत्वा”ति वुत्तं, कतमं पण तं, कतिविधा वाति आह “चरितं पणिदं रागदोसमोहवसेना”तिआदि । उस्सन्नभावेण सन्ताने चरतीति चरितं, असति पटिपक्खभावनायं सन्ताने पवत्तनारहा रागादयो ।

८०५. वोमिस्सकनयाति सम्पयोगवसेन, एकसन्ततिपरियापन्नतावसेन च नेसं संसग्गभेदा । चतुसङ्गि भवन्तीति —

“रागादिके तिके सत्त, सत्त सङ्गादिके तिके ।
एकद्वितिकमूलमिह, मिस्सतो सत्तसत्तक”न्ति —

एवं वुत्तेहि नवहि सत्तकेहि यथारहं विभजियमाना तेसङ्गि दिट्ठिया सङ्गि चतुसङ्गि भवन्ति । तथा हि वुत्तं उपनन्दत्थेरेण —

“रागो दोसो च मोहो च, रागेण पटिघोपि च ।
सङ्गि रागेण मोहो च, मोहोपि पटिघेन च ॥

“रागादित्तयमेकन्ति, सत्त रागादिके तिके ।
सङ्गा बुद्धि च तक्को च, सङ्गि सङ्गाय बुद्धि च ॥

“सङ्गाय तक्कनञ्चेव, बुद्धिया तक्कनम्पि च ।
सङ्गादित्तयमेकन्ति, सत्त सङ्गादिके तिके ॥

“रागादिकं तिकञ्चेक-मेकद्वितिकभेदतो ।
सङ्गाबुद्धिवितक्केहि, यथायोगं विमिस्सिय ॥

“एकमूले द्विमूले च, पच्चेकं सत्तकत्तयं ।
तिमूले सत्तकञ्चेकं, जेय्यं तं सत्तसत्तकं ॥

“सङ्गि रागेण सङ्गा च, सङ्गि तेनेव बुद्धि च ।
तेनेव तक्कनं तेन, सङ्गाबुद्धि च तेन च ॥

“सङ्गासङ्कप्पनं तेन, बुद्धिसङ्कप्पनम्पि च ।
विमिस्सेत्त्वान तेनेव, सङ्गाबुद्धिवितक्कनं ॥

“रागमूलनये चेव-मेकं सत्तकमुद्दिसे ।
सङ्गि दोसेन सङ्गा च, सङ्गि तेनेव बुद्धि च ॥

“तेनेव तक्कनं तेन, सङ्गाबुद्धि च तेन च ।

सद्भासङ्कप्पनं तेन, बुद्धिसङ्कप्पनम्पि च ॥

“विमिस्सेत्वान तेनेव, सद्भाबुद्धिवितक्कनं ।
दोसमूलनये चेव-मेकं सत्तकमुद्दिसे ॥

“सद्धिं मोहेन सद्भा च, सद्धिं तेनेव बुद्धि च ।
तेनेव तक्कनं तेन, सद्भाबुद्धि च तेन च ॥

“सद्भासङ्कप्पनं तेन, बुद्धिसङ्कप्पनम्पि च ।
विमिस्सेत्वान तेनेव, सद्भाबुद्धिवितक्कनं ॥

“मोहमूलनये चेव-मेकं सत्तकमुद्दिसे ।
एकमूले नये चेवं, जेय्यं तं सत्तकत्तयं ॥

“मिस्सेत्वा रागदोसेहि, सद्भा तेहेव बुद्धि च ।
तेहि सङ्कप्पनं तेहि, सद्भाबुद्धि च तेहि च ॥

“सद्भासङ्कप्पनं तेहि, बुद्धिसङ्कप्पनम्पि च ।
तेहि द्वीहेव मिस्सेत्वा, सद्भाबुद्धिवितक्कनं ॥

“रागदोसनये चेव-मेकं सत्तकमुद्दिसे ।
मिस्सेत्वा रागमोहेहि, सद्भा तेहेव बुद्धि च ॥

“तेहि सङ्कप्पनं तेहि, सद्भाबुद्धि च तेहि च ।
सद्भासङ्कप्पनं तेहि, बुद्धिसङ्कप्पनम्पि च ॥

“तेहि द्वीहेव मिस्सेत्वा, सद्भाबुद्धिवितक्कनं ।
रागमोहनये चेव-मेकं सत्तकमुद्दिसे ॥

“मिस्सेत्वा दोसमोहेहि, सद्भा तेहेव बुद्धि च ।
तेहि सङ्कप्पनं तेहि, सद्भाबुद्धि च तेहि च ॥

“सद्भासङ्कप्पनं तेहि, बुद्धिसङ्कप्पनम्पि च ।
तेहि द्वीहेव मिस्सेत्वा, सद्भाबुद्धिवितक्कनं ॥

“दोसमोहनये चेव-मेकं सत्तकमुद्दिसे ।
द्विमूलम्हि नये चेवं, जेय्यं तं सत्तकत्तयं ॥

“रागप्पटिघमोहेहि, सद्भा तेहेव बुद्धि च ।

तेहि सङ्कप्पनं तेहि, सद्भाबुद्धि च तेहि च ॥

“सद्भासङ्कप्पनं तेहि, बुद्धिसङ्कप्पनम्पि च ।
तेहि तीहेव मिस्सेत्वा, सद्भाबुद्धिवितक्कनं ॥

“तिमूलम्हि नये चेव-मेकं सत्तकमुद्दिसे ।
एवं तेसट्ठि होतीति, विज्जेय्यं नवसत्तकं ।
दिट्ठियापि च होतेव, चतुसट्ठीति केचना”ति ॥

८०६-७. ननु च “चरितं जत्वा दातब्ब”न्ति वुत्तं, किंचरितस्स पन किं कम्मट्ठानं अनुकूलन्ति इमं अनुयोगं सन्धाय तंतंचरितानुकूलकम्मट्ठानं दस्सेत्वा पुन तस्स गणनतो अप्पनावहतो ज्ञानप्पभेदतो समतिक्कमतो वड्डनावड्डनतो आरम्मणतो भूमितो गहणतो पच्चयतो भेदं दस्सेतुं “असुभा चा”तिआदि आरब्धं । तत्थ दस असुभाति उड्डुमातकं विनीलकं विपुब्बकं विच्छिद्दकं विक्खायितकं विक्खित्तकं हतविक्खित्तकं लोहितकं पुळवकं अट्टिकन्ति इमे दस । तथा कायगतासति चाति इमे एकादस रागविक्खम्भनस्स उपायभावतो रागचरितस्स अनुकूला । असुभ-गहणेन चेत्य तदारम्मणसमाधिपुब्बङ्गमं कम्मट्ठानं गहितं । एवं सेसेसुपि यथारहं दट्ठब्बं । अप्पमाणसत्तारम्मणत्ता अप्पमज्जा, मेत्ता करुणा मुदिता उपेक्खाति चतुन्नं ब्रह्मविहारानमेतं अधिवचनं । ते पन सवण्णकसिणा नीलकसिणं पीतकसिणं लोहितकसिणं ओदातकसिणन्ति इमेहि चतूहि वण्णकसिणेहि सहिता अट्ठ दोसविक्खम्भनुपायभावतो, अप्पटिघातविसयत्ता च दोसचरितस्स अनुकूला ।

८०८. तं...पे०... पनेककन्ति एत्थ एककन्ति इदं अनुस्सतिअपेक्खं, अनुस्सतीसु एकन्ति अत्थो, न मोहचरितवितक्कचरितापेक्खं तेसं अज्जस्सापि अनुकूलस्स लब्भनतो । तं पन मोहचरितस्स, वितक्कचरितस्स च गणनबलेन चित्तस्स पतिट्ठानतो अनुकूलं ।

८०९-११. पुरिमा...पे०... देहिनोति “बुद्धानुस्सति धम्मानुस्सति सङ्गानुस्सति सीलानुस्सति चागानुस्सति देवतानुस्सती”ति इदं पाळिक्कमेन पुरिमं अनुस्सतिछक्कं सद्भाचरितस्स अतिसप्पायवसेन अनुकूलं । मरणूपसमायुत्ता सतीति मरणे, उपसमे च युत्ता सति, मरणानुस्सति, उपसमानुस्सति चाति वुत्तं होति । आहारनिस्सिता सज्जाति आहारे पटिक्कूलसज्जा । धातुववत्थानन्ति चतुधातुववत्थानं । बुद्धिप्पकतिजन्तुनोति बुद्धिचरितस्स सत्तस्स । सेसानि कसिणानीति दोसचरितस्स अनुकूलेसु वुत्तेहि चतूहि वण्णकसिणेहि अवसेसानि पथवीआपोतेजोवायोआलोकाकासकसिणानि, एवं पुरिमानि चत्तारि, इमानि छाति दस इमस्सेव उजुविपच्चनीका, इमस्स असप्पायन्ति गहेतब्बविसेसस्स अभावतो रागादिसब्बचरितानं अनुकूलाति वणिणता ।

८१२. एकन्तविपच्चनीकभावतोति रागचरितादीनं असुभादिकम्मट्ठानस्स उजुविपच्चनीकताय । अतिसप्पायतोति सद्भाचरितादीनं बुद्धानुस्सतिआदिकम्मट्ठानस्स अतिसप्पायतो । एवं उजुविपच्चनीकवसेन, अतिसप्पायवसेन च इदं सब्बं विसुं विसुं तेसं अनुकूलन्ति वुत्तं, न पन इतरस्स अननुकूलभावतो । न हि रागादीनं अविक्खम्भिका, सद्भादीनं वा अनुपकारिका कुसलभावना नाम अत्थि । तथा हि मेघियसुते —

“चत्तारो धम्मा उत्तरि भावेतब्बा, असुभा भावेतब्बा रागस्स पहानाय, मेत्ता भावेतब्बा ब्यापादस्स पहानाय,

आनापानस्सति भावेतब्बा वितक्कुपच्छेदाय, अनिच्चसज्जा भावेतब्बा अस्मिमानसमुग्धाताया”ति (अ० नि० ९.३; उदा० ३१) —

एकस्सेव चत्तारो धम्मा भावेतब्बाति वुत्ता । तथा **राहुलोवादसुत्तेपि** “मेत्तं, राहुल, भावनं भावेही”ति आदिना (म० नि० २.१२०) सत्त कम्मट्टानानि वुत्तानि, न चायस्मतो मेधियस्स चत्तारिपि चरितानि सन्ति, नापि राहुलत्थेरस्स सब्बचरितानि, तस्मा वचनमत्ते अभिनिवेशं अकत्वा सब्बत्थ अधिप्पायो परियेसितब्बोति वुत्तं होति ।

८१३-४. किञ्चापि वुत्तनयेन कम्मट्टानानं गणनपरिच्छेदोपि सक्का जातुं, सङ्करत्ता पन सुखेन विज्जातुं न सक्काति तेसं सामज्जतो, विसुं विसुं जातितो च गणनपरिच्छेदं दस्सेतुं “**कम्मट्टानानि सब्बानी**”ति आदि वुत्तं । **चत्तालीसाति निद्विसेति** पाळितो, अट्ठकथातो च समोधानेत्वा “समचत्तालीसा”ति निद्विसेय्य । कथं? कसिणानि दस...पे०... सज्जा चाहारता इति । **असुभानुस्सती दसाति दस-**सद्वो पच्चेकं योजेतब्बो “दस असुभा, दस अनुस्सती”ति । दस असुभा हेट्ठा कथिताव । “पुरिमानुस्सतिछक्क”न्ति एत्थ वुत्ता छ, मरणानुस्सति कायगतासति आनापानस्सति उपसमानुस्सतीति इमा दस अनुस्सतियो । **चतुधातुववत्थानन्ति** पथवादीनं चतुन्नं धातून् ववत्थानं । **सज्जा चाहारताति** गाथाबन्धवसेन ग-कारस्स लोपं कत्वा आहारगता सज्जा “आहारता सज्जा”ति वुत्ता । आहारोयेव वा आहारता, तग्गता च सज्जा उपचारतो “आहारता”ति वुत्ता, आहारे पटिक्कूलसज्जाति अत्थो ।

८१५-६. किं इमेसु सब्बेसुयेव कम्मट्टानेसु ज्ञानं निब्बत्ततीति? आम, निब्बत्तति सब्बेस्वेव उपचारज्ज्ञानं, अप्पनाज्ञानं पन केसुचि न निब्बत्तति, तस्मा कानिचि उपचारमेव निब्बत्तेन्ति, कानिचि अप्पनम्पि । कथं पनेतं दट्ठब्बन्ति आह “**एतेसू**”ति आदि । उपचारमेव आवहन्तीति **उपचारावहा** “अपेक्खो”ति आदीसु विय हेत्थ अवधारणं दट्ठब्बं । तत्थ आनापानस्सति, कायगतासतिज्च हित्वा सेसा बुद्धानुस्सति आदयो अट्ठ **अनुस्सतियो**, सज्जा, ववत्थानज्जाति एते दस नानप्पकारकत्ता, गम्भीरत्ता, सभावधम्मत्ता च असति भावनाविसेसे उपचारावहा वुत्ता ।

८१७-८. एवं उपचारप्पनावहतो दस्सेत्वा इदानीं ज्ञानप्पभेदतो दस्सेतुं “**अप्पनायावहेसू**”ति आदि वुत्तं । **चतुक्कज्ज्ञानिकाति** चतुक्कनयवसेन चतुब्बिधरूपावचरज्ज्ञानवन्तो, तेसं एकेकस्सेव आरम्मणभूताति अत्थो । पञ्चकनयवसेन पन “पञ्चकज्ज्ञानिका”ति वेदितब्बा । **पठमज्ज्ञानिकाति** पठमज्ज्ञानस्सेव आरम्मणभूता, पटिक्कूलभावतो पन इतरेसं आरम्मणानि न होन्ति । पटिक्कूलेपि हि विसये वितक्कबलेन पठमज्ज्ञानं अप्पेति चण्डसोतनदियं अरित्तबलेन नावा विय । सेसानि पन तदभावतो न तेसु अप्पेन्ति ।

८१९. तिकज्ज्ञानवहाति चतुक्कनयेन तिकज्ज्ञानवहा, पञ्चकनयेन पन चतुक्कज्ज्ञानवहा, मेत्ताकरुणामुदिता हि मेत्तादीनं सोमनस्ससहगतानमेव आरम्मणत्ता पञ्चमज्ज्ञानिका न होन्ति । अप्पनप्पत्ता हि मेत्तादयो सोमनस्सेन विना नप्पवत्तन्ति । चतुत्थोपि ब्रह्मविहारोति सम्बन्धो । ब्रह्मानं उत्तमानं विहारो, ब्रह्मभूतो वा विहारोति **ब्रह्मविहारो**, सो उपेक्खाभावनावसेन चतुत्थज्ज्ञानिको । तत्थापि मेत्तादिवसेन पटिलब्धज्ज्ञानचतुक्कस्सेवेतं अप्पेति, नेतरस्स । कस्मा? मेत्तादीनं निस्सन्दत्ता । यथा हि कसिणानं निस्सन्दा आरुप्पा, यथा च समथविपस्सनानिस्सन्दा निरोधसमापत्ति, एवं मेत्तादिनिस्सन्दा उपेक्खा । **आरुप्पा चतुत्थज्ज्ञानिकाति** अङ्गसमतावसेन आरुप्पापि चतुत्थज्ज्ञानस्सेव पभेदाति कत्वा वुत्तं ।

८२०. एवं ज्ञानभेदतो दस्सेत्वा पुन समतिक्कमतो दस्सेतुं “**वसेनारम्मणज्ञान**”न्ति आदि वुत्तं ।

आरम्भणसमतिक्कमो अङ्गसमतिक्कमोति अतिक्कमितब्बानं आरम्भणानं, अङ्गानञ्च वसेन समतिक्कमो दुविधो । किं सब्बेस्वेव दुविधो लब्धति, नोति आह “**गोचरा...पे०... तिक्कमो**”ति । चतूसु हि आरुप्पेसु आरम्भणसमतिक्कमोव होति आकासकसिणवज्जितेसु नवसु आरम्भणेसु अञ्जतरं समतिक्कमित्वा आकासानञ्चायतनस्स, आकासानञ्चायतनादीनि च समतिक्कमित्वा विज्जाणञ्चायतनादीनं पत्तब्बत्ता, अङ्गातिक्कमो पन अरूपे नत्थि चतुन्नञ्चापि अङ्गानं वसेन समानत्ता । **रूपे ज्ञानङ्गातिक्कमो**ति रूपावचरिककम्मट्टानेसु वितक्कादीनं ज्ञानङ्गानं अतिक्कमो, इदञ्च लब्धमानकवसेन वुत्तं । पठमज्झानिकेसु दुविधोपि समतिक्कमो नत्थि, नीवरणसमतिक्कमो इध अट्ठन्नम्पि समापत्तीनं साधारणत्ता न गहितो ।

८२१. एवं समतिक्कमवसेन दस्सेत्वा पुन वड्डनावड्डनवसेन दस्सेतुं “**दसेव कसिणानी**”तिआदिमाह । इमेसु चत्तालीसाय कम्मट्टानेसु दस कसिणानेव वड्डेतब्बानि । **न च...पे०... असुभादयो**ति सेसा असुभादयो पन नेव वड्डेतब्बा । कस्मा? परिच्छिन्नाकारेनेव उपट्टानतो, आनिसंसाभावतो च । तथा हि दस असुभानि, कायगतासति च अत्तनो ठितोकासेन परिच्छिन्नत्ता परिच्छिन्नाकारेनेव उपट्टहन्ति । वड्डितेसुपि कुणपरासि एव उपट्टातीति न कोचि आनिसंसो अत्थि । अवड्डितेसुपि हि तेसु कामरागविक्रम्भना होतियेव । यदि एवं, असुभज्झानानं अप्पमाणारम्भणतावचनं विरुज्झतीति? न विरुज्झति । एकच्चो हि उद्धुमातके वा अड्डिके वा महन्ते निमित्तं गण्हाति, एकच्चो अप्पकेति इमिना परियायेन एकच्चस्स परित्तरम्भणज्झानं होति, एकच्चस्स अप्पमाणारम्भणं । यो वा एतं आनिसंसाभावं अपस्सन्तो वड्डेय्य, तस्स वसेन अप्पमाणारम्भणता वुत्ता । आनापाननिमित्तम्पि नासिकगगमुखनिमित्तादिपरिच्छिन्नं उपट्टाति, वड्डयतोपि च वातरासियेव वड्डति । पिचुपिण्डादिवसेन उपट्टहन्तम्पि हि निमित्तं वातसङ्घाटमत्तमेव, तथा ब्रह्मविहारनिमित्तम्पि वड्डन्तस्स सत्तरासियेव वड्डेय्य, न च तेन कोचि अत्थो होति, तस्मा तदुभयम्पि न वड्डेतब्बं । यं पन वुत्तं “**मेत्तासहगतेन चेतसा एकं दिसं फरित्वा विहरती**”तिआदि (विभ० ६६३), तम्पि परिगहवसेन वुत्तं, न निमित्तवड्डनवसेन । किञ्चि ब्रह्मविहारे पटिभागनिमित्तमेव नत्थि, किमयं वड्डेय्य, अप्पमाणारम्भणता पनेत्थ परिगहितमत्तवसेन वेदितब्बा । आरुप्पारम्भणेसु आकासं कसिणुग्घाटमत्तत्ता कसिणापगमवसेनेव मनसि कातब्बं, ततो परं वड्डयतो न किञ्चि होति, विज्जाणं सभावधम्मत्ता न सक्का वड्डेतुं, परिकम्ममेव हि वड्डेतुं सक्का, विज्जाणापगमो तस्स अभावमत्तत्ता, नेवसज्झानासञ्चायतनारम्भणम्पि सभावधम्मत्तायेव न सक्का वड्डेतुं, तस्मा तानिपि न वड्डेतब्बानि । अप्पमाणारम्भणता आरुप्पानं विपुलकसिणुग्घाटिमाकासे पवत्तिया वेदितब्बा । बुद्धानुस्सतिआदयो च अनिमित्तत्ता न वड्डेतब्बा । पटिभागनिमित्तज्झि अयं वड्डेय्य, तञ्च नेसं नत्थि, तस्मा इमे असुभादयो तिस कम्मट्टानानि परिच्छिन्नोकासत्ता, पयोजनाभावतो, अवड्डनतो च न वड्डेतब्बानि ।

८२२-३. एवं वड्डनावड्डनतो दस्सेत्वा पुन आरम्भणतो दस्सेतुं “**दसेव कसिणानी**”तिआदि आरब्धं । **पटिभागनिमित्तानि होन्ति आरम्भणानी**ति इमानि द्वावीस पटिभागनिमित्तभूतानि आरम्भणानि होन्ति । **सेसाति** अवसेसा अट्टारस **नेव** पटिभागनिमित्तारम्भणा सियुं ।

८२४-५. इदानी भूमितो दस्सेतुं “**असुभानी**”तिआदि वुत्तं । **देवेसु नप्पवत्तन्ति** तत्थ असुभानं, पटिक्कूलस्स च आहारस्स अभावतो । तचपञ्चकम्पि हि तत्थ पवत्तमानं दिब्बानुभावेन पटिक्कूलाकारेन नोपट्टाति । अस्सासपस्सासानं ब्रह्मलोके अभावतो “**आनापानस्सति चा**”तिआदि वुत्तं । ज्ञानानुभावनिब्बत्तानज्झि अत्थस्स अभावतो नत्थि ब्रह्मलोके अस्सासपस्सासा ।

८२७. इदानी गहणतो दस्सेतुं “**चतुत्थ**”न्तिआदि वुत्तं । तत्थ **चतुत्थं...पे०... दिट्ठेनेव गहेतब्बाति** वायोकसिणं

वज्जेत्वा सेसा नव कसिणा, दस असुभानीति इमानि एकूनवीसति दिट्ठेनेव वत्थुना करणभूतेन गहेतब्बानि उग्गहेतब्बानि । तथा च वुत्तं अट्ठकथायं “दिट्ठेन गहेतब्बानि, पुब्बभागे चक्खुना ओलोकेत्वा निमित्तं नेसं गहेतब्बन्ति अत्थो”ति (विसुद्धि० १.४७) ।

८२८-३१. सतियम्पि च कायम्हीति कायगतासतियम्पि । दिट्ठेन तचपञ्चकन्ति तचपञ्चकमत्तमेव दिट्ठेन गहेतब्बं । सेसमेत्थ सुतेनेवाति एत्थ कायगतासतियं सेसं वक्कपञ्चकादि सुतेनेव गहेतब्बं । इति कायगतासति दिट्ठसुतेन गहेतब्बा । उत्तरोट्टनासिकगोसु फुट्ठस्स अस्सासपस्सासस्स गहेतब्बतो वुत्तं “आनापानस्सति एत्थ, फुट्ठेन परिदीपिता”ति । उच्छुसस्सादीनं पत्तेसु चलमानवण्णगहणमुखेन, सरीरसम्फस्सवसेन च वातस्स गहेतब्बत्ता वुत्तं “वायो कसिणमेवेत्थ, दिट्ठफुट्ठेन गह्णती”ति । आदितोव गहेतब्बा न होन्तीति आदिकम्मिकेन भावनारम्भवसेन न पट्टपेतब्बानि, हेट्ठिमे तयो ब्रह्मविहारे, कसिणेसु रूपावचरचतुत्थज्झानञ्च अनधिगन्त्वा सम्पादेतुं असक्कुण्यत्ता ।

८३२-५. एवं गहणवसेन दस्सेत्वा इदानीं पच्चयतो दस्सेतुं “कम्मट्ठानेसु हेतेसू”ति आदि वुत्तं । तत्थ एतेसु कम्मट्ठानेसूति एत्थ यथारहं आरम्माणं, ज्ञानानञ्च गहणं वेदितब्बं । आकासकसिणस्स उग्घाटेतुं असक्कुण्यत्ता वुत्तं “आकासकसिणं विना”ति । मेत्तादि एकेकस्मिं ब्रह्मविहारे तीणि तीणि ज्ञानानि पटिलभित्वा ठितस्सेव उपेक्खाब्रह्मविहारवसेन पञ्चमज्झानं उप्पज्जतीति वुत्तं “तयो ब्रह्मविहारा”ति आदि । द्विन्नं नेवसज्झानासज्जायतनजवनानं समनन्तरा निरोधं फुसतीति कत्वा वुत्तं “चतुत्थमारुप्प”न्ति आदि । विपस्सनाभवसम्पत्तिसुखानं पच्चयाति विपस्सनाय, भवसम्पत्तिया, दिट्ठधम्मसुखविहारस्स च पच्चया होन्तीति अत्थो ।

८३६-९. एवं पसङ्गेन आगतं कम्मट्ठानविभागं दस्सेत्वा पुन आचरियेन पटिपज्जितब्बविधिं दस्सेतुं “कम्मट्ठानं गहेत्वा”ति आदि वुत्तं । सन्तिके वसन्तस्साति आचरियेन सद्धिं एकगेहे, एकविहारे वा वसन्तस्स । कथेतब्बन्ति पवत्तिं सुत्वा सुत्वा कथेतब्बं । आगतस्सागतक्खणेति स-कारो पदसन्धिमत्तकरो, आगतागतक्खणेति अत्थो । अथ वा आगतस्स आगतक्खणे कथेतब्बं । ईदिसेसु हि ठानेसु आमोडितसामत्थियतोव लब्धति । न हि एकवारमेव आगतस्स तस्मिं खणे कथेतब्बं, ततो परं न कथेतब्बन्ति युज्जति ।

नातिसङ्खेपवित्थारन्ति अतिसंखित्तं, अतिवित्थारञ्च अकत्वा तस्स सुखेन उग्गणहनप्पमाणं कथेतब्बं । सचे पन सो पकतियाव उग्गहितकम्मट्ठानो होति, सज्झायवसेन वा मनसिकारवसेन वा कतपरिचयो, तस्स एकं, द्वे वा निसज्जा अत्तनो सम्मुखाव सज्झायं कारेत्वा दातब्बं । एवं आचरियेन पटिपज्जितब्बविधिं दस्सेत्वा पुन गहितकम्मट्ठानेन तेन योगिना उत्तरि कातब्बविधानं दस्सेन्तो आह “तेनपी”ति आदि । सम्मट्ठानन्ति यत्थ पहटो समति, तं सम्मट्ठानं, इदं सम्मट्ठानं वियाति सम्मट्ठानं । यथा हि सम्मट्ठाने गहिते पुग्गलं अत्तनो वेरी अभिभवितुं न सक्कोति, एवं कम्मट्ठाने गहिते मनोभुसङ्घातो कामरागो तंसमङ्गिपुग्गलं अभिभवित्वा अत्तनो वसे कातुं न सक्कोति । तेन वुत्तं “सम्मट्ठानं वियाति सम्मट्ठानं”न्ति । मनो अभिभवतीति मनोभू, तस्स मनोभुनो । अट्ठारसहि...पे०... विवज्जितेति —

“महावासं नवावासं, जरावासञ्च पन्थनिं ।
सोण्डिं पण्णञ्च पुप्फञ्च, फलं पत्थितमेव च ॥

“नगरं दारुना खेत्तं, विसभागेन पट्टनं ।
पच्चन्तसीमासप्पायं, यत्थ मित्तो न लब्धति ॥

“अट्टारसेतानि ठानानि, इति विज्जाय पण्डितो ।

आरका परिवज्जेय्य, मग्गं सप्पटिभयं यथा”ति ॥ (विसुद्धि० १.५२) —

एवं वुत्तेहि अट्टारसहि विहारदोसेहि सब्बकालवियुत्ते । **अनुरूपेति** इमेसु अट्टारससु दोसेसु अज्जतरेनपि समन्नागतो अननुरूपो नाम, तदभावेन अत्तनो योगकम्मस्स अनुकूले । महाविहारादयो हि योगकम्मस्स अनुकूला न होन्ति, तस्मा महाविहारे ताव वत्तकरणादिना पलिबोधो होति । यत्थ पन सब्बं कतमेव, अवसेसापि सङ्घट्टना नत्थि, एवरूपो **महाविहारोपि** अनुरूपोव । **नवविहारे** बहुं नवकम्मं कातब्बं होति, तस्मा सो असति अज्जस्मिं अनुकूले कारणे अननुरूपो होति । तथा **जिण्णविहारोपि** बहुपटिजग्गितब्बताय कम्मट्टानन्तरायिको । **पन्थनिस्सितको** आगन्तुकेहि रत्तिन्दिवं समोकिण्णताय । यत्थ सोण्डी नाम पासाणपोक्खरणी होति, सो **सोण्डीविहारो** । तत्थ बहू पानीयत्थाय समोसरन्ति, तथा **पण्णपुष्पफलवति** विहारे तंतदत्थाय । **पत्थनीये** लोकसम्मते विहारे विहरन्तं “अरहा”ति सम्भावेन्ता बहू आगच्छन्ति । **नगरसन्निस्सितेपि** विहारे विसभागारम्मणापाथगमनादीनि होन्ति । **दारुसन्निस्सिते** कट्टहारिकादीहि अफासु होति । **खेतसन्निस्सिते** विहारमज्जेयेव खलमण्डलकरणादिना अफासु होति । **विसभागपुग्गलाधिवुत्थेपि** कलहनिवारणादीसु ते उपवदन्ति । **पट्टनसन्निस्सिते** अभिण्हं नावासत्थेहि आगतमनुस्सेहि अफासु होति । **पच्चन्तनिस्सिते** मनुस्सा बुद्धादीसु अप्पसन्ना होन्ति । **रज्जसीमसन्निस्सिते** द्विन्नं राजूनं कलहे सति द्विन्नं विजितेसु पिण्डाय विचरन्तं भिक्खुं “अयं चरपुरिसो”ति गहेत्वा बन्धनादिकं पापेय्युं, **असप्पाये** अमनुस्सादिउपद्वा होन्ति । कल्याणमित्तानधिवुत्थे उप्पन्नकङ्काय विनोदके असति महादोसोयेवाति एतेपि विहारा अननुरूपा, तस्मा तादिसे विहारे परिवज्जेत्वा वुत्तदोसविरहिते अनुरूपे विहारे विहातब्बं ।

तस्स पन विहारस्स अनुरूपभावो एवं वेदितब्बोति दस्सेतुं “**गामतो**”तिआदि वुत्तं । **गामतो**ति गोचरगामतो । **नातिदूरे**ति गोचरगामस्स अट्टगावुत्ततो ओरभागताय न अतिदूरे । **नच्चासन्ने**ति पच्छिमेन पमाणेन गोचरगामतो पज्चधनुसतिकताय न अतिसन्ने । इमिना गमनागमनसम्पन्नतं दस्सेति । गोचरगामस्स पन उत्तरदिसाय वा दक्खिणदिसाय वा नातिदूरं नच्चासन्नं सेनासनं विसेसेन गमनागमनसम्पन्नं होति, नातिदूरनच्चासन्नता चेत्थ निदस्सनमत्तं । **पज्चङ्गसंयुते**ति पन वुत्तत्ता नातिदूरनच्चासन्नताय सह दिवा अप्पकिण्णतादीनि चत्तारि समोधानेत्वा पज्चङ्गसंयुत्तता वेदितब्बा । वुत्तज्हेतं भगवता —

“कथञ्च, भिक्खवे, सेनासनं पज्चङ्गसमन्नागतं होति? इध, भिक्खवे, सेनासनं नातिदूरं होति नच्चासन्नं गमनागमनसम्पन्नं दिवा अप्पकिण्णं रत्तिं अप्पसद्वं अप्पनिग्घोसं अप्पडंसमकसवातातपसरीसपसम्फस्सं, तस्मिं खो पन सेनासने विहरन्तस्स अप्पकसिरेनेव उप्पज्जन्ति चीवरपिण्डपातसेनासनगिलानपच्चयभेसज्जपरिक्खारा, तस्मिं खो पन सेनासने थेरा भिक्खू विहरन्ति बहुस्सुता आगतागमा धम्मधरा विनयधरा मातिकाधरा, ते कालेन कालं उपसङ्कमित्वा परिपुच्छति पज्जं ‘इदं, भन्ते, कथं; इमस्स को अत्थोति । तस्स ते आयस्मन्तो अविवटज्जेव विवरन्ति, अनुत्तानीकतज्ज उत्तानिं करोन्ति, अनेकविहितेसु च कङ्काट्टानियेसु धम्मेसु कङ्कं पटिविनोदेन्ति । एवं खो, भिक्खवे, सेनासनं पज्चङ्गसमन्नागतं होती”ति (अ० नि० १०.११) ।

एत्थ च नातिदूरनच्चासन्नभावेन गमनागमनसम्पन्नता पठमं अङ्गं, दिवा महाजनसंकिण्णताभावेन, रत्तियं जनालापसद्वाभावेन, सब्बदापि जनसन्निपातनिग्घोसाभावेन अप्पकिण्णअप्पसद्वअप्पनिग्घोसभावो दितियं, डंसमकसादिपरिस्सयाभावो ततियं, अप्पकसिरेन चीवरपिण्डपातादिपच्चयलाभो चतुत्थं, बहुस्सुततादिगुणसमन्नागतानं

थेरानं वसनभावो पञ्चमन्ति इमेहि पञ्चहि अङ्गेहि संयुक्ते समन्नागते विहारस्मिं विहातब्बं ।

८४०-१. पठमं वुत्तआवासादिमहापलिबोधे उपादाय खुद्धकपलिबोधो, इदानीं तं पलिबोधं सरूपतो दस्सेत्वा तस्स उपच्छिन्दनाकारं आवि कातुं “दीघा केसा”तिआदि वुत्तं । सो पत्तो सुट्ठु पचितब्बोति योजना ।

८४२-५. पविवित्तेति जनविवित्ते ओकासे । वज्जेत्वा...पे०... लोहितन्ति इमे चत्तारो कसिणदोसा, तस्मा एवरूपा मत्तिका वज्जेत्वा । सण्हायाति अपनीततिणमूलसक्खरवाल्काय सुमद्विताय सुखुमाय । अरुणवण्णायाति अरुणनिभाय, अरुणवण्णप्पभायाति अत्थो । बहिद्धा वापि तादिसेति बहिद्धापि विहारपच्चन्ते पटिच्छन्नद्वाने । संहारिमन्ति संहारितब्बं गहेत्वा चरणयोग्यं । तत्रट्ठकन्ति यत्थ कतं, तत्थेव तिट्ठनकं ।

८४७-५०. पमाणतोति वक्खमानप्पमाणतो । वट्ठं आकोटेत्वाति परिमण्डलं कत्वा आकोटेत्वा । तन्ति तं चम्मं वा कटसारं वा दुस्सपट्ठं वा । कण्णिकन्ति कण्णिकासदिसं, परिमण्डलतो पदुमकण्णिकाकारन्ति वुत्तं होति । तेनाह “सम”न्ति । “कण्णिकासम”न्ति वा पाठो । विदत्थिचतुरङ्गुलन्ति चतुरङ्गुलाधिकविदत्थिप्पमाणं । एतदेव हि पमाणं सन्धाय अट्ठकथायं “सुप्पमत्ते वा सरावमत्ते वा”ति (विसुद्धि० १.५५) वुत्तं । विवट्ठन्ति निब्बानं । कसिणपरिकम्मं करोन्तोपि हि एतकेयेव अट्ठत्वा निब्बानत्थायेव वायमति । भेरीतलसमं कत्वाति पाणिकाय घंसेत्वा निन्नतुन्नतद्वानाभावेन भेरीतलं विय समं कत्वा । सम्मज्जित्वान तं ठानन्ति यस्मिं ठाने निसीदित्वा तं कसिणं ओलोकेति, तं ठानं सचे उक्लापं होति, सम्मज्जित्वा । न्हत्वाति सरीरदरथविनोदनत्थं न्हत्वा ।

८५१-२. तम्हा कसिणमण्डला हत्थपासप्पमाणस्मिं पदेसेति तम्हा कसिणमण्डलस्स, ठपितद्वानम्हा अट्ठतेय्यहत्थन्तरे पदेसे, कसिणमण्डलस्स, पीठस्स च मज्झं हत्थपासप्पमाणं कत्वा पञ्चत्तेति वुत्तं होति । विदत्थिचतुरङ्गुले उच्चेति विदत्थिचतुरङ्गुलं हुत्वा उच्चे, विदत्थिचतुरङ्गुलपादकेति वुत्तं होति । दूरे निसिन्नस्स हि कसिणं न उपट्ठाति, आसन्नतरे निसिन्नस्स हत्थपाणिकापदादयो कसिणदोसा पञ्जायन्ति । उच्चतरे निसिन्नेन च गीवं पणामेत्वा ओलोकेतब्बं होति, नीचतरे जण्णुकानि रुज्जन्ति, तस्मा हत्थपासप्पमाणे पदेसे विदत्थिचतुरङ्गुलपादके पीठे निसीदितब्बं । यस्मा चतूसु इरियापथेसु सयनं कोसज्जपक्खियं, ठानचङ्कमनानि उद्धच्चपक्खियानि, निसज्जा पन अलीनुद्धच्चपक्खिया, सन्तो इरियापथो, तस्मा वुत्तं “निसीदित्वा”ति, समन्ततो ऊरुबद्धासनं पल्लङ्कं आभुजित्वाति अत्थो । येनाकारेन निसीदन्तस्स निसज्जा सुखा होति, तं दस्सेतुं वुत्तं “उज्जुं कायं पणिधाया”ति । उपरिमं सरीरं उज्जुकं ठपेत्वा अट्ठारसपिट्टिकण्टके कोटिया कोटिं पटिपादेत्वाति अत्थो । एवञ्चि निसिन्नस्स चम्ममंसनहारुनि न ओणमन्ति, अथस्स या तेसं ओणमनपच्चया खणे खणे वेदना उप्पज्जेय्युं, ता न उप्पज्जन्ति । तासु अनुप्पन्नासु चित्तं एकगं होति, कम्मद्वानं न परिपतति । ततो च पुब्बेनापरं विसेसप्पत्तिया वुद्धिं फातिं उपगच्छति । इदानीं आरम्मणपरिग्गहपायं दस्सेन्तो आह “कत्वा परिमुखं सति”न्ति, कम्मद्वानाभिमुखं सतिं ठपेत्वाति अत्थो । अभि-सद्देन हि समानत्थो इध परि-सद्दो, अथ वा समीपत्थेन परि-सद्देन मुखस्स समीपे सतिं कत्वाति अत्थो । यथाह — “अयं सति उपट्ठिता होति सुपट्ठिता नासिकगगे वा मुखनिमित्ते वा । तेन वुच्चति परिमुखं सतिं उपट्ठपेत्वा”ति (विभ० ५३७) । अथ वा “परीति परिग्गहट्ठो, मुखन्ति निय्यानट्ठो, सतीति उपट्ठानट्ठो । तेन वुच्चति ‘परिमुखं सति’न्ति (पटि० म० १.१६४) वचनतो “परिणायिका”तिआदीसु विय परि-सद्दो परिग्गहट्ठो, “सुज्जतविमोक्खमुख”न्तिआदीसु विय मुख-सद्दो निय्यानट्ठोति कत्वा परिग्गहितनिय्यानसतिं कत्वा सब्बथा गहितासम्मोसं परिच्चत्तसम्मोसं सतिनेपक्कं उपट्ठपेत्वाति वुत्तं होति ।

८५३-५. कामेस्वादीनवं दिस्वाति “कामा नामेते अट्ठिकङ्खलिकूपमा निरस्सादट्ठेना”तिआदिना

वत्थुकामकिलेसकामेसु आदीनवं पच्चवेक्खित्वा । नेक्खम्मं दद्दु खेमतोति नेक्खम्मं खेमतो दिस्वा कामनिस्सरणं सब्बदुक्खसमतिक्कमस्स उपायभूतं नेक्खम्मन्ति एवं नेक्खम्मसङ्घातं सउपचारज्झानं, निब्बानं, विपस्सनं, सब्बेपि वा कुसलधम्मे खेमतो निब्भयतो दिस्वा, तत्थ जाताभिलासो हुत्वाति वुत्तं होति । परमं...पे०... रतनत्तयेति बुद्धादिरतनत्तये रतनत्तयगुणानुस्सरणेन बलवपीतिपामोज्जं जनयित्वा । भागी...पे०... मुत्तमन्ति “अहं इमाय सब्बबुद्धपच्चेकबुद्धअरियसावकेहि पटिपन्नाय नेक्खम्मपटिपत्तिया चित्तविवेकादिप्पविवेकजस्स सुखस्स अद्धा एकन्तेन भागी अस्सं, लाभी भवेय्य”न्ति एवं पटिपत्तियं आनिसंसदस्सनेन तब्बिसयं उत्तमं महन्तं उस्साहं कत्वा । आकारेन समेनेवाति अतिउम्मीलितअतिमन्दालोचनानि वज्जेत्वा नातिउम्मीलितनातिमन्दालोचनसङ्घातेन समेन आलोचनाकारेन । अतिउम्मीलयतो हि अतिसुखुमं, अविभूतञ्च रूपगतं उपनिज्झायतो विय चक्खु किलमति, अत्तनो सभावविभावनतो च मण्डलं अतिविभूतं होति, तथा वण्णतो, लक्खणतो वा उपतिट्ठेय्य, तेनस्स निमित्तं नुप्पज्जति । अतिमन्दं उम्मीलयतो च गजनिमीलकेन पेक्खन्तस्स विय रूपगतं मण्डलं अविभूतं होति । दस्सने मन्दब्यापारताय कोसज्जपाततो चित्तञ्च लीनं होति, एवम्पि निमित्तं नुप्पज्जति, तस्मा यथा नाम आदासतले मुखनिमित्तं गणहन्तो न तत्थ अतिगाळ्हं उम्मीलति, न अतिमन्दं, अथ खो समेन आकारेण गणहाति, एवमेव नातिउम्मीलनादिना समेन आकारेण गणहन्तेन भावेतब्बन्ति । निमित्तं गणहताति पथवीकसिणे चक्खुना गहितं निमित्तं मनसा गणहन्तेन ।

८५६-७. इदानि निमित्तगहणोपायं दस्सेतुं “न वण्णो पेक्खितब्बो”तिआदि वुत्तं । न वण्णो पेक्खितब्बो सोति यो तत्थ पथवीकसिणे अरुणवण्णो, सो न चिन्तेतब्बो वण्णवसेन मनसिकरोतो वण्णकसिणभावूपगमनतो । चक्खुविज्जाणेन पन गहितगहणं न सक्का वारेतुं, तेनेवेत्थ “न ओलोकेतब्बो”ति अवत्वा “मनसानुपेक्खिता होती”तिआदीसु विय मनसा चिन्तनवसेन पेक्खनगहणं कतं । दद्दुब्बं न च लक्खणन्ति यं तत्थ पथवीधातुया थद्धलक्खणं न मनसिकातब्बं तस्स मनसिकारे धातुकम्मट्ठानस्स गहितत्ता । वण्णं पन अमुञ्चित्वाति दिस्वा गहेतब्बत्ता पन वण्णं अमुञ्चित्वा । उस्सदस्स वसेन हि चित्तं पण्णत्तिधम्मस्मिन्ति पथवीधातुया सत्तितो अधिकभावेन ससम्भारपथविया “पथवी”ति वोहारो, तस्मिं ससम्भारपथविं उपादाय पज्जत्ते पण्णत्तिधम्मे आदासतलगतमुखनिमित्ते विय चित्तं ठपेत्वा । एकग्गमानसोति पुन नानारम्मणे चित्तं अविसारेत्वा एकग्गमानसो हुत्वा । पथवी पथविच्चेवं वत्वाति एत्थ पठमसमन्नाहारे कस्सचि वचीभेदोपि सियाति वुत्तन्ति आचरियधम्मपालत्थेरो आह ।

८५८. यदि वोहारमत्ते चित्तं ठपेतब्बं, नामन्तरवसेन पथवी मनसिकातब्बा भवेय्याति होतु, को दोसोति दस्सेन्तो आह “पथवी मेदनी”तिआदि । अथ वा किं पथवीनामेयेव वुत्ते भावना होति, उदाहु अज्जस्मिम्पीति आह “पथवी मेदनी”तिआदि । एकं वत्तुम्पि वट्ठतीति एतेसु यं इच्छति, तं अत्तनो पगुणताय वा पचुरताय वा आगच्छन्तं एकं वत्तुं वट्ठति । किञ्चापि एवं वट्ठति, अपिच “पथवी”ति एतदेव नामं पाकटं, तस्मा पाकटवसेनेव “पथवी पथवी”ति भावेतब्बन्ति आचरिया ।

८५९-६०. उम्मीलित्वा...पे०... ताव सोति याव वक्खमानाकारेण उग्गहनिमित्तं नुप्पज्जति, ताव किञ्चि कालं चक्खुं उम्मीलित्वा निमित्तगहणवसेन पथवीमण्डलं ओलोकेत्वा पुन किञ्चि कालं चक्खूनि निमीलित्वाति एवं वारसतम्पि वारसहस्सम्पि ततो भिय्योपि उम्मीलित्वा सो योगी आवज्जेय्य, येनाकारेण ओलोकेत्वा गहितं, तेनाकारेण तं समन्नाहरेय्याति अत्थो ।

८६१-३. आपाथं तु याति चेति यदि मनोद्वारिकजवनानं गोचरभावं उपगच्छति, तं उग्गहनिमित्तं तदा उपपन्नन्ति

पवुच्चतीति योजना । यदि उग्गहनिमित्तेपि पथवीमण्डलं ओलोकेत्वा भावेति, पटिभागनिमित्तुप्पत्ति न सिया । समीपद्वेन च न सक्का अनोलोकेतुन्ति वुत्तं “**निसीदितब्बं नो चेव**”न्तिआदि । **यथासुखं** निसिन्नेन, यथासुखं वा भावेतब्बन्ति सम्बन्धो ।

८६४-५. पपञ्च...पे०... धोवनेति पस्सावादिना केनचि करणीयेन निसिन्नद्वानतो अञ्जत्थ गन्त्वा पुन आगम्म निसीदन्तेन पादा धोवितब्बा होन्ति । अधोतपादेन हि सेनासनं अक्कमतो आपत्ति होति, खणे खणे पादधोवने च पपञ्चो होति, तस्मा तस्स परिहारत्थं द्वे उपाहनायेव इच्छितब्बा । ताव बहुतलिका सद्धम्पि जनेय्युं, सद्धो च ज्ञानकण्टको, तस्मा वुत्तं “**एकतलिका**”ति । तथा “परिस्सयविनोदनत्थं कत्तरदण्डो च इच्छितब्बो”ति (विसुद्धि० १.५७) **अट्टकथायं** वुत्तं । **असप्पायेन केनची**ति वक्खमानेन आवासादिअसप्पायेसु केनचिदेव असप्पायेन । **तं ठानन्ति** कसिणमण्डलस्स ठितद्वानं । **आदाय तं पुना**ति यथाजातं उग्गहनिमित्तं पुन गहेत्वा, पुन उप्पादेत्वाति वुत्तं होति ।

८६६-७. पीठे सुखनिसिन्नेनाति पुन वसनद्वानं आगन्त्वा वुत्तनियामेन पीठे सुखनिसिन्नेन । **भावेतब्बन्ति** तं निमित्तं मनसिकारवसेन वट्ठेतब्बं । **समन्नाहरितब्बन्ति** सम्मा आवज्जितब्बं, सम्मा वा अनु आहरितब्बं । **तक्काहतन्ति** “तक्कनतो तक्को”ति एवं लद्धनामेन भावनाचित्तसम्पयुत्तेन सम्मासङ्कप्पेन आहननपरियाहननकिच्चेन अपरापरं पवत्तनेन कम्मद्वानं आहतं, परियाहतञ्च कातब्बं, बलप्पत्तवितक्को मनसिकारो बहुलं पवत्तेतब्बोति अत्थो ।

८६८-७०. तं इच्छतीति तं निमित्तं मनसिकातुं इच्छति । **एवं करोन्तस्सा**ति एवं कम्मद्वानं तक्काहतं करोन्तस्स । यथा भावना पुब्बेनापरं विसेसं आवहति, एवं अनुयुञ्जन्तस्स, एवं करोतो पन यदा सद्धादीनि इन्द्रियाणि सुविसदानि तिक्खानि पवत्तन्ति, तदा अस्सद्धियादीनं दूरीभावेन सातिसयं थामप्पत्तेहि सत्तहि बलेहि लद्धुपत्थम्भानि वितक्कादीनि कामावचरानेव ज्ञानङ्गानि बहूनि हुत्वा पातुभवन्ति । ततो च तेसं उजुविपच्चनीकभूता कामच्छन्दादयो सद्धिं तदेकद्वेहि पापधम्महेहि दूरीभवन्ति । तेन वुत्तं “**विक्खम्भन्ति...पे०... पञ्च नीवरणानिपी**”ति । **समाधियति...पे०... योगिनो**ति तस्स योगिनो पटिभागनिमित्तं आरम्भ उप्पन्नउपचारसमाधिना उपचारज्झानेन चित्तम्पि समाधियति, पटिभागनिमित्तम्पि उप्पज्जति उपचारज्झानस्स तेन विना अभावतो ।

८७१-४. इमस्साति पटिभागनिमित्तस्स । **पुरिमस्सा**ति उग्गहनिमित्तस्स । **थविका**ति आदासथविकतो । **बलाका विय तोयदेति** मेघसमीपे बलाका विय । सा हि मेघस्स नीलत्ता सयं अतिपरिसुद्धा उपट्ठाति, तदा तं उपट्ठातीति सम्बन्धो । एवं आदासमण्डलूपमादीहि उग्गहनिमित्ततो पटिभागनिमित्तस्स सुविसुद्धतं, सण्हसुखुमतञ्च दस्सेति । तेनाह “**ततोधिकतर**”न्ति । उग्गहनिमित्ते अङ्गुलिपदपाणिकापदादयो कसिणदोसा पञ्जायन्ति, इदं पन वुत्तनयेन ततोपि सतगुणं सहस्सगुणं सुविसुद्धं हुत्वा उपट्ठातीति अत्थो । **तनुसण्ठानवन्तन्ति**आदि अपरमत्थसभावत्ता वुत्तं । यदि हि तं एदिसं भवेय्य, चक्खुविज्जेय्यं सिया, ओळारिकं सम्मसन्पुगं तिलक्खणाहटं, न पनेतं तादिसन्ति । यदि पनेतं न सण्ठानादिवन्तं, कथं ज्ञानस्स आरम्भणभावोति आह “**उपट्ठा...पे०... मय**”न्ति । तत्थ **पञ्जजन्ति** भावनामयं पञ्जाजनिंतं, भावनापञ्जाय सज्जाननमत्तन्ति वुत्तं होति । न हि असभावधम्मस्स कुतोचिसमुद्धानं अत्थि । तेनाह “**भावनामयं उपट्ठानाकारमत्त**”न्ति, केवलं समाधिलाभिना भावनाविसेसजनितं तम्मयं उपट्ठानाकारमत्तमेव भावनाविसेसानुभावेन उपट्ठातीति अत्थो ।

८७५-८. विक्खम्भितानेव सन्निसिन्नानेव न पुन तदत्थं उस्साहो कातब्बोति अधिप्पायो । पटिभागनिमित्ते हि उप्पज्जमानेयेव तंविषयं उपचारज्झानं नीवरणे विक्खम्भेन्तमेव उप्पज्जति । **किलेसा सन्निसिन्नावा**ति अवसेसा तदेकद्विकिलेसा च सम्मदेव निसिन्ना, उपसन्ताति अत्थो । “उपचारसमाधिना”ति वुत्ते इतरोपि समाधि अत्थीति अत्थतो

आपन्नन्ति तम्पि दस्सेतुं “आकारेहि पन द्वीही”ति आदि वुत्तं । द्वीहि आकारेहीति ज्ञानधम्मानं पटिपक्खदूरीभावो, थिरभावप्पत्तिं चाति इमेहि द्वीहि कारणेहि । इदानीं तानि कारणानि समाधिअवत्थामुखेन दस्सेतुं “उपचारक्खणे”ति आदि वुत्तं । उपचारक्खणेति उपचारभूमियं उपचारावत्थायं । तस्स पटिलाभेति यदत्थाय अयं पटिपन्नो, तस्स अप्पनासमाधिस्स पटिलाभे अधिगमावत्थायं । कथं उपचारभूमियं समाधियति, कथञ्च अप्पनाभूमियन्ति आह “नीवारणप्पहानेना”ति आदि । उपचारक्खणे यदिपि ज्ञानङ्गानि पटुतरानि महग्गतभावप्पत्तानि न होन्ति, तेसं पटिपक्खधम्मानं विक्खम्भनेन चित्तं समाधियति, पटिलाभभूमियम्पि अप्पनापत्तानं ज्ञानङ्गानं पातुभावेन समाधियतीति अत्थो ।

८७९-८०. अङ्गानि...पे०... न चाति उपचारक्खणे अङ्गानि न च थामजातानि नेव भावनाबलप्पत्तानि होन्तीति अत्थो । अप्पनायाति अप्पनक्खणे । तस्माति यस्मा अङ्गानि थामजातानि जायरे, तस्मा । अप्पनाचित्तं दिवसम्पि पवत्ततीति यथा नाम बलवा पुरिसो आसना वुट्ठाय दिवसम्पि तिठ्ठेय्य, एवमेवं अप्पनासमाधिम्हि उप्पन्ने ज्ञानचित्तं सकिं भवङ्गवारं छिन्दित्वा उप्पन्नं केवलं रत्तिम्पि दिवसम्पि कुसलजवनपटिपाटिवसेनेव पवत्ततीति अत्थो । “अप्पनापत्तं दिवसम्पि पवत्तती”ति वदता उपचारक्खणे न तथाति दस्सितं होति । तत्थ हि अङ्गानं अथामजातत्ता यथा नाम दहरो कुमारो उक्खिपित्वा ठपियमानो पुनप्पुनं भूमियं पतति, एवमेवं चित्तं कालेन निमित्तं आरम्भणं करोति, कालेन भवङ्गं ओतरति ।

८८१-४. तेनेव पल्लङ्केनाति यस्मिं निसिन्नो पटिभागनिमित्तं अधिगच्छि, तेनेव पल्लङ्केन करणभूतेन, हेतुभूतेन वा तं निमित्तं वट्ठेत्वा । उपचारभूमियञ्चि निमित्तवट्ठुनं युत्तं । चक्कवत्तियगम्भोवाति चक्कवत्ति भवितुं पुज्जवा गम्भो विय । परिहानि न विज्जतीति लद्धूपचारज्ज्ञानस्स परिहानि न विज्जति । निमित्ते हि अपरिहीने तदारम्भणं ज्ञानं अपरिहीनमेव होति, निमित्ते पन आरक्खाभावेन विनट्ठे लद्धज्ज्ञानम्पि विनस्सति तदायत्तवुत्तित्ता । तेनाह “आरक्खणे”ति आदि ।

८८५. आवासोति यस्मिं आवासे वसन्तस्स अनुप्पन्नं निमित्तं नुप्पज्जति, उप्पन्नं वा विनस्सति, अनुपट्ठिता च सति न उपट्ठति, असमाहितञ्च चित्तं न समाधियति, अयं असप्पायो आवासो, तस्मा यस्मिं विहारे बहू आवासा होन्ति, तत्थ एकेकस्मिं तीणि तीणि दिवसानि वसित्वा यत्थ चित्तं एकगं न होति, तं पहाय तब्बिपरीते वसितब्बं । गोचरोति गोचरगामो, सो सेनासनतो अतिदूरे अच्छासन्ने पुब्बदिसाय वा पच्छिमदिसाय वा असुलभभिक्षो असप्पायो । भस्सन्ति द्वत्तिसतिरच्छानकथापरियापन्ना असप्पायकथा । सा हिस्स निमित्तन्तरधानाय संवत्तति । पुग्गलोति तिरच्छानकथिको, सीलादिगुणविरहितो पुग्गलो, यं निस्साय असमाहितं वा चित्तं न समाधियति, समाहितं वा थिरं न होति, एवरूपो । सो हि तं कदमोदकमिव अच्छं उदकं मलीनमेव करोति । भोजनं पन कस्सचि अम्बिलं, कस्सचि मधुरं असप्पायं होति । उत्तुपि कस्सचि सीतो, कस्सचि उण्हो । तस्मा यं भोजनं वा उत्तुं वा सेवन्तस्स फासु न होति, तं भोजनं सो च उत्तु असप्पायो । इरियापथोति ठानचङ्कमनादीसु यो इमस्स असमाहितचित्तस्स समाधानाय, समाहितचित्तस्स च थिरभावाय न होति, अयं असप्पायो इरियापथो, तस्मा तम्पि आवासं विय तीणि दिवसानि उपपरिक्खित्वा वज्जेतब्बं ।

८८६. सप्पाये सत्त सेवेय्याति वुत्तविपरीतवसेन सप्पाये आवासादिके सत्त सेवेय्य । तत्थ भस्ससप्पायं नाम दसकथावत्थुसन्निस्सितं, तम्पि मत्ताय भासितब्बं । एवञ्चि पटिपज्जतोति एवं वुत्तप्पकारेन सत्त असप्पाये वज्जेत्वा सत्त सप्पाये सेवनवसेन पटिपज्जन्तस्स निमित्तासेवनबहुलस्स ।

८८८-९. येन विना अप्पनाय कुसलो न होति, सो दसविधो विधि, अप्पनाकोसल्लं, तन्निब्बत्तं वा जाणं गन्थवित्थारभयेन इध न दस्सितं, अत्थिकेन पन विसुद्धिमग्गतो (विसुद्धिं १.६०) गहेतब्बन्ति अधिप्पायो । पटिलद्धे

निमित्तस्मिं, एवञ्चि सम्पादयतो अप्पनाकोसल्लं अप्पना सम्पवत्ततीति सम्बन्धो ।

८९०-२. साति अप्पना । एवञ्हीति हि-सद्दो हेतुअत्थो, यस्मा ठानमेतं न विज्जति, तस्मा चित्तप्पवत्तिआकारं भावनाचित्तस्स लीनुद्धतादिवसेन पवत्तिआकारं **सल्लक्खयं** उपधारेन्तो **समतं वीरियस्सेव** वीरियस्स समाधिना समतंयेव **योजयेथ**, कथं पन योजयेथाति आह **“ईसकम्पी”**तिआदि । तत्थ लयन्ति लीनभावं, सङ्कोचन्ति अत्थो । **यन्तन्ति गच्छन्तं, पग्गण्हेथेव** समभावायाति अधिप्पायो । तेनाह **“अच्चारद्धं निसेधेत्वा सममेव पवत्तये”**ति । तं मानसन्ति सम्बन्धो ।

८९४-९. एवन्ति वुत्तप्पकारेन वीरियसमतायोजनवसेन, पटिपन्नभावनामानसं पटिभागनिमित्तेयेव ठपनवसेन निमित्ताभिमुखं पटिपादयतो **तस्स** योगिनो । **समिज्झिस्सतीति** उप्पज्जिस्सति । **पथवीकसिणन्ति** पथवीति भावनावसेन उपट्ठितं तदेव पटिभागनिमित्तं । **जवनानीति** कामरूपावचरजवनानि । तेनाह **“एकं तु रूपावचरिकं भवे”**ति । **अञ्जेहीति** पाकतिकेहि कामावचरचित्तेहि । **बलवतराति** भावनाबलेन पटुतरभावप्पत्तिया अच्चन्तबलवन्तो । **परिकम्मोपचारतोति** परिकम्मत्ता, उपचारत्ता च । तत्थ परिकम्मत्ताति पटिसङ्खरणत्ता । उपचारत्ताति यथा गामादीनं आसन्नदेसो **“गामूपचारो, नगरूपचारो”**ति वुच्चति, एवं अप्पनाय आसन्नत्ता समीपचारित्ता । **उपचारानि** अप्पनं उपेच्च चरन्तीति कत्वा । **अप्पनायानुलोमत्ताति** नानावज्जनवीथियं परिकम्मतोपि लहुकं अप्पनानिष्पादकवसेन, गुणवसेन वा अप्पनाय अनुकूलत्ता । **एत्थाति** एतेसु परिकम्मोपचारानुलोमसज्जितेसु । **सब्बन्तिमं** ततियं, चतुत्थं वा **गोत्रभूति** पवुच्चति परित्तगोत्तस्स अभिभवनतो, महग्गतगोत्तस्स भावनतो च ।

९००-३. अविसेसेन सब्बेसं सब्बा समज्जाति पठमे नये गहितागहणं होतीति आह **“गहितागहणेना”**तिआदि । एकेकस्स गहितनामं इतरेसं अग्गहणतो, एकेकनामवसेन गहितस्स इतरनामवसेन अग्गहणतो वा नानावज्जनपरिकम्ममेव परिकम्मन्ति अधिप्पायेन **“पठमं उपचारं वा”**तिआदि वुत्तं । **चतुत्थं पञ्चमं वाति वा-**सद्दो अनियमो, सो पन खिप्पाभिज्जदन्धाभिज्जवसेन वेदितब्बो । खिप्पाभिज्जस्स हि चतुत्थं अप्पेति, दन्धाभिज्जस्स पञ्चमं । **ततो परन्ति** पञ्चमतो परं । तेनाह **“छट्ठे वा”**तिआदि । कस्मा न जायतीति आह **“आसन्नत्ता भवङ्गस्सा”**ति । चित्तनियामवसेन हि उप्पज्जितब्बेसु सत्तसु जवनेसु छट्ठसत्तमजवनवारगळनट्टानभूतत्ता भवङ्गस्स आसन्नं जवनं पतति । **तावदेति** तावदेव । छट्ठं, सत्तमं वा जवनं पतन्तं विय होति परिकखीणजवनत्ताति अधिप्पायो ।

९०४-६. अथ किमेतं वुच्चति **“छट्ठे सत्तमे वापि अप्पना न जायती”**ति? **आभिधम्मिकगोदत्तत्थेरो** हि **“पुरिमा** पुरिमा कुसला धम्मा पच्छिमानं पच्छिमानं कुसलानं धम्मानं आसेवनपच्चयेन पच्चयो”ति (पट्ठा० १.१.१२) इमं सुत्तं वत्वा यथा अलद्धासेवनं पठमजवनं गोत्रभुं न उप्पादेति, लद्धासेवनं पन बलवभावतो दुतियं, ततियं वा गोत्रभुं उप्पादेति, एवं लद्धासेवनताय बलवभावतो छट्ठं, सत्तमम्पि वा अप्पेतीति छट्ठं, सत्तमम्पि वा अप्पना होतीति वदती”ति इमं चोदनं मनसि निधाय थेरस्स तं मतं पटिक्खित्वा यथावुत्तमतमेव पटिट्ठापेतुं **“पुरिमेही”**तिआदि वुत्तं ।

परियन्ते ठातुं नेव सक्कोतीति पपाते एव पततीति अधिप्पायो । **अप्पेतुं न सक्कोतीति** पटिट्ठातुं अप्पनावसेन उप्पज्जितुं न सक्कोति । न चेत्थ **“पुरिमा पुरिमा”**तिआदिसुत्तपदं साधकं आसेवनपच्चयलाभस्स बलवभावे अनेकन्तिकत्ता । तथा हि अलद्धासेवनापि पठमचेतना दिट्ठधम्मवेदनीया होति, लद्धासेवना दुतियचेतना याव छट्ठचेतना अपरापरियवेदनीया, तस्मा लद्धासेवनेपि छट्ठसत्तमे अप्पना न होति आसन्नभवङ्गताय दुब्बलत्ताति अधिप्पायो । यदि एवं कथं सत्तमजवनचेतना उपपज्जवेदनीया आनन्तरिया होति? नायं विसेसो, आसेवनपच्चयलाभेन बलवप्पत्तिया, किञ्चरहि किरियावत्थाविसेसतो । **किरियावत्था** हि आरम्भमज्झपरियोसानवसेन तिविधा । तत्थ परियोसानावत्थाय

सन्निद्धापकचेतनाभावेन उपपज्जवेदनीयादिता होति, न बलवभावेनाति आचरिया ।

९०७. एक...पे०... पनाति अयं अप्पना एकचित्तक्खणायेव एकवारमेव उप्पज्जित्वा निरुज्झति, न समापत्तिवीथियं विय यथिच्छकं पवत्ति । सत्तसु हि ठानेसु कालपरिच्छेदो नाम नत्थि, पठमप्पनायं, लोकियाभिज्जासु, चतूसु मग्गेसु, मग्गानन्तरे फले, रूपारूपभवेसु भवङ्गद्वाने निरोधस्स पच्चये नेवसज्जानासज्जायतने निरोधा वुड्डहन्तस्स फलसमापत्तियन्ति । एतेसु हि कत्थचि अतिइत्तरा, कत्थचि अप्पमाणा चित्तक्खणा होन्ति, कत्थचि सम्पुण्णजवनवीथि अब्धा लब्धति । तथा हि मग्गानन्तरं फलं तिण्णं उपरि न होति, निरोधस्स पच्चयो नेवसज्जानासज्जायतनं द्विन्नं उपरि न होति, रूपारूपभवेसु भवङ्गस्स परिमाणं नत्थि, सेसेसु पन चतूसु ठानेसु एकमेव चित्तन्ति तस्मा एकचित्तक्खणिकायेव अप्पना होतीति वेदितब्बा ।

९०८. पच्चवेक्खणहेतुकन्ति पच्चवेक्खणहेतुं कत्वा । ननु च पच्चवेक्खणं आवज्जनादीहि, न पन तेन आवज्जनादि, तस्मा कथं पच्चवेक्खणहेतुकं होतीति युज्जति? नायं दोसो भवनकिरियाय पच्चवेक्खणहेतुकता । न हि असति पच्चवेक्खणे सा होति निरोधस्स पच्चयभूतज्ञानन्तरमिव, सति पन पच्चवेक्खणे सा होति, तस्मा अन्वयव्यतिरेकवसेन लब्धति । तस्सा पच्चवेक्खणहेतुकताति न न युज्जति “पच्चवेक्खणहेतुक”न्ति वचनं । पच्चवेक्खणहेतुकं आवज्जनन्ति वा सम्बन्धो । **आवज्जनज्हि** पच्चवेक्खणजाणानं अनन्तरपच्चयभावेन कारणं होति ।

९११-३. नानाविसयलुद्धस्स, इतो चित्तो च भमन्तस्स चेतसोति सम्बन्धो । **समाधानेवाति** समाधाना एव, समाधानकरणतोति अत्थो । **पामोज्जभावतोति** पामोज्जेन समानयोगक्खमताय तस्सा तब्भाववुत्तिता । अथ वा ब्यापादेन घट्टियमानस्स चित्तस्स पमुदितभावकरणतो पीतियेव “पामोज्ज”न्ति वुच्चति, तस्स भावो, तस्मा पामोज्जसभावताति अत्थो । **सीतलत्तसभावतोति** ब्यापादग्गिना सन्तापियमानस्स चित्तस्स निब्बापनवसेन सीतलत्तसभावता ।

९१४-६. सविष्कारिकभावेनाति योनिसो सङ्कप्पवसेन कामवितक्कादिं मद्दित्वा पवत्तनतो सविष्कारिकसभावेन । **नेक्खम्मादिपवत्तितोति** एत्थ नेक्खम्म-ग्गहणेन ब्रह्मविहारवज्जं पठमज्झानं गहितं । **आदि-**सदेन तीसु ब्रह्मविहारेसु पठमज्झानं गहितन्ति वदन्ति । **अवूपसन्तभावस्साति** उद्धच्चस्स सरूपकथनेन तंसहवत्तिनो अनुतापसभावस्स कुक्कुच्चस्सापि सरूपं कथितमेवाति दट्टब्बं । तथा **सयज्जेवातिसन्ततोति** उद्धच्चपटिपक्खसभाववचनेन कुक्कुच्चपटिपक्खो पीतिभावोपि । तेनाह “**सुखं उद्धच्चकुक्कुच्चद्वयस्सा**”ति । **मतिया अनुरूपताति** पज्जाय अनुरूपता । तथा च वुत्तं **आचरियधम्मपालत्थेरेन** “विचारो विचिकिच्छाय पटिपक्खो आरम्मणे अनुमज्जनवसेन पज्जापतिरूपकसभावता”ति । पोत्थकेसु पन “पीतिया अनुरूपता”ति पाठो दिस्सति, तस्स च विचारो अनुमज्जनसभाववन्तताय पीति विय आरम्मणे अनिवत्तन्तो ओगाहेत्वा पवत्ततीति पीतिया अनुरूपता सन्देहसभावता आरम्मणं अनज्झोगाहेत्वा पवत्तमानाय विचिकिच्छाय पटिपक्खोति अत्थं वदन्ति ।

९१७. तिविधकल्याणन्ति आदिमज्झपरियोसानकल्याणतासङ्घाताहि पटिपदाविसुद्धिआदीहि तिविधकल्याणताहि युत्तं । यथाह “पठमस्स ज्ञानस्स पटिपदाविसुद्धि आदि, उपेक्खानुब्रूहना मज्झे, सम्पहंसना परियोसान”न्ति (पटि० म० १.१५८) । तत्थ पुब्बभागपटिपदावसेन ज्ञानस्स परिपन्थतो विसुज्जनं पटिपदाविसुद्धि नाम, सा पन यस्मा ज्ञानस्स उप्पादक्खणे लब्धति, तस्मा वुत्तं “पटिपदाविसुद्धि आदी”ति । विसोधेतब्बतादीनं अभावतो ज्ञानपरियापन्नाय तत्रमज्झत्तुपेक्खाय किच्चनिष्फत्तिया अनुब्रूहना उपेक्खानुब्रूहना नाम । सा पनायं विसेसतो ज्ञानस्स ठितिक्खणे लब्धति । तेन वुत्तं “उपेक्खानुब्रूहना मज्झे”ति । तत्थ धम्मनं अनतिवत्तनादिसाधकस्स जाणस्स किच्चनिष्फत्तिवसेन परियोदपना

सम्पहंसना नाम । सा ज्ञानस्स ओसानखणे पाकटा होतीति वुत्तं “सम्पहंसना परियोसान”न्ति ।

अभयगिरिवासिनो “पटिपदाविसुद्धि नाम ससम्भारिको उपचारो, उपेखानुब्रूहना नाम अप्पना, सम्पहंसना नाम पच्चवेकखणा”ति (विसुद्धि० १.७५) एवं पटिपदाविसुद्धिआदिके वण्णेन्ति, तं अयुत्तं । एवञ्चि सति अज्ञानधम्महि ज्ञानधम्मस्स गुणसंकित्तनं नाम कतं होति । न हि भूमन्तरं भूमन्तरपरियापन्नं होति, अन्तोअप्पनायमेव आगमनवसेन पटिपदाविसुद्धि, तत्रमज्झत्तुपेकखाय किच्चनिप्फत्तिआदीहि उपेखानुब्रूहनादयो च वेदितब्बा । एवञ्च कत्वा वुत्तं भगवता “एकत्तगतं चित्तं पटिपदाविसुद्धिपक्खन्तरञ्चेव होति उपेखानुब्रूहितञ्च जाणेन सम्पहंसित”न्ति (पटि० म० १.१५८) । एत्थ हि **एकत्तगतं चित्तन्ति** इन्द्रियानं एकरसभावेन, एकगताय च सिखप्पत्तिया तदनुगुणएकत्तगतं ससम्पयुत्तमप्पनाचित्तं, तस्सेव पटिपदाविसुद्धिपक्खन्दनादि पक्खन्तरं वुच्चति ।

दसलक्खणसंयुतन्ति “आदिमहि तीणि लक्खणानि, मज्झे तीणि, परियोसाने चत्तारी”ति एवं दसपरिमाणेहि अप्पनाय लक्खितब्बभावेन लक्खणसङ्घातेहि परिपन्थतो विसुद्धिज्ञानादीहि संयुत्तं । वुत्तञ्हेतं —

“पठमस्स ज्ञानस्स पटिपदाविसुद्धि आदि । आदिस्स कति लक्खणानि? आदिस्स तीणि लक्खणानि । यो तस्स परिपन्थो, ततो चित्तं विसुद्धति, विसुद्धत्ता चित्तं मज्झिमं समथनिमित्तं पटिपज्जति, पटिपन्नत्ता तत्थ चित्तं पक्खन्दति, यञ्च परिपन्थतो चित्तं विसुद्धति, यञ्च विसुद्धत्ता चित्तं मज्झिमं समथनिमित्तं पटिपज्जति, यञ्च पटिपन्नत्ता तत्थ चित्तं पक्खन्दति, पठमस्स ज्ञानस्स पटिपदाविसुद्धि आदि, आदिस्स इमानि तीणि लक्खणानि । तेन वुच्चति पठमं ज्ञानं आदिकल्याणञ्चेव होति लक्खणसम्पन्नञ्च ।

“पठमस्स ज्ञानस्स उपेखानुब्रूहना मज्झे, मज्झस्स कति लक्खणानि? मज्झस्स तीणि लक्खणानि । विसुद्धं चित्तं अज्झुपेक्खति, समथपटिपन्नं अज्झुपेक्खति, एकत्तुपट्ठानं अज्झुपेक्खति, यञ्च विसुद्धं चित्तं अज्झुपेक्खति, यञ्च समथपटिपन्नं अज्झुपेक्खति, यञ्च एकत्तुपट्ठानं अज्झुपेक्खति, पठमस्स ज्ञानस्स उपेखानुब्रूहना मज्झे, मज्झस्स इमानि तीणि लक्खणानि । तेन वुच्चति पठमं ज्ञानं मज्झेकल्याणञ्चेव होति लक्खणसम्पन्नञ्च ।

“पठमस्स ज्ञानस्स सम्पहंसना परियोसानं । परियोसानस्स कति लक्खणानि? परियोसानस्स चत्तारि लक्खणानि । तत्थ जातानं धम्मानं अनतिवत्तनट्ठेन सम्पहंसना, इन्द्रियानं एकरसट्ठेन सम्पहंसना, तदुपगवीरियवाहनट्ठेन सम्पहंसना, आसेवनट्ठेन सम्पहंसना, पठमस्स ज्ञानस्स सम्पहंसना परियोसानं, परियोसानस्स इमानि चत्तारि लक्खणानि । तेन वुच्चति पठमं ज्ञानं परियोसानकल्याणञ्चेव होति लक्खणसम्पन्नञ्चा”ति (पटि० म० १.१५८) ।

एत्थ च गोत्रभुचित्तस्स नानावज्जनवीथियं उप्पज्जनारहपरिपन्थतो विसुद्धनतो तदागमनवसेन ज्ञानचित्तस्स विसुद्धनाकारं सन्धाय “यो तस्स परिपन्थो, ततो चित्तं विसुद्धती”ति वुत्तं । गोत्रभुचित्तस्सेव तथा विसुद्धत्ता आवरणविरहितं हुत्वा एकत्तनयेन मज्झिमसमथनिमित्तसङ्घातं समप्पवत्तं अप्पनासमाधिपटिपज्जनं सन्धाय “विसुद्धत्ता चित्तं मज्झिमसमथनिमित्तं पटिपज्जती”ति वुत्तं । तथा हि खीरस्सेव दधिभावाभावेपि तदेव खीरं दधिसम्पन्नन्तिआदीसु विय गोत्रभुचित्तस्स अप्पनाभावाभावेपि एकसन्ततिपरिणामूपगमनवसेन तं मज्झिमं समथनिमित्तं लीनुद्धच्चसङ्घातअन्तद्वयानुपगमनेन मज्झिमं पच्चनीकवूपसमनतो यथा समथसङ्घातं योगिनो सुखविसेसानं कारणभावतो निमित्तभूतं अप्पनासमाधिं पटिपज्जति नाम, तथा पटिपन्नत्ता पन समाहितभावूपगमनेन एकत्तनयवसेनेव तत्थ पक्खन्दनं

सन्धाय “पटिपन्नत्ता तत्थ चित्तं पक्खन्दती”ति वुत्तं । एकत्तनयञ्जि विना गोत्रभुस्स अप्पनापक्खन्दनं नत्थि । एवं ताव पुरिमचित्ते विज्जमानाकारस्स इध निब्बत्तिया ज्ञानं उप्पादक्खणे तिविधलक्खणसम्पन्नं नाम । यथा हि लोकियविपस्सनाय किच्चनिप्फत्तिया लोकोत्तरमग्गो “विपस्सना”ति वुच्चति, एवं विसुद्धस्स पन तस्स पुन विसोधने ब्यापाराकरणतो तत्रमज्झत्तुपेक्खाकिच्चवसेन पुग्गलस्स अज्झुपेक्खनतो वुत्तं “विसुद्धं चित्तं अज्झुपेक्खती”ति । अप्पनासमाधिभावूपगमनेन समथविप्पटिपन्नस्स पुन समाधाने ब्यापाराकरणतो वुत्तं “समथपटिपन्नं चित्तं अज्झुपेक्खती”ति ।

एवं समथपटिपन्नभावतोयेव पुब्बे “कथं नु खो किलेससंसग्गं पजहेय्य”न्ति पटिपन्नस्स इदानीं समथपटिपत्तिया तस्स पहीनत्ता पापमित्तसंसग्गं पहाय एकस्स विहरतो सप्पुरिसस्स विय एकत्तेन उपट्ठितस्स ज्ञानचित्तस्स पुन एकत्तुपट्ठाने ब्यापाराकरणं सन्धाय “एकत्तुपट्ठानं अज्झुपेक्खती”ति वुत्तं । एवं तत्रमज्झत्तुपेक्खाय किच्चवसेन ज्ञानं मज्झे तिविधलक्खणसम्पन्नं नाम होति । पुब्बभागप्पवत्तपरिहारियजाणेन चित्तस्स संकिलेसवोदानकरधम्मेषु आदीनवानिसंसं दिस्वा यथा तत्थ जातानं धम्मानं अज्जमज्जानतिवत्तनं होति, तथा भावनाय सम्पहंसितत्ता विसोधितत्ता तत्रमज्झत्तुपेक्खाय वसेन अनुब्रूहिते चित्ते समाधिपज्जासङ्घातयुगनद्धधम्मानं अज्जमज्जानतिवत्तिया पवत्तनं सन्धाय वुत्तं “तत्थ जातानं धम्मानं अनतिवत्तनट्ठेन सम्पहंसना”ति । सद्भापज्जमकानं इन्द्रियानं नानाकिलेसेहि विमुत्तत्ता विमुत्तिवसेन एकरसतं सन्धाय वुत्तं “इन्द्रियानं एकरसट्ठेन सम्पहंसना”ति । तेसं अनतिवत्तनसम्पहंसनानं अनुरूपवसेन अलीनं अनुद्धतं हुत्वा वीरियस्स पवत्तिं सन्धाय “तदुपगवीरियवाहनट्ठेन सम्पहंसना”ति वुत्तं । या पनस्स तस्मिं खणे पवत्ता आसेवना, उप्पादतो पट्ठाय ठितिपरियोसानानं आसेवनपच्चयभाववसेन पवत्ताकारो, तं सन्धाय “आसेवनट्ठेन सम्पहंसना”ति वुत्तं । एवं धम्मानं अनतिवत्तनादिभावसाधनेन परियोदापकस्स जाणस्स किच्चवसेन ज्ञानपरियोसाने चतूहि लक्खणेहि सम्पन्नं नामाति वेदितब्बं ।

१११-२०. विसोधेत्यान पापकेति पारिपत्थिके धम्मे विसेसेन सोधेत्वा सयं पहानमत्ते अट्ठत्वा अतिसयप्पहानवसेन पुन सोधेत्वाति वुत्तं होति । **चित्तभावनवेपुल्लन्ति** समाधिभावनाय विपुलभावं । यथा हि भावनावसेन निमित्तस्स उप्पत्ति, एवमस्स भावनावसेन वड्डनम्पि, तस्मा एकङ्गुलादिवसेन निमित्तं वड्डयन्तस्स पुनप्पुनं बहुलीकारेन ज्ञानभावनापि वुट्ठिं विरुळ्हि, अभिज्जावसेन च वेपुल्लं आपज्जति । तेन वुत्तं “चित्तभावनवेपुल्लं...पे०... वड्ढेतब्ब”न्ति ।

१२१-३. वड्डनाभूमियो द्वेवाति वड्डनट्ठानानि द्वेयेव । द्वीसु ठानेसु अवस्सं एकत्तं वड्ढेतब्बन्ति आचरिया । तत्राति सामिअत्थे भुम्मवचनं, तस्साति अत्थो । तत्राति वा द्वीसु भूमीसु । **कसितब्बं...पे०... यथिच्छकन्ति** यथा नाम कस्सको कसितब्बट्ठानं नङ्गलेन परिच्छिन्दित्वा परिच्छेदब्भन्तरं कसितुं तं ठानं परिच्छिन्दति, एवमेवं एकङ्गुलद्वङ्गुलतिवङ्गुलचतुरङ्गुलमत्तं मनसा परिच्छिन्दित्वा परिच्छिन्दित्वा यथापरिच्छेदं वड्ढेतब्बं । ततो विदत्थिरतनप्पमुखपरिवेणविहारसीमानं, गामनिगमजनपदरज्जसमुद्दसीमानञ्च परिच्छेदवसेन वड्डयन्तेन चक्कवाळपरिच्छेदं कत्वा वा ततो वापि उत्तरि परिच्छिन्दित्वा वड्ढेतब्बं । तेन वुत्तं “यथिच्छकं वड्ढेतब्ब”न्ति । अपरिच्छिन्दित्वा पन न वड्ढेतब्बं । न हि अपरिच्छेदे भावना पवत्तति । तथा च वुत्तं “सन्तके नो अनन्तके”ति । एवं वड्ढितञ्च तं निमित्तं वड्ढितवड्ढितट्ठाने पथविया उक्कूलविकूलनदीविदुग्गपब्बतविसमेसु सङ्कुसतसमम्भाहतं उसभचम्मं विय होति ।

१२४-६. तस्मिं पन निमित्ते पत्तपठमज्झानेन आदिकम्मिकेन इदानेव दुतियज्झानादिअधिगमाय उस्साहं अकत्वा

तस्मिंयेव पठमज्झाने पञ्चहाकारेहि सुचिण्णवसिना भवितव्वन्ति दस्सेतुं “पत्तेपी”तिआदि वुत्तं । सुचिण्णो वसो वसिभावो एतेनाति **सुचिण्णवसिना**, सुट्ठु आसेवितवसिनाति अत्थो । कतमा ता वसियो, यासं वसेनायं पञ्चहाकारेहि सुचिण्णवसीति आह “**आवज्जन**”न्तिआदि । तत्थ **आवज्जनन्ति** न आवज्जनमत्तमेव अधिप्पेतं आवज्जनवसिताय अधिप्पेतत्ता । आवज्जनाय पन उप्पन्नाय जवनेहिपि भवितव्वं । तानि च खो आवज्जनकप्परताय चित्ताभिनीहारस्स यथावज्जितवसेन होन्ति । अधिगमेन समं, ससम्पयुत्तस्स ज्ञानस्स सम्मा आपज्जनं पटिपज्जनं **समापत्ति** । अभिभुय्य ठपनं, अधिद्वानं वियाति वा **अधिद्वानं** । वसिताति एतेसु आवज्जनादीसु यथारुचि पवत्तियो, यत्थिच्छकं, यदिच्छकं, यावतिच्छकं पवत्तितुं समत्थभावो ।

तत्थ पठमज्झानतो वुट्ठाय पठमं वितक्कं आवज्जयतो भवङ्गं उपच्छिन्दित्वा उप्पन्नावज्जनानन्तरं वितक्कारम्मणानेव चत्तारि, पञ्च वा जवनानि जवन्ति, ततो द्वे भवङ्गानि, ततो पुन विचारारम्मणं आवज्जनं वुत्तनयेनेव जवनानीति एवं पञ्चसु ज्ञानङ्गेषु पटिपाटिया निरन्तरं चित्तं पेसेतुं समत्थभावो, तत्थ अदन्धायित्तं **आवज्जनवसिता** नाम । समापज्जितुकामतानन्तरं द्वीसु भवङ्गेषु उप्पन्नेसु भवङ्गं उपच्छिन्दित्वा उप्पन्नावज्जनानन्तरं समापज्जितुं समत्थता **समापज्जनवसिता** नाम । अयञ्च मत्थकप्पत्ता आवज्जनसमापज्जना सत्थु यमकपाटिहारियकालधम्मदेसनादीसु लब्धति । धम्मसेनापत्तिस्स यक्खेन सीसे पहारदानसमये, महामोगल्लानत्थेरस्स नन्दोपनन्ददमनसमये वा लब्धति, अञ्जत्थ पन ततो दन्धायेव, सेतु विय सीघसोताय नदिया ओघं भवङ्गवेगं उपच्छिन्दित्वा यथापरिच्छिन्नकालं ज्ञानं ठपेतुं समत्थता, भवङ्गपाततो रक्खणयोग्यता **अधिद्वानवसिता** नाम । यथापरिच्छिन्नकालं अतिक्कमितुं अदत्वा ज्ञानतो वुट्ठानसमत्थता **वुट्ठानवसिता** नाम ।

अथ वा यथापरिच्छिन्नकालतो उपरि गन्तुं अदत्वा ठपनसमत्थता अधिद्वानवसिता नाम । परिच्छिन्नकालतो अन्तो अवुट्ठहित्वा यथाकालवसेनेव वुट्ठानसमत्थता वुट्ठानवसिता नाम । अथ वा वुत्तनयेनेव परिच्छिन्नकालतो अनूनं कत्वा समापत्तिं ठपेतुं समत्थताव अधिद्वानवसिता नाम । कालपरिच्छेदं अतिक्कमित्वा वुट्ठितस्सपि निदालुकस्स पटिबुज्झित्वा पुनप्पुनं निदोक्कमनं विय वुट्ठितसमापत्तिमेव पुनप्पुनं असमापज्जित्वा वुट्ठानसमत्थता, तत्थ आलयाकरणयोग्यता च वुट्ठानवसिता नाम ।

पच्चवेक्खणवसिता पन आवज्जनवसिताय एव सङ्गहिता । पच्चवेक्खणजवनानेव हि तेसं तेसं ज्ञानङ्गानं आवज्जनानन्तरं पवत्तानि, तस्मा यदग्गेन आवज्जनवसिया सिद्धि, तदग्गेन पच्चवेक्खणवसिता सिद्धाति वेदितव्वं । केचि पन ज्ञानङ्गानं अपाकटभावेपि तेसु निरन्तरं आवज्जनाय पवत्तनसमत्थता आवज्जनवसिता नाम, तेसं यथासभावपच्चवेक्खणवसेन जवनप्पवत्तनसमत्थता पच्चवेक्खणवसिता नाम । अथ वा सतिपि सत्तन्नं जवनानं पवत्तियं निरन्तरं आवज्जनसमत्थता आवज्जनवसिता नाम, वसिताबलेन सत्तमजवनं अप्पत्वा चतुपञ्चजवनेहेव पच्चवेक्खणसमत्थता पच्चवेक्खणवसिता नाम । अथ वा जाणविप्पयुत्तचित्तेहि पच्चवेक्खितुं असमत्थभावेपि “पच्चवेक्खिस्सामी”ति उप्पन्नआवज्जनानन्तरमेव भवङ्गेषु कालं अवीतिनामेत्वा सीघमेव आवज्जितुं समत्थता आवज्जनवसिता नाम, वसिताबलेन, पच्चवेक्खणबलेन जाणविप्पयुत्तचित्तेहिपि पच्चवेक्खितुं समत्थता पच्चवेक्खणवसिता नामाति वदन्ति । यस्मा पनेता यथावुत्तनियामेन पुनप्पुनं आवज्जनादिना साधेतव्वा, तस्मा वुत्तं “आवज्जित्वा”तिआदि ।

१२७. इमेसु पन आदिकम्मिकेन समापज्जनबहुलेनेव भवितव्वं, न पच्चवेक्खणबहुलेन । पच्चवेक्खणबहुलस्स हि

ज्ञानज्ञानि थूलानि दुब्बलानि हुत्वा उपट्टहन्ति, अथस्स तानि एव उपट्टितत्ता उपरि उस्सुक्कनाय पच्चयतं नापज्जन्ति, सो अप्पगुणे ज्ञाने उस्सुक्कमानो पठमज्झानाव परिहायति, न च सक्कोति दुतियं अधिगन्तुं। तेन वुत्तं “**पठमे अवसिप्पत्ते**”तिआदि। **उभतो भट्ठो**ति पुन पठमज्झानं समापज्जितुं न सक्कोतीति अधिप्पायो। वुत्तज्हेतं भगवता —

“इधेकच्चो भिक्खु बालो अब्यत्तो अखेत्तज्जू अकुसलो विविच्चेव कामेहि विविच्च अकुसलेहि धम्मोहि सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरति, सो तं निमित्तं नासेवति, न भावेति, न बहुलिं करोति, न स्वाधिद्धितं अधिद्धाति। तस्स एवं होति ‘यंनूनाहं वितक्कविचारानं वूपसमा...पे०... दुतियं ज्ञानं उपसम्पज्ज विहरेय्य’न्ति, सो न सक्कोति वितक्कविचारानं वूपसमा...पे०... दुतियं ज्ञानं उपसम्पज्ज विहरितुं। तस्स एवं होति ‘यंनूनाहं विविच्चेव कामेहि...पे०... पठमं ज्ञानं उपसम्पज्ज विहरेय्य’न्ति, सो न सक्कोति विविच्चेव कामेहि...पे०... पठमं ज्ञानं उपसम्पज्ज विहरितुं, अयं वुच्चति, भिक्खवे, भिक्खु उभतो भट्ठो उभतो परिहीनो’ति (अ० नि० ९.३५)।

९२८-३१. कामस्सहगता...पे०... चरन्तीति आरम्मणवसेन कामसहगता हुत्वा सज्जा चेव मनसिकारा च समुदाचरन्ति। सज्जासीसेन चेत्य तंसहगतो चित्तुप्पादो गहितो, मनक्कार-ग्गहणेन आवज्जनन्ति दट्टब्बं। कामानुपक्खन्दानं सज्जामनसिकारानं वसेन हानं परिहानिं भजतीति **हानभागियं**। केचि पन “संकिंलेसन्ति हानभागियो धम्मो”ति (विभ० ८२८) वचनतो हानभागिया कामसज्जादिकाति तेहि परिहापियमानं ज्ञानम्पि कारणूपचारेण हानभागियं नामा”ति वदन्ति। **तदनुधम्मता सतीति** तस्सेव ज्ञानस्स अनुधम्मता आरम्मणवसेन तदनुगता सतिपतिरूपका निकन्ति। **अतक्कसहिताति** अवितक्कं दुतियज्झानं पत्तुकामस्स तं सन्ततो, मनसि करोतो आरम्मणवसेन तंसहगता। **विसेसभागियन्ति** विसेसभूतस्स दुतियज्झानस्स पदट्टानताय तं भजतीति विसेसभागियं। **निब्बिदासंयुताति** विपस्सनारम्मणा।

९३२-५. पगुणतोति वसितप्पत्ततो। **आसन्नाकुसलारिकाति** नीवरणप्पहानस्स तंपठमताय आसन्ननीवरणपच्चत्थिका। थूलं नाम विपुलम्पि फेग्गु विय सुखभज्जनीयन्ति आह “**थूलत्ता...पे०... दुब्बला**”ति। ततोति दुतियज्झानतो। दुब्बलानि अङ्गानि इमिस्साति **अङ्गदुब्बला**। **सन्ततो चिन्तयित्वाति** पठमज्झाने विय ओळारिकङ्गानं अभावतो, सन्तधम्मसमङ्गिताय च सन्तन्ति एवं सन्तवसेन मनसि कत्वा। किञ्चापि हि ये धम्मा दुतियज्झाने पीतिसुखादयो, ते पठमज्झानेपि सन्ति, तेहि पन ते सन्ततरा, पणीततरा च होन्ति। **निकन्तिन्ति** निकामनं अपेक्खन्ति अत्थो। **परियादायाति** खेपेत्वा, विक्खम्भेत्वाति अत्थो।

९४३-४. सम्पसादनन्ति सम्पसादनसङ्घाताय सद्भाय योगतो ज्ञानम्पि सम्पसादनं नीलवण्णयोगतो नीलवत्थं विय। ननु चायं सद्भा पठमज्झानेपि अत्थि, कस्मा इदमेव “सम्पसादन”न्ति वुत्तन्ति? वुच्चते — पठमज्झानं वितक्कविचारक्खोभेन वीचितरङ्गसमाकुलमिव जलं न सुप्पसन्नं होति, तस्मा सतिपि सद्भाय तं सम्पसादनन्ति न वुत्तं। इमस्मिं पन वितक्कविचारक्खोभाभावेन लब्धोकासा बलवती सद्भा, तस्मा बलवसद्भाय समन्नागतत्ता इदमेव “सम्पसादन”न्ति वुत्तं। **अज्झत्तन्ति** नियकज्झत्तं, अत्तनि जातं, अत्तनो सन्ताने निब्बत्तन्ति अत्थो। तीणि अङ्गानि इमिस्साति **तिवङ्गिकं**। **सेसन्ति** पीतिआदीनं अज्जेहि बलवभावो, तिण्णं चतुन्नं वा जवनानं परिकम्मोपचारानुलोमगोत्रभुभावो, छट्ठे सत्तमे वा अप्पनायानुप्पत्ति एकचित्तक्खणता, ततो भवङ्गपातो, पुन भवङ्गं विच्छिन्दित्वा पच्चवेक्खणत्थाय आवज्जनं, ततो ज्ञानपच्चवेक्खणन्ति इदं सब्बं वुत्तावसेसं **हेट्ठा** पठमज्झाने वुत्तनयेनेव

समुपलक्खितब्बं ।

१४८-९. पियतोति कामयतो । उप्पिलापनन्ति कामञ्चायं परिग्गहेसु अपरिच्चत्तपेमस्स अनादीनवदस्सिनो तण्हासहगताय पीतिया पवत्तिआकारो, इध च दुतियज्झानपीति अधिप्पेता, तथापि सब्बसो पीतियं अविरत्तस्सापि अनुबन्धेय्याति उप्पिलापनं इध आदीनववसेन वुत्तं । अथ वा दुतियज्झानस्सेव ततियज्झानं विय अहुत्वा उप्पिलापनाकारेण पवत्ति उप्पिलापनं वियाति उप्पिलापनन्ति वुत्तं । ततियं सन्ततो दिस्वाति सम्बन्धो ।

१५७-८. सतिया सम्पजज्जेन सम्पन्नन्ति सरणलक्खणाय सतिया, असम्मोहलक्खणेण सम्पजज्जेन च सम्पन्नं । कामं पुरिमज्झानेसुपि सतिसम्पजज्जं अत्थि, न हि मुट्ठस्सतिस्स, असम्पज्जानतो च उपचारमत्तम्पि सम्पज्जति, पगेव अप्पना, येभुय्येन पन अविप्पयोगीभावेन पवत्तमानेसु पीतिसुखेसु पीतिसङ्घातस्स ओळारिकङ्गस्स पहाने सुखुमताय इध सातिसयो सतिसम्पजज्जव्यापारोति इधेव सतिसम्पजज्जसम्पन्नता वुत्ताति वेदितब्बा । **एकङ्गहीनन्ति** पीतिया पहीनभावेन एकङ्गविप्पहीनं । सा पनेसा दुतियज्झानस्स वितक्कविचारा विय अप्पनाक्खणेयेव पहीयति । तेनस्स सा “पहानङ्ग”न्ति वुच्चति ।

१७२. सोमनस्सस्स पहीनत्ता आह “एकङ्गविप्पहीन”न्ति । तच्च पन सोमनस्सं एकवीथियं पुरिमजवनेसुयेव पहीयति ।

१७४. पुरिमज्झानेसु परिकम्मादिवसेन पवत्तानं कामावचरजवनानं एकसदिसत्ता इध लब्भमानं कज्चि विसेसं दस्सेतुं “यस्मा”तिआदि वुत्तं । **आसेवनं न होतीति** आसेवनपच्चयेन पच्चयो न होति । अयज्हेत्थ अधिप्पायो — यस्मा पदन्तरसङ्गहितस्स अत्तनो सभावग्गाहापनसङ्घातआसेवनपच्चयत्ताभावतो सुखवेदना उपेक्खावेदनाय आसेवनपच्चयेन पच्चयो न होति, चतुत्थज्झानेव उपेक्खावेदनाय भवितब्बं सातिसयं सुखविरागभावनत्ता, तस्मा इध अप्पनावीथियं उपेक्खासम्पयुत्तजवनेहेव भवितब्बन्ति ।

१७६. एवं चतुक्कनयवसेन ज्ञानप्पभेदं दस्सेत्वा इदानि पञ्चकनयम्पि दस्सेतुं “यं चतुक्कनये”तिआदि वुत्तं । **द्विधा पन कत्वानाति** वितक्कविचारानं विसुं विसुं पहानङ्गवसेन गणनतो द्विधा कत्वा । **दुतियं ततियं कतन्ति** अवितक्कविचारमत्तं अवितक्कअविचारन्ति एवं दुतियज्झानज्येव ततियज्झानज्य कतं अभिधम्मेति अधिप्पायो । सुत्तन्तेसु हि पञ्चकनयो सरूपतो न गहितो, कस्मा पन अभिधम्मे गहितोति? पुग्गलज्झासयतो, सन्निसिन्नदेवपरिसाय हि येसं पठमज्झाने वितक्को एव ओळारिकतो उपट्ठाति, इतरे सन्ततो, तेसं चतुरङ्गिकं अवितक्कविचारमत्तं दुतियज्झानं कत्वा पञ्चकनयेन देसेसि । येसं वितक्कविचारा ओळारिकतो उपट्ठिता, ततो तेसं अवितक्कअविचारं तिवङ्गिकं कत्वा चतुक्कनयेन देसेसि । येसं वितक्कोव ओळारिकतो उपट्ठाति, तेहि तं अतिक्कमित्वा चतुरङ्गिकं दुतियज्झानं उप्पादेतुं सक्का । येसं वितक्कविचारा, तेहि द्वेपि एकतो अतिक्कमित्वा तिवङ्गिकं दुतियज्झानं उप्पादेतुं सक्का ।

१७९. अत्थव्यज्जनवसेन सुट्ठु मधुरं, ततोयेव वरतरं वचनं यस्स सोयं सुमधुरवरतरवचनो । कं नु जनं नेव रज्जयति, न हि एकम्पि न रज्जयति । **अतिनिसित ...पे०... नीयोयन्ति** अतिनिखिणबुद्धिप्पसादेहि जनेहि वेदनीयो अयं गन्थो, परिच्छेदोति वा अधिप्पायो ।

इति अभिधम्मत्थविकासिनिया नाम

अभिधम्मावतारसंवण्णनाय

रूपावचरसमाधिभावनानिद्वेसवण्णना निद्विता ।

१५. पन्नरसमो परिच्छेदो

अरूपावचरसमाधिभावनानिद्वेसवण्णना

१८०. एवं पथवीकसिणवसेन चतुक्कपञ्चकज्झानानि दस्सेत्वा यस्मा सेसकसिणवसेन निद्विसियमाने गन्थगारवो होति, तस्मा तं सब्बं ठपेत्वा अरूपावचरं विभावेतुं “रूपारूप”न्तिआदि आरब्धं । रूपारूपमतीतेनाति रूपारूपभवं अतिक्कन्तेन, पुनानूपपत्तिवसेन रूपारूपभवं अतिक्कन्तेन, पगेव कामावचरभवं । रूपारूपादिवेदिनाति रूपारूपादिभूमन्तरवेदिना ।

१८१-४. यस्मा अयं अरूपावचरसमाधि नाम रूपविरागभावना रूपविरागवसेनेव अभिनिष्पादेतब्बाव, तस्मा तं उप्पादेतुकामस्स रूपे विरज्जनाकारं, विरत्तमानसेन च तदत्थाय पटिपज्जनविधिं दस्सेतुं “रूपे खो”तिआदि आरब्धं । दण्डनट्टेन दण्डो, मुग्गरादि, परपीळनाधिप्पायेन तस्स आदानं दण्डादानं । आदि-सद्देन सत्थादानकलहविग्गहविवादतुवंतुवंपेसुज्जादीनं, अदिन्नादानादीनञ्च गहणं । चक्खुरोगादयोति आदि-सद्देन सोतरोगादीनं । रूपे आदीनवं दिस्वाति करजरूपादिओळारिकरूपे तन्निदानं दोसं दिस्वा । निब्बिन्दमानसोति विरत्तमानसो । अरूपन्ति अरूपावचरभावनं । तम्हा कसिणरूपाति तम्हा पटिभागनिमित्तसङ्घाता कसिणरूपा । ननु चायं रूपे आदीनवं दिस्वा तं समतिक्कमत्थाय पटिपज्जति, पटिभागनिमित्तञ्च अरूपं पण्णात्तिमत्तत्ताति कथं तस्मा निब्बिज्जतीति अनुयोगं सन्धाय ओपम्मवसेन तमत्थं दस्सेन्तो आह “सूकराभिहतोव सा”ति । यथा हि वने सूकरेन पहतमतो सुनखो ततो भीतो रूपदस्सनवेलायं भत्तपचनउक्खलिं दूरतो दिस्वा सूकरपटिभागताय तस्सं सूकरासङ्कं उप्पादेत्वा उत्रस्तो पलायतेव, एवमेव रूपे निब्बिन्दमानसो तं अतिक्कमितुकामो तप्पटिभागे कसिणरूपेपि निब्बिज्जति, समतिक्कमितुकामोति अधिप्पायो ।

१८५-६. चतुत्थे पन ज्ञानस्मिन्ति ठपेत्वा परिच्छिन्नाकासकसिणं नवसु पथवीकसिणादीसु अज्जतरस्मिं पटिलद्धचतुत्थज्झाने । केचि पन आलोककसिणम्पि ठपेत्वा अट्टसूति वदन्ति । तस्स पन ठपने कारणं न दिस्सति । सुट्ठु चिण्णो चरितो अतिप्पगुणिकतो आवज्जनादिलक्खणो वसीभावो एतेनाति सुचिण्णवसी । करोति...पे०... यतोति यस्मा इदं चतुत्थज्झानचित्तं मया निब्बिन्दकसिणरूपं आरम्भणं करोति । आसन्नसोमनस्सज्जाति यतो ततियज्झानस्स आसन्नताय आसन्नसोमनस्सपच्चत्थिकञ्च । थूलसन्तविमोक्खतोति सन्तविमोक्खसङ्घातअरूपज्झानतो एतं यतो थूलं ओळारिकं । अरूपज्झानज्झि ये ते सन्ता विमोक्खा अतिक्कम्म रूपे आरुप्पन्तिआदीसु “सन्तविमोक्ख”न्ति वुच्चति, सन्ततासिद्धि चस्स अनुस्सतितो दट्ठब्बा ।

१८७-११. चतुत्थेति चतुत्थज्झाने । पठमारुप्पञ्च सन्ततो दिस्वाति सम्बन्धो, सन्तवसेन मनसि करित्वाति अत्थो । सन्ततो मनसिकरणेनेव चेत्य पणीततो, सुखुमतो च मनसिकारो सिद्धोव होतीति न ते विसुं गहिता । पत्थरित्वानाति पगेव वड्ढितं, तदा वड्ढनवसेन वा पत्थरित्वा । पुब्बकालवसेन चेतं वुत्तं । तेन नं उग्घाटेत्वा पच्छा न वड्ढितव्वन्ति दस्सेति । न हि तं पच्छा वड्ढनत्थाय वायमियमानम्पि वड्ढतीति । तेनाति कसिणरूपेन ।

इदानीस्स उग्घाटनाकारं दस्सेतुं “आकासो इति वा”तिआदिं वत्वा पुन तं समत्थेतुं “उग्घाटेन्तो ही”तिआदि वुत्तं । उदयवसेन, परिच्छेदफरणवसेन च अन्ताभावतो अनन्तो । न संवेल्लेतीति कटसारककिलज्जादयो विय न पटिसंहरति । नावज्जन्तो न पेक्खन्तोति अनावज्जन्तो अनपेक्खन्तो । अज्जदत्थु तेन फुट्टोकासं वुत्तनयेन मनसिकरोन्तोयेवाति अधिप्पायो । इदं वुत्तं होति — रूपावचरचतुत्थज्ज्ञानस्स आरम्भणभूतं कसिणरूपं सब्बेन सब्बं अमनसिकरोतो, तेन च फुट्टोकासं “आकासो आकासो”ति मनसिकरोतो यदा तं भावनानुभावेन आकासं हुत्वा उपट्ठाति, तदा सो कसिणं उग्घाटेति नामाति ।

१९२-५. एवं कसिणुग्घाटनवसेन पटिलब्धे आकासनिमित्ते पुन पटिपज्जनविधिं, यस्सत्थाय येसं पटिपज्जति, तदत्थसिद्धञ्च दस्सेतुं “कसिणुग्घाटिमाकासं निमित्तं”न्तिआदि वुत्तं । आकासस्स अनिमित्तभावेपि निमित्तेन फुट्टोकासभावतो “निमित्तं”न्ति वुत्तं । पञ्च...पे०... विक्खम्भन्तीति ननु रूपावचरपठमज्ज्ञानस्स उपचारक्खणेयेव नीवरणानि विक्खम्भितानि, ततो पट्टाय च न तेसं परियुद्धानं अत्थि । यदि सिया, ज्ञानतो परिहायेय्याति? सच्चमेतं, इमस्स पन ज्ञानस्स वण्णभणनवसेनेतं वुत्तं यथा अज्जत्थापि हेट्ठा पहीनानं उपरि पहानवचनन्ति । ये पन “सब्बे कुसला धम्मा सब्बेसं अकुसलानं पटिपक्खाति कत्वा एवं वुत्तं”न्ति वदन्ति, तेहि दुतियज्ज्ञानूपचारादीसु नीवरणविक्खम्भनावचनस्स कारणं वत्तब्बं होति । यम्पि चेके वदन्ति “सन्तेव सुखुमानि रूपावचरविक्खम्भनीयानि, तानि सन्धायेतं वुत्तं”न्ति, तं तेसं मतिमत्तं । न हि महग्गतकुसलेसु लोकुत्तरकुसलं विय ओधिसो पहानं नाम अत्थि । यो पन रूपावचरेहि अरूपानं उळारफलतादिविसेसो, सो भावनाविसेसेन सन्ततरप्पणीततरभावेन तेसुयेव पुरिमपुरिमेहि पच्छिमपच्छिमानं वियाति दट्ठब्बं । इधापीति न केवलं रूपावचरचतुत्थज्ज्ञाने, “सेसानि कामावचरानी”तिआदीसु पन इध यं वत्तब्बं अवुत्तं, तं रूपावचरज्ज्ञाननिदेसे वुत्तनयानुसारेन वेदितब्बं ।

१९७-१००१. “पुन भावेतुकामेना”ति वुत्ते पठममेव पठमारुप्पस्स भावितत्ता किं भावेतुकामेनाति अनुयोगे “दुतियारुप्पमानस”न्ति वुत्तं, न पन “दुतियारुप्पमानसं भावेतुकामेना”ति इमिना अज्ज्ञासयेन । न हि पठमं दुतियारुप्पं भावितन्ति । रूपावचरज्ज्ञानं अनतिककमित्वा अनधिगन्तब्बतो तं मनसिकारसमुदाचारस्स हानभागियभावावहनतो रूपावचरज्ज्ञानमेतस्स पच्चत्थिकन्ति कत्वा वुत्तं “आसन्न...पे०... पच्चत्थिकन्ति चा”ति । वीथिपटिपन्नाय भावनाय उपरुपरिविसेसावहभावतो, पणीतभावसिद्धितो च पठमारुप्पतो दुतियारुप्पं सन्ततरसभावन्ति आह “दुतियारुप्प...पे०... पना”ति । वक्खति हि “सुपणीततरा होन्ति, पच्छिमा पच्छिमा इधा”ति (अभिध० १०४०) । विज्जाणमिच्चेवं मनसा कातब्बन्ति विज्जाणं विज्जाणं इच्चेवं मनसा कातब्बं, केवलं अनन्तं अनन्तन्ति न मनसि कातब्बं । तेनाह “अनन्तन्ति... पे०... मनसा निधा”ति । अनन्तं विज्जाणं अनन्तं विज्जाणन्ति पन मनसि कातुं वट्ठति ।

१००२-६. तस्मिं पन निमित्तस्मिन्ति तस्मिं पठमारुप्पविज्जाणसङ्घाते विज्जाणनिमित्ते । विचारेन्तस्स मानसन्ति भावनाचित्तं पवत्तेन्तस्स । आकासफुटविज्जाणेति कसिणुग्घाटिमाकासं फरित्वा पवत्ते पठमारुप्पविज्जाणे आरम्भणभूते । अप्पेतीति अप्पनावसेन पवत्तति । सभावधम्मेपि आरम्भणसमतिककमभावनाविसेसभावतो इदं अप्पनापत्तं होति चतुत्थारुप्पं विय । अप्पना...पे०... नयोवाति दुतियारुप्पज्ज्ञाने पुरिमभागे तीणि, चत्तारि वा जवनानि कामावचरानि उपेक्खावेदनासम्पयुत्तानेव होन्ति । चतुत्थं, पञ्चमं वा आरुप्पमानसन्तिआदिना अप्पनानयो पठमारुप्पज्ज्ञाने वुत्तनयोव । फरित्वा पवत्तविज्जाणन्ति पठमारुप्पविज्जाणं विज्जाणज्जन्ति वुच्चतीति रुळ्हीसद्ववसेन वुत्तभावमेव पकासेतुं “विज्जाणा...पे०... सिया”ति वुत्तं । पुब्बे अनन्तस्स आकासस्स आरम्भणकरणवसेन अनन्तताय “विज्जाणज्ज”न्ति वुत्तन्ति । पुन मनसिकारवसेन वा अनन्तताय तथा वुत्तन्ति दस्सेतुं “मनक्कारवसेनापी”तिआदि वुत्तं । दुतियारुप्पं

भावेन्तो हि पठमारुप्यं अनन्ततो अनवसेसतो मनसि करोन्तो अनन्तन्ति मनसि करोति ।

१०१०. पठमारुप्यविज्जाणाभावोति कसिणं उग्घाटेत्वा आकासो विय आकासानज्जायतनं पहाय तस्स अभावो मनसि कातब्बो । कस्मा पनेत्थ दुतियारुप्यविज्जाणाभावं अमनसिकत्वा पठमारुप्यविज्जाणाभावो मनसि कातब्बोति? वुच्चते — तयिदं आरम्मणातिक्कमनवसेन पत्तब्बं, न पन अङ्गातिक्कमनवसेन । तथा च सति आरम्मणेयेव सातिसयं दोसदस्सनेन तं समतिक्कमितब्बं, आरम्मणज्ज दुतियारुप्यस्स पठमारुप्यमेव, तस्मा कसिणे आदीनवं दिस्वा तं उग्घाटेत्वा तब्बिवित्ताकासस्स विय पठमारुप्यविज्जाणे आदीनवं दिस्वा तं पहाय तदभावस्सेव मनसिकरणं युत्तन्ति ।

अभयगिरिवासिनो पन “विज्जाणज्जायतनाभावोयेव मनसि कातब्बो”ति वदन्ति, ते पन इमेसं आरम्मणातिक्कमनवसेन पत्तब्बभावं असल्लक्खेत्वा कथेन्ति । यदि सल्लक्खेन्ति, अज्जत्थ दोसं दिस्वा अज्जस्स समतिक्कमे अतिप्पसङ्गदोसतो न मुच्चन्ति ।

अथापि वदेय्युं — “विज्जाणज्जायतनं सतो समापज्जति, सतो समापज्जित्वा सतो वुट्ठाति, सतो वुट्ठित्वा तज्जेव विज्जाणं भावेती”ति वचनतो विज्जाणज्जायतनाभावोयेव मनसि कातब्बो”ति, तयिदं पाळित्थं विरुज्झित्वा गहणवसेन चिन्तितं । न हेत्थ तज्जेव विज्जाणन्ति विज्जाणज्जायतनं अधिप्पेतं । यदि हि तं अधिप्पेतं सिया, विज्जाणज्जायतनन्ति तस्स पधानभावेन निद्धिट्ठा तज्जेवाति वचनेनेव परियत्तं, किं विज्जाणन्ति वचनेन । अथ सरूपनिद्वेसत्थं विज्जाणवचनं, एवं सति तज्जेव विज्जाणज्जायतनन्ति वुत्तं सिया, तस्मा विज्जाणन्ति वचनेन यं आरब्ध विज्जाणज्जायतनं पवत्तं, तस्सेव आकासानज्जायतनस्स गहणं, न इतरस्साति सुट्ठु वुत्तं ।

१०११-२. पठमारुप्यविज्जाणाभावोमनसिकातब्बोति वत्वा मनसिकारविधिं दस्सेतुं “तं पना”तिआदि वुत्तं । **अकत्वा मनसाति** मनसा आरम्मणं अकत्वा सब्बेन सब्बं तं अचिन्तेत्वा । “आकासं आकास”न्ति मनसि करोन्तस्स कसिणविवित्ताकासं विय “नत्थि नत्थी”ति, “सुज्जं सुज्ज”न्ति वा मनसि करोन्तस्स विज्जाणविवित्तं अभावमत्तमेव उपट्ठातीति आह “नत्थी”तिआदि । वा-सद्धो अनियमत्थो, तेन द्वीसु पकारेसु एकेनपि अत्थसिद्धिं होतीति दस्सेति । अवुत्तविकप्पनत्थो वा वा-सद्धो, तेन “विवित्तं विवित्त”न्ति इमस्सपि सङ्गहो दट्ठब्बो । अनियमो पनेत्थ तिण्णम्पि विसुं विसुं परियायभावतोव सिद्धो । परियायसद्धा हि विसुं विसुंयेव अत्थं साधेन्ता परियायाति लोके निरुळ्हा । यथाहु —

“परियायेनेव ते यस्मा, वदन्तत्थं न संहता ।

परियायत्थं ततो सब्बं, परियायेसु ववत्थित”न्ति ॥

१०१३-६. तस्मिं निमित्तेति पठमारुप्यविज्जाणस्स अभावसङ्घाते ज्ञानुप्पत्तिकारणभूते निमित्ते । **सति सन्तिट्ठतीति** अभावनिमित्तारम्मणा सति सम्मा सुप्पतिट्ठिता हुत्वा तिट्ठति । सतिसीसेन चेत्थ उपचारज्झानानुगुणानं सद्धापज्जमानं इन्द्रियानं सकिच्चयोगं दस्सेति । उपचारज्झानं पन “भिय्योपि समाधियति मानस”न्ति इमिना वुत्तन्ति दट्ठब्बं । **कसिणुग्घाटिमा...पे०... अभावकेति** एवं पवत्तविज्जाणस्स नत्थिभावसङ्घाते विनासाभावके न पुरे अभावादिके । अप्पनानयो पनेत्थ पथवीकसिणे वुत्तनयानुसारेण वेदितब्बोति आह “अप्पनाय नयो”तिआदि ।

१०१७-९. एवं यं तत्थ अवसिट्ठं, तं अतिदिसित्वा इदानीं विसेसं दस्सेतुं “आकासगतविज्जाण”न्तिआदि वुत्तं । **परिकम्ममनक्कारे तस्मिं अन्तरहितेति** “नत्थि नत्थी”ति पवत्तपरिकम्ममनसिकारे अमनसिकरणेन अस्मिं पठमारुप्यविज्जाणे अन्तरहिते, न पन खणभङ्गवसेन, ज्ञानपरिहानिवसेन वा अन्तरहिते । खणभङ्गवसेन हि अन्तरधानं खणे

खणे उपलब्धति । परिहानिवसेन च अन्तरधाने पुन तं अनुष्णादेत्वा उत्तरि जाणाधिगमोयेव नत्थीति ।
तस्सापगममत्तं पस्सन्तो वसतीति तस्स पठमारुप्पस्स अभावमत्तं पस्सन्तो सो योगावचरो विहरति । यथा कथं वियाति
 आह “**सन्निपात**”न्तिआदि । इदं वुत्तं होति — यथा नाम कोचि पुरिसो मण्डलमाळादीसु कत्थचि केनचिदेव करणीयेन
 सन्निपतितं भिक्खुसङ्घं दिस्वा कत्थचि गन्त्वा सन्निपातकिच्चावसाने उट्ठाय पक्कन्तेसु भिक्खुसु पुन तं ठानं गन्त्वा
 ओलोकेन्तो सुज्जमेव पस्सति, एवंसम्पदमिदं दट्ठब्बन्ति । तत्रिदं ओपम्मसंसन्दनं — यथा सो पुरिसो सन्निपतितं भिक्खुसङ्घं
 दिस्वा गतो, ततो सब्बेसु भिक्खुसु अपगतेसु तं ठानं तेहि सुज्जमेव पस्सति, न पन तेसं कुतोचि अपगतकारणं, एवमयं
 योगावचरो पुब्बे विज्जाणज्जायतनज्झानचक्खुना पठमारुप्पविज्जाणं दिस्वा नत्थीति मनसिकारेन तस्मिं अपगते
 ततियारुप्पचक्खुना तस्स नत्थिभावमेव पस्सति, न तस्स अपगतकारणं वीमंसति ज्ञानस्स तादिसाभोगाभावतोति ।

१०२०-४. चतुत्था...पे०... न च सन्तन्ति यथा नेवसज्जानासज्जायतनचित्तं सङ्खारावसेससुखुमभावप्पत्तिया
 सविसेसं सन्तं, एवमयं आकिञ्चज्जायतनसमापत्ति न च सन्ता तदभावतोति अधिप्पायो । **च-**सद्वो पनेत्थ
 अवुत्तसमुच्चयत्थो । तेन “सज्जा रोगो, सज्जा गण्डो, सज्जा सल्लं, एतं सन्तं, एतं पणीतं, यदिदं
 नेवसज्जानासज्जायतन”न्ति इमस्सपि सङ्गहो वेदितब्बो । **चतुत्थं सन्ततोति** सङ्खारावसेससुखुमभावेनेव सविसेसं
 सन्तताय, असन्तभावकररोगादिसरिक्खकसज्जाविरहतो च सन्ततो दिस्वा । “**सन्तं सन्तमिदं चित्तं**”न्ति इमिना
 भावनाकारं दस्सेति । **विभङ्गेपि** हि तंयेव आकिञ्चज्जायतनं सन्ततो मनसि करोतीति अयमेव भावनाकारो गहितो । अपरे
 पन “पाळियं इमस्स भावनाकारो न गहितो”ति वत्वा तत्थ कारणं वदन्ति, तत्थ वत्तब्बं **विसुद्धिमग्गसंवण्णनादितो**
 गहेतब्बं ।

१०२७. ततियारुप्पसङ्गातक्खन्धेसु च चतूसुपि आरम्मणभूतेसूति अधिप्पायो ।

१०२९-३१. अभावमत्तम्पीति सुज्जतमत्तम्पि एवं सुखुमम्पीति अधिप्पायो । **सन्तारम्मणतायाति** सन्तं आरम्मणं
 एतस्साति सन्तारम्मणा, तब्भावो सन्तारम्मणता, ताय, न ज्ञानसन्तताय । न हि ततियारुप्पसमापत्ति चतुत्थारुप्पतो
 सन्ततरा । चोदको यं सन्ततो मनसि करोति, न तत्थ आदीनवदस्सनं भवेय्य । असति च आदीनवदस्सने न समतिक्कमो
 एव सियाति “**सन्ततो चे मनक्कारो कथञ्च समतिक्कमो**”ति आह । इतरो “**अनापज्जितुकामत्ता**”तिआदिना
 परिहारमाह । तेन आदीनवदस्सनम्पि अत्थेवाति दस्सेति । यस्मिज्झि ज्ञाने अभिरति, तत्थ
 आवज्जनसमापज्जनादिपटिपत्तिया भवितब्बं । सा पनस्स ततियारुप्पे सब्बसोव नत्थि, केवलं सुज्जभावतो
 आरम्मणकरणमत्तमेव । तथा हेस किञ्चापि तं सन्ततो मनसि करोति, अथ ख्वस्स “अहमेतं आवज्जिस्सामि,
 समापज्जिस्सामी”ति **आभोगो** समन्नाहारो न होति । कस्मा? आकिञ्चज्जायतनतो नेवसज्जानासज्जायतनसमापत्तिया
 पणीततरताय । यथा हि राजा महता राजानुभावेन नगरवीथियं चरन्तो दन्तकारादयो कम्मकारे छेके अनेकानि
 दन्तविकतिआदीनि सिप्पानि करोन्ते दिस्वा “अहो वत रे छेका आचरिया, ईदिसानि सिप्पानि करिस्सन्ती”ति एवं तेसं
 छेकताय तुस्सति, न चस्स एवं होति “अहो वताहम्पि रज्जं पहाय एवरूपो सिप्पिको भवेय्य”न्ति । तं किस्स हेतु?
 रज्जसिरिया महानिसंसताय, सो तेसं जीवितं तिणायपि अमज्जमानो ते समतिक्कमित्वा गच्छति, एवंसम्पदमिदं दट्ठब्बं ।

१०३२. सुखुमं परन्ति उक्कंसतो सुखुमं, पठमज्झानूपचारतो पट्ठाय हि तच्छेन्तिया विय पवत्तमानाय भावनाय
 अनुक्कमेन सङ्खारा तत्थ अन्तिमकोट्टासतं पापिताति । यदि एवं कथं भावना अत्तनो किच्चं साधेति, ननु चेसा तदवत्थं
 पापिता आरम्मणं न सम्मा उपनिज्झायतीति? नयिदमेव दट्ठब्बं । भावनाबलेन सुखुमभावं पापितापि चेसा अत्तनो किच्चे

दुब्बलत्तं न पापिता, अथ खो विप्फारिकताभावं गमिता, तेन तथा सुखुमापि अत्तनो किच्चे न दुब्बला एवाति न तत्थ तस्सा असामत्थियं होति ।

१०३३-४. याय सज्जायाति यादिसाय सज्जाय सदृष्ववत्तिहेतुभूताय । **सो** नेवसज्जानासज्जायतनसमङ्गी पुग्गलो । **नेवसज्जी च नासज्जी** होति नेवसज्जानासज्जासमङ्गी होति । **न केवलं तु सज्जाव एदिसी** सुखुमा नेवसज्जानासज्जा होति, **अथ खो पन वेदनादयोपि** सुखुमा, वेदनापि नेववेदनानावेदना, चित्तम्पि नेवचित्तनाचित्तं, फस्सोपि नेवफस्सोनाफस्सो । एस नयो सेससम्पयुत्तधम्मेषु । सज्जासीसेन पन “नेवसज्जानासज्जायतन”न्ति वुत्तं “नानत्तकाया नानत्तसज्जिनो”तिआदीसु (दी० नि० ३.३३२, ३४१, ३५७, ३५९; अ० नि० ७.४४; ९.२४) विय । ननु चेत्थ यदि सज्जा अत्थि, कथं नेवसज्जाति वत्तुं वट्ठति । यदि नत्थि, कथं नासज्जाति अनुयोगं सन्धाय इममत्थं उपमाहि साधेतुं “**पत्तमक्खनतेलेना**”तिआदि वुत्तं । तत्थ **पत्तमक्खणतेलेना**ति अन्तोवुत्थताय यागुया सद्धि अकप्पियट्टेन तेलं अत्थीति, नाळिपूरादीनं वसेन नत्थीति च वत्तब्बेन पत्ते मक्खिततेलेन । **मग्गस्मिं उदकेन चाति** उपाहनतेमनमत्तट्टेन उदकं अत्थीति, नहानवसेन नत्थीति च वत्तब्बेन मग्गस्मिं उदकेन ।

१०३५-७. अयं अत्थोति किञ्चि विसेसं उपादाय सभावतो अत्थीति वत्तब्बस्सेव धम्मस्स किञ्चि विसेसं उपादाय नत्थीति वत्तब्बतासङ्घातो अयमत्थो । पटुसज्जाकिच्चं कातुं असमत्थताय हि नेवसज्जता, सङ्घारावसेससुखुमभावेन नासज्जता च होति । तेनाह “**पटुसज्जाय किच्चस्सा**”तिआदि । आरम्मणसज्जाननञ्चेव विपस्सनाय विसयभावं उपगन्त्वा निब्बिदाजननञ्च पटुसज्जाकिच्चं कथमयं सज्जाव समाना सज्जाकिच्चं कातुं न सक्कोतीति आह “**यथा दहनकिच्च**”न्तिआदि । न्हातुकामस्स उण्हसीतभावं अकत्वा सुखजननताय **सुखोदकं**, तस्मिं । तेजोधातु यथा दहनकिच्चं कातुं न सक्कोति, एवमेसा अतिसन्तारम्मणे पवत्तत्ता आरम्मणसज्जाननं कातुं न सक्कोति, परमसुखुमत्तं गताव । तेनेव हेसा अकताभिनिवेसस्स विपस्सनाजाणेन सुखगगहा न होतीति सेससमापत्तीसु सज्जा विय विपस्सनाय विसयभावं उपगन्त्वा निब्बिदाजननम्पि कातुं न सक्कोति, अज्जेसु हि खन्धेसु अकतविपस्सनाभिनिवेसो भिक्खु नेवसज्जानासज्जायतनक्खन्धे सम्मसित्वा निब्बिदं पत्तुं समत्थो नाम नत्थि, अपि आयस्मा सारिपुत्तो । पकतिविपस्सको पन सारिपुत्तसदिसो भिक्खु खन्धादिमुखेन विपस्सनं अभिनिविसित्वा द्वारारम्मणेहि सद्धि द्वारप्पवत्तधम्मनं विपस्सनं आरभित्वा ठितो सक्कुण्येय तब्बिसयं उदयब्बयजाणं उप्पादेतुं, सोपि कलापसम्मसनवसेनेव, नो अनुपदधम्मविपस्सनावसेन । न हि सारिपुत्तसदिसो भिक्खु चतुत्थारुप्पपरियापन्नेसु फस्सादिधम्मेषु विनिब्भुजित्वा विसुं विसुं सरूपतो गहेत्वा अनिच्चादिवसेन सम्मसितुं सक्कोति । केवलं पन अविनिब्भुज्ज एकतो गहेत्वा कलापतो समूहतोयेव सम्मसितुं समत्थो होति, एवं सुखुमत्तेनेसा विज्जति ।

१०३८-४०. रूपन्ति कसिणरूपसङ्घातं पटिभागनिमित्तं । **आकासन्ति** कसिणुग्घाटिमाकासं । **विज्जाणन्ति** आकासे पवत्तविज्जाणं । **तदभावकन्ति** तस्स आकासे पवत्तविज्जाणस्स अभावकं । **कमतोति** पठमारुपं समतिक्कमित्वा होतीतिआदिना अनुक्कमतो । अत्तना वुत्तमत्थं अट्ठकथावचनं आहरित्वा साधेन्तो “**आह चा**”तिआदिमाह । **इधाति** इमासु चतूसु अरूपसमापत्तीसु । **पच्छिमा पच्छिमा** समापत्तियो हि पुरिमापुरिमाहि समापत्तीहि **सुपणीततरा** सुट्ठ पणीततरा, सुन्दरपणीततराति वा अत्थो । **पासादतलसाटिकाति** चतुभूमकपासादस्स हेट्ठिमहेट्ठिमतो उपरूपरि सविसेसा पञ्च कामगुणा, चत्तारो पासादतला च थूलसण्हसण्हतरसण्हतमसुत्तेहि विहिता आयामवित्थारतो समप्पमाणा साटिका च ।

१०४२. रूपारूपभवं अभिभुय्य निब्बानं याति, अथ वा नीवरणे अभिभुय्य रूपारूपभवं यातीति अत्थो ।

इति अभिधम्मत्थविकासिनिया नाम

अभिधम्मावतारसंवण्णनाय

अरूपावचरसमाधिभावनानिद्देसवण्णना निड्डिता ।

१६. सोळसमो परिच्छेदो

अभिज्जानिद्देसवण्णना

१०४३-७. परन्ति विसिद्धं कत्वा, विसेसतोति अत्थो । चतुत्थज्झानमत्तेपीति रूपावचरचतुत्थज्झानमत्तेपि, नावस्सं अरूपज्झानेहीति अधिष्पायो । अरूपावचरज्झानं अप्पटिलद्धोपि हि कताधिकारो भिक्खु अभिज्जा सम्पादेतुं समत्थो होति । एत्थ चतुत्थज्झानगगहणेनेव हेट्ठा तीणि ज्ञानानि गहितानि । तेसु हि अचिण्णवसी चतुत्थज्झानं उप्पादेतुम्पि न सक्कोति । अभिज्जासु अनुयोगं कातुं वट्ठतीति वत्वा तत्थ पयोजनं दस्सेतुं “अभिज्जा नामा”तिआदि वुत्तं । निड्डङ्गताति अधिगतानिसंसताय चेव भावनासुखताय च निड्डं निष्फत्तिं गता । समाधिभावनाय हि लोकियाभिज्जा उदयफलभावेन पाकटा । सो अभिज्जाय च समाधिना च समन्नागतो सुखेनेव पज्जाभावनं सम्पादेस्सति ।

१०४८-९. दिब्बानीतिआदि लोकियाभिज्जानं सरूपतो उद्दिसनं । दिब्बानि चक्खुसोतानीति दिब्बचक्खुजाणं, दिब्बसोतजाणज्जाति दस्सेति । इद्धीति इद्धिविधजाणं । इमा पन अभिज्जायो पत्तुकामेन आदिकम्मिकेन योगिना यस्मा ओदातकसिणपरियन्तेसु अट्ठसु कसिणेषु चतुत्थज्झानं, तब्बसेन च अरूपसमापत्तियो निब्बत्तेत्वा वा न वा कसिणानुलोमतादीहि चुद्धसहि आकारेहि चित्तं दमेतब्बं । न हि एवं अदमेत्वा पुब्बे अभावितभावनो आदिकम्मिको योगावचरो पञ्च अभिज्जायो निष्पादेस्सतीति तस्मा तं चित्तपरिदमनं अवस्सं कातब्बन्ति दस्सेतुं “कसिणानुलोमतादीही”तिआदि वुत्तं । कसिणानुलोमतादीहीति कसिणानुलोमता कसिणपटिलोमता कसिणानुलोमपटिलोमता ज्ञानानुलोमता ज्ञानपटिलोमता ज्ञानानुलोमपटिलोमता ज्ञानुक्कन्तिकता कसिणुक्कन्तिकता ज्ञानकसिणुक्कन्तिकता अङ्गसङ्कन्तिकता आरम्मणसङ्कन्तिकता अङ्गारम्मणसङ्कन्तिकता अङ्गववत्थापनता आरम्मणववत्थापनताति इमेहि चुद्धसहि आकारेहि ।

तत्थ अट्ठसु कसिणेषु पटिपाटिया सतक्खत्तुं सहस्सक्खत्तुम्पि समापज्जनं, तथेव उप्पटिपाटिया, पटिपाटिउप्पटिपाटिवसेन च समापज्जनन्ति इमेसं तिण्णं आकारानं वसेन कसिणानुलोमतादयो वुत्ता । पठमज्झानतो पट्टाय याव नेवसज्जानासज्जायतनं, अयं ज्ञानानुलोमता नाम । तेसं पटिलोमतो ज्ञानपटिलोमता नाम । अनुलोमपटिलोमतो ज्ञानअनुलोमपटिलोमता नाम ।

पथवीकसिणे पठमज्झानं समापज्जित्वा तत्थेव ततियं समापज्जति, ततो तदेव उग्घाटेत्वा आकासानज्जायतनं, ततो आकिञ्चज्जायतनन्ति एवं कसिणं अनोक्कमित्वा ज्ञानस्सेव एकन्तरिकभावेन उक्कमनं ज्ञानुक्कन्तिकता नाम । एवं आपोकसिणादिमूलिकापि योजना कातब्बा । पथवीकसिणे पठमज्झानं समापज्जित्वा पुन तदेव तेजोकसिणे, ततो नीलकसिणे, ततो लोहितकसिणेति ज्ञानं अनुक्कमित्वा कसिणस्सेव एकन्तरिकभावेन उक्कमनं कसिणुक्कन्तिकता नाम । पथवीकसिणे पठमज्झानं समापज्जित्वा, तेजोकसिणे ततियं, नीलकसिणं उग्घाटेत्वा आकासानज्जायतनं,

लोहितकसिणतो आकिञ्चज्जायतनन्ति इमिना नयेन ज्ञानस्स चेव कसिणस्स च उक्कमनं **ज्ञानकसिणुक्कन्तिकता** नाम ।

पथवीकसिणे पठमज्झानं समापज्जित्वा तत्थेव इतरेसमिपि समापज्जनं **अङ्गसङ्गन्तिकता** नाम । सब्बकसिणेषु एकेकस्सेव समापज्जनं **आरम्भणसङ्गन्तिकता** नाम । पथवीकसिणे पठमज्झानं समापज्जित्वा, आपोकसिणे दुतियं, तेजोकसिणे ततियं, वायोकसिणे चतुत्थं, नीलकसिणं उग्घाटेत्वा आकासानज्जायतनं, पीतकसिणतो विज्जाणज्जायतनं, लोहितकसिणतो आकिञ्चज्जायतनं, ओदातकसिणतो नेवसज्जानासज्जायतनन्ति एवं अङ्गानं, आरम्भणानञ्च समतिक्कमनं **अङ्गारम्भणसङ्गन्तिकता** नाम ।

पठमज्झानं नाम पञ्चङ्गिकन्ति ववत्थपेत्वा दुतियं चतुरङ्गिकं, ततियं तिवङ्गिकं, चतुत्थं दुवङ्गिकं, आकासानज्जायतनं...पे०... नेवसज्जानासज्जायतनन्ति एवं ज्ञानङ्गमत्तस्सेव ववत्थापनं **अङ्गववत्थापनं** नाम । तथा “इदं पथवीकसिणं, इदं आपोकसिणं”न्ति आदिना आरम्भणमत्तस्सेव ववत्थापनं **आरम्भणववत्थापनं** नाम । अङ्गारम्भणववत्थापनमिपि एके इच्छन्तीति । अट्ठकथासु पन अनागतत्ता अट्ठा तं भावनासुखं न होति । इमेहि पन चुट्टसहि आकारेहि चित्तपरिदमनं कातुं अट्ठसमापत्तिलाभीनं सतेसु, सहस्सेसु वा एकोव सक्कोति ।

१०५०-१. दन्तेति चुट्टसहि आकारेहि दन्ते । **समाहितेति** चतुत्थज्झानसमाधिना समाहिते । **सुद्धेति** नीवरणदूरीभावेन, पच्चनीकसमनेपि अब्बावटाय तत्रमज्झत्तुपेक्खाय सम्पादितसतिपारिसुद्धिया सब्भावेन वा सुपरिसुद्धे । **परियोदातेति** सुधन्तसुवण्णस्स निघंसनेन विय परिसुद्धत्तायेव परियोदाते, पभस्सरेति वुत्तं होति । अथ वा वितक्कविचारक्खोभविरहवसेन परियोदातेति वुत्तं होति । **अनङ्गणेति** “मादिसस्स समाधिसम्पन्नस्स ईदिसेन भवितब्ब”न्ति एवं ज्ञानपटिलाभपच्चयानं “अहो वत ममेव सत्था पटिपुच्छित्वा पटिपुच्छित्वा भिक्खूनं धम्मं देसेय्या”ति आदिनयप्पवत्तानं पापकानं इच्छावचरानं अभावेन अनङ्गणे । **अनुपक्विलेसेति** उपगन्त्वा किलिस्सनट्टेन उपक्विलेससङ्घातानं रागादीनं, “अभिज्झा चित्तस्स उपक्विलेसो, ब्यापादो, कोधो”ति आदिना आगतानं चित्तुपक्विलेसानं वा विगतत्ता विगतुपक्विलेसे । **मुदुभूतेति** पगुणभावापादनेन सुभावितत्ता मुदुभूते, वसिभावप्पत्तेति वुत्तं होति । वसिभावप्पत्तज्झि चित्तं सुपरिमदितं विय चम्मं सुपरिकम्मकता विय च लाखा मुदूति वुच्चति । **कम्मनीयेति** मुदुत्तायेव इद्धिपादभावूपगमनेन कम्मक्खमे, विक्कुब्बनादिइद्धिकम्मयोगयेति वुत्तं होति । मुदुजातज्झि चित्तं कम्मक्खमं होति, सुधन्तमिव सुवण्णं, उभयमिपि चेतं सुभावितत्तायेव होति । यथाह — “नाहं, भिक्खवे, अज्जं एकधम्ममिपि समनुपस्सामि, यं एवं भावितं बहुलीकतं मुदुञ्च होति कम्मनियञ्च, यथयिदं, भिक्खवे, चित्तं”न्ति (अ० नि० १.४७) । **ठितेति** एतेसु परिसुद्धभावादीसु निच्चलं अवट्टिते, भावनापारिपूरिया वा पणीतभावं सम्मसित्वा ठिते । **अचलेति** ठितत्तायेव अकम्पे, आनेज्जप्पत्तेति वुत्तं होति । मुदुकम्मज्जभावेहि वा अत्तनो वसे ठितत्ता ठिते, सट्ठादीहि परिगगहितत्ता अस्सद्वियादीहि अकम्पनतो अचले ।

अट्ठङ्गसम्पन्नेति ठितिअचलतानं विसुं विसुं अगगहणेन समाहितेति विसुं एकङ्गं कत्वा । तासं पन विसुं विसुं गहणे सुविसुद्धतादीनं समाहितचित्तस्स अङ्गभूतत्ता समाहितेति इमं अङ्गभावेन अगगहेत्वा सुविसुद्धतादीहि अट्ठहि अङ्गेहि सम्पन्नता वेदितब्बा । **इद्धिविधायाति** इद्धिकोट्टासत्थाय, इद्धिप्पभेदाय वा । अत्थतो पन **इद्धिविधा** नाम एकस्स बहुभावादिअनेकविधानपच्चयभूतं अभिज्जाजाणं । **अभिनीहरतीति** अभिज्जाधिगमत्थाय परिकम्मचित्तं कसिणारम्भणतो अपनेत्वा अभिज्जाभिमुखं पेसेति । **इद्धिविकुब्बनन्ति** एत्थ इज्झतीति इद्धि, निप्फज्जति पटिलब्धतीति वुत्तं होति । यज्झि

निष्फज्जति, पटिलब्धति च, तं इज्झतीति वुच्चति । यथाह —

“कामं कामयमानस्स, तस्स चेतं समिज्झती”तिआदि । (सु० नि० ७७२; महानि० १; नेत्ति० ५, ४४) ।

इद्धियेव विकुब्बनं पकतिवण्णविजहनकिरियन्ति **इद्धिविकुब्बनं**, इदं इद्धीसु विकुब्बनिद्धिया पधानभावतो वुत्तं, इद्धि च विकुब्बनज्जाति वा **इद्धिविकुब्बनं** । विसुं गहणम्पि वुत्तकारणेनेव दट्ठब्बं ।

१०५२-४. यथा पन तं निष्फादेतब्बं, तं विधिं दस्सेतुं “**अभिज्जापादकज्झानं**”न्तिआदि वुत्तं । एत्थ च “अनुपुब्बेन चत्तारि ज्ञानानि समापज्जित्वा चतुत्थज्झानतो वुट्ठाया”ति केचि, तं अयुत्तं । यदिच्छकं समापज्जनत्थज्झि चित्तपरिदमनं, चतुत्थज्झानमेव च अभिज्जापादकं, न इतरानि । **सतं...पे०... मानसन्ति** सचे सतं इच्छति, “सतं होमि, सतं होमी”ति, सचे सहस्सं इच्छति, “सहस्सं होमि, सहस्सं होमी”ति एवं परिकम्ममानसं कत्वा । “परिकम्ममानस”न्ति च पादकज्झानतो वुट्ठाया “सतं होमी”तिआदिना पवत्तितकामावचरचित्तं, पादकज्झानज्च । **अभि...पे०... पुनाति** एत्थ पुब्बे अभिज्जापादकज्झानसमापज्जनं परिकम्मचित्तस्स समाधानत्थं, पुन समापज्जनं अधिट्ठानचित्तस्स बलगाहत्थं । **अधिट्ठातीति** सतं आवज्जेत्वा ततो परं पवत्तानं तिण्णं, चतुन्नं वा पुब्बभागचित्तानं अनन्तरा उप्पन्नेन सन्निट्ठापनवसेन अधिट्ठानन्ति लद्धनामेन अभिज्जाजाणेन सन्निट्ठानं करोति, सतं निष्फादेतीति अत्थो । “अधिट्ठान”न्ति हि सब्बत्थ अभिज्जाजाणं वुच्चति ।

१०५५-७. निमित्तारम्मणन्ति पटिभागनिमित्तारम्मणं । **परिकम्ममनानेत्थ सतारम्मणिकानीति** एत्थ एतेसु परिकम्माधिट्ठानेसु परिकम्ममानसानि “सतं होमी”ति पवत्तानि कामावचरमानसानि सतारम्मणिकानि एकेकस्स चित्तस्स वसेन सतारम्मणिकानि होन्ति पच्चेकं “सतं होमी”ति पवत्तनतो । सहस्सारम्मणादीसुपि एसेव नयो । **तदाधिट्ठानचित्तम्पीति** तस्स सतादिकस्स अधिट्ठानचित्तम्पि । सतारम्मणिकता च पन नेसं वण्णवसेन, नो सत्तपज्जत्तिवसेन । रूपज्झि सतं वा सहस्सं वा कत्वा दस्सेतब्बं, न पज्जत्ति । एत्थ च यदि नीलवण्णमेव सतं अभिनिष्फादेति, वण्णस्स तंतंसन्तानवसेन नानत्तेपि नीलवसेन एकत्ता एकमेकं परिकम्मचित्तं सब्बं नीलजातं आलम्बति ।

यदि पन नानावण्णनानाकिरियपरिकम्मचित्तानम्पि बहुभावो होति, एकमेकं एकेकवण्णं, एकेकवण्णेसु च नानाकिरियं आरम्मणं करोति । अधिट्ठानचित्तं पन वण्णसामज्जं गहेत्वापि परिकम्ममारम्मणं नानावण्णवन्तं अभिनिष्फादेति अचिन्तेय्यानुभावत्ता इद्धिविसयस्स । **अप्पनाचित्तं वियाति विय-**ग्गहणं अभिज्जाचित्तस्स, ज्ञानचित्तस्स च पठमुप्पत्तियं सदिसभावतो वुत्तं, न तस्स अप्पनाभावतो । तेनेव हि पुब्बे वुत्तग्गहणेन विसेसितन्ति । **चतुत्थज्झानिकन्ति** रूपावचरचतुत्थज्झानवन्तं, तेन सम्पयुत्तं । यदि एवं चतुत्थज्झानस्स, इमस्स च को विसेसोति आह “**परिकम्मविसेसोवा**”ति । न हेत्थ परिकम्मविसेसं विना अज्जो विसेसो अत्थि । अप्पनाय पुब्बभागप्पवत्तानिपि तीणि चत्तारि जवनानि गहितग्गहणेन, अग्गहितग्गहणेन वा परिकम्मोपचारानुलोमानि सब्बपच्छिमं गोत्रभुनामकन्तिआदि सेसं समानमेव । तेनाह “**सेसं पुब्बसमं इधा**”ति । इद्धिविधजाणवण्णना ।

१०५८. दिब्बसोतन्ति देवतानं पित्तसेम्हादीहि अपलिबुद्धेहि दूरेपि आरम्मणग्गहणसमत्थेहि दिब्बसोतपसादेहि समानत्ता, दिब्बविहारवसेन पटिलद्धत्ता, अत्तना च दिब्बविहारसन्निस्सितत्ता दिब्बं, सवनट्ठेन सोतकिच्चकरणतो, तंसदिसताय च सोतं । **इदन्ति** यं उद्देसे “दिब्बानि चक्खुसोतानी”ति (अभिध० १०४८) दिब्बसोतं उद्दिट्ठं, तं इदन्ति अत्थो ।

१०५९-६४. पठमं ओळारिकसद्वं आवज्जेत्वा पच्छा सुखुमसद्वस्स आवज्जितब्बतो आह “महन्तो सुखुमोपि चा”ति । परिचयकरणत्थज्झि पठमं अरज्जे सीहादीनं सद्दे आदिं कत्वा सब्बे ओळारिकतो पट्टाय यथानुक्कमेन सुखुमसद्दा आवज्जितब्बा, तथा पुरत्थिमादीसु दिसासु ओळारिकानम्पि सुखुमानम्पि सद्दानं सद्दनिमित्तं मनसि कातब्बं । तस्स ते सद्दा पकतिचित्तस्सपि पाकटा होन्ति, परिकम्मचित्तस्स पन अतिविय पाकटा । तस्माति तस्स योगिनो । सद्दस्स निमित्तन्ति ओळारिकस्स, सुखुमस्स वा सद्दस्स यथावुत्तं उपादायुपादाय लब्भमानओळारिकसुखुमाकारं । मनसि कुब्बतोति “इमिस्सा दिसाय अयं सद्दो ओळारिको, सुखुमो वा”ति एवं परिकम्मचित्तेन मनसि करोन्तस्स । सद्देसूति ये परिकम्मचित्तस्स विसयभूता ओळारिका, सुखुमा वा सद्दा, तेसु । अज्जतरन्ति यत्थ परिकम्मकरणवसेन अभिण्हं मनसिकारो पवत्तो, तं एकं सद्दं । यदि अभिज्जाचित्तम्पि परिकम्मेन गहितमेव आरम्भणं करोति, को पन तस्स, इमस्स वा विसेसोति? वुच्चते — परिकम्मचित्तं असुतस्स गहणतो सद्दमत्तं गण्हाति, अभिज्जाचित्तं पन असुतम्पि गणहन्तं सवनाकारेण गहणतो अत्थावबोधस्स पच्चयभावेनेव गण्हातीति अयमेतेसं विसेसो । सुतकोविदाति परियत्तियं छेका ।

१०६५-६. थामजातन्ति जातथामं, दळ्ळभावप्पत्तन्ति अत्थो । वट्ठेतब्बं पादकज्झानारम्भणं कित्तकन्ति आह “एत्थन्तरगत”न्तिआदि । पादकज्झानस्स हि आरम्भणभूतं कसिणनिमित्तं “एत्तकं ठानं फरतू”ति मनसि करित्वा पादकज्झानं समापज्जन्तस्स कसिणनिमित्तं तत्तकं ठानं फरित्वा तिड्ढति । सो समापत्तितो वुट्ठाय पुन पादकज्झानं असमापज्जित्वापि अनेकप्पभेदेपि सद्दे आवज्जति सुभावितभावनत्ता । तत्थ अज्जतरं सद्दं आरम्भ उप्पन्नावज्जनानन्तरं चत्तारि, पच्च वा जवनानि उप्पज्जन्ति, तेसु पच्छिमं इद्धिचित्तं होति । एवं यत्तकं सद्दं इच्छति, तत्तकं तत्थ गतं आवज्जित्वा अभिज्जाजाणेन जानाति । येन पन एवं कसिणनिमित्तं अवट्ठितं, तेन पुनपि पादकज्झानं समापज्जितब्बमेव । सो हि तं ठानगतसद्दं पादकज्झानं समापज्जित्वाव ततो वुट्ठाय अभिज्जाचित्तेन सुणाति । ततो एव हि “पादकारम्भणेन...पे... सुणातीति सासङ्कं वदती”ति (विसुद्धि० महा० २.४००) वुत्तं । इद्धिविधलाभी पन सेसाभिज्जलाभिनो विय विज्जमानसद्दादिआरम्भणमत्तमेव अकत्वा आगन्तुकरूपनिम्मापनतो सब्बथापि द्विक्खत्तुं पादकज्झानं समापज्जित्वाव तं निष्फादेति । एकङ्गुलद्वङ्गुल-गहणज्जेत्थ सुखुमसद्दापेक्खाय कतं ।

१०६८. सुणन्तोति एवं परिच्छिन्दित्वा परिच्छिन्दित्वा सवनेन वसिकताभिज्जो हुत्वा यथावज्जिते सुणन्तो । पाटियेक्कम्पीति एकज्झं पवत्तमानेपि याव ब्रह्मलोका एककोलाहलं कत्वा उट्ठिते सङ्गभेरीपणवादिसद्दे पच्चकं वत्थुभेदेन ववत्थापेतुकामताय सति “अयं सङ्गसद्दो, अयं भेरीसद्दो, अयं पणवसद्दो”तिआदिना पच्चकंयेव ववत्थापेतुं सक्कोतियेवाति । दिब्बसोतजाणवण्णना ।

१०६९-७३. चेतोपरियमानसन्ति परियातीति परियं, सरागादिवसेन परिच्छिज्ज जानातीति अत्थो । येसज्झि धातूनं गति अत्थो, बुद्धिपि तेसं अत्थो होतीति । चेतसो परियं चेतोपरियं, मनसि भवन्ति मानसं, जाणं, चेतोपरियज्च तं मानसज्चाति चेतोपरियमानसं । दिब्बचक्खुवसेनेवाति दिब्बचक्खुउपनिस्सयेनेव । तज्झि एतस्स उप्पादने परिकम्मं । तस्माति यस्मा इदं दिब्बचक्खुवसेनेव पवत्तति, तस्मा । दिब्बेन चक्खुनाति दिब्बसदिसतादीहि “दिब्बचक्खू”ति लद्धवोहारेण दिब्बचक्खुजाणेन दिस्वाति सम्बन्धो । हदयन्ति न हदयवत्थु, अथ खो हदयमंसपेसि । यं बहि कमलमकुळसण्ठानं अन्तो कोसातकीफलसदिसन्ति वुच्चति । तज्झि निस्साय इदानि वुच्चमानं लोहितं तिड्ढति । हदयवत्थु पन इमं लोहितं निस्साय पवत्तति । लोहितं दिस्वाति लोहितस्स वण्णं दिस्वा । दिब्बचक्खुनोपि हि वण्णमेव दिस्सति । तेनेव हि तं चक्खुसदिसत्ता “चक्खू”ति वुच्चति । परस्साति अज्जस्स । यथा हि यो परो न होति, सो अत्ता, एवं यो अत्ता न होति, सो परो । कथं पन दिब्बचक्खुना लोहितस्स वण्णदस्सनेन परचित्तं विज्जेय्यन्ति आह “सोमनस्सयुते”तिआदि ।

लोहितन्ति रत्तं निग्रोधफलसमानवण्णं । काळकन्ति जम्बुसदिसवण्णं । तिलतेलूपमन्ति अनेन पसन्नभावमाह ।

कथं पन चित्ते सोमनस्स सहगतादिमिह सति कम्मजस्स लोहितस्स विविधवण्णभावापत्तीति? किञ्चापि हृदयवत्थुसन्निस्सितभूतानि कम्मजानेव, तं पन लोहितं कम्मजमेवाति नत्थि चतुसन्ततिरूपस्सपि तत्थ लब्धमानत्ता । तेनेव हि अट्ठकथायं “इदं रूपं सोमनस्सिन्द्रियसमुद्धानं, इदं दोमनस्सिन्द्रियसमुद्धानं, इदं उपेक्खिन्द्रियसमुद्धानन्ति परस्स हृदयलोहितवण्णं पस्सित्वा”ति (विसुद्धि० २.४०१) वुत्तं । एवमपि यं तत्थ अचित्तजं, तस्स यथावुत्तवण्णभेदेन न भवितव्वन्ति? भवितव्वं सेससन्ततिरूपानं तदनुवत्तनतो । यथा हि गमनादीसु चित्तजरूपानि उतुजकम्मजाहारजरूपेहि अनुवत्तीयन्ति, अज्जथा कायस्स देसन्तरप्पत्तियेव न सियाति, एवमिधापि चित्तजरूपं सेससन्ततिरूपेहि अनुवत्तीयति, पसादकोधवेलासु च चक्खुस्स वण्णभेदापत्तियेव तस्सत्थस्स निदस्सनं दट्ठव्वं, तस्मा सोमनस्सादियुत्तचित्तानुरूपं उप्पन्नचित्तसमुद्धानरूपवसेन सेसतिसमुद्धानरूपानमपि नानावण्णता होतियेवाति सुट्ठु वुत्तं “लोहितं लोहितं सिया”तिआदि । दिस्वा हृदयलोहितन्ति पठमं ताव अनुमानजाणेन लोहितं दिस्वा । कातव्वं थामतं गतन्ति उप्पादेत्वा थामभावं गतं कातव्वं ।

चेतोपरियजाणज्झि उप्पादेतुकामेन योगिना दिब्बचक्खुलाभिना एव सता हेट्ठा वुत्तनयेन रूपावचरचतुत्थज्झानं अट्ठङ्गसमन्नागतं अभिनीहारक्खमं कत्वा आलोकं वट्ठेत्वा दिब्बेन चक्खुना परस्स हृदयमंसपेसिं निस्साय वत्तमानस्स लोहितस्स वण्णदस्सनेन इदानि इमस्स चित्तं “सोमनस्ससहगत”न्ति वा “दोमनस्ससहगत”न्ति वा “उपेक्खासहगत”न्ति वा नयगाहवसेन ववत्थापेत्वा पादकज्झानं समापज्जित्वा वुट्ठाय “इमस्स चित्तं जानामी”ति परिकम्मं कातव्वं । कालसतमपि कालसहस्समपि पुनप्पुनं पादकज्झानं समापज्जित्वा वुट्ठाय तथेव पटिपज्जितव्वं । तस्सेवं दिब्बेन चक्खुना हृदयलोहितवण्णदस्सनादिविधिना पटिपज्जन्तस्स “इदानि चेतोपरियजाणं उप्पज्जिस्सती”ति यं तदा पवत्ततीति ववत्थापितं चित्तं, तं आरम्मणं कत्वा मनोद्वारावज्जनं तीणि चत्तारि वा जवनानि कामावचरानि जवन्ति । चतुत्थं, पञ्चमं वा अभिज्जाचित्तं रूपावचरचतुत्थज्झानिकं । तत्थ यं तेन अप्पनाचित्तेन सम्पयुत्तं जाणं, इदं चेतोपरियजाणं । तज्झि यत्थ अनेन परिकम्मं कतं, तं परस्स चित्तं पच्चक्खतो पटिविज्जन्तं विभावेन्तमेव हुत्वा पवत्तति, रूपं विय च दिब्बचक्खुजाणं, सट्ठं विय च दिब्बसोत्तजाणं । ततो परं पन कामावचरचित्तेहि सरागादिववत्थापनं होति नीलादिववत्थापनं विय ।

१०७४-५. एवमधिगतस्स पन चेतोपरियजाणस्स थामगमनविधानमपि अधिगमविधानसदिसमेव, तदेवेत्थ आचरियेन दस्सितं । एवं थामगतेतिआदि थामगमनानिसंसदस्सनं । सब्बमेवाति इदं “कामावचरचित्तं, रूपारूपेसु मानस”न्ति उभयपदेनपि सम्बन्धितव्वं, चतुपण्णासविधं कामावचरचित्तं, पञ्चदसरूपावचरचित्तं, द्वादसअरूपावचरचित्तन्ति सब्बमेव, पच्चेकं सरागादिप्पभेदकं विजानातीति अत्थो । पुत्थुज्जनस्स वसेनायं अभिज्जाकथाति लोकुत्तरचित्तं इध अनुद्धटं । तमपि हि उपरिमो, सदिसो वा अरियो हेट्ठिमस्स, सदिसस्स च चित्तं जानाति, हेट्ठिमो पन उपरिमस्स चित्तं न जानाति । यथा चेतं, एवं अरूपावचरज्झाने अकताभिनिवेशो पुत्थुज्जनो, सेखोपि वा अरूपावचरचित्तं न जानाति । अट्ठसमापत्तिकस्स पन वसेन इधारूपावचरचित्तस्सापि जाननं वुत्तं । अरहा पन आरुप्पे अकताभिनिवेशोपि तप्पटिच्छादकअविज्जाय विहतत्ता तमपि जानातियेव । चेतोपरियजाणवण्णना ।

१०७६-७. पुब्बे अतीतजातीसु निवासा निवुत्था अत्तनो सन्ताने पवत्ता, सपरविज्जाणेहि गोचरासेवनाय आसेविता च खन्धा पुब्बेनिवासा । परविज्जाणविज्जातापि हि पुब्बे निवसिंसु एत्थाति पुब्बेनिवासाति वुच्चन्ति, ते पन छिन्नवट्टमकानुस्सरणादीसु बुद्धानयेव विसया, पुब्बे निवासेसु सरूपविभावकं जाणं पुब्बेनिवासजाणं । तेन ।

तदनुस्सतीति तेसं पुब्बेनिवासानं अनुस्सति । हेट्ठा तीसु ज्ञानेसु यथारहं पीतिसुखेहि कायचित्तानं सम्पीणनाय चत्तारि ज्ञानानि समापज्जितब्बानीति आह “**ज्ञानानि पना**”तिआदि । अज्जथा पादकज्झानं समापज्जित्वायेवाति वुत्तं सिया । याय निसज्जाय निसिन्नस्स अनुस्सरणारम्भो, सा इध **सब्बपच्छिमा निसज्जा** ।

१०७८-८०. ततो पभुति...पे०... क्कमाति तस्मिं भवे पुरिमभवादीसु कतं सब्बम्पि सङ्गहेत्वा **सब्बमावज्जितब्बन्ति** आदिना विसुं विसुं रत्तिन्दिवादिवसेन दस्सेति । **दिवसे रत्तियं कतन्ति** सब्बपच्छिमनिसज्जातो पट्टाय आसनपज्जापनं सेनासनप्पवेसनन्ति पटिलोमेन सकलं रत्तिन्दिवं कतकिच्चं आवज्जितब्बं । **कतमावज्जितब्बन्ति** यं एत्थन्तरे कतकिच्चं, सब्बं तं पटिलोमक्कमेनेव आवज्जितब्बन्ति अत्थो । एत्तकं पन पकतिचित्तस्सपि पाकटं, परिकम्मचित्तस्स पन अतिपाकटमेव । सचे पनेत्थ किञ्चि न पाकटं होति, पुन पादकज्झानं समापज्जित्वा वुट्ठाय आवज्जितब्बं, एत्तकेन दीपे जलिते विय पाकटं होति । पादकज्झानसमापज्जनज्हि सत्थकस्स विय निसानसिला सतिपज्जानं निसितभावावहं, तस्मा ता तंसमापज्जनेन परमनेपक्कप्पत्ता होन्ति । **पुरिमस्मिं भवेति** इमम्हा भवा अनन्तरे पुरिमस्मिं भवे ।

१०८१. निब्बत्तं नामरूपज्जाति अत्तनो पच्चयेहि निब्बत्तनामरूपं । **साधुकन्ति** सुट्ठु अपरिहापेत्वा आवज्जितब्बं । पहोति हि इमिस्सा अभिज्जाय कताधिकारो भिक्खु पठमवारेनेव पटिसन्धिं उग्घाटेत्वा चुतिकखणे नामरूपं आरम्मणं कातुं, तथा असक्कोन्तेनापि धुरनिकखेपं अकत्वा पादकज्झानमेव पुनप्पुनं समापज्जितब्बं, ततो च वुट्ठाय पुनप्पुनं आवज्जितब्बं । आवज्जन्तेन च पन पठमं रूपं आवज्जित्वा पच्छा नामं आवज्जितब्बन्ति आचरिया । अपरे पन विपरियायेन वदन्ति ।

तत्थ पच्छिमनिसज्जातो पभुति याव पटिसन्धितो आरम्मणं कत्वा पवत्तजाणं अतीतजातीसु निवुत्थधम्मरम्मणाभावतो पुब्बेनिवासानुस्सतिजाणं नाम न होति, तं पन परिकम्मजाणमेव । यदा पनस्स पटिसन्धिं अतिक्कम्म चुतिकखणे उप्पन्नं नामरूपं आरम्मणं कत्वा मनोद्वारावज्जनं उप्पज्जति, तस्मिं निरुद्धे वुत्तनयेन अप्पनाचित्तं उप्पज्जति, तेन सम्पयुत्तं जाणं पुब्बेनिवासानुस्सतिजाणं नाम । तेनाह “**यदा पना**”तिआदि ।

एत्थाह — किं एकेनेव अभिज्जाचित्तेन चुतिकखणे पवत्तनामरूपं सब्बम्पि आरम्मणं करोति, उदाहु अज्जेन अज्जेनाति । किञ्चेत्थ यदि एकेनेव, दूरतो चित्तपटं पेक्खन्तस्स विय अनिरूपितरूपेण ववत्थानं होति । यदि च अज्जेन अज्जेन, विसुं विसुं पादकज्झानसमापज्जनादिना भवितब्बन्ति? उभयथापि न दोसो । इद्धिविसयस्स हि अचिन्तेय्यत्ता एकेनपि अभिज्जाचित्तेन नामरूपे पस्सन्तो निरूपितरूपेनेव पस्सति, न अनिरूपितरूपेनेव पस्सति, अज्जेनपि वा पठममेव पादकज्झानं समापज्जित्वा वुट्ठाय समाहितचित्तेन कतपरिकम्मस्स पवत्तितत्ता पुन समापज्जनं विना आवज्जित्वा आरम्मणं करोतियेवाति । पुब्बेनिवासानुस्सतिजाणवण्णना ।

१०८६-८. दिब्बचक्खुनाति दिब्बसदिसत्ता, दिब्बविहारवसेन पटिलभित्तब्बत्ता, अत्तना च दिब्बविहारसन्निस्सितत्ता महाजुतिकतादीहि वा **दिब्बं**, रूपदस्सनट्टेन चक्खुमिवाति **चक्खु** । यथा हि मंसचक्खु विज्जाणाधिद्वितं समविसमं आचिक्खन्तं विय पवत्तति, इदं पन ततो सातिसयं चक्खुकिच्चकारीति दिब्बज्जं तं चक्खु चाति दिब्बचक्खु, तेन **दिब्बचक्खुना** । **कसिणारम्मणन्ति** अट्टन्मि कसिणानं वसेन कसिणारम्मणं । **अभिनीहारक्खमं कत्वाति** चुट्टसविधेन चित्तपरिदमनेन अट्टङ्गसम्पन्नताकरणेन अभिनीहारक्खमं दिब्बचक्खुजाणाभिमुखं पेसनारहं पेसनयोग्यं कत्वा । “तेजो... पे०... कसिणम्पि वा आसन्नं कातब्ब”न्ति पाठसेसो । **आसन्नं कातब्बन्ति** दिब्बचक्खुजाणुप्पत्तिया समीपभूतं कारणभूतं कातब्बं, तत्थ उपचारज्झानं पगुणतरं कत्वा तं वट्टेत्वा इच्छितक्खणे उपट्टानयोग्यं कत्वा ठपेतब्बन्ति वुत्तं होति । **एत्थाति**

इमस्मिं दिब्बचक्खुना रूपदस्सनविसये । **सेट्ठन्ति परिदीपितन्ति** आलोककसिणस्सेव पभाविस्सज्जनसभावेन आलोककरणेन इतरेहि विसिट्ठत्ता विसिट्ठन्ति परिदीपितं ।

१०८९-९०. उप्पादेत्वाति पठमज्झाननिद्देसे वुत्तनयेन उपचारज्झानुप्पादनेन उप्पादेत्वा । उपचारज्झानुप्पत्तिया हि सद्धिं पटिभागनिमित्तुप्पत्ति । यस्मा पादकज्झानं विज्जमानेयेव आलोके अप्पनावसेन पवत्तिमत्तं विना अत्तनो बलेन आलोकं फरितुं न सक्कोति, नापि यथापत्थटं थावरं कातुं, परिकम्मं पन तदुभयम्पि कातुं समत्थं, तस्मा उपचारभूमियंयेव तं वट्ठेतब्बन्ति आह “**उपचारभूमिय**”न्तिआदि । **उपचारभूमीति** चेत्थ आलोकस्स थावरकरणवसप्पवत्तं परिकम्मचित्तमेवाति दट्ठब्बं । **अप्पनन्ति** ज्ञानवसेन अप्पनं । न हि अकतपरिकम्मस्स अभिज्जावसेन अप्पना सिज्झति । तेनाह “**पादकज्झाननिस्सित**”न्ति । **पादकज्झाननिस्सितन्ति** पादकज्झानारम्मणं होति, न दिब्बचक्खुस्स परिकम्मनिस्सितं परिकम्ममारम्मणं होति, तथा च सति आलोकवट्ठुनाभावतो रूपदस्सनं न सियाति अधिप्पायो ।

१०९१-३. अन्तो...पे०... भवेति अन्तोगतमेव रूपगतं पस्सितब्बं भवे, न बहिद्भा विक्खेपुप्पत्तिहेतुभावतो पस्सितब्बं दिब्बचक्खुनाति अधिप्पायो । न हि आलोके फरितेपि मंसचक्खुस्स आपाथं होति । **परिकम्मस्स वारो हि अतिक्कमति तावदेति** इध परिकम्मं नाम यथावुत्तकसिणारम्मणं उपचारज्झानं, तं रूपगतं पस्सतो न पवत्तति, कसिणालोकवसेन च रूपगतदस्सनं कसिणालोको च परिकम्मवसेनाति तदुभयम्पि परिकम्मस्स अप्पवत्तिया न होति । तेनाह “**आलोकोपी**”तिआदि । तस्मिं अन्तरहिते रूपगतम्पि न च दिस्सति, रूपगतं पस्सतो परिकम्मस्स वारो अतिक्कमति, परिकम्मपसुतस्स कसिणारम्मणजाणं होतीति रूपगतं दिस्सति, कथं पटिपज्जितब्बन्ति आह “**तेना**”तिआदि ।

१०९४-९. एवं अनुक्कमेनाति पुनप्पुनं पादकज्झानं समापज्जित्वा ततो वुट्ठाय अभिण्हं आलोककरणेन । **आलोको थामवाति** आलोकगतो चिरट्ठायी सिया, तथा च सति तत्थ सुचिरम्पि रूपगतं पस्सतेव । तेन वुत्तं “**आलोको एत्था**”तिआदि । स्वायमत्थो तिणुक्कूपमाय विभावेतब्बोति दस्सेन्तो आह “**तिणुक्काया**”तिआदि । एको किर रत्तियं तिणुक्काय मगं पटिपज्जि, तस्स सा तिणुक्का विज्झायि, अथस्स समविसमानि न पज्जायिंसु, सो तं तिणुक्कं भूमियं घंसित्वा पुन उज्जालेसि, सा पज्जलित्वा पुरिमालोकतो महन्तरमालोकं अकासि, एवं पुनप्पुनं विज्झातं उज्जालयतो कमेन सूरियो उट्ठासि, सूरियो उट्ठिते “**उक्काय कम्मं नत्थी**”ति तं छट्ठेत्वा दिवसम्पि अगमासि । तत्थ उक्कालोको विय परिकम्मकाले कसिणालोको, उक्काय विज्झाताय समविसमानं अदस्सनं विय रूपगतं पस्सतो परिकम्मस्स वारातिक्कमेन आलोके अन्तरहिते रूपगतानं अदस्सनं, उक्काय घंसनं विय पुनप्पुनं पादकज्झानसमापज्जनं, उक्काय पुरिमालोकतो महन्तरमालोककरणं विय पुन परिकम्मं करोतो बलवतरालोककरणं, सूरियुट्ठानं विय थामगतालोकस्स यथावट्ठितपरिच्छेदं फरित्वा अवट्ठानं, तिणुक्कं छट्ठेत्वा दिवसम्पि गमनं विय पदित्तालोकं वट्ठेत्वा थामगतेनालोकेन दिवसम्पि रूपदस्सनं । एत्तावता च दिब्बचक्खुस्स नानावज्जनपरिकम्मज्जेव दिब्बचक्खुजाणज्ज दस्सितं, न तस्स उप्पत्तिक्कमोति तं दस्सेतुं “**उप्पादनक्कमोपी**”तिआदि वुत्तं । तं हेट्ठा वुत्तनयत्ता सुविज्जेय्यमेव । **तानि चत्तारि पज्ज वाति** पोत्थकेसु लिखन्ति । “तीणि चत्तारि वा पना”ति पाठो ।

११००. तत्थ **अत्थसाधकचित्तन्ति** यदत्थायेस पटिपन्नो, तस्स तदत्थसाधनतो अत्थसाधकभूतं चित्तं । तस्मिज्जि उप्पन्ने मंसचक्खुस्स अनापाथयोग्यं अन्तोक्कुच्छिगतं हृदयवत्थुनिस्सितं हेट्ठापथवीतलनिस्सितं तिरोक्कुट्टपब्बतपाकारगतं परचक्कवाळगतन्ति इदं रूपं आपाथं आगच्छति, मंसचक्खुना दिस्समानं विय होति । तदेव चेत्थ रूपं सरूपतो विभावनसमत्थं चक्खुविज्जाणं विय । न पन आवज्जनपरिकम्मवसेन पवत्तानि पुब्बभागचित्तानि । तानि हि आरम्मणं

करोन्तानिपि न याथावतो तं विभावेत्वा पवत्तन्ति आवज्जनसम्पटिच्छनादिचित्तानि वियाति ।

११०१-२. ननु च अनागतंसजाणं यथाकम्मूपगजाणन्ति द्वे अभिज्जाजाणानि अत्थि, कस्मा तानि इध न दस्सितानीति आह “अनागतंसजाणस्सा”तिआदि । इज्जन्ति दिब्बचक्खुनाति विसुं परिकम्मस्स अभावतो दिब्बचक्खुजाणपटिलाभेनेव तस्स परिवारानि हुत्वा पटिलद्धानि होन्ति । ततोयेव हि तानि तस्स परिभण्डजाणानीति वुच्चन्ति । यथा हि सिनेरुस्स परिवारद्वानियानि तंसिद्धिया सिद्धानि मेखलद्वानानि परिभण्डानीति वुच्चन्ति, एवं इमानिपि दिब्बचक्खुसिद्धिया सिद्धानि तस्स परिभण्डानीति वेदितब्बानि ।

होतु ताव एवमेतं, चुतूपपातजाणं पन किं न दस्सितन्ति आह “चुतूपपातजाणम्पी”तिआदि । दिब्बचक्खुजाणमेव हि चुतियं, उपपत्तियञ्च रूपं विभावेन्तं चुतूपपाते पवत्तत्ता “चुतूपपातजाण”न्ति वुच्चति, अवसेसरूपविभावनकाले “दिब्बचक्खू”ति वुच्चति, तस्मा परमत्थतो नामद्वयेन आगतं एकमेव जाणं, दिब्बचक्खुजाणं चुतूपपातजाणन्ति पन व्यज्जनतोयेव नानन्ति । कत्थचि मनोमयजाणन्तिपि विसुं अभिज्जाजाणं आगतं, तं अत्थतो इद्धिविधजाणमेव । दिब्बचक्खुजाणवण्णना ।

११०३. इधाति इमस्मिं सासने । अनेन तरेनाति अनेन अभिधम्मावतारनामकेन तरेन ।

इति अभिधम्मत्थविकासिनिया नाम

अभिधम्मावतारसंवण्णनाय

अभिज्जानिद्देसवण्णना निड्डिता ।

१७. सत्तरसमो परिच्छेदो

अभिज्जारम्मणनिद्देसवण्णना

११०४-५. पञ्च इद्धिविधादीनीति —

“इद्धिविधं दिब्बसोतं, परचित्तविजानना ।

पुब्बेनिवासानुस्सति, दिब्बचक्खूति पञ्चधा”ति ॥ —

एवमागता पञ्च । सत्ताभिज्जा इमा पनाति अतीतंसजाणस्स पुब्बेनिवासानुस्सतिजाणे, मनोमयजाणस्स च इद्धिविधजाणे अन्तोगधत्ता वुत्तं । अतीतंसजाणं नाम परेसं पच्चुप्पन्नभवे याव पटिसन्धिपरियोसानं पवत्तचित्तारम्मणं जाणं । मनोमयजाणम्पि नाम मनोमयकायाभिनिम्मानादिवसप्पवत्तं इद्धिविधजाणं ।

११०६. इदानि इमेसं अभिज्जाजाणानं आरम्मणविनिच्छये असम्मोहत्थं तं दस्सेतुमारभन्तो आह “सत्तन्न”न्तिआदि । चत्तारो आरम्मणत्तिकाति परित्तारम्मणत्तिको मग्गारम्मणत्तिको अतीतारम्मणत्तिको अज्झत्तारम्मणत्तिकोति इमे चत्तारो आरम्मणत्तिका । एत्थाति इदं पच्चामसनं किं तिकानं, उदाहु आरम्मणानन्ति, किञ्चेत्थ

— यदि तिकानं, तदयुत्तं । न हि तिकेसु अभिज्जाजाणानि पवत्तन्ति । अथ आरम्मणानं, तम्पि अयुत्तं । न हि अज्जं उद्दिसित्वा अज्जस्स पच्चामसनं युत्तन्ति । यथा इच्छसि, तथा होतु । भवतु ताव तिकानं, ननु वुत्तं “तिकेसु अभिज्जाजाणानि नप्पवत्तन्ती”ति? नायं विरोधो तिकवोहारेण आरम्मणानंयेव गह्ममानत्ता । अथ वा पन होतु आरम्मणानं, ननु वुत्तं “अज्जं उद्दिसित्वा अज्जस्स पच्चामसनं अयुत्तं”न्ति । अयम्पि न दोसो यथावुत्तकारणेनेवाति ।

११०७-१०. परितादीसु सत्तसूति असतिपि वत्थुभेदे भूमिकालसन्तानभेदवसेन भिन्नेसु

परित्तमहग्गतअतीतानागतपच्चुप्पन्नअज्जत्तबहिद्वारम्मणवसेन सत्तसु परितादिआरम्मणविभागेषु । इद्विविधजाणस्स मग्गारम्मणताय अभावतो इध मग्गारम्मणत्तिको न लब्धति । कायं चित्तसन्निस्सितं कत्वा अदिस्समानेन कायेन गन्तुकामोति सम्बन्धो । चित्तसन्निस्सितकरणञ्च तं विय कायस्स अदिस्समानसीधगतिकतावसेन तग्गतिकतापादनं । यथा चित्तं न दिस्सति सीधगमनञ्च, एवं कायम्पि अदिस्समानं, सीधगमनञ्च कत्वा यथिच्छित्तद्वानं गन्तुकामोति अयज्हेत्थ अत्थो । **चित्तवसेनाति** महग्गतचित्तवसेन परिणामेतीति पाठसेसो । तेनाह “तं महग्गते च चित्तस्मिं समारोपेती”ति । पादकज्झानज्हि समापज्जित्वा वुट्ठाय “अयं कायो इदं चित्तं विय अदिस्समानो, सीधगमनो च होतू”ति परिकम्मं करोति, परिकम्मं पन कत्वा पुन समापज्जित्वा वुट्ठाय तथेव परिकम्मं करोन्तो कायं गहेत्वा महग्गते पादकचित्ते समारोपेति, तग्गतिकं करोति विय, अदिस्समानं, सीधगमनञ्च करोति । तं पन सीधगमनत्थं अभावितिद्विपादानं विय दन्धं अप्पवत्तित्वा कतिपयचित्तवारेहेव इच्छित्तद्वानप्पत्तिवसेन दट्ठब्बं, न एकचित्तक्खणेनेव । “नाहं, भिक्खवे, अज्जं एकधम्मम्पि समनुपस्सामि, यं एवं लहुपरिवत्तं, यथयिदं, भिक्खवे, चित्तं”न्ति (अ० नि० १.४८) हि एत्थ अज्ज-ग्गहणेनेव रूपधम्मानं गहितत्ता चित्तक्खणवसेन रूपप्पवत्ति न युत्ता । यत्थ यत्थ च धम्मा उप्पज्जन्ति, तत्थ तत्थेव भिज्जन्ति च, न च इद्विबलेन धम्मानं केनचि लक्खणज्जत्तं सक्का कातुन्ति । चित्तवसेन रूपकायं पादकज्झाने समारोपेत्तस्स कायमेव आरम्मणन्ति आह “**कायारम्मणतो**”ति, काये वण्णारम्मणतोति वुत्तं होति । **कायसन्निस्सितं कत्वा चित्तन्ति** एत्थ न चित्तं कायं विय दन्धं दिस्समानं करोति, किन्तु दन्धदिस्समानगतिकरणमत्तमेवाति दट्ठब्बं ।

१११२-३. अनागतमतीतञ्च करोति विसयं यदाति महाधातुनिधाने महाकस्सपत्थेरादीनं विय अनागतं

अधिद्वहन्तानं अनागतं आरम्मणं करोति, कायवसेन चित्तपरिणामनकाले तदेव चिरनिरुद्धं पादकज्झानं आरम्मणं करोन्तानं अतीतं आरम्मणं करोति, तदा अतीतारम्मणं, अनागतगोचरञ्च होति, **पच्चुप्पन्नो गोचरो** पच्चुप्पन्नस्स रूपकायस्स आरम्मणकरणतो । हत्थिआदयो अभिनिम्मिनन्तस्सापि हि किज्वापि परिकम्मं अनागतारम्मणं होति, अधिद्वानचित्तं पन पच्चुप्पन्नारम्मणमेव । उपचारारम्मणं विय हि पटिभागनिमित्तं तेन सह पातुभूतमेव तस्सारम्मणं होति ।

१११४-५. कायं ...पे०... सियाति अत्तनो कायं चित्तवसेन परिणामनकाले अज्जत्तस्स कायस्स आरम्मणकरणतो,

अत्तनो चित्तं कायवसेन परिणामनकाले चित्तस्स आरम्मणकरणतो । **वा-**सदेन अवुत्तसमुच्चयत्थेन गहिते अत्तनो कुमारवण्णादिअभिनिम्मानकाले कायस्स आरम्मणकरणतो च अज्जत्तारम्मणं सिया । **बहिद्धा रूपदस्सनेति** बहिद्धा हत्थिअस्सादिरूपदस्सनकाले ।

१११६-८. पच्चुप्पन्ने परित्ते चाति सरूपविभावनमेतं । दिब्बसोतस्स हि पच्चुप्पन्नोव सद्दो आरम्मणं होति, सो च

सभावतो परित्तोव । **कुच्छिसदस्साति** कुच्छियं वातसदस्स । तत्थ पाणकसदस्स पन सवने बहिद्वारम्मणमेव । वसितापत्तस्स अत्तनो वितक्कविप्फारसदसवनेपि अज्जत्तारम्मणन्ति वदन्ति, तं पन एकादसभवङ्गचित्ततो उपरि भवङ्गं पवत्तितुमदत्वा भवङ्गतो वुट्ठाय आवज्जनसमत्थतावसेन वसितापत्तस्सेव युज्जति । “परस्स च सदस्सा”ति सम्बन्धितब्बं ।

न हि परस्स कुच्छिसद्वसवनेयेव बहिद्धारम्मणं होति, अथ खो परस्स चित्तसमुद्धानसद्वसवनेपीति ।

१११९-२२. परित्तादीसूति परित्तमहगतअप्पमाणमग्गअतीतानागतपच्चुप्पन्नबहिद्धारम्मणेसु । **परित्तानन्ति** कामावचरचित्तानं । **मज्झिमानन्ति** परित्तअप्पमाणानं मज्झे भवत्ता मज्झिमसङ्घातानं रूपारूपावचरचित्तानं । मज्झेभवता च देसनावसेन, न सभाववसेन । चेतोपरियजाणं परस्स चित्तमेव जानाति, अवसेसक्खन्धत्तयं पन न जानातीति इमं महाअट्ठकथावादं सन्धायाह “**मग्गचित्तस्स जानने**”तिआदि । अयज्हेत्थ अधिप्पायो — यस्मा चेतोपरियजाणं चित्तमेव जानाति, तस्मा तं मग्गारम्मणं न होति, मग्गसम्पयुत्तचित्तजाननतो पन परियायेन मग्गारम्मणता **अट्ठकथायं** अनुज्जाताति । **पट्टाने** पन —

“कुसला खन्धा इद्विविधजाणस्स चेतोपरियजाणस्स पुब्बेनिवासानुस्सतिजाणस्स यथाकम्मूपगजाणस्स अनागतंसजाणस्स आरम्मणपच्चयेन पच्चयो”ति (पट्ठा० १.१.४०४) —

वुत्तत्ता चत्तारोपि खन्धा चेतोपरियजाणस्स आरम्मणं होन्ति, तस्मा निप्परियायेनेव मग्गारम्मणता लब्धतीति इदमेत्थ सङ्गहकारानं सन्निट्ठानं ।

११२३-५. अतीतसत्तदिवसब्भन्तरे, अनागतसत्तदिवसब्भन्तरेयेव च पवत्तं परचित्तं चेतोपरियजाणं जानाति, ततो पट्टाय पन पटिसन्धिपरियोसानं, चुतिपरियोसानञ्च पवत्तं अतीतंसजाणस्स, अनागतंसजाणस्स च गोचरन्ति अधिप्पायेनाह “**अतीते**”तिआदि । अतीतस्स, अनागतस्स च परचित्तस्स जाननं सम्भवति, पच्चुप्पन्नस्स पन न सम्भवतीति पुच्छति “**कथञ्च पना**”तिआदि । इतरो यत्थ सम्भवति, तं दस्सेतुं पच्चुप्पन्नं ताव विभजित्वा दस्सेन्तो “**पच्चुप्पन्नं तिथा वुत्त**”न्तिआदिमाह । **खणसन्ततिअद्धतो**ति खणपच्चुप्पन्नं सन्ततिपच्चुप्पन्नं अद्धापच्चुप्पन्नन्ति एवं खणसन्ततिअद्धावसेन तिथा वुत्तं ।

११२६. तिक्खणसम्पत्तन्ति उप्पादट्ठितिभङ्गवसेन खणत्तयपरियापन्नं । **पच्चुप्पन्नखणादिकन्ति** खण-सद्वादिकं पच्चुप्पन्नं खणपच्चुप्पन्नन्ति वुत्तं होति । **एकद्वेसन्ततिवारपरियापन्नन्ति** एत्थ अन्धकारे निसीदित्वा आलोकट्ठानं गतस्स न च ताव आरम्मणं पाकटं होति, याव पन तं पाकटं होति, एत्थन्तरे पवत्ता रूपसन्तति, अरूपसन्तति वा “**एकद्वेसन्ततिवारा**”ति वेदितब्बा । “आलोकट्ठाने विचरित्वा ओवरकं पविट्ठस्सापि न ताव सहसा रूपं पाकटं होति, याव तं पाकटं होति, पुब्बेव तत्थ निसिन्नस्स विय एत्थन्तरे एकद्वेसन्ततिवारा वेदितब्बा । दूरे ठत्वा पन रजकादीनं हत्थविकारं, घण्टिभेरीआदिआकोटनहत्थविकारञ्च दिस्वा न पन ताव सद्दं सुणाति, याव पन तं सुणाति, एत्थन्तरे एकद्वेसन्ततिवारा वेदितब्बा”ति (विसुद्धि० २.४१६) एवं ताव **मज्झिमभाणकत्थेरा** वदन्ति ।

संयुत्तभाणका पन “रूपसन्तति अरूपसन्ततीति द्वे सन्ततियो वत्वा उदकं अक्कमित्वा गतस्स याव तीरे अक्कन्तउदकलेखा न विप्पसीदति, अद्धानतो आगतस्स याव काये उसुमभावो न वूपसम्मति, आतपा आगन्त्वा गब्भं पविट्ठस्स याव अन्धकारभावो न विगच्छति, अन्तो गब्भे कम्मट्ठानं मनसिकत्वा दिवा वातपानं विवरित्वा ओलोकेन्तस्स याव अक्खीनं फन्दनभावो न वूपसम्मति, अयं रूपसन्तति नाम । द्वे तयो जवनवारा अरूपसन्तति नामाति वत्वा तदुभयम्पि सन्ततिपच्चुप्पन्नं नामा”ति (विसुद्धि० २.४१६) एवं एकमेव सन्ततिवारं वदन्ति । तत्थ मज्झिमभाणकवादे एकच्चस्स सीधम्पि पाकटं होतीति एकद्वेसन्ततिवाराति एक-ग्गहणम्पि कतं । **आचरियधम्मपालत्थेरो** पन “अतिपरित्तसभावउतुआदिसमुद्धाना वा एकद्वेसन्ततिवारा वेदितब्बा”तिपि (विसुद्धि० महा० २.४१६) आह ।

११२७-८. एकभवपरिच्छिन्नन्ति एकस्मिं भवे पटिसन्धिचुतिवसेन परिच्छिन्नं एकभवपरियापन्नं धम्मजातं । यं सन्धाय वुत्तं “यो चावुसो मनो, ये च धम्मा, उभयमेतं पच्चुप्पन्नं, तस्मिं चे पच्चुप्पन्ने छन्दरागपटिबद्धं होति विज्जाण”न्तिआदि, सन्ततिपच्चुप्पन्नञ्चेत्थ अभिधम्मट्टकथासु आगतं, अद्वापच्चुप्पन्नं सुत्ते । **केचीति** अभयगिरिवासिनो ।

११२९-३०. यथा चातिआदि एत्थ तेसं ओपम्मदस्सनं । एकपुष्पं अत्तनो वण्टेन एकस्स वण्टं विज्झतीति सम्बन्धो । **महाजनस्सापि...पे०... विज्झतीति** “अतीतं चित्तं, अनागतं चित्तं, इमस्स चित्तं, असुकस्स चित्तं”न्ति एवं विभागं अकत्वा परस्स चित्तं जानामिच्चेव रासिवसेन महाजनस्स चित्ते आवज्जिते एकस्स चित्तं एकेन चित्तेन उप्पादक्खणे वा ठितिक्खणे वा भङ्गक्खणे वा एकन्तेन पटिविज्झतीति अत्थो ।

११३१-२. तं पन तेसं वचनं अयुत्तन्ति दस्सेतुं “**येनावज्जती**”तिआदि वुत्तं । वस्ससहस्सम्पि हि एवं आवज्जयतो आवज्जनजवनानं एकस्मिं आरम्मणे ठानं नत्थि, अभिज्जाचित्तञ्च सचे खणपच्चुप्पन्नं जानाति, आवज्जनेन सह एकारम्मणे वत्तमानमेव जानाति, नो अज्जथा, तस्मा **तेसं** आवज्जनजवनानं **द्विन्नं सह** एकस्मिं आरम्मणे **अट्टानाभावतो तं न युज्जति** । भवतु ताव को एत्थ दोसोति चे आह “**आवज्जनजवनानं**”न्तिआदि । तत्थ मग्गफलवीथितो अज्जं अनिट्ठानं । मग्गफलवीथियज्झि आवज्जनादीनं सङ्खारारम्मणत्ता, गोत्रभुआदीनञ्च निब्बानारम्मणत्ता नानारम्मणता इट्ठा, अज्जत्थ पन अनिट्ठा, तस्मा **अनिट्ठे ठाने जवनावज्जनानं** नानारम्मणतापत्तिदोसो अयुत्तोति तं तेसं वचनं **अयुत्तन्ति पकासितं** अट्टकथासूति अधिप्पायो ।

११३३-४. यदि एवं, कथं चेतोपरियजाणं पच्चुप्पन्नारम्मणं होतीति आह “**तस्मा**”तिआदि । यस्मा एवं अयुत्तन्ति पकासितं, तस्मा । **जवनवारतोति** एकजवनवारवसेन । इदं पन खणपच्चुप्पन्नानन्तरं लहुकं कत्वा पच्चुप्पन्नदस्सनत्थं वुत्तं, यं पन वत्तमानजवनवीथितो अतीतानागतवसेन द्वितिजवनवीथिपरिमाणकाले पवत्तं परचित्तं, तं सब्बम्पि “सन्ततिपच्चुप्पन्नं नामा”ति **अट्टकथायं** (विसुद्धि० २.४१६) वुत्तं, तस्मा **जवनवारतोति** द्वितिजवनवारवसेन दीपेतब्बं, न सकलेन पच्चुप्पन्नद्धुनाति अधिप्पायो । **निट्ठिट्ठं** संयुत्तट्टकथायं । **तत्रायं दीपनाति**आदि जवनवारस्स अद्वापच्चुप्पन्नभावदीपनमुखेन इद्धिचित्तस्स पवत्तिआकारदीपनं ।

११३९-४१. सन्ततिपच्चुप्पन्नम्पि अद्वापच्चुप्पन्नेनेव सङ्गहेत्वा आह “**अद्वावसा...पे०... पना**”ति । **आनन्दाचरियो** पनेत्थ अभिधम्ममातिकाय आगतस्स पच्चुप्पन्नपदस्स अद्वासन्ततिपच्चुप्पन्नपदत्थता न कत्थचि पाळियं वुत्ता, तस्मा चित्तसामज्जेन चित्तं आवज्जयमानं अभिमुखीभूतं विज्जमानचित्तं आवज्जेति, परिकम्मनि च तं तं विज्जमानचित्तं चित्तसामज्जेनेव आरम्मणं कत्वा चित्तजाननपरिकम्मनि हुत्वा पवत्तन्ति । चेतोपरियजाणं पन विज्जमानचित्तं पटिविज्झन्तं तेन सह एकक्खणे उप्पज्जति । तत्थ यस्मा सन्तानगगहणतो एकत्तवसेन आवज्जनादीनि चित्तन्तेव पवत्तानि, तज्ज चित्तमेव, यं चेतोपरियजाणेन विभावितं, तस्मा समानाकारप्पवत्तितो न अनिट्ठे ठाने नानारम्मणता होतीति खणपच्चुप्पन्नवसेनेव इमस्स पच्चुप्पन्नारम्मणतं इच्छति । **इतरानीति** आवज्जनपरिकम्मचित्तानि । **चक्खुद्वारे विज्जाणन्ति** चक्खुविज्जाणं ।

११४३-७. परित्तादीसु अट्टसूति चेतोपरियजाणस्स वुत्तेसु पच्चुप्पन्नारम्मणं हित्वा नवत्तब्बारम्मणञ्च पक्खिपित्वा अट्टसु परित्तादीसु । **अतीते...पे०... फलम्पि** वाति एत्थ **अत्तनाति** निदस्सनमत्तं । परेहिपि भावितमग्गं, सच्छिकतफलञ्च पुब्बेनिवासानुस्सतिजाणेन समनुस्सरति । **वा-सद्देन** वा अवुत्तसमुच्चयत्थेन अत्तना भावितं मग्गं, फलम्पि वा परेहि भावितं

मगं, फलमि वाति एवमत्थो गहेतब्बो । तथा च वुत्तं **अट्ठकथायं** “अत्तना, परेहि भावितमगं, सच्छिकतफलञ्च अनुस्सरणकाले”ति (विसुद्धि० २.४१७) । **एव**-कारं पन पदपूरणमत्तमेव । **फलमि** वाति एत्थ “भावित”न्ति न सम्बन्धितब्बं । न हि फलं भावेतब्बं होति, अथ खो सच्छिकातब्बमेवाति । **समनुस्सरतो मगन्ति** एत्थापि “अत्तना, परेहि वा भावित”न्ति सम्बन्धितब्बं । **एकन्ततो**ति नियमतो ।

११४८-५०. ननु च चेतोपरियजाणयथाकम्मूपगजाणानिपि अतीतारम्मणानेव, किं पन तेसं, इमस्स च आरम्मणे नानाकरणन्ति आह “**चेतोपरियजाणम्पी**”तिआदि । **किञ्चापीति** अयं निपातसमुदायो, एको वा निपातो विसेसानभिधाननिमित्ते उपगमने दट्ठब्बो । **अथ खोति** विसेसाभिधानसमारम्भे । **चित्तमेवाति** इदं पुब्बे विचारितमेव । **अतीते चेतनामत्तन्ति** इदमि पुब्बे विय महाअट्ठकथावादं सन्धायेव वुत्तं । तत्थ हि यथाकम्मूपगजाणस्स चेतनामत्तमेव आरम्मणं होति, न चित्तं, नापि इतरे धम्मा, यतो तं यथाकम्मूपगन्ति वुच्चतीति इमिना अधिप्पायेन यथाकम्मूपगजाणं अतीतचेतनामत्तमेव आरम्मणं करोतीति वुत्तं, हेट्ठा दस्सितपाळिवसेन सब्बे चत्तारोपि खन्धा यथाकम्मूपगजाणस्स आरम्मणन्ति सङ्गहकारानं सन्निधानं । **नत्थि किञ्चि अगोचरन्ति** किञ्चि खन्धं वा खन्धपटिबद्धं नामगोत्तादिं वा अगोचरं नाम नत्थि । तज्जि अतीतक्खन्धखन्धपटिबद्धेसु धम्मेसु सब्बञ्जुतज्जाणसमानगतिकमेवाति अधिप्पायो ।

११५१-२. **अत्तक्खन्धानुस्सरणे**ति अत्तनो खन्धानुस्सरणकाले । **सरणे...पे०... गोचरन्ति** “अतीते विपस्सी भगवा अहोसि, तस्स माता बन्धुमती, पिता बन्धुमा”तिआदिना नयेन नामगोत्तादिं, पथवीनिमित्तादिञ्च अनुस्सरणकाले नवत्तब्बारम्मणं होति । **नवत्तब्बगोचरन्ति** हि परित्तरम्मणअतीतारम्मणत्तिकवसेन वुत्तं, अज्झत्तारम्मणत्तिकवसेन पन आकिञ्चज्जायतनज्झानस्स आरम्मणभूतधम्मारम्मणकाले नवत्तब्बारम्मणं होति, अवसेसपञ्चत्तारम्मणकाले बहिद्धारम्मणं होति । **नामगोत्तन्ति** चेत्थ खन्धपटिबद्धो सम्मुतिसिद्धो व्यञ्जनत्थो, न व्यञ्जनं । व्यञ्जनज्जि सद्दायतनसङ्गहितत्ता परित्तं होति । यथाह “**निरुत्तिपटिसम्भिदा परित्तरम्मणा**”ति (विभ० ७४९) ।

११५४. **दिब्बसोतसमन्ति** यस्मा पच्चुप्पन्नं, परित्तञ्च रूपं आरम्मणं करोति, तस्मा पच्चुप्पन्नारम्मणं, परित्तरम्मणञ्च होति, अत्तनो कुच्छिगतरूपदस्सने, परस्स हृदयनिस्सितलोहितदस्सनादीसु च अज्झत्तारम्मणं, बहिद्धारम्मणञ्च होति ।

११५५-६. **परित्तादीसु अट्ठसूति** पुब्बेनिवासानुस्सतिजाणस्स वुत्तेसु अतीतारम्मणं वज्जेत्वा अनागतारम्मणं पक्खिपित्वा अट्ठसु । **निब्बत्तिस्सति...पे०... पजानतो**ति इमिना निब्बत्तक्खन्धजाननमाह । अनागतंसजाणस्स अनागतमगोचरं नत्थि । तमि हि अनागतक्खन्धखन्धपटिबद्धेसु धम्मेसु सब्बञ्जुतज्जाणसमानगतिकमेव ।

११६३. **जानने नामगोत्तस्साति** “अनागते मेत्तेय्यो नाम सम्मासम्बुद्धो उप्पज्जिस्सति, तस्स सुब्रह्मा नाम पिता भविस्सति, ब्रह्मवती नाम माता”तिआदिना नयेन नामगोत्तादिजाननकाले ।

११६४-५. **परित्तादीसु पञ्चसूति** परित्तमहग्गतअतीतअज्झत्तबहिद्धारम्मणवसेन पञ्चसु । **कामकम्मस्साति** कामावचरकम्मस्स ।

११६९. **विविधत्थवण्णपदन्ति** नानप्पकारअत्थपदेहि, व्यञ्जनपदेहि च सम्पन्नं । **मधुरत्थमतिनीहरन्ति** मधुरत्थं अतिनीहरज्जाति पदच्छेदो ।

इति अभिधम्मत्थविकासिनिया नाम

अभिधम्मावतारसंवण्णनाय

अभिज्जारम्मणनिद्देसवण्णना निड्डिता ।

१८. अट्टारसमो परिच्छेदो

दिट्ठिविसुद्धिनिद्देसवण्णना

११७०-२. इदानीं यस्मा एवं अभिज्जावसेन अधिगतानिसंसाय थिरतराय समाधिभावनाय समन्नागतेन भिक्खुना पज्जा भावेतब्बा होति । एवञ्चि सा सब्बाकारेण थिरतरा सिखप्पत्ता च होति, तस्मा तस्सा भावनानयविभावनत्थमारभन्तो आह “समाधिं पना”तिआदि । का पज्जाति सरूपपुच्छा । को चत्थोति इमिस्सा को अत्थो । पज्जाति पदं कं अभिधेय्यत्थं निस्साय वत्ततीति अधिप्पायो ।

११७३-४. पज्जा विपस्सनापज्जाति इधाधिप्पेतमेव पज्जं दस्सेति, अज्जत्थ पन बहुविधो पज्जापभेदो होति । पुज्जचित्तसमायुताति कुसलचित्तसम्पयुत्ता । एत्थ च पुज्ज-ग्गहणेन दुविधम्पि अब्बाकतं निवत्तेति, तथा “अत्थि संकिलिद्धा”ति एवं पवत्तं मिच्छावादं पटिसेधेति । विपस्सना-ग्गहणेन कम्मस्सकतादिवसप्पवत्तं सेसकुसलपज्जं । जानना वा पकारतोति वुत्ते “किमिदं पकारतो जाननं नामा”ति अनुयोगं मनसि निधाय सज्जाननविजाननाकारविसिद्धं नानप्पकारतो जाननन्ति दस्सेतुं “सज्जाविज्जाणपज्जानं, को विसेसो किमन्तर”न्ति कथेतुकम्यतापुच्छं कत्वा विस्सज्जनमाह “सज्जाविज्जाणपज्जान”न्तिआदिना । जाननत्ते समेपि चाति विसयविजाननाकारे समानेपि ।

११७५. सज्जाननमत्तंवाति “नीलपीत”न्तिआदिकं आरम्मणे विज्जमानं, अविज्जमानं वा सज्जानिमित्तं कत्वा जाननं । तथा हेसा पुन सज्जाननपच्चयकरणरसा । मत्त-सद्देन विसेसनिवत्तिअत्थेन विजाननप्पजाननाकारे निवत्तेति, एव-कारेण कदाचिपि इमिस्सा ते विसेसा न सन्तियेवाति अवधारेति । तेनाह “लक्खणपटिवेध”न्तिआदि । “अनिच्चं दुक्खमनत्ता”ति लक्खणपटिवेधं कातुं नेव सक्कोति, विज्जाणकिच्चम्पि कातुं न सक्कोति, सज्जा कुतो पज्जाकिच्चं करेय्याति लक्खणपटिवेधं कातुं न सक्कोतिच्चेव वुत्तं, न वुत्तं “मग्गं पापेतुं न सक्कोती”ति ।

११७६. विज्जाणं पन आरम्मणे पवत्तमानं न तत्थ सज्जा विय नीलपीतादिकस्स सज्जाननवसेनेव पवत्तति, अथ खो तं तत्थ अनिच्चतादिविसेसं, अज्जज्ज तादिसं विसेसं जानन्तमेव पवत्ततीति आह “विज्जाणं पना”तिआदि । कथं पन विज्जाणं लक्खणपटिवेधं करोतीति? पज्जाय दस्सितमग्गेन । लक्खणारम्मणिकविपस्सनाय हि अनेकवारं लक्खणानि पटिविज्झित्वा पवत्तमानाय पगुणभावतो परिचयवसेन जाणविप्पयुत्तचित्तेनपि विपस्सना सम्भवति, यथा तं पगुणस्स गन्थस्स सज्जायने जायागतापि वारा न विज्जायन्ति । लक्खणं पटिविज्झितुन्ति च लक्खणानं आरम्मणकरणं सन्धाय वुत्तं, न पटिविज्जनं ।

११७७. उस्सक्कित्वाति २२० उदयब्बयादिजाणपटिपाटिया आरभित्वा मग्गं पापेतुमेव तं विज्जाणं न सक्कोति असम्बोधसभावत्ता । वुत्तनयन्ति विज्जाणे वुत्तनयं । सा हि आरम्मणज्ज जानाति, लक्खणज्ज पटिविज्झति । अत्तनो पन

अनञ्जसाधारणेन आनुभावेन मगं पापेतुञ्च सक्कोति । बालगामिकहेरञ्जिकानं कहापणजाननमिव च नेसं आरम्मणजाननं वेदितब्बं । यथा हि हेरञ्जिकफलके ठपितं कहापणरासिं एको असञ्जातवोहारबुद्धि बालदारको, एको गामिकपुरिसो, एको हेरञ्जिकोति तीसु जनेसु पस्समानेसु बालदारको कहापणानं चित्तविचित्तदीघरस्सचतुरस्सपरिमण्डलभावमत्तमेव जानाति, “इदं मनुस्सानं उपभोगपरिभोगावहं रतनसम्मत्”न्ति न जानाति । गामिकपुरिसो तदुभयं जानाति, “अयं छेको महासारो, अयं कूटो, अयं अड्डसारो, अयं पादसारो”तिआदिकं पन विभागं न जानाति । हेरञ्जिको सब्बेपि ते पकारे जानाति, जानन्तो च ओलोकेत्वापि जानाति, आकोटितसद्वं सुत्वापि जानाति, गन्धं घायित्वापि रसं सायित्वापि हत्येन धारयित्वापि “असुकस्मिं गामे वा निगमे वा नगरे वा पब्बते वा नदीतीरे वा कतो”तिपि “असुकआचरियेन कतो”तिपि जानाति । तत्थ **सञ्जा** असञ्जातवोहारबुद्धिनो बालदारकस्स कहापणदस्सनं विय विभागं अकत्वा पिण्डवसेनेव आरम्मणं गण्हाति नीलादिवसेन आरम्मणस्स उपट्टानाकारगगहणतो, **विञ्जाणं** गामिकपुरिसस्स कहापणदस्सनमिव एकच्चविसेसगगहणसमत्थताय, **पञ्जा** अनवसेसगगहणसमत्थताय हेरञ्जिकस्स कहापणदस्सनमिव दट्टब्बाति ।

११७८-८०. सभावपटिवेधनन्ति सको भावो, समानो वा भावो सभावो, तस्स पटिवेधनं जातपरिञ्जातीरणपरिञ्जावसेन सभावसामञ्जलक्खणपटिवेधनं । घटपटादिपटिच्छादकस्स बाहिरन्धकारस्स दीपालोको विय यथावुत्तधम्मसभावपटिच्छादकस्स विद्धंसनरसा । उप्पज्जमानोयेव हि जाणालोको हृदयन्धकारं विधमेन्तो उप्पज्जतीति आह “**सम्मोहनन्धकारस्स, विद्धंसनरसा मता**”ति । ततोयेव सब्बधम्मेसु असम्म्यहनाकारेन पच्चुपतिट्ठति, कारणभूता वा सयं फलभूतं असम्मोहं पच्चुपतिट्ठापेतीति आह “**असम्मोहपच्चुपट्टाना**”ति । विपस्सनापञ्जाय इधाधिप्पेतत्ता समाधि तस्सा पदट्टानं । तथा हि “समाहितो यथाभूतं पजानाती”ति (सं० नि० ३.५; ४.९९; ५.१०७१; अ० नि० ११.२) सुत्तपदन्ति आह “**समाधासन्नकारणा**”ति ।

११८१-२. धम्मसभावपटिवेधो नाम पञ्जाय आवेणिको सभावो, न तेनस्सा कोचि विभागो लब्धतीति आह “**लक्खणेनेकधा वुत्ता**”ति । लुज्जनपलुज्जनट्टेन लोको वुच्चति वट्टं, तप्परियापन्नताय लोके नियुत्ता, तत्थ वा विदिताति **लोकिका** । तत्थ अपरियापन्नता **अलोकिका** । कतमा पनेत्थ लोकिया, कतमा लोकुत्तरा चाति आह “**लोकियेना**”तिआदि । लोकियकुसलचित्तुप्पादेसु मग्गसम्पयुत्ता **लोकियेन मग्गेन युत्ता** । विसेसतो पन दिट्ठिविसुद्धिआदिविसुद्धिचतुक्कसङ्गहितमग्गसंयुत्ता समुदाये पवत्ता पञ्जा तदेकदेसेसुपि पवत्ततीति मग्ग-गगहणं कतं, पच्चेकम्पि वा सम्मादिट्ठिआदीनं मग्गसमञ्जाति कत्वा । लोकतो उत्तरा उत्तिण्णाति **लोकुत्तरा** । लोकुत्तरापि हि मग्गसम्पयुत्ता भावेतब्बा, विपस्सनापरियोसाने लब्धतेवाति लोकुत्तर-गगहणं न विरुज्झति । तेनाह “**लोकुत्तरेना**”तिआदि । **सुतमयादितोति**आदिगगहणेन भावनामयं सङ्गण्हाति ।

११८३-५. अत्तनोव चिन्तायाति तस्स तस्स अनवज्जस्स अत्थस्स साधने परोपदेसेन विना अत्तनो उपायचिन्तावसेनेव । **भूरिपञ्जेनाति** महापञ्जेन, पत्थटताय पथवीसमानपञ्जेन वाति अत्थो । **परतो पन सुत्त्वानाति** परतो उपदेसं सुत्वा । **सुतेनेव च निष्फन्नाति** अन्तोगतहेत्वत्थमिदं विसेसनं, सुतेनेव निष्फन्नताति अत्थो । “निष्फन्नता सुतेन वा”ति वा पाठो । **यथा वापि तथा वाति** परतो सुत्वा वा असुत्वा वा । **अप्पनापत्ताति** इदं सिखापत्तं भावनामयं दस्सेतुं वुत्तं, न पन अप्पनापत्ताव भावनामयाति । तिस्सोपि पनेता पञ्जा पाळिवसेन एवं वेदितब्बा —

“तत्थ कतमा चिन्तामया पञ्जा? योगविहितेसु वा कम्मायतनेसु योगविहितेसु वा सिप्पायतनेसु

योगविहितेषु वा विज्जाठानेषु कम्मस्सकतं वा सच्चानुलोमिकं वा रूपं अनिच्चन्ति वा, वेदना, सज्जा, सङ्खारा, विज्जाणं अनिच्चन्ति वा, यं एवरूपं अनुलोमिकं खन्तिं दिट्ठिं रुचिं मुदिं पेक्खं धम्मनिज्झानक्खन्तिं परतो असुत्वा पटिलभति, अयं वुच्चति चिन्तामया पज्जा । तत्थ कतमा सुतमया पज्जा...पे०... सुत्वा पटिलभति, अयं वुच्चति सुतमया पज्जा । सब्बापि समापन्नस्स पज्जा भावनामया पज्जा”ति (विभ० ७६८) ।

एत्थ च किञ्चापि कम्मायतनादिवसेन चिन्तामयसुतमयपज्जा महग्गतलोकुत्तरवसेन भावनामयपज्जा च वुत्ता, इध पन अन्तिमभविकानं द्विन्नं बोधिसत्तानमेव लब्भमाना चिन्तामयभूता सच्चानुलोमिका पज्जा, पूरितपारमीनं अवसेसमहापज्जानं लब्भमाना सुतमया सच्चानुलोमिका पज्जा, लोकुत्तरप्पनापत्तापि भावनामयपज्जाव अधिप्पेता ।

११८६. पटिसम्भिदाचतुक्कस्साति अत्थधम्मनिरुत्तिपटिभानसङ्घातस्स पटिसम्भिदाचतुक्कस्स वसेन । ननु चेत्थ विपस्सनापज्जा अधिप्पेता, कस्मा पटिसम्भिदा आहटाति? विपस्सकानं जाणपाटवत्थं पज्जाप्पभेदे निद्विसियमाने पटिसम्भिदापज्जापि वत्तुकामताय, पटिसम्भिदापज्जाय वा विपस्सनाफलभूतत्ता लोकियलोकुत्तरपज्जाधिकारे वा लोकुत्तरपज्जाय सह पापुणितब्बं पटिसम्भिदापज्जम्पि वत्तुकामताय इधेव वुत्ताति । **अत्थधम्मनिरुत्तीसु जाणन्ति** “अत्थे जाणं अत्थपटिसम्भिदा, धम्मे जाणं धम्मपटिसम्भिदा, तत्र धम्मनिरुत्ताभिलापे जाणं निरुत्तिपटिसम्भिदा”ति (विभ० ७१८) एवमागतं अत्थादीसु तीसु पभेदगतं जाणत्तयं । **तीसुपीति** यथावुत्तेसु तीसुपि पटिसम्भिदाजाणेषु गोचरकिच्चलक्खणरसपच्चुपट्टानपदट्टानभूमिआदिवसेन ते आरम्मणं कत्वा पच्चवेक्खन्तस्स इमानि जाणानि इदमत्थजोतकानीति एवं पभेदगतं जाणं, परित्तमहग्गतअप्पमाणवसेन वा तीसु जाणेषु जाणं । पटिसम्भिदारम्मणम्पि हि पटिभानपटिसम्भिदा होति । तेनेव च **सुत्तन्तभाजनीयपाळियं** “जाणेषु जाण”न्ति, **अट्टकथाय** च “सब्बत्थकजाणं आरम्मणं कत्वा जाणं पच्चवेक्खन्तस्स पभेदगतं जाण”न्ति (विभ० अट्ट० ७१८) अविसेसेन वुत्तं । एवञ्च कत्वा महग्गतपटिसम्भिदाजाणस्स अभावेपि निरुत्तिपटिसम्भिदा परित्तारम्मणा, तिस्सो पटिसम्भिदा सिया परित्तारम्मणा, सिया महग्गतारम्मणा, सिया अप्पमाणारम्मणाति पटिभानपटिसम्भिदाय महग्गतारम्मणतापि पज्हापुच्छकपाळियं वुत्ता ।

अभिधम्मभाजनीये पन —

“यस्मिं समये कामावचरं कुसलं चित्तं उप्पन्नं होति सोमनस्ससहगतं जाणसम्पयुत्तं रूपारम्मणं वा...पे०... धम्मारम्मणं वा, यं यं वा पनारब्भ, तस्मिं समये फस्सो होति...पे०... अविक्खेपो होति । ये वा पन तस्मिं समये अज्जेपि अत्थि अरूपिनो धम्मा, इमे धम्मा कुसला । तेसु धम्मेसु जाणं धम्मपटिसम्भिदा । तेसं विपाके जाणं अत्थपटिसम्भिदा । याय निरुत्तिया तेसं धम्मानं पज्जति होति, तत्र धम्मनिरुत्ताभिलापे जाणं निरुत्तिपटिसम्भिदा । येन जाणेन तानि जाणानि जानाति ‘इमानि जाणानि इदमत्थजोतकानी’ति, तेसु जाणेषु जाणं पटिभानपटिसम्भिदा”ति (विभ० ७२५) —

चित्तुप्पादक्कमेन देसनाय पवत्तत्ता सावसेसो पाठो कतो । चित्तुप्पादसङ्गहिते अत्थे असेसेत्वा देसना हि अभिधम्मभाजनीये पवत्ता, न सब्बजेय्येति यथादस्सितविसयवचनवसेन “येन जाणेन तानि जाणानि जानाती”ति वुत्तं, न तं अज्जारम्मणतं पटिसेधेति देसनाय अतप्परभावतो । एवञ्च कत्वा तत्थ निब्बाने, अनागतेपि अत्थपटिसम्भिदा सिया न वत्तब्बा अतीतारम्मणातिपि अनागतारम्मणातिपि पच्चुप्पन्नारम्मणातिपीति अत्थपटिसम्भिदाय निब्बानारम्मणता वुत्ता । एत्थ च **अत्थोति** सङ्केपतो हेतुफलस्सेतं अधिवचनं । हेतुफलज्झि यस्मा हेतुअनुसारेण अरीयति अधिगमीयति सम्पापुणीयति, तस्मा अत्थोति वुच्चति । **धम्मोति**पि सङ्केपतो पच्चयस्सेतं अधिवचनं । सो हि यस्मा तं तं दहति पवत्तेति, सम्पापुणितुं वा धारेति,

तस्मा धम्मोति वुच्चति । निरुत्तीति सत्तानं मूलभासाभूता मागधिकभासा, याय बुद्धानं देसना होति । पटिभानन्ति हेट्टा वुत्तं जाणत्तयमेव । वुत्तज्हेतं अभिधम्मे “दुक्खे जाणं...पे०... तस्स विपाके जाणं अत्थपटिसम्भिदा”ति आदि ।

११८७. यस्मा पनायं सङ्खेपत्थोव, पभेदवसेन च वुच्चमानो पाकटो होति, तस्मा तं सङ्गहेत्वा पभेदतोव अत्थादिके दस्सेतुं “यं किञ्चि पच्चयुप्पन्न”न्ति आदि आरब्धं । यं किञ्चि पच्चयुप्पन्नन्ति यं किञ्चि हेतादिपच्चयतो समुप्पन्नं । तं पन “इदं इतो निब्बत्त”न्ति एवं हेतुअनुसारेण विज्जायमानमेव इध अधिप्पेतं, तथा कुसलाकुसलफलभूता विपाका अब्यापारसन्तिवसेन विज्जायमाना, सेसा अब्यापारभूता किरिया धम्मा अविपाकसन्तिवसेन, असङ्खतं निस्सरणभूतो निरोधो निब्बुतिसन्तिवसेन, बुद्धवचनत्थभूतो खन्धादिपरमत्थधम्मो इमाय अयं दीपितोति एवं पाळिअनुसारेण विज्जायमानोव अत्थसमज्जं लभतीति आह “यं किञ्चि पच्चयुप्पन्न”न्ति आदि । तत्थ हेतुफलं, भासितत्थो च सकसकहेतुपटिबद्धो, भासितपटिबद्धो च विज्जायतीति परियायतो, सेसं सकसकभाववसेनेव विज्जायतीति निप्परियायतोव अत्थो नाम । तत्थ परियायत्थो सुत्तन्तभाजनीयवसेन वुत्तो, निप्परियायत्थो अभिधम्मभाजनीयवसेनाति दट्ठब्बं । भासितन्ति पाळिधम्ममाह । सेसं अत्थपच्चकेसु वुत्तनयेन यथारहं योजेत्वा वेदितब्बं ।

एत्थ च निब्बानं पत्तब्बो अत्थो, भासितत्थो आपेतब्बो अत्थो, इतरो निब्बत्तेतब्बो अत्थोति तिविधो होति अत्थो । मग्गो सम्पापको हेतु, भासितं आपको हेतु, इतरं निब्बत्तको हेतूति एवं तिविधो होतीति दट्ठब्बं । किरियाधम्मानज्चेत्थ अविपाकताय धम्मभावो न वुत्तो । यदि एवं विपाका न होन्तीति अत्थभावो न वत्तब्बो? न, पच्चयुप्पन्नभावतो । एवं सति कुसलाकुसलानम्पि पच्चयुप्पन्नत्ता अत्थभावो आपज्जति? नायं दोसो अप्पटिसिद्धत्ता । विपाकस्स पन पधानहेतुताय पाकटभावतो धम्मभावो एव तेसं वुत्तो, किरियानं पच्चयभावा धम्मभावो आपज्जतीति चे? नायं दोसो अप्पटिसिद्धत्ता । कम्मफलसम्बन्धस्स पन हेतुभावाभावतो धम्मभावो न युत्तोति । अपिच “अयं इमस्स पच्चयो, अयं पच्चयुप्पन्नो”ति एवं भेदमकत्वा केवलं कुसलाकुसले विपाककिरियधम्मे च पच्चवेक्खन्तस्स धम्मत्थपटिसम्भिदा न होन्तीति तेसं अत्थधम्मता वुत्ताति दट्ठब्बं ।

११८९. सभावनिरुत्तीति अविपरीतनिरुत्ति, अविपरीतनिरुत्तीति तस्स तस्स अत्थस्स बोधने सब्बकालं पटिनियतसम्बन्धो अब्यभिचारवोहारो मागधभासाति वुत्तं होति । सा हि सब्बकालं पटिनियतसम्बन्धो, इतरा भासा पन कालन्तरेण परिवत्तन्ति । अत्थतो पनेसा नामपज्जतीति आचरिया । यथाहु —

“निरुत्ति मागधा भासा, अत्थतो नामसम्मुती”ति ।

अपरे पन — यदि सभावनिरुत्ति पज्जत्तिसभावा, एवं सति पज्जत्ति अभिलपितब्बा, न वचनन्ति आपज्जति, एवञ्च सति “तत्र धम्मनिरुत्ताभिलापे जाणं निरुत्तिपटिसम्भिदा”ति इदं न सक्का वत्तुं, अभिलपितब्बोति अभिलापो । न हि वचनतो अज्जं अभिलपितब्बं उच्चारेतब्बं अत्थि, अथ फस्सादिवचनेहि बोधेतब्बं अभिलपितब्बं, एवञ्च सति अत्थधम्मानम्पि बोधेतब्बत्ता तेसम्पि निरुत्तिभावो आपज्जति, अपिच अट्ठकथायं “फस्सोति च सभावनिरुत्ति, फस्सा फस्सन्ति न सभावनिरुत्ती”ति (विभ० अट्ठ० ७१८) वचनतो विज्जत्तिविकारसहितो सट्ठो निरुत्तीति दस्सितमेव, “तं सभावनिरुत्तिसद्वं आरम्मणं कत्वा पच्चवेक्खन्तस्स तस्मिं सभावनिरुत्ताभिलापे पभेदगतं जाणं निरुत्तिपटिसम्भिदा, एवमयं निरुत्तिपटिसम्भिदा सद्वारम्मणा नाम जाता, न पज्जत्तिआरम्मणा”ति च अट्ठकथायं (विभ० अट्ठ० ७१८) वुत्तत्ता निरुत्तिसद्वारम्मणाय सोतविज्जाणवीथिया परतो मनोद्वारे निरुत्तिपटिसम्भिदा पवत्तति, एवञ्च कत्वा “निरुत्तिपटिसम्भिदा परित्तरम्मणा”ति वचनं उपपन्नं होतीति वदन्ति । आचरियजोतिपालत्थेरादयो पनाहु — “निरुत्तिपटिसम्भिदा

पच्चुप्पन्नारम्मणा”ति वचनं पच्चुप्पन्नं सद्दं गहेत्वा पच्छाजाननं सन्धाय वुत्तं, एवञ्च सति अञ्जस्मिं पच्चुप्पन्नारम्मणे अञ्जं पच्चुप्पन्नारम्मणन्ति वुत्तन्ति आपज्जति, यथा पन दिब्बसोतजाणं मनुस्सादिसद्दभेदनिच्छयस्स पच्चयभूतं तंतंसद्दविभावकं, एवं सभावासभावानिरुत्तिनिच्छयस्स पच्चयभूतं पच्चुप्पन्नसभावानिरुत्तिसद्दारम्मणं तंविभावकं जाणं निरुत्तिपटिसम्भिदाति वुच्चमाने न कोचि पाळिविरोधो, तं सभावानिरुत्तिसद्दं आरम्मणं कत्वा पच्चवेक्खन्तस्साति च पच्चुप्पन्नसद्दारम्मणपच्चवेक्खणं पवत्तेन्तस्साति न न सक्का वत्तुं। तम्पि हि जाणं सभावानिरुत्तिं विभावेन्तमेव तंतंसद्दपच्चवेक्खणानन्तरं तंतंपभेदनिच्छयस्स हेतुभावतो निरुत्तिं भिन्दन्तं पटिविज्झन्तमेव उप्पज्जतीति च पभेदगतम्पि होतीति।

११९०. तिविधन्ति इदं हेट्ठा विभावितनयमेवाति। **पच्चवेक्खतोति** इमानि जाणानि इदमत्थजोतकानीति असम्मोहवसेन पच्चवेक्खन्तस्स। ननु च तीणि जाणानिपि अत्थधम्मसभावं नातिवत्तन्तीति जाणेसु जाणं अत्थपटिसम्भिदा, धम्मपटिसम्भिदा च होति, कस्मा पन “तेसु...पे... मत”न्ति विसुं वुत्तन्ति? सारम्मणेसु तीसु जाणेसु पवत्तजाणस्स अधिप्पेतत्ता। यज्हि जाणारम्मणं जाणं तस्स आरम्मणम्पि असम्मोहवसेन पटिविज्झन्तमेव पवत्तति, तं इध पटिभानपटिसम्भिदा नाम। एवञ्च कत्वा वुत्तं “इमानि जाणानि इदमत्थजोतकानी”ति। जाणमत्तारम्मणं पन जाणं अत्थपटिसम्भिदायेव। एत्थ च किञ्चापि अयं पटिसम्भिदा सारम्मणेसु जाणेसु पवत्तति, आरम्मणानं पन पभेदं हेट्ठा जाणत्तयमेव विभावेति। यथा किं? यथा धम्मदेसनाय असमत्थो बहुस्सुतो किञ्चापि धम्मकथिकेन कथेतब्बं धम्मं जानाति, देसना पन धम्मकथिकस्सेव विसयोति, एवंसम्पदमिदं दट्ठब्बं। इमासु पन पच्छिमानं तिस्सन्नं सेखासेखमग्गक्खणे असम्मोहवसेन पटिवेधो होति, अत्थपटिसम्भिदाय आरम्मणकरणवसेनपि। तथा हि सा मग्गफलसभावापि होति। एवञ्च कत्वा सा लोकियलोक्तरा, सेसा तिस्सो लोकियाव। तेनाहु पोरणा —

“लाभो तासमसम्मोहा, सेखासेखपथक्खणे।

अत्थपज्जा यथालम्बा, सा द्विधाज्जा तु सासवा”ति॥

११९१. इमा पन चतस्सो पटिसम्भिदा पज्जहि आकारेहि विसदभावं गच्छन्तीति दस्सेतुं “**परियत्ती**”तिआदि आरब्धं। तत्थ **परियत्ति** नाम बुद्धवचनस्स परियापुणनं, पाळिअट्ठकथासु गण्ठपदअत्थपदविनिच्छयकथा **परिपुच्छा** परितो सब्बतो जातुं पुच्छाति कत्वा। **सवनं** सक्कच्चं अट्ठिं कत्वा सोतविज्जाणवसेन गहणं, **अधिगमो** मग्गुप्पत्ति। **अट्ठकथायं** पन “अधिगमो नाम अरहत्तमग्गुप्पत्ती”ति (विभ० अट्ठ० ७१८) वुत्तं। तं सेखभूमियं पभेदगमनं अप्पविसयं, असेखभूमियं बहुविसयन्ति कत्वा वुत्तं। सातिसयं वा अधिगमनं सन्धायेव वुत्तं। सेखेन पत्तानम्पि हि इमासं अरहत्तप्पत्तिया विसदभावाधिगमोति। पुब्बयोगो विय पन अरहत्तप्पत्ति अरहतोपि पटिसम्भिदाविसदताय पच्चयो न न होतीति पज्चन्नम्पि यथायोगं सेक्खासेक्खपटिसम्भिदाविसदताय कारणता योजेतब्बा। **पुब्बयोगो** नाम पुब्बबुद्धानं सासने गतपच्चागतिकभावेन याव अनुलोमगोत्रभुसमीपं, ताव विपस्सनाभियोगो। अधिगमपुब्बयोगा चेत्थ अनुप्पन्नं उप्पादेन्ति, उप्पन्नञ्च विसदं करोन्ति, सेसानि पन सुविसदभावस्सेव पच्चयाति दट्ठब्बं।

११९२-४. एवं एकविधादिवसेन पज्जाय पभेदं दस्सेत्वा इदानि भावनाविधानं विभावेतुं “**कथं भावेतब्बा**”तिआदि आरब्धं। तत्थ यस्मा इमाय पज्जाय खन्धादयो धम्मा भूमि, सीलविसुद्धि चेव चित्तविसुद्धि चाति इमा द्वे विसुद्धियो मूलं, दिट्ठिविसुद्धि कङ्खवितरणविसुद्धि मग्गामग्गजाणदस्सनविसुद्धि पटिपदाजाणदस्सनविसुद्धि जाणदस्सनविसुद्धीति इमा पज्च विसुद्धियो सरीरं, तस्मा तेसु भूमिभूतेसु धम्मेसु उग्गहपरिपुच्छावसेन जाणपरिचयं कत्वा मूलभूता द्वे विसुद्धियो

सम्पादेत्वा सरीरभूता पञ्च विसुद्धियो सम्पादेन्तेन भावेतब्बाति दस्सेतुं “**खन्धादीसू**”तिआदि आरब्धं ।
खन्धादीसूति खन्धायतनधातुइन्द्रियपटिच्चसमुप्पादादिभेदेसु । **भूमिभूतेसु चाति** लक्खणादिग्गहणवसेन जाणस्स पवत्तिट्ठानभूतेसु । **सीलं चित्तविसुद्धिन्ति** मूलभूतं सीलविसुद्धिं, चित्तविसुद्धिञ्च । सति हि सीलविसुद्धियं, चित्तविसुद्धियञ्च अयं पञ्जा मूलजाता नाम होति, नासतीति । **दिट्ठिविसुद्धादयो पञ्चाति** उपब्रूहेतब्बत्ता सरीरभूता दिट्ठिविसुद्धिआदयो पञ्च । इमिस्सा हि पञ्जाय सन्तानवसेन पवत्तमानाय पादपाणिसीसट्ठानिया दिट्ठिविसुद्धिआदयो इमा पञ्च विसुद्धियो अवयवेन समुदायूपलक्खणनयेन सरीरन्ति वेदितब्बा । **ताय पञ्जायाति** उग्गहपरिपुच्छादिवसेन खन्धादीसु धम्मेसु पवत्तपञ्जाय । **जननादितोति** जातिजरामरणादीहि ।

११९५-६. “भावेतब्बा”ति वत्वा इदानि यस्मा खन्धादिभूमीसु सीलविसुद्धिचित्तविसुद्धिसङ्घातेहि मूलेहि सुप्पतिट्ठितेन पञ्चविसुद्धिसङ्घातसरीरस्स वट्ठनेनेव पञ्जावट्ठना नाम होति, तस्मा विपस्सनापञ्जाय भूमिभूतेसु खन्धादीसु एकदेसदस्सनत्थं “**रूपञ्चा**”तिआदि वुत्तं । **तत्थाति** तेसु पञ्चसु खन्धेसु । **यं किञ्चीति** अनवसेसपरियादानं । **अतीतानागतादिकन्ति**आदिना पन तदेव एकादससु ओकासेसु पक्खिपित्वा दस्सेति । **आदि-**ग्गहणेन पच्चुप्पन्नस्स गहणं ।

११९७-१२००. **हीनन्ति**आदीसु अकुसलकम्मसमुद्धानताय **हीनं**, कुसलकम्मसमुद्धानताय **पणीतं** । अकुसलविपाकुप्पत्तिहेतुभूतताय वा **हीनं**, विपरियायेन **पणीतं** । दुप्परिग्गहभूतसुखमरूपादिवसेन **दूरं**, इतरवसेन **सन्तिकन्ति**आदिना अत्थो वेदितब्बो । **सब्बं तं एकतो कत्वाति** अतीतादिविभागभिन्नं सब्बं तं रूपरासिवसेन बुद्धिया एकज्झं गहेत्वा “महाउदकखन्धो”तिआदीसु विय “रासट्ठेन रूपखन्धो”ति वुच्चति । **सुत्तेपि** हि वुत्तं “तदेकज्झं अभिसंयूहित्वा अभिसङ्घिपित्वा”ति । **वेदनाखन्धो**तिआदीसुपि एसेव नयो । एकेकेसु पन वेदनादीसु “समुद्दो मया दिट्ठो”तिआदीसु विय समुदायवोहारस्स अवयवेपि दिस्सनतो खन्ध-सद्दो रुळ्हीवसेन पवत्ततीति दट्ठब्बं । यं तं किञ्चि वेदयितलक्खणन्ति सम्बन्धो । वेदनाखन्धोयेव **वेदनाखन्धता** । वेदनाय अतीतादिविभागे वित्थारकथा **विसुद्धिमग्गतो** (विसुद्धि० २.४९७ आदयो) गहेतब्बा । **अभिसङ्खारलक्खणन्ति** सङ्खारखन्धस्स चेतनापधानताय एवं वुत्तं, सम्पयुत्तधम्मे आरम्मणे रासिकरणलक्खणं सम्पिण्डनलक्खणन्ति वुत्तं होति । अथ वा “सङ्खतमभिसङ्खरोन्ती”ति (सं० नि० ३.७९) वुत्तत्ता यथा अत्तनो फलसङ्खतं सम्मदेव निप्फन्नं होति, एवं अभिसङ्खरणसभावन्ति अत्थो । अयं पन कुसलाकुसलचेतनाय वसेन वट्ठति ।

१२०२-५. एवं विपस्सनापञ्जाय भूमिभूते धम्मे एकदेसतो दस्सेत्वा इदानि सीलचित्तविसुद्धीनं हेट्ठा वुत्तत्ता ता अवत्वा इदं पञ्जाभावनाय आदिभूतं दिट्ठिविसुद्धिं दस्सेतुं “**चत्तारो च महाभूता**”तिआदि आरब्धं । तं सम्पादेतुकामेन च योगावचरेन चतुधातुववत्थानवसेन वा द्वादसायतनवसेन वा पञ्चखन्धवसेन वा उभिन्नं सङ्केपकोट्टासानं वसेन वा पटिलद्धज्झानवसेन वा नामरूपस्स ववत्थापेतब्बभावेपि तेन तेन मुखेन ववत्थानप्पकासनस्स अतिपपञ्चावहत्ता यथाधिगतखन्धवसेनेव इध ववत्थानं दस्सितं । **एकासीतिया चित्तेनाति** एकासीतिया लोकियचित्तेन । लोकुत्तरचित्तानि पन नेव सुखविपस्सकस्स, न समथयानिकस्स परिग्गहं गच्छन्ति अनधिगतत्ता । **चत्तारोरूपिनो खन्धेति** चत्तारो अरूपिनो खन्धे । सीतुण्हादिविरोधिपच्चयसमवाये विकारापज्जनतो **रूपं रूपनलक्खणं** । आरम्मणाभिमुखं नमनतो **नामं नमनलक्खणं** । **परिगणहतीति** परिच्छेदकारिकाय पञ्जाय परिच्छिन्दित्वा गणहाति ।

१२०६-९. **तालस्स कन्दं तु यमकन्ति** द्वीहि बीजेहि निब्बत्तितं एकीभूतं यमकतालकन्दं । तज्झि यमकं

भिन्नसन्तानमपि अभिन्नं विय उपट्ठाति, एवं रूपारूपधम्माति । **नामञ्च रूपञ्चाति** एतेनेव तस्स दुविधभावे सिद्धे “**द्विधा ववत्थपेती**”ति इदं नामरूपविनिमुत्तस्स अञ्जस्स अभावदस्सनत्थं । तेनेवाह “**नामतो रूपतो**”तिआदि । नामरूपमत्तताय अविनिच्छित्ता, सन्तानादिघनभेदस्स च अकतत्ता अभिनिवेसेन विना समूहेकत्तग्गहणवसेन “**सत्तो**”ति पवत्तो सम्मोहो **सत्तसम्मोहो**, तस्स **घातत्थं** विक्खम्भनत्थं । **बहुसुत्तवसेनाति** “यथा ही”तिआदिना इध दस्सितानं, अञ्जेसञ्च “रूपञ्च हिदं, महालि, अत्ता अभविस्स, नयिदं रूपं आबाधाय संवत्तेय्या”ति (महाव० २०; सं० नि० ३.५९) एवमादीनं सम्बहुलानं **सुत्तन्तानं** वसेन । तन्ति तं नामरूपं ।

१२१०-२. अङ्गसम्भाराति अङ्गसम्भारहेतु तन्निमित्तं अमुञ्चित्वा सति एव तस्मिन्ति अत्थो । **सद्दोति** वोहारो । **खन्धेसूति** पञ्चसु उपादानखन्धेसु **सन्तेसु** ते अमुञ्चित्वाव **सत्तोति सम्मुति** वोहारो । इदं वुत्तं होति — यथा अक्खचक्कपञ्जरईसादीसु अङ्गसम्भारेसु एकेनाकारेन एकज्झं रासि हुत्वा सण्ठितेसु “रथो”ति वोहारमत्तं होति, परमत्थतो पन एकेकस्मिं अङ्गे उपपरिक्खियमाने रथो नाम नत्थि, एवमेव उपादानखन्धसङ्घातेसु रूपारूपधम्मेसु सन्तानवसेन पवत्तमानेसु “सत्तो”ति वा “पुग्गलो”ति वा “जीवो”ति वा वोहारमत्तं, परमत्थतो पन एकेकस्मिं धम्मे उपपरिक्खियमाने “अस्मी”ति वा “अह”न्ति वा गाहस्स वत्थुभूतो सत्तो नाम नत्थि, केवलं नामरूपमत्तमेव अत्थीति । एवं पस्सतो हि दस्सनं यथाभूतदस्सनं नाम होति, यं दिट्ठिविसुद्धीति वुच्चति । सचे कोचि सत्तो नाम नत्थि, कथञ्चरहि नामरूपमत्ते गमनादिअत्थकिच्चसिद्धता होतीति अनुयोगं सन्धायाह “**यथापी**”तिआदि । अयं पनेत्थ सङ्खेपत्थो — यथा **दारुमयं यन्तं निज्जीवं** जीवविरहितं अब्भन्तरे वत्तमानस्स जीवस्स अभावतो ततोयेव **निरीहकं** निब्यापारं, अथ च पन **दारुरज्जुसमायोगे** पच्चयविसेसवसेन तं दारुयन्तं **गच्छतिपि तिट्ठतिपि**, सजीवं सब्यापारं विय गमनादिकिच्चं साधेन्तमिव खायति, **तथा इदं नामरूपमपि** किञ्चापि निज्जीवं निरीहकञ्च, अथ च पन **अञ्जमञ्जसङ्घतपच्चयविसेसस्स समायोगे** सजीवं सब्यापारं गच्छन्तं तिट्ठन्तञ्च खायतीति ।

१२१३. सच्चतोति भूततो, परमत्थतोति वुत्तं होति । **इदं नामरूपं अभिसङ्घतं यन्तमिव सुज्जं** जीवादिना । पच्चयेहि अभिसङ्घतं इदं नामरूपं यन्तमिव सुज्जन्ति वा सम्बन्धो । **दुक्खस्स पुज्जोति** निच्चातुरताय दुक्खस्स रासि । **तिणकट्टसादिसोति** अत्तसुज्जताय तिणकट्टसमो ।

१२१५. यमकन्ति युगळं । सो च यमकभावो अञ्जमञ्जनिस्सितभावेनाति आह “**उभो अञ्जोञ्जनिस्सिता**”ति । ततो एव **एकस्मिं भिज्जमानस्मिं उभो भिज्जन्ति** । न हि कदाचि पञ्चवोकारभवे मरणवसेन रूपे निरुज्जन्ते अरूपं अनिरुज्जन्तं, अरूपे वा निरुज्जन्ते रूपं अनिरुज्जन्तं अत्थि । एकवोकारभवचतुवोकारभवेसु पन तेसं अञ्जमञ्जं अनिस्साय पवत्तिया कारणं हेट्ठा वुत्तमेवाति । सो पनायं भङ्गो पच्चयवसेनेव, पच्चयनिरोधेनेव नामरूपनिरोधोति अत्थो । **पच्चयाति** पच्चयभूता, अञ्जमञ्जस्स पच्चया होन्तापि एकस्मिं भिज्जमानस्मिं उभो भिज्जन्तियेवाति अत्थो ।

१२१६-९. नित्तेजन्ति तेजहीनं आनुभावविरहितं । यत्थ पन तं नित्तेजं, तं दस्सेतुं “**न ब्याहरती**”तिआदि वुत्तं । न हि अञ्जथा सद्दहनुस्साहनादीसु नामं नित्तेजन्ति सक्का वत्तुं, नापि रूपं सन्धारणाबन्धनादीसु । तेनेव हि “**तथा रूपमपि नित्तेज**”न्ति वत्वा “**भुज्जामीति...पे०... न विज्जती**”ति वुत्तं ।

१२२०-१. नामं निस्सायाति आदिना ब्यतिरेकवसेनपि नामरूपानं नित्तेजतयेव विभावेति । रूपञ्हि गमनादिकिरियासु **नामं निस्साय** पवत्तति, नामं दस्सनादिकिरियासु **रूपं निस्साय** । अञ्जमञ्जं सन्निस्साय चस्स अत्तकिच्चसिद्धिपि पच्चेकं असमत्थतं विभावेति । तथा हि नामरूपस्स अत्तसुज्जता, निब्यापारता च सुट्ठतरं पाकटा होन्तीति । कथं पन

पच्चेकं असमत्थानं समुदितभावे सति समत्थता होति असामगियं अहेतूनं सामगियमि अहेतुकभावापत्तितो । न हि पच्चेकं ददुं असक्कोन्तानं सतमि सहस्समि समुदितं ददुं सक्कोतीति चोदनं हृदये कत्वा आह “**इमस्स पना**”तिआदि । उपमायपि हि असिद्धो अत्थो साधेतब्बो । तेनेवाह “उपमं ते करिस्सामि, उपमायपि इधेकच्चे विज्जू पुरिसा भासितस्स अत्थं जानन्ती”ति (म० नि० १.२५८; अ० नि० ८.८; १०.९५; जा० २.१९.२४) । अयं पनेत्थ **जच्चन्धपीठसप्पीनं उपमा** — यथा जच्चन्धो च पीठसप्पी च दिसा पक्कमितुकामा अस्सु । जच्चन्धो पीठसप्पिं एवमाह “अहं खो, भणे, सक्कोमि पादेहि पादकरणीयं कातुं, नत्थि च मे चक्खूनि, येहि समं विसमं पस्सेय्य”न्ति । पीठसप्पी जच्चन्धं एवमाह “अहं खो, भणे, सक्कोमि चक्खुना चक्खुकरणीयं कातुं, नत्थि च मे पादा, येहि अभिक्कमेय्यं पटिक्कमेय्यं वा”ति । सो तुट्ठहट्ठो जच्चन्धो पीठसप्पिं अंसकूटं आरोपेसि, पीठसप्पी जच्चन्धस्स अंसकूटे निसीदित्वा एवमाह “वामं मुज्ज, दक्खिणं गण्ह, दक्खिणं मुज्ज, वामं गण्ह”ति । तत्थ जच्चन्धोपि नित्तेजो दुब्बलो न सकेन बलेन गच्छति, तथेव पीठसप्पी न सकेन बलेन गच्छति, न च तेसं अज्जमज्जं निस्साय गमनं न पवत्तति, एवमेव नाममि नित्तेजं न सकेन तेजेन उप्पज्जति, न तासु तासु किरियासु पवत्तति, रूपमि नित्तेजं न सकेन तेजेन उप्पज्जति, न तासु तासु किरियासु पवत्तति, न च तेसं अज्जमज्जं निस्साय उप्पत्ति वा पवत्ति वा न होतीति । तेनाहु पोराणा —

“न सकेन बलेन जायरे,
नोपि सकेन बलेन तिट्ठरे ।
परधम्मवसानुवत्तिनो,
जायरे सङ्घता अत्तदुब्बला ॥

“परपच्चयतो च जायरे, परआरम्मणतो समुट्ठिता ।
आरम्मणपच्चयेहि च, परधम्मेहि चिमे पभाविता”ति ॥ (विसुद्धि० २.६७७) ।

१२२२-३. इदानीं नावायन्तिकूपमायपि नामरूपानं अवसवत्तितं विभावेतुं “**यथा ही**”तिआदिगाथाद्वयं वुत्तं । तत्थ निस्सायाति पतिट्ठाय । **यन्तीति** गच्छन्ति । **मनुस्से निस्सायाति** नेतुभूते नियामककम्मकरादिमनुस्से अपस्साय । न हि तेसं अरणगहणलङ्कारसण्ठापनउदकसिञ्चनादिकिरियाय विना नावा इच्छितदेसं पापुणाति, यथा पन उभोपि अज्जमज्जं निस्साय **अण्णवे** गच्छन्ति, एवं नामज्ज रूपज्ज उभो अज्जमज्जं निस्सिता पवत्तन्तीति अधिष्ठायो ।

१२२४. सत्तसज्जं विनोदेत्वाति यथावुत्तनयेहि अनादिकालभावितं खन्धपज्जके सत्तग्गाहं विक्खम्भेत्वा । **नाम...** **पे०...** **वुच्चतीति** “इदं नामं, एत्तकं नामं, न इतो भिय्यो । इदं रूपं, एत्तकं रूपं, न इतो भिय्यो”ति च एवं सब्बाकारेण तेसं लक्खणसल्लक्खणमुखेन तमत्थभावदस्सनं **एतं** अत्तदिट्ठिमलविसोधनतो **दिट्ठिविसुद्धीति वुच्चति** बुद्धादीहीति अत्थो । न केवलज्जेतं दिट्ठिविसुद्धियेव वुच्चति, नामरूपववत्थापनन्तिपि एतस्सेव अधिवचनन्ति वेदितब्बं । **जातिआदितोति** जातिजराब्याधिआदितो दुक्खतो । यथाह “जातिपि दुक्खा, जरापि दुक्खा, ब्याधिपि दुक्खो, मरणमि दुक्खं, यमिच्छं न लभति, तमि दुक्खं, संखित्तेन पज्जुपादानकखन्धा दुक्खा”ति (महाव० १४; सं० नि० ५.१०८१; पटि० म० २.३०) । **अन्तद्वयन्ति** सस्सतुच्छेदसङ्घातं अन्तद्वयं । अथ वा सत्तस्स अच्चन्तं अत्थिभावसङ्घातं, तस्स नत्थिभावसङ्घातज्ज **अन्तद्वयं** । परमत्थतो अनुपलब्धनतो हि सत्तो अत्थीति वज्जितब्बमेव, लोकसङ्केततोव उपलब्धनतो नत्थीतिपि वज्जितब्बमेवाति । सुट्ठतरं परिसुद्धं करोतीति सम्बन्धो । **दिट्ठिगतानि मलानीति** दिट्ठिगतसङ्घातानि मलानि । **असेसं** निस्सेसतो **नासं** विनासं विक्खम्भनं **उपेन्ति** । तथा हेतं दिट्ठिमलविसोधनतो दिट्ठिविसुद्धीति वुच्चति ।

इति अभिधम्मत्थविकासिनिया नाम

अभिधम्मावतारसंवण्णनाय

दिट्ठिविसुद्धिनिदेसवण्णना निट्ठिता ।

१९. एकूनवीसतिमो परिच्छेदो

कङ्खावितरणविसुद्धिनिदेसवण्णना

१२२७. अनन्तरं निट्ठिद्वया दिट्ठिविसुद्धिया विसयभावेन दस्सितत्ता “एतस्सा”ति वुत्तं, न तदञ्जतो विसेसनत्थं तदञ्जस्स च अभावतो । अञ्जत्तं वा हि विपस्सनाभिनिवेशो होतु बहिद्धा वा, अत्थसिद्धयं पन लक्खणतो सब्बम्पि नामरूपं अनवसेसतो परिग्गहितमेव होतीति । जानित्वा हेतुपच्चयेति हेतुपच्चये परिग्गण्हित्वा, हेतुपच्चये परिग्गण्हनहेतूति वुत्तं होति । पच्चयपरिग्गण्हहेतु हिस्स अद्धत्तये कङ्खावितरणं होतीति । वितरित्वाति अतिक्कमित्वा, विक्खम्भेत्वाति अत्थो । तं पन जाणं तथाविगतं वसिभावप्पत्तं ज्ञानं विय योगिनो सन्ताने पबन्धवसेन पवत्ततीति कत्वा वुत्तं “ठित”न्ति ।

१२२९-३०. नामरूपस्स...पे०... आवज्जित्वाति यथा नाम कुसलो भिसक्को रोगं दिस्वा तस्स समुट्ठानं परियेसति, यथा वा पन अनुकम्पको पुरिसो कुमारं उत्तानसेय्यं रथिकाय निपन्नं दिस्वा “कस्स नु खो अयं पुत्तको”ति तस्स मातापितरो आवज्जति, एवमेवं नामरूपस्स को हेतु, को वा पच्चयो भवे । न तावेतं अहेतुकं सब्बत्थ, सब्बदा, सब्बेसञ्च एकसदिसभावापत्तितो, न इस्सरादिहेतुकं नामरूपतो उद्धं इस्सरादीनं अभावतो । येपि नामरूपमत्तमेव इस्सरादयोति वदन्ति तेसं इस्सरादिसङ्घातनामरूपस्स अहेतुभावापत्तितो, तस्मा भवितब्बमस्स हेतुपच्चयेहि, “को नु खो”ति नामरूपस्स हेतुपच्चये आवज्जित्वाति अत्थो । एवं ताव कत्वा इमस्स नामरूपस्स हेतुपच्चये परिग्गण्हन्तेन ओळारिकत्ता, सुपाकटत्ता च रूपस्स पच्चयपरिग्गहो सुकरोति पठमं तस्स पच्चयपरिग्गहो कातब्बोति दस्सेन्तो आह “रूपकायस्सा”तिआदि । तत्थ यथा नामरूपस्स पच्चयपरिग्गहो अहेतुविसमहेतुवादनिवत्तिया होति, एवं निब्बिदाविरागावहभावेन तत्थ तत्थ अभिरतिनिवत्तियापि इच्छितब्बोति तं द्वत्तिसाकारवसेन दस्सेतुं “केसा लोमा”तिआदि वुत्तं ।

१२३२-३. अविज्जा...पे०... मतोति अविज्जा तण्हा उपादानं कम्मन्ति इदं चतुब्बिधं धम्मजातं एतस्स यथावुत्तस्स रूपकायस्स हेतु, चतुब्बिधो आहारो पच्चयोति अत्थो । कस्मा पन पुरिमं हेतु, इतरो पच्चयोति चोदनं सन्धाय “जनको”तिआदिं वत्वा तं लोकवसेन समत्थेतुं “हेत्वङ्कुरस्सा”तिआदि वुत्तं । तत्थ जनकोति, अनुपालकोति च अन्तोगतहेत्वत्थमिदं विसेसनं, जनकत्ता, अनुपालकत्ताति वुत्तं होति । तत्थ जनकत्ताति निब्बत्तकत्ता । इमिना बीजं विय अङ्कुरस्स अविज्जादयो रूपकायस्स असाधारणकारणताय हेतूति दस्सितं । अनुपालकत्ताति उपत्थम्भकत्ता । इमिना पन अङ्कुरस्स पथवीसलिलादयो विय आहारो साधारणकारणताय पच्चयोति दस्सितन्ति वेदितब्बं ।

१२३४-७. इतिमे...पे०... गताति एवमेते अविज्जादयो पञ्च धम्मा यथारहं हेतुभावं, पच्चयभावञ्च गता । माताव उपनिस्सयाति अविज्जा भवेसु विज्जमानदोसपटिच्छादनभावेन, तण्हा पत्थनाभावेन, उपादानं दळ्ळहग्गाहभावेनाति एवं

सङ्घारभवानं हेतुभूता जनकसहायताय भवनिकन्तितंसहजातआसन्नकारणत्ता अभिसङ्घारिका, अपस्सयभूता वाति माता विय उपनिस्सया होन्ति । यथा पितुजनितसुक्के पुत्तस्स उप्पत्तीति **पिता** जनको, एवं **कम्मं** सत्तस्स उप्पादकत्ता **जनकन्ति** आह । यथा **धाती** जातस्स **कुमारस्स** वड्डिता सन्धारिका, एवं **आहारो** उप्पन्नस्स कायस्स ब्रूहेता, सन्धारको चाति वुत्तं “**धाती...पे०... भवे**”ति । कामञ्चेत्थ अविज्जादयो नामकायस्सापि पच्चयो, पकारन्तरेण पन तस्स पाकटं पच्चयपरिगहविधिं दस्सेतुं “**चक्खुञ्चा**”तिआदि वुत्तं । तत्थ **चक्खुञ्चाति च**-सद्दो समुच्चयत्थो, तेन चक्खुविज्जाणस्स आवज्जनादिं अज्झत्तं सब्बं पच्चयजातं सङ्गणहाति । **रूपमालोकमेव चाति** पन **च**-सद्देन यथा बाहिररूपं चक्खुविज्जाणस्स आरम्मणपच्चयो, यथा च आलोको उपनिस्सयपच्चयो, एवं अज्जम्पि बाहिरं पच्चयजातं सङ्गणहाति । **पटिच्चाति** पच्चयभूतं लब्धाति अत्थो । तेन चक्खुस्स निस्सयपुरेजातइन्द्रियविषयुत्तअत्थिअविगतवसेन, रूपालोकानञ्च यथासम्भवं आरम्मणउपनिस्सयपुरेजातअत्थिअविगतवसेन, इतरेसञ्च सद्दसङ्गहितानं अनन्तरादिसहजातादिवसेन पच्चयभावं दस्सेति । **आदि**-सद्देन फस्सादीनं विय सह पच्चयेहि सोतविज्जाणादीनं सङ्गहो वेदितब्बो । एवं सम्मसन्नूपणं सब्बं नामं सह पच्चयेन सङ्गहितं होति । तेनाह “**नामकायस्स पच्चयं परिगणहती**”ति ।

१२३८-४०. दिस्वानाति एतरहि पवत्तिं दिस्वा । **तथेविदन्ति** इमिना न केवलं सप्पच्चयतामत्तमेव पच्चामट्ठं, अथ खो यादिसेहि **एतरहि** पवत्तति, तादिसेहि अविज्जादिपच्चयेहेव **अतीतेपि** पवत्तित्थाति पच्चयसहिततापि पच्चामट्ठाति दट्ठब्बं । **पुब्बन्तेति** अतीतखन्धप्पबन्धकोट्टासे । **पञ्चधागताति** —

“अहोसिं नु खो अहमतीतमद्धानं, न नु खो अहोसिं अहमतीतमद्धानं, किं नु खो अहोसिं अहमतीतमद्धानं, कथं नु खो अहोसिं अहमतीतमद्धानं, किं हुत्वा किं अहोसिं नु खो अहमतीतमद्धानं”न्ति (म० नि० १.१८; सं० नि० २.२०; महानि० १७४) —

पञ्चहि आकारेहि **आगता**, पवत्ता वा । **अपरन्तेति** अनागते खन्धप्पबन्धकोट्टासे । **पञ्चधा समुदीरिताति** —

“भविस्सामि नु खो अहमनागतमद्धानं, न नु खो भविस्सामि अहमनागतमद्धानं, किं नु खो भविस्सामि अहमनागतमद्धानं, कथं नु खो भविस्सामि अहमनागतमद्धानं, किं हुत्वा किं भविस्सामि नु खो अहमनागतमद्धानं”न्ति (म० नि० १.१८; सं० नि० २.२०; महानि० १७४) —

एवं पञ्चधा कथिता ।

१२४१. पच्चुप्पन्नेपि अद्धानेति एतरहि पटिसन्धिं आदिं कत्वा चुतिपरियन्ते अद्धानेपि । **अद्धान**-ग्गहणेन चेत्थ पच्चुप्पन्नखन्धकोट्टासमेव वदति । न हि तब्बिनिमुत्तो अज्जो कोचि कालो नाम अत्थीति । **छब्बिधा परिकित्तिताति** —

“अहं नु खोस्मि, नो नु खोस्मि, किं नु खोस्मि, कथं नु खोस्मि, अयं नु खो सत्तो कुतो आगतो, सो कुहिं गामी च भविस्सती”ति (म० नि० १.१८; सं० नि० २.२०; महानि० १७४) —

एवं छब्बिधा वुत्ता । “सब्बे तसन्ति दण्डस्सा”तिआदीसु (ध० प० १२९-१३०) विय पदेसेपि सब्ब-सद्दस्स पवत्तनतो “**सब्बा**”ति वत्त्वापि “**अनवसेसा**”ति वुत्तं । नत्थि एतस्सा अवसेसो अवसिद्धोति **अनवसेसा**, सोळसविधापि चेसा एककङ्कावसेनापि अनवसिद्धा हुत्वाति वुत्तं होति । **पहिय्यतीति** विक्खम्भनवसेन पहिय्यति । कामं नामरूपमत्तं विना

सत्तस्स अदस्सनेन दिट्ठिविसुद्धियाव पच्चुप्पन्ने कङ्कहा पहीना, अतीतानागते कङ्कहानं पहानेन पन पच्चुप्पन्ने कङ्कहाय अतिसयप्पहानं दस्सेतुं इधेव सा वुत्ता । अथ वा पच्चुप्पन्ने निस्सत्तनामरूपस्स पच्चयेसु पवत्तकङ्कहाय इधेव तीरणतो सा इध वुत्ता । वण्णभणनं वा एतं इध पच्चुप्पन्नकङ्कहाय पहानवचनं यथा तं सोतापत्तिमग्गादीसु पहीनानम्मि च पञ्चन्नं ओरम्भागियानं संयोजनानं पहानातिआदिना अनागामिमग्गादीसु वचनन्ति ।

१२४२. कम्मविपाकानं वसेनापीति पुरिमकम्मभवस्मिं मोहो अविज्जा, आयूहनं सङ्खारा, निकन्ति तण्हा, उपगमनं उपादानं, चेतना भवो इति इमे पञ्च धम्मा पुरिमकम्मभवस्मिं इध पटिसन्धिया पच्चया, इध पटिसन्धि विज्जाणं, ओक्कन्ति नामरूपं, पसादो आयतनं, फुट्ठो फस्सो, वेदयितं वेदना इति इमे पञ्च धम्मा इधूपपत्तिभवस्मिं पुरे कतस्स कम्मस्स पच्चया, इध परिपक्वत्ता आयतनानं मोहो अविज्जा... पे०... चेतना भवो इति इमे पञ्च धम्मा कम्मभवस्मिं आयतिं पटिसन्धिया पच्चयाति एवं वुत्तानं कम्मवट्टविपाकवट्टानं वसेन । किलेसवट्टोपि चेत्थ कम्मसहायताय कम्मवट्टेनेव सङ्गहितोति दट्ठब्बं ।

१२४३. दिट्ठधम्मवेदनीयन्ति एत्थ दिट्ठधम्मो वुच्चति पच्चक्खभूतो पच्चुप्पन्नो अत्तभावो, तत्थ वेदितब्बफलं कम्मं **दिट्ठधम्मवेदनीयं** । **उपपज्जापरापरियाहोसिकम्मवसा पनाति** उपपज्जवेदनीयअपरापरियवेदनीयअहोसिकम्मवसेन । उत्तरपदलोपवसेन हि “उपपज्जापरापरिय”न्ति वुत्तं । तत्थ पच्चुप्पन्नभवतो अनन्तरं उपपज्जित्वा वेदितब्बफलं कम्मं **उपपज्जवेदनीयं** । अपरे अपरे दिट्ठधम्मतो अज्जस्मिं अज्जस्मिं यत्थकत्थचि अत्तभावे वेदितब्बफलं कम्मं **अपरापरियवेदनीयं** । अहोसि एव कम्मं, न तस्स विपाको अहोसि, अत्थि, भविस्सति चाति एवं वत्तब्बकम्मं **अहोसिकम्मं** ।

पटिपक्खेहि अनभिभूतताय, पच्चयविसेसेन पटिलद्धविसेसताय च बलवभावप्पत्ता तादिसस्स पुब्बाभिसङ्खारस्स वसेन सातिसया हुत्वा पवत्ता **पठमजवनचेतना** तस्मिंयेव अत्तभावे फलदायिनी **दिट्ठधम्मवेदनीया** नाम । सा हि वुत्ताकारेन बलवति जवनसन्ताने गुणविसेसयुत्तेसु उपकारानुपकारवसप्पवत्तिया, आसेवनालाभेन अप्पविपाकताय च इतरद्वयं विय पवत्तसन्तानुपरमापेक्खं, ओकासलाभापेक्खञ्च कम्मं न होतीति इधेव पुप्फमत्तं विय पवत्तिविपाकमत्तं अहेतुकफलं देति, सहेतुकफलदाने पन पटिसन्धिआकङ्कहन्मि आपज्जेय्य । **तथा असक्कोन्तन्ति** कम्मस्स विपाकदानं नाम उपधिप्पयोगादिपच्चयन्तरसमवायेनेव होतीति तदभावतो तस्मिंयेव अत्तभावे विपाकं दातुं असक्कोन्तं । **अहोसिकम्मं...** **पे०... विपाकोति** एत्थ “अहोसि कम्म”न्ति पदं विसुं विसुं योजेतब्बं “अहोसि कम्मं नाहोसि कम्मविपाको, अहोसि कम्मं न भविस्सति कम्मविपाको, अहोसि कम्मं नत्थि कम्मविपाको”ति (पटि० म० १.२३४) । तत्थ सकसककालातिक्कन्तस्स उपपज्जवेदनीयस्स, दिट्ठधम्मवेदनीयस्स च वसेन पुरिमं वुत्तं । तज्हि कम्मस्स, विपाककालस्स च अतीतत्ता तथा वत्तब्बत्तं लभति, दुतियं अनागते अरहत्तं पापुणन्तस्स पुरिमभवेसु कतं अदिन्नविपाकं अपरापरियवेदनीयं सन्धाय वुत्तं, ततियं पन अनन्तरभवे कतं उपपज्जवेदनीयं, अरहतो अतीतभवेसु कतं अपरापरियवेदनीयञ्च सन्धाय वुत्तं । अपरे पन “एकमेव अतीतं कम्मं अद्धत्तये विपाकाभावं सन्धाय तिधा विभजित्वा वुत्त”न्ति वदन्ति ।

अत्थसाधिकाति दानादिपाणातिपातादिअत्थस्स निष्फादिका । का पन साति आह “**सत्तमजवनचेतना**”ति । सा हि सन्निट्ठापकचेतना वुत्तनयेन पटिलद्धविसेसा, पटिसन्धिया अनन्तरपच्चयभाविनो विपाकसन्तानस्स अनन्तरपच्चयभावेन वा तथा अभिसङ्खत्ता समाना अनन्तरत्तभावे विपाकदायिनी उपपज्जवेदनीयं नाम । येभुय्यवुत्तिया चेत्थ “सत्तमजवनचेतना”ति वुत्तं । पच्चवेक्खणवसितादिपवत्तियं पन पञ्चमादिकापि होति । **विपाकं देतीति** पटिसन्धिं दत्त्वा पवत्तिविपाकं देति, अदिन्नपटिसन्धिकं पन पवत्तिविपाकं देतीति नत्थि । चुतिअनन्तरज्हि उपपज्जवेदनीयस्स ओकासोति

आचरिया । पटिसन्धिया पन दिन्नाय जातिसतेपि पवत्तिविपाकं देति । तेनाह भगवा “तिरच्छानगते दानं दत्त्वा सतगुणा पाटिकङ्खितब्बा”ति (म० नि० ३.३७९) । **उभिन्न...पे०... देतीति** यथावुत्तकारणविरहतो दिट्ठधम्मूपपज्जवेदनीयभावं असम्पत्ता पञ्च चेतना विपाकदानसभावस्स अनुपच्छिन्नत्ता यदा ओकासं लभति, तदा पटिसन्धिविपाकं, पवत्तिविपाकं वा देति । **सति संसारप्पवत्तियाति** इमिना असति संसारप्पवत्तियं अहोसिकम्मपक्खे तिट्ठति विपच्चनोकासस्स अभावतोति दीपेति ।

१२४४. एवं ताव विपाकदानकालवसेन चतुब्बिधं दस्सेत्वा इदानीं विपाकदानपरियायतो, किच्चतो च चतुब्बिधतं दस्सेतुं “**गरुक**”न्तिआदि वुत्तं । तत्थ **गरुकन्ति** महासावज्जं, महानुभावज्जं अज्जेन कम्मेन पटिबाहितुं असक्कुण्येयकम्मं । **बहुलन्ति** अभिण्हसो कतं, एकवारं कत्वापि अभिण्हसमासेवितज्जं । **आसन्नन्ति** मरणासन्नकाले अनुस्सरितं, तदा कतज्जं । **कटत्ताकम्मन्ति** गरुकादिभावं असम्पत्तं कतमत्ततोयेव कम्मन्ति वत्तब्बकम्मं । तत्थ कुसलं वा होतु अकुसलं वा, गरुकागरुकेसु यं गरुकं मातुघातकादिकम्मं वा महग्गतकम्मं वा, तदेव पठमं विपच्चति । तथा बहुलाबहुलेसु यं बहुलं सुसील्यं दुस्सील्यं वा, तदेव पठमं विपच्चति । दूरासन्नेसु यं आसन्नं मरणकाले अनुस्सरितं, तेनेव उपपज्जति । आसन्नकाले कते च वत्तब्बमेव नत्थीति । कटत्ता पन कम्मं पुनप्पुनं लब्धासेवनं पुरिमानं अभावे पटिसन्धिं आकट्ठति । इति गरुकं सब्बपठमं विपच्चति । तथा हि तं “गरुक”न्ति वुत्तं । गरुके असति बहुलीकतं, तस्मिम्पि असति आसन्नं, तस्मिम्पि असति कटत्ताकम्मन्ति वुत्तं “पुरिमजातीसु कतकम्मं विपच्चती”ति ।

१२४५. पटिसन्धिदानादिवसेन विपाकसन्तानस्स निब्बत्तकं **जनकं** । सुखदुक्खसन्तानस्स, नामरूपप्पबन्धस्स वा चिरतरप्पत्तिहेतुभूतं **उपत्थम्भकं** । तेनाह “सुखदुक्खं उपत्थम्भेति, अद्धानं पवत्तेती”ति । सुखदुक्खे पवत्तमाने बद्धाबाधतादिपच्चयूपनिपातनेन सणिकं सणिकं तस्स विबाधकं **उपपीळकं** । तेनाह “सुखदुक्खं पीळेति बाधति, अद्धानं पवत्तितुं न देती”ति । तथा पटिपक्खकम्मविपाकस्स अप्पवत्तिकरणवसेन उपच्छेदकं पटिबाहकं **उपघातकं** । तेनाह “तस्स विपाकं पटिबाहित्वा”ति ।

रूपज्ज अरूपविपाकक्खन्धो चाति रूपारूपविपाकक्खन्धो, कम्मजरूपस्सापि विपाकपरियायो अत्थीति “**रूपारूपविपाकक्खन्धे**”ति वुत्तं । अज्जेन **कम्मेनाति** कुसलेन वा अकुसलेन वा अज्जेन कम्मेन कत्तुभूतेन **दिन्नाय पटिसन्धिया** विपाके जनिते । तेनाह “**जनिते विपाके**”ति । पवत्तिविपाकं सन्धाय “जनिते विपाके”ति वदन्ति । **उप्पज्जनकसुखदुक्खं उपत्थम्भेतीति** उपत्थम्भककम्मं कुसलं समानं अज्जेनपि कुसलकम्मेन उप्पज्जमानकं सुखं तस्स पटिपक्खविबाधनवसेन उपत्थम्भेति । अकुसलं अज्जेन अकुसलकम्मेन उपपज्जमानं दुक्खं तथेव उपत्थम्भेति । एवज्ज उपत्थम्भेन्तं तं दीघकालं पवत्तेति नामाति आह “**अद्धानं पवत्तेती**”ति । **उप्पज्जनकसुखदुक्खं पीळेतीति** उपपीळकं अकुसलं समानं सुखितस्स रोगादिअन्तरायकारणसम्पादकभावेन सुखसन्तानं उपच्छिन्दन्तं पीळेति, कुसलज्ज रोगादिना दुक्खितस्स भेसज्जादिसुखादिकारणसम्पादकभावेन दुक्खसन्तानं विच्छिन्दन्तं पीळेति । केचि पन “सुखदुक्खस्स कारणं असम्पादेन्तम्पि पटिसन्धिदायककम्मस्स पवत्तिविपाकं पटिबाहित्वा सयं विपाकदायककम्मं उपपीळककम्म”न्ति वदन्ति । एवं सन्ते पन पटिसन्धिदायकमेव जनककम्मन्ति वुत्तं सिया ।

अपिच उपघातकेन सह इमस्स विसेसभावो आपज्जति, तं पटिसन्धिविपाकस्स पटिबाहकन्ति चे? तं न, अविसेसेन वुत्तत्ताति । “**दुब्बलं कम्मं घातेत्वा**”ति वुत्ते “ननु तस्स पुब्बेयेव सिद्धत्ता, निरुद्धत्ता च कथमिदं तदुपघातकं होती”ति आपन्नं चोदनं सन्धाय कम्मस्स घातनं नाम तस्स विपाकपटिबाहनमेवाति दस्सेन्तो आह “**तस्स विपाकं**

पटिबाहित्वा”ति । तंपटिबाहनञ्च अत्तनो विपाकुप्पत्तिया ओकासकरणन्ति वुत्तं “**अत्तनो विपाकस्स ओकासं करोती**”ति । विपच्चनाय कतोकासं कम्मं विपक्कमेव नाम होतीति आह “**एवं...पे०... उप्पन्नं नाम होती**”ति ।

उपपीळकं अज्जस्स विपाकं उपच्छिन्दति, न सयं अत्तनो विपाकं देति, उपघातकं पन दुब्बलकम्मं उपच्छिन्दित्वा अत्तनो विपाकं उप्पादेतीति अयमेतेसं विसेसो । केचि पन आचरिया अपरेनापि नयेन जनकादिकम्मं इच्छन्ति । कथं? यस्मिं कम्मे कते पटिसन्धियं, पवत्ते च विपाककटत्तारूपानं उप्पत्ति होति, तं जनकं । यस्मिं पन कते अज्जेन जनितस्स इट्ठस्स वा अनिट्ठस्स वा फलस्स विबाधकविच्छेदकपच्चयानुप्पत्तिया, उपबूहकपच्चयुप्पत्तिया च जनकानुभावानुरूपं परिपोसकचिरतरप्पबन्धा होन्ति, तं उपत्थम्भकं । जनकेन निब्बत्तितं कुसलफलं, अकुसलफलं वा येन पच्चनीकभूतेन रोगधातुविसमतादिनिमित्तताय बाधीयति, तं उपपीळकं । येन पन कम्मुना जनकसामत्थियवसेन चिरतरप्पबन्धारहम्पि समानं फलविच्छेदकपच्चयुप्पत्तिया उपहज्जति विच्छिज्जति, तं उपघातकन्ति ।

एत्थ च केचि अप्पाबाधदीघायुकतासंवत्तनवसेन दुतियस्स कुसलभावं, बद्वाबाधअप्पायुकतासंवत्तनवसेन पच्छिमानं द्विन्नं अकुसलभावञ्च वण्णेन्ति, भूरिदत्तादीनं पन नागादीनं, इतो अनुप्पदिन्नयापनकपेतानञ्च अपायेसु अकुसलविपाकस्स उपत्थम्भनूपपीळनूपघातकानि कम्मानि सन्तीति चतुन्नम्पि कुसलाकुसलभावो न विरुज्जति । किञ्चापि कम्मानं कम्मन्तरज्जेव विपाकन्तरज्च बुद्धानं कम्मविपाकजाणस्सेव याथावसरसतो पाकटं होति । बुद्धावेणिकज्हेतं असाधारणं सावकेहि, विपस्सकेन पन एकदेसतो जानितब्बं । न हि सब्बेन सब्बं अजानन्तस्स पच्चयपरिग्गहो परिपूरति, तस्मा तादिसं परिग्गहं सन्धाय “इति इम”न्तिआदि वुत्तं । यादिसेहि पच्चयेहि पच्चुप्पन्ने अद्धाने नामरूपस्स पवत्ति, तादिसेहेव इतरस्मिम्पि अद्भट्टयेति एवं यथा अतीतानागते नयं नेति, तं दस्सेतुं “**यथा इद**”न्तिआदि वुत्तं । अद्भट्टयेपि किरियाकिरियाफलमत्ततादस्सनपरत्ता चोदनाय । **इती कम्मज्जेवाति**आदिना वुत्तस्सेवत्थस्स निगमनवसेन वुत्तं । **तस्सेवं...पे०... पहिय्यतीति** तस्सेवं समनुपस्सतो या सा पुब्बन्तादयो आरब्भ “अहोसिं नु खो अह”न्तिआदिना नयेन पवत्ता विचिकिच्छा पहिय्यति ।

१२४६-८. पहीनाय पन ताय सब्बभवयोनिगतिठितिसत्तावासेसु हेतुफलसम्बन्धवसेनेव पवत्तनामरूपमत्तमेव खायति । तेनेवाह “**हेतुफलस्स सम्बन्धवसेनेवा**”तिआदि । कारणसामग्गियं दानादीहि साधितकिरियाय पवत्तमानाय कारणमत्ते कत्तुवोहारोति आह “**कारणतो उद्धं कारणं न च पस्सती**”ति । पाक...पे०... पटिवेदकं न पस्सतीति सम्बन्धो । **पाकपटिवेदकन्ति** विपाकविन्दकं । एवं अपस्सन्तो पन कारणे सति कारकोति, विपाकप्पवत्तिया सति पटिसंवेदकोति समज्जामत्तेनेव पण्डिता वोहरन्ति । इच्चेवं सम्मप्पज्जाय पस्सति । **सुद्धधम्माति** केनचि सत्तेन वा पुगलेन वा अमिस्सधम्मा । **एवेतन्ति** एवंविधं एतं दस्सनं सम्मदस्सनं, अविपरीतदस्सनन्ति अत्थो ।

१२४९. बीजरुक्खादिकानं वाति यथा बीजतो रुक्खो, रुक्खतो बीजन्ति एवं कारणपरम्परगवेसने अनादिकालिकत्ता बीजरुक्खसन्तानस्स पुब्बा कोटि नत्थि, एवं कम्मपच्चया विपाको, विपाकपच्चया कम्मन्ति परियेसने अनादिकालिकत्ता कम्मविपाकसन्तानस्स पुब्बा कोटि न पज्जायति । **आदि-सद्देन** “कुक्कुटिया अण्डं, अण्डतो कुक्कुटी, पुनपि कुक्कुटिया अण्ड”न्ति एवमादिं सङ्गण्हाति ।

१२५०-३. अनागतेपि संसारेति यथा अतीते, एवं अनागतेपि अद्धाने खन्धानं पटिपाटीतिआदिना वुत्तसंसारे सति । **अप्पवत्ति न दिस्सतीति** कम्मतो विपाको भविस्सति, विपाकतो कम्मन्ति अनागते कारियपरम्पराय गवेसियमानाय अपरिक्खीणसंयोजनस्स कम्मविपाकानं अप्पवत्तनं न दिस्सति, पवत्ति एवाति अत्थो । हेतुफलसम्बन्धवसेन पवत्तमाने

संसारे “पुब्बा कोटि न पज्जायती”ति वचनेन कारणे आदिस्स अभावो वुत्तो, “अप्पवत्ति न दिस्सती”ति वचनेन फलस्स अवसानाभावो वुत्तोति । एतमत्थन्ति “कम्मस्स कारको नत्थी”ति आदिना वुत्तमत्थं । असयंवसीति न सयंवसिनो, मिच्छाभिनिवेसपरवसाति अत्थो । अज्जमज्जविरोधिनोति इतरीतरविरुद्धा दिट्ठियो वा दिट्ठिया वा अज्जमज्जेन सह विरोधिनो । गम्भीरजाणगोचरताय गम्भीरं । तथा निपुणं । सत्तसुज्जताय, अज्जमज्जसभावसुज्जताय च सुज्जं । पच्चयन्ति नामरूपस्स पच्चयं, तप्पच्चयपटिवेधेनेव च सब्बं पटिविद्धं होतीति ।

१२५४-६. कम्मं नत्थि विपाकम्हीति कुट्टादीसु रजादि विय विपाके सन्तिट्ठमानं कम्मं नत्थि । पाको कम्मे न विज्जतीति तथा कम्मे सन्तिट्ठमानो विपाको नत्थि । यथावुत्तमेवत्थं उपमाय विभावेतुं “यथा न सूरिये”ति आदि वुत्तं । मणिम्हीति सूरियकन्तमणिमिह । न तेसं बहि सो अत्थीति ते मुञ्चित्वा तेहि बहि सो अग्नि नत्थि । सम्भारेहीति समङ्गीभूतेहि आतपादीहि तीहि कारणेहि । न अन्तो कम्मस्साति आदि अत्थतो हेट्ठा वुत्तम्पि उपमानिगमनत्थं पुनपि वुत्तन्ति दट्ठब्बं ।

१२५७-८. यदि हेतु, फलज्ज अज्जमज्जरहितं, कथं हेतुतो फलं निब्बत्ततीति आह “कम्मज्ज खो उपादाया”ति । न केवलं कम्मफलमेव सुज्जं कत्तुरहितं, सब्बम्पि धम्मजातं कारकरहितन्ति दस्सेतुं “न हेत्थ देवो”ति आदिगाथा वुत्ता । हेतुसम्भारपच्चयाति एकेन हेतुना एकस्स, अनेकस्स वा फलस्स अनिब्बत्तितो हेतुसमूहनिमित्तं, सम्भारोति वा पच्चयाधिवचनन्ति हेतुपच्चयनिमित्तन्ति अत्थो ।

१२५९. अद्भासु तरित्वा कङ्कन्ति तीसु अद्भासु सोळसविधं कङ्कं वितरित्वा । न केवलमेतं सोळसविधमेव कङ्कं वितरति, अथ खो “सत्थरि कङ्कती”ति आदिनयप्पवत्तं (ध० स० ११२३; विभ० ११५) अट्ठविधं कङ्कम्पि पजहति । तथा हेत्थ बुद्धो धम्मो सङ्गो सिक्खाति कङ्काय गोचरभूता लोकिया धम्मा अधिप्पेता । न हि लोकुत्तरधम्मे आरम्भ किलेसा पवत्तितुं सक्कोन्ति । पुब्बन्तोति अतीता खन्धायतनधातुयो, अपरन्तोति अनागता, पुब्बन्तापरन्तोति तदुभयं, अद्भापच्चुप्पन्नं वा तदुभयभागयुत्तता । पटिच्चसमुप्पन्नधम्मगगहणेन गहितो अट्ठमो कङ्काविसयो नामरूपमत्तं, इदप्पच्चयता-गगहणेन पन तस्स पच्चयो गहितो, तस्मा सोळसवत्थुकाय पहीनाय अट्ठवत्थुका कङ्का अप्पतिट्ठाव होतीति । एतासज्ज पहानेन द्वासट्ठिदिट्ठिगतानिपि विक्खम्भन्ति दिट्ठेकट्ठता विचिकिच्छाय । यथा हि दिट्ठि समुच्छिज्जमाना विचिकिच्छाय सद्ध्येव समुच्छिज्जति, एवं विचिकिच्छा विक्खम्भियमाना दिट्ठिया सद्ध्येव विक्खम्भीयति । अत्ताभिनिवेसूपनिस्सया हि “अहोसिं नु खो अहं”न्ति आदिनयप्पवत्ता (म० नि० १.१८; सं० नि० २.२०; महानि० १७४) सोळसवत्थुका कङ्का, सा एव च पुब्बन्तादिवत्थुभावेन वुत्ता, अत्ताभिनिवेसवत्थुकानि द्वासट्ठि दिट्ठिगतानि, बुद्धादिवत्थुका च तदेकट्ठाति । उट्ठितन्ति उप्पज्जित्वा ठितं ।

१२६०-२. कङ्कावितरणं नामाति यथावुत्तकङ्कावितरणतो कङ्कावितरणं नाम । न केवलं कङ्कावितरणं नाम, धम्मट्ठित्तिजाणन्तिपि यथाभूतजाणन्तिपि सम्मादस्सनन्तिपि इदं समुदीरितं । एत्थ च धरीयन्ति अत्तनो पच्चयेहीति धम्मा, तिट्ठति एत्थ फलं तदायत्तवुत्ततायाति ठिति, धम्मानं ठिति धम्मट्ठित्ति, पच्चयधम्मा । अथ वा धम्मोति कारणं “धम्मपटिसम्भिदा”ति आदीसु (विभ० ७१८-७२१) विय, धम्मस्स ठितिसभावो, धम्मतो च अज्जो सभावो नत्थीति पच्चयधम्मानं पच्चयभावो, धम्मट्ठित्तियं जाणं धम्मट्ठित्तिजाणं । सङ्कारानं यथाभूतं अनिच्चतादि यथाभूतं, तत्थ जाणन्ति यथाभूतजाणं । सम्मा पस्सतीति सम्मादस्सनं । लद्धप्पतिट्ठोति सासने पतिट्ठा नाम अरियमग्गो । अयं पन तं अनधिगतोपि तदधिगमुपायपटिपत्तियं ठितत्ता लद्धप्पतिट्ठो विय होतीति “लद्धप्पतिट्ठो”ति वुत्तो । ततोयेव चूळको सोतापन्नो,

लोकियाहि सीलसमाधिपञ्चाहि समन्नागतत्ता उत्तरि अप्पटिविज्झन्तो सोतापन्नो विय नियतो, सुगतिपरायणो च होतीति चूळसोतापन्नो । सोतापन्नो हि खीणापायदुग्गतिविनिपातोति । अथ वा लद्धप्पतिट्ठो कङ्खावितरणविसुद्धिसमधिगमेन । सप्पच्चयनामरूपदस्सनेन हि सम्मद्वितदिट्ठिकण्टको विनिद्धुतअहेतुकविसमहेतुवादो यथासकपच्चयेहेव धम्मप्पवत्तिं जत्वा सासने पतिट्ठितसद्धो लद्धप्पतिट्ठो नाम होतीति । नामरूपववत्थानेन दुक्खसच्चं, धम्मद्वितिजाणेन समुदयसच्चं, तस्सेव अपरभागे अनिच्चतो मनसिकारादिविधिना मग्गसच्चञ्च अभिञ्जाय पवत्तिया दुक्खभावं दिस्वा तस्स अप्पवत्ते निरोधे एकंसेनेव निन्नज्झासयताय लोकियेनेव जाणेन चतुन्नं अरियसच्चानं अधिगतत्ता अपायेसु अभब्बुप्पत्तिको, सोतापन्नभूमियञ्च भब्बुप्पत्तिको होतीति चूळसोतापन्नो नामाति वुत्तं “सोतापन्नो हि चूळको”ति । तस्माति यस्मा एवं महानिसंसमेतं जाणं, तस्मा सपञ्चो अत्तनो हितानुपेक्खनपञ्चाय समन्नागतो । तेनाह “अत्थकामो”ति ।

इति अभिधम्मत्थविकासिनिया नाम

अभिधम्मावतारसंवण्णनाय

कङ्खावितरणविसुद्धिनिद्देसवण्णना निट्ठिता ।

२०. वीसतिमो परिच्छेदो

मग्गामग्गजाणदस्सनविसुद्धिनिद्देसवण्णना

१२६३. इदानि कङ्खावितरणविसुद्धिया अनन्तरं उद्दिट्ठाय मग्गामग्गजाणदस्सनविसुद्धिया निद्देसक्कमो अनुप्पत्तो, सा पन यस्मा ओभासादिउपक्किलेससम्भवे सति होति, ओभासादयो च उदयब्बयजाणे सम्भवन्ति, उदयब्बयजाणञ्च तिलक्खणविपस्सनाय सति उप्पज्जति, तस्स च कलापसम्मसनं आदि । तज्झि अतीतादिभेदभिन्नानं धम्मानं सङ्घिपित्वा ववत्थानवसेन पवत्तनतो आदिकम्मिकस्स सुकरसम्मसनं, तस्मा पठमं तत्थेव अभियोगं करोन्तेन कमतो तं सम्पादेतब्बन्ति दस्सेतुं “कलापसम्मसनेनेवा”तिआदि आरब्धं । अथ वा द्विन्नं विसुद्धीनमन्तरे कलापसम्मसनं होति, तज्ज खो द्वीसु एकाय विसुद्धिया सङ्गहेतब्बं, मग्गामग्गजाणस्स च आदिभूतत्ता तत्थेवस्स सङ्गहो युत्तोति एत्थेव नं सङ्गहितुकामताय वुत्तं “कलापसम्मसनेनेवा”तिआदि । केचि पन कलापसम्मसनं नाम एकविसुद्धियम्पि न अन्तोगधन्ति तं अनामसित्वाव विपस्सनाचारं वण्णेन्ति । कलापसम्मसनेनेवाति अतीतादिभेदभिन्नानं धम्मानं सङ्घिपित्वा ववत्थानवसेन कलापतो, कलापानं वा सम्मसनेन मग्गामग्गजाणदस्सनविपस्सनाय योगो करणीयो । अथ वा भुम्मत्थे करणनिद्देसवसेन कलापसम्मसने योगो करणीयोति अत्थो । “कलापसम्मसनेनेव योगो करणीयो”ति वत्वापि तं पन विसुद्धिमग्गतो (विसुद्धि० २.६९२) गहेतब्बन्ति गन्थवित्थारपरिहारत्थं इध न दस्सितन्ति ।

१२६४. पच्चुप्पन्नस्स धम्मस्साति सन्ततिपच्चुप्पन्नस्स, खणपच्चुप्पन्नस्स वा । आदितो पन खणपच्चुप्पन्नस्स उदयवयं दुप्परिगहं, तस्मा सन्ततिपच्चुप्पन्नवसेन पठमं उदयब्बयानुपस्सनं कातब्बं । निब्बत्तीति द्विन्नं पच्चुप्पन्नानं वसेन पठमाभिनिब्बत्ति च खणनिब्बत्ति च । विपरिणामोति विनासो ।

१२६५. अनुपस्सनापि जाणन्ति या उदयस्स च वयस्स च अनुपस्सना, सा जाणन्ति वरजाणेन सम्मासम्बुद्धेन

देसितं । तत्रायं पाळि —

“कथं पच्चुप्पन्नानं धम्मनं विपरिणामानुपस्सने पज्जा उदयब्बयानुपस्सने जाणं? जातं रूपं पच्चुप्पन्नं, तस्स निब्बत्तिलक्खणं उदयो । विपरिणामलक्खणं वयो । अनुपस्सना जाणं । जाता वेदना...पे०... सज्जा... सङ्खारा... विज्जाणं... जातं चक्खुं...पे०... जातो भवो पच्चुप्पन्नो, तस्स निब्बत्तिलक्खणं उदयो । विपरिणामलक्खणं वयो । अनुपस्सना जाणं”न्ति (पटि० म० १.४९) ।

एत्थ पन उदयदस्सनं यावदेव खयदस्सनन्ति वयदस्सनस्स पधानतं दस्सेतुं “विपरिणामानुपस्सने पज्जा”ति वत्त्वा तं पन वयदस्सनं उदयदस्सनपुब्बकन्ति वुत्तं “उदयब्बयानुपस्सने जाणं”न्ति ।

१२६६-८. पुब्बे उप्पत्तितोति जननतो पुब्बे अनुप्पन्नस्साति वुत्तं होति । निचयो रासि वा नत्थि, यतो आगच्छेय्य उप्पज्जमानं अलद्धत्तभावस्स सब्बेन सब्बं अविज्जमानत्ता । तेनाह “**तथा उप्पज्जतो**”तिआदि । यथा अनागते अद्धाने इमे धम्मा सब्बेन सब्बं नत्थि, एवं अतीतेपि अद्धानन्ति दस्सेन्तो “**तथा निरुज्झमानस्सा**”तिआदिं वत्त्वा अविज्जमानानयेव रूपारूपधम्मनं हेतुपच्चयसमवाये उप्पादो, उप्पज्जित्वा च सब्बसो अभावूपगमोति इममत्थं समुदायगतं तदेकदेसभूताय उपमाय विभावेतुं इमस्मिं ठाने **अट्ठकथाय** (विसुद्धि० २.७२३) वीणूपमा आगता । सा इधापि आहरित्वा वत्तब्बाति अधिप्पायेन “**एत्थ वीणूपमा**”तिआदिमाह । **एतस्सत्थस्साति** अविज्जमानानयेव उप्पादो, उप्पन्नानञ्च परतो अभावोति इमस्स अत्थस्स पकासने । **वीणूपमा**ति वीणावसेन आगता उपमा । सा पनेवं दट्ठब्बा — यथा वीणाय वादियमानाय उप्पन्नस्स सदस्स नेव उप्पत्तितो पुब्बे सन्निचयो अत्थि, न उप्पज्जमानो सन्निचयतो आगतो । न निरुज्झमानस्स दिसाविदिसागमनं अत्थि, न निरुद्धो कत्थचि सन्निचितो तिट्ठति, अथ खो वीणञ्च वीणवादनञ्च पुरिसस्स च तज्जं वायामं पटिच्च अहुत्वा सम्भोति, हुत्वा पटिवेति, एवं सब्बेपि रूपारूपधम्मा अहुत्वा सम्भोन्ति, हुत्वा पटिवेन्तीति ।

१२६९-७०. एवं सङ्खेपतो उदयब्बयमनसिकारविधिं दस्सेत्वा पुन यानि एतस्सेव उदयब्बयजाणस्स विभङ्गे “अविज्जासमुदया रूपसमुदयो”ति (पटि० म० १.५०) पच्चयसमुदयट्ठेन रूपक्खन्धस्स उदयं पस्सति, “तण्हासमुदया... पे०... कम्मसमुदया...पे०... आहारसमुदया रूपसमुदयो”ति (पटि० म० १.५०) पच्चयसमुदयट्ठेन रूपक्खन्धस्स उदयं पस्सति, निब्बत्तिलक्खणं पस्सन्तोपि रूपक्खन्धस्स उदयं पस्सति, रूपक्खन्धस्स उदयं पस्सन्तो इमानि पञ्च लक्खणानि पस्सति । “अविज्जानिरोधा रूपनिरोधो”ति (पटि० म० १.५०) पच्चयनिरोधट्ठेन रूपक्खन्धस्स वयं पस्सति, “तण्हानिरोधा...पे०... कम्मनिरोधा...पे०... आहारनिरोधा रूपनिरोधो”ति (पटि० म० १.५०) पच्चयनिरोधट्ठेन रूपक्खन्धस्स वयं पस्सति, विपरिणामलक्खणं पस्सन्तोपि रूपक्खन्धस्स वयं पस्सति, रूपक्खन्धस्स वयं पस्सन्तो इमानि पञ्च लक्खणानि पस्सति । तथा “अविज्जासमुदया वेदनासमुदयो”ति (पटि० म० १.५०) पच्चयसमुदयट्ठेन वेदनाक्खन्धस्स उदयं पस्सति, “तण्हासमुदया...पे०... कम्मसमुदया...पे०... फस्ससमुदया वेदनासमुदयो”ति (पटि० म० १.५०) पच्चयसमुदयट्ठेन वेदनाक्खन्धस्स उदयं पस्सति, निब्बत्तिलक्खणं पस्सन्तो वेदनाक्खन्धस्स उदयं पस्सति, वेदनाक्खन्धस्स उदयं पस्सन्तो इमानि पञ्च लक्खणानि पस्सति । “अविज्जानिरोधा...पे०... तण्हानिरोधा...पे०... कम्मनिरोधा...पे०... फस्सनिरोधा वेदनानिरोधो”ति (पटि० म० १.५०) पच्चयनिरोधट्ठेन वेदनाक्खन्धस्स वयं पस्सति, विपरिणामलक्खणं पस्सन्तोपि वेदनाक्खन्धस्स वयं पस्सति, वेदनाक्खन्धस्स वयं पस्सन्तो इमानि पञ्च लक्खणानि पस्सति, वेदनाक्खन्धस्स विय सज्जासङ्खारविज्जाणक्खन्धानं । अयं पन विसेसो — विज्जाणक्खन्धस्स फस्सट्ठाने “नामरूपसमुदया नामरूपनिरोधो”ति ।

एवं एकेकस्स खन्धस्स उदयब्बयदस्सने दस दस कत्वा समपञ्जास लक्खणानि वुत्तानि, तेसं वसेनपि “एवम्वि रूपसमुदयो, एवम्वि रूपवयो, एवम्वि रूपं उदेति, एवम्वि रूपं वेती”ति पच्चयतो चेव खणतो च वित्थारेन च मनसिकारविधिं दस्सेतुं “तस्सेव जाणस्सा”ति आदि आरब्धं । तत्थ अविज्जासमुदयाति अविज्जाय उप्पादा, अत्थिभावाति अत्थो । निरोधविरुद्धो हि उप्पादो अत्थिभावो होति, तस्मा पुरिमभवसिद्धाय अविज्जाय सति इमस्मिं भवे रूपसमुदयो रूपस्स उप्पादो होतीति अत्थो । आदि-सद्वसङ्गहितेसु “तण्हासमुदया रूपसमुदयो, कम्मसमुदया रूपसमुदयो, आहारसमुदया रूपसमुदयो”ति च, तथा वयदस्सने “अविज्जानिरोधा रूपनिरोधो, तण्हानिरोधा... कम्मनिरोधा... आहारनिरोधा रूपनिरोधो”ति च आदीसु अविज्जादीहि तीहि अतीतकालिकानि तेसं सहकारीकारणभूतानि उपादानादीनिपि गहितानेवाति वेदितव्वं ।

पवत्तिपच्चयेसु कबळीकाराहारस्स बलवताय सो एव गहितो “आहारसमुदया”ति । तस्मिं पन गहिते पवत्तिपच्चयतासामञ्जेन उत्तुचित्तानिपि गहितानेव होन्तीति चतुसमुद्धानिकरूपस्स पच्चयतो उदयदस्सनं विभावितमेवाति दट्ठव्वं । अविज्जातण्हूपनिस्सयसहितेनेव कम्मना रूपकायस्स निब्बत्ति, असति च अविज्जूपनिस्सयाय भवनिक्कन्तिया जातिया असम्भवोयेवाति । यथा रूपस्स अविज्जातण्हूपनिस्सयता, एवं वेदनादीनम्वि दट्ठव्वा । आहारो पन उप्पन्नस्स रूपस्स पोसको कबळीकाराहारस्स अधिप्पेतत्ता, कामं यथाधिद्धानत्ता वा देसनाय । उक्कट्टनिद्देसेन वा आहारगगहणं । अविज्जानिरोधाति अगमग्गजाणेन अविज्जाय अनुप्पादनरोधतो अनागतस्स रूपस्स अनुप्पादनरोधो होति पच्चयाभावे अभावतो । “तण्हानिरोधा कम्मनिरोधो”ति एत्थापि एसेव नयो । आहारनिरोधाति पवत्तिपच्चयस्स कबळीकाराहारस्स अभावे । रूपनिरोधोति तंसमुद्धानरूपस्स अभावो होतीति । सेसं हेट्ठा वुत्तनयानुसारेण वेदितव्वं । अयं पन विसेसो — “फुट्ठो वेदेति, फुट्ठो सज्जानाति, फुट्ठो चेततीति (सं० नि० ४.९३), फस्सपच्चया वेदना, चक्खुसम्फस्सजा वेदना, सज्जा चेतना”ति वचनतो फस्सो वेदनासज्जासङ्खारक्खन्धानं पवत्तिपच्चयो, तन्निरोधा च तेसं निरोधो, महापदानमहानिदानसुत्तेसु, अभिधम्मं च अज्जमज्जपच्चयवारे “नामरूपपच्चया विज्जाण”न्ति (दी० नि० २.५७, ९७; कथा० ७१९) वचनतो नामरूपं विज्जाणस्स पवत्तिपच्चयो, तन्निरोधा च तस्स निरोधोति वुत्तं “फस्ससमुदया वेदनासमुदयो”ति आदि ।

१२७१. दस दसाति रूपक्खन्धस्स उदयदस्सने अविज्जा तण्हा कम्मं आहारोति इमेसं पच्चयानं अत्थितासङ्खतलक्खणानि चेव रूपस्स निब्बत्तिलक्खणज्जाति इमानि पच्च लक्खणानि, वयदस्सने अविज्जादीनं चतुन्नं पच्चयानं अनुप्पादनरोधो, रूपस्स खणनिरोधो चाति इमानि पच्च लक्खणानीति रूपक्खन्धस्स दस लक्खणानि, तथा वेदनाक्खन्धादीनं चतुन्नं चत्तालीस लक्खणानीति एवं समपञ्जास लक्खणानि होन्ति । तेनाह “पञ्जास लक्खणानी”ति । लक्खणद्वो पन तेसं चतुन्नं पच्चयानं अत्थिता, अनुप्पादनरोधो चाति अट्ठ लक्खीयति एतेहि रूपादीनं उदयो च वयो चाति लक्खणानि । चतुन्नज्हि पच्चयानं अत्थिताहि रूपादिउदयो लक्खीयति, अनुप्पादनरोधअच्चन्तनिरोधेहि वयो, निब्बत्तिविपरिणामानि पन सङ्खतलक्खणानेवाति । धम्मं समनुपस्सतीति रूपादिके धम्मं उदयब्बयवन्ते समनुपस्सति । एत्थ च केचि ताव आहु “अरूपक्खन्धानं उदयब्बयदस्सनं अब्बासन्ततिवसेन, न खणवसेना”ति, तेसं मतेन खणतो उदयब्बयदस्सनमेव न सिया । अपरे पनाहु “पच्चयतो उदयब्बयदस्सनेन अतीतादिविभागं अनामसित्वा सब्बसाधारणतो अविज्जादिपच्चया वेदनाय सम्भवं लब्धमानतं पस्सति, न उप्पादं । अविज्जादिअभावे च तस्सा असम्भवं अलब्धमानतं पस्सति, न भङ्गक्खणतो । उदयब्बयस्स दस्सने पच्चुप्पन्नानं उप्पादं, भङ्गज्ज पस्सती”ति, तं अयुत्तं । सन्ततिवसेन हि रूपा रूपधम्मं उदयब्बयतो मनसि करोन्तस्स अनुक्कमेन भावनाय बलप्पत्तकाले जाणस्स तिकखविसदभावप्पत्तिया खणतो उदयब्बया उपट्ठहन्तीति ।

१२७२-५. अयञ्चि पठमं पच्चयतो उदयब्बयं मनसि करोन्तो पच्छा अविज्जादिके पच्चयधम्मे विस्सज्जेत्वा उदयब्बयवन्ते खन्थे गहेत्वा तेसं पच्चयतो उदयब्बयदस्सनमुखेन खणतोपि उदयब्बयं मनसि करोति । तस्स यदा जाणं तिक्खं विसदं हुत्वा पवत्तति, तदा रूपारूपधम्मा खणे खणे उप्पज्जन्ता, भिज्जन्ता च हुत्वा उपट्ठहन्ति । तेन वुत्तं “**एवं रूपुदयो होती**”तिआदि । तत्थ **एवं रूपुदयो**ति एवं वुत्तनयेन अविज्जासमुदया...पे०... तण्हासमुदया...पे०... कम्म...पे०... आहारसमुदयापि रूपस्स सम्भवो । **एवमस्स वयो**ति एवं वुत्तनयेनेव अविज्जानिरोधा...पे०... तण्हानिरोधा...पे०... कम्म... पे०... आहारनिरोधा रूपस्स वयो अनुप्पादोति अयं पच्चयतो वित्थारेन मनसिकारो । **उदेति एवं रूपम्पी**ति एवं समुदयतो कम्मसमुद्धानरूपम्पि आहारउत्तुचित्तसमुद्धानरूपम्पि उदेति उप्पज्जति निब्बत्तति । **एवं रूपं तु वेती**ति कम्मसमुद्धानरूपम्पि आहारउत्तुचित्तसमुद्धानरूपम्पि एवं वेति निरुज्झतीति अयं खणतो वित्थारेन मनसिकारो । तेन वुत्तं “**एवं पच्चयतोपेत्थ खणतो उदयब्बय**”न्ति । **सब्बधम्मा पाकटा होन्ती**ति इति इमे धम्मा अहुत्वा सम्भोन्ति, हुत्वा पटिवेन्ति । यथा पच्चुप्पन्ने, एवं अतीतानागतेपीति नयवसेन अतीतादिधम्मानं द्वेधा उदयब्बयं पस्सतो सच्चपटिच्चसमुप्पादनयलक्खणभेदा पाकटा होन्ति । तस्सेवं पाकटीभूतसब्बधम्मसभावस्स “**एवं किर नामिमे धम्मा अनुप्पन्नपुब्बा उप्पज्जन्ति, उप्पन्ना निरुज्झन्ती**”ति निच्चनवाव हुत्वा सङ्खारा उपट्ठहन्ति । न केवलञ्च निच्चनवाव, उदके दण्डकेन कतलेखा विय, आरगो ठपितसासपो विय, विज्जुसञ्चारो विय च परित्तकालट्ठायिनो उपट्ठहन्ति । तेनाह “**उदके दण्डराजीवा**”तिआदि । उदके दण्डराजिआदयोव किञ्चापि उत्तरुत्तरि अतिपरित्तट्ठायिभावनिदस्सनत्थं दस्सिता, तथापि दन्धनिरोधा एव निदस्सिता, ततोपि लहुतरनिरोधत्ता सङ्खारानं । तथा हि गमनस्सादानं देवपुत्तानं हेट्ठपरियेन परिमुखं धावन्तानं सिरसि, पादे च बद्धखुरधारासन्निपाततोपि सीघतरो रूपनिरोधो वुत्तो, पगेव अरूपधम्मानं । न केवलं परित्ततरकालट्ठायिनोव उपट्ठहन्ति, अथ खो असारापि खायन्तीति आह “**कदली**”तिआदि । तत्थ मण्डलाकारेण आविज्झियमानं अलातमेव **अलातचक्कं** । मन्तोसधप्पभाविता इन्दजालादिका माया ।

१२७६-७. **एत्तावता**ति व्यायं कलापसम्मसननियोजनतो पट्टाय याव उदयब्बयपटिवेधाय भावना विधि आरब्धो, एत्तावता भावनाविधानेन कलापसम्मसनम्पि उदयब्बयजाणुप्पादस्सेव परिकम्मन्ति । उदयब्बयदस्सनं जाणन्ति सम्बन्धो । **लक्खणानि च...पे०... ठितन्ति** वयधम्ममेव उप्पज्जति, उप्पन्नञ्च वयं उपेतीति इमिना आकारेण समपज्जास लक्खणानि पटिविज्झित्वा ठितं । अधुना उप्पन्नं न ताव बलप्पत्तन्ति आह “**तरुण**”न्ति । कलापसम्मसनादिवसेन पवत्तसम्मसनं निप्परियायेन विपस्सनासमज्जं लभति । उदयब्बयानुपस्सनादिवसेन पवत्तमेव लभतीति आह “**यस्स चा**”तिआदि ।

१२७८-८०. अथस्स इमाय तरुणविपस्सनाय विपस्सन्तस्स दस विपस्सनुपक्विकलेसा उप्पज्जन्तीति दस्सेन्तो आह “**विपस्सनाया**”तिआदि । **एताया**ति उदयब्बयानुपस्सनासङ्खाताय तरुणविपस्सनाय, न भङ्गानुपस्सनादिसङ्खाताय तरुणविपस्सनाय, नापि निब्बिदानुपस्सनादिसङ्खाताय बलवविपस्सनायाति अत्थो । न हि तदा विपस्सनुपक्विकलेसा उप्पज्जन्तीति । **विपस्सकस्सा**ति च विपस्सकस्सेवाति एव-कारो लुत्तनिहिट्ठो । तेनेव वक्खति “**सम्पत्तपटिवेधस्सा**”तिआदि । दिट्ठिगाहादिवत्थुभावेन विपस्सनं उपक्विकलेसन्तीति **उपक्विकलेसा** । सम्पत्तो चतुसच्चफलपटिवेधो येन सो **सम्पत्तपटिवेधो**, सो च सोतापन्नादीनं अज्जतरो होतीति आह “**सोतापन्नादिनो**”ति । **अपिचा**ति अयं वक्खमानसमुच्चयत्थो । इदञ्च उक्कट्ठनिहेसवसेन वुत्तं बलवविपस्सनापत्तस्सापि अनुप्पज्जनतो । **सम्पत्तपटिवेधस्सा**ति वा बलविपस्सनापत्तं सन्धाय वुत्तं । सोपि हि पटिवेधप्पत्तिया आसन्नारहदेसे ठितत्ता सम्पत्तपटिवेधो नाम होति । एवञ्च सति **अपिचा**ति वुत्तसमुच्चयत्थो होति । अथ वा **अपि**-सद्वो वुत्तसमुच्चयत्थो । **च**-सद्वो अवुत्तसमुच्चयत्थो । तेन निक्खित्तकम्मट्ठानं सङ्गण्हाति । विपस्सनं आरभित्वा अन्तरा वोसानं आपन्नस्सापि विपस्सनुपक्विकलेसा न उप्पज्जन्ति । **विप्पटिपन्नस्सा**ति सीलविपत्तिआदिवसेन यथा तथा विप्पटिपन्नकस्स,

गरहितव्वपटिपन्नस्साति अत्थो । अथ वा विप्पटिपन्नस्साति विपस्सनाभावनासङ्घाताय सम्मापटिपत्तिया अभावेन विरहितपटिपत्तिकस्स ।

१२८१. विपस्सनापटिपत्तियेव हि ससम्भारा पुब्बभागे सम्मापटिपत्ति, तदञ्जा विप्पटिपत्ति, तेनेवस्स विसुद्धिपक्खे “सम्माव पटिपन्नस्सा”ति वुत्तं । सा च निक्खित्तधुरस्सापि होतीति इमस्मिं पक्खे निक्खित्तकम्मद्वानोपि इमिनाव सङ्गहितो होतीति । सम्माव पटिपन्नस्साति हेट्ठा वुत्तविधानेन सम्मा एव पटिपन्नस्स, न विप्पटिपन्नस्स वा निक्खित्तधुरस्स वा । युत्तयोगस्साति युत्तेन योगेन, जाणेन वा भावनमनुयुज्जनसीलस्स । सा पन युत्तयोगिता समथवसेनापि होतीति तन्निवत्तनत्थमाह “सदा विपस्सकस्सेवा”ति । उप्पज्जन्तीति एत्थापि एव-कारो सम्बन्धितब्बो, तेन न नुप्पज्जन्तीति अत्थो । अज्जथा मग्गामग्गजाणस्सेव असम्भवतो । किराति अनुस्सुतियं । सा पनेसा अनुस्सुति पाळिवसेनेव आगताति दट्ठब्बं । यथाह —

“कथं धम्मद्वच्चविग्गहितं मानसं होति? अनिच्चतो मनसिकरोतो ओभासो उप्पज्जति, ओभासो धम्मोति ओभासं आवज्जेति, ततो विक्खेपो उद्धच्चं, तेन उद्धच्चेन विग्गहितमानसो अनिच्चतो उपट्ठानं यथाभूतं नप्पजानाति । दुक्खतो...पे०... अनत्ततो उपट्ठानं यथाभूतं नप्पजानाति । तथा अनिच्चतो मनसिकरोतो जाणं उप्पज्जति...पे०... पीति पस्सद्वि सुखं अधिमोक्खो पग्गहो उपट्ठानं उपेक्खा निकन्ति उप्पज्जति, निकन्ति धम्मोति निकन्ति आवज्जेति, ततो विक्खेपो उद्धच्चं, तेन उद्धच्चेन विग्गहितमानसो अनिच्चतो उपट्ठानं यथाभूतं नप्पजानाति । दुक्खतो...पे०... अनत्ततो उपट्ठानं यथाभूतं नप्पजानाती”ति (पटि० म० २.६) ।

१२८२. इदानीं तेसं ओभासादीनं सरूपविभावनत्थं तेसु उप्पन्नेसु विपस्सनाय उपक्किलिस्सनाकारञ्च दस्सेतुं “विपस्सनाया”तिआदि वुत्तं । विपस्सनाय ओभासोति विपस्सनाचित्तसमुद्धितं, ससन्ततिपतितउतुसमुट्ठानञ्च भासुरं रूपं । तत्थ विपस्सनाचित्तसमुट्ठानं योगिनो सरीरद्वमेव पभस्सरं हुत्वा तिड्ढति, इतरं सरीरं मुञ्चित्वा जाणानुभावानुरूपं समन्ततो फरति, तं तस्सेव पज्जायति, तेन फुट्ठोकासे रूपगतम्पि पस्सति । पस्सन्तो च चक्खुविज्जाणेन पस्सति, उदाहु मनोविज्जाणेनाति वीमंसितव्वमेतन्ति वदन्ति । आचरियधम्मपालत्थेरेन पन “दिब्बचक्खुलाभिनो विय तं मनोविज्जाणविज्जेय्यमेवाति युत्तं विय दिस्सती”ति (विसुद्धि० महा० २.७३३) वुत्तं ।

१२८३-४. मग्गप्पत्तो फलप्पत्तो, अहमस्मीति गणहतीति “न वत मे इतो पुब्बे एवरूपो ओभासो उप्पन्नपुब्बो, अद्धा अरियमग्गं पत्तोस्मि, फलं सच्छाकासि”न्ति अमग्गंयेव “मग्गो”ति गणहाति । तस्सेवं पन गणहतोति तस्स अमग्गंयेव “मग्गो”ति गणहन्तस्स । विपस्सनावीथीति पटिपाटिया पवत्तमाना विपस्सनाव उक्कन्ता नाम होति, योगिनो “मग्गं पत्तोस्मी”ति अधिमानेन विस्सट्ठत्ता । विपस्सनावीथिन्तिपि पाठो, तस्सेवं गणहतो विपस्सना ततोयेव वीथिं उक्कन्ता नाम होतीति अत्थो । ओभासमेव सो भिक्खु, अस्सादेन्तो निसीदतीति सो भिक्खु अत्तना आरद्धं विपस्सनं विस्सज्जेत्वा ओभासमेव लोभवसेन वा दिट्ठिवसेन वा अस्सादेन्तो निसीदति । सो खो पनायं ओभासो कस्सचि भिक्खुनो पल्लङ्कट्टानमत्तमेव ओभासेन्तो उप्पज्जति, कस्सचि अन्तोगब्भं, कस्सचि बहिगब्भं, कस्सचि सकलविहारं गावुतं अट्ठयोजनं योजनं द्वियोजनं तियोजनं, कस्सचि पथवीतलतो पट्ठाय याव अकनिट्ठब्रह्मलोका एकालोकं कुरुमानो, यथा समुद्दम्हि योजनमत्ते मच्छकच्छपा पज्जायन्ति, एवं उप्पज्जन्ति । भगवतो पन दससहस्सिलोकधातुं ओभासेन्तो उदपादि ।

१२८५. विपस्सनापीतीति विपस्सनाचित्तसम्पयुत्ता पीति । खुदिकादिका हेट्ठा वण्णितायेव, अयञ्च पञ्चविधा पीति उदयव्वयानुपस्सनाय वीथिपटिपन्नाय अनुक्कमेन उप्पज्जति । मत्थकप्पत्तेन पन उदयव्वयजाणेन सद्धिं फरणापीतियेव

होति । उपचारप्पनक्खणतो अज्जदापि हि फरणापीति होतियेवाति । तेन वुत्तं **अट्ठकथायं** “सकलसरीरं पूरयमाना उपपज्जती”ति (विसुद्धिं २.७३४; धं स० अट्ठं १.धम्मुद्देसवार झानङ्गरासिवण्णना) ।

१२८६-७. योगिनो...पे०... होन्ति हीति यस्सायं पस्सद्भि उप्पन्ना, तस्स योगिनो रत्तिट्ठाने वा दिवाट्ठाने वा निसिन्नस्स कायचित्तानि पस्सद्धानेव होन्ति, नेव दरथो होतीति अत्थो । पस्सद्भिआदीनि छ युगळानि अज्जमज्जयोगीनीति पस्सद्भिया उप्पन्नाय इतरापि उप्पन्नायेव होन्तीति किच्चदस्सनमुखेन ता सब्बापि दस्सेन्तो “**लहूनि चा**”तिआदिमाह । एत्थ च **काय-**ग्गहणेन रूपकायस्सापि गहणं वेदितब्बं, न वेदनादिक्खन्धत्तयस्सेव । कायपस्सद्भिआदयो हि रूपकायस्सापि दरथादिनिम्मद्वाकाति । **कम्मज्जानेव होन्तीति** न केवलं कम्मज्जानेव सुविसदानि उजुकानियेव होन्ति, अविनाभाविताय पन तदुभयं विसुं न वुत्तं । कायचित्तानं पस्सद्भादिभावो च तेसं अपस्सद्भादिहेतुभूतानं उद्धच्चादिथिनमिद्धादिदिट्ठिमानादिसेसनीवरणादिअस्सद्भियादिमायासाठेय्यादिसंक्किलेसधम्मनं विद्धंसनवसेनेव तदा विपस्सनाचित्तुप्पादस्स पवत्तनतो ।

१२८८-९०. मनुस्सानं अयन्ति मानुसी, मनुस्सयोग्यकामसुखरति । तादिसेहि मनुस्सविसेसेहि अनुभवितब्बतानतिवत्तनतो दिब्बरतिपि सङ्गहिता, मानुसीसदिसताय, कामसुखभावेन दिब्बा रति वा मानुसी, तस्सा अतिक्कन्तताय न मानुसीति अमानुसी, तं **अमानुसिं** । **सुज्जागारन्ति** यं किञ्चि विवित्तं सेनासनं, विपस्सनं एव वा, सापि हि निच्चभावादिसुज्जताय, योगिनो सुखसन्निस्सयताय च “**सुज्जागार**”न्ति वत्तब्बतं लभति । चित्तस्स अनुपसमकरानं किलेसानं विगमेन **सन्तचित्तस्स** संसारे भयस्स इक्खनेन **भिक्खुनो सम्मा** जायेन रूपारूपधम्मनं उदयब्बयानुपस्सनादिवसेन ते **विपस्सतो** सम्मसतो सम्मारब्धविपस्सनानं मनुस्सानं विसयताय **अमानुसी** विपस्सनापीतिसुखसज्जिता **रति** होतीति अयमेत्थ गाथाय सङ्खेपत्थो । दुतियगाथा पन उदयब्बयजाणमेव सन्धाय वुत्ता । तत्थ **यतो यतो**ति रूपतो, अरूपतो वा ।

१२९१. जाणादयोति जाणसद्भादयो सत्त । **वुत्तनयेनाति** “जाणन्ति विपस्सनाजाणं, सद्भाति विपस्सनाचित्तसम्पयुत्ता सद्भा”तिआदिना वुत्तनयानुसारेण विपस्सनावसेनेव जेय्या । तत्थ जाणं रूपारूपधम्मे उदयब्बयानुपस्सनावसेन तुलयन्तस्स तीरेन्तस्स विस्सट्ठइन्दवजिरमिव अविगतवेगं तिखिणं सूरं अतिविसदं उप्पज्जति । तथा हि तेन योगी “मग्गं पत्तोस्मी”ति मज्जति । सद्भाति किलेसकालुसियापगमेन चित्तचेतसिकानं अतिसयपसादभूता बलवती सद्भा, न पन कम्मफलं, रतनत्तयं वा सद्दहनवसेन पवत्ता । सतिपि सूपट्ठिता अचला पब्बतराजसदिसा उप्पज्जति । इमिस्सा च उप्पन्नाय सो यं यं ठानं पच्चवेक्खति, तं तं ठानमस्स अनुपविसित्वा ओक्खन्दित्वा पक्खन्दित्वा परिभण्डभूतस्स यथाकम्मूपगजाणस्स उपट्ठहन्ते परलोकविसयत्ता वण्णायतनविसयमतीतन्ति दिब्बचक्खुनो परलोको विय सतिया उपट्ठाति । सुखं पन सकलसरीरं अभिसन्दमानं अतिपणीतं उप्पज्जति । तस्मिज्हि उप्पन्ने तंसमुट्ठितेहि अतिपणीतेहि रूपेहि सब्बो कायो परिफुटो, परिब्रूहितो च होति । उपेक्खा पन विपस्सनुपेक्खा चेव आवज्जनुपेक्खा च । तत्थ विचिनितविचयत्ता सङ्खारानं विचिनने मज्झत्तभावेन ठिता विपस्सनुपेक्खा । सा पन अत्थतो तथापवत्ता तत्रमज्झत्तुपेक्खाव । मनोद्वारावज्जनचित्तसम्पयुत्ता वेदना आवज्जने अज्झुपेक्खनवसेन पवत्तिया आवज्जनुपेक्खाति वुच्चति । दुविधा पनेसा तदा उप्पज्जति । तथा हि तस्मिं समये सब्बसङ्खारानं उदयब्बये मज्झत्तभूता विपस्सनुपेक्खा बलवती उप्पज्जति, मनोद्वारे आवज्जनुपेक्खापि । सा हिस्स तं तं ठानं आवज्जन्तस्स विस्सट्ठइन्दवजिरमिव, पत्तपुटे पक्खन्दतत्तनाराचो विय च सूरा तिखिणा हुत्वा पवत्तति । वीरियम्पि असिथिलमनच्चारद्धं सम्पयुत्तधम्मे किलेसपक्खतो कोसज्जपक्खतो पग्गणहन्तं सुपग्गहितमुप्पज्जति, निकन्ति च ओभासादिपटिमण्डिताय विपस्सनाय आलयं कुरुमाना भावनाय सातिसयप्पवत्तिया सुखुमा सन्ताकारा उप्पज्जति । या

किलेसोति परिग्गहितुम्पि न युत्ता । यथा च ओभासे, एवं एतेसुपि अज्जस्मिं उप्पन्ने योगावचरो “न वत मे इतो पुब्बे एवरूपा पीति उप्पन्नपुब्बा, एवरूपा पस्सद्धि जाणं सद्धा सति सुखं उपेक्खा वीरियं निकन्ति उप्पन्नपुब्बा, अद्धा मग्गफलप्पत्तोस्मी”ति गण्हाति, तस्सेवं गण्हतो विपस्सना वीथिउक्कन्ता नाम होति । सो तेयेव अस्सादेन्तो निसीदति । इमे च पन विपस्सनपक्विकलेसा येभ्य्येन समथविपस्सनालाभिनो उप्पज्जन्ति । सो समापत्तिविक्रम्भितानं किलेसानं असमुदाचारतो “अरहा अह”न्ति चित्तं उप्पादेतीति ।

१२९२-३. उपक्लेसस्स वत्थुतोति निप्परियायतो दिट्ठिमानतण्हा इध उपक्विकलेसा तेसं वत्थुतो उप्पत्तिट्ठानताय, न सभावतो अकुसलत्ता । यथा पन ओभासादयो, एवं निकन्तिपि दिट्ठिग्गाहादीनं ठानं होतीति वत्थुभावोपिस्सा युज्जतेव । **तंतमावज्जमानस्स, भावना परिहायतीति** तं तं ओभासादिकं आवज्जमानस्स दिट्ठिमानतण्हावसेन “मम ओभासो”तिआदिग्गाहं पवत्तेन्तस्स भावना वीथिं ओक्कमित्वा परिवट्ठति । अप्पं सुतमेतस्साति **अप्पस्सुतो** ।

१२९४-७. बहुस्सुतो पन ओभासादीसु उप्पन्नेसु “अयं खो मे ओभासो उप्पन्नो, सो खो पनायं अनिच्चो सङ्खतो पटिच्चसमुप्पन्नो खयधम्मो वयधम्मो विरागधम्मो निरोधधम्मो”ति वा, सचे ओभासो अत्ता भवेय्य, अत्ताति गहेतुं वट्ठेय्य, अनत्ता च पनायं अत्ताति गहितो, तस्मा “सो अवसवत्तनट्ठेन अनत्ता, हुत्वा अभावट्ठेन अनिच्चो, उदयब्बयपटिपीळनट्ठेन दुक्खो”तिआदिना समनुपस्सति, सो एवं समनुपस्सन्तो उपक्विकलेसजटं विजटेत्वा ओभासादयो धम्मा न मग्गो, उपक्विकलेसविनिमुत्तं पन वीथिपटिपन्नं विपस्सनाजाणं मग्गोति मग्गज्ज अमग्गज्ज ववत्थपेति । तेन वुत्तं “**सब्बोभासादयो**”तिआदि । **मग्गामग्गेसु जाणन्ति** मग्गामग्गजाणं, मग्गामग्गजाणदस्सनविसुद्धीति वुत्तं होति । मग्गामग्गजाणदस्सनविसुद्धिपत्तिया च तेन योगिना तिण्णं सच्चानज्ज ववत्थानं कतं होति । कथं? दिट्ठिविसुद्धिया ताव नामरूपववत्थापनेन दुक्खसच्चववत्थानं कतं होति, कङ्खावितरणविसुद्धिया पच्चयपरिग्गहेन समुदयसच्चस्स ववत्थानं । अभिधम्मनयस्मिहि सब्बकिलेसा, कम्मज्ज समुदयसच्चं, इमिस्सं मग्गामग्गजाणदस्सनविसुद्धियं सम्मा मग्गस्स अवधारणेन मग्गसच्चं । तदुपायभूतस्स हि मग्गस्स अवधारणेन तं अवधारितमेवाति एवं लोकियेनेव ताव जाणेन तिण्णं सच्चानं ववत्थानं कतं होति ।

इति अभिधम्मविकासिनिया नाम

अभिधम्मावतारसंवण्णनाय

मग्गामग्गजाणदस्सनविसुद्धिनिद्वेसवण्णना निट्ठिता ।

२१. एकवीसतिमो परिच्छेदो

पटिपदाजाणदस्सनविसुद्धिनिद्वेसवण्णना

१२९८. अट्ठजाणवसेनेवाति उदयब्बयजाणादीनं अट्ठन्नं जाणानं वसेन । विपस्सनाचारस्स मत्थकप्पत्तिया सङ्खारुपेक्खाजाणं **सिखापत्ता विपस्सना** । सिखापत्ति पनस्सा उदयब्बयजाणादीनं अट्ठजाणानं वसेनाति आह “**अट्ठजाणवसेना**”ति । नवमन्ति सच्चानुलोमिकजाणं । इति उदयब्बयादीनि अट्ठ, इदज्ज नवमजाणं **पटिपदाजाणदस्सनन्ति पवुच्चति** । पटिपज्जति एताय अरियमग्गोति **पटिपदा**, उदयब्बयादीनं जाननट्ठेन, पच्चक्खतो

दस्सनद्वेन जाणदस्सनज्जाति कत्वा ।

१२९९. तानि पन जाणानि सरूपतो दस्सेतुं “अट्ट जाणानी”तिआदि वुत्तं । तत्थ उदयब्बयानुपस्सनाजाणं किज्जापि तीरणपरिज्जाय पटिट्ठं, तथापि यथावुत्तद्वेन पटिपदाजाणदस्सनम्पि होतियेवाति तम्पि इध वुत्तं । इतरत्थ पन उप्पन्नमत्तं अप्पगुणं सन्धाय वुत्तं । अप्पगुणज्झि निच्चसज्जादिपहानसिद्धिया पहानपरिज्जाय अधिद्वानभूतं । यतो तदधिगमेन अट्टारससु महाविपस्सनासु एकच्चा अधिगताव होन्ति । न हि उदयब्बयानं पच्चक्खतो पटिवेधेन विना सामज्जाकारानं तीरणमत्तेन सातिसयं पटिपक्खप्पहानं सम्भवति । असति च पटिपक्खप्पहाने कुतो जाणादीनं वजिरमिव अविहतवेगता तिखिणविसदादिता वा, तस्मा पगुणभावप्पत्तं उदयब्बयजाणं पहानपरिज्जापक्खियमेव दट्ठब्बं ।

१३००-२. भङ्गेति सङ्खारानं भङ्गे । यथाभूतदस्सावी भायति एतस्माति भयं, तेभूमकधम्मा, तेसु भयतो उपतिट्ठन्तेसु भायितब्बाकारग्गाहिजाणं भयेजाणं । तथा हेतं “भयतुपट्टानजाणं”न्ति वुच्चति । मुच्चितुं इच्छतीति मुच्चितुकम्यं, चित्तं, पुग्गलो वा, तस्स भावो मुच्चितुकम्यता, तं पन जाणमेवाति आह “जाणं मुच्चितुकम्यता”ति । पुन पटिसङ्खानाकारेन पवत्तं जाणं पटिसङ्खानुपस्सनाजाणं । निरपेक्खताय सङ्खारानं उपेक्खनवसेन पवत्तं जाणं सङ्खारुपेक्खाजाणं । गाथाबन्धत्थं पन विसन्धिनिद्वेसो । ओळारिकोळारिकस्स सच्चपटिच्छादकतमस्स विगमनेन सच्चपटिवेधानुकूलत्ता सच्चानुलोमिकं । तं पन इदन्ति आह “सच्चानुलोमजाणन्ति, अनुलोमं पवुच्चती”ति ।

१३०३. ननु च उदयब्बयजाणस्स पगेव सिद्धत्ता किमत्थं पुन तत्थापि अभियोगोति चे? अनिच्चादिलक्खणसल्लक्खणत्थं । उदयब्बयजाणज्झि हेट्ठा दसहि उपक्किलेसेहि उपक्किलिट्ठं हुत्वा याथावसरसतो तिलक्खणं सल्लक्खेतुं नासक्खि, उपक्किलेसविनिमुत्तं पन सक्कोति, तस्मा लक्खणसल्लक्खणत्थं पुन तत्थेव योगो कातब्बो । लक्खणानि चस्स उदयब्बयादीनं अमनसिकारा, सन्ततिइरियापथघनछन्नताय च नोपट्ठहन्ति, तस्मा उदयब्बयं मनसि कत्वा सन्ततिं उग्घाटेत्वा अनिच्चलक्खणं, अभिण्हपीळनं परिग्गहेत्वा इरियापथं उग्घाटेत्वा दुक्खलक्खणं, धातुयो विनिब्भुजित्वा घनविनिब्भोगं कत्वा अनत्तलक्खणज्च सल्लक्खेत्वा “अनिच्चा दुक्खा अनत्ता”ति सङ्खारा पुनप्पुनं सम्मसितब्बा । तस्सेवं तुलयतो तीरयतो यदा सङ्खारगतं अत्तनो लहुउपट्टानेन, जाणस्स च तिलक्खताय तिरोहितुप्पादादिभेदं भिज्जमानमेव उपट्टाति, भङ्गेयेव तस्स जाणं सन्तिट्ठति, तदा भङ्गानुपस्सना नाम विपस्सनाजाणं अधिगतं होति । तस्स तदेव सङ्खारनिरोधारम्मणभङ्गानुपस्सनं आसेवन्तस्स यदा सब्बभवयोनित्तिट्ठित्तिनिवासेसु सङ्खारा भिज्जनसभावताय यक्खरक्खसादयो विय महाभयं हुत्वा उपट्ठहन्ति, तदास्स भयतुपट्टानजाणं अधिगतं होति । किं पनिदं जाणं भायतीति? न भायति । तज्झि “अतीता सङ्खारा निरुद्धा, पच्चुप्पन्ना निरुज्झन्ति, अनागता निरुज्झिस्सन्ती”ति तीरणमत्तमेव होति, व्यसनापन्नानं पन सब्बसङ्खारानं भयतो उपट्ठितानं गहणेन भयतुपट्टानजाणन्ति वुच्चतीति ।

तस्स तं भयतुपट्टानजाणं आसेवन्तस्स यदा सब्बभवगतेसु सङ्खारेसु ताणं वा लेणं वा परायणं वा न पज्जायति, उक्खित्तासिको विय पच्चामित्तो सादीनवा एव सङ्खारा उपट्ठहन्ति, तस्स सङ्खारानं आदीनवमेव पस्सन्तस्स आदीनवजाणं नाम उप्पन्नं होति । तस्सेवं सब्बसङ्खारे आदीनवतो पस्सन्तस्स यदा तिभवपरियापन्नेसु निब्बेदो उप्पज्जति, उक्कण्ठा सण्ठहन्ति, सब्बसङ्खारविसंयुत्ते सन्तिपदे अभिरतिं पटिलभति, तदास्स निब्बिदानुपस्सनं नाम जाणं उप्पन्नं होति । तस्स यदा इमिना निब्बिदाजाणेन सब्बसङ्खारेसु निब्बिन्दन्तस्स एकसङ्खारेपि चित्तं न सज्जति, सब्बस्मा सङ्खारतो सप्पमुखगतस्स विय मण्डूकस्स मुच्चितुकामता उप्पज्जति, तदा मुच्चितुकम्यताजाणं नाम उप्पन्नं होति । तस्सेवं सब्बसङ्खारेहि मुच्चितुकामस्स निच्चसुखसुभअत्ताकारेन पन उपट्ठितुं असमत्थं पापेत्वा मुच्चनस्स उपायसम्पादनत्थं

अनिच्चन्तिकतादीहि अनिच्चलक्खणं, अभिण्हपटिपीळनतादीहि दुक्खलक्खणं, अजञ्जकतादीहि पटिक्कूलतं, तुच्छतादीहि अनत्तलक्खणञ्च आरोपेत्वा सब्बसङ्खारगतं परिगणहन्तस्स पटिसङ्खानुपस्सनाजाणं नाम उप्पन्नं होति । तेन पनेवं परिगहितसङ्खारेण या सा “सुञ्जमिदं अत्तेन वा अत्तनियेन वा”तिआदिना द्विकोटिकादिभेदा सुञ्जता वुत्ता, सा परिगहेतब्बा । तस्सेवं सुञ्जतो दिस्वा तिलक्खणं आरोपेत्वा सम्मसन्तस्स यदा भयञ्च नन्दिञ्च विप्पहाय विस्सट्ठभरियस्स विय सङ्खारगतेसु उपेक्खा सन्तिट्ठति, तीसु भवेसु चित्तं न सम्पसारियति, तदास्स सङ्खारुपेक्खाजाणं नाम उप्पन्नं होति । तं पनेतं याव निब्बानं न पस्सति, ताव दिसाकाको विय कूपकयट्ठिं पुनप्पुनं सङ्खारमेव अनभिमतम्पि निस्साय सङ्खारविचिननेपि मज्झत्तमेव हुत्वा तिट्ठति । तेन वुत्तं “एतेसु पन जाणेसू”तिआदि ।

१३०६. विपस्सना...पे०... वुट्ठानगामिनीति सिखं उत्तमभावं पत्तत्ता **सिखापत्ता** । वुट्ठानं गच्छतीति **वुट्ठानगामिनी** । “वुट्ठान”न्ति हि बहिद्धा निमित्तभूता अभिनिविट्ठवत्थुतो चेव अज्झत्तप्पवत्ततो च वुट्ठहनतो मग्गो वुच्चति, तं गच्छतीति **वुट्ठानगामिनी**, मग्गेन सद्धिं घटीयतीति अत्थो ।

१३०७. तन्ति यं सिखापत्ता विपस्सना सच्चानुलोमजाणन्ति च वुच्चति, तं सङ्खारुपेक्खाजाणं । **आसेवन्तस्सा**ति पुनप्पुनं सम्मसनवसेन सेवन्तस्स भावेन्तस्स बहुलीकरोन्तस्स । तस्स हि अधिमोक्खसद्धा भावनावसेन बलवतरा निब्बत्तिस्सति, वीरियं सुपगहितं पटिपक्खविधमनसमत्थं होति, आरम्भणाभिमुखभावेन सति सुपतिट्ठिता होति, पस्सद्धिसुखानं सातिसयताय चित्तं सुसमाहितं, ततोव अनुलोमजाणुप्पत्तिया पच्चयो भवितुं समत्था तिक्खतमा सङ्खारुपेक्खा उप्पज्जति ।

१३०८-१२. अनिच्चा...पे०... वोतरतेव साति अनिच्चादीसु एकेन आकारेण सम्मसन्ती सत्तक्खतुं पवत्तित्वा भिज्जन्ती भवङ्गं ओतिण्णा नाम होति, ततो परं भवङ्गवारोति कत्वा । **सङ्खारुपेक्खाकतनयेना**ति अनिच्चादिना आरम्भणकरणवसेनेव सङ्खारुपेक्खाय कतनयेन, न सम्मसितनयेन । तेनाह “**अनिच्चादि...पे०... कुरुमान**”न्ति । **भवङ्गवट्ठनं कत्वा**ति भवङ्गस्स निवत्तनं कत्वा चित्तस्स भवङ्गवसेन पवत्तितुं अदत्वा । **परिकम्पन्ति** मग्गस्स परिकम्पत्ता पटिसङ्खारकत्ता । **उपचारन्ति** मग्गस्स आसन्नत्ता, समीपचारित्ता वा ।

१३१३-६. अनुलोमत्तं सयमेव वदति “पुरिमान”न्तिआदिना । इदञ्चि अनिच्चलक्खणादिवसेन सङ्खारे आरब्ध पवत्तत्ता, “उदयब्बयवन्तानंयेव वत धम्मानं उदयब्बयजाणं उप्पादवये अदसा”ति च “भङ्गवन्तानंयेव वत भङ्गानुपस्सनं भङ्गमदसा”ति च “सभयंयेव वत भयतुपट्ठानस्स भयतो उपट्ठित”न्ति च “सादीनवेयेव वत आदीनवानुपस्सनं आदीनवमदसा”ति च “निब्बिन्दितब्बेयेव वत निब्बिदाजाणं निब्बिन्द”न्ति च “मुच्चितब्बम्हियेव वत मुच्चितुकम्पताजाणं मुच्चितुकामं जात”न्ति च “पटिसङ्खातब्बमेव वत पटिसङ्खाजाणेन पटिसङ्खात”न्ति च “उपेक्खितब्बंयेव वत सङ्खारुपेक्खाय उपेक्खित”न्ति च अत्थतो वदमानं विय इमेसञ्च अट्ठन्नं जाणानं कतकिच्चताय अनुलोमेति सब्बासंयेव विपस्सनानं लक्खणत्तयसम्मसनकिच्चत्ता, तथा उपरि च अरियमग्गे सत्तत्तिंसाय बोधिपक्खियधम्मानं ताय पटिपदाय पत्तब्बताय । न हि अनुलोमजाणे थूलथूलसच्चपटिच्छादकसंकिलेसविक्खम्भनवसेन अप्पवत्तन्ते गोत्रभुजाणं उप्पज्जति, गोत्रभुजाणे च अनुप्पन्ने मग्गजाणं न उप्पज्जति, तस्मा पुरिमपच्छिमानं भागानं अनुलोमत्ता “अनुलोमन्ति सञ्जित”न्ति । **तेनेवा**ति हेट्ठिमजाणानं अनुलोममुखेन, उपरि बोधिपक्खियानं अनुलोमनतो च । **सच्चानुलोमजाणन्ति पवुच्चति** मग्गसच्चस्स अनुलोमिकत्ता । **वुट्ठानगामिनिया**ति सङ्खारारम्भणाय वुट्ठानगामिनिया विपस्सनाय । **परियोसानन्ति** पुरिमा कोटि । सङ्खारारम्भणविपस्सनासु हि अयं विसेसतो वुट्ठानगामिनिविपस्सनाति । असङ्खतारम्भणं पन सब्बेन सब्बं

अरियमग्गसङ्घातं वुट्ठानं गच्छति उपेतीति । ततोपि हि विसेसतो “वुट्ठानगामिनिविपस्सना”ति वत्तब्बतं लभतीति आह “जेय्यं सब्बप्पकारेना”तिआदि ।

१३१७-८. कित्तिताति थोमिता, अरियमग्गाधिट्ठानताय महन्तानं सीलक्खन्धादीनं एसनतो गवेसनतो महेसिना सम्मासम्बुद्धेन । सन्तकिलेसताय सन्ता । योगन्ति भावनं, भावनाभियोगं वा ।

इति अभिधम्मत्थविकासिनिया नाम

अभिधम्मावतारसंवण्णनाय

पटिपदाजाणदस्सनविसुद्धिनिद्देसवण्णना निट्ठिता ।

२२. बावीसतिमो परिच्छेदो

जाणदस्सनविसुद्धिनिद्देसवण्णना

१३१९-२१. इदानीं जाणदस्सनविसुद्धिया निद्देसे अनुप्पत्ते सा यस्स जाणस्स अनन्तरं उप्पज्जति, तं ताव दस्सेन्तो “इतो पर”न्तिआदिमाह । इतो परन्ति इतो अनुलोमजाणतो उपरि । आवज्जनियठानत्ताति आवज्जनकिच्चं करोन्तं किरियमनोधातु विय मग्गस्स आवज्जनट्ठाने ठितत्ता अब्बोहारिकमेव उभयविसुद्धिलक्खणाभावतो । किञ्चापि एवं, तथापि वुट्ठानगामिनिविपस्सनाय परियोसानत्ता विपस्सनापक्खियमेवाति आह “विपस्सनाय सोतस्मिं, पतितत्ता विपस्सना”ति । एतेनस्स पटिपदाजाणदस्सनविसुद्धिभजनं दस्सेति ।

१३२२. पुथुज्जनेसु भवं पोथुज्जनिकं, तदेव गोत्तं अरियेहि असम्मिस्सा पुथुज्जनसमज्जाति पोथुज्जनिकगोत्तं । एकवंसजानहि समाना समज्जा “गोत्त”न्ति वुच्चति, गं तायति बुद्धिं, अभिधानञ्च एकंसिकविसयताय रक्खतीति कत्वा । वा-सद्दो वक्खमानत्थविकप्पने । अभिभुय्य पवत्तितो गोत्रभूति सम्बन्धो । गोत्तं वुच्चति निब्बानं “अरियो”ति बुद्धिया, अभिधानस्स च तायनतो पवत्तनतोति अधिप्पायो । ततो भवतीति ततो गोत्ततो आरम्मणपच्चयतो भवति । इति-सद्दो चेत्थ हेतुत्थो दट्ठब्बो । तेन यस्मा ततो भवति, तस्मा गोत्रभूति अत्थो ।

१३२३-५. जाणदस्सनविसुद्धि एव जाणदस्सनसुद्धिकं । तं सम्पादेतुं पनिच्छता तेन भिक्खुना यं अज्जं किञ्चिपि कातब्बं, तं नत्थीति सम्बन्धो । कस्मा नत्थीति चे आह “यं ही”तिआदि । “कतमेवा”ति वुत्ते “कथ”न्ति अनुयोगस्स उपट्ठितत्ता “अनुलोमावसानं ही”तिआदिना तं समत्थेति ।

१३२६-७. एवं उप्पन्नअनुलोमजाणस्स पनस्स एतेहि तीहिपि अनुलोमजाणेहि अत्तनो बलानुरूपेन थूलथूले सच्चपटिच्छादकतमहि अन्तरधापिते सब्बसङ्खारगते चित्तं न पक्खन्दति, न लग्गति, पदुमपलासतो उदकं विय पतिकुट्ठति पतिवट्ठति, सब्बं निमित्तारम्मणमि सब्बं पवत्तारम्मणमि पलिबोधतो उपट्ठति, अथस्स सब्बस्मिं निमित्तप्पवत्तारम्मणे पलिबोधतो उपट्ठिते दुतियस्स वा ततियस्स वा अनुलोमजाणस्स अनन्तरं गोत्रभुजाणं उप्पज्जति । तेनाह “तस्सा”तिआदि । पठमावज्जनञ्चेव पठमाभोगतापि चाति पठमावज्जनं पठमाभोगभूतं । सकत्थे हि अयं ता-पच्चयोति । तत्थ आवज्जनं चित्तसन्तानस्स परिणामनवसेन, आभोगो अत्तनो आभुजनवसेन दट्ठब्बो ।

१३२८-३३. अनन्तरादीहीति अनन्तरसमनन्तरआसेवनउपनिस्सयनत्थिविगतवसेन छहि पच्चयेहि । मुद्धन्ति मुद्धभूतं । एकन्तिकताय एकवारमेव च उप्पज्जनतो पुनरावत्ताभावेन पन **अनावत्तं । अनावज्जनम्पि चाति** अनावज्जनम्पिसमानं । **सज्जं दत्वा वियाति** “एवं उप्पज्जाही”ति सज्जं दत्वा विय । **अनिब्बिद्धपुब्बन्ति** अपदालितपुब्बं । **विद्धंसेन्तोवाति** विनासेन्तो एव । **जायतीति** निब्बत्तति । एत्थ च इमं उपमं आहरन्ति — एको किर इस्सासो अट्टउसभमत्ते पदेसे फलकसतं ठपापेत्वा वत्थेन मुखं वेठेत्वा सरं सन्नहित्वा चक्कयन्ते अट्टासि, अज्जो पुरिसो चक्कयन्तं आविज्झित्वा यदा इस्सासस्स फलकं अभिमुखं होति, तदा तत्थ दण्डकेन सज्जं देति । इस्सासो दण्डकसज्जं अमुज्चित्वाव सरं खिपित्वा फलकसतनिब्बिज्झति । तत्थ दण्डकसज्जं देन्तो विय गोत्रभुजाणं, इस्सासो विय मग्गजाणं, दण्डकसज्जं अमुज्चित्वाव फलकसतं निब्बिज्झनं विय मग्गजाणस्स गोत्रभुजाणेन दिन्नसज्जं अमुज्चित्वाव निब्बानं आरम्मणं कत्वा अनिब्बिद्धपुब्बानं अपदालितपुब्बानं लोभदोसमोहक्खन्धानं निब्बिज्झनन्ति ।

१३३५-८. अनामतग्ग...पे०... महोदधिन्ति अट्टमभवतो पट्टाय निब्बत्तकं अज्जातकोटिं संसारवट्टदुक्खमहासमुदं । पाणातिपातादिपञ्चवेरानि चेव पञ्चवीसति महाभयानि चाति **सब्बवेरभयानि । अनेकेपि आनिसंसेति** रतनत्तये निविट्टसद्भादिके आनिसंसे । **आदिमग्गेनाति** सोतापत्तिमग्गसङ्घातेन पठममग्गेन । पठममग्गजाणवण्णना ।

१३३९. तस्सेवानन्तरन्ति तस्स अनन्तरंयेव । **द्वेपि तीणि वाति** नातितिक्खपञ्चस्स द्वे, तिक्खपञ्चस्स तीणि फलचित्तानि ।

१३४०-३. “अजानित्वा वदन्ति ते”ति वत्वा तत्थ कारणं दस्सेतुं “**एकस्सा**”तिआदि वुत्तं । **पञ्चमं मग्गचित्तन्ति** इमिनाव छट्टस्स अभावदीपनेन “**एकं फलचित्तं**”न्ति वदतो गोदत्तत्थेरस्स वादोपि पटिक्खित्तो ।

१३४४. “एत्तावता”ति पठममग्गस्स उप्पत्तिअनन्तरं फलस्स उप्पत्तिमत्तेन । **सोतापन्नोति वुच्चतीति** सोतापन्नो नाम दुतियो अरियपुग्गलोति वुच्चति । सो देवरज्जचक्कवत्तिरज्जादिपमादट्टानं आगम्म भुसं पमत्तोपि हुत्वा कामसुगतियं सत्तक्खत्तुमेव सन्धावित्वा संसरित्वा दुक्खस्सन्तकरणसमत्थो होति । यथाह —

“किञ्चापि ते होन्ति भुसं पमत्ता,

न ते भवं अट्टममादियन्ती”ति ॥ (खु० पा० ६.९; सु० नि० २३२; नेत्ति० ११५) ।

रूपारूपलोकेसु पन न तथा नियमोति आचरिया ।

१३४७. फलादीनन्ति आदि-सद्देन पहीनकिलेसादिके सङ्गणहाति । तथा च “इमिना वताहं मग्गेन आगतो”ति पठमं मग्गं पच्चवेक्खति, ततो “अयं मे आनिसंसो लद्धो”ति फलं पच्चवेक्खति, ततो “इमे नाम मे किलेसा पहीना”ति पहीनकिलेसे पच्चवेक्खति, ततो “इमे नाम मे किलेसा अवसिद्धा”ति उपरिमग्गतयवज्जे किलेसे पच्चवेक्खति, अवसाने “अयं मे धम्मो आरम्मणतो पटिविद्धो”ति अमतं निब्बानं पच्चवेक्खति । इति सोतापन्नस्स पञ्च पच्चवेक्खणजाणानि होन्ति । यथा च सोतापन्नस्स, एवं सकदागामिअनागामीनम्पि । अरहतो पन अवसिद्धकिलेसपच्चवेक्खणं नाम नत्थि । एवं सब्बानिपि एकूनवीसति पच्चवेक्खणजाणानि । तेनाह “**पच्चवेक्खणजाणानि, भवन्तेकूनवीसती**”ति ।

१३४८-५०. यासं पच्चवेक्खणवसेन इमानि जाणानि पवत्तन्ति, ता दस्सेतुं “**मग्गो फलज्जा**”तिआदिमाह ।

उक्कट्टुपरिच्छेदोयेव चेतो । पहीनावसिट्ठकिलेसपच्चवेक्खणञ्चि सेखानम्पि होति वा न वा । न हि सब्बेव तत्थ समत्था होन्ति । तेनेव हि महानामो भगवन्तं पुच्छि “को सु नाम मे धम्मो अज्झत्तं अप्पहीनो, येन मे एकदा लोभधम्मापि चित्तं परियादाय तिट्ठन्ती”तिआदि (म० नि० १.१७५) । **योगमारभते**ति तस्मिंयेव वा आसने निसिन्नो, अपरेन वा समयेन कामरागव्यापादानं तनुभावकराय सकदागामिमगसङ्घाताय **दुतियाय भूमिया** अधिगमत्थाय विपस्सनायोगं करोति, दुतियभावो चस्स देसनावसेन, उप्पत्तिवसेन च वेदितब्बो । सम्पयुत्तानं पन निस्सयभावेन ते धम्मा भवन्ति एत्थाति **भूमि**, यस्मा वा समानेपि लोकुत्तरभावे सयम्पि भवति, न निब्बानं विय अपातुभूतं, तस्मापि “**भूमी**”ति वुच्चति । **जाणेन परिमज्जती**ति तेन तेनाकारेण इन्द्रियानं तिक्खतरतं सम्पादेत्वा, बलबोज्झङ्गानञ्च पटुतरभावं साधेत्वा लक्खणत्तयं तीरणवसेन परिमज्जति ।

१३५१-२. तत्थ अपरापरं जाणं चारेन्तो परिवत्तेति । तेनाह “**विपस्सनावीथिं ओगाहती**”ति । हेट्ठा वुत्तनयेनाति उदयब्बयजाणादीनं उप्पादने वुत्तनयेनेव । **गोत्रभुस्स अनन्तरन्ति** एत्थ गोत्रभु विय गोत्रभु । पठममगगपुरेचारिकजाणञ्चि पुथुज्जनगोत्ताभिभवन्तो, अरियगोत्तभवन्तो च निप्परियायतो “**गोत्रभू**”ति वुच्चति, इदं पन तंसदिसताय परियायतो गोत्रभु । एकच्चसंकिलेसविसुद्धिया, पन अच्चन्तविसुद्धिया आरम्मणकरणतो च “**वोदान**”न्ति वुच्चति । तेनाह **पट्टाने** “**अनुलोमं वोदानस्स अनन्तरपच्चयेन पच्चयो**”ति (पट्ठा० १.१.४१७) । यस्मा पन **पटिसम्भिदामग्गे** “**उप्पादादिअभिभवन्तं उपादाय अट्ठ गोत्रभुधम्मा समाधिवसेन उप्पज्जन्ति, दस गोत्रभुधम्मा विपस्सनावसेन उप्पज्जन्ती**”तिआदीसु (पटि० म० १.६०) गोत्रभुनामवसेनेव आगतं, तस्मा इधापि “**गोत्रभुस्स अनन्तर**”न्ति वुत्तं गोत्तसङ्घातनिब्बानतो भूतन्ति कत्वा । दुतियमगगजाणवण्णना ।

१३५५-७. यन्ति यस्मा । **सकिदेवा**ति एकवारमेव । **इमं लोकं आगन्त्वा**ति इमिना पच्चसु सकदागामीसु चत्तारो वज्जेत्वा एकोव गहितो । एकच्चो हि इध सकदागामिफलं पत्वा इधेव परिनिब्बायति, एकच्चो इध पत्वा देवल्लोके परिनिब्बायति, एकच्चो देवल्लोके पत्वा तत्थेव परिनिब्बायति, एकच्चो देवल्लोके पत्वा इधूपपज्जित्वा परिनिब्बायतीति इमे चत्तारोपि इध न गहिता । यो पन इध पत्वा देवल्लोके यावतायुकं वसित्वा इधूपपज्जित्वा परिनिब्बायति, अयमेकोव इध गहितोति । **अन्तकरो भवेति** दुक्खस्सन्तकरो भवेय्य, भवे वा अन्तकरो भवस्स अन्तकरोति अत्थो । ततियाय भूमिया पत्तियाति सम्बन्धो । **व्यापादकामरागानं पहानायाति** तेसंयेव सकदागामिमग्गेन तनुकरानं संयोजनानं निरवसेसप्पहानाय । ततियमगगजाणवण्णना ।

१३६३-७. पटिसन्धिवसेन कामभवस्स अनागमनतो **अनागामी** । तेनाह “**तत्थेव परिनिब्बायी**”ति । तत्थेवाति सुद्धावासे वा अज्जत्थ वा यत्थ उप्पन्नो, तत्थेव परिनिब्बायि । **अनावत्तिसभावो**ति तस्मा लोका इध पटिसन्धिगगहणवसेन इमं लोकं पुनरागमनाभावतो अनावत्तनसभावो, बुद्धदस्सनथेरदस्सनधम्मस्सवनानं पनत्थाय आगमनं होतियेव । **रूपरागादिपहानायाति** रूपरागअरूपरागमानउद्धच्चअविज्जासङ्घातानं पच्चन्नं उद्धम्भागियसंयोजनानं निरवसेसप्पहानाय । **विद्धंसायाति** विनासाय । चतुत्थमगगजाणवण्णना ।

१३७१-४. **महाखीणासवो**ति महानुभावतो निबद्धपूजावचनमेतं, न उपादायवचनं “यथा महामोगल्लानो”ति । न हि चूळखीणासवो नाम अत्थि । अनुप्पत्तो सदत्थो सकत्थो, पूजत्थो वा एतेनाति **अनुप्पत्तसदत्थो**, सदत्थोति च अरहत्तं वेदितब्बं । तज्जि अत्तुपनिबन्धनट्ठेन, अत्तानं अविजहनट्ठेन, अत्तनो परमत्थट्ठेन च अत्तनो अत्थत्ता “**सदत्थो**”ति वुच्चति । खीणानि दसपि भवसंयोजनानि एतस्साति **खीणसंयोजनो** । दक्खिणं अरहतीति **दक्खिणेय्यो** । **चतस्सोपीति**

सोतापत्तिमग्गो सकदागामिमग्गो अनागामिमग्गो अरहत्तमग्गोति चतस्सोपि । विसुद्धिकामेनाति अत्तनो विसुद्धिं इच्छन्ते । तपोयेव धनमस्साति तपोधनो, तेन ।

इति अभिधम्मत्थविकासिनिया नाम

अभिधम्मावतारसंवण्णनाय

जाणदस्सनविसुद्धिनिद्वेसवण्णना निड्ढिता ।

२३. तेवीसतिमो परिच्छेदो

किलेसप्पहानकथावण्णना

१३७५. इदानीं इमिस्सायेव चतुत्थजाणाय जाणदस्सनविसुद्धिया आनुभावविजाननत्थं येन ये धम्मा पहातब्बा, तेसं पहानञ्च अभिसमयकाले परिज्जादिकिच्चाणि च दस्सेतुं “एतेसु येन ये धम्मा”तिआदि आरब्धं । ये धम्माति ये संकिलेसधम्मा । संयोजनादीसु खन्धेहि खन्धानं, फलेन कम्मस्स, दुक्खेन वा सत्तानं संयोजनद्वेन बन्धनद्वेन संयोजनानि । सम्पयुत्तधम्मानं विबाधनद्वेन, उपतापनद्वेन, संकिलिडुताय च किलेसा । अभिनिवेसादिवसेन मिच्छाविपरीतं पवत्तनतो मिच्छासभावाति मिच्छत्ता । लोके धम्मा, लोकपरियापन्ना धम्मा, लोकप्पवत्तियं सति अनुपरमधम्मत्ता वाति लोकधम्मा । मच्छेरस्स भावो, कम्मं वाति मच्छरियं । विपरीतद्वेन विपल्लासा । नामकायस्स च रूपकायस्स च गन्थनतो गन्था । अरियेहि अगन्तब्बा, अयुत्ता गतीति वा अगति । आसवन्तीति आसवा, आभवग्गतो सब्बमोकासलोकं, आगोत्रभुतो सब्बे धम्मे ब्यापेत्वा पवत्तन्तीति अत्थो, आसवन्ति संसारदुक्खन्ति वा आसवा, चक्खादीहि वा संवरासंवरद्वारेहि सत्तसन्ताने आसवन्ति वणतो यूसानि सन्दन्ति वियाति आसवा, आसवन्ति वा एतेहि चित्तानि विसयेसूति आसवा । संसारमहासागरप्पत्तिहननतो ओघा वियाति ओघा । हेट्ठा वुत्तनयेन योजनतो योगा । निवारेन्ति लोकियलोकुत्तरगुणविसेसाधिगमन्ति नीवरणानि । अनिच्चादिधम्मसभावं अतिक्कम्म परतो असभावतो आमसन्तीति परामासा । मण्डूकं पन्नगो विय आरम्मणं भुसं आदियन्तीति उपादानानि । अप्पहीनभावेन सत्तसन्ताने अनुसेन्ति मूसिकविसं विय अनुरूपकारणं लभित्वा उप्पज्जन्तीति अनुसया । चित्तस्स मलीनभावकरणद्वेन मला । अकुसलकम्मनि च तानि दुग्गतीनं पथा चाति अकुसलकम्मपथा । इध पन कम्मपथभावं अप्पत्तानं तंसभावतो गहणं दट्ठब्बं । चित्तं उप्पज्जति एत्थाति चित्तुप्पादो, चेतसिकरासि, अकुसलो च सो चित्तुप्पादो चाति अकुसलचित्तुप्पादो ।

कामभवतो उपरिकोट्टासभावतो ततियमग्गप्पत्तिया उद्धं भजितब्बतो, सेवितब्बतो चाति उद्धम्भागा, रूपारूपभवा, तेसं हितानि तत्थुप्पज्जनखन्धादियोजनतोति उद्धम्भागियानि, तानियेव संयोजनानीति उद्धम्भागियसंयोजनानि । रूपारूपभवतो हेट्ठिमकोट्टासभावतो तत्थुप्पादकिलेसानं अप्पहीनभावेन ततियमग्गप्पत्तिया हेट्ठा भजितब्बतो वा अधोभागा, कामभवा, तेसं हितानि संयोजनानीति अधोभागियसंयोजनानीति ।

इमेसु पन दससु रूपभवसंयोजनं, अरूपभवसंयोजनं, कामभवसंयोजनञ्च अत्थतो लोभोव, सक्कायदिट्ठिसीलब्बतपरामासापि दिट्ठियेव, तस्मा धम्मतो सत्त संयोजनानि ।

मिच्छासङ्कप्पो मिच्छावायामो मिच्छासमाधीति तथा पवत्तानं वितक्कवीरियसमाधीनमधिवचनं । मिच्छावाचादयो तयो तथा पवत्ता चेतना । मिच्छासति पन चित्तुप्पादो । मिच्छाजाणं तथा पवत्तो मोहो । मिच्छाविमुत्ति लोकथूपिकादीसु मोक्खोति पवत्तमिच्छागाहो ।

कारणूपचारेनाति लाभहेतुको लाभो, अलाभहेतुको अलाभोतिआदिना कारियस्स कारणवसेन उपचरणेन । **लोकधम्मगगहणन्ति** लोकधम्मगगहणेन गहणं ।

आवासे मच्छरियं, आवासहेतुकं वा मच्छरियन्ति **आवासमच्छरियं** । एवं **कुलमच्छरियादीनिपि** । तत्थ **आवासोति** विहारादि । **कुलन्ति** उपट्ठाककुलं, जातिकुलञ्च । **लाभोति** पच्चयलाभोयेव । **वण्णोति** सरीरवण्णो च गुणवण्णो च । **धम्मोति** आगमो, अधिगमो च ।

“तयो”ति वत्थुं अभिन्दित्वा वुत्तं, भिन्दित्वा च पन वुच्चमाने द्वादस होन्ति ।

अभिसज्जनूपनयनवसेन पवत्तनतो अभिज्झाव्यापादानं कायगन्थता दट्ठब्बा । “इदमेव सच्चं मोघमञ्ज”न्ति एवं अवत्थुमिह पवत्तो अभिनिवेसो इदंसच्चाभिनिवेसो । सीलब्बतपरामासइदंसच्चाभिनिवेसकायगन्था चेत्थ अत्थतो दिट्ठियेव, तस्मा धम्मतो तयो कायगन्था ।

“छन्दोसमोहभयानी”ति अगतिकारणत्ता वुत्तं, छन्दादीहि पन अकत्तब्बकरणं, कत्तब्बाकरणञ्च अगति नाम ।

आसवेसु कामरागभवरागा अत्थतो लोभोति धम्मतो तयो आसवा ।

तेसमेवाति कामरागादीनमेव । ते हि ओघो विय अत्तनि पतिते अपायसमुदं पापेन्ति, संसारदुक्खतो च सीसं उक्खिपितुं न देन्ति, खन्धादीनि च खन्धादीहि योजेन्ति ।

कामुपादानादीनीति कामुपादानदिट्ठुपादानसीलब्बतुपादानअत्तवादुपादानानि । दिट्ठुपादानादीनि चेत्थ तथा पवत्ता दिट्ठियेव, कामुपादानं लोभोति धम्मतो द्वे उपादानानि ।

सत्तानुसयाति एत्थ यदि अप्पहीनट्ठेन सत्तसन्ताने अनुसेन्तीति अनुसया । कस्मा सत्तेव वुत्ता, ननु अज्जेसम्पि किलेसानं अप्पहीनभावो विज्जतीति? न मयं अप्पहीनमत्तेन अनुसयं वदाम, किन्तु अप्पहीनभावेन थामगतकिलेसा अनुसयाति, थामगमनञ्च नेसं अज्जेहि असाधारणो सभावो दट्ठब्बो । तथा हि धम्मसभाववेदिना तथागतेन इमेयेव अनुसया वुत्ता, कामरागोयेव अनुसयो कामरागानुसयो । एवं सेसेसुपि । अपरे पन “कामरागस्स अनुसयो”तिआदिनिब्बचनं वत्त्वा कामरागादीनं बीजभूता अत्तभावस्स किलेससम्भूता किलेसुप्पादनसत्ति अनुसयाति वण्णेन्ति, तेसं मतपटिक्खेपो इध पपज्चावहत्ता अनाहटो ।

पाणस्स अतिपातो **पाणातिपातो**, **पाणोति** वोहारतो सत्तो, परमत्थतो जीवितिन्द्रियं । तस्मिं पाणे पाणसज्जिनो जीवितिन्द्रियुपच्छेदकप्पयोगसमुट्ठापिका वधकचेतना पाणातिपातो । परभण्डे तथासज्जिनो तदादायकप्पयोगसमुट्ठापिका थेय्यचेतना **अदिन्नादानं** । असद्धम्मकामताय कायद्वारप्पवत्ता अगन्तब्बट्ठानवीतिक्कमचेतना **कामेसुमिच्छाचारो** । अभूतं वत्थुं भूततो परं विज्जापेतुकामस्स तथा विज्जापनप्पयोगसमुट्ठापिका चेतना **मुसावादो** । सो पन परस्स अत्थभेदकरोव

कम्मपथो, इतरो कम्ममेव । संकिलिद्धचित्तस्स परभेदनकामताय, अत्तपियकम्म्यताय वा परभेदकप्पयोगसमुट्ठापिका चेतना **पिसुणवाचा** । सापि द्वीसु भिन्नेसुयेव कम्मपथो । परमम्मच्छेदकप्पयोगसमुट्ठापिका एकन्तफरुसचेतना **फरुसवाचा** । अनत्थविज्जापनप्पयोगसमुट्ठापिका संकिलिद्धचेतना **सम्फप्पलापो** नाम । सो पन परेहि गहितेयेव कम्मपथो होति । “अहो वतेदं मम होतू”ति एवं परभण्डाभिज्झायनलक्खणा **अभिज्झा** । “अहो वतायं सत्तो विनस्सेय्या”ति एवं मनोपदोसलक्खणो **ब्यापादो** । “नत्थि दिन्न”न्तिआदिना नयेन विपरीतदस्सनलक्खणा **मिच्छादिट्ठि** । एत्थ च नत्थिकअहेतुकअकिरियदिट्ठिहियेव कम्मपथभेदो ।

इमेसु च पाणातिपातादि तिविधं कायकम्ममेव । तं कायवचीद्वारेसुयेव उप्पज्जति, न मनोद्वारे । तथा मुसावादादि चतुब्बिधं वचीकम्ममेव । अभिज्झादिकं पन तिविधं मनोकम्ममेव । तं तीसुपि द्वारेसु पवत्तति । द्वारन्तरेसुपि पवत्तमानस्स सकसकनामापरिच्चागो वुत्तोयेव । धम्मतो चेत्थ आदितो सत्त चेतनासभावा, इतरे तयो चेतनासम्पयुत्ताति दट्ठब्बा । महासावज्जअप्पसावज्जप्पयोगादिभेदो पन तत्थ तत्थ वुत्तनयेन वेदितब्बो ।

एतानीति इमानि मग्गजाणानि । **यथासम्भवन्ति** तंतंमग्गानुरूपं ।

अपायं गच्छन्ति एतेहीति **अपायगमनीया** । **सेसाति** न अपायगमनीया । **ओळारिकाति** ततियमग्गेन पहातब्बावत्थं उपादाय ओळारिका । तेनाह “**सुखुमा ततियमग्गजाणवज्झा**”ति । सुखुमा कामरागपटिघाति सम्बन्धो । **चतुत्थमग्गजाणवज्झा** **एवाति** अवधारणेन पठममग्गादिवज्झतं निवत्तेति । न हि रूपरागादीनं अपायगामिनियावत्थापि अत्थि, यतो ते पठमजाणवज्झापि सियुन्ति ।

यत्थ यत्थ पन एव-सहेन अवधारणं अकत्वा यं यं दुतियजाणवज्झन्ति वा ततियजाणवज्झन्ति वा चतुत्थजाणवज्झन्ति वा वक्खति, तत्थ तत्थ सो सो पुरिमजाणेहि हतापायगमनीयादिभावोव हुत्वा उपरिजाणवज्झो होतीति वेदितब्बो । तेन **लोभ...पे०... चतुत्थजाणवज्झानीति** एत्थ लोभादयो हेट्ठिमग्गवज्झापि होन्तेव ।

यसेति परिवारे ।

दुक्खे सुखन्ति सज्जाचित्तविपल्लासाति सम्बन्धो ।

अगतियो पठममग्गजाणवज्झाति किज्जापि छन्दादयो तण्हादिसभावा उपरिमग्गवज्झा, तथापि तम्मूलकस्स अकत्तब्बकरणस्स, कत्तब्बाकरणस्स च अपायगमनीयताय पठममग्गजाणवज्झा ।

कताकतकुसलाकुसलविसयं यं विप्पटिसारभूतं **कुक्कुच्चं**, तं इध ततियजाणवज्झं वुत्तं । यं पन “कुक्कुच्चपकतताय आपत्तिं आपज्जती”ति वुत्तं कुक्कुच्चं, तं सन्धाय “कुक्कुच्चविचिकिच्छा सोतापत्तिमग्गेन पहीयन्ती”ति (ध० स० अट्ठ० ११७६) **धम्मसङ्गणीअट्ठकथायं** वुत्तं, तस्मा द्विन्नं वचनानं अयं अधिप्पायो वेदितब्बो । अज्जेसुपि एदिसेसु ठानेसु अधिप्पायोव परियेसितब्बो, न विरोधतो पच्चेतब्बं । ओळारिकानवसेसप्पहानं वा सन्धाय कुक्कुच्चस्स पठमततियजाणवज्झता वुत्ता । यं पन अरहतो उप्पज्जमानं “भगवता पटिक्खित्तं अनुवसित्वा अनुवसित्वा आवसथपिण्डं भुज्जितुन्ति कुक्कुच्चायन्तो न पटिग्गहेसी”ति (पाचि० २०४) आगतं कुक्कुच्चं, न तं नीवरणं । न हि नीवरणं अरहतो उप्पज्जति, नीवरणपतिरूपकं पन कप्पतीति वीमंसनभूतं विनयकुक्कुच्चं नाम, तं तथापवत्तचित्तुप्पादोव ।

कामरागपटिधानुसया अनुसहगता ततियजाणवज्झा, ओळारिकानं पन दुतियजाणवज्झता हेट्ठा वुत्तनयाव ।

अकुसलचित्तुप्पाद-ग्गहणेन चेत्य मक्खपलासमायासाठेय्यथम्भसारम्भादीनं सङ्गहो कतोति दट्ठब्बं ।

१३७६. तेन तेनाति तेन तेन घातकेन सद्धिं । किं पनेतानि एते धम्मे घातेन्तानि अतीतानागते घातेन्ति, उदाहु पच्चुप्पन्नेति । किं पनेत्थ, यदि ताव अतीतानागते, अफलो वायामो आपज्जति । कस्मा? पहातब्बानं तदा नत्थिताय । अथ पच्चुप्पन्ने, तथापि अफलो वायामेन सद्धिं पहातब्बानं अत्थिताय । अथापि कथञ्चि पहानं सिया, संकिलेसिका मग्गभावना आपज्जति पहातब्बप्पहायकानं सहावट्ठानतो? सच्चमेतं, ये पन मग्गेन असमुग्घाटितत्ता कारणलाभे सति अवस्सं उप्पज्जनारहा किलेसा, ते अत्तनो उप्पत्तिया अनुप्पत्तिधम्मं आपादेन्तानि एतानि ते अनागते घातेन्ति नाम ।

१३७७-८२. परिज्जादीनि किच्चानीति परिज्जापहानसच्छिकिरियाभावनावसेन चत्तारि किच्चानि । **वुत्तानीति** “दुक्खं परिज्जेय्य”न्तिआदिना (सं० नि० ५.१०९९), “यो, भिक्खवे, दुक्खं पस्सती”तिआदिना (सं० नि० ५.११००) च वुत्तानि । **सच्चाभिसमयेति** चतुन्नं अरियसच्चानं पटिविज्झनक्खणे ।

यथासभावतोति अविपरीतसभावेन । “**जानितब्बानी**”ति वत्वा कथं पनेतं जानितब्बं, कथं नाम **एकेकस्स जाणस्स एकक्खणे** चत्तारि किच्चानि सम्भवन्ति । न हि तादिसं किञ्चि लोके दिट्ठं अत्थि, न च वचनं लब्धतीति चोदनं मनसि निधाय तेसं जाननविधिं उपमावसेन ताव दस्सेतुं “**पदीपो ही**”तिआदि वुत्तं । **विदंसेतीति** दस्सेति । **परियादियतीति** खेपेति ।

१३८३-४. परिज्जाभिसमयेनाति अनवसेसतो परिच्छिज्ज जाननसङ्घातेन पटिविज्झनेन । **अभिसमेतीति** असम्मोहवसेन पटिविज्झति । **पहानाभिसमयेनेवाति** समुच्छेदप्पहानसङ्घातेन पटिविज्झनेन असम्मोहतोव अभिसमेति । **भावनाविधिनाति** सहजातादिपच्चयतावसेन भावनाभिसमयविधिना । मग्गजाणहि सम्मासङ्कप्पादिवसेन मग्गपुब्बभागभावनासम्भूतेन अरियमग्गभावनासङ्घातेन पटिविज्झनेन अभिसमेतीति अट्ठङ्गिकं मग्गं असम्मोहतो पटिविज्झति । तज्हि सम्पयुत्तधम्मेसु सम्मोहं विद्धंसेन्तं अत्तनिपि सम्मोहं विद्धंसेतियेव । **निरोधन्ति निब्बानं । सच्छिकरोतीति** पच्चक्खकरणवसेन पटिविज्झति । “निरोधं सच्छिकरोती”ति निरोधसच्चमेकं आरम्भणपटिवेधेन चत्तारिपि सच्चानि असम्मोहपटिवेधेन मग्गजाणं पटिविज्झति ।

एवं युत्तिवसेन विभावितं एकपटिवेधं आगमेनपि साधेतुं “**वुत्तमि चेत**”न्तिआदि वुत्तं । **मग्गसमङ्गिस्स जाणन्ति** हि “यो नु खो, आवुसो, दुक्खं पस्सति, दुक्खसमुदयमि सो पस्सति, दुक्खनिरोधमि, दुक्खनिरोधगामिनिपटिपदमि सो पस्सती”ति (सं० नि० ५.११००) एकसच्चदस्सनसमङ्गिनो अज्जसच्चदस्सनसमङ्गिभावविचारणायं तमत्थं साधेतुं आयस्मता गवम्पत्तिथेरेन वुत्तं । अज्जथा कमाभिसमये सति पुरिमदिट्ठस्स पुन अदस्सनतो समुदयादिपस्सतो दुक्खादिदस्सनं पुन अवत्तब्बं सिया । इदानी पनेत्थ उपमासंसन्दनं करोन्तो आह “**पदीपो**”तिआदि । निस्सयाभावहेतुताय दुक्खपरिज्जाय वट्ठिज्जापनसदिसता, पटिपक्खविद्धंसनताय समुदयप्पहानस्स अन्धकारविनासनसदिसता, जाणालोकपरिबूहनताय मग्गभावनाय आलोकविदंसनसदिसता, तेन तेन मग्गेन यथा यथा निरोधस्स सच्छिकिरिया, तथा तथा किलेसस्नेहपरियादानं होतीति निरोधसच्छिकिरियाय स्नेहपरियादानसदिसता कारणूपचारेन वुत्ता ।

१३८५-६. अपरायपि उपमाय तमत्थं दस्सेन्तो आह “**उग्गच्छन्तो**”तिआदि । **ओभासेतीति** पकासेति ।

पटिहज्जतीति पटिप्पस्सम्भेति । एत्थापि यथा सूरियो रूपगतानि ओभासेति, एवं मग्गजाणं दुक्खं परिजानाति । यथा अन्धकारं विनासेति, एवं समुदयं पजहति । यथा आलोकं दस्सेति, एवं सहजातादिपच्चयताय मग्गं भावेति । यथा सीतं पटिप्पस्सम्भेति, एवं सब्बकिलेसदरथपरिळाहपटिप्पस्सद्धिभूतं निरोधं सच्छिकरोतीति उपमासंसन्दनं दट्ठब्बं ।

१३८८. अप्पेतीति पप्पोति । दुक्खपरिज्जाय सक्कायतीरसमतिक्कमभावतो ओरिमतीरप्पजहनसदिसता, मग्गभावनाय सत्ततिसबोधिपक्खियधम्मवहनताय भण्डवहनसदिसता, एत्तावता पज्जाभावनाय नानाकिलेसविद्धंसनवसप्पवत्तो आनिसंसो दस्सितो होतीति ।

अरियफलसमापत्तिनिरोधसमापत्तियोपि पनस्सा आनिसंसाति दट्ठब्बं । ता पन सङ्खेपतो एवं दट्ठब्बा — “अरियफलसमापत्ती”ति हि चतुन्नम्पि फलट्ठानं अत्तनो अत्तनो अरियफलस्स दिट्ठधम्मसुखविहारत्थं निरोधे अप्पना । चत्तारोपि हि अरियपुग्गला सकं सकं फलसमापत्तिं समापज्जन्ति । केचि पन “अनागामिअरहन्तोव समापज्जन्ति समाधिस्मिं परिपूरकारिताया”ति वदन्ति, तं अकारणं अत्तना पटिलद्धसमापत्तिसमापज्जने समाधिस्मिं परिपूरकारिताय कातब्बाभावतो । सब्बसो असमुच्छिन्नकिलेसस्स हि पुथुज्जन्स्सापि अत्तना पटिलद्धलोकियसमापत्तिसमापज्जनं लब्भति, किमङ्गं पन समुच्छिन्नेकच्चकिलेसानं अरियानं । उपरिमा पन हेट्ठिमं पुब्बे पटिलद्धम्पि न समापज्जन्ति पुग्गलन्तरभावं उपगतत्ता । समुग्घाटितकम्मकिलेसनिरोधेनेन हि पुथुज्जनेहि विय सोतापन्नस्स, सोतापन्नादीहि सकदागामिआदीनं पुग्गलन्तरभावूपगमनं अत्थि, अनन्तरफलत्ता च लोकुत्तरकुसलानं हेट्ठिमतो उपरिमो भवन्तरगतो विय होतीति तस्स तस्स अरियस्स तं तं फलं भवङ्गसदिसं होति, तस्मा पुग्गलन्तरभावूपगमनेन पटिप्पस्सद्धत्ता नत्थि उपरिमस्स हेट्ठिमफलसमापत्तिया समापज्जनं, हेट्ठिमो पन उपरिमं न समापज्जति अनधिगतत्ताति चत्तारोपि पुग्गला सकसकफलमेव समापज्जन्ति । तं पन समापज्जितुकामेन अरियसावकेन रहोगतेन पटिसल्लीनेन उदयब्बयादिवसेन सङ्खारा विपस्सितब्बा । तस्स पवत्तानुपुब्बविपस्सनस्स सङ्खारारम्भणगोत्रभुजाणानन्तरं फलसमापत्तिवसेन निरोधे चित्तं अप्पेति । फलसमापत्तिनिन्नचित्तताय चेत्य सेखस्स फलमेव उप्पज्जति, न मग्गो । अज्जो एव हि विपस्सनाचारो अरियमग्गावहो, अज्जो फलसमापत्तिआवहो ।

तथा हि अरियमग्गवीथियं अनुलोमजाणानि अनिब्बिद्धपुब्बानं थूलथूललोभक्खन्धादीनं सातिसयं पदालनेन लोकियजाणेषु उक्कंसपारमिप्पत्तानि मग्गानुकूलानि हुत्वा उप्पज्जन्ति, फलसमापत्तिवीथियं पन तानि तेन तेन मग्गेन तेसं तेसं किलेसानं समुच्छिन्नत्ता किलेसविक्खम्भने निरुस्सुक्कानि केवलं अरियानं फलसमापत्तिसुखसमङ्गिभावस्स परिकम्मप्पत्तानि हुत्वा उप्पज्जन्तीति न तेसं कुतोचि वुट्ठानसम्भवो । यतो नेसं पच्छिमो सङ्खारनिमित्ततो वुट्ठित्वा मग्गस्स अनन्तरपच्चयो भवेय्य, तेनेव च फलसमापत्तिया अनन्तरपच्चयभूतं जाणं सङ्खारारम्भणमेव होति, न निब्बानारम्भणन्ति वेदितब्बं । पुब्बाभिसङ्खारवसेन चस्सा पबन्धवसेन पवत्तिपरिच्छिन्नकालापगमे भवङ्गवसेन ततो वुट्ठानञ्च वेदितब्बं ।

निरोधसमापत्ति पन ततियचतुत्थफलट्ठानं अनुपुब्बनिरोधवसेन चित्तचेतसिकानं धम्मानं अप्पवत्ति । अनागामिअरहन्तोयेव हि कामच्छन्दादिसमुच्छिन्दनेन समाधिस्मिं परिपूरकारिताय समथफलसमन्नागतत्ता निरोधं समापज्जन्ति । तथा हेतं समथविपस्सनानं युगनन्धभावप्पवत्तनवसेन द्वीहि बलेहि समन्नागतस्सेव सम्भवति, तस्मा तं समापज्जितुकामेन अनागामिना, खीणासवेन वा अट्ठसमापत्तिलाभिना रहोगतेन पटिसल्लीनेन पठमज्झानं समापज्जित्वा वुट्ठाय तत्थ सङ्खारा अनिच्चतो दुक्खतो अनत्ततो विपस्सितब्बा, ततो दुतियं ततियं चतुत्थं आकासानञ्चायतनं विज्जाणञ्चायतनं समापज्जित्वा वुट्ठाय तथेव तत्थ सङ्खारा सम्मसितब्बा, अथ आकिञ्चज्जायतनं समापज्जित्वा वुट्ठाय

नानाबद्धाविकोपनं सङ्घपटिमाननं सत्थुपक्कोसनं अद्धानपरिच्छेदोति चतुब्बिधं पुब्बकिच्चं कातब्बं ।

तत्थ सरीरतो विसंयुत्ता मञ्चपीठादयो सत्ताहब्भन्तरे यथा न नस्सन्ति, तथा अधिष्ठानं नानाबद्धाविकोपनं । सरीरसंयुत्ते विसुं अधिष्ठानकिच्चं नत्थि । सङ्घो पन जत्तिकम्मादीसु किञ्चिदेव कम्मं कत्तुकामो “याव मं न पक्कोसति, तावदेव वुट्ठहिस्सामी”ति पुब्बाभोगकरणं सङ्घपटिमाननं । सत्था च “सिक्खापदपज्जापनादीसु याव मं न पक्कोसति, तावदेव वुट्ठहिस्सामी”ति पुब्बाभोगकरणं सत्थुपक्कोसनं । सत्ताहब्भन्तरे अत्तनो आयुसङ्घारस्स पवत्तनसमत्थतावलोकनं अद्धानपरिच्छेदो । एवं कतपुब्बकिच्चेन नेवसज्जानासज्जायतनं समापज्जितब्बं । अथेकं वा द्वे वा चित्तवारे अतिक्कमित्वा अचित्तको होति, निरोधं फुसति, ततो यथापरिच्छेदं ततियचतुत्थफलानं अज्जतरेन निरोधा वुट्ठहिस्सतीति । एवमयं दुविधा समापत्ति लोक्कुत्तरपज्जाय आनिसंसो ।

१३९२-४. सदेवकलोकतो उत्तिण्णेन, उत्तरितरेन वाति लोक्कुत्तरेन सम्मासम्बुद्धेन । पज्जाय भावनन्ति सम्बन्धो । हितभावनन्ति इधलोकपरलोकहितविभावनं इमं पज्जाभावनं । सुखसंहितन्ति सिनिद्धच्छायुदकवन्ततादिना सुखसहितं । हितन्ति योगकम्मस्स हितं । उत्तमन्ति उगगततमं, अच्चुगतं बलवन्तम्पीति अधिष्पायो । अविग्गहकम्पदन्ति विग्गहज्ज कम्पज्ज न देतीति अविग्गहकम्पदन्ति अत्थो ।

इति अभिधम्मत्थविकासिनिया नाम

अभिधम्मावतारसंवण्णनाय

किलेसप्पहानकथावण्णना निड्ढिता ।

२४. चतुर्वीसतिमो परिच्छेदो

पच्चयनिद्देसवण्णना

१३९५. इदानीं नेसं पच्चयविधिं दस्सेतुं “येस”न्तिआदि आरब्धं ।

पटिच्च एनं फलमेति पवत्तति, तिड्ढति, उप्पज्जति वाति पच्चयो, हिनोति पतिट्ठाति एत्थाति हेतु, अनेकत्थत्ता धातुसद्धानं हि-सद्दो मूल-सद्दो विय पतिट्ठत्थो वेदितब्बो, हिनोति वा एतेन कम्मनिदानभूतेन उद्धं ओजं अतिहरन्तेन मूलेन विय पादपो तप्पच्चयं फलं गच्छति विरुळ्ळिह आपज्जतीति हेतु, हेतु च सो मूलट्ठेन, पच्चयो च उपकारकट्ठेनाति हेतुपच्चयो, हेतु हुत्वा पच्चयो हेतुभावेन पच्चयोति अत्थो ।

एवं आरम्भणपच्चयादीसु दट्ठब्बं । स्वायं पटिसन्धियं कम्मसमुद्धानानं, पवत्तियं चित्तसमुद्धानानं रूपानं, उभयत्थ सहजातनामधम्मानज्ज पच्चयो । सब्बलोकियलोक्कुत्तरन्ति इमिना पज्जत्तियापि लोके विदितभावेन लोकियपदेन सङ्गहितत्ता रूपादिभेदेसु छब्बिधेसु सङ्घातासङ्घतपज्जत्तिधम्मेसु न कोचि धम्मो आरम्भणपच्चयो न होतीति दस्सेति । तेनेव “यं यं धम्मं आरब्भा”ति अनियतो कतोति । ननु च “यं यं धम्म”न्ति (पट्ठा० १.१.२-३) वुत्तत्ता पज्जत्तिया गहणं न होतीति? नायं दोसो धम्मसदस्स जेय्यवचनत्ता । आरब्भाति आलम्बित्वा, गहेत्वाति अत्थो । उप्पज्जन्तीति इदं निदस्सनमत्तं । ते पन तं आरब्भ उप्पज्जन्ति चेव तिड्ढन्ति च । यथा हि दुब्बलो पुरिसो दण्डं वा रज्जुं वा आलम्बित्वा उट्ठहति

चेव तिद्वुत्ति च, एवं चित्तचेतसिका धम्मा रूपादिआरम्भणं आलम्बित्वा उप्पज्जन्ति चेव तिद्वुत्ति चाति ।

जेडुकट्टेन उपकारको धम्मो **अधिपतिपच्चयो** । **जेडुकट्टेनाति** च पमुखभावेन । अत्ताधीनानज्झि पतिभूतो धम्मो अधिपतीति सो तेसं पमुखभावेन पवत्तति । “छन्दाधिपति छन्दसम्पयुत्तकानं धम्मानं तंसमुद्धानानज्ज रूपाणं अधिपतिपच्चयेन पच्चयो”ति आदिवचनतो छन्दादयो चत्तारो धम्मा सहजातनामरूपाणं सहजाताधिपतीति दस्सेन्तो आह “**तत्थ सहजाताधिपती**”ति आदि । “छन्दवतो किं नाम कम्मं न सिज्जती”ति आदिकं पुरिमाभिसङ्खारूपनिस्सयं लभित्वा उप्पज्जमाने चित्तुप्पादे छन्दादयो धुरभूता जेडुकभूता सम्पयुत्तधम्मे, तंसमुद्धानरूपे च साधयमाना वसे वत्तयमाना हुत्वा पवत्तन्ति, ते च तेसं वसेन वत्तन्ति हीनादिभावेन तदनुवत्तनतो । तेन ते अधिपतिपच्चया होन्ति, नो च खो एकतो । यदा हि छन्दं धुरं छन्दं जेडुकं कत्वा चित्तं पवत्तति, तदा छन्दोव अधिपति, न इतरे । एस नयो सेसेसुपि । अधिपतिभावोपि हि नेसं अत्तनो पवत्तिनिवारके अभिभुय्य पवत्तनतो होति । **अवसेसन्ति** यथावुत्तानं तेसं गरुकातब्बताभावतो, गरुकतस्सेव च आरम्भणाधिपतिभाववचनतो । वुत्तज्हेतं “यं यं धम्मं गरुं कत्वा ये ये धम्मा उप्पज्जन्ति चित्तचेतसिका धम्मा, ते ते धम्मा तेसं तेसं धम्मानं अधिपतिपच्चयेन पच्चयो”ति (पट्ठा० १.१.३) । तत्थ **गरुं कत्वा**ति गरुकारचित्तीकारवसेन वा अस्सादनवसेन वा गरुं भारिकं लद्धब्बं अनवज्जातं कत्वा । गरुकातब्बज्झि आरम्भणं तन्निन्नपोणपब्भारानं अस्सादनपच्चवेक्खणमगगफलानं अत्तनो वसे वत्तयमानं विय पच्चयो होति, तस्मा अयं अत्ताधीनानं पतिभावेन उपकारकत्ता अधिपतिपच्चयो दट्ठब्बो ।

अन्तरयतीति अन्तरं, ब्यवधायकन्ति अत्थो, नास्स अन्तरं विज्जतीति अनन्तरो, सोयेव पच्चयोति **अनन्तरपच्चयो**, अनन्तरभावेन उपकारको धम्मोति अधिष्ठाया । **अनन्तरनिरुद्धा**ति अत्तनो निरोधानन्तरं अनुरूपचित्तुप्पादस्स उप्पत्तिपच्चयभावेन तस्स उप्पत्तिया पुरिमभागे अनन्तरं हुत्वा निरुद्धा, रूपधम्मा पन अनन्तरपच्चया नत्थि ।

समनन्तरभावेन उपकारको धम्मो **समनन्तरपच्चयो**, तथा समनन्तरपच्चयोपीति ठपेत्वा उपसगगमत्तं न एत्थ कोचि विसेसो । यो हि अनन्तरपच्चयो, सोव समनन्तरपच्चयोति । पुरिमपच्छिमानज्झि अनन्तरुप्पादभावतो निरन्तरुप्पादनसमत्थता अनन्तरपच्चयता, रूपकलापानं विय सण्ठानाभावतो पच्चयपच्चयुप्पन्नानं सहद्वानाभावतो च “इदमितो उद्धं हेट्ठा तिरिय”न्ति विभागाभावा अत्तनो एकत्तमिव उपनेत्वा सुदु अनन्तरभावेन उप्पादेतुं समत्थता समनन्तरपच्चयता, तस्मा धम्मतो अविसेसेपि विनेय्यवसेन ब्यज्जनत्थमत्ततो विसेसं गहेत्वा तेसं विसुं देसना कता । यम्पि “अत्थानन्तरताय अनन्तरपच्चयो, कालानन्तरताय समनन्तरपच्चयो”ति आचरियानं मतं, तं “निरोधा वुद्धहन्तस्स नेवसज्जानासज्जायतनं कुसलं फलसमापत्तिया समनन्तरपच्चयेन पच्चयो”ति आदीहि (पट्ठा० १.१.४१८) विरुज्जतीति आदिना पटिक्खित्तं ।

उप्पज्जमानोव सहुप्पादनवसेन उपकारको धम्मो सहजातपच्चयो पकासस्स पदीपो विय, सो पनायं “चित्तचेतसिका धम्मा अज्जमज्जं, सहजातरूपानज्ज, महाभूता अज्जमज्जं, उपादारूपानज्ज, पटिसन्धिकखणे वत्थुविपाका अज्जमज्ज”न्ति च तिविधो होति, तस्मा वुत्तं “**चित्तचेतसिका**”ति आदि । यम्पि हि पाळियं अरूपक्खन्धादिवसेनस्स छब्बिधतं वुत्तं, तम्पि एत्थेव सङ्गहितं । यो पनेत्थ सेसरूपधम्मानं, उभयत्थ वत्थुनो च पवत्तिया अरूपधम्मानं, उपादारूपानज्ज अज्जमज्जं महाभूतानं सहजातपच्चयत्ताभावो, सो पच्चयभावसामत्थियविसेसायोगतोति दट्ठब्बं ।

अज्जमज्जं उप्पादनुपत्थम्भनभावेन अत्तनो उपकारकस्स उपकारको धम्मो अज्जमज्जपच्चयो । अज्जमज्जुपत्थम्भकतिदण्डकं विय उपकारकता च अज्जमज्जतावसेनेव दट्ठब्बा, न सहजातादिवसेन । सहजातादिपच्चयो

होन्तोयेव हि कोचि कस्सचि अज्जमज्जपच्चयो न होति चित्तचेतसिकानं चित्तजरूपे सति, महाभूतानं उपादारूपे सति अज्जमज्जपच्चयत्ताभावतो । यथाह “चत्तारो खन्धा अरूपिनो अज्जमज्जपच्चयेन पच्चयो, चत्तारो महाभूता...पे०... ओक्कन्तिक्खणे नामरूपं अज्जमज्जपच्चयेन पच्चयो”ति (पट्ठा० १.१.७) । आचरियेन पन पच्चयुप्पन्नधम्मो अपरामसित्वा वुच्चमानत्ता अविसेसेन वुत्तं “तथा अज्जमज्जपच्चयो”ति ।

तरुआदीनं पथवी विय अधिद्वानाकारेन, चित्तकम्मादीनं पटादयो विय च निस्सयाकारेन उपकारको धम्मो निस्सयपच्चयो । **वत्थुरूपाणी**ति सत्तन्नं विज्जाणधातूनं अधिद्वानाकारेन निस्सयपच्चयभूतानि वत्थुरूपानि । **महाभूता चित्तचेतसिका चा**ति अज्जमज्जं, उपादारूपानज्जं तथेव निस्सयभूतानि महाभूतानि अज्जमज्जं, सहजातरूपानज्जं निस्सयाकारेन पच्चयानि चित्तचेतसिकानि, तदधीनवुत्तिताय अत्तनो फलेन निस्सितो न पटिक्खित्तोति निस्सयो ।

यथा पन भुसो आयासो उपायासो, एवं भुसो निस्सयो उपनिस्सयो, बलवकारणन्ति अत्थो, तस्मा बलवकारणभावेन उपकारको धम्मो उपनिस्सयपच्चयोति वेदितब्बो । सो आरम्मणूपनिस्सयो अनन्तरूपनिस्सयो पकतूपनिस्सयोति तिविधोति आह “**आरम्भणा**”तिआदि । तत्थ —

“दानं दत्त्वा सीलं समादियित्वा उपोसथकम्मं कत्वा तं गरुं कत्वा पच्चवेक्खति, पुब्बे सुचिण्णानि गरुं कत्वा पच्चवेक्खति, झाना वुट्ठहित्वा झानं गरुं कत्वा पच्चवेक्खति, सेखा गोत्रभुं गरुं कत्वा पच्चवेक्खन्ति, वोदानं गरुं कत्वा पच्चवेक्खन्ति, सेखा मग्गा वुट्ठहित्वा मग्गं गरुं कत्वा पच्चवेक्खन्ती”ति (पट्ठा० १.१.४२३) —

एवमादिना नयेन आरम्मणूपनिस्सयो ताव आरम्भणाधिपतिना सद्धिं नानत्तं अकत्वाव विभत्तो । तेनाह “**आरम्मणूपनिस्सयो आरम्भणाधिपतियेवा**”ति । किञ्चापि नानत्तं अकत्वा विभत्तो, तथापि अयं तेसं विसेसो — यं आरम्मणं गरुं कत्वा चित्तचेतसिका उपपज्जन्ति, तं नियमतो तेसं आरम्मणेषु बलवारम्मणं होति । इति गरुकातब्बमत्तट्ठेन आरम्मणाधिपति, बलवकारणट्ठेन आरम्मणूपनिस्सयोति च एवमेतेसं नानत्तं वेदितब्बं ।

अनन्तरूपनिस्सयोपि “पुरिमा पुरिमा कुसला खन्धा पच्छिमानं पच्छिमानं कुसलानं खन्धानं उपनिस्सयपच्चयेन पच्चयो”तिआदिना (पट्ठा० १.१.४२३) नयेन अनन्तरपच्चयेन सद्धिं नानत्तं अकत्वाव विभत्तोति आह “**अनन्तरूपनिस्सयो पन अनन्तरपच्चयोवा**”ति । एवं सन्तेपि अत्तनो अनन्तरा अनुरूपचित्तुप्पादवसेन अनन्तरपच्चयो, बलवकारणवसेन अनन्तरूपनिस्सयपच्चयोति एवमेतेसं नानत्तं वेदितब्बं ।

पकतिया एव पच्चयन्तररहितेन अत्तनो सभावेनेव उपनिस्सयो **पकतूपनिस्सयो**, आरम्मणअनन्तरेहि अमिस्सोव पुथगेव कोचि उपनिस्सयोति वुत्तं होति । अथ वा पकतो उपनिस्सयो **पकतूपनिस्सयो** । **पकतो**ति चेत्य प-कारो उपसगो, सो अत्तनो फलस्स उप्पादनसमत्थभावेन सन्ताने निष्फादितभावं, उपसेवितभावज्ज दीपेति, तस्मा अत्तनो सन्ताने निष्फन्नो वा कायिकसुखदुखसद्भासीलादि उपसेवितो वा उतुभोजनादि पकतूपनिस्सयोति अत्थो । उपसेवनज्जेत्थ दुविधं उपयोगोपसेवनं आरम्मणूपसेवनज्ज । एवज्ज कत्वा अनागतस्सापि उपनिस्सयपच्चयता लद्धा होति । **कायिकसुख...पे०... यो चा**ति एत्थ कायिकसुखदुखानि रागसद्भादीनं, उतुभोजनादयो चित्तसमाधानादीनं, सद्भासीलादयो सद्भासीलादीनज्ज उपनिस्सया होन्ति । **आदि-**सद्देन यं यं उपनिस्साय यस्स यस्स सम्भवो, तं तं तस्स तस्स उपनिस्सयपच्चयभूतं सङ्गणहाति । पच्चयमहापदेसो हेस, यदिदं उपनिस्सयपच्चयोति ।

पच्चयुप्पन्नतो पठमतरं उप्पज्जित्वा वत्तमानभावेन उपकारको धम्मो **पुरेजातपच्चयो**। सो च रूपधम्मोव समानो अरूपधम्मस्सेव होति। तेनाह “**वत्थुपुरेजातो नामा**”तिआदि। यथा चेत्थ “**वत्थुरूपाणी**”ति हृदयवत्थुनोपि गहणं, एवं “**रूपादीनी**”तिआदि-गहणेन धम्मारम्मणस्सापि गहणं दट्ठब्बं। ननु च पञ्चारम्मणानेव आरम्मणपुरेजातभावेन आगतानीति? सच्चं आगतानि, पञ्हावारे पन “सेखा वा पुथुज्जना वा चक्खुं अनिच्चतो दुक्खतो अनत्ततो विपस्सन्ती”तिआदिना (पट्ठा० १.१.४२४) अविसेसेन पच्चुप्पन्नचक्खादीनम्पि गहितत्ता धम्मारम्मणस्स आरम्मणपुरेजातभावो न सक्का पटिबाहितुं। अत्थतोपि हेतं सिद्धं “यं यं पच्चुप्पन्नं आरम्मणं गहेत्वा मनोद्वारे चित्तं पवत्तति, तं तस्स आरम्मणपुरेजातं होती”ति। एत्थ च निस्सयारम्मणाकारादीहि विसिद्धा पुरेजातभावेन विना उपकारभावं अगच्छन्तानं वत्थारम्मणानं पुरेजाताकारेण उपकारकता पुरेजातपच्चयताहि अयमस्स निस्सयारम्मणपच्चयताहि विसेसो।

गिज्झपोतकसरीरानं आहारासा चेतना विय पुरेजातानं रूपानं उपत्थम्भकभावेन उपकारको धम्मो **पच्छाजातपच्चयो**। मनोसज्जेतनाहारवसेन हि पच्छाजातचित्तचेतसिकेहि विना सन्तानट्ठितिहेतुभावं अगच्छन्तानं पच्छाजाताकारेण चित्तचेतसिकानं उपकारकता विप्पयुत्ताकारादीहि विसिद्धा पच्छाजातपच्चयताहि एवं सब्बपच्चयानं पच्चयन्तराकारविसिद्धा उपकारकता दट्ठब्बा। सो पन “पच्छाजाता चित्तचेतसिका धम्मा पुरेजातस्स इमस्स कायस्स पच्छाजातपच्चयेन पच्चयो”ति (पट्ठा० १.१.११) आगतत्ता एकविधोति आह “**चित्तचेतसिकावा**”ति।

पुरिमपुरिमपरिचितगन्थो विय उत्तरुत्तरस्स गन्थस्स कुसलादिभावेन अत्तसदिसपगुणबलवभावविसिद्धं अत्तसजातियतागाहकं आसेवनं, तेन पच्चया सजातियधम्माव **आसेवनपच्चयो**। भिन्नजातिका हि भिन्नजातिकानं आसेवनगुणेन पगुणबलवभावविसिद्धं कुसलादिभावसङ्घातं अत्तनो गतिं गाहापेतुं न सक्कोन्ति, न च सयं ततो गणहन्ति। ते पन अनन्तरातीतानि लोकियकुसलाकुसलानि चेव अनावज्जनकिरियाजवनानि चाति आह “**ठपेत्वा आवज्जनद्वयं**”न्तिआदि। “न मग्गपच्चया आसेवने एक”न्ति (पट्ठा० १.१.२२१) वचनतो अहेतुककिरियासु हसितुप्पादस्सेव आसेवनभावेन, आवज्जनद्वयं आसेवनपच्चयो न होति, लोकुत्तरम्पि कुसलं भिन्नजातिकस्सेव फलस्स पुरेचरत्ता न तेन, आसेवनगुणं गणहापेति, विपाकाब्याकतम्पि कम्मवसेन। विपाकभावप्पत्तं कम्मपरिणामितं कम्मवेगक्खित्तं पतितं विय हुत्वा पवत्तमानं अत्तनो सभावं गाहेत्वा परिभावेत्वा नेव अज्जविपाकं पवत्तेति, न च पुरिमविपाकानुभावं गहेत्वा उप्पज्जति। लोकुत्तरविपाकम्पि हि किञ्चापि जवनवसेन उप्पज्जति, आसेवनगुणं पन गणहाति, न च अज्जं गाहापेति। यम्पि “आसेवनविनिमुत्तं जवनं नत्थी”ति **आचरियधम्मपालत्थे**रेण वुत्तं, तम्पि “येभ्युवसेन वुत्त”न्ति विज्जायति, इतरथा पन आचरियस्स असमपेक्खिताविधायकत्तप्पसङ्गतो। तथा हि वुत्तं **पट्टानट्ठकथायं** “लोकुत्तरो पन आसेवनपच्चयो नाम नत्थी”ति (पट्ठा० अट्ठ० १.१२)। मग्गो पन गोत्रभुतो आसेवनं न गणहातीति नत्थि भूमिआदिवसेन नानाजातिकताय अनधिप्पेतत्ता। तथा हि वुत्तं **पट्टाने** “गोत्रभु मग्गस्स आसेवनपच्चयेन पच्चयो, वोदानं मग्गस्स आसेवनपच्चयेन पच्चयो”ति (पट्ठा० १.१.४२६)।

चित्तप्पयोगसङ्घातआयूहनकिरियाभावेन सहजातानं, नानक्खणिकानज्ज उपकारको धम्मो **कम्मपच्चयो**। कम्मन्ति हि चेतना वुच्चति, सा च आयूहनब्यापारा। पच्चयुप्पन्नेन सह उप्पन्ना **सहजाता**, पच्चयुप्पन्नतो नानक्खणे भवा **नानक्खणिका**। सहजाता लोकियलोकुत्तरा चेतनाति सम्बन्धो। सा सहजातनामानं, तंसमुद्धानानज्ज रूपानं पच्चयो, इतरा पन विपाककटत्तरूपानन्ति दट्ठब्बं। **सासवकुसलाकुसलचेतनाति** अत्तनो उप्पादविसिद्धे सन्ताने सेसपच्चयसमागमे पवत्तमानानं विपाककटत्तरूपानं सन्तानविसेसनकिरियाभावेन उपकारिका कामरूपारूपकुसलचेतना, अकुसलचेतना च। तस्सा हि तथा किरियाभावेन पवत्तत्ता तेसं पवत्ति, न अज्जथा। इतरा पन सहजातानं आयूहनकिरियाभावेन पवत्तमाना

उपकारिकाति वत्तब्बं । अवधारणेन पनेत्थ चेतनासम्पयुत्तं अभिज्झादिकम्मं पटिक्खिपति सतिपि विपाकधम्मसभावे चेतनावज्जानं अतंसभावत्ता । **अनासव...पे०... पच्चयोति** इमिना लोकियकुसलचेतनाय विसेसमत्तं दस्सेति, न नानक्खणिककम्मपच्चयताभावं । एवञ्च कत्वा वुत्तं **अट्ठकथायं** “अरूपावचरचेतना, पन लोकुत्तरचेतना च उप्पज्जित्वा निरुद्धा अत्तनो अत्तनो विपाकक्खन्धानं नानक्खणिककम्मपच्चयेन पच्चयो”ति ।

अत्तनो निरुस्साहसन्तभावेन सहजातनामरूपानं निरुस्साहसन्तभावाय उपकारका अरूपधम्माव **विपाकपच्चयो** । तेनाह “**विपाकचित्तचेतसिका**”ति । ते हि पयोगेन असाधेतब्बताय कम्मस्स कतत्ता निप्फज्जनमत्ततो निरुस्साहसन्तभावा होन्ति, न किलेसवूपसमसन्तभावा । निरुस्साहसन्तभावतो एव हि भवङ्गादयो दुविज्जेय्या । पञ्चद्वारेपि हि जवनप्पवत्तियाव रूपादीनं गहितता विज्जायति । अभिनिपातसम्पटिच्छनसन्तीरणमत्ता पन विपाका दुविज्जेय्या एव ।

रूपारूपानं उपत्थम्भकट्टेन उपकारो **आहारपच्चयो** । सतिपि हि जनकभावे उपत्थम्भकत्तमेव आहारस्स पधानकिच्चं, जनयन्तोपि च आहारो अविच्छेदवसेन उपत्थम्भेन्तोव जनेतीति उपत्थम्भनभावोव आहारभावोति । तत्थ कबळीकारो आहारो रूपकायस्सेव उपत्थम्भको, सेसा तयो रूपारूपकायस्स । न केवलज्हि ते नामधम्मानमेव अविच्छेदहेतुका, अथ खो पटिसन्धियं कटत्तारूपानं, पवत्ते चित्तजरूपानम्पि ।

तेसु तेसु किच्चेसु पच्चयुप्पन्नधम्मोहि अत्तानं अनुवत्तापनकसङ्घातआधिपच्चट्टेन पच्चयो **इन्द्रियपच्चयो** । अधिपतिपच्चयधम्मानज्हि पवत्तिविनिवारके अभिभवित्वा पवत्तनेन गरुभावो अधिपतियट्ठो, इन्द्रियानं पन दस्सनादिकिच्चेसु चक्खुविज्जाणादीहि, जीवने कम्मजरूपेहि, अरूपधम्मोहि च जीवन्तोहि सुखितादिभावेसु सुखितादीहि अधिमोक्खपग्गहउपट्टानाविकखेपप्पजाननेसु “अनज्जातं जस्सामी”ति पवत्तियं आजानने, अज्जाताविभावे च सद्धादिसहजातेहीति एवं तंतंकिच्चेसु चक्खादिपच्चयेहि धम्मोहि चक्खादीनं अनुवत्तनियतामत्तं इन्द्रियानं आधिपच्चट्ठोति अयमेव तेसं विसेसो । **रूपसत्तक-**ग्गहणेन चक्खादीनि पञ्च, इत्थिपुरिसिन्द्रियद्वयञ्च दस्सेति । जीवितिन्द्रियं पन अरूपजीवितिन्द्रियेन सद्धिं एकतो कत्वा **जीवित-**ग्गहणेन गहितं । एवज्हि द्वावीसति इन्द्रियानि होन्ति । “अनादिमति संसारे अनज्जातं असच्छिकतं चतुसच्चधम्मं, निब्बानमेव वा जस्सामी”ति पवत्तस्स इन्द्रियं **अनज्जातज्जस्सामीतिन्द्रियं**, पठममग्गजाणं । आजानतो पठममग्गेन दिट्ठमरियादं अनतिककमित्वा जानतो इन्द्रियं **अज्जिन्द्रियं**, सोतापत्तिफलतो याव अरहत्तमग्गा छसु जाणं, अज्जाताविनो चतूसु सच्चेसु परिनिट्ठितकिच्चस्स इन्द्रियं **अज्जाताविन्द्रियं**, अरहत्तफलजाणं । पठमं परियायतो इन्द्रियत्तं सन्धाय रूपसत्तक-ग्गहणेन गहेत्वापि पुन कथञ्चि उपकारकत्ताभावतो इत्थिपुरिसिन्द्रियानं एत्थ अग्गहणं दस्सेतुं “**तेसू**”तिआदि वुत्तं । तानि हि येभुय्येन लिङ्गादीहि अनुवत्तियमानानिपि पच्चयभावतो नानुवत्तीयन्तीति वुत्तोवायमत्थो ।

आरम्मणूपनिज्झानलक्खणूपनिज्झानवसेन उपगन्त्वा आरम्मणनिज्झानं ज्ञानपच्चयता, सो च वितक्कादीनमेव आवेणिको सभावोति आह “**ज्ञानपच्चयो**”तिआदि । ते पन पटिसन्धियं कटत्तारूपानं, पवत्ते चित्तजरूपानं, उभयत्थ नामधम्मानञ्च पच्चयाति दट्ठब्बं ।

सुगतितो, दुग्गतितो, कुसलतो, अकुसलतो वा निव्यानट्टेन सहजातानं उपकारकता मग्गपच्चयता, सा च सम्मादिट्ठादीनन्ति आह “**मग्गपच्चयो**”तिआदि । **सङ्कप्प-**ग्गहणेन सम्मासङ्कप्पं, मिच्छासङ्कप्पञ्च दस्सेति । एवं सेसेसुपि । मिच्छासङ्कप्पादयो हि अपायमग्गङ्गा, मिच्छासतिमिच्छावाचादयो चेत्थ तथापवत्तचित्तुप्पादा, चेतना च, अयम्पि ज्ञानपच्चये वुत्तानमेव पच्चयुप्पन्नानं पच्चयोति दट्ठब्बं ।

परमत्थेन भिन्नानाम्पि एकीभावगतानं विय एकुप्पादादिभावसङ्घातसम्पयोगलक्षणोपकारकता सम्पयुत्तपच्चयता, सा च नामधम्मानमेव, न रूपधम्मानन्ति आह “सम्पयुत्तपच्चयो”तिआदि।

अञ्जमञ्जसम्बन्धताय युत्तानाम्पि समानानं विष्पयुत्तभावेन विसंसद्वृत्ताय नानत्तूपगमनेन उपकारकता विष्पयुत्तपच्चयता, सा च वत्थूनं, चित्तचेतसिकानमेव वाति आह “विष्पयुत्तपच्चयो”तिआदि। छ वत्थूनि हि सत्तन्नं विज्जाणानं यथारहं पटिसन्धियं, पवत्ते, चित्तचेतसिका पटिसन्धियं कटत्तारूपानं, पवत्तियं चित्तसमुद्धानानञ्च विष्पयुत्तपच्चयो। वत्थुपुरेजातानीति इदं चक्खादिवत्थुवसेनेव वुत्तं, हृदयवत्थु पन पटिसन्धियाम्पि पच्चयभावतो सहजातम्पि लब्धति। वुत्तम्पि हेतं अब्याकतपदस्स सहजातविभङ्गे “पटिसन्धिकखणे विपाकाब्याकता खन्धा कटत्तारूपानं, खन्धा वत्थुस्स, वत्थु खन्धानं विष्पयुत्तपच्चयेन पच्चयो”ति। तथा पच्छाजाता चित्तचेतसिकाति च चक्खुविज्जाणादिवसेनेव वुत्तं, “सहजाता कुसला खन्धा चित्तसमुद्धानानं रूपानं विष्पयुत्तपच्चयेन पच्चयो”तिआदिवचनतो (पट्ठा० १.१.४३४) पन सहजातापि लब्धन्ति। एवञ्च कत्वा वुत्तं अट्टकथायं “विष्पयुत्तपच्चयो सहजातपुरेजातपच्छाजातवसेन तिविधो”ति। अयं पन रूपधम्मो समानो रूपधम्मस्स पच्चयो न होति सम्पयोगासङ्काय अभावतो।

येसज्झि नामानं चक्खादीनं अब्भन्तरतो निक्खमन्तानं विय पवत्ति, रूपानञ्च नामसन्निस्सयेनेव उप्पज्जमानानं सम्पयोगासङ्का होति, तेसमेव विष्पयुत्तपच्चयता वुत्ता। रूपानं पन रूपेहि सासङ्का नत्थि, वत्थुसन्निस्सयेनेव च जायन्तानं नामानं विसयमत्तं आरम्भणन्ति तेनापि तेसं सम्पयोगासङ्का नत्थि। पच्चुप्पन्नसभावेन अत्थिभावेन तादिसस्सेव धम्मस्स उपत्थम्भकत्तेन उपकारकता अत्थिपच्चयता। सतिपि हि जनकत्ते ठितियंयेव सातिसयो अत्थिपच्चयानं व्यापारोति उपत्थम्भकता तेसं गहिता, ते च रूपजीवितिन्द्रियादीनेवाति आह “अत्थिपच्चयो”तिआदि। रूपजीवितिन्द्रियज्झि कटत्तारूपानं, कबळीकाराहारो इमस्स कायस्स, आरम्भणपुरेजातानि चित्तचेतसिकानं निस्सयपच्चये वुत्तधम्मा, तत्थेव वुत्तपच्चयुप्पन्नञ्च अत्थिपच्चयो। निस्सयपच्चये वुत्तधम्माति च वत्थुरूपमहाभूतचित्तचेतसिकानं धम्मसामञ्जेनेव गहणं, न निस्सयपच्चयभावीनंयेव। पच्छाजातानाम्पि चित्तचेतसिकानं पुरेजातस्स कायस्स पञ्चावारे पच्चयभावेन निद्विद्वत्ता। एत्थ च अत्थिभावाभावेन अनुपकारकानमेव अत्थिभावेन उपकारकताय अत्थिपच्चयताभावतो नत्थि निब्बानस्स सब्बदा भाविनो अत्थिपच्चयता, उप्पादादियुत्तानं वा नत्थिभावोपकारताविरुद्धो उपकारकभावो अत्थिपच्चयताति न तस्स तप्पच्चयत्तप्पसङ्गो।

नत्थिपच्चयोतिआदीसु अनन्तरतामत्तेन, चित्तनियामकभावेन वा उपकारकता अनन्तरपच्चयता। एकस्मिं फस्सादिधम्मसमुदाये पवत्तमाने दुतियस्स अभावतो अत्तनो ठितिया ओकासमलभन्तानं अनन्तरं उप्पज्जमानकचित्तचेतसिकानं ओकासदानवसेन उपकारकता नत्थिपच्चयता। अत्तनो सभावाविगमेन अप्पवत्तमानानं विगतभावेन उपकारकता विगतपच्चयता। अत्थतो पन द्विन्मि अनन्तरपच्चयभावीधम्मत्ता अविसेसो वुत्तो। सभावतामत्तेन उपकारकता अत्थिपच्चयता, निरोधानुपगमनवसेन उपकारकता अविगतपच्चयताति पच्चयविसेसो तेसं धम्माविसेसेपि वेदितब्बो। धम्मानज्झि समत्थताविसेसं सब्बाकारेन जत्वा भगवता चतुवीसतिपच्चया देसिताति भगवति सद्भाय “एवं विसेसा एते धम्मा”ति सुतमयजाणं उप्पादेत्वा चिन्ताभावनामयजाणेहि तदभिसमयाय योगो करणीयो। अविसेसेपि धम्मसामत्थियस्स तथा तथा विनेतब्बपुग्गलानं वसेन हेट्ठा वुत्तोपि पच्चयो पुन पकारन्तरेन वुच्चति यथा अहेतुकदुकं वत्त्वापि हेतुविष्पयुत्तदुकं वियाति दट्ठब्बं।

यस्मा महाभूता अञ्जमञ्जं, उपादारूपानञ्च सहजातपच्चया, महाभूता अञ्जमञ्जं अञ्जमञ्जनिस्सयपच्चया, उपादारूपानं निस्सयपच्चयाव, कबळीकारो आहारो इमस्स कायस्स आहारपच्चयो, महाभूता अञ्जमञ्जं, उपादारूपानञ्च जीवितिन्द्रियं कटत्तारूपानञ्च अत्थिअविगतइन्द्रियपच्चया, तस्मा वुत्तं “रूपं रूपस्स...पे०... सत्तधा पच्चयो होती”ति ।

रूपं अरूपस्सातिआदीसुपि हेट्ठा वुत्तपच्चयुप्पन्नधम्मे सुट्ठु उपलक्खेत्वा पच्चयो योजेतब्बो । रूपं रूपारूपस्साति नत्थीति इदं सहजातपच्चयभूतम्पि रूपं रूपारूपद्वयस्स पच्चयभावेन अनागतन्ति कत्वा वुत्तं ।

सब्बेसं पच्चयानं आरम्भणपच्चये उपनिस्सयपच्चये, सहजातनानक्खणिकचेतनाय कम्मपच्चये, सहजातपुरेजातपच्छाजातादिभेदस्स अत्थिपच्चये च समोधानतो सब्बेपि पच्चया सङ्खेपतो चतुब्बिधायेवाति दस्सेन्तो आह “सब्बे पनिमे”तिआदि ।

इति अभिधम्मत्थविकासिनिया नाम

अभिधम्मावतारसंवण्णनाय

पच्चयनिद्वेसवण्णना निट्ठिता ।

निगमनकथावण्णना

१४००-२. सब्बधम्मेषु अप्पटिहतगतिताय सुन्दरा मति इमस्साति सुमति, तस्स सुमतिस्स भगवतो मतिविचारं जाणचारं बोधेतीति सुमतिमतिविचारबोधनो । विरुद्धा मति येसं ते विमतिनो, विरुद्धा मतीति च विरुद्धदस्सनन्ति अत्थो । तेसं विमोहं विनासेतीति विमतिविमोहविनासनो । यतो यस्मा नामतो सुमतिना भिक्खुना मानतो बहुमानेन आयाचितसम्मानतो आयाचितो हुत्वा सम्मा अवनतो सदायेव मतो अयं, ततो तस्मा मया रचितो अभिधम्मावतारो । तथा हि भावना साधूनं सम्भावना हितविभावना हितप्पकासनतो सदा तोसदाति योजना ।

१४०३-१४. अयुत्तं वा विरुद्धं वाति एत्थ “अट्ठकथाय विमुखभूतं अयुत्तं नाम, पाळिया विमुखभूतं विरुद्धं”न्ति वदन्ति । ब्यप्पथानन्ति च वाचनामगानन्ति अत्थो । तिविधाति एको ब्यप्पथो सद्वसम्पन्नो, न अत्थसम्पन्नो, एको अत्थसम्पन्नो, न सद्वसम्पन्नो, एको उभयसम्पन्नोति तिप्पकाराति अत्थो । हितमेव अत्थोति हितत्थो, तं अत्तनो कामेतीति हितत्थकामो । असंकिण्णकुलाकुलेहि असम्भिन्नकुलेहि संकिण्णे । केलासोयेव सिखरोति केलाससिखरो, सो हि हिमवतो चतुरासीतिया कूटसहस्सानं पामोक्खो रजतमयो महासिखरो । तदाकारेहि सब्बसेतेहि पासादेहि पटिमण्डितत्ता केलास...पे०... मण्डितो । कण्हदासेनाति एवंनामकेन उपासकेन । पाचीनपासादेति पाचीनदिसाभागसन्निस्सिते पासादे । अयन्ति अयमभिधम्मावतारो ।

निट्ठितायं अभिधम्मत्थविकासिनी नाम

अभिधम्मावतारसंवण्णना ।

निगमनकथा

१. रम्मे पुलत्थिनगरे नगराधिराजे,
रज्जा परक्कमभुजेन महाभुजेन ।
कारापिते वसति जेतवने विहारे,
यो रम्महम्मियवरूपवनाभिरामे ॥
२. सम्पन्नसीलदमसंयमतोसितेहि,
सम्मनितो वसिगणेहि गुणाकरेहि ।
पत्तो मुनिन्दवचनादिसु नेकगन्थ-
जातेसु चाचरियतं महितं विदूहि ॥
- ३.. जाणानुभावमिह यस्स च सूचयन्ती,
संवण्णना च विनयट्ठकथादिकानं ।
सारत्थदीपनिमुखा मधुरत्थसार-
सन्दीपनेन सुजनं परितोसयन्ती ॥
४. तस्सानुकम्पमवलम्बिय सारिपुत्त-
त्थेरस्स थामगतसारगुणाकरस्स ।
यो सासने जिनवरस्स रतिं उळारं,
पप्पोति नन्दिपरिवेणनिवासवासी ॥
५. स साधयं सोतुहितं अनप्पकं,
सुमङ्गलोदीरितनामविस्सुतो ।
अकाभिधम्मत्थविकासिनिं इमं,
पकासयन्तिं मधुरत्थसम्पदन्ति ॥

अभिधम्मावतारटीका समत्ता ।